

L A M I N D I
P R I T A N I I
D E I N G E N I O R U M
M O D E R A T I O N E
I N R E L I G I O N I S N E G O T I O ,

Ubi quæ Jura, quæ Frena futura sint Homini Christiano
in inquirenda & tradenda Veritate, ostenditur:
Et Sanctus AUGUSTINUS vindicatur a multiplice censura JOANNIS PHEREPONI.
EDITIO NOVISSIMA AB AUCTORE RECENSITA ET AUCTA.

A C C E S S E R U N T

- I. Ipsius Auctoris EPISTOLA, qua Editio prima Parisiensis interpolata notatur.
- II. Ejusdem ELOGIUM a Viro Clariss. JACOBO FACCIO LATO adornatum.
- III. Operum CATALOGUS digestus, atque criticis Observationibus expolitus.
- IV. Denique NOTAE, quibus aliquot in locis hocce Opus illustratur.


C U R A N T E
A N D R E A G R A N D O R G A E O .



V E N E T I I S , M D C C L I I .

Typis JOANNIS BAPTISTÆ PASQUALI.
CUM APPROBATIONE, O^o PRIVILEGIO.

2666



VIRO ILLUSTRISSIMO D: D.

JOANNI PAULO BIGNON,
ABBATI SANCTI QUINTINI,

REGALIS ET COLLEGIALE S. GERMANI ANTISSIODORENSIS

DECANO,

COMITI CONSISTORIANO,

Utriusque Academæ Inscriptionum & Scientiarum Præsidi, &c.

P R A E F A T I O .



NTE aliquot annos ad umbilicum mihi perductus est meus iste de Ingeniorum Moderatione Liber. Cur is tamdiu apud me dormierit, & tam sero in lucem prodeat, non optimum Horatianum consilium in causa fuit, sed exemplaris diu vagi, ac tamdem deperditi, nonnullorumque aliorum eventuum series, in quibus explicandis non est cur ego Lectores molesta & fortassis inutili narratione detineam. Illud quidem, & alta voce, mihi prodendum, nempe tua unius humanitate, ILLUSTRISSIME & CLARISSIME VIR, denique factum, ne Liber iste adhuc dormiat, atque delitescat. Felices temporibus nostris Litteræ, quæ LUDOVICUM MAGNUM Galliarum Regem habuere Patronum, ejusque liberalitatem adeo sensere, ejusque auspiciis tantum crevere, ut nulla umquam ætas oblitura sit magnaniam curam consiliumque optimi Regis. Sed non minus felices, quod Te idem Princeps, eximius ingeniorum æstimator, constituerit Regiæ Scientiarum & Artium Academæ Præfectum, quo in munere nulli labori, nulli diligentia pepercisti, ut in integrum Regnum, immo extra ipsius Regni fines propagaretur Disciplinarum omnium utilitas, & curaretur incrementum. Propterea & me, licet longe positum, tua beneficia invenerunt, quorum postremum non est, mea hæc, qualiacumque sint, e tenebris tamdem erecta emergere in publicum diem. Nulli igitur sequius quam Tibi meum hujusmodi scutum dicatum velim, quo si non eruditio, certe mei erga Te grati animi monumentum aliquod apud posteros existat. Sed priusquam Te ac Lectores deducam in argumentum mihi suscepimus, juvat nonnulla præfari, originem & scopum Libri ipsius apertura.

Jam fluxere aliquot anni, ex quo coepi sunt in Officinis Batavis preclo iterum committi, vulgarique per totam fere Europam præclarissimorum virorum Libri, quorum exemplaria rarissima aut frustra conquirere, aut magno redire necesse jam erat. Et magnopere quiderit, fateor, mihi suum consilium ille probaverat, qui non eam tantum Typographis Amstelodamensibus injeicerat mentem, sed & suam conferebat operam, ut si non omnibus purgata mendis, elegantissime saltem omnia formis æneis rursus describerentur. Nam cur

P R A E F A T I O .

cur hujusmodi beneficium , in aliquod bonarum Artium commodum , & in Eruditorum utilitatem cedens , non amem & laudem a Batavis profectum , laudaturus & amaturus in nostris ? Verum non heic stetit ejusmodi cura ; quippe nonnullis optimis Libris apposita quædam facinæ fuere , seu Notæ Censoriae , non parum quandoque fellis & veneni continentes , dum lucis præferenda alienis tenebris , aut errordum tollendorum unica prætextitur causa . Qua in re quam modica interdum modestia ratio fuerit habita , ipsa quæ Religionis sacraria impedita fuerint : utique dicendum , pro beneficio levi Scriptoribus nuper editis injuriam gravem esse illatam ; & quod est ad Catholicæ saltem Professionis viros , male de iis meritum fuisse Censori hu-jusmodi .

Omnium autem vice memorandæ mihi sunt *Animadversiones* , quas ille sub ementito Joannis Phereponi nomine in *S. Augustini Opera* , ann. 1703. Antwerpia , sive Amstelodami evulgavit . Quanta , & quam justa hoc usque nomini , & ingenio & pietati sanctissimi hujus viri existimatio & veneratio accesserit , tot seculorum auctoritate , & tot Scriptorum non Orthodoxæ solum , sed & Heterodoxæ Familiae consensu firmata , nemo est nescius . Augustini doctrinæ assurgebant , assurgunt adhuc fere omnes , contendentibus hinc nobis , inde Protestantibus , suffragio tanti Magistri positas tueri sententias . Quando alicui placuit & satius visum est ab Augustini mente recedere , id certe ita factum , ut nequaquam ejus fama ac scientia in reliquis sententiis officeretur . Qui vero exuto pudore omni dejicere Augustinum de acquisiti splendoris & dignitatis culmine conati sunt , nihil minus quam temerarii hucusque habiti . At nulla res Phereponum deterrere potuit , quominus Augustino diem diceret , atque in illum impune debaccharetur contumelias & flagris . Non illius dicta quædam , non aliqua tantum sententia per ipsum improba , sed generale Augustini gloria indicium est bellum , nihilque prætermissum , quo cum illius ingenio , si Superis placet , sophisticum , & captiosum , & imbecillum , tum ejus animus a malis etiam artibus quodammodo non abhorrens , atque in Religionis perniciem pæne conjuratus incautis Lectoribus exhiberetur .

Atque hinc Proborum atque Eruditorum querelæ adversus Phereponum , sanctissimo Episcopo adeo insensum , simulque flocci facientem in uno Augustini contemtu tot hominum judicia Augustino faventia . Et quamquam persuadere sibi aut aliis fortasse is possit , se veritatis unius amore , quæ omnibus præferenda est , in Augustinum irruisse ; vix tamen erit , ut persuadeat , se non excessisse in eo agone modum ac moderationem honestæ Censuræ . Et minime id mirum multis visum est . Nempe famam aucupanti nulla occurrat ratio facilior , quam Censori agere , & potissimum in Scriptores diuturni temporis , ut ita dicam , auctoritate sacros . Quod enim est ad Criticos non paucos , ubi errores in magnis viris deprehendisse sibi visi sunt , tum sibi tacite gratulantur , quasi ingenio aut judicio præstantiori polleant ipsi , & aliqua saltem ex parte vincant tot ingeniorum victores . Vicissim vero , ut Tacitus ait Lib. 5. Ann. *Obtreclatio* & livor pronis auribus excipiuntur , & a Lectoribus plerisque amantur chartæ dentatae , & summorum virorum ludibria . Nam interdum quidem Censura aliena judicio nostro prodest , semper autem nostræ ambitioni blanditur , quippe depressis proceris arboribus , vel ipsa virgulta sibi crescere confessim videntur . Quid , si cum celebratissimi Auctoris Operibus Censura ipsa conjugatur ? Tum profecto certissimus ad famam captandam Censori est gradus ; velint enim , nolint , si Libros illos comparare sibi Eruditæ in anigum inducant , auctarium quoque eman-

PRÆFATIO.

oportet, & hominem noscant inclarescentem ex inimicitia magnorum viro-

rum.
Quod est ad me, ut primum in manus meas Phereponi Opus pervenit, illudque legi; non potui, fateor, quin improbare, simulque dolerem confi-
xiri ac laborem Scriptoris adeo confidentis. Neque sane is ego sum, qui in
Artem Criticam odio ullo ferar. Immo ipsam tamquam necessarium eruditum
hominis ornatum plurimi facio, ejusque scientiam, rectumque usum in
aliis suspicere, mihi vero optare non desino. Loquor de Arte illa, cuius ope
ac regulis in re Litteraria vera a falsis, recta a pravis dijudicamus, & quæ
omnium fere Artium atque Scientiarum ita comes esse debet, ut sine illa ad
perfectionem vix assurgete valeant; non quæ cum satyra atque obrectatio-
ne confusa, nostris temporibus molesto nomine traduci solet apud ignarum vul-
gus. Id etiam præ oculis mihi possum, Religionis diversitatem causam esse
non debere, ut nobis Censura quævis continuo displiceat. Solent autem non-
nulli sine discrimine fastidire ac improbare, quidquid ab alienæ Religionis ho-
mine scribitur, atque illis perinde est Librum aversari, ac nomen Auctoris
Acatholici novisse. At mihi impia quidem Hæreticorum dogmata perpetuo
displiceant; sed numquam displiceat Veritas vel in Hæreticorum ore. Num-
quid enim quæcumque ab Heterodoxis dicuntur, ea omnia continuo pro fal-
lis ac impiis habenda? Præterea ne eo quidem nomine Pherepono succen-
dum, quod is male sanctum Augustinum habuerit, virum nempe illum, cu-
jus fama neque laudibus crescere nostris, neque alieno labore immixui jam
queat. Quamquam enim Augustinum supra quamplurimos Ecclesias Catholicae
Patres veneremur, supra illum tamen Veritatem esse colendam constat. Ni-
mirum sancti Patres, sigillatim sumti, potius testes quam Magistri Veritatis
sunt appellandi; & si quidem Magistros appellare placet, numquam tamen
eos falli nefios reputabimus. Quare si stet a Censore Veritas, cur illi irasca-
mur, nos, & Augustinum meliora docenti? Unum ergo fuit, quod Pherepo-
nianum Opus ingratum mihi fecit, nempe Veritas, ut mihi videbatur, atque
videtur, ab ipso interdum oppugnata, interdum etiam exagitata & onerata
conviciis. Cum vero injuria Veritati uni illatae palam, ad omnes pertineant
Veritatis amantes; & obsistendum sit morbis pejora minantibus: hinc mihi
natum consilium texendæ Apologiae, qua consulerem tum Augustini famæ,
tum Veritati lacepsitæ.

Sed ne heic quidem consistendum mihi arbitratus, in ampliorem agonem
sensim petractus sum, cuius rationes significatum nunc pergo. Ut nemo non
videt, atque ab experientia edocemur, esse potest, immo saepe est, Critice,
alioqui laudabilis atque utilissimæ Artis, perversus usus; & quemadmodum
Medicina, Eloquentia, Dialectica, atque aliae Artes Dei immortalis mune-
re hominibus datæ, nocere interdum solent, non sua, sed abutentis culpa;
ita hominum vitio Veritati nonnumquam officit Critica, quamquam in ipsis
præcipue Veritatis præsidium excitatæ. Et sane dum Litterarum studiosus
laxatis habenis ad inquisitionem Veri se confert, nullumque ambitioso inge-
nio limitem præscribit: quid mirum, quod tot ac tam pertinaces Hæreses at-
que errores sobolescant, latiusque serpent in dies? Qua de re tandem dolen-
dum magis est nobis, solicitude esse debemus, quam de Augustini fortuna.
Neque contumeliose agam in tot populos ab Ecclesia Catholica eorum matre
per tererrimum Schismæ hucusque divisos, si dixerim, nullam aut antiquitus
excitatam fuisse, aut excitatam nunc posse Opinionem perversam atque im-
piam, cuius non sit, aut fuerit apud illos Patronus aliquis, ac superbissimus
Prætor. Non id quidem, inquit ipsi, vertendum est vitio Reipublicæ. Ve-

rum,

P R A E F A T I O.

rum, quando sentire quæ velis de Fidei dogmatis, & Veritatem inquirere, nullis adhibitis salutaribus frenis, aut licet, aut impune apud eos licet, aut saltē ex eorumdem sententia licuit suarum Sectarum Conditoribus; & quum ex iis nunc nemo sibi minus, quam oī: Luther & Calvin, licere credat, ac velit: cur tanta licentia, tantorumque malorum non postulemus ipsam quæcumque Protestantium Rempublicam?

Integram tamen hanc pessimam gloriam non occuparunt Acatholici. Numerare & nos possumus naufragia in pelago nostro. Ut enim quisque ingenii viribus supra vulgus pollere se sentit, tum cupidine laudis abreptus consentire opinionibus cum Eruditorum vulgo vile dicit, moleste fert atque recusat, omnemque spem gloriae collocat in sola novitate doctrinæ. Ac etiam si id genus hominum eo usque non prolabatur plerumque, ut ab arce Fidei & Ecclesiae Catholice deficiat: plurimæ tamen turbæ eorum audaciam consequi solent, a quibus abstinere viro prudenti expedit, & probo sit necessarium. Quæ quum ita sint, nullo negotio intelligimus, quale onus & cura amatoribus veræ Sapientiae incumbat: nimis non tam Scientia querenda, quam Scientiæ modus ac terminus. Si enim hos negligimus, veram quidem Scientiam semper investigabimus, raro inveniemus. Et quoniam in Religionis negotio nostra potissimum versatur oratio, quippe in eo sita est Christianæ Vitæ summa, eoque tendere debet Disciplinarum omnium postrema linea: heic insistendum est, heic erudiendus est animus, atque in primis intelligentum, quæ sint inquirendæ Veritatis confinia, & quæ adhibenda sit in tanta re *Ingeniorum Moderatio*. Quare impetrare tandem a me non potui, quin ad recolendas eas regulas me conferrem, quas a Pherepono contemtas potius quam ignoratas doleo, & quas perpetuo ante oculos sibi sistant ceteri Eruditi necesse est, si volunt in officio continere intemperantia ingenia, & ad Veritatis sacraria tutissime, ac sine periculo famæ aut animæ, contendere. Has autem leges dari, & sidentur, omnino discendas ac servandas nemo neget. Qualem enim secundum exitum exspectemus a studiis nostris, & ab anxia inquisitione Veritatis, nisi ante omnia sit exploratum, quoisque meditationis nostræ conatus progredi debeat, & ubi consistendum sit ingenii plerumque ambitionis? Tolle istas leges, aut flocci pende: senties *Artem Criticam* non minus perniciosem quam gladios, morborum quidem curatores in Medici prudentis manu, at in furiosi hominis funerum autores. Igitur hujusmodi consideratio in causa fuit, cur suscepserim de *Ingeniorum Moderatione in Religionis negotio utilissimam*, quantum mihi videtur, disputationem; quam utinam pro merito suo, & apposite ad nonnullorum indigentiam pertractare possem.

Sed ne tanto quidem spatio meus animus contentus esse aut potuit, aut debuit. Irascerentur mihi non pauci, quasi compedes novos excogitarem, novaque vincula ingenii injicerem, quando jam tot injecta videntur, ut de veteribus potius minuendis, quam de novis adjiciendis cogitandum foret. Quorsum enim (insursum mihi in aurem Catholicæ quidam) tu inter nos commendare, diligenterque suadere *Moderationem Ingeniorum*, non solum legibus bene multis in Ecclesia Catholica constitutam, sed etiam (& fortasse ultra quam vellemus) diversis rigidisque penis procuratam? Si quid apud nos peccatur, nihil minus peccatur, quam sentiendi & scribendi licentia. Contra vero quum ingenia interdum erumpere præ metu non audeant, & ab amplificando Regno Eruditionis & Veritatis nimium cohiberi videantur: cur non potius de *Ingeniorum Libertate instituitur sermo*? Cur memorantur frena, quibus calcaribus est opus? Atque haec quidem e Catholicorum parte audire mihi videor. Tum longe gravioribus querelis ac dictariis nobis insultaret Protes-

stan-

P R A E F A T I O .

stantium Chorus. Nam quid, rego, illis tam familiare est, quam aut dolere, aut ridere Catholicorum sortem in Litteris excolendis, & in sententiis de Religione proferendis, plane, ut ii arbitrantur, abjectam atque infelicem? Nos & filii evasisse vilia mancipia passim clamant; supremos vero Ecclesiae Pastores tyrannidem usurpare in ingenia, in conscientias; neque ferendam inertiam nostram, ut neque eorum crudelitatem. Plura ante paucos annos effeciat in hanc rem Joannes Alphonsus Turretinus Academie Genevensis Reator Oratione edita. Postquam multis ille contendit, ne umbram quidem apud nos esse Libertatis, haec addebat. *Et unde fieri existimatis, ut tot tangentiae Europe gentes, quibus tamen nec calum inclemens, neque noverca est natura, nihil sere bona frugis ad Litterarum augmentum proferant, nisi quod immane illud Inquisitionis Tribunal, vel Inquisitionis amula Leges, omnem plane vim, omnem industrie conatum frangant?* Contra, unde fit, ut non alibi plura ibi majori tum corpora, tum ingenia libertate utantur? Etenim quis Litteras promovet, quis veritati querendi incumbat, quis inventam publicare aust, dñe pro laudibus convicia, pro commendatione dedecus, pro mercede penas ac supplicia suis laboribus parata videt, si vel tantillum a calcato tramite recedere sustinuerit? Et quis erit, qui suadeat (ut scire Darius apud Curtium Lib. 3.) si suassisse perculum erit?

Ita ille, ita reliqui ejusdem gregis. Quorum quidem querelas, si in hoc Opere dissimulare velimus, & eorum confirmabitur sinistra de nobis opinio, & ipsam Veritatem ingenti beneficio fraudabimus. Sunt sua non Veritati minus, quam Ingeniis jura inter homines, quae bene nosse ac tueri ad neminem magis pertinet, quam ad Catholicos vitos. Jus autem inquirendi Veri, & palam enuntiandi a natura nobis insitum, omniumque Majorum exemplo atque auctoritate commendatum, latissime patet, neque a nobis sine injuria negligi potest. Quamvis enim ab immoderata inquisitione Veri, multa in Ecclesiam Dei manarent incommoda, quibus præcipue occurrentum est hac nostra lucubratione; ea tamen vicissim, atque adeo evidentia bona sunt, quae quotidie importat moderata, vereque Christiana inquirendi Veri libertas, ut non segnius ad hanc laudandam, & populis suadendam, quam ad illam incusandam, atque e medio tollendam, sit incumbendum. Et mea quidem sententia, si bonarum Litterarum augmentum, si Christianæ Philosophiæ, atque Ecclesiæ dignitatem amamus, continuo intelligere possumus, quanti nostra intersit; cum nos & reliquos omnes incitare ad cultum scientiamque cuiuscumque honestæ Veritatis, tum etiam probe noscere, quoisque, & quomodo, & quando, aut liceat, aut expediatur, aut etiam necesse sit Veritatem investigare, atque proferre. Quamobrem, quamquam facilius sit animo concipere utilitatem hujusc argumenti, quam rem ipsam deinde perficere: attamen dabo operam, ut quantum ego meditatione assequi potero, jura & fines inquirendi Veri explicitur. Scilicet pro virili parte efficiam, ut honesta ineatur naturali Ingeniorum Libertati cum Christiana Moderatione concordia, ne, dum nimis priorem constringimus, animi generosi, & ad Artes ac Veritatem illistrandam proni languescant; aut dum alteram contemnimus, effrenata mentium libido susque deque vertat beatissimum Veritatis regnum & Ecclesiam Dei vivi, quae columna est, & firmamentum veritatis.

Augustino autem, qui primus meæ menti obversabatur, meque in has cogitationes impulit, suis identidem ac præcipue in Lib. III. locus erit, ubi illius defensionem suscipiam contra Phereponum; sed ita ut in me recipere nullam respondere siogulis Phereponianæ Censuræ Capitibus. Sunt ibi minuta

quæ-

P R A E F A T I O.

quædam, quæ si refellere velim, sim temporis prodigus. Sunt etiam alia quædam pauca; in quibus me non litoris quidem communione, sed amore veritatis, Censori ipsi tacitus adjungam. Quotus enim quisque est, qui non aliquando fallatur, nisi divino peculiari afflatu mentem manumque scribentis regat Veritatis magister Deus? Erat Augustinus ad miraculum usque acutissimo ingenio instructus: at homo erat. Cum eximia Litterarum peritia conjuxerat ille præcipuum Pietatis studium: at homo erat. Quare non est cur mirerur, si aut interdum dormitanti, aut etiam vigilanti exciderit aliquid quod libentius excuses, quam probes. Verum quæ in illo notanda videantur, ejusmodi non sunt, ut vel tantillum gloriam incomparabilis viri minuant; multo que minus Catholicæ Veritati obsint. In reliquis autem majoris momenti quæstionibus, ubi ad dicendam causam, & ad ferulam subeundam Augustinum Phereponus trahit, vires mihi opto, & porro illas a Deo optimo maximo enixe peto, quibus cum Augustinum, tum Ecclesiam ac Veritatem a Pherepono vindicem. Qua in re illud mihi in votis est, ne qua in Phereponum ipsum ira, ne qua in Augustinum assentatio, me ab officio deducat honesti ac sinceri Scriptoris. Quod si forte contingat, ut videar interdum asperius quam velim exceperisse Phereponum, non hominis odio id factum fuerit, sed ardore protegendi Veri, quod ab eo læsum non paucis in locis demonstraturum me esse confido. Nam etsi illius consilium in rigide insectando, contemnendoque Augustino minime probem, & ejus sententias, in quibus a Catholicæ Religione dissentit, vehementer exhorream; ejus tamen eruditio & ingenium aliunde etiam mihi nota non aspernor, (* eaque) & ego, si res posceret, laudaturus essem candidissimo judicio.

Atque hæc sunt, BIGNONI PRÆCLARISSIME, quæ in hunc Librum jam tuum, quia tuo nomine inscriptum, præfari opportunum duxi. Nunc restat, ut ejus Auctorem Tui obsequentiissimum, Tibique fausta omnia e Cælo precantem, perpetuo ames, ut facis, tuoque patrocinio dignari pergas. Vale.

Dabam Mutinæ IV. Kalend. Novembr. M. DCCXII.

Al. cuius specimen.

DE

ANDREAE LUGIATO

Presbytero Congregationis Oratorii Veronensis,

Viro Clarissimo atque optimo inter Amicos,

ANDREAS GRANDORGAEUS

S. P.

Si lubens umquam calamum sumsi, iam sumo; ut quam te amem morum causa, quam aestimem eruditionis, publice innotescat. Ego equidem ex quo primum te novi, dulcissime *Lugiate*, impense dilexi, & nunc impensisus diligo singulari quodam studio ac benevolentia; quin & adde, sis, observantia: quae profecto amicitiae officia me tibi debere sancte profiteor cum ob doctrinae litterarumque affinitatem, tum in primis ob egregias animi tui dotes, quibus captus tibi quam arctissime obstringor. Memini enim, & meminitisse placet, suavissimae illius consuetudinis qua proxime transactis autumnalibus feriis ad quadraginta dies uterque nostrum mire sumus allecti: quod quidem tempus ruris secessu & amoenitate duandi dulciter fallebamus, vel privatim sermonibus eruditis intenti, vel die multo, inambulando simul & colloquendo. Ad haec deinde accessit societas longe gratissima Nobilis viri Marchionis *Ludovici Salaei*, ingenuarum artium studiis liberaliter perpoliti; quod sane in illius ordinis hominibus vix hac aetate reperiatis. Huius itaque viri necessitudine, nobiscum omnibus officiis coniunctissimi, uterque nostrum incredibiliter delectabatur; adeo ut suis plane egregiis dotibus nos, & quos non? sibi arctissimi amoris nexus devinxerit: vivam enim ipse referebat imaginem *Jacobi Praemonstrati V.Cl.* mihi olim eleganter expressam a doctissimo *Huetio* (1); cui nimirum magna inerat praestantia ingenii ac vis, praeclara & lhero homine digna eruditione exculta; nec non morum candor eximus, & facili quadam comitate temperata gravitas, atque retinendis amicitiis fides propemodum singularis. Verum postquam annua valetudine defessus ac paene confessus, intermissis curis studiisque gravioribus, semestri otio aliquammulum animum refecisset; in patriam tandem ad coepita maturanda redire iussus, a Nobilissimo *Salaeo* discedere cogor, quocum mihi sex ipsos menses summa intercesserat familiaritas; atque a te quoque oculissimo Amico aegre admodum divulsus, domum rever-

a 2

tor.

(1) *Huet. de Interpret. lib. 1. cap. 1.*

tor. Ubi pedem in cubiculum intuli, tunc vero mecum ipse re-
putavi, quonam pacto suavissimae nostrae consuetudinis memoriam
non tantum regustare, sed & litteris numquam interituris consi-
gnare possem; quo nimirum animus molestis curis identidem con-
cidens, iucunda hac recordatione perpetim mansura subinde re-
creetur. Ecce autem repente mihi oblata perbella occasio. Statim
enim ac Venetias appuli, a viro mihi longe amicissimo intellexi,
brevi iterum in lucem proditurum *Lamindi Pritanii Opus De Ingeniorum moderatione*; in cuius quidem sectionem quum ferme
ab adolescentia me incumbere ipse noverit, sciscitur num tandem
aliquid operis in illud illustrandum conferre velim. Tunc enim vero
opportunitatem nactus, quod meditabar exequi statui. Agedum
illud in medium proferam, quod hoc de Opere deque illius Au-
tore compertum habeo; additurus deinde quid in ista editione cu-
randa ipse praestiterim: quod quum perfecero, quantulamcumque
hanc meam industriad sic accipias velim, Amicorum optime, velut
amoris in te mei meaeque observantiae certam tesseram, atque
dulcissimae amicitiae nostrae perenne monimentum.

Egregium itaque Opus, aetatem sane laturum, *De Ingeniorum moderatione in Religionis negotio*, prodiit primum Lutetiae Pa-
risiorum anno 1714. omniumque doctorum virorum magno cum
plausu exceptum, testantur satis editiones in Germania atque Ita-
lia saepius repetitae. Autorem Operis probe nosti Cl. V. Ludo-
vicum Antonium Muratorium, nobis, bonis omnibus & Reipubli-
cae in primis Litterariae luctuosa morte abhinc annos duos ere-
ptum.

At quem virum! quem ego viderim in vita optumum.

Quamvis autem Muratorius heic *Lamindi Pritanii* personam in-
duerit, qua contextus iam ab anno 1703. in Eruditorum scenam
primum prodierat; non adeo tamen seipsum obtexit, ut sibi asse-
rere aliquando ea scripta neutiquam posset, quae sub illo vel alio
ementito nomine interdum evulgasset: tribus enim prioribus litter-
ris cum in *LAMindi*, tum in *LAMpridii* nomine aliquot post an-
nos assumento, seipsum obscure licet, at satis indigitavit. Mirari an-
tem subit, *Actorum Lipsiensium* scriptores istiusmodi *Lamindi Opus*
recensentes (2), *Bernardum Trevisanum* Patricium Venetum sub
eius nominis umbra latitantem autumasse; cuius, inquiunt, anno
1708. *Venetis* prodisse scimus *Cogitata de exquisito iudicio O gustu*
quoad Scientias & Artes. Semel nempe iterumque errarunt ii, Vi-
ro illi alioquin illustri Opera isthaec duo egregia tribuentes, quo-
rum tamen auctorem fuisse *Muratorium* certo liquet: in quem
quidem errorem impegere, minime attendentes, *Bernardum Tre-*
visa-

(2) Supplem. Tom. VI. pagg. 506. & seqq.

vifanum cuius exstat Isagoge ad Muratorianum Opus hoc titulo praenotatum: *Riflessioni sopra il Buon Gusto nelle Scienze e nelle Arti*, satis clare sub initium seipsum a Pritanio distinxisse.

Iam vero ad argumentum quod attinet hocce in Operे Muratōrio pertractatum, non est cur tibi, mi Lugiate, quidquam praelocutus; quandoquidem Auctor praeclarissimus, quodnam fuerit scriptoris suae consilium, in Praefatione luculenter exsequitur: nisi malis, aliquid iis addi posse, quae ibidem de iniquo S. Augustini Censore, parcus fortius quam par erat, Lamindus nos edocuit. Accipe igitur primum ex ipso Muratorio, quisnam sub Iohannis Phereponi nomine lateat, quamvis minime omnium id te fugere pro certo habeam. „Ego quidem novi, inquit (3), Iohannem Clericum cum virum & eruditione & ingenio critico revera celebrem, sed licentia quoque opinandi aequa famosum; adeoque in sanctos Patres animatum, ut quum ipsum audis, alterum, immo ipsum Phereponum audire te putas”. Iam tenes ex Pritanio verum Censoris Augustiniani nomen; quod sane in toto huius Operis decursu adeo clare detectum frustra quaeras. Ergo Iohannes Phereponus ipse est Iohannes Clericus, qui ex Remonstrantium grege ad Socini familiam postea defecit. Cuius quidem hominis liberimam, quin & petulantissimam in S. Augustinum censuram, haud aequo animo ferre valens Pritanius noster, luculentam apologiam pro tanto Ecclesiae Doctore texere instituit.

Neque in suis tantum *Animadversionibus Phereponianis* ineunte hoc saeculo evulgatis, furens in S. Augustinum insurrexit Clericus; verum & iam olim in altero Opusculo Gallice inscripto: *Entreiens sur diverses matieres de Théologie*, Amstelodami edito anno 1685. & deinceps in suis *Epistolis Criticis*, & alibi passim sanctum Hippionensem Antislitem ore invidio lacepsivit. At inverecundoni Censorum acerbe satis iam carpserat emunctae naris Criticus Richardus Simonius; cuius proinde verba non te pingeat excipere, eo vel maxime heic describenda quod omnia ferme celebris huius Scriptoris Opera raro sint obvia. Sic igitur ille (4): „Mr. Simon a remarqué dans sa Critique, que St. Augustin n'a pas eu à la vérité autant d'érudition qu'Origene & St. Jérôme; mais qu'il a en quelque façon supplié à ce défaut par la force de son esprit & par la solidité de son jugement. Il ajoute de plus, que ce Pere a très-bien remarqué dans ses Ouvrages les qualités nécessaires pour bien interpréter l'Ecriture; & que comme il étoit modeste, il a reconnu librement qu'une partie de ces qualités lui manquoit. Mais il est surprenant, dit Mr. le Clerc, que ce grand génie ait pu se conduire si imprudemment, que d'entreprendre ce qu'il reconnoissoit lui-même être au dessus de ses forces, & qu'il ait osé tant parler sur l'Ecriture, dont il n'avoit qu'une

(3) *De Ingen. mader.* lib. III. cap. III. §. *Quid queso*, pag. 200. huidis edit. „très-

(4) *Réponse aux Sentimens de quelques Théologiens de Hollande*, pagg. 202.297.

„ très-médiocre connoissance. Où est cette force d'esprit & cette solidité de jugement que le Pere Simon lui attribue? Que répondroit notre Professeur Ebraïzant à Mr. Simon, s'il lui objectoit qu'il n'a fait gueres paroître d'esprit ni de jugement, en écrivant sur des matieres de Critique dont il n'a qu'une très-médiocre connoissance? Il répondroit sans doute, qu'on lui fait tort, bien qu'il fût facile de se convaincre du contraire par son Livre. Mais pour ne pas nous éloigner de St. Augustin dont il s'agit, ce savant Pere a eu raison d'avoir de bonne foi, qu'il n'avoit pas toutes les qualités nécessaires pour bien interpréter l'Ecriture; parce qu'il ne favoit pas la Langue Ebraïque, qu'il jugeoit cependant absolument nécessaire. Ses occupations continues ne lui permettoient pas aussi d'approfondir les questions difficiles de la Bible: Dira-t-on pour cela qu'il a été un imprudent, d'entreprendre ce qu'il reconnoissoit être au dessus de ses forces? L'expérience a bien fait voir le contraire, ses Ouvrages contre les Hérétiques ayant été très-utiles à l'Eglise. On doit plus estimer un Théologien qui a une grande pénétration d'esprit & un jugement solide avec une connoissance médiocre des Langues de l'Ecriture, qu'un homme savant dans ces Langues qui auroit un esprit & un jugement médiocres. Il n'est pas possible de trouver un homme entièrement parfait: & ainsi bien qu'il manquât quelque chose à St. Augustin du côté de l'érudition, comme il l'avouë lui-même; il n'a pas laissé d'être le plus habile Théologien de son siècle, & le plus propre à soutenir avec vigueur la cause de l'Eglise contre les Hérétiques. Je n'en excepte pas même St. Jerome, qui avoit sans doute beaucoup plus d'érudition que lui.

„ Notre Faiseur d'Entretiens n'en demeure pas là: car ayant publié depuis peu un Livre (5) où il tâche de faire revivre les sentimens de Pélage, il dit ici qu'on aura encore plus de peine à comprendre comment il a été possible que St. Augustin triomphât des Pélagiens, comme il a fait, étant si peu capable d'expliquer heureusement l'Ecriture sainte. Il ne pouvoit pas disputer contre eux par la Tradition qui étoit contraire à ses sentimens, comme le reconnoissent même ses Disciples, & comme l'ont reconnu les plus habiles gens de notre siècle, en sorte qu'il étoit obligé de recourir à l'Ecriture, qu'il n'entendoit qu'à demi. On fait cependant (subdit Simonius) que ces Pélagiens dont Saint Augustin a triomphé, n'étoient pas de mal-habiles gens, & qu'il falloit sans doute qu'il leur opposât autre chose que des raisonnemens Platoniciens pour appuyer les anciens sentimens de l'Eglise. Aussi voions-nous qu'il a recours dans ses Ouvrages à la Tradition & à l'Ecriture. Il oppose souvent aux Pélagiens les témoi-

(5) Entretiens sur diverses matieres de Théologie. A Amsterdam 1683.

„ témoignages des Peres qui avoient vécu avant lui, sur lesquels
 „ il fonde la Tradition; & il les accable même d'un grand nom-
 „ bre de passages de l'Ecriture qui détruisent manifestement la
 „ doctrine de Pélage..... Au reste il n'est pas vrai, que les sen-
 „ timens de St. Augustin pris en general & comme étant opposés
 „ à ceux de Pélage, aient été contraires à la Tradition de l'Egli-
 „ se. On peut seulement dire qu'il a eu sur cette matière des opi-
 „ nions particulières tirant de ses principes de certaines conse-
 „ quences, qui ne se trouvent pas dans la plupart des Peres qui
 „ l'ont précédé. Mais cela ne touche point la creance commune
 „ & générale de toutes les Eglises du monde, avec lesquelles St.
 „ Augustin étoit d'accord."

Paucis autem interiectis, pergit Simonius in haec verba:
 „ Il n'y a donc rien d'exact dans tout le raisonnement de Mr. le
 „ Clerc, qui paroît encore moins juste dans les conséquences qu'il
 „ en tire. Si saint Augustin, dit-il, étoit moins subtil, & s'il ne
 „ faisoit que dire ce qu'il avoit appris avec le commun des Chrétiens,
 „ on pourroit assûrément beaucoup mieux s'y fier, & se persuader
 „ qu'il ne nous débite que les sentimens communs de tout le Chri-
 „ stianisme: mais il est si sujet à suivre ses propres pensées, &
 „ à pousser jusqu'au bout des idées Platoniciennes, qu'on doit tou-
 „ jours se tenir sur ses gardes en le lisant. Je ne vois pas bien
 „ (reponit Simonius) ce que notre Auteur veut conclure de tout
 „ ce long discours. La creance de l'Eglise, comme on l'a déjà
 „ remarqué, n'est pas fondée sur quelques sentimens particuliers
 „ de St. Augustin, ni sur quelques allegories qui se trouvent dans
 „ ses Ouvrages, mais sur les preuves qu'il tire de l'Ecriture &
 „ de la Tradition. S'il pousse quelquefois trop loin ses principes,
 „ & s'il fait même paroître trop de subtilité dans ses raisonne-
 „ mens, cela ne nuit rien au fonds de la doctrine, qui n'est pas
 „ appuyée sur les subtilités d'un Auteur particulier, mais sur une
 „ certaine uniformité de creance qu'on trouve dans les anciens
 „ Peres, quoique chacun ait sa maniere de raisonner particu-
 „ liere."

Tandem laudatus Criticus sic concludit: „ Mr. le Clerc se
 „ trompe fort, quand il confond les sentimens particuliers de St.
 „ Augustin avec ceux qu'ils lui étoient communs touchant la Gra-
 „ ce avec les autres Peres. L'Eglise qui est Catholique & univer-
 „ selle, n'a jamais adopté les opinions d'aucun Auteur particulier.
 „ Si elle a approuvé la doctrine de St. Augustin sur le sujet de la
 „ Grace, ce n'a été que par rapport à l'hérésie de Pélage. En quoi
 „ on ne peut pas dire que St. Augustin est le premier qui ait for-
 „ mé le Système de la Grace, puisque ce Système de la Grace
 „ étoit établi au tems de St. Augustin dans toute l'Eglise. Saint
 „ Jérôme qui n'étoit pas moins savant dans les Traditions de l'E-
 „ glise

„ glise Grecque que dans celles de l'Eglise Latine, s'opposa dans ce
„ même tems-là à *Pélage* avec vigueur; & l'Orient condamna l'hé-
„ résie de *Pélage*, aussi-bien que l'Occident."

Reliqua vide sis apud ipsum *Simonium*. Ex his autem, in pri-
mis vero ex isto *Lamindi* Cpere colligas velim, neminem forte
Clerico iniquiorem in *S. Augustinum* extitisse. Undenam porro,
inquieris, huic Remonstranti tantus furor? Nimurum ex pseudo-syno-
do Dordracena, cuius sanctionibus ex *S. Augustini* doctrina potissi-
mum haustis, Arminianismum prostratum; Arminianissimum, in-
quam, *Clerico* apprime carum. Hinc equidem lacrimae, hinc ri-
xae, hinc irae furentes. Iam vero te non modo postulanter, sed
& flagitantem audio, ut id tibi clarius edisseram. Quidni faciam,
carissime *Lugiate*? quin & lubens & ex animo faciam. Ecce tibi ex
adverso ipsemet *Clericus* testis, cuius verba in tabulas relata ab
Eminentissimo Cardinali *Quirino*, iam teneo. Accipe igitur illa ex
huius Purpurati Patris *Commentariis de rebus ad se pertinentibus*
(6), quae sic se habent: „ Haud omittam narrare, *Clericum* inter
„ alia a me interrogatum fuisse, quemnam ex veteribus Ecclesiae
„ Patribus pluris faceret; nominatumque mihi statim ab ipso
„ *Augustinum*. Falsa ergo fama (subiunxi ego) in Italia vagatur,
„ sub nomine *Phereponi* qui recens in Batavia curavit eius Patris
„ operum novam editionem, non alium delitescere nisi ipsummet
„ *Iohannem Clericum*: falsa, inquam, fama; nam *Phereponus* ille in
„ Notis ad eam editionem appositis, nullam profecto omittit car-
„ pendi *Augustini* occasionem. Aequi bonique tulit meum istum
„ candorem *Clericus*, ac mihi aequa cандide affirmavit, Notas se
„ illas confecisse, non ex doctrinae Augustinianaе contemtu; sed
„ quod res omnino iniqua sibi videretur, Batavos Magistratus,
„ eiusdem doctrinae auctoritatem obtendentes, fas sibi esse arbitra-
„ ri, quovis ad parendum Dordracenae Synodi Decretis adigere:
„ perinde ac si in ea Regione, post detrectatum Romanae Inquisi-
„ tionis iugum, aliud & quodammodo durius, conscientiis incola-
„ rum imponi per ea Decreta, aequo animo tolerare quis posset.”
Haec tenus Eminentissimus Scriptor. Ecquando, amabo te, eum-
demmet *Clericum* putasti istiusmodi testimonium redditurum? Ha-
bes autem iis consona vel in ipsius *Phereponi* Animadversionibus pag.
476. ubi *S. Augustinum* acriter, ut assolet, perstringens haec effutit:
„ Platonismum nobis pro doctrina Apostolorum propinat, aut ar-
„ gutias inanes magna verborum pompa nobis obtrudit. Quae non
„ eo dico, quod eloquentiam & acumen, in rebus praesertim me-
„ taphysicis, *Augustino* detrahant, aut quod meritas laudes minus
„ libenter tribuam: Sed quia video multos (*Gomaristas* innuit)
„ eius auctoritate abuti, & eos prae illo contemni (digitum inten-
„ dit in *Arminianos* quibus ipse adhaerebat) quibus nulla ratione

„ CON-

(6) Eminent. *Quirin. Commentar. de reb. ad se pertinent.* Part. I. lib. I. cap. III. pag. 47.

„ conferri potest.” Iamque idem olficerat *Muratorius*; qui postquam *Clerici* sententiam retulisset, asserentis neminem cogendum ut Conciliorum placitis acquiescat, statim subdit (7): „Qua in re „ ipsum (*Phereponum*) cum aliis Haereticis, & Socinianis potissi- „ mum, consentire video; qui Conciliis nullis, nulli Ecclesiae „ visibili in rebus Fidei auctoritatem esse docent: atque adeo ta- „ cite Dordracenam ille Synodum carpit, ubi Maiores suos Cal- „ vinianorum factione oppressos *Arminiani* quotidie conqueruntur.” Hactenus de *Clerico*: iam vero ad *Muratorium* eius Censorem red- eat oratio.

Illudque in primis occurrit, Cl. *Pritanium* apud eruditos viros quetum esse, in vulgus emissâ Epistola Italice scripta, suum hocce Opus *De Ingeniorum moderatione* quum primum Parisiis ederetur, alicubi fuisse interpolatum: cuius quidem rei lectorem infra (8) admonendum censui, fidem insuper meam ipsi obstringens, eamdem Epistolam huic Operi me annexurum: quod ut praestem, pa- tere quaeso, ut illam heic tibi subiiciam.

LETTERA

D I

LAMINDO PRITANIO

Ad uno de gli Autori del Giornale d'Italia.

DA V. S. Illusterrissima (già l'ho veduto) è stata fatta nel Giornale xxI. fogl. 429. menzione del mio Tratta- to *De Ingeniorum moderatione in Religionis negotio*, stampato in Parigi nell'antecedente anno 1714. Le mie obbliga- zioni verso di lei per questo non son poche; ma le farei resta- to anche maggiormente tenuto, e più mi farei rallegrato meco stesso, s'ella avesse posto mente in tal congiuntura ad una cer- ta particolarità, con informarne eziandio il Pubblico tutto. Leggesi ivi nel Lib. I. Cap. xi. facc. 85. *Certi quoque Indices Catho- licae doctrinae sunt Romani Pontifices*, colla giunta di queste altre parole: *Quibus eadem consentit Ecclesia*. Parimente nel Lib. I. Cap. xvii. facc. 151. si legge: *Romano Pontifici aliquod decernenti Dogma* (qui è aggiunto: *cui assentitur Ecclesia universa*) *creden- dum est; divinaeque Fidei assensus huic Dogmati accommodandus*. Così in due o tre altri luoghi la medesima giunta comparisce. Ora non mi par già chiaro, qual veramente sia il significato, e quale la intenzione di sì fatte giunte, nè se tendano esse a limitare un pre- gio della Sede Apostolica. Ma comunque sia, è fuor di dubbio

b non

(7) *De Ing. moder.* Lib. I. Cap. xiv. pag. 60. Vid. *Catalog.* infra in *Epistolar.* recen- sione num. V.

(8) *Ibid.* Lib. I. Cap. xi. pag. 46.

„ non esser mie le giunte suddette, e non aver io mai pensato a
 „ modificare la Infallibilità de' Sommi Pontefici propunzianti dal-
 „ la Cattedra in materia di Dogma. Solamente in Parigi sono
 „ state fabbricate esse parentesi, ed inserite, senza mia saputa e
 „ contra il mio volere, nel corpo dell' Opera mia. La sentenza
 „ della Infallibilità suddetta l'aveva io asserita puramente, e sem-
 „ pre la ho supposta in esso Libro senza modificaione, siccome
 „ può vedersi nel Lib. I. Cap. XVII. facc. 146. e in tutto il Capo
 „ sussegente. Anzi sarebbe riuscito inutile lo stesso intero Capo
 „ XVIII. qualora avessi avuto il sentimento, che forse si è volu-
 „ to insinuare colle giunte sopradette. Vero è, che inutile altre-
 „ sì può dirsi il voler io persuader questo a V. S. Illustrissima,
 „ da che ella stessa ed altre persone a lei ben note, ebbero
 „ in mano la medesima Opera mia scritta a penna, prima che
 „ passasse in Francia; e può ella facilmente ricordarsi, quanto io
 „ fossi lontano da insegnamenti tali. Aggiungasi, sapersi molto
 „ bene in Roma stessa, non che in Parigi, essere stata alterata,
 „ senza mia partecipazione, in que' siti la mente mia. Con tutto
 „ ciò, perch' io vorrei che la notizia del rispetto da me dovuto
 „ e professato alla Santa Sede, nostra sempre venerabil Madre e
 „ Maestra, non si ristringesse a pochi, ma si rendesse, se fosse
 „ possibile, palese a tutto il mondo: mi professerei molto obbli-
 „ gato all' amorevol bontà di V. S. Illustrissima, se tornandole
 „ un'altra volta in concio di ragionare d'esso mio Libro, co-
 „ municasse al Pubblico la dichiarazione di questi miei sentimen-
 „ ti, esposta a lei colla sincerità di cui ho sempre fatto e so-
 „ professione. Con che ricordandole il mio indelebil' ossequio, mi
 „ consermo”

„ Di V. S. Illustrissima

„ Modena 20. Febr. 1716.

„ Divotiss. ed Obbligatis. Serv.
 „ Lamindo Pritanio.

Quandoquidem autem illustris Auctor tum in hac Epistola, tum
 infra in istius Operis locis indicatis illud argumentum attingit,
 quod a Scriptoribus Gallis magna animi contentione agitatur; non
 ab re fuerit, neque tibi forte iniucundum, *Lugiate amantissime, verba*
subtexere, ex Itinerario Gallicano doctissimi Praefulsi *Francisci*
Blanchini concivis tui desumta, descriptaque ab Eminent. *Quirino*
 in suis *Commentariis* (9) modo laudatis; quibus nempe celebris
 Doctoris Sorbonici *Natalis Alexandri* nova sententia de Romani
 Pon-

(9) Emin. *Quirini Comment. de reb. ad se pertinent. Part. I. lib. II. pag. 178.*

Pontificis infallibilitate in medium profertur. Ea vero sic se habent: „ Putat igitur P. Alexander, Sorbonicos conciliari posse cum mente Scriptorum Italicorum, Infallibilitatem Romani Pontificis tacentium. Omnes Catholici consentiunt, Pontificem Romanum ex Cathedra declarantem in Moribus aut Dogmatibus Fidei, errare non posse. Difficultas est in statuendo, quando censetur docere ex Cathedra. Doctores Romani putant, solius Pontificis iudicium, nullo assensu Ecclesiae explorato, esse doctrinam ex Cathedra. Sorbonici videntur assennum Episcoporum desiderare, praeter iudicium Pontificis. Monet attamen P. Alexander, iudicium Romani Pontificis ita continere Infallibilitatem, ut consensus Episcoporum non sit pars constitutiva substantiam Infallibilitatis, sed conditio declarans visibilem Cathedram eius Capitis, quod una cum Membris constituit Corpus Ecclesiae, vocem sui Pastoris excipientis, & internoscentis, ne Caput a Membris avulsum uspiam appareat. Locum Epistolae S. Leonis PP. ad Flavianum (ni fallor), hanc ferme expressio nem ferentem attulit. Denique, quod caput est, Infallibilitatem Pontifici tribuit docenti ex Cathedra: sed docentem ex Cathedra non agnoscit, nisi praesente Ecclesia, sui Pastoris vocem audentem, & adstipulante. Perinde evenire autem, ac in Canone sacrae Scripturae definiendo. Pontifex aut Ecclesia non afferat assensu suo divinam auctoritatem sacrae Scripturae, quam ipsa iam obtinet ab auctore Deo. Ecclesia recipiens verbum divinum, & asseverans illud esse Dei verbum, efficit ut innotescat filiis, qualia sint verba a Deo prolatæ. Ita etiam censet in iudiciis Fidei aut Morum, a summo Pontifice prolati. Concedit illis nativam Infallibilitatem ex promissione Christi Domini facta Petro & Successoribus docentibus ex Cathedra: sed Cathedrae agnitionem ex Ecclesiae consensu consequi declarat.” Hactenus ibi.

Agesis nunc, quod reliquum est videamus. Magnum profecto veritatis amorem ac studium præ se tulit doctissimus Pritanius, huiusmodi Opus in lucem proferens; hinc nimirum ostendens, quæ iura usurpanda; illinc autem quæ frena iniicienda homini Christiano, inquirenti veritatem atque tradenti: eo namque tutum ac benignum iter stravit omnibus sacrae doctrinae studiofis, caute sollerterque illos admonens ne in salebras incident, neve præstigiis deludi aut offuciis excaecari patientur. Ceterum licet tractationem istam, quæ permulta & lubrica sane & periculi plena complectitur, pro dignitate utque rei gravitas postulabat persecisset noster Lamindus: attamen neque malevolorum hominum invidiam a se deprecari valuit, neque indoctorum sinistra iudicia ex præconceptis opinionibus orta peitus declinare. Vix itaque annus intercesserat a prima huius Operis editione, quum Pritanio, item molestam intentavit Iustus Fontaninus, vir cetera doctus, qui & de litteris bene fuisse

fuisset meritus, nisi amore sui nimio abreptus, reliquos despiciatui duxisset. Hic igitur, *Lamindi Opus* virga censoria notavit; eiusque *Observationes ad Muratorium* delatae: qui ubi primum eas vidit anno 1717. illico expendit, suique apologiam paravit, prelo utique committendam, simul ac *Fontanini Observationes* in vulgus emissas comperisset. Verum magnorum virorum cum dignitate tum doctrina praestantium auctoritas intercessit, quominus *Fontanini Observationes* in lucem prodirent; pertendentium, & iure quidem, extra *Melchiorem Canum* paucosq[ue] praeterea, neminem in tanto Scriptorum numero exstitisse, qui *Opus Muratoriano* solidius & succi plenius litteris tradidisset. Hinc factum, & *Pritaniū* dum in vivis ageret, scriptum suum apologeticum suppresse; & nunc etiam Viros Clariſs. idem suppressum eo nomine autumasse, quod *Observationibus Fontaninianis* adhuc intra clauſtra retentis, supervacaneum videatur.

Quid autem memorem reliquos leviculos homines, qui deinceps scriptiunculis prorsus contempnendis irridendisque, doctissimum *Lamindum* sunt adorti? Neque enim te fugit, Amice eruditissime, abhinc annis duodecim nonnullos Coenobitas apud Iuvavientes exstississe, Cl. *Muratorii* notini valde iniurios, eiusque praecellenti Operi *De Ingeniorum moderatione* quam maxime infensos; quorum tamen ingenium petulans exterratus vir doctissimus *Iohannes Baptista Gasparius* Archiepiscopi Salisburgensis Historiographus, eorum arrogantiam cum incredibili incititia coniunctam falsissime carpsit, edito Coloniae anno 1741. in 4. Opere tum argumenti dignitate tum nitore dictionis praestanti, cuius isthaec intercipio: Αδειτιδαιμονος Φιλορουματις Vindiciae adversus Sycophantas Iuvavientes. Operata quae fuere, aperta sunt: patent praestigiae. *Plaut.* Capt. Aet. III. Sc. III. (10).

Per idem fere tempus quo Salisburgenses *Muratorium* conviciis lacescebant, Siculi Scriptores, in primis vero Panormitani, turmatim in ipsum irruere, *Voti Sanguinarii* sententiam propugnaturi, ab eo penitus reprobatam (11). Primos quidem illorum impetus strenue fregit noster *Pritanus*, edito sub *Antonii Lampridii* nomine Opere *De Superstitione vitanda*. Verum in dies invalescentibus adversariis, imperterritus idem *Lampridius* iterum in arenam fortiter praeliaturus descendit, *Epistolas* ipsiſ obiiciens, sub nomine *Ferdinandi Valdesii* evulgatas: cuius quidem pugnae litterariae quum infra meminerim (12), de ea fusius apud te loqui supersedeo. Acriter sane hisce scriptis invehitur in Siculos *Muratorius*: at stili asperitas iis potius culpae vertenda, quam isti; qui profecto sancti *Hieronymi* exemplum fecutus, isthaec eius ver-

(10) Vide sis *Nova Acta Erudit.* Lipp. A. 1742. pagg. 129. 135. & Nov. Letter. di Firenze, Tom. III. col. 302. 314. 334.

(11) *De Ingen. Moder.* Lib. II. cap. VI. pag. 139.

(12) In Catal. Opp. *Murat.* sub numm. xxxiii. xxxv.

ba (13) usurpare potuisset: *Hoc obsecro, ut si mordacius quidpiam scripsero, non tam meae putetis austeritatis esse, quam morbi: putridae carnes ferro curantur O cauterio.*

Neque heic pugnae finis. Dum noster Lampridius Epistolas *Valdesi* edendas parabat, prodiit Panormi anno 1742. Opella pagg. 71. in 4. hoc titulo praenotata: *Ritratto della falsa Dottrina di Lamindo Pritanio esposto da Fulgosio di Monte Pelero Palmeritano alla considerazione de' savj Cattolici più dotti e fedeli.* Quisquis vero huiusc libelluli sit auctor (14), iis plane accensendus qui carpunt, non corrigunt, siquid peccatum est; immo siquid non peccatum: ut scilicet suo nomine obscuri, alieno innotescant. Quandoquidem autem Libellator iste nostrum *Lamindum* iurgiis oppido impedit, praestansque ipsius Opus *De Ingeniorum moderatione* tamquam virulentum foetum traducit; age refer nunc animum sis ad aliquod Critici sane ingenii specimen, in huius Panormitani Opusculo mihi observatum. Et primum quidem *Desiderium Erasmum* Roterodami natum & altum, Rothomagensem vocat (15); illum nempe Batavis erectum, Gallis accensens. Deinde *Lamindi* nomen *Muratorio* assumtum, a *Lamiis* deducit (16); rursumque *Lamiarum* etymon a *latendo* derivat: ut inde colligat *Muratorium* *Lamiis* comparandum, seu strigibus illis nocturnis, quae, si Diis placet, labris infantium virofa ubera immulgent. Eugepae! Quin, queso, hac gemmula doctissimas tuas *Observationes in Artem Magicam* cumulasti? Riden? Atqui ferreus es, nisi risu disrumperis. Pergamus porro. Etiamne amplius? inquis: Etiam. Nimirum scripsérat *Lamindus* (17), „necesse esse Iudici „Ecclesiastico ut *Peripateticam Scholam aliquantis per terat*, do- „nec Substantiae, Specierum atque Accidentium nomina ac histo- „riam probe norit; ut recte cognoscat, utrum Transsubstantia- „tioni aduersetur *Cartesius*, Corporis physici essentiam in Quan- „titate constituens, neque Substantiam ab ipsa Quantitate fecer- „nens: ad eius quippe Scholae sententiam Tridentini Patres de- „Transsubstantiatione loquentes respexisse videntur.“ Quid autem ad haec Grammaticus homo? Nempe hinc arguit, & quidem, ut ipsem gloriatur, ineluctabiliter arguit (18), *Muratorium* iis ver- bis, *Necesse esse Iudici Ecclesiastico ut Peripateticam Scholam aliquantis per terat*, id tantummodo contendisse, ut Iudex Ecclesiasticus laudatam *Cartesii* sententiam discutiens, Scholam Peripateticam pessumdet, Philosophiae Aristotelicae placita Patribus Tridentinis approbata contemnat, adeoque vel ipsum Spiritum veritatis (horret animus) *aliquantis per terat*, qui per Patres Tridenti congregatos locutus, Peripateticis vocibus dogmata enuntiavit tan- xitque.

(13) S. Hieron. lib. I. *Apolog. contr. Ruf.*

(14) Vid. Catal. Opp. Murat. sub num. xxii. (15) Pag. 1. (16) Pag. 3.

(17) *De Ingen. Moder.* Lib. I. Cap. xxiv. pagg. 117. 118.

(18) Pagg. 23. 24.

sitque. Acutum hunc Magistellum! Sed importunum, immo turpe iam est, de hisce ineptiis me pluribus agere tecum.

Quando autem in Sycophantae huius Panormitani mentionem incidi, temperare mihi vix possum, quin & alterum memorem Lusitanum, *Dionysum nempe Bernardes de Moraes*, qui anno 1748. Ulyssipone in lucem emisit spissum Opus, *Coruscationum dogmaticarum* titulo inscriptum (19). Hie autem Auctor impotenter nimis debacchatur (20) in *Muratorium* V. Cl. nonnullas eius sententias ex Opere *De Ingeniorum moderatione* excerptas perstringens, eamque in primis qua Votum sanguinarium reprehendit. Evidem & otio & patientia tua abuterer, mi *Lugiate*, quin & inepire fortasse tibi viderer, si unum alterumve locum illo ex Opere desumptum hue transferrem. Vin' tamen dicam, quid sentio de homine isthoc? Heus tu, tibi habeto, nemini dixeris. Ubique livorem spirat, ubique inscientiam suam prodit: adeo dicitatis atque ignorantiae plena sunt omnia. At ego in primis inverecundo huic homini quam maxime indignor, quod in venerandum *Muratorium* sapientissimi senis caput conviciorum plaustra impudentissime iaciat. Peream, si legi quidpiam nigriori stilo exaratum. *Meus animus fuit*, inquit (21), *neminem offendere*, *solumque Muratorio parcere non studui*. Hominis os! Auditum improbum petulansque consilium? Ecquis porro aequo animo ferat, ista effutire audentem? Ninius sim, si quod sentio, pluribus persequi velim. Ergo facest a me istiusmodi liber. Amariorem enim me lectio facit: stomachor omnia. Alios autem nonnullos homines qui scriptiunculis prorsus contemnendis magnum *Muratorium* sunt aggressi, popello suaviter ridendos dimitto; ratus ad illos refutandos satis esse, in medium proferre praeclarum sane Elogium, quo *Anquerilus Regius Censor Parisiensis* praestantissimum istud Opus *De Ingeniorum moderatione* maestandum iure duxit; Elogium, inquam, dignum plane quod praecedentibus Editionibus qua Germanicis qua Italicis praefigeretur, quodque reliquias in posterum recudendis praemittatur. Illud autem sic se habet: *Opus, meo quidem iudicio, eximium ac multum uritate multiplice commendandum; in quo suspererint aequi omnes rerum aestimatores, litteratissimi & candidissimi Scriptoris sincerum veritatis ac religionis amorem; variam & summam erudititionem cum modestia summa; gravem sermonis elegantiam; lucidum rerum tractandarum ordinem; meditatam in tradendis scribendi, ut par est & incumbit hominibus Christianis, legibus sapientiam; exquisitae & temperatae Criticae specimen & exemplum omnibus probandum; nervosae Censurae laudabilem aequitatem adversus Censurem iniquum, & Criticum non satis temperantem; &c. Quapropter*

(19) Vid. Catal. infra sub num. XL.

(20) Pagg. 329. 433. (21) *Coruscat. Dogmat.* Pag. 588.

propter luce & laude publica dignissimum mihi videtur. Datum Parisis die decima-nona Junii 1713.

Iam vero superest quod te moneam, iucundissime *Lugiate*, quid novi porro huic editioni accesserit; quod & paucis exsequar. Primum quidem exemplar, Auctoris manu expolitum auctumque aliquibi, diligenter contuli cum editis usque ad annum 1741. (22), illaque duos intra semicirculos clausi atque asterisco signavi, quae ab eo recensita vel adiecta cognovi: quin & ab ipso suppressa nonnulla, subiicienda curavi; ut inde pateat, quaenam addiderit vel mutarit ipsem Auctor, secundis curis doctior factus. Deinde aliquot locis *Notas* appinxi, quibus & novitus Lector fieret instructior, & res proposita clarior: frequentiores ubioresque additurus, nisi nonnihil levitatis, ne dicam putidiusculi, id habere mihi visum esset. Num his vero curis aliquid praestiterim quod minus excusat prodesset, penes te, *Andrea doctissime*, sit iudicium, quod utique magni facio. Quod si autem ita praestiti ut probes, id mihi sane iucundum: periucundum porro si probas, & signo aliquo id ipsum testaris, quod abeuntem me dirigat ne impediatur. Neque enim ea sum confidentia ut mihi persuadeam, qualescumque Adnotations meas tibi omnes esse probandas: quin & illas sic accipias velim, meae velut memoriae a multiiuga lectione suggestas, dum Opus percurrerem retractaremque. Hinc autem factum, mihi nonnulla excidisse: in primis vero ad *Lib. III. Cap. X. pag. 249.* ubi *Raymundi Missori Disputationes Criticas* in duas celeberrimas Epistolas SS. *Firmiliani & Cypriani* adversus Decretum S. *Stephani* Papae I. de non iterando Haereticorum Baptismo, recensens laudansque; aliud Opus praeterii, & quidem egregium, *Iohannis Sbaraleae* Foroliviensis, Bononiae editum anno 1741. in 4. quo Vir Cl. paradoxa *Missorii* penitus subruit convellitque. Illud autem sic exstat inscriptum: *Germana S. Cypriani & Afrorum, necnon Firmiliani & Orientalium opinio de Haereticorum Baptismate, ad rectam criticarum Vindicis Cypr. disputationum intelligentiam exposita.* Praeterea *Muratorianorum Operum omnium*, tam editorum quam ineditorum, *Catalogum* texui, nonnullis Observationibus illustratum. Denique praefigendum curavi Auctoris nostri *Elogium* a *Iacobo Facciolato* V. Cl. mihi longe amicissimo adornatum, editumque primum a *Iohanne Fabricio Helmstadiensi* in *Historia Bibliotcae suae* (23), qui ab eo illud acceperat simul cum Auctoris nostri Operum Syllabo usque ad annum 1720. editorum. Novi equidem, plenius eiusdem *Muratori* *Elogium* memoriae traditum a *Iohanne Brukero* in *Decade II. Pinacothecae Scriptorum nostra aetate litteris illustrium*, edita.

(22) Eo enim anno 1741. Venetiis prodit huius Operis editio; exacta quidem ad exemplar a *Muratorio* recensitum; cuius tamen contextum vetuit Cl. Auctor ullo signo distingui, adeoque neque titulum prorsus immutari: eo sane consilio, ne aliquid incommodi sis accederet, quibus aliqua ex praecedentibus prae manibus esset.

(23) Part. IV. pagg. 365. 388.

edita Augustae anno 1741. fol. iamque illud recudendum statueram: at animum tandem e sententia dimovit duriusculus Germani Scriptoris stilus; qui maiorem sane apud eruditos viros gratiam iniisset, si quemadmodum suam Pinacothecam adornatus, personati *Iani Nicii Erytbraei* viri disertissimi exemplum fuit secutus, ipsum quoque blandissime loquentem imitatus fuisset.

Habes rem omnem, oculissime *Lugiate*. Fac igitur, amabo te, ut istiusmodi lucubratiunculam accipias velut mei erga te amoris, quin & meae in te observantiae testem. Id unum est quod me plurimum mulcere potest, quodque in votis maxime gero. Et quidem, quae tua est humanitas, spero abs te id factum iri quam liberaliter. Pergamus porro in amicitia copta, & in iis unde illa orta, id est virtute litterisque, quibus nihil homini dulcius utiliusve. Hoc unum etiam atque etiam abs te peto, ut missis hisce studiis strigosioribus quam nostrae aetatis nitor postulat, ex quibus, ut nuper accidit, aemulos & obtrectatores tibi conquiras; in ea reverenda sacrae Antiquitatis te conferas penetralia, unde nihil nisi divinum promere licet, nullaque livoris vis atque simultas te ipsum deturbare potest atque deicere. Ut in eam cogitationem sedulo incumbas, id ego per ea quae tibi iucundissima sunt in vita, per fidem tuam, per hanc te denique dexteram oro atque obsecro: quod quidem pergratum mihi erit, perque iucundum. Hanc meam, quaeso, in te admonendo libertatem aequi bonique consule; quam quidem & amor erga te meus, & sacrae necessitudinis iura non tantum postulare, verum & flagitare mihi videntur. Ego enim te unum cogito, quem in oculis gesto, cuius oratio vultusque mihi qua legenti qua scribenti ante oculos dies noctesque obversatur, cuius denique desiderium impotentissime fero; ita sim salvus: nihilque proinde mihi optatius contingere umquam poterit, quam ut te amplectar & dissuavier, carissimum mihi caput, animae dimidium meae.

Antequam manum de tabula, quoniam adhuc te alloquor, id unum adiiciam, ut Illustrissimo Antistiti apud quem plurimum vales, cuiusque virtutem, doctrinam, vigilantiam ac reliquas Episcopo dignas dotes suspicio & maximi facio, hominem tibi coniunctissimum ita commendes, ut facile intelligam, nullam commendationem tibi mea esse potiorem. Si id abs te impetravero, scias velim magnam te mehercule initurum a me gratiam. Nimis languide: proprium me tui fore mancipio & nexu. Sic sum. Utinam vero aliquando tantum virum teque apud illum coram videam: & videbo; ita vivam & valeam. Interim hoc stude unum, dulcissime *Lugiate*, ut te quam diligentissime serves, & me redames, qui te amo ex animo. Vale multum deliciae meae, cum tuis. Dabam Venetiis, e Museolo nostro, iv. Eid. Martias, Ann. CIO. IO. CC. LII.

ELO.

ELOGIUM

LUDOVICI ANTONII MURATORII,

A V. CI.

IACOBO FACCIOLOATO

adornatum. (24)

LUDOVICUS ANTONIUS MURATORIUS Mutinensis natus est (25) XII. Kal. Novembris, Anno Aerae Christianaæ 1672. Litteras primo didicit a Patribus Societatis Iesu; tum in Scholis Universitatis Mutinensis Philosophiae, Iurisprudentiae ac Theologiae operam dedit. Adolescens eam sibi & eruditionis & Linguarum peritia famam comparavit, ut Mediolanum accitus fuerit vix duos & viginti annos natus ab amplissimo viro Carolo Comite Borromaeo ad curam celeberrimae Bibliothecae Ambrosianae; ubi Codicum MSS. Librorumque excusorum copia vires addente, brevi edere coepit doctrinae ac industriae suae monumenta (26). A Mediolanensium sinu, quos ipse diligebat ab ipsis dilectus, divelli se fortasse numquam sivisset: verum ad Patriam revocatus a Serenissimo Duce Mutinae Raynaldo I. (27), eius Bibliothecae atque Archivo praefectus est (quod munus etiamnum gerit); eidem carus, ac subinde ab ipso delectus, ut Serenissimo eius filio primogenito Francisco Mariae Principi Mutinae Philosophiam morum explicaret. Interea novis in dies ingenii sui foetibus Literariam Rempublicam augere non destitit. Atque inter cetera, quum gravia intercessissent dissidia inter Romanam Curiam & Augustissimum Imperatorem ob Comaclensis urbis ditionem, dudum Estensibus Imperii Vassallis ab armis Pontificiis ereptam, & a Iosepho I. Caesare recuperatam; coactus est Muratorius in arenam descendere pro Principe atque hero suo Mutinensi Duce: qua occasione, accuratius quam antea, investigatum est, num veteres Augusti iura Supremi Dominii in Provincias olim Ecclesiae Romanae donatas retinuerint. Praeterea in aliis argumentis cum Litterarum humaniorum, tum Historiae, Theologiae, Critics atque Pietatis, modo sub suo, modo sub Lamindi Prinianii nomine se exercuit Vir solertissimus ea Iui nominis celebritate,

(24) Ex Historia Bibliothecae Fabritianae, Part. xv. pagg. 365. 367.

(25) Vineolae, illustri oppido Ducatus Mutinensis.

(26) Anno scilicet 1697. Anecdotorum Latinorum volumen I. & anno insequenti volumen II. publici iuriis fecit, dum adhuc Mediolani degeret. Hacc prima ingenii Muratoriani specimina. (27) Anno 1700.

„ britate , ut pleraque Italicae Academiae ipsaque Regia Socie-
 „ tas Londinenſis , quae eius Libros cum plausu excepere , cer-
 „ tatum eumdem in suum Socium cooptarint , atque apud Eru-
 „ ditos Italicos simulque exteros illius commendatio late fo-
 „ net . Sed & alia ex ingenio Muratorii exspectanda videntur ,
 „ niſi valetudo , qua plerumque debili atque infirma utitur , eius
 „ confilia turbet . Quum enim iuſtu Principiſ ſui diversa per Ita-
 „ liam itinera ſuſcepere (28) , ut Eſtenſis Familiae ſingularem
 „ antiquitatem certioribus , & non fabulosis monumentis illuſtra-
 „ ret , ipsamque invictis argumentis oſtenderet eamdem habere
 „ originem ac ſtipitem cum Brunnſicensi , quae nunc in Magna
 „ Britannia regnat : ex Archivis non facile penetralibus deprem-
 „ fit ipſe non pauca venerandae vetuſtatis documenta , e quibus ,
 „ ſi edantur , Italicae historiae affulgere lux maior poterit . Et
 „ ſane poſt Antiquitates Eſtenses iam evulgarataſ , ſperare nos ille fa-
 „ cit Italicas : quod ut perficiatur , optandum ſummopere eſt .
 „ A pueritia Clero addicteſ , Sacerdotio deinde auctus , ac demum
 „ Pompoſianae Mutinensis Eccleſiae Praeponitus (29) , nunc tem-
 „ poris non ſuo tantum Principi , ſed & Regi Regum Deo ſervire
 „ contendit .”

Hactenus eleganter , ut aſſolet , diſertissimus Facciolatus . Cui
 quidem eloquenti Elogio ſi reliquam Vitae Muratorianaे histo-
 riā vellem adiicere , pretioſae ſane velli villoſum pannum adſue-
 rem . Quamobrem iſtud Muratorii Elogium claudam , eius tantum
 diem emortualem litteris conſignans ; addamque ſimul , praeter
 Inſcriptiones quas ipſius Nepotes grati animi ergo incideſtas cura-
 runt , alterum etiam Elogium quod elegantissimus Ludovicus Culpe-
 linus filio vetuſtiori Latino exaratum memoriae tradidit (30) .

Obiit igitur Ludovicus Antonius Muratorius Mutinae anno 1750.
 x. Kal. Februarii (quae dies incidit in Feriam vi.) mox ab ho-
 ra xiv. quum exegiffet aetatis annos LXXVII. meſes III. dies
 II. Corpus eius humatum in Sanctae Mariae Pompoſianae Templo,
 ad Sacelli maioriſ gradus ; lapidique ſepulcrali inciſa haec brevis
 Inſcriptio :

HEIC IACENT
 MORTALES EXUVIAE
 LUDOVICI ANTONII MURATORII
 IMMORTALIS MEMORIAE
 VIRI.

Verum

(28) Anno 1714. & ſeq. (29) Anno 1716.
 (30) Nov. Letter. di Fir. 1750. col. 779.

Verum altera longior marmori insculpta, locataque visitur supra
ianuam maiorem in Templi parte interiori; sicque se habet:

LUDOVICO · ANTONIO · MVRATORIO ·

HVIUS · ECCLESIAE · OLIM · PRAEPOSITO ·

AMBROSIANAE · DEIN · ESTENSIS · BIBLIOTHECAE ·
PRAEFECTO ·

SVB · RAYMALDO · I · ET · FRANCISCO · III ·

MVTINAЕ · REGII · MIRANDVLAЕ &c. DVCIBVS ·

VIRO · COMPLURIBVS · EDITIS · LIBRIS · CELEBERRIMO ·

IN · OMNI · FERE · SCIENTIARVM · GENERE ·
DOCTISSIMO ·

INTER · LITTERATOS · SVI · AEVI · VIROS ·

NEMINI · SECUNDO ·

DE · RELIGIONE · ITALIA · LITTERISQUE ·

OPTIME · MERITO ·

REGIAE · LONDINEN · ET PLERARVMQVE · ITALIC. ACADEM ·
SODALI ·

QVI · ECCLESIAM · HANC · VETVSTATE · COLLABENTEM ·
SVO · AERE · INSTAVRavit ·

ET · SACRA · SVPPLECTILE · DITAVIT ·

OBQVE · IN · EA · INSTITVTVM · AC · DOTATUM ·
PIVM · CARITATIS · OPVS ·

MERITO · PATER · PAUPERVM · APPELLANDVS ·

AVUNCVLO · AMANTISSIMO · ET · BENEFICIENTISSIMO ·

X. KAL. FEBRVARII · ANNO · IVBILAEI ·

M · DCC · L ·

VITA · FVNCTO ·

AETATIS · SVAE · LXXVII ·

MENSBUS · III · DIEBUS · II ·


MONVMENTVM · HOC · MOERENTES · POSVERVNT ·

NEPOTES · EIVS · HAEREDES ·

ELOGIUM LUDOVICI ANTONII MURATORII,

A. V. CL.

LUDOVICO CULTELLINIO litteris traditum



ΤΟΥ ΤΑΓΑΘΟΥ ΚΑΙ ΘΑΝΟΝΤΑ
ΕΤΛΟΓΕΙΝ ΔΕΙ

Lud. Antonio. Muratorio. H. L. Nat. Domo. Vineola. Aput Murinam. Iuris. Caes. Ac. Pontifici. Magistro. Ambrosiani. Primum Athenei. Et. Publicai. Bibliothecai. Mediolaniensis. Praefecto Deinde. Ab. Rainaldo. I. Mutinae. Regulo. In. Patriam. Revocato Vt. Suai. Praescit. Bibliothecai. Atq. Tabulario. Quo. Munere. Ad Obitum. Perfunctus. Est. Ecclesiae. Sanctae. Mariae. Pomposiacae Antisiti. Inter. Comiteis. Palatinos. Adlecto. Eruditis. Per. Europam Coetibus. Ipsique. Regio. Londinensi. Cooprato. Viro. Probo. Docto Frugi. Sapienti. Praeter. Ceteros. Retro. Celeberrimo.

Parentalia

Aeterna. In. Xptō. Lux. Muratorio. Fide. In. Superos. Exsimia Interim. Sacras. Aedeis. Restituendo. Interim. Donarieis. Cumulans Splendidissimis. Amore. Civium. Incomparabili. Qui. Officia. Iuxta Chrestianas. Karitatis. Legeis. Edito. Instruxit. Volumine. Et Collegium. Ab. Ea. Nuncupatum. Dedicarier. Curavit. Sacro Praefulsi. Ministerio. Adfatim. Obito. Nec. Innumeros. Advorsum Laboreis. Neglecto. Vt. Pater. Saepe. Pauperum. Salutatus. Sei Benivolentia. Ad. Exstros. Quoquoversus. Producta. In. Bonis. Ad Nutum. Artibus. Sine. Invidia. Fovendis.

Belle. Scritpsit. Muratorius. De. Rebus. Theologicis. Vel. Historiam Adiavit. Ecclesiasticam. Refellit. Heterodoxorum. Calomrias Atq. Reitus. Explicavit. Religionis. Necnon. Superstitutionem Apstulit. Ignorantiae. Et. Abusus. Disciplinam. Evertenteis Insectatus. Est

Gratias. In. Perpetuom. Acturi. Sunt. Muratorio. Rerum. Italicarum Studiosei. Viri. Quom. Auctores. Q. Q. Ab. An. Publicai. Salutis 10. Floruerunt. Ad. An. c10. 10. Digessit. Inlustravit. Edidit. Ast Antiquitateis. Olli. Aevi. Conlegit. Qua. Praesto. Fuat. Et Annales. Lato. Stilo. Ad. Nostra. Deduxit. Tempora

Set.

Set . Nomen . MuratorI . Vbeique . Laudabitur . Qui . Ultra
 Humanioreis . Quibus . Pollebat . Arteis . Id . Faxit . Vti . Etrusca
 Poesis . Veras . Habeat . Rationeis . Et . Scriptoris . De . Ea . Principis
 Carmina . Pro . Saniori . Criticos . Norma . Evolzarentur
 Quiesquis . Legerit . Sei . Tamen . Antiquitatis . Studia . Colat
 Necesse . Est . Doleat . Fatis . Ereptum . Iniquieis . Muratorium . Qui
 Illa . Adamassit . Testimonio . Codd . Quae . Eruderavit . Anecdotorum
 Et . Ob . Syllogen . Veterum . Amplissimam . Titulorum . Atq . Selecta
 Propter . Opuscula . Quibus . Obsequutus . Est . Iuxta . Idem . Argumentorum
 Genus . Quae . Subra

Seingula . Auten . Quae . De . Philosophia . Differuit . Muratorius
 Eclogio . Potius . Quam . Titulo . Narrare . Liceat . Huius . Praisertim
 Facultatis . Partem . Quae . Ad . Moreis . Vergit . Sanctius . Adaperuit
 Sed . Iurisprudentiam . Callebat . Pulcerrime . Qui . Naevos . Illius
 Detectis . Atestinorum . Item . Principum . Iura . Veindicavit . Et
 Familiai . Adseruit . Nobilissimai . Dignitatem

Iterum . Bene . Quesquas . Anima . Dulcis . Pietatis . Heu . Inimitabilis
 Fuisti . De . Rep . Luter . Unibera . Optume . Meritus . Praecipua . Morum
 Integritate . Graciosus . Aiternum . Saeculi . Decus . Ab . Omnibus
 Praedicabile . Necnon . Libenter . Subscipe . Ab . Lud . Cultellinio
 Quae . Maxsumam . Amicitiai . Reverentiam . Testificaturus . Vel
 Aliquam . Habens . In . Dolore . Consolationem . Et . Veirtutibus . In
 Quantum . Potest . Tuimed . Celebrandeis . Addictissimus . Heic . Contra
 Votum . PP.

Vixit . An . LXX . VII . Mens . II . Dieb . II .

DP . In . Pace . x . Kal . Febr . An . IIII . D . N . Francisci . P . F .
 Aug .

H P Q C
 MOTPATOPIE XAIPE




CATALOGUS

OPERUM CLARISS. V.

LUD. ANT. MURATORII

Aliquot in locis illustratus.



§. I.

OPERA SEPARATIM EDITA.

ANNO
CHRISTI
1697.

L

Necdota quae ex Ambrosianae Bibliothecae Codicibus nunc primum eruit, Notis ac Disquisitionibus auget Ludovicus Antonius Muratorius, in eadem Bibliotheca Ambrosiani Collegii Doctor. Tomus prior, quatuor S. Paulini Episcopi Nolani Poemata complectens. Mediolani in 4. Quae quidem quatuor Poemata a Cl. Editore secundis cutis recognita, Veronae recusa sunt ann. 1736. in luculenta S. Paulini Ep. Nolani Operum editione, ad eam exacta quae An. 1685. celebrissimi Presbyteri Iohannis Baptiste Le Brun studio, Parisiis tribus voluminibus in 4. prodierat. Non erit autem fortasse otiosum heic adnotare, ultimum ex his quatuor Poematibus, quae in hoc primo Anecdotorum volumine S. Paulino tribuuntur a Muratorio, ab aliis eruditis viris S. Episcopo abiudicari, & alteri addici cui nomen ANTONIUS, ex idololatra Christianam religionem professo. Sic enim incipit Carmen illud Versuum ccliv. (31.)

ANNO
AET. SUAE
25.

*Discussi, fareor, sectas ANTONIUS omnes;
Plurima quaeſiui, per singula quaeque cucurri:
Sed nihil inveni melius, quam credere Christo.*

Et infra Vers. cl. postquam Ethnicismi superstitiones Poeta cecinisset:

*Haec ego cuncta prius, clarum cum lumen adeptus,
Meque diu incertum, O tot tempestatibus actum*

(31) *Anecd. Tom. I. pagg. 115, 129.*

Sancta

ANNO
CHRISTI Sancta salutari suscepit Ecclesia portu,
1697. Postque vagos fluctus tranquilla sede locavit.

ANNO
AET. SUAE
25.

Denique Verf. CLX.

Rector enim noster sic undique cuncta gubernat.
Ut modo qui nobis errorem mentis ademit,
Hic meliore via Paradisi limina pandat.
Felix nostra Fides, uni certoque dicata.

Sic enim hi d^o postremi Versus interpungendi; non
vero, ut apud Muratorium:

Hic meliore via Paradisi limina pandat
Felix. Nostra Fides uni certoque dicata.

perinde ac si *Felicitatis velut Martyris, Paulino* celebri, nomen ad priora sit referendum. Id autem primo acute observatum V. Cl. *Iohanni Liron* Monacho Benedictino ex Congregatione S. Mauri in Opere, quod suppresso nomine Gallice Parisiis evulgavit anno 1717. in 12. sic inscriptum: *Les Amenitez de la Critique, ou Dissertations & Remarques nouvelles sur divers points de l'Antiquité ecclesiastique & profane*. Qua de re vid. *Journal des Savans*. Ann. 1717. mens. Iunio pag. 654. Inde autem hanc notitiam derivavit *Iohannes Albertus Fabricius* in suum *Delectum Argumentorum* Hamburgi editum Ann. 1725. in 4. ubi (32) & *Carmen illud Antonii adversus Gentes*, additis Muratorii praefatione ac notis, recudit. Quin & ipsem *Fabricius* in laudati *Delectus Argumentorum* prima pagina a tergo, tres priores Versus eiusdem *Carminis adversus Gentes* imprimendos curavit, quibus nomen Auctoris hoc pacto praefixit: *ANTONIUS FUSSALENSIS*: quo autem innexus fundamento Auctorem hunc *FUSSALENSEM* cognominarat *Fabricius*, neque ipse adnotat, neque mihi usquam detegere nondum licuit. Verum quamvis Opera cum *Lironi*, tum *Fabricii* iam edita suiscent, quum Muratorius ad recognoscendas accessit Notas illas, quas in *Carmina ab se primum evulga*ta exaravit; ipsi tamen numquam ea suboluerunt: sic enim ille in editione Veronensi pag. 693. ad Vers. i. *"ANTONIUS"*. Quem *Paulinus* haec adloquatur,

" quis

(32) *Delect. Argum.* pagg. 175. 206.

ANNO
CELESTI
1697. quis me doceat? Nominativum pro Vocativo ad-
hibitum ab antiquis, ostendit Vossius lib. IV. cap. ANNO
AET. SUAE
25.

„ v. de Arte Grammat.“ Quae quidem Nota heic
primum comparet: in priori namque Mediolanensi
editione Commentarium suum incipit *Muratorius* a
Ver. xiiii. licet hac de voce *ANTONIUS* nonnulla
notatu digna in praefatione edisseruerit. Hactenus
observatis insuper addo, anno 1744, prodiisse Traie-
cti ad Rhenum apud *Henricum Spruit* in 8. plag. 10.
*Cornelii Valerii Vonck Specimen Criticum in Varios
Auctores*; cui accedunt *Observatione miscellaneae*.
Et in his quidem *Observationibus* postquam *Vonckius
Fabricium* l. c. fecutus, *ANTONIUM* auctorem *Car-
minis adversus Gentes* statuerit; ad *Carmen* ipsum
emaculandum deinde accedens, cum in vocibus ac
dictione, tum in caesura quedam corrigere studet.
At nonnullae *Vonckii* conjecturae solide eliduntur
in *Novis Actis Eruditior. Lips. anni 1746.* pagg. 215--
228.

1698. II. *Anecdota &c. Tomus secundus*, praeter Veter-
rum monimenta, *Commentarium continens De Coro-
na Ferrea*, qua Romanorum Imperatores in *Insubri-
bus* coronari solent. *Mediolani* in 4. *Commentarius*
hic *De Corona Ferrea* fuit Lipsiae recusus anno 1719.
in 8. subiunctus eruditissimi *Iusti Fontanini* *Disserta-
tioni De Corona Ferrea Langobardorum*; quae antea
Romae anno 1717. prodierat. Ubi vero *Fontaninus*
ab se dissentientium rationes expendit diluitque, ibi
ei res est cum *Muratorio*, cuius tamen nomini par-
cit. Denique *Lugduni Batavorum* anno 1722. prodiit
idem *Commentarius Muratorianus* una cum laudata
Fontanini Dissertatione, in Parte II. Tomi IV. *The-
sauri Scriptorum Italiae Graeviani*, a *Petro Burman-*
no continuati. Post praefationem autem ad Partem I.
huius Tomi IV. *Burmannus* legenda exhibit *Excerpta*
ex *Clariss. Muratorii Epistola ad Iohannem Burchar-
dum Menckenium* missa, quibus *Fontanini* argumen-
ta diluuntur. Adiecit praeterea *Burmannus* *Decre-
tum Eminentiss. Cardinalium*, quo Modoëtiensibus
permittitur, ob clavum Crucis Christi in illa *Coro-
na ferrea* haerentem, ut ferrur, eamdem Coronam
publicae adorationi exponere; qua de re consule-
sis, *Acta Sanctorum* Tom. IV. Junii pag. 764.
Vid. *Fabricium* in *Conspicu Thes. Litter. Italiae*,
pag. 91.

III. Vita

- | <small>ANNO
CHRISTI</small> | <small>Vita e Rime di Carlo Maria Maggi. In Mi-
lano. Tomi v. in 12. Opus raro obvium. Exstat etiam
Vita haec recusa inter Arcadum Vitas Tomo I.</small> | <small>ANNO
AET. SUAE
28.</small> |
|---------------------------------|--|---|
| 1700. | | |
| 1703. | IV. I primi Disegni della Repubblica Letteraria
<i>d'Italia</i> , rubati al segreto e donati alla curiosità de
gli altri Eruditi da Lamindo Pritanio. In Napoli
(Venezia) 1703. in 8. pagg. 96. Heic primum La-
mindi Pritanii personam induit Muratorius, quam &
deinceps aliquando resumfit. Opusculum istud sae-
pius recusum una cum altero inscripto: <i>Riflessioni
sopra il Buon Gusto</i> , de quo mox ad ann. 1708. Con-
sule infra Epistolarum rectionem sub num. I. | 31. |
| 1705. | V. Prolegomena ad veritatis <i>O</i> pacis amantes,
Operi praemissa cui titulus: <i>Elucidatio Augustiniae
de divina Gracia doctrinae. Auctore Lescio Cron-
dermo. Accedit Francisci Diroyssi Dissertatio &c.</i>
Coloniae in 4. Huius Operis meminit Muratorius in
Epistolis sub nomine Ferdinandi Valdesii evulgatis,
sic inquiens (<i>Epist. viii. pag. 94.</i>) "Nondumne,
" ait, accepisti, alienum adeo a Iansenii castris esse
" Lampridium, ut etiam adversus illum militave-
" rit, ac Libros Lescii Crondermi, hoc est D. Celsi
" Cerri Abbatis Canonicorum Regularium Salvato-
" ris, & Francisci Diroyssi adversus Iansenium ex-
" ratos, in lucem ediderit, satis longa Praefatione
" sua (seu <i>Prolegomenis</i> heic laudatis) exornatos?"
Quibus sane verbis <i>Nora</i> illa confirmari potest, quam
infra subiecimus Lib. III. Cap. xvii. <i>De Ingenior.
moderat.</i> pag. 299. | 33. |
| 1706. | VI. <i>Della perfetta Poesia Italiana. Tomi II.</i> In
Modena in 4. Iterum editi Venetiis anh. 1723. cum
Notis Antonii Mariae Salvini V. Cl. | 34. |
| 1708. | VII. <i>Introduzione alle Paci private.</i> S'aggiungono
un <i>Ragionamento di Sperone Speroni intorno al Duel-
lo</i> , e un <i>Trattato della Pace di Giovambatista Pi-
gna</i> non pubblicati finora. In Modena in 8. | 36. |
| — | VIII. <i>Riflessioni sopra il Buon Gusto intorno le
Scienze e le Arri di Lamindo Pritanio.</i> In Venezia in
12. His accessit <i>Introduzione all'Opera del Pritanio,</i>
cioè <i>la Teorica del Buon Gusto</i> di Bernardo Trevisa-
no Patrizio Veneto. Anno autem in sequenti 1709.
Anonymous <i>Epistolam</i> edidit in 8. pagg. 25. <i>De recte
instituenda Iuris Academia ad Lamindum Pritanium,</i>
nobilissimum <i>O</i> eruditissimum <i>Virum</i> . Venetiis im-
pressam fuisse hanc <i>Epistolam</i> praeferit eius inscriptio: | — |

d

at

ANNO
CHRISTI at alibi cusa certo putatur. Huiusce autem Operis ANNO
AET. SUAE
1708. *Piranii Pars secunda prodiit in lucem anno 1715.* 36.

de eaque nos iterum ad annum illum.

- IX. *Osservazioni sopra una Lettera intitolata: Il Dominio temporale della Sede Apostolica sopra la Città di Comacchio. In Modena f.* Quod quidem Opus Gallice redditum, recusum fuit Hagae Comitum ann. 1710.
1709. X. *Anecdota Graeca quae ex MSS. Codicibus nunc primum eruit, Latio donat, Notis & Disquisitionibus auget Ludovicus Antonius Muratorius, Sereniss. Raynaldi I. Ducus Mutinae &c. Bibliothecarijs. Patavii in 4. In Prolegomenis ad Firmi Caesareae Episcopi Epistolas, pag. 280. Cl. Editori suborta dubitatio, num a Theophylacto Scholastico Epistolae ethicae, agrestes, amatoriae, a vetustis Auctoriibus delibatae, (de quibus ibidem agit) in unum corpus fuerint redactae. Verum Muratorio scrupulum eximit Iohannes Albertus Fabricius Bibl. Gr. tom. vi. pag. 281. His autem Firmi Epistolis aliae quatuor Iuliani Imperatoris adiunguntur, a Muratorio nunc primum editis; si primam excipias, quam tamen in praecedentibus editionibus mutilam, heic integrum dedit. Si quando ergo praeclaram Operum Iuliani editionem, post praestantissimum Petavium, ab Ezechiele Spanhemio adornatam recudi contingat; plurimum sane intererit hisce Apostatae Epistolis a Muratorio detectis, illas quoque adiungere quae laudatus Fabricius anno 1731. Hamburgi primus evulgavit in *Salutari Luce Evangelii* pagg. 316---336. Quin & forte praestabat Latio donare, vel saltem in subsidium adhibere, nonnulla egregia Opuscula quae nuper Parisis Gallice prodierunt; nimirum I. *La Vie de l'Empereur Julien.* Par Mr. l'Abbé de la Bleterie. 1746. in 12. II. *Histoire de l'Empereur Jovien avec une Traduction des principaux Ouvrages de Julien.* Par le même, 1748. 2. voll. in 12. III. *Reflexions sur le caractère d'esprit & sur le Paganisme de l'Empereur Julien;* quae exstant in Tomo iv. de l'*Histoire de l'Academie des Inscriptions & Belles Lettres.**
1710. XI. *Supplica di Rinaldo I. Duca di Modena alla S. Ces. Maestà di Giuseppe I. Imperadoro, per le Controversie di Comacchio. In Modena f.* 38.
1711. XII. *Quistioni Comacchiefi. In Modena f.* 39.

XIII. *Vita*

ANNO CHRISTI
1711. XIII. *Vita e Rime di Francesco Petrarca colle Considerazioni di Alessandro Tassoni, di Girolamo Muzio e di Lodovico Antonio Muratori. In Modena in 4.*

Hoc Opus cuius primam editionem nonnulli alligant ad annum 1708: fuit recusum Venetiis anno 1727. *Muratorii Observationes prolixiores quidem sunt Tassonianis & Murianis*, quas ipse suis addidit: at harum brevitas acumine compensatur. Ad *Muratorianas* quod attinet, licet noster Auctor solide atque modeste virgam censoriam in *Petrarcham* exercuerit, eas tamen acriter perstrinxit eruditus vir *Blasius Schindo*, strenuus, sed vividior quam par erat, *Petrarchae hyperaspistes*; qui supremum diem clausit quatuor post menses ab obitu ipsius *Muratorii*, nempe IX. Kal. Iunias ann. 1750. Hic igitur in Auctorem nostrum tria edidit Opuscula: I. *Prefazione alla Rettorica d' Aristotele fatta in lingua Toscana dal Commendatore Annibal Caro*, Venetiis edita 1732. in 8. typis nitidis: II. *Lettera prima di M. Francesco Petrarca all' Autore della Prefazione*; quae exstat in calce laudatae editionis *Rhetorices Aristotelicae*: III. *Lettere di M. Francesco Petrarca all' Autor della Prefazione premessa alla Rettorica d' Annibal Caro*. Venetiis 1733. in 8. Non me fugit, *Iacobum Martinengum causam Muratorii agendam suscepisse*, in lucem emissa *Epiſtola Italice scripta*, quam & primam inscripsit. Verum illa evulgata, a causa destitit.

1712. XIV. *Piena Esposizione dei diritti Imperiali ed Estensi sopra la Città di Comacchio. In Modena f.* Quae autem hactenus recensuimus Opera sub numm. IX. XI. XII. XIV. Gallice recusa sunt Traiecti ad Rhenum ann. 1713. in 4. Exstant quoque in *Collectio- ne Scriptorum de urbe Comaclensi*, eodem anno 1713. Francosurti iunctim edita. His vero & illud additum fuisse, inscriptum *Disamina &c.* de quo nos infra ad annum 1720. scribit *Iohannes Brukerus* in *Muratorii Operum Syllabo*, quod eius Elogio subiecit in *Decade II.* suae *Pinacothecae Scriptorum nostra aetate litteris illustrium*: at, ut quidem opinor, affinitate argumenti deceptus. Videant ii tamen, quibus prae manibus est praefata Collectio. Habuit autem *Muratorius* in hac controversia Comaclensi adversarios longe clarissimos, *Laurentium Alexandrum Zagagnium* *Vaticanae Bibliothecae Praefectum*, & *Iustum Fontaninum* *Archiepiscopum Ancyranum*.

- ANNO
CHRISTI
1713.
- ANNO
AET. SUAE
41.
- XV. *Anecdota quae ex Ambrosianae Bibliothecae Codicibus nunc primum eruit L. A. M. Tomi III. O*
- IV. *Patavii in 4. Ad tertium horum Anecdotorum volumen quod spectat, habes infra observatiunculam, Lib. 1. Cap. xv. pag. 68. De Ingenior. moderat. subiectam. Heic autem monendum occurrit, auctores Diarii Eruditorum Italiae (33) iam ab anno 1710. in spem adductos, virum doctissimum post quatuor Anecdotorum Latinorum volumina, alia duo Italorum aliquando fuisse editurum quae, & l. c. recensentur. Sed nondum hactenus in lucem prodigre.*
1714. XVI. *Governo della Peste Politico, Medico ed Ecclesiastico. In Modena in 8. Opus Mediolani recusum anno 1719. atque iterum Mutinæ ann. 1721. addita, Relazione della Peste di Marsiglia con alcune Osservazioni e Giunte al suddetto Governo. Sic autem adiunctum rursus prodiit eodem anno 1721. Mediolani, Augustae Taurinorum, Brixiae & Pisauri: denique Lucae anno 1748. in 8. in cuius quidem Lucensis editionis fronte, cur Quarta Operis editio nominetur, non video. Anglice autem redditum idem Opus, in vulgus iam exierat anno 1721.*
- XVII. *De Ingeniorum moderatione in Religionis negotio, sub Lamindi Pritanii nomine. Parisis in 4. Anno autem insequenti 1715. Coloniae, mox Francofurti ann. 1716. in 8. deinde Veronae, denique Venetiis ann. 1721. 1727. 1741. 1752. Quo de Opere in superiori nostra Epistola ad V. Cl. Andream Lugatum satis egimus.*
1715. XVIII. *Riflessioni sopra il Buon Gusto nelle Scienze e nell' Arti, di Lamindo Pritanio. In Colonia (Napoli) in 4. Huiuscce Operis Pars secunda primum edita hoc anno. Cui accessere I primi Disegni &c. evulgati anno 1703. nec non Pars prima, cum Introduzione all' Opera del Pritanio, cioè la Teorica del Buon Gusto di Bernardo Trevisano Patrizio Veneto. De quibus nos superius ad ann. 1703. & 1708. Haec autem editio anni 1715. prodiit cura Blasii Majoli de Avitabile, qui & Monitum ad Lectorem praefixit. Quae quidem sic adaucta deinceps recusa fuit Venetiis ann. 1716. 1723. 1742. 1751. 2. voll. in 12.*
1717. XIX. *Antichità Efesti. Tomo I. In Modena f. De secundo Volumine ibidem evulgato, nos infra ad ann.*
- (33. *Giornale de' Lett. Tom. I. pagg. 151. e seg.*
- 42.
- 43.
- 45.

ANNO
CHRISTI ann. 1740. *Antiquitatum Estensium praeclarum Opus* ANNO
AET. SUAE
1717. quo & res Italicae maxime illustrantur, in eo potissimum versatur, ut idem evincatur esse stipes Sere-

45.

nissimae Familiae Estensis & Brunsvicensis, nunc regiae, Domus: quod quidem ipsi potentissimo Magnae Britanniae Regi valde probatum. Vide sis infra *Epistolarum* recensionem §. 111. num. IV.

1720. XX. *Disamina di una Scrittura intitolata: Risposta a varie Scritture in proposito della Controversia di Comacchio. In Modena f.* De aliis huiusmodi scriptis nos superius ad ann. 1710. 1711. 1712. 48.

XXI. *Vita del P. Paolo Segneri Iuniore della Compagnia di Gesù.* Cui adde --- : *Esercizi spirituali secondo il metodo del medesimo Padre. In Modena, 2. voll. in 12.* Venetiis pluries typis impressum utrumque Opusculum: novissime, ann. 1748. Quum autem Muratorius in secundo istorum Opusculorum volumine pag. 417. de cultu erga Deiparam Virginem sermonem habens, solide utque Theologum decebat asseruerit, cultum illum non esse absolute ad salutem necessarium; Scriptor anonymous in ipsum calamum strinxit, edito Panormi anno 1742. in 4 pagg. 272. Opere sic inscripto: *Trionfi della Divozione della Madre di Dio esaltati da un pio Sacerdote suo minimo schiavo (cuius nomen P. Antonius Ignatius Mancusius e Soc. Iesu): Opera divisa in due Parti, che nella Prima tratta della Necessità per salvarsi dell'intercessione e divozione di N. Signora Maria: nella seconda del Precetto d'esserle sinceramente divoto.* Eiusdem Auctoris exstat aliud Opusculum, Panormi quoque editum hoc ipso ann. 1742. in 4. cui titulus: *Ritratto della falsa dottrina di Lamindo Pritanio esposto da Fulgosio di Monte Pelero Palermitano.* Cuius quidem leviculae Opellae unum alterumve specimen in superiori Epistola ad *Andream Lugiatum* nobis longe amicissimum praebuimus. Heic autem illius mentionem facimus, quod Auctor seipsum summis laudibus efferens, de altero suomet Opere, modo nobis laudato, sermonem habeat in haec verba (34): „ Nè qui è da tacersi il prezioso Libro che un Anonimo Palermitano dotissimo ha scritto contro quella Proposizione di Ludovico Antonio Muratori nel Libro degli Esercizi di S. Ignazio stampati in Venezia, fol. 417.

„ ove

(34) *Ritratto della falsa dottr. Prefaz. pag. 3.*

ANNO
CHRISTI „ ove dice, che la Divozione della Beatissima Ver-

ANNO
AET. SUAE
48.

1720. „ gine non è d'obbligo, nè necessaria, per salvar-
„ si: e mostra l'Autore con grande erudizione e
„ dottrina la necessità della divozione verso la Ver-
„ gine Santissima in quel Libro stampato nel 1742.
„ in Palermo col titolo: *Trionfi della divozione di*
„ *Nostra Signora*. Quindi fu che altri Letterati pen-
„ sarono in ogni maniera di addossarmi almeno la
„ carica di palesare pure *pro Conscientia & Veritate*,
„ il mio sincero giudizio, almeno intorno alla det-
„ ta Opera *De Ingeniorum Moderatione in negotio*
„ *Religionis &c.* ” Hactenus ibi. Quum autem com-
pertum sit (35), utriusque Operis auctorem esse me-
moratum P. *Mancusium*; constat igitur, eundem
quae modo recitavimus verba, de seipso scripsisse.
Obiit autem hic Auctor eo ipso anno 1742. Kalen-
dis Martiis; adeoque colligitur posthumum esse il-
lius Opusculum, ex quo locum superius descriptum
excerpsimus: quin & fertur idem vel penitus sup-
primendum, vel faltem corrigendum fuisse ab eo-
dem Scriptore, si diutius vixisset. Verum & ipsem
P. *Mancusius* suo nomini melius consuluisset, si
numquam ad scribendum in *Muratorium* accessisset;
& quisquis eius scripta in lucem emisit, consultius
ipsius memoriae prospexisset, si ea flammis combu-
renda consignasset. Iamque idem iaculum, quod
postea P. *Mancusius*, sibi intorquendum sumserat
Laurentius Migliacius, & ipse Panormitanus, in suo
Lampridio detecto & castigato, anno praecedenti
1741. Panormi item edito in 4. Cui quidem fecit
satis *Muratorium* in *Epistolis* sub nomine *Ferdinandi*
Valdesi evulgatis (36). Confuse, sis, eundem in
Opere Italice inscripto: *Della Regolata Divozion*
de Cristiani (37), ubi iterum hac de re mentionem
iniecit.

1723. XXII. *Della Carità Cristiana*, in quanto essa è 51.
Amore del Prossimo. In Modena in 4. Tractatus hic,
praeter alias editiones, Venetiis recens recusus ann.
1751. & Parisis Gallice prodiit ann. 1745.

XXIII. *Rerum Italicarum Scriptores ab anno Aeræ* —
Christiane quingentesimo ad millesimum quingentesi-
mum.

(35) V. *Novelle della Repub. Letter. di Venezia*, ann. 1745. pagg.
151. 172.

(36) Epist. xv. pagg. 211. 213.

(37) *Regol. Divoz. Cap. xx.* pag. 281. prior. edit. Venet. in 8.

ANNO
 CHRISTI
 1723. num 1738. Ut celeberrimi Auctoris consilium in
 hac eximia Collectione adornanda clarius pateat, ac-
 cipe Brukeri verba ex ipsius *Elogio Muratoriano de-*
 scripta (38): „Maxima, inquit, diligentissimi Mu-
 ratorii cura in eo vertebatur, ut res medii aevi
 „ sacras & civiles illustraret: noverat enim in den-
 sis quae saecula barbara tegunt, tenebris multa
 latere, notatu dignissima & valde memorabilia.
 „ In his itaque eruendis, attentioni, diligentiae, &
 eruditioni nulli pepercit. Ut autem fine suo po-
 tiretur, anno 1714. & sequente iter litterarium
 per diversas Italiae provincias instituit; bibli-
 thecas, tabularia & scrinia publica atque priva-
 ta excussum; civitatum & monasteriorum charto-
 phylacia exploravit; magnum ex iis Chartarum
 veterum, Diplomatum aliorumque monumento-
 rum acervum, quibus res medii aevi illustrari
 possent, descripsit; & divitiis litterariis haud pau-
 cis auctus, domum rediit..... Ex hoc vero
 scopo quem sibi praefixerat, sensim enatum ma-
 gnum atque splendidum Opus est; quod, quam-
 diu honos erit litteris, immortalem Auctori suo
 gloriam pariet; Collectionem innuimus *Scripto-*
 rum rerum Italicarum. Ad quod suscipiendum
 excitasse virum celeberrimum videntur labores vi-
 rorum summorum, eiusmodi Scriptorum histori-
 corum certarum regionum res illustrantium Col-
 lectiones instituentium. Ast & typum atque mo-
 dum consilii difficilis, & media quibus exsequi
 illud potuit, sibi debet *Muratorius*, iudicio, in-
 dustria & innumerorum Scriptorum lectione ab-
 unde instructus. His enim artibus ornatus, dif-
 ficultate se deterrei haud passus est; sed aucto-
 ritate sua qua in orbe eruditio valet, usus, vi-
 ros doctos passim ad porrigendas manus mutuas
 compellavit. Quumque & ubique fere in Ita-
 lia viris litteratissimis innotuisset, & amicitia
 quoque haud paucis esset iunctus; ipsum vero in-
 stitutum ad iuvandam litteraturam omnem, ma-
 xime Italicam, videretur utilissimum & prorsus
 egregium: omnium qui res hujuscemodi intelli-
 gunt, plausum & approbationem naectus, mul-
 tos

(38) Jo: Bruker. Decad. II. Pinacoth. Script. nostra aetate lit-
teris illustr.

ANNO
CHRISTI 1723. " tos conspirantes habuit , qui operam suam pro-
ANNO
AET. SUAE 51.

mitterent , & reapsē praestarent . Inter quos viri
clarissimi *Iosephus-Antonius & Franciscus-Antonius*
Saxii diligentem ei operam praestitare in commu-
nicandis Chartis m̄s. quas ex tabulariis adytisque
litterariis decerpserant . Ut vero ardui & prolixī
Operis editio faustam Lucinam experiretur , illu-
stris quaedam *Societas* sedecim membris constans ,
quae se *Palatinam* appellavit , magnam auri vim
contulit , ut Editio in arce Mediolanensi , favente
eius urbis Prorege , curari splendide posset . Textum
Italicum autem Scriptorum veterum , Latinum fe-
cit *Horatius Blancus** , qui cum *Saxio* Editioni quo-
que praefuit . Praefationum ** , Dedicationum , reli-
quorumque quae ad integratatem Operis pertine-
bant , curam suscepit *Philippus Argelatus* : animam
vero Operi quasi addidit praestantissimus *Murato-*
rius . Ille enim veteres Codices Membranasque
excusit , earumque *ἀπόγραφα* contulit , obscura
Commentariis doctissimis illustravit ; Tabulas geo-
graphicās , Diplomata regia , & quae alia erant ,
splendorem ingenti Operi conciliantia , adiecit ;
omnibus curam consiliumque interposuit ; hocque
paēto Volumina septem supra viginti in forma
maxima cūm orbe litterario communicavit ; in
quibus elegantissima & suis numeris perfecta exhibe-
tur Collectio Scriptorum tum editorum tum
nondum vulgatorum de rebus Italiae , qua ab eo
tempore pleraque bibliothecae memorabiles su-
perbiunt". Hactenus *Brukērus*.

Praestantissimae huius Collectionis undecim priora
Volumina recensentur a *Iohanne-Alberto Fabricio* in
Conspectu Thesauri Litterarii Italiae (39) , edito Ham-
burgi ann. 1730. in 8.

Habeo autem nonnulla quae adnotem , ad unum
alterumve huiuscē Collectionis Volumen spectan-
tia . Et primum quidem , Volumini x. praemittitur
De Italia mediī aevi Dissertatio Chorographica , au-
tore Anonymo Mediolanensi , Regiō Ticini Lecto-
re , (Domno Caspare Beretta Monacho Benedictino) .
Quum vero tribus Viris eruditis Professoris Tici-
nensis placita minus arrisissent , calatum in ipsum

strinxe-

* Minus accurate loquitur heic *Brukērus* : in hac enim Collectione
ne Auctores editi ea lingua , qua scripta sua prodidūt.

** Praefationes sunt *Muratori* , non autem *Argelati* .

(39) *Fabric. Conspl. Thes. pagg. 13. &c.*

ANNO CHRISTI 1723. strinxerunt: qui proinde ut suam sententiam tueretur confirmaretque, Mediolani edidit anno 1729. ANNO AET. SUAE 51.
 in 4. Opus sic inscriptum: *In Dissertationem Italie medii aevi Censurae III. Viterbiensis, Veneta & Brixiana: cum Responsis III. pro Anonymo Mediolanensi. Belli Diplomatici Historia tertio praemissa. Parvaque Mantissa Emendationum ac Additionum ad calcem subiecta.*

Iam vero eodem anno 1729. prodiit laudatae Collectionis Volumen xvi. (seu Tomus xiiii.), in quo primum comparet *Iohannis Villani Florentini Historia universalis* a condita Florentia usque ad annum MCCCXLVIII. Italice scripta, plurimis variantibus Lectionibus ac Supplementis aucta ope Ms. Codicis Cl. V. *Iohannis Baptiste Recanati* Patrii Veneti. In sequenti autem Volumine xvii. recusa fuit eodem anno 1729. *Matthaei Villani* (*Iohannis fratri*) eiusque filii *Philippi* Historia ab anno MCCCXLVIII. ad annum MCCCLXIV. collata cum duobus Ms. Codicibus & variantibus Lectionibus aucta. Verum anno insequenti 1730. in lucem prodiit (forte *Florentiae*) absque loci impressionis nota, *Lettera di *** a un Amico sull'edizione delle Croniche de' Villani, fatta a Milano nel 1729.* qua nimirum aliquot laudatae Mediolanensis editionis defectus notantur, nonnullaque specimina exhibentur, quoad *Iohannis Villani Historiam*, collatione inita cum *Davanzai* Ms. optimae notae; adeoque horum trium celebrium *Villanorum* Historicorum nova editio, a *Tartino & Franco* typographis Florentinis recudenda dicitur in eadem Epistola. Haec autem exstet Gallice redita in *Bibliotheca Italica* Genevae edita (40). Cui tamen Epistolae eo ipso anno Responsum oppositum sub hoc titulo: *Risposta dell'Amico alla Lettera di *** sopra l'edizione delle Croniche de' Villani, fatta in Milano l'anno 1729. Di Milano il dì 30. di Ottobre 1730.* In 4. pagg. 43. Recensetur in eadem *Bibliotheca Italica* (41). In *Nov. Litter. Florentinis* (42) V. Cl. *Iohannes Lamius*, haesitabundus licet, *Muratorio* tribuit Responsum istud, quod malim ab aliquo e Sociis Palatinis Mediolanensis conscriptum: eo vel maxime quod huiusce Responde si au-

(40) *Bibliotheca Italique* Tom. viii. Art. viii. pagg. 188-222.

(41) *Biblio. Italiq.* Tom. x. Art. viii. pagg. 259-278.

(42) *Nov. Lett. di Fir.* ann. 1750. pagg. 877-878.

ANNO
CHRISTI
1723.

si auctor, quisquis demum is fuerit, *Muratorianae E-*
pistolae fragmentum recitat, Editoribus Mediolanen-
sibus a celebri Collectore inscriptae, postquam ad
ipsum Epistola Florentina pervenisset.

ANNO
ART. SUAE
51.

Denique adnotandum duco, post praestantissimi *Muratorii* obitum, anno scilicet praeterito 1751. in lucem fuisse emissum Mediolani celeberrimae Collectionis Volumen xxviii. qui praeter aliquot Opuscula nuper eruta, Italicorum veterum Monumentorum veluti spicilegium, ad commodiorem totius Operis usum sextuplicem etiam Indicem complectitur. Cui quidem propediem accedit Volumen xxix. totiusque numquam satis laudandae Collectionis postremum, universalem Rerum ac Nominum Indicem, eumque numero septimum, contenturum.

Ceterum pretium esset Operis, si eximiae huic Editioni attexeretur Appendix ab annocccc. ad 10. cuius telam orsus est praeclarissimus *Scipio Maffeius* (43). Quin & praestaret fortasse, ea omnia in unum corpus congerere usque ad praefatum annum cccc. quae veteres Scriptores cum Graeci tum Latini de Italia deque Italicae memoriae mandarunt: quemadmodum paucis abhinc annis doctissimus D. *Martinus Bouquet* Monachus e Congregatione Sancti Mauri, in praestantis *Scriptorum Historiae Franciae* Collectionis volumen primum contulit quidquid ad suam Gentem pertinebat, ex remotioris Antiquitatis monumentis cum delectu excerptum, Notisque eruditissimis illustratum.

55.

1727. XXIV. *Opere Critiche di Lodovico Castelvetro Gentiluomo Modonese, non più stampate: colla Vita dell' Autore scritta dal Signor Proposto Lodovico Antonio Muratori. In Lione (Milano) 1727. in 4.* Hinc opportunitatem nactus fuisse sibi visus est *Iustus Fontaninus* Archiepiscopus Ancyranus, in foetu suo posthumo inscripto: *Della Eloquenza Italiana* (44), carpendi *Ludovicum Castelveturum*, seu potius in *Muratorium* eius Vitae scriptorem virus evomendi e suo amarulento pectore, diu multumque conceptum & altum, tum ob *Scripta Comaclensia*, tum ob *Commentarium de Corona Ferrea*, tum denique ob insigne Opus *De Ingeniorum moderatione* in

(43) *Offervaz. Lett. Tom. 1. pagg. 86-90.*

(44) Integra eius inscriptio isthaec: *Della Eloquenza Italiana di Monsignor Giusto Fontanini Arcivescovo d'Ancira, Libri tte. In Roma 1736. in 4.* Venetiis Opus recusum anno in sequenti 1737.

- <sup>ANNO
CHRISTI</sup> in Religionis negotio, adeoque ob claram nōminis famam quam Muratorius hicce aliisque doctissimis incubrationibus sibi comparaverat. Quare scripto apologetico scipsum tueri censuit noster Auctor, atque Fontanini criminationes elidere; de quo nos infra ad annum 1737. num. xxvii.
1730. XXV. Motivi di credere tuttavia nascoso, e non scoperto in Pavia l'anno 1693. il Sacro Corpo di S. Agostino. In Trento (Lucca) in 4. Perrarum Opusculum: de quo ipsemet Clariss. Auctor in litteris ad me datis III. Kal. Augusti ann. 1745. haec habet: *A i pezzi della Vita del Santo* (Dottore Agostino) si potrebbe aggiugnere un mio Opuscolo intitolato: Motivi di non credere scoperto il Corpo di S. Agostino. Non se ne stamparono che 200. Copie; e sono stato flagellato da chi ne desiderava, senza poterli servire. Io non ne ho che una sola Copia per me, e non saprei privarmene. Tuttavia quando occorresse, ne farei sacrificio al di lei buon volere. Verum Opere quod tunc orsus eram tantisper dilato, propediem tamen in lucem emittingendo; Exemplar illud adeo comiter mihi exhibitum, penes humanissimum Muratorium remansit; quin & ipsius Auctoris manu perpolitum auctumque aliquot in locis, abhinc annos duos dum Mutinae agerem, in Bibliotheca Esteni memini me vidisse.
1735. XXVI. La Filosofia Morale esposta e proposta ai Giovani. In Verona in 4. Neapoli 1737. in 4. & Vene-
tiis 1749. in 8. Vide infra §. v. Opera inedita, sub num. ix.
1737. XXVII. Primo Esame del Libro intitolato: Dell'Eloquenza Italiana, di Monsignor Fontanini. In 4. absque loci impressionis nota. Recusum deinde Opusculum cum aliis eiusmodi Scriptis, in Collectio-
ne cui titulus: *Esami di varj Autori sopra il Libro intitolato: L'Eloquenza Italiana di Monsignor Giusto Fontanini Arcivescovo d'Ancira.* In Roveredo (Venezia) 1739. in 4. Vide quae supra diximus ad ann. 1727. sub num. xxiv.
1738. XXVIII. De Paradiso Regnique Caelestis gloria, non exspectata Corporum resurrectione, Iustis à Deo conlata. Adversus Thomae Burneti Britanni librum De statu mortuorum. Veronae in 4.
- XXIX. Antiquitates Italicae medii aevi, sive Dis-
sertationes de moribus, ritibus, religione, regimine,

63.

65.

66.

ANNO
 CHRISTI 1738. militia, nummis, principibus, libertate, servitute, foederibus, aliisque faciem & mores Italici populi referentibus. Omnia illustrantur. & confirmantur ingenii copia Diplomatum & Chartarum veterum, nunc primum ex Archivis Italiae de promtarum: additis etiam Nummis, Chronicis aliisque monumentis, numquam antea editis. Tomi VI. fol. Mediolani, ab hoc anno ad annum 1743. Quo tempore Antiquitates Estenses publici iuris fecit celeberrimus Muratorius, hoc est an. 1717. Antiquitates etiam Italicas edendas in se recepit. Postquam igitur Scriptores rerum Italicarum evulgavit, fidem suam liberaturus, manum statim admovit ad istiusmodi egregium Opus in lucem emitendum, eodem scilicet anno 1738. quo prior magna Collectio desit.

„ Illustratam sane (verbis utor (45) Philippi Argelati V. CL.) Italica Historiam tot Scriptorum numero nemo negaverit. Sed nondum satis visum est praestantissimo Muratorio. Quamobrem novo ingenti labore ad novam lucem aperiendam manus convertit, excussis aliis Antiquitatum rudibus, unde plurimum eruditio nis ad barbara potissimum tempora conferendum habemus. Hanc ipse alteram Collectionem Palatinis obtulit, eamque ambabus ulnis accepimus. In hisce igitur Antiquitatibus Italicas medii aevi videbis ingeniam copiam Diplomatum & Chartarum veterum nunc primum ex Archivis Italiae in vulgus emissam, quantam nemo sane cogitare poterit adhuc in maxima priorum temporum perturbatione superesse. Dantur suis etiam locis & Inscriptiones & Monogrammata; Nummorum Sigillorumque figurae, & quidquid tandem illustrandae Antiquitati nostrae conducere poterit, sub oculis exhibentur.“

Has autem Dissertationes quibus Italiae res medii aevi miro-acumine atque dexteritate illustravit explicuitque Muratorius, sub vitae suae finem Italice reddidit; cui quidem Operi ad umbilicum paene perducto immortuus est. Iamque in lucem nunc emissio fruimur. Vide infra §. IV. Opera post huma sub num. II.

XXX. Vi

(45) Ex eius publicis ad Eruditor litteris, quas ipse interendas curavit in Nov. Act. Eruditor. Lips. ann. 1738. pag. 526.

ANNO
CHRISTIXXX. *Vita di Alessandro Tassoni. In Modena in 8.*ANNO
AET. SUAE
67.

1739. Venetiis recusa hoc ipso anno 1739. praefixa eius-

dem *Tassoni Poemati inscripto: La Secchia rapita.*Tertium autem edita Mutinae ann. 1744. variis ad-
ditionibus aucta, in praeclara laudata Poematis edi-
tione in 4. & in 8. Quae quidem Mutinensis editio
rursus prodiit Venetiis ann. 1747. in 8.

XXXI. *Novus Thesaurus veterum Inscriptionum,*
*in praecipuis earumdem Collectionibus hactenus prae-
termisarum.* Tomi IV. fol. Mediolani, ab hoc an-
no ad annum 1743. „ Confecto insigni vastoque
„ Opere (46) *Rerum Italicarum*, quo depulsa
„ vidimus ab Historia caliginem temporum su-
„ periorum, & evulgato iam primo volumine
„ Antiquitatum Italicarum mediis aevi, censi po-
„ tuisset exhaustum argumentum omne illustran-
„ dae nobiliss antiquae eruditionis: quum ecce mihi
„ percurrentum exhibetur novum egregium Opus,
„ *Thesaurus nempe veterum Inscriptionum*; cuius
„ ope, post Diplomata & Codices a carie ac pulve-
„ re vindicatos, Marmora ipsa & exesi Lapidès Grae-
„ cis Latinisque characteribus insculpti, e latebris
„ ac ruderibus in publicam lucem proferuntur. Quan-
„ ta hinc seges reconditae eruditionis colligi possit,
„ quantoque a Litteratis viris plausu excipi valeat
„ hic labor a Cl. V. Ludovico Antonio Muratorio
„ suscepimus, iis omnibus compertum est, qui anti-
„ quitatem omnem excusserunt, ut pretiosiss hisce
„ fragmentis Litterariam Rempublicam locupleta-
„ rent.“

Heic autem nonnulla forte adnotare praestabit,
tum quoad eruditissimum Collectorem, tum etiam
quoad V. Cl. Joseph Bimardi Dissertationes & Epi-
stolas Tomo I. huius *Thesauri* praefixas. Iam vero
ad *Muratorianam Inscriptionum Syllogen* quod atti-
net, in *Miscellaneis Lipsiensibus Novis Voluminis I.*
Parte III. anno 1742. Lipsiae edita in 8. pagg. 450...
509. exstat *Iohannis Henrici Leichii Specimen nota-
rum & emendationum ad Graecas Inscriptiones*, a
cel. Muratorio editas. Prodiit etiam Tiguri anno
1744. in 8. pagg. 47. *Iohannis Casparis Hagembuchii
de Graecis Thesauri novi Muratori Marmoribus
quibusdam metricis Diatriba*. Quo quidem de Opu-
sculo

(46) Verba sunt Joseph-Antonii Saxii V. Cl. Praefationi *Murato-
rianae* ad huius *Thesauri* Tomum I. subiecta.

ANNO
CHRISTI sculo in Nov. Litter. Florent. ann. 1748. col. 10. & ANNO
AET. SUAE
1739. seqq. occurrit Anonymi Regiensis, viri sane prae- 67.
stantis, Epistola apologetica Italice scripta xiv. Kal.

Ianuarias anno 1747. qua doctissimus Muratorius vindicatur ab ineptis Hagembuchii observatiunculis. Verum eo ipso anno 1747. idem Hagembuchius publici iuris fecit Tiguri in 4. Epistolas Epigraphicas ad Virum illustrem Iohannem Bouhierium Senatus Divisionensis Praesidem, & ad Virum celeberrimum Ant. Franc. Gorium historiarum Professorem Florentinum, in quibus hoc triennio scriptis plurimae antiquae Inscriptiones Graecae & Latinae, Thesauri in primis Muroriani, emendantur & explicantur. Alia levioris momenti ab aliis notata in hoc praeclarissimo Inscriptionum Thesauro, de industria praetereo.

Haec ad Muratorium: quae vero ad Bimardum spectant, accipe ex duabus sequentibus Epistolis, quarum altera est ipsius Bimardi, altera Editorum Mediolanensium nomine exarata. Priorem exscribo ex Bibliothèque raisonnée des Ouvrages des Savans, Tom. xxiv. Part. I. Art. viii. pag. 232. siveque se habet:

„ L E T T R E

„ de Mr. le Baron de la Bastie à Mr. d'Orville
„ Professeur en belles Lettres à Amsterdam.”

„ JE savois déjà, Monsieur, combien il en coûtoit
„ de peines à un Auteur, pour rendre correct
„ un Livre qu'il faisoit imprimer sous ses yeux:
„ mais je vous avouë que je ne connoissois pas tout
„ le danger que courront ceux qui souffrent, qu'on
„ imprime leurs Ouvrages dans un païs éloigné.
„ Je viens malheureusement de l'éprouver dans l'im-
„ pression qu'on a fait à Milan de quelques-unes de
„ mes Dissertations Latines & Françoises sur divers
„ Monumens Antiques. Elles sont inserées dans le
„ I. Tome du Thesaurus novus Inscriptionum de Mr.
„ Muratori, qui paroît depuis quelque tems.”

„ Quand on auroit formé le dessein de désfigurer mes Ecrits, il eût été difficile de mieux réussir. Soit ignorance, soit négligence de la part de celui qui a été chargé de cette Edition, il n'y a
„ pres-

ANNO
 CHRISTI 1739. " presque point de phrase dans mes *Dissertations*,
 où l'on ne trouve quelque faute. Tantôt on m'a
 fait faire des solecismes qu'on ne pardonneroit pas
 à un Ecolier de Cinquième : tantôt on met sur
 mon compte des impropriétés que l'homme du
 monde le moins familiarisé avec les Auteurs an-
 ciens, éviteroit aisément. Ici un mot changé me
 fait dire précisément le contraire de ma pensée:
 là une ponctuation vicieuse forme un contre-sens.
 Les termes les plus communs y sont très-souvent
 corrompus; & pour les noms propres, il y en a
 peu qui ne soient défigurés par l'extrême ignoran-
 ce des imprimeurs. En un mot, si la comparai-
 son de *Déiphobe* cruellement navré par *Menelas*
 n'avoit été souvent employée en pareil cas, elle
 paroîtroit faite exprès pour moi."

" Vous jugerez, Monsieur, par ce détail, du
 chagrin que j'ai ressenti à la vue de cette Edi-
 tion informe: & quoique j'aï envoié à *Milan* un
Errata des principales fautes que j'ai remarquées
 en la parcourant; cet expedient ne sauroit répa-
 rer le tort que mon Ouvrage, en l'état où on
 l'a mis, pourroit me faire dans le monde. Je suis
 donc obligé de défaouer hautement cette Edi-
 tion; & je déclare que je ne répondrai point aux
 Objections qu'on pourroit faire, soit contre les
 opinions que j'ai soutenues, soit contre les expli-
 cations que j'ai proposées; puisque la plûpart
 des critiques ne porteroient que sur les fautes
 d'impression dont je ne dois pas être garant."

" Je vous serai très-obligé, Monsieur, si vous
 voulez bien rendre mon desaveu public, en le
 faisant insérer dans quelqu'un des Journaux Litté-
 raires qui s'impriment en Hollande; & votre ami-
 tié pour moi me fait espérer que vous ne me re-
 fuserez pas ce service.

" J'ai l'honneur d'être &c.

" Paris, ce 25^e d'Octobre 1739.

Posteriorem autem Epistolam heic recusam exhi-
 beo ex *Novis Actis Eruditorum Lips.* Ann. 1740. pag.
 237. estque, hujusmodi:

" Epi-

1739. " Epistola D. Marchionis NN. ad Dominum NN. Regium Academicum Scientiarum Rarissimis,

" data Mediolano XII. Kal. Mart. ann. 1740.

" De editione novae Collectionis *Veterum Inscriptio-*
 " *norum* a Cl. V. *Muratorio* collectarum, val-
 " de conquestus est D. *Bimardus* in Diariis vestris
 " atque Hollandicis. Ea mihi tamen heic videre li-
 " cuit, quibus editores *Mediolanenses* D. *Bimardi*
 " querelis respondere meditantur. Compertum igi-
 " tur tibi sit, D. *Argelatum* aliis negotiis distra-
 " ctum, *Inscriptionum Collectionis* corrigendae pro-
 " vinciam cuidam D. *Orontio Itabili* Monacho Cas-
 " sinensi, sacrae Theologie Lectori, viro, ut au-
 " divi, eruditio & Linguarum Latinae & Graecae sa-
 " tis perito, demandasse, ipsisque correctionibus
 " exsequendis D. Abbatem *Latuadum* praefecisse;
 " cui quidem Abbati Societas haec Palatina a se-
 " decim ferme annis idem negotium dedit in edi-
 " tionibus, quas probe nosti. His compertis, scire
 " volui, quonam pacto fieri posset, ut tanta erro-
 " rum copia in Dissertationibus D. *Bimardi*, primo
 " praedictarum *Inscriptionum* Tomo praefixis, irre-
 " pserit, quemadmodum Amicus tuus acriter sane
 " conqueritur. Et forte fortuna adfui, quum inspi-
 " ceretur, comparationis gratia, immanis errorum
 " series ab ipsomet D. *Bimardo* missa, cum eius-
 " dem Dissertationi autographo, quo duce usi sunt
 " impressores. Ne tamen tibi taedio sim, in earum
 " *Inscriptionum* Tomo II. lepidum *Monitum* perle-
 " gas, velim: ex quo videbis, antequam D. *Bimar-*
 " " dus infinitam errorum myriadem mitteret, qui-
 " busdam appositum iam fuisse remedium, nonnullis
 " refectionis foliis, quae, negligentibus institutoribus,
 " in primis Tomi I. exemplis inserta non fuere
 " tunc, quum Mediolano in alias urbes transmissa
 " sunt. Hinc minor errorum series conspicitur in
 " *Errata-corrigē*, Tomo II. post dictum *Monitum*
 " praefixo: & ex his etiam plerique in autographo
 " *Bimardi* ad impressores missa, universis visibili,
 " & qui in *Errata* asterisco * notabuntur. Id quidem
 " *Errata* inserviet Tomo I. Quoniam autem Ami-
 " cus tuus multis in locis se ipse corrigit, & plura
 " adiecit quae in autographo ad hanc urbem missa
 " desiderabantur, hae adiectiones duplii asteri-
 " sco ** significabuntur. Multi etiam errores qui
 " tales

<sup>ANNO
CHRISTI</sup>
 1739. " tales D. Bimardo visi sunt, ostendentur tales non esse, prout in impressis leguntur; qui tamen er-
 " rores forent, si, ut ipse asserit, animadversione
 " castigati fuissent. Hinc facili negotio Lectori pa-
 " tebit, male in hanc Editionem, linguam & stilum
 " acui, quam omnes inter Italicas optimam censem."
 " Iam vero reliqua *Muratorii* Opera recensere per-
 gamus.

1740. XXXII. *Antichità Estensi.* Tomo II. In Modena f. 68.

Tomus primus iam in lucem prodierat ann. 1717. de eoque nos ad annum illum.

— XXXIII. *De superstitione vitanda: sive Censura* —
Voti Sanguinarii, in honorem Immaculatae Conceptio-
nis Deiparae emissi, a Lamindo Pritanio antea oppu-
gnati, atque a Candido Parthenotimo Theologo Si-
culo incassum vindicati. Mediolani (Venetiis) in 4.
Opus ibidem recusum anno 1742. Sub Antonii Lam-
pridii nomine illud edidit Muratorius; de eoque nos
infra in Not. ad Lib. II. Cap. vi. pag. 139. De Ingen.
moderat. In quem quidem locum error irrepsit, no-
bis heic corrigendum. Diximus enim l. c. post vi-
ginti sex annos, ex quo primum Parisiis in vulgus
*prodierat Tractatus *De Ingeniorum moderatione in**
Religionis negotio*, nonnullos extitisse qui *Votum
**Sanguinarium* ab Auctore nostro ibidem improbatum,*
propugnandum in seipso receptorint: quum tamen
iam ab anno 1729. id est post quindecim tantum an-
nos a prima modo laudati Operis editione, Siculus
*Scriptor, & quidem Theologus, quin & *sacrae Theo-**
**logiae Professor*, sub nomine *Candidi Partenotimi* edi-*
*disset Dissertationem Theologicam sic inscriptam: *Vo-**
tum pro tuenda immaculata Deiparae Conceptione ab
oppugnationibus recentioris Lamindi Pritanii vindica-
tum. Panormi 1729. in 8. Auctor Dissertationis R. P.
Franciscus Burgius e Soc. Iesu, qui exinde alia non-
nulla Opuscula contra Lamindum evulgavit, mox
nobis memoranda. Parthenotimi Dissertatione fero ad
Pritanium delata; eaque insuper ipsum aliis curis
studiisque gravioribus distentum invenit, ut ipsem et
fatetur (47). Post duos igitur aut tres annos ab
editione praefatae Dissertationis, Librum suum *De*
**Superstitione vitanda* elucubravit quidem: sed anno*
dumtaxat 1740. sivit ut in lucem prodiret (48).

f XXXIV. *De*

(47) Sub initia Praefat. ad hocce Opus *De Superst. vitanda.*

(48) Vide Ferdin. Valdesii Epist. v. pag. 47.

ANNO
CHRISTI
1742.

ANNO
AET. SUAE
70.

XXXIV. *De i Disetti della Giurisprudenza. In Venezia f.* Opus eodem anno Neapoli in 4. & Tridenti in 12. fuit recusum. Iterum autem Venetiis anno insequenti 1743. in 8. Quo quidem anno Iohannes Antonius Quirinus huic Scripto opposuit: *La Giurisprudenza senza disetti, che da se medesima si difende contro il Trattato del Signor Lodovico Antonio Muratori. In Venezia 1743. in 4. pagg. 103.* Quin & alium Scriptorem Neapolitanum novi, qui huiusmodi Scriptum *Muratorianum* impugnandum suscepit: at ipsius Opus mihi hactenus invisum. Ceterum prioris editionis exemplar nonnullis accessionibus auxit Cl. Auctor, quod egomet Mutinae agens inspexi.

71.

1743. XXXV. *Ferdinandi Valdesi Epistolae, sive Appendix ad Librum Antonii Lampridii, De superstitione vitanda. Ubi Votum sanguinarium recte oppugnatum, male propugnatum ostenditur. Mediolani (Venetiis) in 4.* Vix annus intercesserat ab editione Operis *De Superstitione vitanda*, quum in *Muratorium*, perinde ac si emittens illud in lucem, classicum cecinisset ad acre bellum perurgendum, complures in ipsum insurrexerunt Scriptores, in primis vero Panormitani; quorum proinde Opuscula refutare aggressus est noster Auctor, has *Epistolas* sub nomine *Ferdinandi Valdesi* evulgans: in quibus quidem edendis usus fuisse fertur opera & consilio R. P. Danielis Concinna, viri doctissimi & supra laudes, cuius etiam obstetricante manu in lucem emissum fuerit alterum ipsius Opus modo memoratum, *De Superstitione vitanda*. Iam vero Opuscula in *Lampridium* scripta, hisque *Valdesianis Epistolis* confutata, recenseamus.

I.

R. P. Iohannis de Luca Veneti ex Ordine Minorum S. Francisci Theologi, De Immaculata B. Virginis Conceptione Dissertation. Neapoli 1739. in 4. Huius Dissertationis exemplum ad manus *Lampridii* pervenit anno tantum 1741. ut ipsemet fatetur (49); qui sane praevidere minime potuit, quid scripturus quidve editurus foret hic Minorita, quum Opus de *Superstitione vitanda* iam elucubrasset circa ann. 1732. licet in vulgus illud emiserit anno demum 1740. Istud

(49) *Ferd. Vald. Epist. v. p. 47.*

ANNO
CHRISTI
1743. Istud autem quum anno 1741. vidisset idem P. Io-
hannes de Luca, statim imprimendum Neapoli cura-
vit suaeque *Dissertationi* adiiciendum, unum folium
tamquam *Prologum Galeatum*. Sic autem incipit:
Fecit amor & cultus in Deiparam O.c. Cuius qui-
dem Minoritae *Dissertationem & Prologum* in quin-
que suis prioribus *Epistolis* discutit noster Valdesius.

ANNO
AET. SUA
71.

II.

Lettere al Signor Antonio Lampridio intorno al suo Libro nuovamente pubblicato, De Superstitione vitanda &c. In Palermo 1741. in 4. pagg. 51. Tres sunt Epistolae istiusmodi, quas Valdesius in *Epistolis vi. & vii.* confutandas suscepit. Earum *Auctor*, inquit ipse (50), fetur Religiosi cuiusdam insignis Ordinis alumnus iuvenis; & quamquam vel senio consecutus foret, iuvenem, uti ostendam, ipsa illius meditamenta produnt. Iste autem iuvenis *Auctor*, est R. P. Franciscus Antonius Zaccaria e Soc. Iesu, nunc equidem non tantum aetate proiectior, sed & pluribus Scriptis Eristicis, in primis vero *Historia Litteraria Italie*, in dies inclarescens. Tres eius laudatae Epistolae, recensitae atque auctae ab eodem *Auctore*, iterum typis traditae anno in sequenti 1742. Panormi, seu potius Lucae: iisque fuit adiecta, *Lettera all' Eminentissimo Signor Cardinale N. N.*, scripta, ut fetur, a R. P. Alessandro Santocanale, eiusdem Societatis alumno; de qua mox verba faciemus.

III.

Risposta ad un Cavaliere erudito, desideroso di sapere ciò che debba intendere intorno il Libro del Signor Antonio Lampridio, nel quale si afferisce imprudente, superstizioso, sanguinario e peccaminoso il Voto di difendere usque ad sanguinem l' Immacolata Concezione della Madre di Dio. In Palermo 1741. in 4. Huius Opellae *Auctor* qui uno folio rem conficit, est R. P. Melchior de Laurenzio e Soc. Iesu. Eius autem mentionem iniicit Valdesius sub initium Epistolae viii. pag. 93. Verum ipsam nihil ille moratur, sed aliis legendam dimittit. Aliam quidem ibidem memorat Italice scriptam typisque commis-

f 2 sam

(50) *Ferd. Vald. Epist. vi. pag. 58.*

ANNO
CHRISTI 1743. AET. SUAE 71.

sam a Rev. Patre J. P., cuius exempla fuere Panor-
mi dispersa; eo fane consilio, quo *Lampridius* tam-
quam homo anathemate percussus, saltem apud cre-
dulam plebeculam, traduceretur. At res in nihilum
abiit. Quin & *Valdesius* ipse in medium profert (51)
Epistolam Illustrissimi P. de A. ad Patrem J. P. O.c.
(is est ille ipse *Eques eruditus*, ad quem missum a
R. P. *Melchiorre de Laurentio* modo relatum *Respon-
sum*) rapido calamo a se descriptam, & ex Italico
in Latinum sermonem conversam.

IV.

*Lettera di Pier Antonio Saguas ad Antonio Lam-
pridio, in cui si dimostra che il suo Libro intitolato:
De superstitione vitanda, seu Censura Voti Sanguini-
narii &c. troppo si opponga alle leggi del Buon Gusto
già con plauso stabilita da Lamindo Pritanio. In Pa-
lermo 1741. in 4. Ibidem, & Neapoli recusa haec
Epistola in 8. Sub nomine *Petri Antonii Saguas* latet
R. P. *Vespasianus Trigona* e Soc. Iesu, quem *Valde-
sarius* aggreditur in Epistolis ix. & x., eius postremam
maledicentiam (52) O continuatas paene calumnias
prodens. Fertur idem Author has *Epistolas Valdesia-
nas* confutasse; cuius tamen Opus an fuerit hactenus
typis editum, me latet.*

V.

*De Pietate in Deiparam amplificanda, Dissertation
duplex: in qua duplex exponitur O vendicatur Vo-
rum pro tuenda eiusdem Deiparae Immaculata Conce-
ptione. Auctore Candido Parthenotimo Siculo, sacrae
Theologiae Professore. Panormi 1741. in 4. pagg. 299.
Ille ipse est R. P. *Franciscus Burgius*, cuius supra
meminimus ad ann. 1740. sub num. xxxiii. Quam-
quam vero hic Scriptor in *Lamindum Pritanium*, si-
ve *Lampridium*, prior copias moverit; ab eodem ta-
men *Lampridio* deinde exagitatus, aequius quam ce-
teri iterum in arenam descendit, teste *Valdesio* (53):
qui proinde *duplicem* eius *Dissertationem* ad examen
revocat in Epistolis XI. XII. & XIII.*

VI.

(51) *Ferd. Vald. Epist. viii. pag. 90.*

(52) *Verba sunt Valdesii in Epist. ix. pag. 105.*

(53) *Ferd. Vald. Epist. x. pag. 115.*

V I.

ANNO
CHRISTI

1743.

Lettera all' Eminentissimo Signor Cardinale N. N. in cui si dimostra, con quanta ragione si debba attribuire alla Concezione della Santissima Vergine il titolo d' Immacolata, con cui per tanti secoli l'hanno onorata i Sommi Pontefici. Haec Epistola typis tradita Romae in fol. licet in fronte nullum praferat impressionis locum. Deinde fuit recusa Panormi ann. 1741. in 4. pagg. 46. Denique adiecta *Tribus Epistolis*, quas modo memoravimus sub num. II. ubi & innuimus, eius Auctorem censeri R. P. *Alexandrum Santocanale e Soc. Iesu*; quem si paene a *Furiis actum dicas, non iniuria dicas*, inquit *Valdesius* (54). Apud hunc autem legere est in Epistola xiv. Apologiam quam ad eundem anonymum *S. R. E. Cardinalem* direxit ipse *Lampridius*.

V I I.

Lampridius detectus O castigatus: seu intemeratae Marianae Conceptionis magnanimo voto vel usque ad sanguinem propugnatae Dissertatio. Auctore Laurentio Migliaccio Panormitano, Panormitanae Ecclesiae Canonico &c. Panormi 1741. in 4. pagg. 296. Stomachatur *Valdesius* (55) huius Auctoris tum logodiarhoeam, tum inhonestam pugnandi rationem adversus *Lampridium*; eiusque argumenta potiora expendit in Epistola xv.

V I I I.

La Risposta senza maschera al Signor Lodovico Antonio Muratori del P. Attardi Agostiniano. In Palermo. De hoc Opusculo *Valdesius* ita censet (56): „ Auctor Libelli Vir Clarissimus, utpote qui ex aliis Libris illustre sibi nomen antea quaeſierat „ Festivum illius ſtylum dicas: urbanitatem quoque praefert adhibita ab illo pugnandi ratio ”. Subdit deinde: „ Agitur heic de egregio viro, quo cum mihi ab ineunte aetate arcta intercedit amicitia, immo & summa neceſſitudo. Is uti ceteros Libros „ suos,

(54) *Ferd. Vald.* Epift. xiv. pag. 171.(55) *Ferd. Vald.* Epift. xv. pag. 198.(56) *Ferd. Vald.* Epift. xvi. p. 215.

ANNO
CHRISTI „ suos, ita & hunc ad me misit, meumque pro sua ANNO
AET. SUAE
1743. „ humanitate de illo iudicium poposcit". Haec ille, 71.
qui l. c. statim subiicit Epistolam sic inscriptam:
Clarissimo Patri Bonaventurae Attardo Ordin. S. Au-
gustini N.N. bene omnia agere.

I. X.

*Lampridius ad trutinam revocatus. Dissertatio Theo-
logica de Immaculatae Mariae Conceptionis certitudi-
ne, eiusdemque Immunitate a debito proximo Orig-
inalis culpae contrahendae. Auctore Iosepho Ignatio
Milanese Soc. Iesu in Panormitana Collegii Maximi
Academia Theologiae Professore. Panormi 1742. in 4.
pagg. 348. Accipe ex Valdesio (57) de hocce Libro
iudicium: „ In isto sane Auctore, inquit, neque
„ scientiam, neque eruditionem desideres. Magistra-
„ lis pro more illius stilus, & stilos quidem in iram,
„ & prope in contumelias pronus ". Ibidem autem
testatur, tantum sibi temporis & patientiae non suis-
se, ut spissum Opus continuata lectione percurreret:
„ Quaenam enim voluptas, ait, qui fructus, aliis
„ verbis repetita legere, quae alii antea, neque se-
„ mel, nobis exhibuerant "? Nonnulla tamen censura
digna ab hoc Auctore prolata, carpit idem Valdesius
in Epistola xvii. omnium postrema.*

X.

*Nuovi Fervori della Città di Palermo e della Si-
cilia in ossequio dell'Immacolata Concezione di Ma-
ria Vergine. Opera d'un Sacerdote Palermitano, pron-
to a mettere mille volte la vita e a spargere il san-
gue in difesa della stessa Immacolata Concezione ec.
In Palermo 1742. in 4. pagg. 90. Ab illustri Cano-
nico D. Antonino Mongitore conscripta haec Opel-
la: sed quo tempore in lucem prodiit, Ferdinandus
Valdesius suas Epistolas iam miserat Venetas prelo
committendas. Eius tamen meminit in Monito, ipsa-
rum Epistolarum Cl. Editor.*

X. I.

*Fratri Ignatii Como Lilyboetani Ord. Min. Sancti
Fran-*

(57) *Ferd. Vald. Epist. xvii. pagg. 22r. & seq.*

ANNO CHRISTI 1743. Francisci Conventualium, *Dissertatio Theologica in Vindictis Certitudinis Immaculatae Conceptionis Sanctae Mariae Virginis adversus Antonii Lampridii Animadversiones in Opusculo, De Superstitione vitanda.*
 Panormi 1742. in 4. pagg. 340. In vulgus emissâ haec
 Dissertatio, dum typis imprimebantur Valdesii Epistolæ.

ANNO AET. SUAE 71.

X I I.

Risposta data in quattro Dialogi all'ottava Lettera del Signor Ferdinando Valdesio, ne' quali si pruova lodevolissimo il Voto di difendere sino all'effusione del sangue la pia sentenza dell'Immacolata Concezione della Madre di Dio. In Palermo 1743. in 12. pagg. 234. Horum Dialogorum Auctor est R. P. Melchior de Laurentio e Soc. Iesu, ille ipse de quo supra sub num. III.

X I I I.

Confutatio sex priorum Epistolarum ex eo Libro, cui titulus est: Ferdinandi Valdesii Epistolæ, sive Appendix ad Librum Antonii Lampridii, DE SUPERSTITIONE VITANDA. Mediolani (Venetiis) 1744. in 8. pagg. 85. Libelluli huius Auctor idem est cum eo, de quo supra sub num I. P. Iohannes de Luca Minorita.

X I V.

*Dionysii Bernardes de Moraes Coruscationes Dogmaticæ &c. Ulyssipone 1748. in 4. pagg. 588. Nonnulla de hoc Scriptore attimus sub finem superioris Epistolæ ad V. Cl. Andream Lugiatum, de ipso etiam infra verba facturi ad ann. 1747. sub num. XL. Illum autem haec tenus recensitis Auctoriibus adiungendum ducimus, quod & ipse in Opere laudato late argumentum idem persequatur (58) propugnandumque suscipiat; quod *Lamindo* primum, deinde *Lampridio*, denique *Valdesio* novimus pro viribus improbatum. Sic enim Lusitanus hic Auctor (59): „Ex consulto „ad hunc locum reservavi, quod *Muratorius* sub nomine*

(58) *Dionys. Bern. Coruscat. V. Rad. I. num. 130-160. pagg. 405-433.*

(59) *Id. ibid. num. 130. pag. 405.*

ANNO
CHRISTI ANNO
1743. AET. SUAE
71.

nomine *Lamindi* lib. 2. cap. 6. pag. 254. (*De In-*
gen. moderat.) impiissime nimisque audacter scri-
 psit circa pietatem, (quam pervicaciam pervicax
 ipse vocat) qua Immaculatam Deiparae sanctissi-
 mae Conceptionem Hispani Lusitanique praecipue
 venerantur, iurantque tueri". Plura referre super-
 sedeo, ne Scriptoris huius filium virulentum in
Muratorium clarius prodam.

X V.

Vita della Ven. Suor Benedetta Regio, data in luce
dal Signor D. Michele Scavo Canonico Palermirano.
In Palermo 1742. in 4. Hunc quoque Scriptorem ce-
 teris hucusque memoratis addendum censuimus; in
 Epistola enim nuncupatoria ad B. Virginem, & qui-
 dem satis prolixa, Voti sanguinarii argumentum at-
 tingit, pluraque in *Lampridium* intorquet, licet eius
 nomini parcat.

Ceterum post editas *Valdesianas Epistolas*, quam-
 quam ab adversariis in lucem prolata sint sex Opus-
 cula sub numm. x. & seqq. indicata: attamen quum
 ea nihil novi in medium proferant, sed crambe
 repetita fastidium creent nauseamque; nihil quoque
 iis reponendum satius duxit *Muratorius*.

XXXVI. *Il Cristianesimo felice nelle Missioni de'*
Padri della Compagnia di Gesù nel Paraguai. *In*
Venezia in 4. Vide infra ad ann. 1749. sub num. XLVI.

1744. XXXVII. *Annali d'Italia dal principio dell'Era* 72.
Cristiana *sino all' anno 1749. Tomi XI.* *In Milano*

(Venezia) in 4. Ab hoc anno usque ad annum 1749.
 Germanice redditii Lipsiae deinde prodierunt: quin
 & propediem Gallice in vulgus emittendi feruntur.
 Quum autem celebris Abbas Cennius, duo priora
 huiuscē Operis volumina recensens, multis laudibus
Muratorium eo nomine extulisset, quod plura dete-
 xisset ceteris Eruditis antea invisa; hinc enatum
 Opus Neapoli evulgatum anno 1746. in 4. cui titu-
 lus: *Riflessioni su le nuove Scoverte di Lodovico An-*
tonio Muratori per gli Annali d'Italia. Auctor Ope-
 ris Petrus Vitalis; cuius tamen nomen in huius edi-
 tionis fronte non comparet. Ad haec accedit, lauda-
 tum Abbatem Cennium in recensione subsequentium
Italiae Annalium voluminum, mutata sententia, ca-
 lamum in *Muratorium* acuisse: qui tamen impavidus
 in

- ANNO
CHRISTI
- ANNO
AET. SUAE
1744. in Censorem Pistoriensem insurgens , in calce To-
mi xii. vividam & succi plenam , sui Operis Apolo-
giam extare voluit . Constat denique , huiusmodi
Annales Romae nunc typis committi , cum Notis P.
Catalani V. Cl. qui & eruditam Praefationem Latino
stilo exaratam praemittendam censuit , ut nuper ex lit-
teris cuiusdam Amici percepit : iamque Prospectus
Romanae huius editionis , quam avide exspectamus ,
anno praecedenti 1751. in vulgus exiit .
1745. XXXVIII. *Delle Forze dell' Intendimento umano , o sia il Pirronismo confutato . In Venezia in 8.* Ibi-
dem editio secunda ann. 1748. Operis huius Excer-
ptum ex Cap. xxiv. a pag. 325--331. discutit Auctor
anonymus (nimirum celebris Abbas Regularis Do-
mnus *Celsus Migliavacca*) in Appendix ad peracrem
Librum inscriptum : *Difesa delle Animadversioni con-
tro d'un Libello stampato in Verona col titolo : Rispo-
sta all'Anonimo Autore delle ANIMADVERSIONES
IN HISTORIAM THEOLOGICAM a Cl.V. MARCH.
SCIP. MAFFEIO ELABORATAM . Editum istud
Opus ann. 1750. in 4. pagg. 112. Lucae , ut praefert
titulus , sed falso .*
- XXXIX. *Della Forza della Fantasia . In Venezia*
in 8. Tractatus hic ibidem paulo post recusus : at
in editionis fronte , retenta nota eiusdem anni 1745.
1747. XL. *Lusitanæ Ecclesiæ Religio in administrando
Poenitentiae Sacramento , O Decretalis ea de re San-
ctissimi Patris Benedicti XIV. Pontificis propugnata .*
Mutinae in 4. Anno insequenti 1748. D. *Dionysius
Bernardes de Moraes Ulyssipone* spissum Opus evulga-
vit in 4. sic inscriptum : *Coruscationes dogmaticae ,*
universo orbi terrae pro recta Sacramenti Poenitentiae
administratione resurgentibus , in varios distributae Ra-
dios , quibus noxia praxis detegendi complices destrui-
tur , atque variae propositiones tum Morini , tum Mu-
ratorii , tum aliorum dissipantur . A criterio sane , quin
& contumeliose invehitur hic Auctor in *Muratorium*
V. Clariis. iniquo animo ferens , virum doctissimum
alienam provinciam e longinquo suisse aggressum .
Eius ingenii petulantis dicacisque indolem iam pro-
didimus cum in superiori Epistola , tum modo in
recensione Scriptorum pro *Voto sanguinario* sub num.
xiv. Sed ut clariss innotescat , quam aequitati con-
sonum sit iudicium quod isto de homine procaci at-
que inverecundo protulimus , libet heic exscribere
g verba ,

ANNO
CHRISTI

1747.

ANNO
AET. SUA

75.

verba , quibus ille ſcriptionem maledicentiffimam exordit. Ea vero ſic ſe habent (60) : Apparuit tandem poft anni curriculum exſpectata diu , atque ab *Antifigilliftis* anxie conquisita , angariati hominis ſeu conducti *Aristarchi Murinensis* Ope-la , quam *Heraclitus* ploraret , *Democritus* rideret , aut irrideret *Hippoclides*. Potius diceret reditibus ecclesiasticis coemtam ſatiram ſive libellum infamatorium , mendaciis plenum , conviciis ſcatens , atque vel falsis vel detortis doctrinis ſub laconismo sparsis abundanter refertum .” Haec ille . Quidnam boni , quaeso , ex hoc viroſo exordio de Operis exitu ominemur ? quidve cenſendum de iſto Lufitano Scriptore , qui Furiis actus praefantiffimum *Muratorium* tamquam viliffimum homuncionem adoritur ? Ne nimius forte ſim , eruditis cordatisque viris id iudicandum relinquo .

XLI. *Della Regolata Divozione de' Criſtiani. Trattato di Lamindo Pritanio. In Venezia in 8. Ibidem ann. 1748. & 1752. in 12. Item Florentiae & Tri-denti 1749.* Latine autem redditum , propediem in lucem edendum probe novi. Porro in hanc rem habes infra *Notam* ad Lib. II. Cap. III. pag. 125. *De Ingenior. moderat.* Huius vero Tractatus *Muratorianii Caput VIII.* expenditur in Opusculo nuper edito Venetiis , anno ſcilicet praecedenti 1751. in 12. cui titulus : *Trattato della Conſidanza Criſtiana.* Extant itaque in calce huiusce Tractatus , *Oſſervazioni ſopra l' ottavo Capo della Regolata Divozione ec. da aggiugnerſi alla nuova Edizione di Firenze del medefimo Libro di Lamindo Pritanio.* A Monsig. Illuſtriss. e Reverendiss. Vefcovo di Fiesole , Francesco Ginori . Per opera di Ale-toſilo Sacerdote. Latet autem ſub huius nominis umbra R. P. Domnus *Constantinus Rotigni* Monachus Cassinensis , pluribus aliis Operibus clarus .

Alios insuper nonnullos adversarios nactus eſt *Pri-ranius* , quibus minus probata eius placita , hoc in Ope-re candide & libere expoſita. Ut Eminentiss. Scriptorem heic praeteream , de quo mox verba faciam ſub num. XLIV. aliumque ſileam cuius meminit Cl. *Johannes Lamius* (61); Illuſtriffimum & Reverendiss. Aquilae in Veftinis Antiftitem , *Ludovicum Sabatum de Anfora* nonnullas *Animadversiones* in hunc Mura-

(60) *Dionys. Bernard. Coruscat. dogmat. pag. 1.*
(61) *Nov. Letter. di Firenze, ann. 1750. col. 747.*

ANNO
CHRISTI

1747.

Muratorianum Tractatum brevi in lucem emissurum intellexi (62): quin' ex *Historia Litteraria Italiae* (63) constat, praeter quemdam Anonymum, duos etiam e Soc. Iesu Scriptores, nempe RR. PP. Plaza, O^r Petrum Lazari publicum Professorem Historiae Ecclesiasticae in Collegio Romano, Opus idem discutiendum refellendumque suscepisse.

XLII. *Vita di Benedetto Giacobini, Proposto di Varallo.* In Padova in 12. Hanc autem *Vitam Latio* donatam, variisque additionibus auctam, e prelo quamprimum emersuram certo scio.

1748.

XLIII. *Liturgia Romana vetus, tria Sacramentaria complectens;* Leonianum scilicet, Gelasianum O^r antiquum Gregorianum. *Veneris Tomi II. f.* Egregium plane Opus, atque apprime utile Ecclesiasticae antiquitatis cultoribus. Id autem sibi proposuit Cl. Auditor, nempe coniuncta exhibere harum rerum studiosis tria Sacramentaria Romana: **LEONIANUM** videlicet, quod eruditissimus P. Ioseph Blanchinius, Oratorii Romani Presbyter, ex Codice Bibliothecae Capituli Veronensis ante mille annos scripto, typis publicis tradidit: **GELASIANUM** a Vener. Cardinali Ioseph Maria Thoma^s anno 1680. evulgatum: & **GREGORIANUM**, post Iacobum Pamelium & Angelum Rocca, a doctissimo Hugone Menardo Monacho e Congregatione S. Mauri editum, ex omnium id genus antiquissimo sancti Eligii Codice Ms. expressum, & Notis illustratum summopere commendandis, & dignis quae omnium Eruditorum manibus terrantur. Hisce autem tribus Sacramentariis, in quibus tota *Liturgia Romana vetus* concluditur, addidit Vir sollertissimus **MISSALE GOTHICUM, FRANCORUM & GALLICANUM VETUS**, a Cardinali Thoma^s iam edita; uti & alterum **GALLICANUM**, una cum duobus omnium vetustissimis **ROMANAE ECCLESIAE RITUALIBUS LIBRIS**, ab incomparabili Mabillonio in lucem emissum: quo nimur Le^ttor antiquiora Occidentalium Ecclesiarum Sacramentaria sub oculis habeat.

Denique praestanti huic Collectioni praemisit *Muratorius* longe doctissimam Dissertationem, quam in **xxiv. Capita** dispescuit. In horum autem septem prioribus, Liturgiarum historiam late persequitur: in

g 2 reli-

(62) Nov. Letter. di Fir. ann. 1751. col. 845.

(63) Stor. Letter. d' Ital. vol. II. pag. 561.

l*j*

ANNO
AET. SUAE

75.

76.

ANNO
CHRISTI
1748.

reliquis vero septemdecim, Novatorum, atque in pri-
mis Binghami & Basnagii, elumbia argumenta pro-
terit exsufflatque, quibus ii Catholicorum doctrinam de
Eucharistia frustra infirmare nituntur. Quo sane uno
Operे, ut alia pleraque taceam ab eo ad Religionis
tutelam pertinentia passim elucubrata, optime de Ec-
clesia meritus fuisse praeclarissimus Auctor iure cen-
fendus.

ANNO
AET. SUAE
76.

XLIV. Raccolta di Scritture concernenti la Dimi-
nuzione delle Feste di Precesto. Si aggiunge la Ris-
posta di Lamindo Pritanio ad una Lettera dell'Emi-
nentissimo Signor Cardinale Querini intorno al me-
desimo argomento. In Lucca in 4. Eminentissimus
Cardinalis Quirinus Epistolam typis evulgarat, in
qua Caput xxi. Operis Muratoriani inscripti, *Della Regolata Divozion de' Cristiani*, annoque praecedenti
1747. in lucem emissi, confutandum sibi propo-
suerat. Cui quidem Epistolae heic Responsum dedit
Muratorius. Pugnam vero instauravit Purpuratus Pa-
ter, editis Brixiae hoc ipso anno 1748. quatuor Opu-
sculis: nimirum I. Lettera all'Eminentissimo e Reve-
rendissimo Signore Filippo Tommaso Cardinale d'Al-
fazia, Arcivescovo di Malines, e Primate del Bel-
gio. Dal Monastero di Marienberg xxix. Aprile
1748. pagg. 13. II. Romanorum Pontificum Urbani
VIII. Successorum concors sententia, De non immi-
nuendo Festorum dierum numero: quem idem Urba-
nus VIII. praehabitis suffragiis Cardinalium & Theo-
logorum, perpetuo valitura Constitutione praescripsit—
Ex Epistola Eminentissimi ac Reverendissimi Cardina-
lis Quirini, ad Serenissimum Principem Hassiae Lant-
gravium, Augustanae urbis Episcopum, data Brixiae
die XII. Iunii 1748. pagg. 8. III. La moltriplicità de'
giorni Festivi che oggidì si osservano di precesto, au-
torizzata da tutti i Sommi Pontefici di ducento e ven-
ticinque anni in qua, cioè da Clemente VII. a Bene-
detto XIV. o con Decreti da loro pubblicati, o con le
pratiche in esecuzione de' medesimi mantenute, o fi-
nalmente con gl'indulti concessi in questi ultimi tem-
pi. Brescia XIV. di Agosto 1748. pagg. 48. IV. Sup-
plemento alla ristampa fatta in Lucca di varj Scritti
spettanti alla diminuzione delle Feste; col mezzo del
quale, giacchè in quella Raccolta si è omessa la Let-
tera Pastorale dottissima e zelantissima di Monsignor
Bachetoni Vescovo di Anagni, si fa qui comparire la
sostan-

*ANNO
CHRISTI
1748.* *sostanza di una Lettera recentemente pubblicata in
difesa delle doctrine contenute nella medesima Pastorale,* *ANNO
AET. SUAE
76.*
pagg. 8.

Neque tamen siluit *Muratorius*: quin hisce Scriptis opposuit, *Altra Risposta intorno alla Diminuzione delle Feste*; & quidem priori vividiorem: iamque illam prelo paratam habebat. Verum S. D. N. *Benedictus XIV. Pontifex Maximus* Decreto sapientiae pleno, lato sub die xiv. Novembris ann. 1748. quoslibet vetuit, *in posterum Libros, Scripturas, aliasque Opera quaecumque typis imprimere seu aliter in lucem edere, in quibus de immunitatione dierum Festorum de praecepto, sive pro ea, sive contra eam agatur*: quod ubi *Muratorius* intellexit, humilis ac lubens prudentissimum Pontificium Decretum suscipiens, Apologeticum scriptum suppressit; adeo ut pluribus solicitationibus a Typographis Lucensibus fatigatus, numquam a sententia dimoveri passus est.

1749. XLV. De Naevis in Religionem incurrentibus, sive 77.

*Apologia Epistolae a Sanctissimo D.N. Benedicto XIV. Pontifice Maximo ad Episcopum Augustanum scriptae. Dissertatio Ludovici Antonii Muratori Bibliothecae Serenissimi Ducis Mutinae Praefecti. Lucae in 8. Agreditur Auctor in hoc Opusculo Christianum Ernestum a VVindheim heterodoxum iuvenem, qui paulo ante evulgarat *Observationes Theologico-Historicas ad Benedicti XIV. P. M. nuperam ad Episcopum Augustanum Epistolam*, anno 1745. datam typisque traditam; quam ipse quoque VVindheimus integrum Lectori exhibet.*

XLVI. Il Cristianesimo felice nelle Missioni de' Padri della Compagnia di Gesù nel Paraguay, descritto da Lodovico Antonio Muratori. Parte II. In Venezia in 4. Huius Operis Partis I. supra meminimus ad ann. 1743. Utraque autem Pars, currente hoc ipso anno 1752. iterum e prelo prodibit.

XLVII. Della Pubblica Felicità, oggetto de' buoni Principi, Trattato di Lodovico Antonio Muratori Bibliotecario del Serenissimo Signor Duca di Modena. In Lucca (Venezia) in 8. Eo autem ipso anno 1749. Tractatus hic revera Lucae recusum.

XLVIII. Dell'Insigne Tavola di Bronzo spettante a i Fanciulli e Fanciulle Alimentarj, di Traiano Augusto nell'Italia, disotterrata nel Territorio di Piacenza l'anno 1747. Intera Edizione e Sposizione fatta da

<sup>ANNO
CHRISTI</sup> *ta da Lodovico Antonio Muratori. In Firenze in 8.* <sup>ANNO
AET. SUAE</sup>
1749. *Opusculum istud exinde recusum in Volum. v. Sym-* 77.
bol. Gorian. Part. II. pagg. 1—56.

§. II.

OPUSCULA ALIIS COLLECTIONIBUS
INSERTA.

1708. I. *Vita di Francesco di Lemene. Inter Arcadum* 36.
Vitas Italice scriptas. Romae in 4. Latine au-
tem reddita a V. Cl. Iohanne Lamio exstat in Tomo
II. Memorabilium Italicorum Eruditorum.
1732. II. *Vita Caroli Sigonii. Praemissa Tomo I. lucu-* 60.
lentiae eius Operum editionis. Mediolani f.
1735. III. *Vita del Marchese Gian-Gioseffo Orsi. Praemit-* 63.
tur Tomo II. eius Operum, cui titulus: Lettere
di diversi Autori &c. In Modena 1735. in 8. Recu-
sa deinde hoc ipso anno in Tomo xi. Opuscul. Ca-
loger. pagg. XXXVII—LIX.
- IV. *Dissertazione sopra un' Iscrizione ritrovata nel-* ———
la Città di Spello. Al Padre D. Angelo Calogierà
Monaco Camaldolesè. In Tomo xi. Opuscul. Caloger.
pagg. 317.—386.
1738. V. *Dissertazione sopra l'Ascia Sepolare. In Tomo* 66.
II. Operis inscripti: Saggi di Dissertazioni dell'Ac-
cademia Etrusca di Cortona. Ad hanc Dissertationem
quod attinet, haec habeo quae adnotem. Ex-
stat in Galliae Antiquitatibus V. Cl. Marchionis
Scipionis Maffei Epistola x. ad nostrum Muratorium
Lugduno missa III. Non. Ianuarii apn. 1733. in
qua idem pertractat argumentum Vir illustris. Hinc,
ut quidem coniicio, Muratorio enata occasio modo
laudatam Dissertationem litteris tradendi: at in
aliam a Maffiana sententiam abiit. Eius tamen
opinione concutere tentavit eruditissimus Maf-
feius (64); qui vicissim responsum a Muratorio tulit
in calce Tomi I. Thesauri novi Inscriptionum veter-
rum, ubi & suam hac de re Dissertationem Latio
donatam reimprimendam curavit. Hisce autem ad-
dendum puto, eo ipso anno 1738. quo hanc edidit
Dissertationem Muratorius, alias duas Gallice prod-
uisse, eodem pertinentes. Et altera quidem Parisi-
ssi in Opere inscripto: Recueil de divers Ecrits pour
servir

(64) *Osservaz. Lettaz. Tom. iv. pagg. 223-2 legg.*

ANNO
AET. SUAE
66.

ANNO
CHRISTI
1738. servir d'éclaircissement à l'*Histoire de France*. Par Mr. l'Abbé le Boeuf. 2. voll. in 12. Isthaec vero
Dissertatio, *De Ascia veterum sepulcrali locum habet in Tomo II. num. vi.* cuius Auctōr licet nō
men sūum prodere noluerit, certo tamen liquet es-
se R. P. Oudinum e Soc. Iesu, Divisionem eme-
ritum Professorem Rhetorices ac Theologiae, a quo
& amplissimam Bibliothecam Scriptorum suae Socie-
tatis exspectamus. Verum hanc Oudini Dissertatio-
nem una cum *Muratoriana* refutare aggressus est
eruditus Monachus e Congregatione S. Mauri, Ia-
cobus Martin, in Opere Parisiis evulgato ann. 1739.
in 4. cui titulus: *Explication de divers Monumens
singuliers*. Altera autem Dissertationis cuius modo me-
minimus, occurrit in Opere sic inscripto: *Anti-
quité de la Ville de Lyon*. Par le P. D. D. C. I.
quod Lugduni prodiit ann. 1738. 2. voll. in 12. In
his Auctōr (R. P. De Colonia Iesuita) Cap. xiv.
Formulam solemnem excutiens, quae Tumulis ve-
terum Lugdunensium inscribi mos erat, nempe
Sub ascia dedic. postquam Eruditōrum sententias in
medium attulerit agitaritque, reiectis deinde opinio-
nibus Lazii, Sponii, Chorierii, Fabretti & Mene-
trierii; demum Aldi Manutii & Moneti explicatio-
nes calculo suo comprobat. Manutii autem placi-
tum legere est in ipsius *Comment. ad Lib. II. Cic.
de Legibus*; ubi veruſta Romanorum lege proposita,
hīſce verbis concepta: *Rogum ascia ne polito*;
autumat Monumenti simplicitatem indicatam illa
Formula: *Sub ascia dedicavit*. Adhaec, anno infe-
quenti 1739. aliam de hac solemni Formula Disser-
tationem vulgus eruditum accepit inter *Disserta-
tions sur l'Histoire Ecclesiastique & Civile de Paris*.
Par Mr. l'Abbé le Boeuf. in 12. Verum, ut alios
antiquiores & recentiores praeteream, tum hīſce do-
ctissimis Gallis, tum etiam nostro *Muratorio*, iam
praeiverat in isto argumento pertractando Franci-
eus Carolus Conradus, qui in Lib. I. *Parergorum*
Dissertationem iv. adornavit de Formula sepulcra-
li: *Sub ascia dedicare*. Hic autem *Conradi Liber*
I. prodiit Helmstadii 1735. in 8. ubi etiam anno
1740. in 8. eiusdem Auctoris Libri iv. *Parergorum*
iunctim editi.

1742. VI. *Vita Raynaldi I. Ducis Mutinae &c. Inter 70.
Memorabilia Italorum Iohannis Lamii in 8.*

VII. *Vita*

- VII. *Vita Francisci Torti.* Praemissa eiusdem Operibus, Venetiis editis in 4.
 1743. VIII. *Dissertazione sopra i Servi e Liberti antichi.* 71.
 1747. Exstat in Tomo I. inscripto: *Memorie della Società Colombaria di Firenze*, hoc ipso anno edito. Hanc autem Dissertationem integrum deinde convolvavit Cl. Auctior in Dissertationem XIV. inter Italicas, quae *De Antiquitatibus Italiae* post eius obitum in lucem prodierunt, ut infra dicemus, ubi de Operibus posthumis, §. IV. num. II.
 — IX. *Placitum Ravennae apud Classem habitum a Silvestro II. P. M. & Ottone III. Augusto Imper. Monumentum insigne nunc primum editum, atque Observationibus a Praestant. Lud. Ant. Muratorio illustratum.* Exstat in Volum. v. *Symb. Gorian.* Part. I. pag. I. & seqq.

§. III.

PISTOLAE VEL SEPARATIM TYPIS
IMPRESSAE, VEL ALIIS OPERIBUS
INTEXTAE.

1703. I. *Lettera a i generosi e cortesi Letterati d' Italia.* In forma quarta, absque loci & anni nota. Hanc autem evulgavit Muratorius, ut si bi deliniret Eruditorum Italorum animos, qui finistrum tulerant iudicium de eius Opusculo inscripto: *I Primi Disegni della Repubblica Letteraria d' Italia &c.* eoque ipso anno edito; de quo nos supra sub num. IV. ad ann. 1703.
1706. II. *Lettera del Signor Dottor Lodovico Antonio Muratori, Bibliotecario del Serenissimo di Modena, Accademico Fiorentino, Arcade, e Gelato: al Marchese Giovan Gioseffo Orsi.* Modena 28. Luglio 1706. Exstat in Opere cui titulus: *Lettere di diversi Autori in proposito delle Considerazioni del Marchese Giovan Gioseffo Orsi sopra il famoso Libro Franzese intitolato: La Maniere de bien penser dans les Ouvrages d'esprit.* In Bologna an. 1707. in 4. pagg. 211—244.
1709. III. *Epistola ad Iohannem Albertum Fabricium, scripta Mutinae Id. Octob. 1709.* Ediderat Fabricius Hamburgi hoe ipso anno 1709. in 8. *Gothof. Voigtii Opus posthumum inscriptum: Thyphaenologia, sive*

ANNO
 CHRISTI
 1709. sive de Altaribus veterum Christianorum ; cui Editor
 praemiserat duplicis Thesauri Antiquitatum tum He-
 braicarum , tum Ecclesiasticarum sciographiam . In
 secundi autem Thesauri Antiqui . Eccles. Tomo xi.
 num. 90. edendam statuerat Lud. Antonii Muratorii
 Dissertationem , De more intra Templa fidelium cä-
 davera humandi , quae est xvii. ad Paulinum pag.
 185. Tom. I. Anecdot. Lat. Hac igitur Epistola ad
 Fabricium missa , plurimum commendat Cl. Auctor
 eius institutum edendi laudati Thesauri Hebraicarum
 & Ecclesiasticarum Antiquitatum ; simulque gra-
 tias agit , quod in eo locum quoque dare censuerit
 Dissertationi ab se scriptae , De antiquis Christia-
 norum sepulcris : optat vero ut & Disquisitionem al-
 teram adiunctam velit , in suis Anecdotois Graecis
 obviam , qua demonstratur , etiam apud Orientales
 saeculo Christi IV. in more fuisse positam Christiano-
 rum sepulturam intra aedes sacras , eumque ritum non
 fuisse deinde ab Imperatoribus Constantinopolitanis
 sublatum . Addit , & illam de iv. Temporum Iei-
 niis Tom. II. Anecdotorum evulgatam , in eodem The-
 sauro locum habere posse . Mittit interim propen-
 sae suae in Fabricium voluntatis tesseram , Disquisi-
 tionem nempe de sacrarum Basilicarum apud Chri-
 stianos origine & appellatione : „ quant quidem , in
 „quit Reimarus (65) , per modum Epistolae manu
 „Auctoris celeberrimi scriptam ad Fabricium occa-
 „sione vetustae Inscriptionis , solicite servo ” . Est
 que illa ipsa Dissertatione , cuius infra meminimus in-
 ter Opera inedita §. v. num. iv. Monenti autem Mu-
 ratorio morem gessit Fabricius : quum enim in sua
 Bibliographia Antiquaria (66) , eiusdem Thesauri de-
 lineationem aliquot monumentis locupletatam ite-
 rum lectori legendam exhibuisset , ubi ad num. 90.
 devenit , sic illum inscripsit : Ludovici Antonii Mu-
 ratorii Dissertationes duae , De more intra Templa hu-
 mandi fidelium cadavera .

1711. IV. Epistola ad Cl. V. Godefridum Guilielmum
 Leibnitium de connexione Brunsvicensis familiae cum
 Estenſi . Duas hoc de argomento Epistolas Latinas
 dedit anno 1711. ad Leibnitium noster Muratorius ,

b ut

(65) Herm. Sam. Reimarus. De Vita & Scriptis Io: Alb. Fabricii,
Commentar. pag. 304. edit. Hamburgi 1737. in 8.

(66) Fabric. Bibliograph. Antiquar. Cap. iv. num. xi. pagg.
112. 116.

**ANNO
CHRISTI
1711.** ut ipsem testatur (67); quarum quidem secundam

Leibnitius evulgavit in Tomo III. Scriptorum Brunsvicensia illustrantium, Introductio subiectam. Iamque idem *Leibnitius* aliam de Genealogia Estensi Epistolam Gallice ediderat Hannoverae anno 1695. Num isthaec illa ipsa sit, quam eodem anno 1695 ad *Muratorium* missam fuisse, memoriae tradunt Auctores Novorum Actorum Lipsiensium? (68) qui & l. c. testantur laudatam *Leibnitii* Epistolam *Antiquitatibus Estensibus* fuisse a *Muratorio* ingestam, quam tamen nupciam invenias. Addunt praeterea, hanc *Leibnitii* Epistolam *Muratorio* inscriptam, iterum typis evulgatam a *Iohanne Christophoro Harenbergio* in *Historia Ecclesiae Gandershemensis diplomatica*, pagg. 1220. & seqq. tum vero a *Iohanne Davide Koelero* in *Historischen Muntzbelustigungen* ad annum 1736. pag. 164. denique in Volumine III. Epistolarum *Leibnitii* ad diversos, edito Lipsiae a *Christiano Kortbolto* ann. 1738. in 8. qui & ibidem rursus edidit nostri *Muratoriai* Epistolam ad *Leibnitium* datam, ac Tomo III. *Scriptorum Brunsvicensium* §. xxviii. praemissam.

1716. V. Lettera di Lamindo Pritanio ad uno de gli Autori del Giornale d'Italia. Modena 20. Febraro 1716. Huius Epistole meminimus infra in Not. ad Lib. I. Cap. xi. pag. 46. *De Ingen. moderat.*; eamque Mutinae primum typis traditam hoc ipso anno 1716. in 12., recudendam curavimus in superiore Epistola ad R. P. Andream Lugiatum, nobis apprime carum.

1719. VI. Epistola ad V. Cl. Iohannem Burchardum Menckenium. Mutinae XII. Kal. Decemb. 1719. Ex hae Epistola, Excerpta satis longa exhibet Petrus Burmannus, subiecta Praefationi ad Partem I. Tomi iv. *Thesauri Scriptorum Italiae Graeviani* ab ipso continuati. Vide, sis, quae hac de Epistola observavimus supra ad annum 1698. num. II.

1720. VII. Epistola ad Cl. V. Iohannem Baptisam Daviniū: De potu vini calidi. Mutinae 1720. Ibid. 1725.

1735. VIII. Lettera all' Illusterrimo Signor Appostolo Zeno Storiografo di Sua M. Ces. e Catt. Modena 28. Marzo 1735. Exstat in Tomo x. Operum Torquati Tassi

(67) Antich. Estens. Tom. I. Prefaz. pag. xxi.

(68) Nov. Act. Lips. ann. 1741. pag. 664.

ANNO
CHRISTI 1735. *Tassi*, edito in 4. Venetiis anno 1739. pagg. 235°—246.
Ad hanc Operum celeberrimi Poetae Venetam edi-
tionem locupletandam, plures eius Epistolas e Co-
dicib. Ms. Bibliothecae Estensis descriptas Cl. Zeno
dono dedit *Muratorius*; ex quibus multa observatu-
digna excerpta, ad *T. Tassum* spectantia, in hanc
Epistolam contulit.

1737. IX. Lettera di Signor Dottor e Proposto Alessandro Mantegazzi. Modena 16. Gennaro 1737. Huic Epistolae subiicitur eiusdem Muratorii *Indicium Latine exaratum*, inscriptumque ipsimet *Doctissimo Viro Alessandro Mantegatio Theologo*: de eoq[ue] *Iudicio* vi-dendus ipsem *Muratorius* in sua Epistola VIII. inter Valdeſianas pagg. 94—95. Utrumque autem hu-iusmodi *Muratorianum* scriptum prodiit Parmae eo-dem anno 1737. praefixum Operi in 8. cui titulus: *Giudicio del dottiſſimo ed eruditissimo Signor Dottore e Proposto Lodovico Antonio Muratori; intorno la Dissertazione Latina; De Ieiunio cum esu carnium coniungendo, del Signor Dottore in sagra Teologia e Proposto della Chiesa Collegiata di S. Michele di Piacenza*, Alessandro Mantegazzi: esbito in una Let-terā Apologetica al Signor D. Bartolammeo Casali Ar-ciprete di Stadera, in risposta alla Diatriba del Dot-tor Pietro Copellotti—Auctor huius Scripti Apolo-getici fertur ipsem Vir Clariss. Alexander Man-tegatius. Anno autem insequenti 1738. in lucem prodiit Venetiis in 8. Opusculum hoc titulo prae-notatum: *Dissertazione Theologico--Morale--Critica intorno all' Incompatibilità del Digiuno col Mangiare delle Carni*. In hac vero Dissertatione Respon-sum occurrit sub initium, exaratum a R. P. Monti (69) Mutinensi, e Societate Iesu, Professore Théo-logiae Moralis in Parmensi Universitate; quo qui-dem hic Scriptor refutare aggressus est, irrito ta-men conatu, doctum solidumque Muratorii Iudi-cium. Si autem Responſi ad *Muratorium* auctor est R. P. Monti, teste nupero *Historiae Litterariae Italiae* Scriptore, eiusdem Societatis alumno; quidni & Dissertationis, cuius Pars exstat Responsum illud? Quod si haec ita se habent, quidni porro ipsem P. Monti censendus est auctor & amarulentissimae illius Scriptiunculae Apologeticae, in doctissimum Theologum R. P. Danielem Concina intortae, quae

b 2 Lucae

(69) V. *Storia Letter. d'Italia*, vol. II. pag. 363.

ANNO
CHRISTI Lucae' prodiit anno 1740. in 8. sub hoc titulo: *Di-
fesa della Dissertazione Teologico-Morale-Critica de'
1737. Signori Abati Pietro Copellotti e Bartolommeo Casali
&c.*

1743. X. & XI. Lettere due al Signor Giuseppe Aurelio
di Gennaro. 15. Febbrajo 1743. e 10. Giugno 1745.
Exstant in calce Operis inscripti: *Delle viziose ma-
niere del difender le Cause nel Fisco: Trattato di
Giuseppe Aurelio di Gennaro: pagg. 162. 173. edit.
Venetae an. 1748. in 4. Prior enim editio quae Ne-
poli prodiit anno 1744. in 4. primam tantum harum
Epistolarum continet.*

1744. XII. Lettera al Signor Canonico Domenico Bertoli
intorno ad una Iscrizione spettante la Città di
Frejus nella Francia. Modena 10. Giugno 1744. In
Tomo XXXI. Opuscul. Caloger. pagg. 351---359.

1745. XIII. Lettera a S. E. il Signor Lorenzo Brunassi
Duca di S. Filippo ec. Modena 11. Giugno 1745. In
Nov. Litter. Florent. 1748. col. 430.

1748. XIV. Lettera al Regnante Sommo Pontefice Bene-
detto XIV. Modena 16. Settembre 1748. Exstat in
Nov. Litter. Flor. ann. 1750. col. 762. Huiusmodi
Epistolam scribendi Muratorio hinc orta occasio.
Sanctissimus D. N. Benedictus XIV. Pont. Max. Epis-
tolam sapientiae ac roboris plenam dederat hoc ipso
anno sub die 31. Iulii ad Episcopum Terulensem
Hispanae Inquisitionis Maiorem Inquisitorem, qua
illum hortabatur, ut Historiam Pelagianam &
Dissertationem super quinta Synodo Oecumenica, editas
a clarae memoriae Henrico Cardinali Norisio, in In-
dicem Expurgatorium Hispanum nuper ingestas per-
inde ac si aliquid Baianismi aut Iansenismi redole-
rent, prout Auctor Bibliothecae Iansenisticae imme-
rito autumavit, quamprimum expungendas curaret:
eoque nomine Sapientissimus Pontifex plura in me-
dium attulit prudentis oeconomiae exempla, qua
semper usum Supremum Sacrae Romanae Congre-
gationis Indicis Tribunal, a proscribendis virorum
doctissimorum Operibus aliquando temperavit. Quum
autem Summus Pontifex ea inter nomina illustria,
*Tillemontii, Bollandistarum (70), Bossueti Episcopi
Mel-*

(70) Ad praefantissimos Patres Bollandianos quod attinet, in hi-
sc litteris Pontificis memoratos, exstat Episcola, Sanctissimi Domini
Nostris Domini Papae Benedicti XIV. ad Presbyteros Societatis Iesu,
qui Acta Sanctorum edunt Antuerpias, una cum Responso eorumdem
ad

ANNO
 CHRISTI
 1748. Meldenfis , & illud recensuerit *Ludovici Antonii*
Muratorii; his ad Auctorem nostrum delatis, quam
 maxime indoluit, veritus ne in tanta Operum copia
 ab se editorum, aliquid Fidei aut Religioni minus
 consonum sibi excidisset. Quare anxius & solicitus
 laudatam scripsit Epistolam. Verum clementissimus
 Pontifex ne animum desponderet doctus & humi-
 milis filius, perhumaniter ad ipsum rescripsit die
 25. Septembris eodem anno 1748. eumque paterne
 consolatus, inter alia haec habet: *Quanto si era*
detto nella nostra Lettera all' Inquisitore di Spagna
in ordine alle di lei Opere, non aveva che fare con
la materia delle Feste, né con verun Dogma, o Di-
sciplina. Il contenuto delle Opere che qui non è pia-
ciuto, né che ella poteva mai lusingarsi che fosse per
piacere, riguarda la giurisdizione temporale del Ro-
mano Pontefice ne' suoi Stati ec. Quod quidem Sum-
 mi Pontificis responsum, amorem & aestimationem
 adversus *Muratorium* spirans, in iisdem Nov. Litter.
Flor. ann. 1751. col. 406. occurrit. Utramque autem
 Epistolam exhibit etiam Auctor *anonymus* Opuscu-
 li Lucae editi, sicut inscripti: *Apoteosi Murato-*
riana, o sia Monumento per la dottrina, pietà e
religione del Proposto Lodovico Muratori, esposto
per lettera al Signor . . . dal Signor . . . Edizione
Seconda 1751. in 4. pagg. 8.

XV. *Epistola ad doctissimum Virum Iohannem Ca-*
 donici. *Mutinae Nonis Iunii 1748.* Nimirum auctor
 hic est *Vindiciarum Augustinianarum ab imputatio-*
ne Millenarii, quae Cremonae prodierunt anno 1747.
 in 4. earumque meminimus infra in *Not.* ad Libr.
 III. Cap. xv. pag. 279. *De Ingen. moderat.* Exstat
 autem haec *Muratoria* Epistola in laudatis *Nov. Litter.*
Flor. ann. 1748. col. 796.

1749. XVI. *Lettera al Signor Abate Girolamo Tarta-*
 rotti. *Modena 18. Giugno 1749.* Gratulatur pereru-
 dito Auctori de Opere inscripto: *Il Congresso Not-*
turno delle Lammie, hoc ipso anno Roboreti, seu
 potius Venetiis, typis impresso in 4. Edita pri-
 mum haec Epistola in *Nov. Litter. Flor.* ann. 1750.
 col. 271. deinde recusa pag. 229. alias Operis ab ipso
 Cl.

ad eundem Sanctissimum Dominum nostrum, Antuerpiae typis im-
 pressa apud Bernardum Albertum Vander Plasche 1751. cum Prae-
 fatione Editorum ad Lectorem. Utramque autem Epistolam legere
 est etiam in *Histor. Litter. Ital.* vol. iii. pagg. 359. 373.

ANNO
CHRISTI
1749.

Cl. V. Venetiis evulgati anno in sequenti 1751. in 4.
hoc titulo praenotati: *Apologia del Congresso Nottur-
no delle Lammie.*

XVII. *Lettera al Signor Conte Ferdinando Scotti
sopra la Comunione nella Messa.* Haec autem nusquam
mihi visa.

XVIII. *Lettera al Signor Conte Giuseppemaria Im-
bonati, in lode del Signor Abate, Francesco Puricelli
Milanese, celebre Poeta.* Meminit huius Epi-
stolae Cl. Iob. *Lamius* in suis Nov. *Litter. Flor.* ann.
1751. col. 42. Opus recensens eiusdem Puricelli Me-
diolani editum in 4. pagg. 219. cui titulus: *Rime dell'Abate Francesco Puricelli ec.*

XIX. *Lettera al Signor Abate Angiol. Maria Bandini sopra l'Obelisco di Campo Marzo, fatto scopri-
re dal regnante Sommo Pontefice.* Exstat in calce
Dissertationis de eodem Obelisco ab ipso Bandino V.
Cl. nuper edita.

XX. & XXI. *Lettere due al Signor Giuseppe Pecci.*
Utraque exstat in Opere Neapoli evulgato anno
1742. in 12. pagg. 103. sic inscripto: *De i Pregi
della Lingua Greca, - Prolusione di Giuseppe Pecci,
dedicata all' Illustrissimo e Reverendissimo Sig. Con-
te, Proposto e Bibliot. ec. il Signor Lodovico Antonio Muratori.* — Ex iisdem Nov. *Litter. Flor.* ann.
1751. col. 389.

§. IV.

OPERA POSTHUMA.

1750. I. **D**E i Pregi dell'Eloquenza Popolare, esposti
da Lodovico Antonio Muratori. In Venezia
1750. in 8.

1751. II. *Dissertazioni sopra le Antichità Italiane,* già
composte e pubblicate in Latino dal Proposto Lodovi-
co Antonio Muratori, e da esso poscia compendiate
e trasportate nell'Italiana Favella. *Opera postuma,*
data in luce dal Proposto Gian-Francesco Soli Mu-
ratori suo Nipote. In Venezia. Tomi III. in 4. Opus
plane egregium, integrum exhibens praeclarum illud
inscriptum: *Antiquitates Italicae medii aevi;* si au-
thentica Documenta excipias, quae ibidem gravi Le-
ctorum incommodo Dissertationum contextum inter-
fecant: quin & istud alicubi auctius, & ad historiae
fidem

fidem exactius redditit Cl. Auctor, semper in dies
politior & doctior factus. Vide supra §. I. *Opera se-
paratim edita*, sub num. **xxix.**

§. V..

OPERA INEDITA.

I. **D**issertatio de Barometri depressione. Ad R. P.
Bacchinium,

II. *Dissertatio de Graecae Linguae usu & praeftan-
tia.* Anno 1693. litteris tradita. Ad Nobiliss. V.
Gilbertum Borromaeum.

III. *Dissertatio de primis Christianorum Ecclesiis.*
Anno 1694. illustri Praefuli Marsiglii inscripta.

IV. *Dissertatio de sacrarum Basiliarum apud Chri-
stianos origine & appellatione.* Anno 1709. litteris
consignata. Vide, sis, supra *Epistolarum recensionem*
§. III. num. III.

V. *Dissertatio de Codice Carolino, sive de novo Le-
gum Codice instituendo.* Ad Augustissimum Carolum
VI. Imperatorem.

VI. *Panegyricus Ludovico XIV. Christianissimo
Galliarum Regi.* Anno 1694. litteris exaratus.

VII. *Seconda Risposta intorno alla Diminuzione
delle Feste.* De hac verba fecimus supra ad annum
1748. num. **XLIV.**

VIII. *Sette Lezioni Accademiche sopra varj Argo-
menti, recitate in diverse Accademie.* Ab anno 1692.
& deinceps.

IX. *Lezioni di Filosofia Morale per istruzione di un
Principe.* Has puto Muratorio conscriptas, quum Se-
renissimus Raynaldus I. Mutinae Dux ipsimet Me-
diolano in patriam revocato anno saeculari 1700.
postmodum suum filium natu maximum Franciscum
Mariam Philosophia Morali excolendum tradidit.

X. *Quattro Scritture Legali Italiane.*

XI. *Sette Discorsi spettanti agli Ecclesiastici, recitati
in occasione degli Esercizj spirituali.*

XII. *Discorsi delle Novene del Natale, per gli anni
1718. 1719.*

XIII. *Esposizione del Pater noster.*

XIV. *Parafraſi dei Salmi.* Ad finem usque non
perducta.

XV. Va.

XV. *Varie Poesie.* Iis iungendae quae in variis Collectionibus exstant.

XVI. *Lettera scritta in nome di una Signora Inglese Cattolica ad un Inglese Protestante, Congiunto d'essa.*

XVII. *Il Carteggio Letterario.* Ab anno 1693. ad annum 1750.

Heic autem subsistimus. Interea LUDOVICI ANTONII MURATORII, immortalis plane memoriae Viri, cuius Opera nobis haec tenus recensita, Vitam luculenter scriptam ac eiusdem *Epistolarum* amplissimam Collectionem solicite propediem exspectamus a V. Cl. Iohanne---Francisco Soli---Muratorio eius Nepote; qui huiusmodi nostrae scriptiunculae cum errata corriget, tum defectus plenius supplebit: quod sane nunc in antecessum non tantum aequo, sed & lubenti animo nos laturos testamur.

Errata graviora in *Epistola* &c. sic corrigito.

Pag. iv.	lin. 34.	antem	autem.
Pag. ix.		Verba Not. (7) Vid. Catal. &c. iungenda sunt Not. (8) post pag. 46.	
Pag. xii.	lin. 42.	sancti	sancti.
Pag. xiii.	In Not. (14) num. xxii.	num. xxii.	
Pag. xxviii.	lin. 10.	quae, &	, quae &

Errata in *Notis* sic corrigito.

Pag. 46.	lin. 5.	anni 17 6.	anno 1716.
---	lin. 6.	positum.	positam.
Pag. 72.	lin. 9.	afferebant.	efferebant.
Pag. 95.	lin. 1.	Antonium.	Antoninum.
Pag. 103.	lin. 1.	addita num.	addita: nam.
Pag. 142.	lin. 3.	est recusa,	Latine est recusa.
Pag. 186.	lin. 1.	ad unum	ad unam.

DE. INGENIORUM
MODERATIONE
IN RELIGIONIS
NEGOTIO.
LIBER PRIMUS.

CAPUT PRIMUM.

Veri & Boni præstantissima natura. Nullum Verum est, quod querere suæ natura non liceat, & discere non sit honestum. Quæ sententia ab objectionibus liberatur, & sancti Augustini auctoritate firmatur. Veritatum duplex genus: alterum scientiam, alterum persuasionem parit. Ordo quidam inter Veritates. Quæ potissimum ad Religionem spectant, investigandæ.

DE Vero ac Veritate locuturis in hoc opere, nulla nobis erit quaestio de Veritate illa, quæ inter morum Virtutes connumerata, Justitia in hominum commercio retinendæ pluri-
mum conducit: Veracitatem peculiari & commodiori nomine appellamus; eaque sita est in concordia enunciationis extenæ cum interno iudicio nostro, nempe quum lingua menti respondet, & fallere nos-
lumus alios, quamvis fortasse nos insciæ vel judicando, vel loquendo fallamur. Aliorum sit de hujusmodi Virtute disputare. Nos il-
lius usum retinentes, de Vero agimus, sive de Veritate, quæ rebus ipsis inest, & Philosophia, Theologia, Eruditionis, aliarumque Scientiarum & Artium est scopus. Atque de isto Vero, cuius dirio latissime patet, ita heic agendum est nobis, ut omisis supervacaneis utiliora solum ac necessaria tractentur. Erit igitur nobis ista divisio. Primo investigabim-
us, quæ futura sint jura & frena quæren-
tibus Verum; tum quæ tradentibus, sive alios Veritatem docentibus.

Quærere autem Verum alicujus rei, nihil aliud est ex Eruditorum sententia, quam utrum, & qualis aliqua res sit, investigare. Verum invenire, nihil itidem aliud est, quam utrum, & qualis sit aliqua res, deprehendere. Quorum quidem primum nobis ratione utentibus unice consentaneum est, alterum vero plane jucundum. Immo tota ratio bea-

tæ vitæ ac felicitatis, ad quam a natura insituti, volentes nolentesque contendimus, & per solam Christianam Fidem demum pervenire possumus, in cognitione Veri, atque amore Boni consistit. Bonum enim & Verum in Deo veluti in suo centro existunt, sive ut congruentius loquamur, Deus est ipsa Veritas ac Bonitas, quippe de se ipso ait: *Ego sum via, veritas, & vita.* Joann. xiv. 6. Quum autem æterna Dei clementia mundum condere voluerit, hominemque constituere tam admirabilis opera spectatorem, Verum quoque & Bonum effudit in cunctas creaturas, ut quidquid esset, verum esset; & quidquid verum esset, saltem quatenus est verum, bonum etiam esset. Deinde humanos animos stimulis ingenitis ad quærendum Verum & Bonum incitavit; ac proinde quemadmodum in illud motu perpetuo intellectus fertur, ita & in istud humana voluntas. Hinc Tullius lib. 1. Tuscul. Quæst. Inest, inquit, mentibus nostris infatibilis quedam cupiditas veri videndi; & lib. 1. Offic. In primis est boninis propria veri inquisitio atque invenitatio. Quod quum invenire nobis continet secundum regulas a Christiana Fide præscriptas, tunc in terris felicitatem illam nobis inchoamus, quæ summa, perfecta, atque æternum duratura aliquando speratur in eis.

Inquirendum igitur esse Verum, & natura suadet, & ratio docet. Nullum autem Verum esse arbitrari in tanta varietate hu-

A

mana-

2 DE INGENIORUM MODERATIONE

manarum divinarumque rerum, quod generatim loquendo querere nobis non licet, & inventio non sit honestum. Paradoxum id prima fronte nonnullis forte videatur animo volventibus, quæ & quanta mala passim fluant & notitia quarundam Veritatum. Sed non secus statuendum ostendit veritatis ipsius natura. Nam quocumque verum est, si mente percipiatur, intelligentiam vel scientiam parit in nobis, animumque nostrum, luce sua modo parum, modo multum, sed semper aliquantulum, illustrat: quod certe homini semper est optimum. Et quis amabo neget, ignorantiam inter mala perniciose referendam? At istud malum, cuius nemo est expers, ab una intelligentia ac scientia depelitur, hoc est a veri cognitione. Proinde necesse est, Veritas ejusque possessio, bona sint maxime expetenda. Et sane quando nobis contingunt, ad Sapientiam instruunt animum, propioresque nos faciunt (quantum licet post tantam primi parentis ruinam) illi beatissimæ conditioni & mentis vivacitati, quam & nos consecuturi suissimus, nisi unus ille peccasset. Quod etiam evidenter elucet ex eorum beatitate, quos cælo Deus donavit. Quidquid enim mortalium genus intellectu consequi frustra cupit, immortalibus iis spiritibus apertum est in Deo, beatamque illorum sortem mirum in modum auget ac perficit. Neque misera, ut est apud nos, ignorantia, ullus esse aut excogitari locus potest in tranquillissimo illo scientiæ & veritatis Regno.

Non defuturos tamen puto, qui hac in re hæsitant nobisque occurrant his fortasse rationibus. Bona quoque sunt omnia quæ sunt; & boni amor non Deo solum naturalis, sed etiam homini ipsi est insitus, nostramque possimum in æterna vita felicitatem constituet: Nihilominus multa sunt delectabilia atque utilia bona, quæ amare homini in terris sit nefas, & fugere atque execrari honestissimum. Vicissim igitur Veritates occurtere possunt, immo etiam occurront, rectis probeque instructis mentibus omnino evitandæ, utpote quæ nihil aliud, si percipiatur, adferre possint, quam perniciem animis ad sublimiora tendentibus. Et cui, quofo, tam parum cordi sit pudor, ut honestum censeat, tot vera facta, ac probra discere, quæ umquam peregit ingeniosissima in vitiis hominum quorundam Luxuria? Male procul dubio secum ageret, qui facultate oblata noscendi, quæcumque in secessa Caprensi abs Tiberio Cæsare perpetrata fuerunt, menti suæ committere veller, neque averfactetur noscere sellarium sedem arcanarum libidinum, ut Suetonii verbis utar, & monstruosos concubitus a spintria

excogitatos, & omne genus libidinis, in quod se effudit impurissimus ille Princeps. Non esset hoc illustrare, sed fœclare legentis intellectum, & quisque bonus nefanda huic veritatis potius ignorantiam quam scientiam fibi optet. Ad hæc, multa quidem mendacia, & fallacia innumeræ, sed aliqua tamen fortassis veritates in Magica Arte veneficiorum cautionumque magistra habentur. Eas vero discere, immo vel attingere, justissimis legibus vetantur homines: quod & de aliis hujusmodi rebus dicendum succurrat. Itaque nihil minus verum videatur, quam quod nulla sit veritas, ad cujus inquisitionem convertere animum, ad cujus inventionem latari nobis non licet.

Sed heic distinguamus oportet jura Veri & Boni, & quantum spectat ad humanam naturam, & ad honestæ felicitatis consecutionem. Veri commercium cum solo Intellectu nostro esse potest; Boni vero cum voluntate, ut cum Peripateticis loquar. Ejus natura poscit, ut intelligatur; istius, ut ametur. Et quamquam intelligamus ipsum Bonum, tunc etiam non aliud quam verum intelligimus, hoc est animo percipimus veritatem alicuius rei, prout vere est aut honesta, aut utilis, aut deletabilis. Rursus amamus Verum, sed illud amamus sub specie boni, & prout bonum est. Quum igitur naturale sit homini verum intelligere, & bonum appetere, seu amare, nullum est Verum, quod noscere; nullum est Bonum, quod amare ex natura sua nobis non licet. Sed postquam in calamitatem maximam, quam nemo non sentit, conjecta est hominis natura, tum factum est, ut duo turbarent, perverterentque sapissime nobilem cursum Intellectus & Voluntatis nostræ. Ista duo sunt, Falsum & Malum, quorum uno Intellectus, ut ita dicam, corruptitur ac laeditur, altero Voluntas. E Falso in intellectum error manat, quum nempe vera pro falsis, falsa pro veris accipimus & credimus. E Malo in voluntatem profluit peccatum, quum videlicet bonum tamquam malum fugimus, malum vero tamquam bonum amplectimur & amamus. At sicuti affirmare cogimus, cum notitia veri numquam mentis adesse errorem, ita nihil dubitandum est, quin & inde abesse possit voluntatis peccatum. Nam quando alicuius malæ ac dishonestæ rei veritatem discimus, non continuo malum eligimus, sive diligimus; sed illius rei veritatem, ejusque veritatis cognitionem amare in nobis possumus, simulque rei malitiam, deformitatem, ac vitiositatem voluntate aversari & odire in aliis. Quare non ex natura sua Verum nocere potest, sed ex pravitate tantum hominis bono abutentis; atque ea ratione,

IN RELIG. NEGOTIO. LIB. I. CAP. I.

3

ne, & nos concedimus, esse posse quasdam circumstantias, quibus positis nefas sit homini quasdam Veritates perquirere; quum vide- licet ista in pravum finem perquiruntur, aut verisimile periculum subest, ne infirmitatem animi discentis percepta Veritas ad malam trahat, aut etiam sollicitet. Ita & bona sunt, quæ positis quibusdam circumstantiis male ab homine eliguntur, & recte a Ratione veta- tur. At id non accidit, quod Verum & Bonum mala umquam sint ex natura sua, sed quod Concupiscentia nostra iisdem abuti pos- sit, aut abutatur contra ordinem a Deo con- stitutum, & a ratione, legibus nobis signifi- catum.

Nihil est ergo, quod libidinosa voluptatis flagitia in medium advocemus, ut ex eorum sedissimo aspectu Veritatem interdum sorde- re ostendamus. Certe ista curiose rimari aut periculum, aut crimen erit. At ne in ipsis quidem mala dicenda est spectata in se Veritas, quæ semper honesta, temperique utilis es- se potest, sive sit, & cognoscatur in vitiis, ut ab iis fugiamus, sive in rectis operibus, ut ad ea imitanda festinamus. Quippe in his, uti & in cognitione cujusque alius rei nefaria flagitioseque, duo attendenda sunt, Verum & Malum. Istud, quia voluntati perni- ciosum, perpetuo abhorrendum, nobisque evi- tandum: illud, quia erudiendo intellectum scientiam parit, numquam, si spectetur in se, improbandum. Quamquam igitur nemini auctor sim, ut sine discrimine & moderatio- ne in cuiuscumque Veri inquisitionem incum- bat, attamen affirmandum reor, quidquid mali nonnumquam importat cognita Veritas, non Veri naturæ optimæ tribendum esse, sed corruptioni humanæ naturæ, qua sibi pa- rum cavens medicinas in venena convertit. Idque exemplis etiam constat. Nam si libi- dinis, quam (* nobis) opposuimus, arcana cognoscere nefas esset, ratioque interdiceret, pessime profecto de nobis mererentur, gra- vemque honestis legibus inferrent injuriam, qui disciplinam morum prosequuntur, Latinis litteris tot experimenta luxuriæ consignarunt, omniumque vitiorum, ut ita dicam, latebras excusare. Deinde sibi male prospererent, qui- cumque Catholico in Clero aures quotidie commodant poenitenti populo sua crimina ac- cusanti. Ingenti demum periculo obnoxium solet eorum munus, qui Magicis artibus, aliisque criminibus evertendis præsunt; neque enim fieri potest, quin plurium scelerum ve- ritatem discant, dum dabant. Sunt quidem, quibus non satis probatur institutum & zelus

Theologorum quorumdam præferentium in Ju- cem tot probra luxuriæ, quum in eorum Li- breis non improbi minus ad malum, quam probi erudiantur ad bonum. Sed ad propo- situm nostrum scire hoc sufficit, alia utique esse discendi veri, alia tradendi jura. At cer- te Sacerdotes & Magistratus in Ecclesia Dei constitutos ad audiendas piorum Christianorum confessiones, & ad eliminandas Magicas Ar- tes, aliaque populorum flagitia, nemo san- mentis insimulet eo nomine, quod veritates quasdam edificant, quas ignorare præstet, quam scire. Discunt ii Medicorum more vul- nera & vitia, quæ in aliis sanent, in se non admittant; & dum alienæ prosunt volunta- ti, non metuunt suæ.

Quæ hactenus deduximus ad commendan- dam Veritatis indolem, temper in se hone- stam, & nostro solum vitio interdum perni- ciosam, multorum auctoritate confirmari pos- sunt. Unus tamen instar omnium erit mihi S. Augustinus. Quærerit ille Cap. I. lib. I. de li- bero Arbit. num quid mali esse possit disciplina, seu discere, quod discipulorum est, uti Magistrorum doctrina, sive docere. *Quis au- dent, respondet Evodius, dicere malam esse disciplinam? Mibi bonum videtur. Cui Augu- stinus: Benesane, siquidem Scientia per illam datur, aut excitatur; nec quisdam nisi per disciplinam aliquid dicit. Ubi vero addidit, se arbitrari, nulla mala, immo nihil nisi bo- num, per disciplinam percipi, frustra querendum ait, a quo male facere discamus; siqui- dem non discuntur mala; aut si discuntur, vitanda, non facienda discuntur.* Quum ta- men Evodius dubitare videretur, aliam esse disciplinam, per quam bene facere, aliam per quam male facere discamus: *Salem, in- quid Augustinus, intelligentiam non nisi bonum putas. Iстам plane, reponit Evodius, ita bo- num puto, ut non videam, quid in homine posse esse prestans, nec ullo modo dixerim aliquam intelligentiam malam esse posse.* Hinc Augustinus dicere pergit: *Si ergo omnis in- telligentia bona est, nec quisquam qui non in- telligit, dicit: omnis qui dicit, bene facit; omnis enim qui dicit, intelligit; & omnis qui in- telligit, bene facit.* Dum autem intelligentiam quamlibet Augustinus laudat, utique in- telligentiam, disciplinamque Veri significat; neque enim Falsum *disci intelligive propriè dicitur. Itaque perspecta institutione naturæ ambigendum non est, quin generaliter loquendo liceat homini Verum quodvis indagare, sibique etiam de illius inventione gratulari, dummodo alte in animis nostris hæreat felici-

A. 2. per

* Præcedentes editiones constanter, de nobis. In postrema tantum delecta præpositio. Cur autem superioribus addita, viderint Lectores.

4 DE INGENIORUM MODERATIONE

per effatum istud: Bonum quidem esse omnia scire, sed non omnibus uti; & Veritatum eorum non esse nobis curiose comparandam notitiam, quæ illustrare quidem intellectum possint, sed voluntati perverse faces simul ministrare ad flagitia.

Nunc progrediamur. Amplissima Boni & Veri familia in quamplurimas classes dividitur. Nos ceteris divisionibus dimisis, & de solo Vero loquentes, Veritatem nunc dividimus in duas acies. Siquidem altera est Veritas, quæ scitur; altera, quæ creditur. Priorum in nos immittit accuratus usus exterritorum sensuum, ubi ad eorum fidem accedat examen, atque consensus rationis, aut quando illam ipsa ratio detegit, adhibitis in consilium & præsulium artibus, omnibusque Logices, & Scientiarum documentis. Alterius Veritatis, quæ creditur, compotes nos faciunt probabiles & verisimiles rationes, aliena auctoritas, seu famæ traditio non temeraria, ad nos transiens per Historias germanas, per majores & æquales nostros fide dignos, perque alia humani commercii subsidia. Ut autem posterioris hujus Veritatis notitia solet appellari Persuasio, cuius tamen interdum ejusmodi est vis ac pondus, ut firmitatem, assensumque in intellectu non minorem, quam altera obtineat & exigat; ita prioris Veritatis cognitio strictiore vocabulo Scientia nuncupatur. Nihil enim moramur, quid Arcesillas, quid Carneades, & Pyrrho cum toto Scepticorum Academicorumque grege obliquantur, qui quum ceterorum Philosopherum cautiissimi esse velint, aut videri affectarent, omnium ineptissimi evaserunt, prijora deliria amplexi; nam sublata proterve omni Scientia, ne hoc quidem, quod certe par erat, satieri cum Socrate amarunt, se hoc unum sciare, quod nihil scient. Horum sententiam & tempus exarmavit, & ratio recta dudum conficit, nostrisque præcipue temporibus idendam exhibent tot Artes, disciplinæque late regnantes. Et sane, ut cum Lactantio loquar lib. 3. cap. 6. div. Inst. Nos omnia scire non possumus, quod est Dei: at neque omnia nescire, quod pecudis. Est aliquid medium, quod est hominis, idest Scientia cum ignorantia conjuncta & temperata. Illud quidem, sed non sine dolore, fatendum est, in comparatione ignorantiae pesquam curtam fuisse, semperque fore, hominibus supellestilem Scientiam. Quemadmodum enim honesta bona, quæ amanda sunt nobis, facile noscuntur, difficile amantur; ita & Verum, quod noscendum sciendumque nobis esset, facile ab omnibus appetitur ac amatur, at difficile invenitur & noscitur. Nihilominus multas Veritates hec intelligi & sciri, nemo nisi invençundæ froni-

tis neget, nisi mentis infirmæ non sentiat. Latius longiusque etiam patet earum Veritatum campus, quas non scimus quidem, sed credimus, Opinione scilicet, non Scientia dubia. Medium vero inter Persuasionem & Scientiam, tenere locum, & cum utraque participare videtur Fides, quæ Religionis vera firma persuasio est. Accedit ista ad prioris naturam, robore vero vel ipsam superat Scientiam, quippe e cœlo delapsa, divinaque auctoritate nixa, animos hominum beatissime allicit & vincit, ibique tali insidere vi solet, qualem nulla hominum violentia, nullus mortis terror vincere aut infirmare deinceps posset. Ut vero in dilectione bonorum, ita etiam inter tam diversas Veritates hic ordo constitutus est, ut infimum pretium & locum obtineat, quæ ad Corpus pertinent infra nos possumus; medium, quæ ad rationalem Animam; supremum vero, quæ ad beatam immortalitatem animæ corporisque olim resurrecti spectant. Et quum nihil sine ordine aut pulchrum, aut perfectum esse possit, tum præceptis suis Deus conditor, tum ratio magistra, & natura nutrix interna pulsationes ad hunc ordinem in Veritatis investigatione servandum quotidie impellunt atque horitantur. Nempe ante omnia, ut in Evangelio præcipitur, querendum est Regnum Dei, ad quod studium refertur in primis Veritatum illarum inquisitio & cognitio, quibus ad regnandum cum Deo aptissimi efficimur. Deinde Eruditio animi, Scientiarum splendor, atque humana Sapientia præ ceteris diligenda, atque astimanda sunt, ne qui ratione bestias superamus, miserabilis ignorantia nos ad illarum conditionem demittamus. Postremo comparandæ Veritates, per quas corporeæ vitæ creari possit incolumitas, ornamentum, atque honesta voluptas. Sed quota pars hominum est, quis eximius iste ordo servetur? Eorum plerique toti sunt in inquisitis infimis veritatibus, nihilque sollicieci de illustrando beneque informando per Sapientiam animo, totam felicitatis rationem collocasse videntur in Scientia & usu voluntatis corporeæ, commodisque terrena vitæ. Alii vero ita se quibusdam Scientiis, disciplinisque liberalibus tradunt, atque ita in iis habitant, ut, si non contemnere, at obliuisci certe videantur potissimum humanæ vitæ negotium. Si Græcarum, Romanarumve Antiquitatum peritos, si humani Juris, aut Physicæ, aut Geometriæ se scientissimos, si in mitioribus Litteris se ingeniosos, & in disputationibus acutos efficere & prodere possunt: tum sibi mirifice plaudunt, facileque sepunt omnia studium Veritatum illarum, quarum Scientia & meditatio probos in hac vi-

ta, beatissimos in altera homines facit. Ab utrisque igitur peccatur, non propterea quod infimis aut mediis Veritatibus dent operam, (verum enim discere ex sua natura malum non esse jam constituimus) sed quod in summis quoque addiscendis & contemplandis, parem, sive majorem non ponunt operam, Ordinemque divinitus constitutum aut tanta socicordia posthabent, aut tanta ambitione evertunt. Hinc Augustinus in lib. de util. credendi, cap. 11. *Intelligere, inquit, semper si ne virtus est. Intelligere magna, & honesta, vel etiam divina, beatissimum est. Intelligere autem superflua, nihil nocet, sed fortasse discere nesciit, quem tempus necessariorum occuparent.*

In tanta ergo Veritatum copia distinguendæ præfertim sunt delectabiles a necessariis. Nam delectabilium quidem Veritatum ignorantia laude sæpe caret, numquam culpa censeatur; ignorare vero necessarias Veritatem, non tantum culpæ datur, sed etiam in maximas miserias hominem devolvere solet. Quare a nemine prudente vituperabitur, qui canendi, pingendī, ciborumque Apicana industria parandorum scientiam negligat, tametsi multa inde corpori obvenire possit delectatio; contra vero despere dicatur quodammodo, qui quid corpori noceat, quid valetudini sit necessarium, quæ pericula imminent, plane ignoreat, & discere nolit. Quis non sentit, quantopere corporis nostri curam nobis natura commendet? Ejus profecto societatem odisse, & sine gravi consilio, aut sine vera Fidei Virtutisque conservandæ causa, nos ab ipso liberare, infirmi nimium & aberrantis animi est, legibusque adversatur a Deo, atque a natura positis. Simili ratione virtus nobis nequaquam vertatur, si a Mathematicis Disciplinis, si ab Artibus liberalibus, si ab Historiæ profanæ Physicæque studio abstineamus, quamvis ingenti cum delestatione hisce adminiculis excolatur animus, & amplificetur rationis regnum. Et contra nemo nos excusatos habeat, ubi ignoramus, & cognoscere nolimus, quæ officia, quæ virtutes, qui mores exigantur a legibus, tum ad prudenter honesteque vivendum, tum ad continentiam societatem humanam. Ex quo enim nos natura fecit, non bruta, sed ratione utentia animalia, neque solitarios esse voleunt, sed propinquos, amicis, civibus, cete-

risque mortalibus per domos, per urbes, per diversa jura & commercia conjunxit; tunc imposta nobis necessitas ea noscendi atque intelligendi, quæ honestatem vitæ alant, quæ prudentiam adferant, quæ nos in omni officiorum genere peritos expeditosque efficiant.

Nihil autem hominibus magis futurum est cordi, quam ea perspecta habere, quibus eruditur in veri Dei Religione. Ad beatam æternitatem nos perducere potest una Religio, nimis credere, quæ de Deo credenda sunt, & Deum colere ac amare eo cultu & amore, quem ipsa nobis prescripsit. Itaque quum Religio vera, tum singulæ istius Religionis veritates præ omnibus inquirendæ sunt nobis, inter quas tamen alia necessaria, aliæ utiles tantum & delectabiles. In comparatione istius Veritatis quidquid splendoris, quidquid utilitatis in humanarum Disciplinarum curriculo habetur, inane est, & flocci faciendum, ut non injuria insipientissimos omnium & infelicissimos appelles tot veteres Philosophos ac Sapientes, quos æterna quidem fama nobis commendavit, ignorata autem sive contemta Religio vera abjectissimos in oculis Dei constituit. Quod si tantum est Religionis negotium, ut cetera præ illo negligenda, & posthabenda videantur; dubium non est, quin omnem ad illius veritatem assequendam convertere debeamus cogitationem & curam, atque adeo sit entendum, ut ne quum totam litteris & veritatis inquisitioni vitram dederimus, id unum adhuc nobis restet ediscendum, quod unice scire juvat, & probare necesse est. Atque hoc quidem nobis de Veritate scribere volentibus in primis ante oculos erit. Nam Religionem veram, aut quod illam satis non inquirant, atque ideo ex inertia, ignorare solent homines in numeri: aut quod nimium inquirant, & ingenii ambitione in transversum agantur, perdere interdum possunt. Quid itaque juris habeat, & quos fines habitura heic sit humorum Ingeniorum meditatio, in posterum differetur; & si quid proditum fuerit, quo non solum ad necessarias Religionis veritates credendas, sed etiam ad reliquas ejusdem utiles & delectabiles veritates erudite pertractandas, tuior ac planior via demonstretur: neque nos suscepiti laboris, neque alios lectionis adhibitæ fortasse poenitebit.

C A P U T II.

Ut Religio vera noscatur, an a dubitatione sit instituendum iter. Dubitandi necessitas, ut error evitetur; & pericula, ne Veritas ammittatur. Prudens dubitatio commendata, & temeraria vero repudianda.

APeruimus amplissimum campum humanis Ingeniis, quum nullum esse Verum diximus, quod honestum ex sui natura non sit investigare & cognoscere; similique posuimus, Verum, quod ad Religionem pertinet, non honeste solum posse queri, sed necessario querendum, sciendumque esse. Quod si querere veram Religionem oportet, consequens est etiam, ut adhibere liceat ac oporteat rationem querendi omnium apificiarum, per quam quæsita inveniantur. Jamque nonnulli accedunt, quibus nulla fortasse opportunitur occurrat ratio, quam a dubitatione instituere inquisitionis iter. Quo enim modo veram Religionem querere, & assequi possint homines, nisi primum dubitare incipient, utrum Religioni veræ nomen jam derident, an in errore versentur, & dubitando investigent, inter tam varias a populis usurpatas Religiones quænam sit falsa, quænam sit vera Religio? Et ista sane inquirendæ Veritatis ratio, qua mens humana omnibus antecipsis opinionibus valedicens, nulli rei, nisi perspicuis argumentis probatae assentitur, a Socrate manavit, & ab Academicis, aliisque Philosophis sumnopere laudata, proximeque præterito seculo a Cartesio potissimum instaurata, ac temperata, nunc utramque recentium Philosophorum paginam implet, quippe quæ ad verum inveniendum, aut saltem ad errorem evitandum, non parum conductat. Ex horum ergo sententia consequi videretur, nefas non esse Religionem suam in dubium revocatam expendere. At aliis fecus videbitur; nam ubi de Religione omnibus relinquatur dubitandi facultas, mirum est, quod Religioni veræ excidia creari possint, & quod erroribus janua aperiatur. Qui dubitare incipit, animo quoque statuit, non nisi evidenter & perspicuis rebus assensum dare, & ubique ne fallatur timet; aut æternum de omnibus dubitaturus est, quod Scepticorum filii accidit; aut multum quidem falsi, sed una cum eo multum etiam veri exscindet ac repudiabit: quod ambitionis ingenii non sine ingenti infelicitate plerunque contingit. Præterea quicumque in Religione vera titubare coepit, & de sua fide incertus esse, jam infidelis est, & certo bono renunciat, ut incertum exquirat. Quæ cum ita sit, & quum unicuique persualum sit, ve-

ram esse Religionem suam, ceteras autem falsas: nemo proinde sibi licitum arbitrabitur, fidem suam in dubium revocare, bellumque erroribus indicere, quos tamen convellere non possit, si religione sibi ducat, inopere de ipsa Religione dubitare.

Itaque in ipso argumenti suscepti vestibulo jam nobis gravissima impedimenta occurrunt, a quibus nisi nos expediamus, omnis progreendi spes sublata videatur. Id autem præstutum facilius ibimus, postquam nonnulla præmisserimus utilissimæ questionis dirimendæ per quam necessaria. Primo igitur ex omnium consensu liquet, naturale ac universale hominibus desiderium esse, & jus evitandi erroris, aut expellendi, quum illum incaute induerint. Etenim errare, & falsum credere, ex ipsa naturæ institutio e contrario est homini, eumque in maximas, atque etiam æternas calamitates protrudere potest. Secundum dicimus, ex hoc jure alterum effluere, nempe licere cuicunque iis uti subsidii, quæcumque ratio, ac natura, tum honestæ artes a sapientibus doctisque viris exulta tradiderunt, ut per illa virari, deponive possit error. Immo Scientiæ Artesque ipsæ nihil aliud sere sunt, quam hujusmodi subsidia. Ipsæ tamen Artes ac Scientiæ aliis indigent peculiaribus subsidii, quibus se suosque cultores arctius regant. Si secus fecerint, interdum erroris, non veritatis, magistræ evadunt, & infida ad verum dignoscendum, erroremque auferendum, subsidia fiunt. Criteria veritatis nuncupamus hujusmodi peculiaria subsidia, eorumque scientiam appellare Criticam possumus, si hoc nomen latius, quam soleat, usurpare placet. Excurrunt autem criteria per quamlibet Scientiam, & Artem, eorumque ope quid certum, quid probabile, quid dubium, quid fictum ac falsum sit, ubique rimarum, & non raro cognoscimus. Nimur iis præuentibus, sollicito que examine singula pensantibus, & fecerentibus, saepe discimus, quos errores inverxit & invehat, aut perversa ratiocinatio, aut vis præjudicatae opinionis, & imperium affectuum in nobis regnantium, aut nimium etia antiquitatem obsequium, nimiusve recentiorum temporum amor, aut immodica fides habita nostris sensibus, Præceptoribus, Majoribus, Historiis, aliisque humanæ vitæ fallacibus documentis. Dicam uno verbo: faciunt hujusmodi.

IN RELIG. NEGOTIO. LIB. I. CAP. II.

7

modi præsidia, ne temere credamus, ne falsa aut dubia pro veris aut certis, certa & vera pro dubiis & falsis habeamus. Quocirca quum & ratio prodiderit, & sapientissimi vi-ii passim commendent, ac adhibeant horum subcidiorum apparatum in infestatione erro-ri, & inquisitione veritatis: nequit dubita-ri, quin rectus illorum usus cum maxime ho-nestus ac utilis, tum etiam interdum neces-sarius sit omnibus, errorem fugere, & verum sequi cupientibus.

Tertio, inutilia plane forent ista ad erro-rem evitandum ejiciendumque subcidia, si de rebus ac sententiis, in quibus Verum exqui-rimus, dubitare prius nequaquam liceret. Immo nullus errandi finis, nulla veritatis haurienda spes erit, ubi nefas sit in dubium vocare & expendere tot Opiniones, rerumque notiones, per cogitationem, aut per sen-sus corporeos in phantasiam, animumque no-strum immis-ss; quarum tamen complures vel falsæ, vel parum firmæ deprehenderentur, quoties de iis dubitare, easque ad criteria op-portuna exigere vellemus, atque possemus. Igitur ad ipsius naturæ, errorem ubique re-fugientis, principia & jura pertinet, posse de propositis, aut animo jam perceptis sine pæ-ria consideratione rebus, primum sibi dubi-tationem aliquam movere, tum laudata ad libere subcidia, ne fallamur, neve in anti-gao errore diutius perstems.

Quarto, præter hac insita homini jura, in-fitæ etiam sunt quedam leges, quas nemo sciens sine culpa levi aut gravi; nemo inscius sine magna aut aliqua saltæ infelicitate vio-lare potest. Nam sicuti institutioni rectæ rationis convenit, ut quisque contendat ab erro-re ac falsitate sibi cavere, ita & eidem rationi repugnat, ut homo veritati renunciet, no-ceat, atque ob-sistat. Quapropter qui unice de fugiendo errore sollicitus est, tantumque hujus-modi studio insistit, ut veritati ipsi fidem ad-jungere neget, aut illam sibi insectandam su-mat, ubique fallaciam sibi metuens: alia qui-dem via impingit, sed tamen impingit in er-rorem. Dubitare autem possumus, utri mi-sseriores sint, an qui errorem contrahunt ob-cautionis defectum, an qui veritatem repudiант ob ejusdem cautionis excessum. Id cer-te experientia constat, illis ignorantiam ve-nia alias dignam, iisis intolerandam super-biam hujusmodi mala ple-ssumque creare.

Quinto, si igitur a recta ratione jubemur, veritatem non impugnare neque perdere, sed ejus præstantissimum recipere & custodire lu-men, necesse quoque erit eam adhibere cu-ram, eisque uti subcidis, que nos a ladendi & respondi veri periculo avertant; & con-tra singulis, quantum per nos licet, renpha-

ciare impedimentis, quæ remoren-tur in regio-ne veri progressum nostrum. Neque ista lex juribus dubitandi supra constitutis opponitur, sed cum iis consentit, modo intra æquos li-mites, ratione pæcunie, contineatur illorum usus. Tam enim peccant, aut miseri sunt, qui nimium dubitationi se tradunt, quam qui nimis facile credunt, utrique nimio aut er-roris fugiendi desiderio, aut veritatis impro-banda timore abrepti. Ipsamet subcidia, & criteria veri, per qua diximus errores ab hu-manis mentibus arceri, nisi utentibus adsit prudentia cum humilitate conjuncta, non mi-nus ad errores evertendos, quam ad ipsum ve-rum rejiciendum, inservire possunt. Quare opus est, ut dubitandi jura, in effrenem au-daciām interdum assurgentia, perpetuo tem-peret alia comes dubitatio ac timor, ne sci-licet una cum erroribus veritatem ipsam in-caute excindamus. Quæ autem sint impedi-menta, ne verum percipiatur, quæ subcidia, ut percipiatur, nos infra, quantum ad rem nostram pertinet, ostendere conabimur.

Interim ex his legibus sequitur, commen-dari a recta Ratione prudenter dubitationem, improbari vero temerariam. Neque enim pro-pter quod nobis natura dubitandi jus de-derit, ut falsum declinemus, verumque asse-quamur, ideo sine discrimine cuicunque, & de quibuscumque rebus, dubitare fas est. Certis quibusdam terminis omnia naturæ jura coercentur, ultra quos excedere peccare est in ipsum naturæ conditorem. Sic humanorum Affectionum innata jura suos habent fines, mo-dumque suum. Nihil etiam efficacius natura nobis commendat, quam amorem asumque Virtutum, sed ejusdem naturæ documentis prohibemur lædere ordinem limitesque Virtu-tibus positos. Una prudenter tum Affectionum tum Virtutum omnium dux & moderatrix fu-tura est. Ejusdem consilio & imperio indigent reliqua omnia, sed potissimum dubitationis jura, ut rectus, non pravus, fiat inter ho-mines illius usus.

Quamquam vero nihil difficilius occurrat, quam constituere, quando, & cui, & qui-bus de rebus prudenter dubitare liceat; (nam Prudentia, ut ajunt Philosophi, circa parti-cularia, quæ innumera sunt, versatur) attra-men monere juvat, quasdam etiam universa-les haberi leges, quibus fere semper singula-ria reguntur. Has inter eminet illa: *De pri-mis principiis per se notis, & de rebus certa experientia, aut omnium hominum omniumque temporum consensu probatis, aut eviden-tissimis, ne imprudenter dubitato.* Tum al-te-ra: *De veritate verum, aut sententiarum, quas doctissimi viri tradunt ac probant, rudes atque omnino impreciti ne litem movento.* Cer-

te

te quicunque vel acutissimi viri ne de primis principiis quidem se certos prodidere, saepe temeritatis, raro prudentiae famam sibi compararunt. Quis autem rationis compos prudenter dubitet, an vivat, an cogite, an edat, an loquatur, & scribat, quum evidenter hæc singula sentiat? Quis dubitationem sibi prudens moveat, num aridum lignum combustibile flammis injectum comburi possit, num corpus grave, impedimentis sublati, ex alto in imum sit ruiturum? Deinde quam prudenter ille agat, qui tot rebus, quas a Scientia atque Artes liberales tradunt, aut Historia a doctis viris commendata concorditer referunt, ipse omnium ignarus atque imperitus adjungere fidem neget, earumque veritatem pro libidine sua, & sine ulla ratione, revocare velit in dubium?

In primis vero animadvertisendum est hec, duplarem esse dubitationem, alteram quidem multum, alteram parum consentaneam rationi. Utriusque differentia in fine, & causa dubitandi se prodit. Quidam enim de rebus vel evidenter dubitant, non quod sibi earum rerum veritas dubia sit atque suspecta; sed ut

veritatem ipsam dubitando ac disputando in meliori collocent lumine, atque ut aliis, non sibi, dubitationem eximant. Nemo sane hujuscemodi dubitationis genus improbe, immo non laudet; non enim proprie id dubitare est, sed dubitantis dumtaxat personam induere. Quapropter præstantissimis viris numquam non licuit dubitantis specie inquirere, utrum sit Deus, utrum vera sit Christiana Religio, & num certa, rectoque plurimum seculorum & hominum consensu stabilita sint tota prima principia. Quod rudibus utique licet, illud est, ue a sapientioribus referant lumen, quo & ipsi alacriores fiant in credendis altissimis abditisque rebus. Contra vero rationi adversatur illorum confidentia, qui non alium dubitando sibi finem statuunt, quam acutissimi sui ingenii periculum facere; & tum sibi videntur cordati sapientesque viri, quum unius suæ mentis vocem ac judicium audiunt, aliorum contemnunt; & ad destruendum quam adificandum aptiores, aut nihil probant, aut id solum probant, quod animi sui appetitibus blanditur, & quod suæ tantum meditationis aciei perspicuum firmissimumque apparuit.

C A P U T III.

Non omnibus dubitandum de veritate suæ Religionis. Ratio & Autoritas in Religionis negotio, earumque pondus. Quæ querenda sint, ut confit, an vera sit aliqua Religio. Prudenter possunt immo debent de veritate suæ Religionis dubitare Ethnici, Judæi, Muhammadani. Justæ apud eos dubitandi causæ.

Facile nos in vastam planitiem argumentum perducere, si animus foret siogula nunc differere ad dubitationis fines modumque spectantia. Sed per brevem hanc orationis excusum præcipua fundamenta detexisse contenti, quibus innititur æqua dubitandi ratio, jam ad castra regrediamur. Nostra ante omnia refert, quæ semita in iteru ad Religionem veram servanda sit, diligenter inquirere. Atque in primis, quum errore capi ac detineri in re tanta homo possit, immo quum satis constet, innumerabilem hominum copiam errasse, ac errare in amplestenda Religione, quam plerumque non ulla ratio primum persuadet, sed educatio, & parentum, populorumque exempla tenellis mentibus inspirant: dubitari non potest, quoniam generatim loquendo, non honestum dumtaxat, sed & necessarium sit de suæ Religionis veritate sibi aliquam dubitationem movere. Et sane quei umquam fiat, ut Muham-

medianus, ut Ethnicus, ut Judæus, aliaque hujusmodi Sectarum genera, quas Religioni falsa, aut a cœlo improbata addictas esse non tam credimus, quam dolemus, se revocare, aut per alios revocari possint a perversa opinione, inolitoque errore, si prudentis dubitationis jure uti unusquisque renuat, & placulum arbitretur?

Prudentem autem dubitationem ideo commendamus & suademos, ne a legibus æquissimis discedatur, quibus constringuntur, ut diximus, ipsa dubitationis jura. Sed ita me Deus amer, paucos invenias, qui eadem uti aut sciant, aut velint. Ut enim quisque Religioni alicui ab iniente atate nomen dedit, reliquas contemnere, & fallacibus ac falsis accensere, earumque cultores imprudentes ducere; unam vero suam cum ratione & veritate consentire, seque nonnisi imprudenter facturum putare, si opinionem suam in periculum dubitando adducat. Restat igitur, ut ad-

IN RELIG. NEGOTIO. LIB. I CAP. III.

inquirendum nostra festinet oratio, quinam in tanta Religionum diversitate prudenter de sua dubitare debeant, & qui minime debeant. Heic rei maximæ cardo vertitur; heic si sapere incipiamus, meliora quæque speranda sunt nobis, tum ad firmandos homines in veritate stantes, tum ad excitandos in errore stententes. Quum autem Religionis nomen tot gentium fœclarumque Superstitioni tribuiます, hoc quidem καταχρισμά, sive abusivum, facimus; una quippe, non multiplex esse potest vera Religio; sed non sine divinarum Scripturarum exemplo facimus, apud quam falsa quoque numina sub Deorum appellatione sape memorantur, intacta nihilominus semper unius Dei fulgentissima veritate.

Dicimus ergo, a dubitatione illi esse temperandum, qui suam Religionem facile perspicit certissimis principiis, & fundamentis innixam. Duo autem sunt hujusmodi fundamenta, *Ratio*, & *Auctoritas*. Rationis nomina hoc loco intelligimus vim & lumen intellectus ad dignoscendum verum & falsum, bonum & malum, similque eam vim, per quam rationalis anima e certis sibique notis præmissis certum aliquid argumentando deducens, sibi illud aut aliis persuadet. Auctoritatis vocabulo vim illam significamus, quam habet ad aliquid persuadendum alterius narratio, verbis aut scriptis menti nostræ communica-ta. Quo firmiora sunt hæc fundamenta, eo fortius Veritas stat illis innixa, & clarius esfulget, & facilius homini persuadetur. Utraque autem ad persuadendam Religionem veram collatis signis, quamquam diverso pondere, conspirant.

Vix autem negare possumus, quin humana Ratio semina quædam contineat Veri & Boni insita ab ipsa natura; nam & nullo docente pueri sua se sentire male facta pudore testantur, & dolent se fuisse deceptos. In primis autem hujusmodi semina deprehenduntur, dilucideque nobis apparent, quum attenta meditatio excutit penetralia Rationis, & quum optimorum Librorum, eorumve hominum consuetudine utimur, qui istas veri bonique ideas, jam sibi perspectas, aut in nobis excitant latentes, aut, si ita dicere amamus, in nos immittunt peregrinas & novas. Excitatis in homine istis boni & veri seminibus ac ideis, progredi multum potest, quamvis pluribus morbis laborans, humana Ratio ad naturam qualitatesque non visibilium tantummodo, sed & invisibilium rerum intelligendam. Cujus progressus tot sunt exempla, quot veterum Philosophorum meditamenta sunt litteris consignata. Nimur solo Rationis lumine ducti illi in plurima penetrarunt, quæ cer-

tissima esse lux melior subinde nobis patet.

Quantum etiam ponderis habeat Auctoritas in usu vitæ atque in aliquibus disciplinis, & in Historia potissimum, nemo non sentit. Si nihil aliud credere, quam quod Ratio in se invenit, animum induceremus, magna non solum humanæ scientiæ sive eruditio-nis portio periret, sed etiam infinita homini, atque hominum regimini impenderent incomoda. Aliorum ergo narrationibus, & fidei, fidem habeamus oportet, nisi inter somnia computare velimus, quidquid habent Libri & Fama de præteritis saeculis, immo & de præsenti avo: quod profecto non faciat, nisi verus somniator & amens. Duplex autem Auctoritatis est genus. Altera a Deo est, altera ab hominibus; illa numquam, ista sæpe ac sèpius fallax. Inter prima Rationis evidentissima precepta illud omnium consensu præcipue probatur, certum esse, verum & inconcussum, quidquid revelat, ac narrat prima Veritas Deus. Etenim, ut ajebat Salvianus lib. 3. Dei sermo ipse sibi testis est, quia necesse est, quidquid incorrupta Veritas loquitur, incorruptum sit testimonium Veritatis. Ut autem hominum est falli & fallere, decipi & decipere, ita eorum Auctoritati non continuo fidendum. Sola Ratio, sive Prudentia, advocatis experientiæ, & Critics, & aliarum Artium in suam opem documentis, feliciter ostendere potest ac solet, quando neganda, quando habenda sit fides hominum dictis. Ad ipsam quoque rationem pertinet expendere, an fallantur, aut fallant homines, quum voce aut scriptis aliquid referunt ac nunciant tamquam a Deo revelatum & proditum; tunc enim non in Deum, qui æternum est verax, sed in hominem, qui facile vel propter ignorantiam, vel propter improbitatem, est fallax, prudens dubitatio nostra atque suspicio convertitur. Quamobrem sapientissime Johannes Apostolus in Epist. 1.4. suis discipulis injungebat, ne cuicunque crederent divina dogmata se afferre dicenti: *Nolite, inquit, omni spiritui credere; sed probate spiritus, si ex Deo sunt; quoniam multi pseudopropheta exierunt in mundum.* Præterea quum falli ac fallere possint homines in intelligenda, exponenda, interpretanda Auctoritate, quam aliqui divinam merito credant: hinc est, quod iterum consulenda est Ratio, ut percipiat, an heic homines errant. Statuendus itaque videtur hic ordo. Primo querendum, an rectæ Rationi adversetur Religio, quam quisque amplexus est. Si aduersatur, plane de ipsius veritate non solum dubitandum est, sed in ipsam protinus dicenda sententia. Si nequaquam repugnat, querendum secundo est, num a

B

Deo

10 DE INGENIORUM MODERATIONE

Deo processerit, an vero ab hominibus tantum, hoc est utrum divina, an humana auctoritate inducta sit illa Religio. Si homines solos autores habuit, de ipsis veritate dubitandum est; si Deum, nulla dubitatio occurrere potest, quin vera sit; siquidem divina Auctoritas supra ipsam Rationem valet, atque ab omni fallacie suspicione immunis est. Adhuc tamen inquirendum restat, & tertio dubitandum, an quæ Deum tradidisse credimus, recte a nobis intelligentur & explicantur: quod ubi praetiterimus, vel Ratione duce, vel regulis tutoribus, si quæ sunt, a Deo prescriptis, tum prudentis erit conquisitare, ne inconsulta dubitatione nobis majoris periculi simus autores.

His præmissis, dicimus, Ethnicos tum veteres, tum recentiores potuisse ac posse prudenter, immo etiam debuisse & debere de veritate suæ Religionis movere sibi dubitationem. Vix enim secum sincero animo reputare possunt, quibus principiis nitarur inspirata sibi a teneris unguiculis opinio, quin illam evidenter nutare statim deprehendant. Non prima Rationis edicta, non divina Auctoritas, quæ unice firma ac certa est, iis occurere, mentemque ab ulteriori hesitacione & inquisitione retrahere possunt; sed hinc recta Ratio pluribus modis lafam se exhibet, & inde sola fallax hominum Auctoritas se prodit, cui non cito, neque inconsulte, habendam esse fidem, Ratio ipsa efficacissime clamat. Et quid quæso Rationi evidentius adversatur, quam plures credere Deos, atque inter se discordes; quam debitum uni Deo cultum, in homines, in sidera, in elementa, atque in vilia aut naturæ, aut hominum opera transferre; quam ineluctabili fato humanas voluntates subjectas opinari; quam rationali Animæ, ut quidam censuerunt, ac censem, nullam ultra corporis mortem tribuere vitam; quam ignorantiam, libidinem, impotentiam, atque alios aut defectus, aut ipsis hominibus indigna facinora in Deo excogitare? Hæc atque alia complura in oculos meditantium facile incurunt, ne de reliquis in disciplina morum vitiis loquamur, quibus Ethnicorum Religio aut consentit, aut etiam laudem & præmia pollicetur. Accedit, quod eorum opinionem non divina Auctoritas, seu prima Veritas Deus, invexit, sed aut Poetæ argutis mendacis ludentes, aut incerta, inconstans & fallax hominum, immo & animalium, ruditisque populi traditio, cui certe sine ratione, sine prævio examine adjungere fidem, despiciantiam potius, quam insipientiam appelles. Jure itaque dubitare possunt ac debent Gentes de suæ Religionis ve-

ritate: quod si præstant, camque cum Christiana demum componant, nisi rationis & prudentiae legibus renuncietur, intelligent hanc unam esse veram ac perfectam; reliquias vero Idolorum cultui addictas, in crassissimis atque intolerandis erroribus versari. Vel ante Christum natum id perspexerit non pauci Philosophi, solam Rationis lumen seculati. At numquam id melius paruit, quam ubi Christianæ doctrinæ majestas & veritas longe lateque effulgens totum terrarum orbem permeavit, ejusque cultores, per tormenta, per ignes invicti, fortitudine sua suaserunt, quod Ratio sola persuadere poterat. Tunc enim non vi tormentorum adhibita, non armorum ferrore ac metu compulsi Ethnici, sed vi veritatis devicti, se se Christo adjunxere, atque ipsi potissimum populi, qui ingenio & literarum cultura certe præcellebant.

Quod est ad Judæos, nihil in eorum Religione occurrit, quod recta Ratio improbet. Traditam vero eorum legem ab ipso Deo fuisse, tot ac tanta argumenta ostendunt, contentientibus hinc Mohammedanis, inde Christianis ipsis, ut imprudenter sane illud in controversiam adducas. Quæ sint hujusmodi argumenta, a luculentis aliorum libris præstat petere, quam hec leviter attingere. Verum ne his quidem contenta esse jure potest Hebreorum natio. Ulterius etiam progrediendum, Prudentia & Ratio monent. Scilicet illi dubitandum est, num recte intelligat, atque interpretetur divinarum Scripturarum oracula; in hoc enim contingere potest, ut imbecilla Ratio fallatur. Eo autem magis Judæo suboriri haec suspicio debet, quod audiat, tot nobilissimas nationes, ingenio, judicio, & litterarum omnium scientia illustres, doctioresque sine comparatione, quam Judaica gens, & æque saltem ac Judæi de Religionis vera negotio solicitas, neque minorem quam Judæi veneracionem ac honorem habentes divinis Judæorum libris, concordi voce clamare, certumque habere, nostris temporibus in interpretandis atque assequendis eorum Librorum sensibus quemlibet Judæum turpissime cœcutire. Quid, quod nihil in sacris Litteris tam aperte repetitur, quam venturum Messiam, idque fatentur Judæi? Nonne prudenter poscit, ut serio inquirant, an forte venerit, qui a tot populis non ex fama temeraria, sed ingenti rationum ac miraculorum pondere, jam venisse perhibetur? Justam dubitandi causam angere debet præsentis sortis & conditionis consideratio. Omnia abjectissima gens, Prophetis, Sacerdotibus, Templo destituta, neque a paucis

an.

annis, sed ferme a septuaginta saeculis, invisa hominibus a Deo, vix alia de causa ad tantam infelicitatem excogitari potest adducta, nisi quod Messia contemto & legibus perperam intellectis desirerit esse Dei viventis populus. Fac autem, sincero docilique animo Judaeus de sua Legi intellectu dubitet, & Christianae Religionis originem, documenta, rationesque sedulo expendat: Si adhuc priori in sententia perfet, neque videat tot Prophetarum oracula in Christo ejusque Religione evidentissime completa, miseræ cœtatis aut pervicaciae notam apud cordatos prudentesque viros haudquaquam effugiet.

De Muhammedi Sectatoribus multa dicenda forent. Sed rem paucis expediemus. Difficile a Muhammedanis impetrare possit, ut dubitent, an aliiquid in suis legibus occurrat rectæ Rationi contrarium. Neque nos molesti percontatores esse nunc volumus. At quem Auctoritatem divinam sua Religioni ubique prætentant, præcipueque huic argumento inhærent: Prima prudentia & rectæ Rationis principia prorsus exigunt, ut non temere credant cuicunque se esse Messiam dicenti, & delapsa e cælo dogmata, sive scripta jactanti. Ne ipsi quidem negent, ab impostoribus cavendum esse; & saltem nullus inter eos habebatur, modo sit prudentia legibus imbutus, qui ad novam ab homine promulgatam Religionem continuo se conserat, tametsi nihil rectæ Rationi iste legislator repugnet, immo pietatem multam redoleat, & quarto quoque verbo exclamet, se nuncium veritatis e cælo demissum, nisi etiam dogmata, fidemque suam probet veris miraculis, sanctissimis moribus, oraculis præcedentibus, optimo doctrina, aliisque divina legationis testibus signis. Gravior quoqua subest dubitandi causa de Muhammedo. Ex ejus enim apertissima confessione cum veteris, tum novi Testamenti Scripturæ divinitus tradita fuerunt, Religionemque veram attulerant Moyses & Christus, atque istius lex & doctrina sub finem usque seculi æra Christianæ sexti (quo tempore ipse Muhammedus vivere coepit) germana veritatis magistra fuit. Quia igitur prudentia fidem habeas statim & sine dubitatione homini abroganti, immo postea damnanti Religionem sua confessione prius optimam atque a Deo traditam, nisi evidenter se id facere ex ipsis Dei imperio probet, signisque certissimis se verum esse Prophetam cœlique nuncium ostendat? Certe non est, cur diuturnius regnum sibi polliceantur Alcorani ipsius dogmata, ubi tam facile credere liceat novam e cælo Religionem se advahere solum testanti.

Quod si convenit in Muhammedi finem suspicio, & Ratione monente in examen est advocanda Auctoritas, quam ille divinam dictabat: nullo tunc negotio, quantum quidem arbitror, de sua opinione dejicietur Muhammedanus, & singulari cum utilitate sua vincetus, dum vinci velit. Tum, inquam, facile patet, nullum ab impostore Muhammedo certum signum divinæ sua legationis productum, nullum ab ipso miraculum fuisse patratum, quo novæ doctrinæ fides conciliatur; obstat enim nonnullorum famæ ac traditioni de miraculis per Muhammedum factis evidens Alcorani, seu ipsis Pseudoprophe-tæ, & sapientiorum Moslemorum contraria confessio. Lectis autem sacris Judæorum & Christianorum Scripturis, palam continuo fit, nihil minus esse verum, quam quod affirmabat Muhammedus, se nempe, suamque doctrinam in iis Libris sapientissime fuisse prædicta, seque nil aliud in Alcorano docere, quam quod Moyses & Christus tradiderant. Itidem intelligent, fieri omnino non potuisse (quod commentus est ille impostor) ut a Judæis & Christianis divina Littera per totum terrarum orbem vulgariter, & in plures linguis translatæ ex industria & ex concordia at secretissima tot populorum conspiratione corruptæ & depravatae fuerint, ne ea loca apparerent, quibus prænunciabatur illius adventus atque doctrina, & quæ tamen ipse ignorasse convincitur, dum ea non recitat, recitatur certe in sua causa beneficium, si illa novisset. Constatit etiam, quantum infra sanctitatem & perfectionem Christianæ legis sit Alcorani doctrina, & disciplina moralis, quum illa Spiritum ubique, & ista ubique Carnem sapiat; illa pacem, ista bellum suadeat; illa ad corporas vilesque delicias totam ferme referat doctrinam suam. Quare nulla excogitari potest ratio, cur Deus immutatam voluerit, ut Muhammedus contendit, perfectam Christi Religionem in minus perfectam, immo in admodum imperfectam, & virtutis non paucis scatentem, tum in disciplina morum, tum in dogmatibus tradendis a divina sacrarum Scripturarum revelatione penitus alienis; quæ non ratione, sed gladio nititur; quæ vi armorum, non suasione veritatis inventa & propagata est, atque etiam per vim amplificanda traditur, interdicta omni disputatione de Religionis negotio, ne qua sit via detegendæ fraudis, ne qua spes deponendi erroris. Tandem luce meridiana clarius apparebit, non alia de causa Muhammedum tanta fuisse commen-tum, nisi ut sua libidini atque ambitioni consuleret; Librumque illum, quem ex pres-

12 DE INGENIORUM MODERATIONE

concepta opinione Muhammedani divinissimum censem, innumeris iisque putidis fabulis, mendaciis, & superstitione ita abundare, ut neque Deum auctorem habuisse, ne-

que ullam hominum fidem mereri facile cognoscatur, dummodo adhibetur in consilium Ratio recta, aut cum Alcorani tenebris conferatur lux Evangelii.

C A P U T IV.

An Christiano homini dubitandum de sua Religionis veritate. Eequum id videtur, sed gravibus periculis obnoxium. Dubitatio O heic litora, O quando, O quomodo, ne Fidei donum perdatur. Ratio O Autoritas statuant veritatem Christianæ Religionis. Cur Christianorum vulgus acquiescere prudenter possit in Religione sua, sitque ab onere dubitandi exemptum. In Ecclesiæ Catholicæ Pastoribus potissimum scientia Religionis expetita.

AD Christianos demum accedamus, scrutaturi, an & ipsi prudenter de veritate sua Religionis dubitare possint, immo etiam debeant. Evidem præsentio, quorundam animos adeo delicatos esse, ut horrorem concipient vel ex hoc solum, quod dubitem, an de re tam nobis certa sit dubitandum. Sed quæso ne patiantur se inanibus umbris & solis nominibus terri. Omnes imprudentem dubitationem refugimus, omnes prudentem amplectimur, nam ut a prima si bi nolle cavere, temerarii est atque irreligiosi, ita alteram quocumque pæcto rejicere atque improbare est insipientis. Quodcumque autem de proposita quæstione statuatur, negari non potest, quin multis incommodis obnoxium appareat. Si enim Christiano viro fas esse dicamus in dubitationem adducere suæ Religionis veritatem: quomodo stabit illius fides? Frustra illum tam eximo dono dignatus fuerit Deus, ut sine ulla dubitatione veram crederet esse Christianam Religionem. Et certe jam Fidem perdidisse videatur, qui dubitare coepit, num falsa credat an vera; atque idcirco, ut in cap. 1. de Hereticis habetur, *dubius in fide, Infidelis est.* Periculosa infuper plenum opus est aleæ de re tanta dubitare. Quamquam enim nulla sit Religio, quæ rectæ Rationi præstantia, & sanctitate, & veritate se tantum commendet, quantum Christiana Religio: infirmitate tamen humanæ mentis contingere potest, ut qui de illa dubitare coepit, dubitare in posterum non desinat, aut etiam judicio deceptrus & cupiditate in transversum actus, ad alterius Religionis castra deficiat: quod quidem aliud non est, quam de certo bono in certum malum inconsulta curiositate velle se præcipitem dare.

Contra vero si de sua Religionis veritate nequaquam esse Christiano homini ambigendum pronunciemus, quam æquo jure actum erit cum Ethnicis, Judæis, & Muhammedanis? Exigent & illi a nobis, quod nos merito ab ipsis exigimus. Si recusabimus eo nomine, quod veritatem a nobis, ab illis errorem stare, certo cognoscimus: iisdem verbis se a nobis expedient, quoties iis esse de sua Religione dubitandum indicimus. Aut etiam reponent: certi equidem esse potestis, omnes vos Christiani, de Fide illa, hoc est persuasione, qua veram esse Religionem vestram creditis; at certi esse non potestis omnes, Religionem istam vere esse, qualem vos creditis, nisi prius illam cum reliquis Religionibus composueritis, vobisque constet, eam a Ratione minime abhorrire, atque infuper Autoritate divina fuisse constitutam. Et cur tantum vobis a dubitatione timetis, si tam firma est ac aperta Religionis vestra veritas? Illi paveant, qui in errore versantur, eoque stultitia devenerunt, ut grave ducant, se ab erroris servitute liberari, & ad regnum Veritatis perduci.

Ut isti controvæsæ fiat satis, simulque investigandi Veri jura serventur, atque avertantur perdendi pericula, memoria repertendum est, quod præcedenti Capite differimus; nempe rudes atque ignaros dubitare non debere de veritate rerum, quas doctissimi & sapientissimi viri semper tradiderunt ac tradunt. Secundo posse quemlibet honesto fine sibi dubitationem creare vel de evidentissimis rebus, non quod earum veritatem suspeclam habuit, sed ut earum caussas & rationes & veritatem clarius perspiciat. Hoc autem non doctis solum & ingeniosis hominibus, sed & imperitis, ac rudibus facere licet, mo-

do primi ingenium continant intra limites concordi prudenter consilio statutos, reliqui vero ad fideles sapientesque Magistros dubitationem suam conferant, seque illis erudendos tradant. Licitum, inquam, est aliquo modo dubitare, seu perscrutari, quam firme Rationis atque Auctoritatis principiis innatur Lex, dummodo id homines praestent, intellectus sui illustrandi gratia, atque dum id prstant, a se certitudinem illam nondum rejiciant, quam de Legis ipsius veritate ante conceperant, & dummodo instrumenta ad recte judicandum necessaria in id opus adhibeant. Ita fiet, ut nobilissimum Fidei donum, quo a Deo per sacrum Baptisma donantur Christiani, vel in ipsa dubitationis specie servetur intactum, & Christianae Religionis veritas magis eluceat, & fortius confirmetur in hominum mentibus.

Neque dicant Ethnici, aut Judæi, aut Muhammadani, levia nos a nostris petere, postquam gravia ab ipsis petierimus. Volumus æquis rationibus cum illis agere: non alium in finem, non aliis conditionibus eos de sua Religione dubitare volumus, quam dubitaturi sint Christiani. Nam vel ex hujusmodi cautela dubitandi forma, certum nobis est, consecuturos esse contrarios quidem, sed optimos effectus utrimque, quando sinceris animis examen habeatur, & media stet Ratio liberum prolatura judicium. Scilicet Christianus quilibet tunc arctius in sua Religione firmabitur, atque ad eam contra inimicos tuendam aptior validiorque efficietur: quod sane omnibus Christianis suadet sanctus Petrus in Epist. I. 3. ita scribens: *Parati semper ad satisfactionem omni poscenti vos rationem de ea, quæ in vobis est, spe.* Reliqui vero hucusque a Christo alieni, aut mentem vitam ad Evangelii leges convertent, aut tacite ostendent, se ab una pervicacia, seu terrena cupiditate, aliisve parum honestis caussis, detineri, ne sanctæ Christianorum Religioni suum dent nomen & animum.

Atque hoc profecto est peculiare istius Legis decus ac prærogativa, ut ipsa sit, non dicam credibilis supra ceteras, sed una sit evidenter credibilis, & contentanea æquitati Naturæ atque Rationis. Quamobrem inquirantur, ut lubet, ejus fundamenta ac principia. Nullum plane ibi Dogma occurrat, quod rectæ Rationis suffragio non comprobetur, atque lauderetur. Nonnulla quidem Mysteria ibi traduntur de Natura ac Voluntate divina, quæ aut captum humani intellectus excedunt, aut perfecte intelligi, dilucideque exponi non possunt. Verum hæc ipsa non contra rationem, sed supra rationem esse, omnes intelligent. Neque mirum, quod fini-

ta potentia in infiniti Dei capienda atque explicanda Natura aliquantum deficiat. Illud præterea omnino exploratum est, nos ista credere, eo quod ab ipso Deo de se testimonium ferente revelata sunt, & novimus a Deo revelata fuisse; & quandoquidem Rationi minime ista repugnant, propterea quoque a Ratione recta incunctanter probantur.

Quod est ad Auctoritatem divinam, tantus signorum rationumque concentus in Christianam Religionem confluit, ut illam nisi impudenter negare nequeas a Deo constitutam. Etenim ejus fundator Christus compluribus Prophetarum oraculis prædictus antea fuerat, eaque prostant in libris, quos Judæi, inimici Christianarum natio, a tot sæculis venerantur. Accedunt plane cœlestis vita, ac mores Christi, & manifesta atque innumerabilia Miracula, quibus tum ille, tum ejus statores virtute ab ipso accepta istius Religionis veritatem confirmarunt. Ad hæc puritas & sanctitas dogmatum, legumque ad mores spectantium rectitudo, quibus nulla alia Religio, eaque ac Christiana, homines ad cuncta virtutia officia impellit, atque a terrinis ad cœlestia & spiritualia perducit, docetque non solum credere digna deo, sed etiam digne colere Deum optimum maximum. Præterea non ad instituentium commodum, aut emolumentum & gloriam proposita fuit; non vi propagata per totum ferme terrarum orbem; sed ab fidotis viris primum deprædicta, tum immenso rationum pondere, tormentorumque incredibili tolerantia a doctissimis viris, fortissimisque Martyribus propugnata fuit: quibus tametsi ardua quædam Rationi humanæ proponentibus, & voluntati non sensum oblectamenta, voluptatesque, sed legem Crucis, excidiumque cupiditatum indicentibus, nihilominus tandem cessit non paucorum Judæorum pertinacia, & immanis aliorum populorum numerus. Hæc atque alia complura signa, seu Motiva Credibilitatis, ut vocant, latissime ab iis pertractata, qui de Christiana Religionis veritate agunt, nisi illam a Deo esse, illique prudenter esse credendum, evidenter probant, fortiterque persuadent: quid aliud expectes? Certe nulla alia Religio tanto signorum consensu Deum sibi vendicet auctorem: & siquidem habenda est aliqua Religio (uti procul dubio habenda est) certe Christianam, cujus testimonia credibilia facta sunt nimis, longe esse reliquis præferendam, qui non videt, nihil videt.

Quum vero a tot sæculis floruerint, ac florent apud nos accurata omnium doctrinarum, & præcipue divini cultus, veræque Religionis studia, & quum quidquid umquam Theologia & recta Ratio docuit cum ad veteris

14 DE INGENIORUM MODERATIONE

teris novique Testamenti interpretationem, & confirmationem, tum ad morum disciplinam, atque intellectus voluntatisque humanae perfectum regimen, totum id non minori pietate quam eruditio ac ingenio ab eximis Christianis pertractatum, litterisque etiam consignatum fuerit, & etiamnum ex instituto pertractetur, ac disputetur in eorum Scholis atque Ecclesiis: hinc est, quod rude Christianorum vulgus eximatur a pracepto, quod prudentia unicuique injungit altius inquirendæ Veritatis in potissimum Religionis negotio, hoc est perpendendi prima illius fundamenta & principia. Imprudenter sane & crudeliter exigas, ut quilibet e populo Theologæ, Linguis variis, atque aliis compluribus Disciplinis det operam, quæ necessaria sunt ad explicandas divini Instrumenti Scripturas, & ad instituendum exquisitum de Religione examen. Fecerunt id studiosissime & quotidie faciunt innumerabiles Ecclesiæ Pastores, atque Doctores. Igitur dum tot, ac tales antefigantur (ut alia omitam nobis, non aliis faventia) Christiana plebs sequitur, imprudens sit, qui illam imprudentiae accuset.

Sed non idcirco omnes Christianos ab hismodi onere eximus. Arbitramur enim, sacros Ecclesiarum Ministros, & omnes, quibus erudienda creditur plebs Christi, debere diligenter inquirere & noscere Christianæ Legis fundamenta ac principia, neque hujus tantum veritatem, sed & reliquarum falsitatem habere perspectam. Tum etiam magis id necessarium ducimus, quum Christianus populus in Gentilium, aliarumque sectarum vicinia constitutus est, & aut occasio fert, aut Caritas suadet, pugnandum sè penumero esse non minus contra superstitionem, quam pro Religione legitima. Quando enim, ut dixi-

mus, populo Christiano fas est conquietescere in sapientia, fide, pietate tot Majorum suorum, doctrinam a Deo revelatam, rationis que suffragio probatam tradentium, si forte populo eidem dubitationes injiciantur, sive occurant, aut si ab hostibus impugnetur Christianæ Legis veritas: quis hereditatem sanctam in tuto collocabit? Est id Pastorum procul dubio, quibus cura gregis demandata fuit. At qui periculum a grege avertent, ubi præ ignorantia ne se quidem expedire possint ab instantibus lupis? Quocirca quum non in alium finem magistri & duces dati sint populo Dei, nisi ut illum doctrina fana imbuant, & in veritate confirmant, & ab erroribus arcent: vires etiam sibi parent necesse est, quibus muneri institutoque suo respondeant. Manifestum autem est in hanc rem Apostoli præceptum. Oportet enim, inquit ad Tit. c. 1. ut Episcopus potens sit exhortari in doctrina fana, & eos qui contradicunt, argueret. In II. vero ad Tim. c. 4. Predica, inquit, verbum, insta opportune, importune, argue, obsecra, increpa in omni patientia & doctrina &c. In eamdem sententiam loquuntur sancti Patres, & Concilia. Quam certe legem si ad omnes cuiuscumque gradus Pastores in Christiana Republica extendemus, nimis severi non erimus. Singulorum enim est gregem pacere ac tueri. Quod quidem præstari etiam posse per subsidiarios & mercenarios non negaverim. Sed tum demum laudabiliter præstabitur, quum Pastores deligendis optimis mercenariis sint apti, ac intenti; & ipsi quoque ad curam gregis conferant diligentiam suam, doctrinam, sapientiam, atque pietatem, ne si solo Pastoris nomine & honore contenti sint, ex ignorantia & desidia mentem frustrentur summi omnium Pastoris Christi.

C A P U T V.

An ad ineundam Religionem veram Auctoritas præcedere Rationem debat. Manichæorum jactantia exploditur. Sancto Augustino sententia hac de re absurdæ a Pherepono affecta. Rationes extrinsecæ, seu Motiva Credibilitatis adhibenda ante Fidem, nec exigenda Rationes Dogmatum demonstrative. Usus Catholicæ Ecclesiæ heic laudatus, a qua nemo sine ratione credere jubetur. Scire, & credere quantum differant. Miracula, extrinsecæ Rationes. Alia Phereponi somnia putantis, Catholicos olim sine rationibus exegisse Fidem.

*E*x hacdenus dictis consequitur, Rationem atque Auctoritatem confundendas esse, easque confluere, ut quisque prudenter aut su-

sceptam servet, qut amplectatur Religionem veram. Quod quum plerique non animadverstant, aut negligant, & ab una hominum fallaci

Iaci auctoritate se duci sinant; hinc fit, ut tot Provinciae in antiquis erroribus persistent, & ad verum Dei cultum numquam convertantur. Omnium autem maxime Christiana Religio auctoritate & Ratione se niti proficit; ceteris vero aut unum ex istis fundamentis, aut ultraque deesse invictis argumentis contendit. Apostoli, eorumque successores, & Sancti Patres, & reliqui Christiani Reipublicae Doctores, Legem hanc non aliis artibus in toto fere terrarum orbe propagant, quam ostendendo divinitus revelatam, & rationi conformem, idque rationibus probando, quibus humana prudentia proflus acquiescat, nisi carnem audire malit, quam spiritum. Proinde prima fronte videatur non iusta censura a Johanne Pherepono argui. Sanctus Augustinus, quippe qui in Libro de Utilitate credendi persuadere ntitur, Christianam Religionem sine ratione prius veram esse credendam, ut illius veritas ratione postea percipiatur. *Vera religio*, inquit ibi Augustinus Cap. 9. nisi credantur ea, que quisque postea, si se bene gesserit, dignusque fuerit, assequatur atque percipiat, omnino sine quodam gravi auctoritatis imperio iniiri velle nullo pacto potest. Augustini sententiam Phereponus in animadversione ad eundem Librum pag. 596. his verbis insectatur: *Quo argumento probare poterat, prius esse quedam sine ratione (nam hoc debet intelligi) credenda, que postea perciperentur? Quis mendaciorum & fabularum Propola non potuit similia exigere: & postea dicere, si quis commenta ejus rejecisset, eum fuisse indignum, qui ea adsequeretur? An non Iudei & Ethnici Christiani, contra se ratiocinantibus, talia repudere poterant, esse credendum, non ratiocinandum?* Tum ostendere pergit, non injuria peccare posse homines ad Christi Fidei convertendos, ut hujus Fidei veritas rationibus ante vera probetur, quam vera credatur. Alter praeponere agi; nullamque superstitionem esse, ad quam pertrahi non possint homines, si obtineat opinio Augustini.

Verum enim vero Phereponus ineptam Augustino sententiam affixxit, eique contigit, quod reliquis, qui quum in hoste quarant quod criminantur, errores & culpas reprehendunt, quas tamen non hostis saepe admisit, sed Censoris livor incaute somniavit, atque creavit. Nos aequiore animo Augustini mentem investigantes palam faciemus, nihil aequius ab Augustino suaderi atque exigi potuisse, quam quod ipse a Manichaeis exigerat; & simul quodnam sit Rationis pondus, & qui Ratio procedere debet in Religionis negotio, ostendemus. Ut diximus, Religio vera ab Auctoritate, sive Revelatione diyi-

na, descendere debet. Quum Deus nolit singulos per se alloqui homines, eisque Religionem veram mirandum in modum communicare: necesse est, ut isti ad Rationis consilium, & ad Auctoritatem quoque humanam confugiant, per qua subtilia de divina Revelationis veritate certi efficiantur. Ipsa humana Auctoritas, quamquam multum polleat, ad Rationis tribunal & examen trahenda est, nosque e Rationis consensu, sive dissensu, illius vim, aut infirmitatem digneoscimus. Rursus Ratio dupli via nos ad cognoscendam veritatem divinæ Revelationis perducere potest; vel per demonstrationem, & argumenta intrinseca, vel per credibilitatem, & persuasionem prudentem, hoc est per extrinseca argumenta.

Manichæi magnificis verbis homines ad Religionem invitabant, polliciti se omnia illius Mysteria & Dogmata demonstratores esse evidenter cum veritate concordia, priusquam ab aliquo fidem exigerent. Scilicet, si pollicitationem sequebatur effectus, poterant homines primo per rationem, sive per intrinsecas rationes, intelligere, veram esse illam Religionem, quam subinde per Fidem credituri erant, ita ut Fidei fundamentum foret ipsa Ratio. Contra Catholicos contendebant, prius esse credendum per Fidem, ut postea per Rationem, & per intrinseca argumenta, intelligi ardua quædam Religionis mysteria & dogmata possent. Quam quidem rationem pertrahendæ gentis ad veram sapientiam ambitionissime deridebant Hæreticorum omnium stultissimi Manichæi, non aliter ad tantam rem procedendum rati, quam nihil credendo, nisi rationi prius intrinseca constaret veritas per explicationem omnimodam, atque evidentem demonstrationem omnium Dogmatum, atque Mysteriorum.

Totus est Augustinus, ut ostendat, quam iusta flagitarent Manichæi, quam iusta Catholici. Primo, quia ne ipsi quidem hæretici promissa præstabant. *Plus enim, ut ait cap. 1. Lib. de Utilit. cred. in refellendis aliis diferti & copiosi erant, quam in suis probandis firmi & certi.* Et cap. 6. affirmat, eorum Auditores falsa pollicitatione rationis inaudita millia fabularum credere & volere fuisse coactos. Ipsos item Magistros ineptissimos fuisse in reddenda ratione, suisque doctrinis confirmandis, tradit lib. contra Epist. Manichæi cap. 5. & cap. 14. Immo id ostendit in reliquis suis adversus eos Hæreticos lucubrationibus. Secundo, quia & ipsi Manichæi ante omnia horribant auditores suos, ut Christo crederent, atque in hoc sequerentur auctoritatem Ecclesiæ Catholicæ. Quo facto, pollicebantur se exposituros, verumque esse demon-

demonstratores, quidquid dixerat Christus, & in Scripturis habebatur Manichæo calculo probatis. Tertio, quum divina quædam Mysteria & Dogmata vim & captum intellectus humani excedant, & sint non quidem contra rationem, sed supra rationem: ideo Catholici ajebant, per Fidem sternendam esse viam Rationi, ut hæc in alta atque obscura, imperato per Fidei obedientiam cælesti auxilio, postea penetraret. Quarto, ostendebant Catholicici, etiamsi Mysteria divina, & Sacrae Scripturae, humanis viribus intelligi possent, paucorum tamen hominum esse rationes intrinsecas capere, quibus mens ad certam cognitionem rerum omnium divinarum perducatur. Num ergo ceteris hominibus, qui tam felici ingenio, tam vivido intellectu, prædicti non sunt, idcirco neganda aut differenda Religio, neque per Fidem ad verum credendum sunt ii pertrahendi? Si hoc statuamus, tunc rudes & crassa minerva afflati, arbitrantes non sine rationibus & demonstrationibus esse credendum, numquam ad veram Religionem pervenient, quia numquam obscura & ardua quædam Religionis arcana satis sint intellecturi. Tandem, ut alia præteream Augustini argumenta, Christus ipse non alia ratione homines ad se pertraxit, nihil prius, nihil fortius exigens, quam ut sibi crederent, quum tamen illi nondum essent idonei ad divina percipienda secreta. Neque secus ad nostra usque tempora actum fuit in Ecclesia Catholica; & porro secus agere periculosum est, aut certe exiguum afferet fructum. *Hec est,* inquit August. cap. 10. de Util. cred. providentia vera Religionis. *Hoc iussum divinitus.* *Hoc a beatis majoribus traditum.* *Hoc ad nos usque servatum.* *Hoc perturbare velle atque pervertere, nihil est aliud, quam ad veram Religionem sacrilegam viam querere.* *Quod qui faciunt, nec si eis concedatur quod volunt, posunt quo intendunt pervenire.* Cujusmodi enim liber excellant ingenio, nisi Deus adsit, humi repunt. Tunc autem nesci, si societas humana in Deum tendentibus cura sit. *Quo gradu nihil firmius in celum reperiri potest.*

Sed haec tenus deducta dubitatione lectoribus eximenda satis non sunt. Nondum argumenta Phereponi dejecta, nondum ejus error detectus. Quum audiunt lectors, veterem Christianorum Rempublicam, & Augustinum poscere, ut ad veram Religionem accedentes primum sine ratione credant, facturi sibi gradum etiam ad intelligenda Religionis Mysteria, non continuo opinentur, iis imperatam esse Fidem sine ulla omnino ratione. Exigebatur, ut veram crederent Christi Legem; sed simul credendi rationes exponebantur, quibus ducti homines prudentissime veram crede-

rent. Rationes autem istæ erant, quæ nunc in Scholis signa, seu Motiva Credibilitatis, appellantur, extrinsecas quidem rationes, sed proposito fortissime probando omnium consenu idoneæ. Nos aliqua ex his argumentis supra attigimus. Proponebantur Infidieli una cum divinis utriusque Testamenti Libris Mysteria & Dogmata Christi, atque etiam explicabantur. At parcebatur intrinsecis rationibus, quæ difficiles plerumque sunt, ac intelligi nequeunt, nisi post longum studium, & peculiari auxilio Dei; quod per Fidem divinitus infusam, & per Baptismatis gratiam sperare deinde fas est. *Ego, ait Augustinus cap. 14. credere ante rationem, quum percipienda rationi non sis idoneus, & ipsa Fides animum excolare excipiendis seminibus veritatis, non solum saluberrimum judico, sed tale omnino, sine quo aegris animis salus redire non possit.* Sacerdotibus Christi Fidem prædicantibus inter Infideles, non Theologiæ Baccalaureos, ut barbaro utar vocabulo, sed Christianos facere animus erat. Præviis igitur Argumentis efficacibus Credibilitatis movebantur Infideles ad credendum, veram esse Christi Religionem. Quo fundamento posito, cognitaque veritate Revelationis divinae, quidquid potesta ab ista cælesti Religione propositum erat atque explicatum, et si non intelligeretur, et si intrinsecæ causæ & rationes non afficerentur, aut satis non caperentur, verum credebatur, & credendum erat, quippe a Deo mentiendi impotente in ea vera Religione traditum. Ita extrinsecæ rationes animum instruebant ad Fidem; misericordia autem Dei animum ita instructum ad Baptismum, & ad cælesti Fidei salutaris donum perducere solebat. Animus tandem divina gratia imbutus, ad obscura & abdita Mysteria & Dogmata intelligenda, quantum creatæ menti licet, efficiebatur aptissimus.

Quod itaque in Catholicis criminebantur Manichæi, nihil aliud erat, quam istud præcipere Fidem sine prævia demonstratione, sine rationibus intrinsecis, evidentique dogmatum omnium atque mysteriorum probatione. Id importune a Manichæis exigi, quin etiam parum pie, atque imprudenter exigi, Augustino præeunte, didicimus. Satius enim erat, ac tutius & expeditius, ad Religionem adducere homines per Motiva Credibilitatis, hoc est, per extrinsecas rationes. Ad hæc animum Phereponus non advertens, ubi audiit, Manichæos rationem petere ante Fidem, Augustinum vero in contraria esse sententia, tum censuit sine ullis rationibus præviis impositum ab Ecclesia Catholica credendi jugum futuris fidelibus. At amabo, quid aliud Augustinus in Manichæis damnat, quam quod
ante

ante Eisdem rationem se de obscurissimis rebus pollicentur redditus, uti Cap. 9. ait? Secundo, quod credendum negant, nisi indubitate ratio reddita fuerit &c. Et nisi apertissimam rationem sultis de Deo proulerint, nihil credendum esse contendant? Nihil ergo aliud probare Augustinus contendit, quam prudenter credi posse ac debere, vel antequam ratione, & certa cognitione, divina quedam secreta & ardua quedam ac obscura Mysteria intelligentur. Nonne ad rite prudenterque veram Religionem ineundam, fatis est, si exernis argumentis, quæ multa atque efficacissima habet sola Christi Religio, ad credendum ducaris? Ubi enim tibi constituit, veram esse aliquam Religionem, tibi etiam constat, nonnisi vera in ea contineri, tametsi per demonstrationem veritas singulorum tibi nondum perspecta fuerit. Augustinus ipse, quibus rationibus permotus fuerit, & quibus reliqui permoverentur ad amplectendam Christi legem, prodit in ipso Libro de Utilitate credendi Cap. 14. dum significat, se Christi moram in terris credidisse populorum atque gentium confirmatae opinioni, ac fame admodum celebrimae. Fama, inquam, celebritate, confensione, vetustate roboretur. Deinde cap. 16. partim admirandis Christianæ Religionis prodigiis, quæ nemo nisi impudens neget, partim credentium multitudine, quæ Augustini tempore se latissime per ingentia terrarum spatia effundebat, moveri nos ad credendum ait: *Homini non valenti verum intueri, ut ad id fiat idoneus, purgarique se sint, Auctoritas praesto est, quam partim miraculis, partim multitudine valere, nemo ambigit.* Sequenti autem Capite pleraque Credibilitatis Motiva enumerat, quibus Infidelis adducti prudenter credere jubebantur, nostrisque etiam jubentur temporibus. Hoc factum est, inquit, divina providentia per Prophetarum Vaticinia; per humanitatem doctinamque Christi; per Apostolorum itinera; per Martyrum contumelias, cruces, sanguinem, mortes; per Sanctorum praedicabilem vitam; atque in his universis, digna rebus tantis, atque virtutibus, pro temporum opportunitate Miracula. En argumenta, en rationes, quæ ab Infidelibus Fidem impetrabant, priusquam certa & interna demonstratione, sive cognitione, intelligerentur omnia divina Legis documenta atque Mysteria. Hinc Augustinus dicere pergit: *Quum igitur tantum auxilium Dei, tantum profectum, fructumque videamus, dubitabimus nos ejus Ecclesia condere gremio, quæ usque ad confessionem genesis humani ab Apostolica Sede per successiones Episcoporum, frustra Hereticis circumvallantibus, & partim plebis ipsius judicio, partim Con-*

ciliorum gravitate, partim etiam Miraculorum maiestate damnatis, culmen auctoritatis obtinui?

Alia hujusmodi argumenta extrinseca, quæ Augustinum in Ecclesiæ Catholicæ gremio tenerent, luculentius ab ipso recententur in lib. contra Epist. Manichæi Cap. 4.

Nunc ergo accedat Phereponus, & dicat pag. 596. Animadv. *Quis mendaciorum & fabularum Propola non potuit similia exigere?* An non Judæi & Ethnici Christiani contra se ratiocinantibus, talia reponere poterant: esse credendum, non ratiocinandum? At quis mendaciorum Propola, quis Ethnicus, aut Judæus, tot ac tanta Motiva Credibilitatis asserre poterat, aut possit, quibus probet suam Religionem divinitus institutam, aut a Deo semper in pristinis legibus & ritibus conservatam, quot & quanta producere potuit, & potest Christi Religio? Non ergo sibi timere debebat Augustinus, immo Catholica Ecclesia, si credendum prius esse monebat quam intime evidenter omnia intellegentur; nam reliquæ Religiones tanta vi, tanto numero & concentu argumentorum carent, quibus fidem exigant ante rationem. Propterea extra oleas Phereponus fertur, quum in reliquis animadversionibus suis Augustino minatur, & flagra intentat, quasi hic nulla ratione prolatæ, Christo, ejusque Religioni, & sacerdotibus, credendum esse moneat. Qui credit (sunt Phereponi verba pag. 597.) veram aliquam esse Religionem, seu Deum coli velle ab hominibus, sine ulla omnino ratione, aut insanis, aut ita hebes est, ut ab insanis non multum distet. Qui fidem habuit tibi sine ratione, idem etiam sine ratione, cum videbitur, tibi fidem detrabet, adsentieturque aque facile Arianis, si rerum potiantur, aut etiam, quod deterius est, Muhammedanis, quod revera fecerunt Afri post Augustini tempora. Non vacat inquirere, cur in Muhammedanam superstitionem concederit una cum Asia & Græcia, ipsa quoque Africa. Hoc unum dicam, temere pronunciari, Afros sine ratione olim credidisse Christo, & ejus Religionem sine ratione didicisse, & per aliquot etiam saecula sine ratione servasse. Neque in animo est perpendere, quot exceptionibus subsit, & quot explicationibus indigeat regula illa: *Qui tibi fidem sine ratione habet, facile etiam sine ratione tibi fidem detrabet.* Si quidem & Judæorum, & Moslemorum filii sine ratione plerumque credunt parentibus, & majoribus suis, Religionem propriam tradentibus; neque tamen facile de sua se fide atque opinione dejici patiuntur. Quod si id illis contingit, quanto magis id

Christianis continget, & porro contingere debet? Qui enim vel sine ratione Christo credit, & per Baptismatis lavacrum Religioni verae conjungitur, dum id ex animo faciat, & non sicut credat, ea cælesti virtute profecto donatur, quæ illum vel sine ratione in Fide constantissimum continere possit.

Hæc, inquam, missa faciamus, & certa sit undeaque Phereponi sententia, immo non aliud sit quam quod habetur Cap. 19. Ecclesiastici: *Qui cito credit, levis corde est.* At quid rei hæc habent cum Ecclesiæ Catholicae disciplina, quæ a Christo ad nostram usque ætatem sanctissimam Religionem propagavit, tòr rationibus, cauissime propositis, cur Sacerdotibus suis, & Christo credendum foret? Bardos plane stupidosque necesse est, faciat existimetque Phereponus tot populos ingenii fama alioqui celebres, qui sese ad Christum hucusque adjunxerunt, si aliter eos censet Christianæ Religioni consensisse, neque iis, antequam crederent, fortissime persuasum putat, jure suisse credendum. At, inquit Phereponus, non rationi, sed Sacerdotibus fidem exigentibus credendum esse Augustinus monet. Id juris si sibi arrogent Sacerdotes Ethnici, & eadem, quæ Augustinus habet de Utilitate credendi, Christiano occinant, quid responsi dabimus? Intoleranda ab iis peti, Christianus exclamabit. Ne ergo, subdit Censor, bona ratiocinatio habeatur in Africa Christiana, que Paralogismus fuisset ad ortum Euphratis. Si sine ullis omnino rationibus Christiani Antisætes sibi adhibendam fidem dixissent: ferri utcumque posset ista Phereponi percontatio. Verum, ut vidimus, aliter sese res habuit. Præter animum non sicut adferebant Christiani Sacerdotes rationum pondus, quibus evidenter credibilem esse Religionem suam probarent, vel non intellectis evidenter singulis ejus dogmatibus atque mysterijs. Manichæi vero ita obfirmatis animis pugnabant, ut neque Sacerdotibus Catholicis, quamlibet sincere agentibus, neque extrinsecis argumentis, quamlibet fortissimis, eorum ex parte productis, adjungere fidem vellent, & adjungendam præfakte negarent, nisi certa cognitione atque intrinsecis rationibus prius intelligent & vera esse evidenter cognoscerent omnia divinæ legis mysteria atque documenta. Itaque sponte evanescit inter Christianos atque Ethnicos Sacerdotes instituta comparatio.

Quum vero Augustinus Cap. 12. lib. de Util. cred. quæsisset, *Quomodo, si quod neficitur, credendum non est, serviant parentibus liberi, easque mutua pietate diligant, quos*

parentes suos esse non credant?

Phereponus insurgit, & hæc plane dissimilia esse pronunciat. Nam parentes, ita scribit, & alii sciare possunt, & revera sciunt, quinam sint sui, & certorum bonorum liberi; nec ulla utilitate ducuntur, saltem plerunque, ad supponendos sibi alienos liberos. Sed Sacerdotes, qui volunt sibi credi de Religione, ejus veritatis non sunt magis concisi, quam alii homines, se rationibus sunt destituti; & plerunque non sine magna utilitate sua suum gregem augebant. At hoc ipsum exemplum dilucide ostendit, quod hactenus de quæstione ista non perspexit Phereponus, qui tametsi Criticæ Artis magister moneri se patiatur, ut quando ad aliorum censuram fertur, diligentius eorum opera legat, mentemque scrutetur. Tria esse dixerat Augustinus Cap. II. *Intelligere, credere, opinari.* Intelligere idem esse ac sciare, seu aliquid mentis certa ratione tenere statuit. Tum hæc addit: *Quod intelligimus, debemus rationi; quod credimus, auctorati; quod opinamur, errori.* Ut autem ostendat, falli Manichæos, qui dicunt, *nihil esse credendum, nisi quod scimus,* liberorum exemplum adducit, qui procul dubio mentis certa ratione & per demonstrationem sciare ac intelligere nequeunt, suos esse parentes, quos ut tales diligunt & colunt, & tamen pie prudenterque tales esse credunt, quia auctoritate, hoc est, argumentis & rationibus extrinsecis ad ita credendum atque agendum moventur. *Credimus,* inquit, & sine ulla dubitatione *credimus, quod sciare non posse contineatur.*

Quid nunc rei tam certæ objicit Phereponus? Parentes, ait, & alii sciare possunt, & revera sciunt, quinam sint sui liberi. At ut præterea, ne ipsos quidem parentes id sciare interdum posse per scientiam certamque mentis cognitionem, quo sensu Augustinus heic sciare accipit: numquid liberi per rationes intrinsecas, & per scientiam noscunt parentes suos? Non hec. Non enim ratione (ut ipsis Augustini verbis utar) ullo pacto sciari potest, sed interposta matris auctoritate de patre creditur; de ipsa vero matre plerunque nec matri, sed obstetricibus, nutritibus, famulis. Nam cui furavi filius potest, aliusque supponi, nonne potest decepta decipere? Sed, inquit Phereponus, hoc exemplo probare vult Augustinus, credendum quoque esse Christiano Sacerdoti line ratione, quum tamen hæc sint plane dissimilia. At quandam somniavit quisquam, liberos sine ulla omnino ratione credere, hunc aut illum esse parentem suum? Illud ergo exemplum in eum tantummodo fidem Augustinus adferit, ut ostendatur, nihil omnino humane societatis incolume

lume remanere, si nihil credere statuerimus, quod non possumus tenere perceptum. hoc est cuius certa non habeatur scientia. Nimirum inter Augustinum & Manichaeos verterebatur ista quæstio, utrum scilicet credi quædam prudenter possent atque deberent per sola Credibilitatis Argumenta, an vero necesse foret earum rerum Scientiam prius habere, ut prudenter deinde crederentur. Nemo neget, quin liberi verisimilissim rationibus dusti prudenter credant, & credere debeant parentes suos. Nemo etiam negare audeat, quin Infideles auditis dumtaxat Motivis, ut ajunt, Credibilitatis, credere prudenter possint ac debeant Sacerdoti Christiano, quamvis internam quorumdam divinorum dogmatum rationes nequaquam proponenti. Dissimilia autem sunt hujusmodi exempla, sed contraria atque alia ratione, quam Phereponus censet. Liberi enim facile in credendis parentibus suis, ut liquet, falli possunt; Infidelis vero in credendo Sacerdoti tot credibilioris argumenta adferenti, si rationem consulat, sentit se falli non posse, etiamsi Sacerdos ille ad utilitatem quoque propriam eo in negotio respiceret: quod tamen quam modeste, quam vere, a Pherepono Christianis Sacerdotibus affingatur, ipse viderit. Tanta quippe est eorum argumentorum vis, quibus credenda ostenditur Christiana Religio, ut eam non solum prudenter, & sine difficultate credere quisque possit, sed etiam difficillimum sit homini iis auditis temperare a credendo. At Phereponus sibi temere persuadet, sine ulla omnino rationibus olim Sacerdotes fidem præcepisse, dum nequaquam intelligit, quid scire hoc loco sit Augustino. Poterat tamen ipse ex iis, quæ retulimus, abunde perspicere, & partim etiam perspexit in eodem Cap. 14. Sed qui extra orbitam cucurrerat, se in viam revocare non valuit.

Disciplinam Ecclesiasticam de exigenda fine ante rationes intrinsecas exemplo Christi confirmabat Augustinus, inquiens cum nihil prius, neque fortius, quam credi sibi voluisse. *Fide*, ait, *ille fultos ducebat; vos ratione ducitis*. Laudabat credentes ille; vos objurgatis &c. Heic Phereponus suas obtrudit notas, ostensurus egregia morum Præcepta & Miracula duas graves sive rationes, quibus divinus ille Magister sibi conciliabat fidem, quamvis Judæi non intellegent, quaecumque dicebat. At rogo quid novi adfert eruditus Censor? Nonne & Augustinus ibidem hac habet: *Quid enim aliud agunt tanta & tam multa Miracula, ipso etiam dicente, illa fieri non ob aliud, nisi*

ut sibi crederent? Quare ergo non intellexit aliquando Phereponus, satis esse posse ad prudenter credendum Religioni Christianæ Argumenta Credibilitatis, eaque argumenta antiquis Christianis in credendo, & in predicando Infidelibus Evangelio familiaria fuisse? Ipse Christus causas & rationes intrinsecas altissimorum quorumdam dogmatum non attulit; & tamen ut sibi crederetur, instabat. Sola Miracula, quæ nemo alias fecerat, pro ratione erant, corumque gratia prudenter assentiri Christo poterant, immo debebant Judæi. Miracula autem non intrinsecas esse, sed extrinsecas rationes, ad probandam doctrinæ veritatem, manifeste constat. Præterea Phereponus hinc discere debuit, excipiendum cum risu sive exemplum Christi a Catholicis adhibitum, si isti non solum sine intrinsecis, sed etiam sine extrinsecis rationibus postulassent, ut sibi crederetur, quando ipse Dei Filius non aliter fidem præcepit, quam præmissis ingentibus prodigiis, hoc est gravissimis rationibus extrinsecis, quibus ruto deducerentur Judæi ad credenda illa etiam, quæ satis non intellegent. Videat igitur Censor, quam recte in hæc verba concludat: *Itaque non potuit Augustinus exemplo Christi uti, ut probaret Ecclesiam Catholicam jure sibi sine ratione credi postulare.*

Itidem ex aliis quoque Augustini Libris, quæ Catholicorum atque ipsius Augustini mens & consuetudo foret, colligere Phereponus poterat, nisi figmentum suum nimis amasset, ex quo exercandi ingenii censorii tam bella occasio suborbeatur. Inquit autem Augustinus in Lib. de vera Religione cap. 34. *Ipsa quoque animæ medicina, quæ divina providentia & ineffabili beneficentia geritur, gradatim distinetque pulcherrima est. Distribuitur enim in Auctoritatem atque Rationem. Auctoritas (videlicet Argumenta credibilitatis) fidem flagitat, & rationi preparat hominem. Ratio ad intellectum cognitionemque perducit. Quanquam neque Auctoritatem Ratio penitus deserit, quum consideratur, cui sit credendum; & cere summa est ipsius jam cognite atque perspicue Veritatis auctoritas.* In Epist. 120. cap. 1. alias 22. apertius exprimit, quæ sententia foret Ecclesie Catholicæ. Abst (sunt ejus verba) ut ideo credamus, ne rationem accipiamus, sive quæramus; quum etiam credere non possemus, nisi rationales animas haberemus. Ut ergo in quibusdam rebus ad doctrinam salutarem pertinentibus, quas ratione nondum percipere valimus, sed aliquando valebimus, fides prædat rationem, qua cor mundetur, ut magna

C 2 ratio.

rationis capiat & porferat lucem: hoc utique rationis est. Quæ verba Phereponus veritatem prorsus consentientem habere & ipse adnotavit, atque affirmavit; quamvis postea fateatur, se non intelligere, quomodo hæc in concordiam redigi possint cum iis, quæ alibi de Auctoritate ab Augustino traduntur. At nihil homini facilius erat, quando ad ejus Libros accessisset amantis potius quam inimici animo, & non infestandi, sed illistrandi tanti viri causa in eum commentarios sibi conscribendos suscepisset.

Ceterum lepidus mihi videtur Phereponus, quem veras divinare vult causas, cut Augustini tempore Fides, ut ille somniat, sine ratione exigeretur. Prima est, quod Christiani non satis erant in Philosophia Criticaque exercitati, ut Scripturam contra objectiones Manicheorum, aliorumque defendere commode possent. Altera, quod revera sibi consciæ essent, non pauca a se dici plane contraria rectæ rationi, quælibet erant tam multa, quæ de Gratia & Predestinatione, aliisque dogmatibus iis adnexis, quasi capita Fidei credenda ab Augustino proponebantur. Denique is sermo fuit partium jam vires suas sententiam, & multitudo sua fretarum; quam saepe iactat heic Augustinus, contemta paucitate altera sententiam. en quod criminum postuler Ecclesiam Catholicam suis hisce divinationibus Phereponus noster. Sed ad primam causam quod attinet ab eo excogitata, negamus, ita Critics & Philosophiæ scientia destitutos suis veteres Christianos, & potissimum Augustini tempore, ut commode interpretari tuerique non possent Scripturas sacras. Prostant eorum Libri, quibus vindicarunt ab Ethnico- rum, Manicheorum, aliorumque hostium censuris veritatem, & sanctitatem divinorum codicium. Mulci Manichæis, plures ex aliis Sectis, innumeri e Paganorum superstitione ad veram Christi Religionem perducti (nisi omnes illos inter pecora stipitesque referre volumus) argumento sunt, non infelicitate neque segniter veritatis esse veteres Ecclesia Catholicæ Praefules & Pastores in sacris voluminibus protegendi & recte explicandis. Secundo dicimus, peculiarem illam Criticam & Philosophiam, quam expetit Phereponus, ne necessariam quidem olim fuisse, neque adhuc esse, ut quis jure ad Christianam & Catholicam Religionem advocetur, atque impellatur. Satis superque sunt Argumenta, quibus prudenter creditibilis, immo evidenter creditibilis, ostenditur Christi Religio. Non aliis usus est ipsemet Christus; non aliis fere semper in prædicatione Evangelii usi sunt ejus Apostoli, atque Apostolorum Successores, ce-

terique Ecclesiæ Catholicæ Doctores. Non aliis utendum contendit Qrigenes lib. 1. contra Celsum, hominem nempe, qui Pherepono in hujusmodi accusatione præverat. Curæ tot agricolarum, quamquam Philosophiæ & Criticæ, si Phereponum auscultamus, imperitorum, quanta messis responderit, ac respondeat, nulla non loquitur Historia. An multos ad Christum adducere possit, atque adducat præscripta a Pherepono via, tantumque ab eo commendata Ars Critica, videant alii. Illud quidem affirmati posse reor, si homines induxisserent, aut indicant in animum, tum solum credendum esse Christo, quum sublatæ evidenter fuerint omnes in divinis Scripturis dogmatibusque occurrentes difficultates, eos aut serius quam par est, aut numquam futuros fuisse, & fore Christianos. Rationi feroci, atque admodum curiosæ, sive etiam infirmæ, numquam satis est; neque est ulla gens tam discordiarum ferax, quam quæ enixam dat operam Criticæ, & de omnibus dubitat, nihilque credendum ducit, nisi quod est evidenter probatum. Unusquisque in suo sensu abundat, unusquisque supra alium se sapere arbitratur, & uni sibi credere novit. Quamobrem tutor, & laudabilius semper fuerit ratio prædicandi & persuadendi Evangelii, quam Christus, quam nostri Majores hucusque servarunt, & quam fortasse non impugnasset ipse Phereponus, si Augustini consilium sententiamque hac de re (quod facile fuit) melius percepisset. Sed alibi de Critics usu abusu & necessitate & de scientia Patrum quædem commentabimur.

Quod est ad alteram causum, nempe ideo a rationibus reddendis se abstinuisse veteres Christianos, & Catholicos, quod revera sibi consciæ essent, non pauca a se dici contraria rectæ rationi: a veritate omnino abhorret. Nonnulla quidem diximus in Catholicæ Religione tradi, quæ supra humanam rationem sunt, qualia sunt a Christo revelata de Dei natura. At aliqua ibidem tradi, quæ sint, si Superis placet, plane contra rectam rationem, & id non ignorari a nobis, nullus umquam Catholicus, nisi errans, sibi persuasit: nullus nisi stultus, somniavit. Et quies, rogo, Auctori- bus tam deformem sententiam Ecclesiæ Catholicæ imponit Phereponus? Hæreticos forsitan cum antiquos tum recentes, quibuscum & ipse sentit & facit, sui dicti daturus est testes. Verum quonam ex Canone Critico didicit ille, credendum esse hostibus nostris affirmantibus, quod nos constantissime negamus? Quandoquidem ramen

men Augustinus ipse accersitur in hanc eamdem causam, ostendat quæso Phereponus, eum sibi conscient fuisse, adversari rectæ rationi, quæ de Gratia & Prædestinatione a se proponebantur. Mihi nullum dubium est, quin Augustinus hac de re interrogatus non solum se tam absurdæ opinionis conscient negasset, sed etiam invictis rationibus ostendisset, sententiam suam cum recta ratione penitus consentire, aut saltem ab illa non abhorre. Pro ipso luculent responderem adhuc possunt editi ejus Libri, in quibus unice probat, nullam aliam, quam suam, & Ecclesie Catholice, de Gratia & Prædestinatione lententiam habere consentum Scripturæ atque Rationis. Si ille (fingamus rem a vero longe alienam) in ea fuit opinione, quam Calvinii Sectatores eidem tribuunt, non inficiamur, quin contra ipsum recta ratio pugnaret. Sed, hoc etiam posito, certissimum est, non advertisse Augustinum, quantopere hujusmodi sententia adversaretur rectæ rationi. Nam & ipsi Calviniani, qui revera in hisce quæstionibus contraria rationi docent, induci non possunt ut credant, se rationi contraria tradere, atque in tam misero errore versari. Deinde prodit ipse Liber de Utilitate credendi, qualia Augustinus sentiret. Credere, inquit is Cap. 11. tunc est culpandum, quum vel de Deo indignum aliquid creditur, vel de homine facile creditur. Utique fatemur, nihil indignius excoigitari deo posse, quam quod Augustino Calvinus adscribit; nempe a Deo creari homines, qui antecedenti necessitate non secus ac fato compellantur ad bonum & malum, & subinde ab ipso Deo propter delicta puniantur, que illi non coacti quidem patrarunt, sed electione & resistendi facultate sine sua culpa substituti evitare nullo pacto potuerunt. Talia Deum prorsus dederent, nimiumque rationi adversantur. Si verum foret, eam fuisse Augustini sententiam in Gratia & Prædestinationis negotio, quam tradidisse ab hereticis recentioribus dicitur, & conscient ille sibi fuisse, in quo a ratione absonta atque indigna Deo, se sua opinio conjiceret: adeo ne mentis inops fuisse, ut tunc esse culpandum hominem dicteret, quum de Deo indignum aliquid creditur? Sed Augustinus a Calvino perverse explicatus, neque indigna Deo tradidit, multoque minus sibi conscient fuit, se aliquid credere contrarium rectæ rationi.

Denique idem ille est Augustinus, qui Epist. 143. olim 7. hæc scribit non ignorata Pherepono, immo auctor jure ac merito ab ipso appellata. Si Ratio contra divi-

narum Scripturarum auctoritatem redditur, quamlibet acuta sit, fallit verisimilitudine, nam vera esse non potest. Rursus si manifestissime certaque Rationi velut Scripturarum sanctorum objicetur auctoritas, non intelligit, qui hoc facit; & non Scripturarum illarum sensum, ad quem penetrare non potuit, sed suum potius objicit veritati; nec quod in eis, sed quod in seipso velut pro eis invenit, opponit. Idem etiam Lib. 4. de Trin. Cap. 6. præclarissime inquit: Contra rationem nemo sobrium, contra Scripturas nemo Christianus, contra Ecclesiam nemo pacificus senserit. Similia haber aliis in locis. Nunc ergo a Pherepono petimus, qua fronte affirmare possit, revera sibi conscient fuisse Augustinum a se tradi contraria rectæ Rationi in quæstionibus de Prædestinatione & Gratia, nisi censeat Augustinum, virum ingenio & memoria ad invidiam præstantissimum, supine admodum delirasse, aut virum summe pium impostorem fuisse mendacissimum, qui aut ignoraret, que in animo certa & statuta habebat, aut quædam intimo corde crederet, contraria vero alias decepturus deprædicaret? Hæc, inquam, nisi devorare velit Phereponus, fateri tandem cogatur, Augustinum, qui contra rectam rationem sentendum esse negat, sibi conscient non fuisse, a se proponi quædam, quæ ipsam rectam rationem inimicam haberent; sive, si ita Pherepono placet, errasse quidem Augustinum contra ipsam rationem, sed ipsum se errare non cognovisse.

Facile vero nobis foret ostendere, ne errasse quidem Augustinum, neque a ratione absonta prodidisse in controversiis de Prædestinatione & Gratia. Sed occupata jam fuit ista provincia a doctissimis inter Catholicos viris, quorum etiam cura atque eruditione palam factum est, quantum Augustini dogmata a Calvinianis distent. Illud in præsentia adnotasse sufficiat, ab Augustino adhuc Presbytero conscriptum fuisse Librum de Utilitate credendi. Eo autem tempore, quum inter ipsum & Pelagianos, quippe nondum ab ovo eductos, nulla quæstiones da Gratia intercessissent: inepte dicitur Augustinus aliena a recta ratione in Gratia & Prædestinationis argumento proposuisse. Immo tantum abest, ut id contigerit, ut nihil prius neque antiquius tum Augustino esset, quam Liberum hominis Arbitrium a Manichæis defendere, quod postea in reliquis contra Pelagium scriptis ab ipso latum nonnulli perperam opinantur. Testis etiam est ipsem Augustinus, se tum temporis incaute adhæsse opinioni de initiis Fidei merito.

22 DE INGENIORUM MODERATIONE

rito hominis, nos Gratiae Dei, tribuendis, quam postea adoptarunt Semipelagiani. Quamobrem quum liquido constet, eo saltem tempore, quo Librum illum scribebat Augustinus, ab ipso proposita non fuisse aliena a recta ratione in argomento divinae Gratiae: constabit etiam, nihil magis abs re produci a Pherepono potuisse, quam quod Catholici ideo Fidem ante rationem exigent, quia consci sibi erant, tradi a se quædam plane contraria rectæ rationi. Idem quod de dogmatibus ad Gratiam spectantibus dictum est, dici & de aliis potest, quæ in Catholicâ Religione rationi rectæ repugnare Phereponus credit, & quæ libenter, ut opinor, heic quoque memorasit, nisi fortasse contemporaneis suis non omnes illius sententias, non ejus ubique licentiam, æquo animo fermentibus, parcere consultius duxisset.

Tertia causa, quare postulabant Catholici, ut rationi anteverteret fides, Pherepono divinante, ea fuit, quod ii suas jam vires sentirent, suaque multitudine freti, aliter sentientium paucitatem contempnerent. Eiusmodi partes, inquit is, ac ingenia pati non possunt sibi obloqui pauciores, sed volunt fidem loquentibus continuo haberi. Nescio, an heic Dordracenam Synodus tacite carpat ingeniosus Censor. Hoc quidem novi, ipsum, quamquam minime falsa de Catholicis heic narrat, multitudinem suam Manichæorum gregi objicientibus, non minus tamen quam antea in nos contumeliose agere. Amplissima quippe Catholicorum Respublica sibi fidem ab Ethnicis habendam esse contendebat, non quod tantummodo loqueretur, sed quod, ut vidimus, evidenter credibilia vel sine rationibus intrinsecis, loqueretur. Numquam hoc respicere Phereponus didicit. Ubi autem in Hæreticos disputatur, multitudino quoque ipsa validum præbuit semper argumentum dignoscendæ Religionis veræ. Quum enim queritur, quæ inter tot Sectas, quarum unaquæque sibi veram Christi Religionem tribuit, Orthodoxa sit, & germana Religio: præter alia Credibilitatis argumenta, quæ unis Catholicis favent, illud quoque favet, quod isti re & nomine Catholicæ sint, semperque fuerint ab Apostolorum ætate. Hoc est, quod per universum terrarum orbem diffusa sit, & adhuc ex divino munere latissime pateat una Catholicorum Religio: quod hucusque Hæresi nulli contigit, neque continget ante ultimi iudicii dies, & quando etiam contingere posset (quod non concedo) nihil Religionis, quæ hucusque Catholicæ fuit, veritati officeret, ut nemo non intelligit. Hæc etiam testifica ad reliquas accedit, quibus in unum col-

lectis vera Christi Ecclesia a falsis atque Hæreticis distinguitur; camque sapientissime in facris Symbolis, in œcumenicis Conciliis, in Patrum scriptis constitutam habemus, & ab Hæreticorum oppugnatoribus efficacissime semper adhibitam scimus. Sed commodius hac de re in sequentibus Capitibus habebitur sermo.

Præfenti finem faciemus, simul ac monuerimus Lectorem, non heic tantum, sed & aliis in locis Phereponum Augustino loquenti de Utilitate credendi bellum indixisse. Attamen quum tam imparatus ad accusandum venerit, ut quod maxime opus erat, ne statum quidem questionis intellexerit; nullo negotio patebit, quam imbellia sint in ista contentione illius tela, & quam incaute pugnet, si memoria repetantur, quæ haec tenus conscripsimus. Quapropter nulla mihi amplius cura refellendi ejus animadversiones in cap. 7. Libri de quantitate animæ, & in cap. 2. Lib. 1. de moribus Ecclesie Catholicæ, & in cap. 2. Lib. 1. de libero Arbitrio. Unum tamen omitendum non est, quod ille habet in hunc postrem locum. Culpat nimis, aut potius deridet Augustinum, quod ex Isaïæ cap. 7. hæc verba citarit. *Nisi credideritis, non intelligeris*, iisque probare contendat, prius esse credendum, quam intelligendum. At ista Prophetæ verba nihil ad rem facere novus Censor exclamat, quippe ab Hieronymo aliisque recte translatâ, diversum redditum sensum, nempe *Nisi credideritis, non permanebitis*, ita ut Propheticæ sermonis series ab Augustini mente longissime abscedat. Pro fententia Prophetæ, inquit Phereponus, laudat bonus vir figmentum Græcorum Interpretum &c. Credidit enim hunc esse sensum Scripturæ, antequam seruit, an LXX. Interpretibus per omnia fidere liceret, aut hunc locum bene esse ab iis versum constaret. Lectorem nolo diu detinere disputando, an sustineri aliqua ratione possit LXX. Interpretum versio, cuius sensum in his verbis usurparunt alii doctissimi Patres, & Hieronymus ipse non improbar. Quæcumque sit germana eorum verborum sententia, certum est, Augustinum rem veram, ut vidimus, per ea probare voluisse. Verum autem dogma, etiæ utilia ad illud confirmandum congerantur, verum certumque esse non desinit. Immo regula est, quando ex diversis interpretationibus diversi sacrae Scripturæ sensus emanant, iis licere nobis uti, non ad fondandum quidem, sed ad illustrandum aliquod dogma; nihil enim periculi subest, ut ille sensus, quamquam alioqui non proficere, dogmati nocet, quod veritati congruere ex aliis Scripturarum locis evidentioribus ostendit potest.

Au-

Augustinum autem non exspectasse, ut a Phenomeno de diversa illius versione certior fieret, constat e Lib. 2. Cap. 12. de Doctrina Christiana, quem ab ipso conscriptum novimus duos annos post Libros de Libero Arbitrio.

C A P U T V I.

Infirmitas humanae mentis, atque rationis, & errandi in homine facilis. Ejus caussae, fuga disciplinæ, socordia in inquisitione veri; corpus male compactum, & pessime affectum; penuria atque abusus subsidorum ad inveniendam Veritatem; memorie exilitas; phantasie impotentia, & præcipue dum affectus in animo regnant; Voluntatis perversa indeoles; mentis ipsius angustia, ignorantia, oblivio, & prava electio principiorum, quibus ad recte judicandum uti necesse est.

Hactenus dictum est, quo usque in inquisitione Veri, quantum ad Religionem ineundam spectat, humano Ingenio sit procedendum; hominique prudenter agenti sufficere, immo necessarium esse diximus, ut Argumentis Credibilitatis contentus fidem suam Religioni verae prius accommodet, quam omnia illius dogmata atque mysteria per evidenter rationis intuitum perspicere atque intelligere velit. Sed non defunt, qui Manichæorum pervicaciam imitantur adhuc, suaque mentis ambitione fascinati rerum omnium veritatem assequi se posse suis viribus temere confidant, & Rationis humanae vires ultra æquum exaggerent. Ut perniciosa hac opinio funditus concutiat, invadendum nunc est in arcem errorum omnium, hoc est aperte rienda sunt homini, quam brevissime poterimus, tum infirmitas, tum stultitia creatarum mentium. Hinc leges, hinc præcepta moderandi Ingenii petamus oportet. Nos noscere ante omnia nosmetipos, ab ipsis quoque Seculi Sapientibus jubemur. Neque sane ullus ad veri Dei cognitionem atque amorem sperandus est progressus, nisi prius præcesserit imbecillitas nostra cognitio, & nisi humilitas ab ipso Deo in nos descendens nos ad ipsum convertat, animumque superbientem castigans, efficiat idoneum ad majora e cælo dona aut excipienda aut impetranda.

Quum dicimus, infirmam esse atque imbecillum hominis mentem atque rationem, significare volumus, hominem licet ratione præditum, suis tamen viribus difficile ad Verum inveniendum, recteque judicandum pervenire, facile vero in errorem rapi, atque in errore jacere. Duplice e causa manare videtur hujusmodi infirmitas atque impotentia. Prima est, quod homo Veritatem querere non vult, & adhibere subsidia ad

Veritatem inveniendam idonea. Altera, quod etiam Verum querat, invenire sâpe non potest ex ipsis difficultate Veritatis, aut ex inepto rationis usu. Has causas sigillatim explicabimus, ut sua humanae rationi vulnera evidentius constent, & ingenia nostra tandem pudeat suæ ambitionis atque prætervia.

Sentiant omnes, nemo negat, rationale animal ab utero matris crassissimam secum afferre ignorantiam omnium rerum. Mox ista ignorantia paulatim depelli solet, ubi sensibus, & meditatione pollere, iisque uti homo coepit. Ideæ rerum an nobis ingenitæ sint, vel adveniantur peregrinæ in mentem nostram, Philosophi disputant; nos in medio relinquimus. Illud constat, necessarium esse meditationis & sensuum usum, quo aut in animo domesticæ excitentur, aut in animum novæ importentur rerum ideæ. Hinc Seneca in Ep. 95. *Omnium, inquit, honestarum verum semina animi nostri gerant, que admonitione excitantur, non aliter quam scintilla flatu levi adjuta ignem suum explicat.* Meditari autem dicimus, quum anima vegeto corpore, & ut ita dicam, ipsa vigilans aciem suam in res, & earum essentiam, caussas, effectus, & qualitates acute intendit. Usus sensuum, experientia, parentum & æqualium consuetudo, atque alia humanae vita instrumenta, rudem intellectum, velit nolit sensim informant, & aliquam Veri notitiam in ejus penetralia inferunt. Sed quota pars hæc Veri immensi dici potest? Quot etiam erroribus & falsis opinionibus permixta non est, atque infecta? Sola plerumque rerum vulgarium, & sensibus obviarum notitia hinc fluit; immo sola ipsarum superficies cognoscitur. Quare nisi ulterior homo procedat, & querere velit

lit immanem reliquarum Veritatum copiam, atque intime perpendere, quæ jam didicit: interdum bipes a quadrupede, nisi ex habitu corporis externo, dissimilis non videatur. Quidam igitur socordia atque odio laboris, & affectibus pravis impediti; quidam nimio ardore incitati erga humanae vitæ negotia, & vilia quæque commoda, quibus unica inhiant; alii, quod invenire scientiam desperent; alii, quod se opinentur scire quod nesciunt (& si quæ sunt aliæ causæ), Verum quærere nolunt, negliguntque subsidia homini ad inventendum. Verum necessaria atque opportuna. Quot autem erroribus id hominum genus serviat, & pateat, nemo nescit. Infantes plane apparent, quum de rebus agitur, quæ vulgarem humani commercii usum aliquantulum excedunt, eorumque mens in angusto sensibilium quarundam rerum gyro constricta, latius explicare voluntum non solet, erratura, si faciat. Vigente igitur in istis primæva adhuc ignorantia, quam expellere fortasse potuerunt, at certe noluerunt: nil mirum, si imbecillima est eorum ratio; si stultis falsisque opinionibus se abripi quotidie sinunt, si vetera deliria numquam abjiciunt, & se impares sentiunt ad abdita rerum noscenda, ad arduas & invias quæstiones dirimendas, ad rite meditandum, Falsumque in casibus innumeris a Vero distinguendum.

Longe gravior altera infelicitas est, quod nempe homines, etiamsi Verum, & Scientiam, & semitas ad utrumque perducentes quærant, reperire tamen sæpe nequeunt. Hujusmodi impotentia triplex in medium adferri caussa paret, Corpus videlicet, instrumenta sciendi, & anima ipsius facultates internæ. Et quod est ad Corpus, præter organa male Animorum indoli respondentia, quæ nullo neque studio, neque voto emendare valemus in nobis, innumeri morbi bellum corpori quotidie indicunt, atque ideo constantur cum Animo ipso. Sui carceris dolores atque incomoda non sentire Animus nequit, ac proinde nemo non sentire cogitur, quantum imbecillitatis & Corpore imbecilli, infirmo, & male affecto inferatur in Mentem, quantumque tenebrarum tenebrofa hæc massa Corporis lucidissimæ Rationi creet. Certe hac de caussa hominum plerique in pristina ignorantia perdurant, & ad nobiliores disciplinas, quamquam velint, scandere nequeunt; neque fas est obtulsi crafisque ingenis & nulla memorie tenacitate præditis se immiscere parum obviis atque recosiditis Veritatibus, suumque interponere judicium in arduis non vulgarium rerum quæstionibus.

Ad impotentiam humanae Rationis veniamus, quæ nobis obvenit ex inopia & fallacia instrumentorum, per quæ Verum colligitur, Falsum evitatur. Et heic suos patitur manes mortalium conditio. Multis defunct ejusmodi adminicula, atque instrumenta sciendi. Quæ adhuc populi sunt, quibus liberales Disciplinæ tradantur, quibus sint præsto doctores? Utique pauci. Apud complures ne minima quidem earum Artium vestigia offenduntur, per quas ad Verum concenditur, & eruditus atque excultus animus cavere sibi aliquo pacto ab immensa errorum colluvione potest. Respice Africam, Asiam, Americam, & quæcumque sunt in ipsam Europa nimium Hyperboeo septem subjecta Trioni. Immo hanc ipsam omnium beatissimam terrarum Europam intuere. Quotæ hominum parti tam bene vult natura, ut doctoribus affluant, & disciplinis? Quotæ, etiamsi adhuc, iis operam navare solent, aut cupiunt? Quibus profecto perinde est carere optimis Artibus, eorumque Magistris, ac ab iis addiscendis propter impedimenta & negotia vita perpetuo removeri. Nemini autem dubium est, quin tanta barbaries, tanta doctrina Linguarumque inopia, naturalem inscitiam foveat, innumerisque etiam erroribus januam aperiat.

Deinde ipsa hæc sciendi adminicula, sepe veritatis, at non raro etiam erroris instrumenta fiant. Ut est hominum genus præ improbatum ad mentendum ac ad fallendos alios proclive, præ mentis vero infirmitate falli ac decipi facillime potest: ita necesse est, ex aliorum hominum consuetudine, ipsorumque doctorum commercio ad errandum pertrahamur. Hinc parentes, hinc nutrices, inde majores, & inde æquales, nos ab ipsa ineunte ætate fabulis imbuere, & perversisque judicis teneram occupare mentem, quam deinde, novis illatis errorum tenebris, ita docti eruditique suis interdum scriptis ac voce deformant, ut longe priore ignorantia deteriore rerum scientiam sive intelligentiam habeamus.

Attamen gravioribus etiam cauissis humanae mentes a Vero percipiendo avertuntur, aut impediuntur. Quod facile patet, ubi consideremus interiores animalium recessus, atque impedimenta Veri, quæ ipsi animo sunt aut propria aut etiam intrinseca. Primum errorum causa tribui potest hominum Phantasæ, & Memoriae. Nam simul ac aliqua rerum vivacissima imago in Phantasmum irruit, atque in ea fortiter inscribitur, tum difficile Anima se se abstinere potest ab ea imagine contemplanda, quam sibi vel nolenti passim ingerit, atque objicit potentissima illa facultas. Dum autem tanta vi ante

te oculos animæ internos obversantur hujusmodi alte impensa phantasmatæ , ita liberos animæ motus usurpant ac impediunt , ut ipsa impar eo tempore fiat contemplandis recipiendis aliis phantasmatisbus , quotum tamen ad recte judicandum necessaria meditatio foret . Ad hæc anima occupata a nimium præsente aut urgente imagine aliqua , satis auscultare neque solet , neque interdum valet rationes aliarum rerum , & placido consilio Verum a Falso dirimere . Bonum , & non Malum , eligere . Atque adeo quo fortior est Phantasiæ vis , quo frequenterius , aut ferocius in ipsam imago aliqua illabitur , eo debilior efficitur Animæ virtus in inquisitione atque inventione Veri . Ita fit , ut quæ facultas a natura instituta sicut auxilium dominatur Rationis , eamdem Rationem non raro servam efficiat , atque impotenter in homine regnet .

Sed Phantasia ac Memoria tum maxime Rationis consilio nocent , quum una cum animi perturbationibus , sive Affectionibus , in nos penetrant imagines rerum tam sensibilium quam intelligibilium . Non solent istæ in penetralia hominis ingenti cum impetu defiri , ibique alte infigi , atque internum animæ intuitum in se pertinaciter convertere , quotiescumque ea , quæ a sensibus nuntiantur , aut ab intellectu excogitantur sive percipiuntur , nullum aut etiam levem creant in Animæ Affectum , sive perturbationem . Multa quotidie aspiciimus , multa audimus , quæ perinde quasi assiduitate viuerint , ad Phantasiæ quidem pervenient , ibique habitant , sed sine ullo , aut summum sine aliquo gravi Animæ ipsius motu . Contra quæ excogitata , seu sensibus accepta , Amorem , Odium , Metum , Spem , Stuporem , Dolorem , aliasque hujusmodi affectiones in animo excitant , concitatius Phantasiæ aggrediuntur , profundiusque in ipsa consignantur . Hinc sit , ut quoties phantasmatæ ita conformata mens contemplatur (quod sæpe ultro facit , immo sæpe facere pæne cogitur) , toties Animæ objicitur non solum ipsum phantasma , sed ipsa etiam conjunctæ affectionis notio . Numquam fere aliquis hostis imago exhibetur animæ , quin & odii vestigia renoventur in anima . Numquam latronum Avarus meminit , quin timet . Numquam amantis animo obversatur conquistatæ pulchritudinis species , quin amoris etiam flammæ excitentur . Porro si animi affectus cohibere atque ad normam rectæ rationis redigere , arduum opus est ; si nihil verius est , quam paucorum esse , insidias omnes , cuniculos , & abdita machinamenta suorum Affectuum detegere , atque eludere , si certum est , importune a conjuncta Phantasia Animam vel recusantem rapit ad intuendas & contemplandas imagines rerum , quas alicujus ferventis affectus notio continuo sequitur : quis non intelligat , cum Phantasiæ ac Memoriam , tum animi perturbationes non solum ad Veritatem percipiendam sæpe impedimenta esse , verum etiam complurium errorum fontes esse dicendas ? Quod malum quum frequens sit in humana vita negotiis , frequentissimum tamen est in Litterarum studiis , & in eruditorum Republica . Nam , ut alia omittam , ubi alicujus phantasiæ occupavit imago , puta Platonis , aut Epicuri , aut Aristotelis , eorumque opiniones & sententiae ad Animæ nostræ notitiam pervenere , si admiratio , si amor , si reverentia imaginem hujusmodi consecrata sunt , ita exinde pulsatur atque agitatur animus ab ista imagine , & ab ipsis affectibus , ut sola Platonis , Epicuri , atque Aristotelis dicta magni æstimet , reliquorum contemnat . Contrarium accedit , si pro amore odium , pro admiratione contemnitus erga Scriptorem aliquamve sententiam concipientur . Tamdiu autem erroribus obnoxia est anima , quamdiu in Phantasia ac Memoria impotenter dominantur adeo vivida phantasmatæ , & pergunt sine freno interius regnare priores affectus , quos sola recta Ratio diligenter excutiens , eorumque pensans iustam inquietam originem , in ordinem cogere & moderari potest .

Voluntatis etiam perseveritate fit , ut sæpe ac sæpius erretur . Omnium hominum est , se velle esse beatos . Ex hoc naturali appetitu varia affectuum familia Voluntati nascitur . Nihil enim aliud sunt animi affectiones , quam Voluntatis motus , vel in bonum acquirendum , aut acquisitum , vel pro bono acquisito , vel propter bonum desperatum , aut nondum acquisitum . Amamus , dum uniri bono , aut in ejus unione permanere volumus . Dum bonum querimus , desideramus . Dum non longe a consequendo sumus , speramus . Consecuti , gaudemus . Solici ne amittamus , metuimus . In rapientem aut rapere volentem , odio & ira movebimur . Propter amissum bonum , dolemus . Idem de reliquis affectibus dicendum . Ceterum si erga unum verum Bonum perpetuo moveretur Voluntas , semperque prudenter adhiberet suorum motuum ducem , nihil Voluntati succensere , nihil inde sibi timere Intellectus posset . At quum corrupta hominum Voluntas plerumque feratur in apparentia bona , quæ mala profecto sunt , quotiescumque animum a vero Bono avocant , & arcent : hinc ipsem Intellectus in

D ser.

servitutem, miserrimamque conditionem devolvitur, & erroribus innumeris subest. Ruit Voluntas in corporeas voluptates, in divitias, in fluxos honores, terrenæ hominis parti, cui arctissimo vinculo & amore conjuncta est, beatitatem, ut sibi persuaderet, paritura. Illam occupat aut Gloriæ appetitus, ejusque soboles novitatis ardor, aut dominandi libido, aut alia cupiditates hujusmodi, quæ uno Concupiscentiæ nomine designantur in sacris Scripturis. Ita imperio delirantis & in varios affectus dissipatæ Voluntatis abruptus Intellectus, delirare & ipse cogitur. Neque enim, dum tam male se habet Voluntas, & dum Corpori nimium servit, menti vacat veritatem perscrutari, atque errores detegere; quippe quæ tum unice studet rationibus, quibus Voluntati comparentur illa apparentia bona. Et siquidem vacat, in irritum sàpè cedit mentis conatus, non sinente male fano affectu, ut sincere mens judicet, & aperte aut subdole agente Voluntate, ut suæ cupiditati faveat & consentiat Intellectus infirmus.

Tandem ad rite ac tuto judicandum duo impedimenta supersunt. Primum in eo situm est, quod creatæ mortalium mentes, quamquam latissime excurrere posse sibi videantur, admodum tamen angustis concludantur limitibus & spatiis, si cum Angelicis mentibus conferantur, ne Deum hoc advocem, cujus comparationem humanæ mentes nullò pacto sustinere possunt. Sunt quamplurima, ad qua circumscripta vis Intellectus nostri, donec in isto mortali corpore versatur, penetrare nequit, quantacumque demum adhibeat meditationis intentio & ingenii solertia. Multa ex his habet Physica, plura habet Astronomia, Medicina, ut de aliis Artibus taceam: Eoredit mentis conatus, ut probabilitia tantum, & verisimilia de his percipiatur atque excogitet, non autem certa atque intrinsecus evidenter humana rationi. In eundem censum fere veniunt, quæcumque credi, non cognosci, dicuntur, qualia sunt tam multa, quæ solam Historiam, & Famam habent testem. Quum creatæ hominum mentes omnibus temporibus, omnibusque locis non adfuerint, neque adesse potuerint, aut possint, quod solius est Dei, si tamen cupido subit ea noscendi, quæ præteritis temporibus, & non præsentibus locis, non necessario contigerunt, atque fuerunt, aut etiam non necessario sunt, atque contingunt: frustra cogitationis aciem illuc intendimus, quo per sensus nostr'os pervenire non licuit, sive non licet. Quamobrem in iis percipiendis dubia & fallaci aliorum hominum Librorumque fidei necesse est intellectus omnino fidat. Quamvis

autem sàpè ista quoque ratione Veritas attingatur, non ea tamen certitudine & securitate pedem figere ratio solet, ut omnis prorsus tollatur errandi suspicio. Idem incommode manifestius recurrit, quoties internas alliorum hominum cogitationes perscrutari lübet, & arcana cordium noscere cupimus. Ab externis quidem signis interna conjicias; sed se novisse, quid in animis alienis interior agatur, quis certo plerumque sciat?

Verum quæ sit angustia humanæ mentis, numquam melius intelligas, quam ubi deveitur ad alicujus rei contemplationem, quæ aut infinita sit, aut aliquid infiniti præferat. Tum videoas vacillare aciem Intellectus, tum occurtere tenebras & ingens chaos, tum deficientes oculos mentis fateri impotentiam temeritatemque suam. Frustra velit finita potentia rem infinitam metiri, atque complesti. Terrarum orbis mensuram in eas vel uno cubito, atque ulna quantum fatis est repetita, quia suos terra habet fines. At quum ad infinitum accedimus, quæcumque mensura finita ad illud adhibeatur, nihil proficit, neque tantum umquam dimetiendo progradimur, quin semper longe major, immo ut melius dicam, quin infinita pars adhuc dimetienda supersit. In Phycis ac Geometricis id genus quædam occurunt, quorum quidem ideam aliquam ratiocinando nobis comparamus, sed qua numquam rerum interminata amplitudini respondere possit. Aliis tamen omisssis, unum est revera omni ex parte infinitum, Deus optimus maximus, & quidquid in Deo est, videlicet illius Potentia, Sapientia, Providentia, Bonitas, Justitia, & reliqua doles, sive ut appellari solent, attributa infiniti Nominis. Nihil simplici hac veritate certius, nihil evidenter habet pars hominum sanior. Atqui si divinam Naturam, si divinas doles intime perspicere, suoq[ue] pede metiri velit humana Ratio, duplex illam exitus manet. Aut enim imbecillitate sua confestim deprehensa, venerabunda, & immenso lumine vieta subsistet, aut in mille absurdas opiniones ineptiasque temerario cursu rapietur.

Alterum impedimentum, a quo sepe expedire mens in judicando difficile potest ac sollet, proficiscitur ex ignorantia, obliuione, aut prava electione principiorum, quibus uti in judicando necessum est. Sunt quædam rerum Ideæ, quædam Rationis principia, quædam primæ Veritates, vel a natura, vel a divinis humanisve legibus, vel a mutuo hominum consensu tanta vi constitutæ, ut iis nemo plerumque assensum obsequiumve neget, aut negare possit, ac velit. Secundum ista principia, rerumque ideas, ac veritates ab hominibus judicatur. Nihil autem aliud est judi-

judicare, quam ad haec principia, ad has veritates ac ideas universales, veluti ad regulam certamque adamussim exigere singularia & particularia quaque. Si proportio, aequalitas, similitudo comperitur inter has regulas, atque inter collatas seu comparatas cum his regulis res particulares: tum dicimus istas bene se habere, & vegetati aut restitutini consentire. Sin secus, falsas aut perversas pronuntiamus: *Omnis homo est animal.* En principium, en regula. Varios homines ad hanc regulam admovemus & aequamus, puta Petrum & Johannem, statimque cognoscimus illos qui sunt homines, recte vereque animalia dici. Quod si alicujus primi principii, seu ideae rectitudo & veritas in dubium vocatur, exploranda est ista adhibitis aliis certioribus magisque generalibus principiis & ideis, e quorum collatione istorum minus generalium, minusque certorum principiorum Veritas aut etiam Falsitas deinde colliguntur.

Facile sibi multorum hominum superbia blandiatur existimantium, perspecta sibi esse quilibet principia, quaslibet primas veritates atque ideas rerum, nihilque obstare, quominus tuto pede ad judicandum properent. Qui tamen tantum sibi tribuunt, primum illud certissimum principium ignorare videntur, quod non a sacris tantum divinitu que traditis Libris, sed & ab ipsis inter Ethnicos Philosophis, atque a ratione edocti sumus: plura nempe semper esse, qua homini cuiuscumque nesciantur, quam quae sciantur. Id quod homini meditanti, & quotidie aliquid discere cupienti, seque cum aliis viris eruditione claris componenti, experientia ipsa suadere luculentius potest. Periculum igitur non raro subest, ne hominem alicujus principii, alicujus prima veritatis atque ideae, hoc est alicujus regulæ ignoratio in judicia perversa ducat. Hac certe de causa saltem rude vulgus saepe ac saepius in judicando delirat. Demus tamen liberaliter, acutos eruditosque viros nihil eorum ignorare, quæ futura sunt fundamenta rectis iudiciis. Ipsi omnia axiomata, principia, certasque regulas didicerunt, quibus judicatur: non idcirco tamen illorum mens omnem semper sustulit errandi causam. Nam quandoque non omnium quum fert occasio recordamur; quandoque unum principium pro altero male eligimus, & regulam non suam aptamus propositæ rei. Et profecto, quum de re quapiam rite judicare volumus, opus est ex omni latere, intus, & exterius, rem propositam excutere, in ejus causas, effectus, qualitates, relationes, aliasque diversas rerum modificationes & formas intendere aciem Intellectus, tum circumspicere, ad quam regulam, ad quod

rationis principium (quæ millia occurrere possunt, & millia consuler oportet) ea res tum sit exigenda atque applicanda. Atqui non raro accidit, ut neque singulas rerum circumstantias, modificationes, relationes, & causas perspiciamus; neque Phantasia, Memoria, & Voluntas, seu deficiente, seu ad agendum tarda, Intellectui tum reposcenti offerant, quæcumque principia & axioma necessaria ad illam occasionem forent. Quod si offerunt, mens infirma & inculta, non raro alterum pro altero eligit, secundum quod judicans, cavere sibi ab errore non potest. Unaquaque res quid simile habet cum multis principiis, atque idem; sed occasionibus datis cum uno tantum omnimodam integrumque similitudinem, proportionem, & aequalitatem habet. Quare si pro isto rationis principio, cujus mensura unice adhibenda nunc est, alterum ex iis adsciscas minime ad istam rem opportunis, similitudine recti & veri deceptus, pravum falsumque iudicium pronuntiabis. Judicio, inquam, deficies, non quod male sibi constet principium illud, sed quod ea in re illud, aut unum illud dumtaxat principium, ante oculos habuisti, in consultis aliis rationis rectæ documentis tunc longe aptioribus.

Monet me rei dignitas, ut uno aut altero exemplo heic utar. Politicarum legum, ratione minime dissentiente, axioma est, *Poxna capititis plebendum esse hominis iustum in interfectorum.* Cum hocce generali precepto componens Judex alicujus faciens, integrum sibi videtur reprehendere similitudinem ac proportionem inter istud principium, seu inter hanc legem & rem propositam; quamobrem in interfectorum ultimo supplicio animadverbit. Nihilo tamen fecios errat Judex, si istius vitam servari tunc exigat publicum bonum, aut ejus mortem ingentia Republicæ damna sint consecutura. Tunc altera lex, sive alterum principium priore opportunitus respiciendum est, nempe: *Ob privatum delictum homini non esse tunc mortent afferendam, quam illum vivere plurimum Republicæ interest.* Itidem, *Reverentiam esse debitam locis Deo sacris,* Axioma est inter Catholicos probatissimum, & Religioni omnino conforme. Hoc respicientes non solum Episcopi, sed & ipsi Reges, statuerunt in iis locis immunitatem hominibus levium quorundam criminum reis; quam deinde in Provinciis nonnullis extenderunt ad omnia proponendum scelerá, arbitrati se rem gratam Deo præstitionis, si quibuslibet locis Deo sacris hoc etiam privilegium accederet. Verum aliis visum, tantam asyrorum amplitudinem non esse ferendam; ad aliud quippe

axioma rem retulerunt, nempe: *Deo magis graram esse debere scelerum pœnam publiceque tranquillitatis ac justitiae conservationem, quam immunitatem Templorum;* immo in iporum Templorum dedecus recidere, quod scelerum omnium recepracula, & latronum speluncæ fiant, impedianque innocentium securitatem, & inanem efficiant justitiam, quam Deus Principibus præcipit. Quamobrem ad hanc potius regulam, quam ad superioriem, referendam esse Ecclesiastici asyli disciplinam contendunt. Hæc autem consideratio cum in Politicis, tum in Moralibus, & Physicis, &

Theologicis rebus dijudicandis locum habet, atque adeo in reliquis humanæ vitæ consiliis & Scientiarum meditationibus, in quibus Ratio tamquam magistra & moderatrix adhibenda est. Non enim tantummodo fallimur, quum falsis dubiisque principiis, quæ tamen vera & certa nobis esse videntur, singularia componimus, & a regula virtutiofa rectam petimus rei alicujus dimensionem; sed etiam quum certum & verum principium, sed inopportunum, & abs re, tamquam opportunum usurpamus, de singulari quapiam re judicaturi.

C A P U T VII.

Rationis humanæ imbecillitas experientia teste. Ad ipsius medicinam, ut Religio vera noscatur, necessaria est Humilitas, & exponendæ a Deo vires atque Sapientia. Quid scientia, quid persuasio, sive credulitas prudens. Prima principia, quibus Ratio & Prudentia reguntur in inquisitione Religionis veræ, qualis est unica Christi Religio, Ratione & Auctoritate in ipsius probationem confluentibus.

Quanta a recte judicando arcere possint humanam Rationem, ex ipsis, ni fal-lor, constare potest, quæ inquinimus potius, quam explicuimus. Postremæ demen-tiæ fuerit, nolle in homine aut agnoscere aut fateri multas errandi causas; ambitionis, nullam umquam in se velle credere aut sus-picari. Accedat & ipsa experientia. Nulli provincia Religio umquam defuit, aut deest, sed compluribus aut defuit, aut deest Religio vera. Excogitari autem non potest delirium ullum, quod populus aliquis non adop-taverit, atque in suam Religionem invexe-rit. A recentidis tot monstros abstineo. At unde tanta errorum silva excrevit, totumque fere mundum pervasisit? Quæ causæ tam miserandi excidii, nisi quas haec tenus oratio-ne nostra complexi sumus?

Et ne quis arbitretur uni hominum socordiæ atque ignorantiæ, non autem infirmitati mentis humanæ tribuendas esse tot populorum tenebras ac deliramenta, perinde quasi in investiganda Veritate ii nullam umquam collocaverint curam, ingenitasque Rationis vires aut stulte non senserint, aut ignominiose neglexerint: præterita tempora expendan-tur. Suos olim Brachmanes & Gymnosophistas Indi habuere, suos Magos Persæ, suos Druidas Galli, litteris artibusque nobilioribus ex-cultos, Egyptii, Chaldæi, ac præcipue Phœnices scientiarum gloria floruerunt. Quantum autem in disciplinis olim Singenses pro-cesserint, nostra etiam tempora testantur.

Ne exceptis quidem Scythis, qui admirabilem virum Anacharsim dedere nobis, pauci aut nulli populi in vastissimo Asia finu pos-funt numerari, apud quos antiquitus non habitaverint scientiæ. Immo ex iis ipsis bar-baris, ut late ostendit Clemens Alexandrinus Lib. 1. Stromatum, in Europam fluxit quid-quid Scientiarum in Græcis & Latinis postea demiratus est orbis. Jam quid in litteris præ-stiterint Græci, & Latini veteres paucis igno-tum. Divina ingenia, præstantissimos Philo-sophos, omnium disciplinarum ad miraculura peritos, e numero, eo pondere antiqua ætas-tulit, ut parem proventum nesciverit reliqua posteritas ad finem usque sæculi a Chri-sto nato decimi quinti. Diceres, tum pro-diutum, quid natura possit, & quousque hu-mana Ingenua contendere valeant.

Non igitur stipites, non infantes, non homines rationis nescios, aut incuriosos ante Christum reperimus, sed viros omni Scientiarum laude insignes atque admirabiles, & una saltē in re nobis præferendos, quod ii Scientias & Artes potius fecerint, quam acceperint, nostramque ætatem suo ingenio etiamnum illustrent, non futuram adeo in litteris eminentem, nisi eorum lux præcessif-set. Sed ut talium Ingeniorum felicitas nota est nobis, ita & corum infelicitas in assequenda omnium nobilissima Veritate. Religionis Veritatem intelligo, tametsi æque constet, ex antiquorum perpetuis in re litteraria diffi-dūs, multam veritatis partem eos fugisse cum in

in Physicis, tum in Moralibus, Astronomi-
cis, Geographicis, Historicis, aliisque ejus-
modi studiis. Enixe quidem perscrutati sunt
divinam Naturam, providentiam, ac poten-
tiam, & investigant, qui colendus foret
Deus, & qua ipsi debeat mortalium natu-
ra, quidque homo homini debeat. Sed bone
Deus! in quo absurdas atque impias opinio-
nes prolapsi non sunt? Numquam magis re-
velata est humanæ rationis imbecillitas. Nam
aut indigna Deo fenserunt, aut indigna ho-
mīne, & omnium una Religio fuit Idolorum
cultus. Qui sibi omnium acutissimi videban-
tur, ii aut ipsum Deum sustulere, aut Ani-
mæ immortalitatem, in tētrimum propter
ea fecelus miseriamque devoluti. Alii vero suæ
Religionis falsitatem recte argumentando no-
verunt. Sed nota Ciceronis vox est: *Utinam*
facile vera inventire possem, quam falsa
convincere. Quare ne sic quidem factum est,
ut asequuntur sint Religionem veram. *Impu-*
gnata sunt, ajebat Lactantius Lib. 2. cap. 3.
divin. Institutionum, a prudentioribus false
Religiones, quia sentiebant esse falsas; sed non
est inducta vera, quia qualis, aut ubi esset,
ignorabant. Itaque sic habuerunt, tamquam
nulla esset omnino, qui veram non poterant
invenire; eodem modo inciderunt in errorem
multo majorem, quam illi qui falsa tenebant.
Veterum autem Philosophorum errores, at-
que insipientiam, ita Apostolus delineabat
Cap. I. 21. ad Romanos scribens: *Quum co-*
gnovissent Deum, non sicut Deum glorificave-
rint, aut gratias egerunt; sed evanuerunt in
cogitationibus suis; & obscuratum est insipiens
cor eorum; dicentes enim se esse sapientes,
stulti facti sunt. Et mutavit gloriam incorru-
ptibilis Dei in similitudinem imaginis corrupti-
bilis hominis, & volucrum, & quadrupedum,
Ec. Similia scribit ad Eph. Cap. IV. 17.

Sed quorū hæc disputatione, & cur tot ra-
tionibus & exemplis confirmare pergimus hu-
manarum mentium calamitatem in investi-
gatione Veri? Ecquid amplius restat, nisi ut
cum Academicis & Scepticis amicitia inita,
nihil esse certi, nihil veri sub Sole credamus?
Absit a nobis tantæ infanæ periculum; si
quidem non insani minus ii sunt ac deplo-
randi, qui omnia vi suæ Rationis asequi
posse sibi videntur, quam qui nihil. Eo ar-
gumenta nostra attentum Lectorem non de-
ducunt, neque porro deducere possunt. Non
extinctum, sed infirmum esse in homine Ra-
tionis vigorem, & Verum difficile posse ac
solere inveniri diximus; non autem ejus in-
veniendi spem omnem sustulimus. Illud enim,
quod nostri Intellectus aciem & capacitatem
superat, dum Animam mortale Corpus alli-
gat, & premat, si intelligere plane velimus,

aut apte intelligi posse opñhemur, risum ve-
ris sapientibus moveamus. Itaque non inge-
num, non rationem excludimus a perqui-
renda Religione vera, sed eorum suademos
moderationem, omnibus utique in tanto-ne-
gotio, si quidquam sapiunt, apprime neces-
fariam. In quo autem sita sit hæc modera-
tio, deinceps explicabitur.

Primo noscenda est homini suæ Menti Ra-
tionisque imbecillitas, quo nihil facilius,
dum secum in animo verset, qualia & quan-
ta cognitionem Veritatis impediunt, & in
errorem adducant. Sibi ante oculos sistat
exempla tot excellentium Virorum, quorum
ingenio & eruditioni imparem se forsitan sen-
tiat, aut sañem, nisi ambitiosissime secum
agat, se non reputet superiorē. Quum ictis
non contigerit, ut acie sui intellectus Reli-
gionem veram aut detexerint, aut satis in-
tellexerint, aut intellectam suscepint; im-
mo etiam pateat, in errores multos opinio-
nesque ridendas ipsos concessisse: quid e viri-
bus propriis sperandum sit, tandem agnoscat.
Præterea auctor eidem futura est ipsam Rati-
onem, ne nimium sibi arroget, ne nimium fi-
dat. Nam qui tantum sibi pollicetur ac
tribuat, ut arbitretur, se optimo ingenio
atque admirabili judicio pollere, quibus nihil
pervium non sit? se nullis detineri falsis præ-
judiciis? sibi omnia disciplinarum subsidia, at-
que instrumenta sciendi adesse, seque iis ri-
te semper uti? nihil menti suæ atque judicio
officere inordinatos corporis motus & Volun-
tatem suam, quæ ab universis pravis cupi-
ditatibus, atque ab impotentia & fraude quo-
rumcumque Affectionum libera sit oportet, ut
recte judicetur? sibi denique perspecta esse,
neque solum perspecta, sed & præsentia quæ-
libet principia, primasque Veritates atque
Ideas omnes, quibus judicia recta niti ne-
cessa est, atque ex his principiis quod oppor-
tunum & congruum pro rei propositæ dimen-
sione sit, non vero alterum, atque inoppor-
tunum, suisse in judicando semper electum?
Qui tam magnifice de semetipso sentiat, ne
ipse quidem in interno suæ mentis tribunali,
ubi sincere secum ineat rationes, se ab-
rogantia ac temeritatis culpa absolvat.

Secundo, post superbiam in se deprehen-
sam atque profligatam, ratio poscit, ut Hu-
militas & animi depresso subsequatur; hanc
autem consoletur auxilii, si quod est, desi-
derium & spes. Et quoniam a nobis utpo-
te infirmis hanc opem sperare non licet, ne-
que tuto semper ab aliis mortalibus, qui fal-
li aut fallere possunt: reliquum est ut ad
Deum omnium parentem, omnisque boni au-
torem, se convertat mens humilis, & sa-
pientiam atque intelligentiam ab ipso depo-
scat.

30 DE INGENIORUM MODERATIONE

scat. Id quod Jacobus Apostolus prædicabat in Epistola sua Cap. I. 5. his verbis: *Siquis autem vestrum indiget sapientia, postulet a Deo, qui dat omnibus affluenter, & non impropreat, & dabitur ei.* His positis principiis, ad Religionem investigandam se alacrius conferat humana Ratio, ubicumque spes est eam inveniri posse. Sæpe etiam non querentibus offeret divina clementia per pios Libros, aut præcones veritatis suæ. Negari autem non potest, quin facilis & tutus ad Religionem veram aditus foret, si illam Deus ipse homini immediate revelaret. Quid enim amplius titubet humana Ratio sub tanto præceptore, hoc est ipsa prima Veritate docente? Sed temere postules, multo etiam magis temere speres, Deum usitatis naturæ legibus a se stabilitis tui caussa renuntiaturum, quæ de se ipso credenda sint, & qui cultus sit sibi ipsi adhibendus. *Scit enim Dominus cogitationes hominum, quoniam vanæ sunt,* ut ait sanctus David in Psal. 93. 11. Quum in eum præcipue finem homines creasse censendus sit, ut ab his amaretur, & glorificaretur; merito quoque existimare juvat, aliquam ab ipso revelatam fuisse Religionem, per quam docerentur homines verum amorem veramque gloriam suo reddere Creatori. Id præstare illius Sapientiam & Clementiam decuit, id subsidiū habere nostræ imbecillitati necessarium fuit. Neque in loco tam abdito veritatem suæ Religionis constrinxisse credendus est Deus, ut nullus ad ipsam humanæ umquam Rationis sit aditus. Sed potius ita constituisse censendus, ut si recte uti velimus illius auxilio, & naturalibus Rationis humanæ viribus, ad eamdem Veritatem pervenire tuto licet. Ille ad se advocat homines ratione præditos, & per gratiam quidem suam, sed non sine ratione vult ad se veniri. Sint licet oppido tenues humanæ mentis vires, dum adhuc divinus favor, multum valent, atque per eas cognosci revelatio Religionis vera, & a falsis arque confictis distinguiri potest. Igitur inter nimiam abjectionem sui, nimiamque ambitionem ingenia continenda sunt; utrumque enim periculum subest, ut aut nulli aut falsæ Revelationi adhibeatur fides. Quæ autem heio sint Rationis humanæ vires, & qui rectus earum usus, nos ipsa Ratio docebit.

Nos Verum duobus modis attingi diximus, vel Scientia, vel Persuasione, sive credulitate prudenti. Primum contingit, quum per demonstrationem & syllogismos, ex certis

præmissis constantes, aliiquid, quod necessario sit, aut fuerit, aut esse debeat, sive debuerit, intelligimus. Id per rationem intrinsecam nos scire cum dicimus. Alterum fit, quum aliis hominibus aliiquid non necessarium, sed contingens narrantibus, fidem habemus, & verum ab ipsis narrari credimus, quum ipsam Ratio per argumenta non quidem demonstrativa, sed verisimillima, atque evidencia extrinseca nobis persuadet, eos neque falli in ea narratione posse, neque fallere velle. Id nos per Prudentiam credere cum dicimus. Sunt autem regula quædam, per quas ad sciendum, aut prudenter credendum in hac vita perduci possumus ac solemus. Per multa ex his aut naturæ lumine, aut consensu hominum tum doctorum, tum indoctorum per omnes terras ita sunt per vulgata ac probata, ut nemo sanæ mentis aut ignoret, aut neget, aut auditis consentire nolit. Nam, ut Tullius ait Lib. I. de Natura Deorum, *de quo omnium natura consentit, id verum esse necesse est.*

Nemo exempli causa non cognoscet, aut si forte nondum animadvertis, edoctus non statim intelligat, quam vera sint & necessaria principia ista, videlicet: *Debere esse primam aliquam omnium rerum & cauſarum cauſam;* *banc esse ab homine colendam atque amandam;* *homines ex se ipsis, & sine Dei amicitia, esse non posse beatos;* *lumini naturæ adversari, plures esse Deos;* *nefas esse indigna ac nefanda tribuere Deo;* *& creaturas ipsius Dei loco habere;* *& arbitrari, fato ac precedenti necessitate hominum voluntates trahi ad bonum, & malum.* Contra vero, nemo non fateatur, *honestum esse & bonum, nemini contumeliam inferre, suum cuique tribuere, alteri non facere quod sibi quisque nolit fieri;* *aliaque sexcenta ejusmodi.* Suis itidem legibus Prudentia regitur, quas unusquisque probat, quales sunt: *Credendum est, vere contingere, aut fuisse, aut esse aliiquid, quum id ab hominibus narratur, qui recti judices et in re esse potuerunt;* *& quos nulla verisimilis ratio aut errasse aut imponere voluisse persuadet;* *cujusmodi est, aliquam Urbem, aut montem, aut fluvium esse, vel fuisse, aliquod proelium commissum, apparuisse aliquem Cometam, & olim Regem, aut alium virum vixisse, & quædam egisse.* Item negandum non est, quin sit alicui Auctori Liber tribuendus, cuius nomen præfert adhuc, & cuius foetum a origine sua constat fuisse habitum, fidem hujus rei facientibus aliis æqualibus Scriptoribus, aut nemine contradicente, aut nulla alia ratione verisimili in contrarium pugnante. Præterea sine rationibus admodum urgentibus adjungenda cito non est fides aliiquid narranti, quod usitatas naturæ leges superret,

IN RELIG. NEGOTIO. LIB. I. CAP. VII. 31

ret, atque in commodum narrantis aperte vergat. Numquam vero fides adjungenda est novum aliquid tamquam a Deo sibi revelatum adserenti, & cælestem legationem jaſtant, si ab honestate ac pietate abhorreant illius dogmata ac mores, & quando etiam non abhorreant, niſi ipſe evidentibus signis doctrina ſuā veritatem firmet. Hæc aliaque hujusmodi principia quicunque ratione utitur, improbare nolit, ac nequeat.

Dum ergo Religionis veritatem quærit humana mens, aut eidem proponitur amplectenda Religio, duo occurſunt; nempe, an revera a Deo revelata fuerit illa Religio, tum quid illa Revelatio continueat exhibeatque ſciendum, ſive credendum. Ad cognoscendum autem, revelata ne fuerit, necne, Religio proposita, vel ſola Prudentia Deo adſtante perducit, & perducere potest. Nam omnibus hominibus, dummodo non pueris, neque fatuis, Prudentia ſufficit communes illas regulas & leges, quarum ſubſidio unicuique intelligere fas eſt, num ſit credenda, an rejicienda illa Revelatio; & rurſus adeo evidenta & multa ſunt argumenta, quibus una Religio Christiana ad Iudaice complemen- tum a Deo revelata probatur, & reliqua conſifta ab hominibus, ſive depravatas ostenduntur, ut nemo futurus sit, qui a credendo abſtineat. Subsequitur eorum inquisitio, quæ in Christiana Religione Deus revelaverit. Multa heic ſunt humanæ Rationis viribus pervia. Sunt alia, quæ non rudibus tantum, ſed etiam acutis ingenii impervia videntur; cuiusmodi ſunt, Deum unum eſſe & trinum; Verbum divinum humanam carnem induiſſe; homines in poſtremo judicio iterum ſuo corpori eſſe reſtituendos, atque id genus alia. Igitur heic modum habere debet inquisitio, ſuæque infirmitatis monenda eſt humana Ratio. Quæ per ſyllogismos certos vera intelligi poſſunt, intelligentur; que vero non poſſunt, credantur. Hic eſt rectus humana-rum virium uſus, in quo neſcias, utrum plus obſequii Deo revelanti præbeas, an prudentius imbecillitati tuae conſulas. Secus facere, ambitiosi, temerarii, atque insani ingenii fuerit. Etenim conſtat, divina eſſe ſupra humanæ rationis captum; ideoque mortaliū menti cum veneratione hæc eſſe accipienda, non autem ambitioſe noſtro ſubjicien- da judicio. Præterea quid absurdius excogitari potest, quam nihil aliud credere velle de Natura & Voluntate divina, quam quod tu intelligere poſſis? Debuit ne igitur infinitus Deus talis eſſe tantummodo, qualis finita-menti videri poſt, eaque dumtaxat velle, quorum tibi perſpicua forent cauſæ, effectus, & ordo? Non effugiat miserae amentiae notam

idiota, ſi falſa affirmare vélit, aut vera credere nolit, quæ Philosophis atque acutis vi-ris certissima apparent, non alia ductus ra- tione, quam quod ea capere ipſe non va- leat. Multo autem major illorum eſt de- mencia, qui a Deo Veritatis fonte revelata, vera & certa reputare nolit, quod ſui intellectus acumen excedant.

At iſti continuo inquiet, ſibi nullam de veritate Dei revelantis occurrere dubitacio- nem; ſolum ſe fuſpicari, num fallantur aut fallant, qui Deum hæc revelare tradunt; Non facile credendum eſſe hominibus ex opi- nione quoque noſtra: Auctoritati autem di- vinæ humanam quidem Rationem ſubmittere faſces debere, vel ſine ratione accepta; ſed quum ſine rationibus vult Auctoritas huma- na fidem facere divinæ Revelationis, auſcul- tandam ſtatiuſ non eſſe; quippe non raro fal- lacem. Si ergo iſti creditimur, etiam quædam a Deo revelarentur, quæ intelligere hu- mana Ratio non valeret, adhuc tamen ab iſpiſ vera crederentur, dummodo certi ſibi forent, eadem a Deo revelata fuſſe. Nos au- tem diximus, adeo evidenter probari per ho- mines, Credibilitatis Motiva adferentes, Christianam Religionem a Deo revelatam fuſſe, ut homini prudenti integrum non ſit eidem negare aſſenſum. Quid ergo amplius exſpectant, ut vera itidem creditant, quæ per tam evidenter credibilem Religionem propon- nuntur certissime tradita a Deo? Quod ſi non nulla occurſunt in revelatione Christianæ Legis, quæ menti humanæ impervia videan- tur: hæc tamen ea ſunt, ut non ſine ratione ſint credibilia. Ratio enim docet, vera eſſe quæcumque a Deo revelantur; nihilque ideo eſſe falſum, quod captum ſuperet humani intellectus, & divina eſſe ſupra rationem hu- manam; eaque ſolum reputanda eſſe ſine du- bitatione falſiſſima, quæ ſunt aperte contra- ria rebus Rationi. Dogmata autem Religionis veræ, qualem nos dicimus eſſe unam Ca- tholicam, nihil habere, quod Rationi recte adverſetur, jam luculentiffime demonstratum eſt a viris doctiſſimiſ; & ſentiet ac fatebitur quilibet aequus iudex, vel Christianorum ſa- cris nondum initiatus. Siquidem patet, con- tradictoria, ſive contraria non eſſe, quæ de Unitate, ac Trinitate in Deo prædicantur, quum illud eſſentiam, & ſubſtantiam, iſtud perſonās reſpiciat; & hoc iſpum perſonarum nomen ne uitiquam accipiatur, quemadmodum in humanis, ſed inventum ſit atque uſurpa- tum in divinis, loquendi & diſputandi neceſſitate de ineffabilibus rebus. Cetera dogma- ta, ſi recte confeſſantur cum omnipotencia, iustitia, clementia, providentia aliisque ſumi- mi Dei infinitis attributis, quanquam exce- dere

dere vim intellectus creati atque finiti interdum sentiantur, manifeste tamen cognoscuntur non adversantia rectæ Rationi. Atque hactenus vidimus, quæ Ingenii moderatio hominem deceat nondum veram Religionem aequatum. Nunc restat videndum, qui itidem se regere debeant hominum Ingenia, ubi jam Christianæ Religioni dedere nomen.

Quippe non minus periculosa est, immo etiam magis periculosa est nonnigquam Ingeniorum libido in homine veram Religionem amplexo, quam amplexu. Saltem nihil differt medio in mari naufragium facere, & medio in portu, quando naufragum certa mors utrobius maneat,

C A P U T VIII.

Quae noscenda vera Christi Religio inter tot ejus sectas. Scriptura sacra primum Veritatis promptuarium. Sed viribus nostris difficile intelligenda vera doctrina. Aliquem Veritatis visibilem interpretem suæ Religioni Deus dederit oportet. Ecclesia vera, verax, & ab errore immunis; atque hæc una est Catholicorum Ecclesia.

DUplex eorum genus est, qui Christianam Religionem a Deo fuisse revelatam sentiunt & credunt. In alterosa teneris annis beata hæc & sanctissima persuasio irrepsit. Alteros jam adultos præveniens Gratia Dei pertraxit per argumenta credibilitatis ad perficiendam cum falsitatem reliquarum Religionum, tum veritatem unius Christianæ Legis. Sed ne sic quidem istorum ingenia conquiescere aut possunt, aut solent, quoties occurrit hæc ipsam Religio in tot Sectas divisa, & prope comminuta, quarum quælibet sibi veram Christi hereditatem tribuit, ceteris improbatis, & falsi postulatis. Hinc est Catholicæ, quæ in singulis orbis partibus, & præsertim in Europa, Ecclesiæ ostendit. Illinc præter Schismaticos Græcos habet Oriens Nestorianos, Eutichianos, Monothelitas, aliosque complures vel antiquos, vel recentes Hæreticos. Numerat Occidens Lutheri, Calvini, Socini, Anabaptistarum, Bohemorum, Anglorum filios & sectatores, & mille alias vel sine nomine Christianorum sectas, quibus & ipsa Africa in Abissinorum imperio abundat. Apud singulas hasce gentes Evangelium regnat, & Christi nomen cum veneratione sonat; ceterum in doctrina Christi explicanda mirum est, quanta opinionum varietate & dissensione inter se digladiantur. Quid heic faciat? quo se vertat humana Ratio de invenienda Veritate, vitandoque errore sollicita? Nam quum jam posuerimus, a Deo profectam esse Religionem istam, Deus autem discordia, & contraria revelare nequiverit: sicuti fieri non potest, ut omnes istæ opiniones sint falsæ, ita certum est, nisi unam esse posse veram. Sive igitur quis alicui Christianorum sectæ se adiungere velit, sive jam se adiunxerit, necesse est anteq[ue] animi diu-

pendeat, donec intelligat, quæ sit lucis & veritatis, quæ tenebrarum & erroris regio. Heic autem suus quoque Rationi esse debet locus, dummodo & heic suæ memor imbecillitat intumescere nolit, seque regi patiatur quibusdam salutaribus regulis, quæ tutissime ad Veritatem perducunt. Age vero, quænam sint istæ regulæ dispiciamus.

E tam variis Christianorum sectis nulla ferme est, quæ divinas utriusque fœderis Scripturas non amplectatur. Eas esse primum Veritatis canonem, ibique contineri fundamenta & p[ro]æcipua saltem ac necessaria reuelata Religionis dogmata, quidque credendum, quidve agendum, ut quis vere Christi sectator dicatur, & sit, una omnium vox est. Quare hinc iter instituendum videtur; nam que melius speres, te assurrectorum ad veritatem, & in errores non declinatur, si Scripturis sacris, hoc est divina voce & lumine, regaris? Et profecto maximum sacra Litteræ sunt Rationis humanae subsidium, simul & frenum. Per illas intellectus mirum in modum proficere potest, dum certa illuc se habere intelligit, & credere revelatis illic iubetur, & vanas cogitationes substernere certissimæ Dei revelantis veritati. Proinde suboritur prima hæc regula: Firmissime credenda sunt, quæcumque vere & evidenter sacris iis in Libris habentur; & nibil credendum, quod iis vere & evidenter adversetur.

Progreditur itaque Ratio, & quid re ipsa divinis in Litteris tradatur, & quid iisdem repugnet, inquirit. Sed heic titubare incipit infirma potentia, rhodum & saltum vident. Nisi homo cæca temeritate agatur, & monita prudentia flocci pendat, heic subsistat necesse est. Nam primo quei certo sciat, quæ sint Scripturæ divinitus traditæ, quum de le-

giti-

gisma quarumdam origine dubitari & disparsi intelligat? Qui deinde sibi pollicetur, se in legitimos omnes sacrorum Liborum sensus ingressurum, quando Linguis perfecte non calleat, quibus in origine sua descriptum fuit ex imperio divino Testamentum utrumque? quando nulla adsit Versio, cui tuto fidendum cognoscatur? quando tot obscura, & in speciem contraria occurrant, in quibus aut facile falli potest, aut judicium saltem suspenderem cogitur? Testis autem Sanctus Petrus in Epist. 2. in interpretandis Pauli Epistolis multos errasse, eo quod in iis sunt quedam difficultia intellectu, que indocti & instabiles depravant, sicut & ceteras Scripturas ad suam ipsorum perditionem. Et in haec quidem & alia impedimenta evidenter impingat omnium rudium atque indoctorum hominum ratio. Quod est ad perspicaces eruditosque viros, ne illi quidem multum heic habent, quod suis e viribus sperent, quamvis Orientalium Linguarum peritia, & Critices, aliarumque Artium & Scientiarum subsidisi instructi. Si enim vere docti sunt & humiles, nusquam evidentius quam illic perspiciant, quae sit humani Intellectus ægritudo, & ardua quaestzionum copia atque sublimitas. Sin ambitioniosi accedunt, nullus controversiarum & difficultatum est modus; unusquisque enim facile in suo sensu abundat, & opinionibus antecaptis in transversum rapitur, & aut notitati aut suis cupiditatibus studet, sive etiam totam operam in suo cœtu potius, quam in ipsa veritate quenda incautus impendit. Neque mentiri nos finit experientia ipsa. Meridiano Sole clarus est, ab ipsis Religionis Christianæ incunabulis ad nostra usque tempora viros eruditione & ingenii acumine præstantissimos in interpretandis sacris Litteris, atque in statuendis earum ope gravissimis Christianæ Fidei dogmatis, toto inter se cœlo dissensisse, & adhuc dissentire; nullamque esse tam impiam Hæreticorum sententiam, quam non ipsi sibi videantur e divinis Litteris depromere, atque inde confirmare. Quare idem periculi sibi imminere sentiant reliqua Ingenia, licet pari litterarum cognitione exculta, & acumine simili prædita. Quis igitur nisi superbus aut impertitus illud non videat: *Difficillimum, nempe, esse humane Rationi viribus assequi propriis, quæcumque dogmata vere habeantur in Scripturis divinitus traditis, quæve ipsis refugent?* Atque hæc altera esto regula, quam Ratio considerans necesse est non solum ut nemini sibi fidat, sed ut etiam aliam, si qua est, commodiore tutioremque eligat viam ad intelligentiam divitorum voluminum.

Hanc autem viam in terris haberit tum di-

vinæ clementia consentaneum, tum humanae imbecillitati necessarium est. Si enim tantopere atque a tot sæculis, tot acutissimi, ac solertiissimi viri dissentient in constituendo, non solum quæ sit vera sacrorum Librorum doctrina, sed etiam qui Libri sint in Canone Hagiographorum referendi: quid rudi bus & infirmis facias, quibus non idem est mentis vigor, & eruditionis copia? Quid isti sperent, immo quid sperent omnes, ubi expendere prius velint tot ardua loca, unumque cum altero conserre, & Interpretes diversos perscrutari: adquæ præstanta non solum temporis multum, sed immanis subsidiorum apparatus exigitur; iisque etiam præstis ipsime Eruditi aut dubitare, aut in oppositas abire sententias hucusque perrexerunt? Igitur auro, aut numquam, aut semper cum dubitatione aliqua, sibi persuadebunt homines, germana Scripturarum sacrarum dogmata, iisque contrarios errores se recte intellexisse. Misera plane Veritas Christianæ Religionis, ubi cognosci non possit inter tot & tam varias Christianorum sectas, nisi per hoc arduum, incertum atque etiam quandoque periculosum Scripturarum examen. Fierine vero potest, ut quum omnes homines salvos fieri & ad agnitionem veritatis venire velit, omnibusque Evangelium prædicari mandaverit Deus, ita ab eo constituta fuerit Religio Christiana, ut quæ vera sit inter tot falsas illius sectas, dignosci facilis non queat?

Restat igitur, ut optimus & clementissimus Deus commodiore ac breviore via consoluerit hac in re mortalium generi. Ea autem via esse alia non potest, quam qua superiorius homini præscripta est, ut facile ac tuto Christianæ Religionis veritatem a non Christianarum falsitate distinguat. Extrinsica argumenta credibilitatis heic etiam præsto sunt, ut evidenter comperiatur, quæ vera & germana sit inter tot Christianorum sectas hereditas & Ecclesia Christi. Et sicuti cognita sanctitate Religionis Christianæ, hæc una prudenter amplectenda est, ceteræ ejundæ; idque credi prudentissime potest, & necesse est credere quod ab ipsa proponitur, etiam si aut intrinsicæ rationes non adferantur, aut superare captum humanæ mentis credenda deprehendantur: ita ubi evidenter patuit, quæ sit vera Christi Ecclesia, in hujus unius finum, ceteris Christianorum falsis Ecclesiis repudiatis, prudenter configere possumus, ac porro debemus; & quæcumque ab ipsa traduntur, quamquam ab Hæreticis in controversiam vocata, firmissime credere. Duo itaque cognoscenda sunt humanæ Rationi (& hæc facile cognosci posse pronuntiamus) ut rite prudenterque suum cursum

E in

In hoc negotio peragat. Alterum est, quæ sit hoc vera Christi Ecclesia; alterum, cur istius Ecclesiæ dogmatis acquiescere prudenter possumus, ac debeamus, vel nondum excusis tot obscuris divinorum Codicium locis, & nondum perpensis tot questionibus inter Christianorum Sectas vigentibus. A postremo incipiamus.

Vera a Christo constituta Ecclesia idem sibi sonat ac hominum Congregatio, ejusdem Christianæ Fidei, ejusdem vera Doctrina professione, eorumdem Sacramentorum communione, & vinculo Caritatis sub uno capite Christo unita, in qua legitimus fit ordo, ac regimen Pastorum. Ecclesiam istam usque ad finem saeculi duraturam nullus Christianorum negat, & sacri Libri, unaque cum eis ipsa Ratio, evidenter persuadent. Veritas autem ne ab ipso quidem Deo mutari destruive potest. Quare quæ ipse Deus verissima revelavit, æterna sint oportet. Itidem quæ ipsem eventura esse pollicitus est, eadem necessario fient; non enim est fallax Deus, neque ex potentia a præstans promissis umquam impediri potest. At ille Religionem suam, atque Ecclesiam, & verissima dogmata per Moysem, per Prophetas, & postremo per Christum revelavit. Hanc etiam Religionem, & Ecclesiam suam promisit perpetuo regnaturam in terris, quippe institutam, ut ejus ductu homines Verum salutare cognoscant & credant, & recta peragere discant. Neque mortalium scelerarumque crevere umquam, aut crescere possunt, ut aut divinam transcendent clementiam, aut ejus voluntatem & missa fraudent, sanctam illius Religionem & Ecclesiam everendo penitus, & abjiciendo. Super hanc petram, inquit Christus Matth. xvi. 18. *edificabo Ecclesiam meam, & porte inferi non prevalebunt adversus eam.* Et Matth. ult. *Ecce ego vobis sum omnibus diebus usque ad consummationem saeculi.* Si igitur æternum duratura est Ecclesia, quæ sanctissimæ istius Religionis fit custos, necesse est etiam, ut ibi æternum Veritas duret, & vera, non falsa Dogmata tradantur. Nam si Ecclesia errorem in Dogmate rebusque Fidei credit, erroremque alios doceat, jam vera Christi veracis destinat esse Ecclesia: quod tamen fieri non posse nobis constat.

Deinde si semel errorem in Doctrinam Ecclesia invehere, inventumve probare possit, non erit, cui in posterum tuto fidat populus indoctus, immo & ipsa doctorum Respublica. Nemo veram se tradere inquit Religionem, suumque coetum vere Orthodoxum appellat, quando dubium suboriri perpetuo potest, an is coetus errori abnoxius, erro-

rem hauserit, errorem doceat. Nemo sibi arroget germanam Scripturarum sanctorum interpretationem; nemo sibi persuadeat, se divina verba recte intelligere, ubi Ecclesia ipsa (cui Spiritum suum Jo. xiv. 16. Christus tradidit) deficere erroresque adoptare possit. Quod si ad humanam Rationem spectare ais, postremo cognoscere, an Ecclesia errat, & num recte, an secus, interpretata sit Scripturas a Deo nobis datas: utique ad infirmissimum, ut vidimus, aut saltē non satis fidum tribunal me rapis. Præterea si rationem a se stare unusquisque contendat, quis litigandi finis erit? Certe hanc sibi militare quilibet Christianorum secta arbitratur. Restat igitur, ut alia tutioni via hominum necessitati Deus consuluerit, certumque aliud visibile tribunal constituerit, a quo fideliter divinarum Scripturarum mysteria explicentur, Fideique Christianæ atque Orthodoxæ veritas perpetuo custodiatur. Hoc autem tribunal nullum aliud esse potest, quam Ecclesia ipsa perpetuo duratura, in qua, ut ait S. Paulus Ephes. posuit Deus Doctores, Pastores, Prophetas, & Apostolos ad consummationem sanctorum in opus ministerii, in edificationem corporis Christi, donec occurramus omnes in unitatem fidei, & agnitionis Filii Dei, in virum perfectum, in mensuram etatis plenitudinis Christi. Immo evidentissime significat idem Apostolus i. ad Tim. 111. 15. Ecclesia vera nos edocenti acquiescedum esse, quum ipsa sit columnæ & firmamentum veritatis.

Itaque prima & certa non errandi ratio sita est in veracitate revelantis Dei, sacramque Librorum æterna veritate. Deinde accedit præsidium aliud visibile a Deo positum, quo certi siamus, utrum quæ nobis credenda proponuntur, a Deo revelata vere fuerint, & an recta sit divini verbi interpretatio: & hoc in veracitate ac stabilitate proponentis Ecclesiæ situm est. His autem positis fundamentis, unum postremo humanae Rationi investigandum superest, nempe quænam sit hæc vera Christi Ecclesia. At homini ingenuo, & veritatis unius amanti, non est id cogniti difficile. Sunt enim quædam notæ ac signa, quibus Ecclesia vera a falsis ac fallacibus ita distinguitur, ut non ingenio magno sit opus ad eadem perspicienda, atque ad Ecclesiam veram ex iis dignoscendam. Unitas Doctrinae, Fidei, Caritatis, & Mysteriorum; sanctitas & efficacia Dogmatum; probitas morum; gloria Miraculorum; antiquitas; amplitudo; origo ab Apostolis, & continuata successio Episcoporum in Ecclesiis, ac præcipue in Apostolica Sede omnium magistra; aliaque hujusmodi, quæ cum apud

vete-

veteres Patres, tum apud recentiores Theologos congeruntur. ea sunt, quæ nos de vera Christi Ecclesia certissimos faciunt. Et quum aut horum nihil, aut nonnulla quidem, sed non singula & omnia in nullo Christianorum ordine coeant, & verificentur, præterquam in Catholica Romana Ecclesia, facile etiam intelligimus, hanc unam, & nullam aliam præter hanc esse germanant.

Christi Ecclesiam. Quod si hæc vera Christi Ecclesia est: ergo verum fuit semper, quod illa docuit; verum est, & erit, quod illa docet ac docebit; neque titubare, neque contraire, nisi temeritate intolerabili, potest hominum Ratio, sed jure conquiescere debet, quum Ecclesia ista munere divino verax, visibilis, æternumque duratura, quid sit in sanctissima Religione credendum proponit.

C A P U T I X.

Ecclesiæ Catholicæ perperam negata ab Hæreticis immunitas ab errore. Protestantum Methodus in inquisitione veræ Doctrinæ quam temeraria, & quot Hæresum origo. Catholicorum Methodus quam laudanda. Non Ingenio privati cuiusque hominis dimittenda sacrarum Litterarum interpretatio in Dogmate. Vox Ecclesiæ veræ heic audienda, Deo id præcipiente.

Equidem puto, non posse non probari ab hominibus ingenio pollutibus & æquiratis ac veritatis cultoribus traditum hactenus Rationis iter in inquisitione veræ Religionis. Sed quid non exspectes ab immoderatis Ingeniis, ubi plus sapere velint quam oporteat sapere; ubi plus sibi tribuant quam hominis infirmitatem deceat; ubi turbidis ac effrenatis animi affectibus se rapi finant? Primo nonnulli nisi sibi sunt in Ecclesia Dogmatibus errores reprehendere. Processerunt itaque ad negandam Ecclesiæ immunitatem ab erroribus. Deinde quum ea Dogmata, quæ ipsorum ingenio a veritate abhorrente videbantur, in Ecclesia Romana Catholicæ eorum mæstre aut traderentur, aut tradi putarentur: reliquum fuit, ut Ecclesiæ istam a Religionis vera custodia ac professione excidisse censerent. Denique unam statuerunt Veritatis Christianæ regulam divinas Scripturas, in quibus contineri omnia manifeste ajunt Christiano populo credenda; nihilque porro credendum, quod istarum suffragio manifeste non probetur. Libentissime exceperunt has voces complura alia Ingenia, partim novitatis cupida, partim spe veritatis tuius assequendæ excitata; quodque facile fieri solet, ignaris quoque populis persuaserunt. Et altas adeo radices in eorum animis egit ista persuasio cum latè hausta, ut æquas amplius audiendæ veritati non præbeant aures, sed ex istis præjudicatis opinionibus singula dimeriantur.

Non heic repetenda, quæ a doctissimis inter Catholicos, iisque plurimis viris hucusque scripta, apertissime produnt, quam ma-

le consuta sit, & quam facile evanescat hujusmodi fabula: Neque enim ullius erroris insimulari potest Ecclesia, uti patet ex istorum Libris: & ne cogitandum quidem est, eam in errores prolapsam, nisi Christum falsa promisisse, ejusque Apostolos falsa tradidisse concedamus: quod sane dementis est vel suspicari inter Christianos. Tum ex iis Dogmatibus, quæ Ecclesiæ Catholicæ a Protestantibus tribuuntur, nonnulla eidem falso tribuuntur, reliqua vero ab errore longe absunt. Nostrum est tantummodo investigare, num tutam ad veritatem iter arripiuerint Protestantum Ingenia; non arripiuisse autem cum certum est Catholicis omnibus, cum reliquis certum esse deberet, si in considerationem veritatis oculos sinceros soliciatosque intenderent.

Hæc est Protestantum Methodus. Ex unis divinis utriusque Testamenti Libris veritas speranda est, & Christianæ Religionis Dogma haurienda. Tunc Ecclesia decretis standum non est, quum ea minima consentiunt cum divinis Litteris. Ita illi. At quisnam certo perspicere possit, quis sit germanus divinorum verborum sensus? quisnam certo decernere, quando Ecclesia cum Scripturis consentiat, aut ab iis (si superis placet) etiam dissentiat? Una humana Ratio, necepsa est respondeant. Nonnulli quidem inter eos, Calvinistæ scilicet & Quakeri, cælestem quemdam asslatum excogitarunt, quo ducti singuli Christiani germanam percipiante Scripturarum mentem. At postremam hanc insanam opinionem jamdiu exhibilarunt prudentes rerum judices. Inde enim prodiit non

36 DE INGENIORUM MODERATIONE

una aliorum Fanaticorum familia. Cælestem autem hunc afflatum temere configi patet in tanta Sectarum diversitate, in tanto opinionum bello: quod certe abesset, si in singulos homines ista vis intelligenda divinæ Scripturæ e cælo descendenter. Et quis inter errorem veritatemque dijudicet, quando unusquisque suas a Deo cogitationes accepisse se dicat? Deum potius ipsum irrationi exponamus, ubi contraria ab ipso suggesti arbitremur. Igitur eo consurgere coacti sunt inter Protestantes minus incauti, ut humana Rationi supremum sive postremum tribuant decernendi jus in controversiis & quæstionibus Christianæ Religionis. Ne vero ultra humana Rationis vires excedere videretur hujusmodi facultas, adeo manifesta esse ac per se dilucida divinorum Librorum verba & sensa sibi persuaserunt, ut cœcute nisi volens ibi non possit Ratio.

Sed duo sunt, quæ hanc Methodum maxime temeritatis & imprudentiae arguant. Nempe hinc humana Rationis explorata infirmitas, inde minime aperta omnium oculis sacrorum voluminum sensa & verba. Et quod est ad hominis Rationem, jam supra vidiimus, quam debilis sit illius vigor, quam periculosa sit illius fides, nisi cælesti lumine, præcipuisque a Deo viribus juvetur. Et quod est ad sacras Scripturas, nemo est qui non sentiat, plura ibi esse & ardua, & obscura, & in speciem contraria, quæ justissimas hærendi causas, vel acutissimis viris ingerant, & quorum sensum ac mentem difficillimum sit decernere. Et sane evidenti consilio suæ bonitatis videtur voluisse Deus illorum ipsemet confutare opinionem, qui tantam Scripturis sacris lucem & sensuum claritatem, Rationi vero tantas vires inesse jactitant. Eos enim permisit inter se omnino discordes esse, & perpetuis certare litibus & odii in statuendis tot Religionis Christianæ Dogmatibus. Eorum quilibet utriusque fœderis Libros intonat; Rationem quoque sibi esse magistrum nemo ex iis non credit. Nihilominus aliter hic, aliter ille sentit, immo contraria sentiunt ac docent aut de attributis & dotibus Dei, aut de ipso Deo uno ac trino, aut de Filii ac Spiritus sancti Divinitate, aut de Gratia & libero Arbitrio, de necessitate Baptismi, de Sacramento Altaris, aliisque id genus. Præterea mirum est, quam sære una eademque Secta septentiam mutaverit, & diversa de uno eodemque Dogmate tradiderit. Itaque temere vividum Rationis lumen, & aperta Scripturarum sensa jactantur, adeo ut non indocta solum plebs, sed ne ipsi qui-

dem doctissimi viri habere pro certo possint, se ad veritatem peruenturos, hac adhibita Methodo, qua ad errorem æque perducit.

Contra Catholicorum Methodus pedem certo figit, & homines cum doctos, tum indoctos errare non finit. Nam ubi ex aperio Scripturarum testimonio evidenter cognoveris, Ecclesiam a Christo fundatam fuisse, & numquam Inferorum machinas contra eam esse vim habituras, ipsamque esse columnam & firmamentum veritatis, & sanctum Spiritum eidem perpetuo assuturum: si Christo fidem habere est animus, continuo hinc sequi intelligis, te eo tutius ad veritatem accessurum, quo arctius hujus Ecclesiæ sententias amplectaris. Neque ulla Rationi recte insertur injuria; omnium enim potentissima est ratio ista, videlicet: *Eidem tuto ac sine dubitatione credendum esse, quæ neque falli possit, neque fallere velit, cuiusmodi esse constat veram Christi Ecclesiam, quam de Christianæ veritatis doctrina fidem facit.* Quare nihil est, quod nos veluti mancipia arbitrentur, ulrumque Rationis abiecisse dicitur Protestantes. Nam præter innumeratas rationes præcipuas, quibus vel seposita auctoritate Ecclesiæ, singula Catholicorum Dogmata confirmantur, utpote quæ sacrarum Scripturarum, aut antiquissimæ Traditionis testimonio fulciuntur, nos ipsa Ratio docet, numquam magis pollere mentem nostram, & ratione uti in judicando vero, quam quando se judiciis Ecclesiæ accommodat, quæ a Deo habet, ne umquam in Dogmate fallatur, aut fallat. Catholici itaque non secus ac Protestantes, divinis Scripturis & rationibus in Fidei doctrina stabiliendâ, sive credenda, utuntur. Sed hæc inter utrosque differentia intercedit. Protestantes divini Verbi sensum, & Religionis dogmata metiuntur e privato cujusque ingenio, uti Ratio in consilium adhibita unicuique persuaserit. Scilicet in re tanti momenti judicem & consiliarium sibi adsciscere infidelem, atque infirmum, uti quomodo experientia docet, satisque testantur ferventes adhuc inter ipsosmet controversiæ. Catholici vero cum Ingenium suum, tum Ecclesiæ vocem auscultant in exquirendo & statuendo Litterarum sacrarum sensu. Ingenium autem suum, si forte ab Ecclesiæ voce dissentiat, silere malunt, quam loqui. Consilio utique salubrissimo, quippe non fallacem consiliarium, sed certissimum judicem a Christo ad dictimendas Fidei controversias constitutum sibi pertinet. Nemo prudens inter Protestantes Spiritum Dei sibi certo adesse jactet, per quem ab erro-

errore se protus immunem polliceatur. Et ne ullus quidem inter privatos Catholicos tantum sibi e cælo munus tribuat. Verum ubi nos Ecclesiam audimus & sequimur, cui Spiritum suum, Spiritum Veritatis, ut Johannes Apostolus testatur cap. xiv. 10. usque ad consummatiōnēm sœculi numquam defuturum, Christus spōndit; quis non videat, nos tutissimam non errandi viam inire? Idem unusquisque intelligat; ceteros ab Ecclesia Dei discordes ex eorum sententiā incertos saltem in Fidei controversiis esse debere; ex nostra vero sententia, ubi a nobis dissentunt, eos certissime errare.

Sed quum hac ex parte se victos sentiunt Protestantēs, alio se convertunt, redeuntque ad ingenium suum. Quod animo olim percepērunt, Catholicam videlicet Ecclesiam eorum parentem pravis abundare opinionibus, & sacrilegiis operam dare, id ante illorum oculos iterum iterumque recurrit. Hinc ex effectibus argumentantur ad causam, contendentes, quandoquidem Ecclesia erravit, nullam eidem ab errore immunitatem a Deo concessam. Evidēt heic appellare juvat eorum fidem, & rogare, ut depositis præjudiciis & affectibus anteceptis Rationem diligenter auscultent, quam judicem sacrarum Scripturarum ipsi statuerunt; & nos non solum non abhorremus, sed heic ultro & enixe caussam dicere volumus. Quid est, quod eos certos facit de Catholicæ Ecclesiæ erroribus? Scriptura divina, inquiet. At Scripturam ipsum Catholici proferunt, & non tantum eamdem a se stare credunt, & demonstrant, sed unam obstat pertinaciam censem, ne id Protestantēs quoque videant. Utra ex his partibus rectius interpretetur divinos Codices, incertum sit. Quis item dirimet, quis feret sententiam? Reata, inquiet, Ratio, adhibito Disciplinarum omnium, & Critice, Linguarumque præsidio. At Catholicis quoque Scientiarum, Critica, Linguarumque præsidium adest, adest & enixus veritatis ac æternæ viri desiderium; & rectam in iis Rationem desiderari, nullus inter Protestantēs, ut credere juvat, sibi persuadebit. Quem ergo ulterius judicem appellabimus, quæstionem adhuc vigentem postremo voto decisum? Nullum alium puto, quam Deum, cuius tamen sententiam nobis, nisi post exactos mortalis hujus vitæ dies, audire licebit. Interim vero, quum saltem incertum Protestantibus æquis remanere debeat, num Catholicæ Ecclesia errorem fuerit amplexa, qui ex his incertis criminibus everttere volunt certam de minime fallaci Ecclesia sen-

tentiā in Scripturis sacris evidenter fundatam, & recte Rationis suffragio fortissime comprobata? Cur certa iis quoque esse non incipit ista sententia, quando ne certam crederent, una obstabat anteacepta persuasio, Ecclesiam nempe in quosdam errores jam fuisse prolapsam? Ratio profecto monet, propter id, quod incertum dubiumque est, ea non esse rejicienda, qua certa sunt. Rursus ipsam Ratio Catholicos bono esse animo jubet, & veritatis posse decernit. Evidētissime quippe promissum in Scripturis sacris legunt, Ecclesiam Dei numquam a veritate defecturam, semperque Veritatis futuram esse magistrum; deinde evidenter cognoscunt, Ecclesiam nihil tradere, quod Scripturis a Deo traditis repugnet, aut per ipsas dilucide non probetur. Quare sentiunt se falli non posse, dum auctoritate Ecclesiæ Catholicæ nituntur, quæ auctoritas præsidium simul est, & frenum Rationis. Præsidium, ut Rationi media pateat via, in qua verum sedet; frenum, ne ad extrema Ratio declinet.

Porro ex effectibus diximus intelligi, quanti sit aestimanda Protestantium Methodus, & num Deo probari possit, qui unam semper & concordem vult esse Religionem suam; & num Rationi arrideat tantopere ab erroribus abhorrenti. Lutherus (ut veteres omittam Hæreticos) irarum plenus in Ecclesiam Catholicam parentem suam, adulterii arcessitam, insurrexit. Quæ Ingenio suo, aut, si mavis, Rationi suæ visa sunt divinis conformia Scripturis, probavit; quæ deformia, rejecit, damnavit. Non exemplo suo tantum, sed grandi etiam voce docuit, contemnendam esse Ecclesiæ vocem, unice que respiciendam esse Scripturam. Quod necessario consequebatur, fortasse tacuit; videbat, pro Ecclesiæ voce Rationis vocem auscultandam esse, & Rationem divini verbi judicem adscendam; quasi Ratione Ecclesia ipsa non uteretur. Fallacissima hæc methodus continuo Zwinglios, Oecolampadios, Carolstadios, Anabaptistas, & innumerosa alios Religionis doctores peperit, quibus nihil antiquius fuit, si ipsis fides, quam divinis hærente Libris, hoc est Scripturas sacras ex ingenio suo, suæque privatæ Rationis consilio interpretari, & Catholicam interim Ecclesiam collatis viribus oppugnare. Verum hinc mille monstra sententiarum, milie Sectarum prodierunt, contrariis opinionibus non minus inter se, quam contra Catholicam Ecclesiam pugnantes. Tuit eadem ætas Calvinum, alteram Europæ facem, & Anglos invasit male sanus idem ardor, qui reliquum Septentrionem in tot opiniones disser-

scruperat. Successore Sociniani, tum eorum, pene dixi, gregales Arminiani, Syncretista, Quakeri, aliquae Fanatici, Independentes, Præadamita, & ut brevius dicam, non facile numeranda aliarum Sectarum frusta. Singulos ex ipsis contraria ac diversa tradentibus interrogas. In eorum, dicant, casis divina Scriptura, Veritas, & Ratio militant; in reliquorum error & falsitas. Et tamen ne uni quidem e tot Christianorum sectis a Catholica Religione avulsi ad sunt Credibilitatis Argumenta, qualia sunt Antiquitas, Unitas doctrinæ, Episcoporum successio ab Apostolis, Miraculorum virtus, atque alia hujusmodi.

Quæ igitur incommoda e Protestantium methodo fluunt, nullo negotio colligas. Primo, ne doctis quidem & acutis hominibus facile erit in tanta opinionum diversitate cognoscere, quæ ad Veritatem certo accedat, quum utrumque Scriptura sacra, & rationum pondus jactetur, & æque una pars ac altera se pravalere lumine rationis, seu rationum vigore, enixe contendat & credat. Secundo, multo minus id populis imperitis licebit, tum quod eorum non sit, rest de tantis licibus inter Protestantes agitatis judicare, tum quod nulla suppetant potentissima Credibilitatis Argumenta, quæ in hanc potius, quam in alteram partem, inclinent indoctorum mentem. Tertio, novi in dies emergent Sectarum autores, novæ sententiæ, nova deliria, dum quisque sibi sumit divinos Codices pro suo interpretari ingenio, nullumque frenum suæ Rationi statuit. Neque temeritatis argui a ceteris Hæreticorum sectis quisquam poterit, quippe non aliter hic se regat, ac se rexerit Lutheri, Calvini, aliorumque Protestantium chorus, & ipse sibi idemmet jus, eamdemque tribuat libertatem, quam sibi summam reliqui Novatores putarunt. Ita fiet, ut nulla sit infania, nulla perversa opinio, quam veluti Christi doctrinam invenire non audeant ac possint hominum ingenia. Continget etiam, ut nulla superstitio ratio avocandæ ab errore, & convincendæ hujusmodi gentis, ubi ingenio, quod est difficillimum, hæc cedere aliis nolit. Et jam vidit Christianus orbis, in quas opiniones tetricimas deprædicatum hoc Rationis lumen trahere facile possit. In Religione Christiana Dogma nullum est, quod ab aliquo homine, aut aliqua Secta negatum, inspu-

gnatumque non fuerit. In Atheismum, aut Scepticismum tandem ista opinandi licentia commodissime desert. Denique Lutheranus Calvinistas evertere nondum licuit; Remonstrantes nihil duxere minus, & Synodos Calvinianas; & inter tot Sectas internecinum odium, aut æque abominandum Syncretismum vigere adhuc cernimus.

Heic rogandi sinceri veritatis investigatores & recti amantes, quid eorum Ratio suggerat, quum hæc & alia plura, quæ hanc in rem adferri possunt, serio & affectibus tacentibus expendunt. Omnibus utique illa respondere deberet, fieri non posse, ut per hanc periculosam methodum ad Veritatem sine dubitatione perveniat. Fieri itidem non posse, ut Christus, qui veritatem suæ doctrinæ non solum apud homines æternum durare, sed etiam in omnem terram effundi, & facile ab hominibus cognosci posse voluit, hanc unam tradiderit adeo fallacem regulam, qua vera Scripturarum suarum mens innotescere possit. Nisi aliter ille consuluissest Religioni suæ, ac infirmæ rationi, qualis in hac misera natura deprehenditur, voti sui (dicere bona fide liceat) numquam factus fuisset, fieretque compos. Immo hinc consequitur, Religionem Christianam, ejusque auctorem Deum, deridendum Infidelibus exhiberi ab iis, qui nullum aliud præter Rationem humanam infinitum a Deo tribunal arbitrantur, cuius sit finem imponere controversis quotidie in sacrarum Litterarum interpretatione exsurgentibus, & cujus sit tum certo propone-re, quæ aut credenda aut neganda sint, tum frenum temerarii Ingenii injicere. Tandem nullam a Lutheri, puta, & Calvini sectatoribus adferri posse rationem contra ipsis æque ac nobis detestandum Socinum, quæ in ipsorum caput non recidat; & tunc ipsos vinci ab Ecclesia Catholica, meritoque damnari, quum Socinum ipsi vincere & damnare contendunt. Et certe Socinianæ pestis, aliorumque hujusmodi monstrorum ortum permisisse Deus videtur, ut Lutherani & Calvinistæ hinc etiam discant, quam temere ab Ecclesia Catholica ipsi prius defecerint, quando ipissima eorum methodus Socinum, Spinosam, & mille alias Hæreticorum sectas peperit, & armavit, novasque in dies singulos parere & armare potest, exarmare autem aut expugnare non potest.

C A P U T X.

Auctoritas Ecclesiae Catholicæ in Fidei doctrina a Phereponi objectionibus vindicata. Ei non sine ratione credimus. Fallaci auctoritati Protestantes addicti, & incerta apud eos Veritatis consequentia. Antiquitas doctrinæ in Christi schola, & credentium multitudo, robusta Veritatis argumenta. Novitas & paucitas, erroris indicium extra Catholicam Ecclesiam. Phereponi in hanc rem animadversiones confutatæ.

Instante sunt omnes Hæreticorum sectæ, ubi una in alteram insurgit, sed facile vincendæ ab Ecclesia Catholicæ, quoties ipsæ tum suam, tum Catholicorum methodum, ambarumque longe diversa consecratio placidissimis mentibus simul conferant. Quum ergo demonstratum fuerit, quam sit fallax, periculosa, & a mente Dei aliena illorum methodus, qui in una vi Rationis seu Ingenui sui, statuunt veram divinarum Litterarum & Christianæ doctrina interpretationem: reliquum est, ut nulli privato homini infallibilitatem tribuamus; sed Ecclesia veræ, hoc est universali, in qua Spiritum sanctum veracem sacramentum Codicum interpretarem semper ad futurum Christus pollicitus est. Necessariam autem esse, atque a Deo propterea Catholicæ Ecclesiæ datam istam auctoritatem, Ratio cognoscit, ut tot absurdæ evitentur hactenus commemorata. Immo, ut vidimus, factæ id testantur Scriptura manifestis verbis, & Sancti Patres, & antiquissima Traditione, & usus tot sacerdorum apertissime probant.

Statuta autem hujusmodi auctoritate, cum docti, tum indocti, prætermisso etiam examine controversiarum, conquiscere merito possunt, utpote certi se ab errore absutros, quoties id credunt, quod Ecclesia Catholicæ Spiritu Dei erudita credendum proponit. Atque hoc ipsum illud est, quod S. Augustinus cap. 7, de Quanti. Animæ ajebat, nempe, Auctoritati credere magnum compendium esse, & nulum laborem, & animis tardioribus ac imperitoribus utilissimum esse excellentissime Auctoritati credere, & secundum hoc agere vitam. Quæ tamen verba ita Phereponus in animadversionibus vellicabat: Sed prius ipsa illa Auctoritas expendenda est, quam ei fidem habeamus; ita ut ei per omnian credamus, quia nobis indubitatis argumentis constat, eam nec falli, nec fallere. Alioqui stultum esse ei credulitatem suam addicero, a qua verum dici nulla ratione consaret. Sin minus, barbari omnes populi, qui Sacerdotibus, aut Majoribus suis tam multa

temere credunt, recte facere dicendi essent. Compendiaria via etiam progrediuntur, sed ut ad omnis generis errores perveniant, ex quibus numquam se expedient. Hæc quidem bene habent, modo ipsi persuadere nolit, Catholicam Ecclesiam falli ac fallere posse, & Augustinum in ea fuisse opinionem, ut Catholicorum Sacerdotum auctoritati sine consilio, sine ulla ratione, fidem adjungendam esse censeret. Augustini hac de re sententia aliis in locis, ut vidimus, expressa est. Sed quæ heis Censor dicere pergit, non sunt facile dimittenda. Itaque, ait, omnes cavere oportet, quibus cordi est Christiana Religio, ne idem ei fundamentum ponant, quo maxi- mi & turpissimi quique errores nituntur.

Si Catholicæ Ecclesiæ sententiam & usum heis ille carpit, sicuti suspicari cogimur, nam Phereponus male collocavit optimum documentum. Nam, ut hactenus ostendimus, ideo Catholicæ Ecclesiæ auctoritati credunt, quia indubitatis argumentis ducti eam vident neque falli, neque fallere posse; & cuicunque poscenti auctoritatis hujus rationes parati sunt illas dare, priusquam exigant, ut Catholicæ doctrinæ fides habeatur. Tantum autem abest, ut posito hujusmodi fundamento Catholicis errandi periculum immineat, ut sine isto fundamento nemo de veritate sit certus, nemo errandi periculum effugiat. Quod si Pherepono animus fuit his verbis erudire suam gentem: laudandus est profecto illius zelus, commendanda prudenter. Ejusmodi enim consilio nemo plus indiget, quam Lutheri Calvinique familia. Ex his plerique omnes, etiam reliquorum hominum, suorumque etiam Pastorum auctoritati in Religionis negotio pro rursus renunciandum, & uni Scripturæ credendum verbis affirment: re tamen & usu nihil magis sequuntur, quam sui institutoris, suorumve Pastorum Auctoritatem, sive confidentiam. Siquidem quis e minato rudique popello, quis (ne graviora dicam) ex semieruditis, id studii, id Lioguarum Orientalium, id Critices & eruditissimis secum attulit, ac affert, quod apprime-

ne-

necessarium est, ut exhaustantur controversiae omnes inter ipsos & Catholicos, & rursus inter ipsos aliosque Hæreticos vigentes? Si non attulerunt (quod arbitror sincerus quisque fatebitur), ergo certa minime est eorum Ratio, se veritatem eibisse, erroresque vitasse. Et quidem quando apud ipsos valere non debet Auctoritas, ratio poscit, ut unusquisque singula dogmata in quaestio- nem adducta perpendat, & rationes utrimque allatas sedulo examinet: ad quod praefundum incredibile dictu est, quot præsidia, quot anni, & quanta vis mentis exigatur. Catholicos a tanto labore eximit facile cognita sua Ecclesiæ veritas ac veracitas, cum qua sciunt se errare non posse. Quum igitur e Christianis non Catholicis plerique Auctoritatis contemtores, & Rationis unius præcones, in Religionis tamen negotio se inconsulto duci sinant auctoritate suorum Pastorum, divinas Scripturas pro suo ingenio interpretantium: prudenter iis auctor est Phereponus, ne tali fundamento fidant, quod ex eorum sententia dubium est, ac errori æque inservit, immo ex nostra quoque sententia fallacissimum est, nisi quum Ecclesiæ Catholicæ auctoritati creditur, cui divinum Spiritum adesse, semperque ad futurum ostendimus.

Et sane Pherepono liceat hisce consiliis erudire populos sui similes, hoc est Ecclesiæ Catholicæ rebelles, liceatque illi Remonstrantes ab auctoritate Dordracenæ Calvinianæ Synodi eximere. Prædictet ille Rationis iura, & pericula explicet iis imminentia, qui Auctoritati fallaci suam addicunt credulitatem. Sed vicissim patiatur, ut sibi met ipsi Rationem tantopere commendanti, paucis mutatis sua verba reddantur. Ita Ratio, ejusque vigor prius expendens est, quam ei fidem habeamus in rebus Fidei, ut ei per omnia deinde credamus, quia nobis indubitatis argumentis constat, Rationem nostram falli non posse. Alioqui stultum esset, eam arbitrari certam veritatis Magistrum, quam talem esse minime constaret, & quam sèpe falli, & in errores turpissimos labi exploratum foret. Atqui Christianæ omnes Sectæ, a Catholicæ Religione abhorrentes, Rationem suam privatam constituent sacrarum Litterarum certissimam interpretem, eaque via tuto se progrexi singulæ opinantur, sed ut ad omnis generis errores perveniant, ex quibus numquam se expediunt. Ergo cavere omnes oportet, quibus cordi est Christiana

Religio, ne privatum consilium Rationis hoc est, idem Religioni fundamentum ponant, quo maximi & turpissimi quicunque eröres, & tot Hæreticorum deliria nituntur, & ne abjiciant Catholicam Petram, in cuius unius stabilitate humana Ratio fixa sperare potest, se a lapsu immunem semper esse futuram. Quod est ad Catholicos, ii luculentissime suis in Libris ostenderunt, & ostendere iterum possunt, ad Auctoritatem minime fallacem Ecclesiæ Catholicæ nihil pertinere Phereponi censuram. Neque enim nos Auctoritati sine ratione credimus, neque Rationem excludimus, sed cum Auctoritate conjunctam volumus: quæ concordia tum demum Rationem robustissimam facit, tutoque ad veritatem perducit. Verum quod est, ad Protestantes, tunc ostendet Phereponus, eosdem nequaquam abuti Rationis lumine, quum palam fecerit, tot tamque varias ac oppositas Hæreticorum sectas, tot errores, tot monstra opinionum, ex ista Rationis humanæ superbia, tamquam ex equo Trojano, nequaquam prodiisse.

Multa autem magis Catholicorum Ratio in cognitionem veritatis, quam amplexa est, confirmabitur, ubi tot notas contempnietur, quæ nos docent, omnium Hæreticorum nunc vigentium Sectas carere nomine veræ ac veracis Ecclesiæ. Nempe non originis solum, sed etiam doctrinæ novitatem, turbas, & humanas artes, per quas inventa plerumque fuerit hæc nova doctrina: nulla miracula, nulla signa earum auctoribus fuisse, quamquam necessaria, ut veritatem suæ novitiae doctrinæ testarentur e cælo venire, ostendentesque, Catholicam Ecclesiam ejusque auctoritatem esse repudiandam. Iis auctoribus (quippe neque a Deo, neque a legitimis Pastoribus ad prædicandum missis) defuisse legitimam vocationem, legitimamque docendi auctoritatem, quam tamen Apostoli, recta politia, & Ratio in Ecclesia Dei aperte exigunt, ne cuicunque liceat errores sub specie veritatis disseminare, & idemtide novas condere Religiones, easque incautis eo obtrudere titulo, quod vetus Religio e suo jure & e veritate exciderit. (* Denique nihil simile habere cum vera Christi Religione inconstantiam Doctrinæ, quam inter Protestantes facile est comprehendere.) Juvat etiam addere, quod Catholicis solatio sit, & reliquis incitamento, ut unam amplectantur Catholicam Religionem. Quocumque odio in istam Ecclesiam rapiantur præcipui ex re-

cen-

* In præcedentibus editionibus: *Deinde nihil simile habere & cetera usque ad verbum depribendere; post quod verbum, delevit Auctor sequentia: Tandem ab Ecclesia vera abhorre quecumque intoleranda absurdâ sequuntur, & quando vera esset excusatæ ab Hæreticis Ecclesiæ Catholicæ in errores defœcio; atque admittenda foret illa methodus, quam tantopere prædicant & sequuntur Heterodoxi.* Juvat etiam &c.

centioribus Hæreticis, fateri tamen non dubiarunt, neque dubitant, quin istius quoque sectatores, modo ad Evangelii normam & mandata suos mores componant, æternam salutem adipisci possint. Id in Libris Lutheranorum, Calvinianorum, Syncretistarum, & Socinianorum legere est. Quum ergo ex consensu vel inimicorum certum sit, veritatem & salutem in Ecclesia Catholica haberi posse: contra vero, quum e Catholicorum sententia, cui Apostolorum, sanctorumque Patrum, & totius Antiquitatis voces convergent, certum sit, inter Hæreticos, sive Lutherum, sive Calvinum, sive Socino, sive aliis addictos, æternam salutem obtineri non posse: Ratio manifestissima suadet, Auctoritatibz Ecclesiæ Catholice standum, & non immorandum in Hæreticorum cœtu, sed in illius finum esse volandum, a cuius unius communione speranda est communis suffragio salus. Tanti namque momenti salus æterna est, ut certo periculo (si vera est Catholicorum sententia) exponenda non sit in Hæreticorum castis, quando periculum omne in Catholicæ Schola vitare fas est.

Sed nos ad Phereponum regredientes exquiramus, quid sibi alio in loco is velit. Sanctus Augustinus in Lib. de Util. credendi cap. 16. hæc de Christo pronuntiaverat: Ergo ille afferens medicinam, quæ corruptissimos mores sanitata effet, Miraculis conciliavit (sibi) Auctoritatem, Auctoritate meruit fidem (His verbis liberâliter assentitur Phereponus, at non sequentibus), fide contraxit multitudinem, multitudine obtinuit veritatem, vetustate roboravit Religionem. Inquit enim Censor: Quamvis Christus fide sibi facta apud multitudinem, Ecclesiam suam consideret, atque conditam auxerit: attamen eo non spectavit, ut aliquando Religionem vetustate roboretur, quasi vetustas argumentum quandoque futurum effet veritatis. Non adsentimur iis, qui Christi dogmata sequuntur, quia antiqua est illorum fides, sed quia sententia est veritatis celesti, cui fidem Christus miraculis suis fecit. Strenue suam causam heic agit Phereponus, argumentum a vetustate petitum expendens, utpote qui toties objici sibi non tantum a Catholicis, sed & ab ipsis Calvinis asseclis, sententiarum Arminianarum novitatem memisit. Et revera vetustatem opinionum, * ut ut veneratione fere semper digna sit, non esse tamen certum argumentum veritatis, nihil verius est in opinionibus ad Physicam, ad Astronomiam, & ad nonnullas alias Artes spectantibus. Sed miror, Logicum, Criticumque virum aut animadvertere nolle, aut nolle fateri, quan-

tum ponderis sit vetustati in Theologicis, atque Historicis rebus. Primi generis sententias nulla antiquitas opinantium veras esse persuadere potest; nulli quippe ex antiquis magister aliquis fuit falli necius, qui eos de veritate hujusmodi opinionum certissimos efficeret. Ingenium suum cuique pro magistro erat. Quum autem antiquis Philosophis interdum ingenio recentiores non cedant, immo isti illis nonnumquam antecellere possint, majore nempe studio, pluribusque quam antea adminiculis suffulti: quis non videt, æque in recentiorum, quam in veterum placitis veritatem haberi posse, nihilque esse, quod supra nos Majores nostri sibi tribuere possint in hujusmodi veritatum inquisitione, nisi quod ante nos inquisierint, nobisque faciliorer straverint viam ad veritatem ipsam inveniendam?

At longe aliter se habent secundi generis sententiae. Si sit quæstio, utri ex duobus Historicis in re quapiam discordibus adhibenda sit fides, & par sit utriusque fidelitas, judicium, ac eruditio, & utrimque verisimilia narrentur: nemo inter Criticos futurus est, qui non judicet, antiquiori potius quam recenti credendum, multoque magis antiquissimo in comparatione admodum novitii scriptoris. Accidit id quoque in Theologicis rebus. Disputatur inter Christianos, quænam sit vera Christi Ecclesia, & verane, an falsa sint Dogmata quædam. Litem dirimere non licet, affirmantibus singulis, suam doctrinam, ideo veram esse, quod consentanea sit veritati celesti, cui fidem Christus miraculis suis fecit. Potentissima ratio monet, secundum illos judicandum esse, qui vetustatem sententiae, & Ecclesiæ suæ, ad Apostolos usque & ad Christum perducunt; reliquos vero longe a veritate recedere, quibus cum Ecclesiæ, tum dogmatum novitas exprobri potest. Quis enim melius, quam Antiqui, & Apostolorum aquales, sive Discipuli audire, aut rescire potuerunt, quæ Christi mens & doctrina fuerit, quidve credendum, agendumve ipse proposuerit, quum hæc ea sint, quæ non ex ingenio hominum, sed ex revelatione Dei & Christi pendeant?

Eoque magis valere id omnes intelligent, quum de aliquo Dogmate, sive Scripturarum sensu, lis est inter quosdam recentiores, quindecim aut sexdecim saeculis ab Apostolorum temporibus disitos, & alios uno, duobus, aut tribus saeculis ab iisdem temporibus remotos; & potissimum si Ecclesia tota, & sanctorum Patrum consensus, & immemorabilis Traditione militet contra paucitatem & novitatem recentiorum. Nam non

* Al. ut ut veneratione fere ficeret dignam.

non agitur de constituta Religione secundum arbitrium nostrum, aut de intelligentis atque explicandis Christi dogmatis & Literis sacris, prout ingenio nostro magis aridet: quod ne ipsum quidem Phereponum velle arbitror, quamquam ipsa ejus dicta & facta nihil aliud velle preferant. Sed agitur de retinenda Religione, quam Christus, certissimus veritatis Magister, revelavit, & de intelligentis atque explicandis Codicibus sacris, quemadmodum a Christo ejusque Apostolis intellecti sunt atque explicati. Nemo autem credendus est heic magis scire, quam qui ait Apostolos praedicantes, aut Apostolorum successores audire, & quæ falsa, quæ vera forent, probe callere potuerunt atque debuerunt. Contra nemo in hujusmodi controversiis minus audiendum est, quam qui tot seculis ab Apostolorum ætate remoti unum suum ingenium judicem faciunt in tanti momenti rebus, & sibi superis potius credi postulant, quam Antiquis, quibuscum Ecclesia Catholica consentit, semperque consensit. Quapropter nihil certe ideo verum ests quia antiquum: Sed in controversiis inter Christianos agitatis robustum Veritatis argumentum, sive ut melius dicam, indicium, Antiquitas est. Et si alia accedant Veritatis indicia, qualia habet una Catholica Ecclesia, certos homines efficere potest ac debet de veritate doctrinæ. Indicium contra atque argumentum falsitatis est Novitas; atque ab ista cavere quam maxime oportere, & hinc etiam discerni Hæreses & Pseudoprophetas Apostoli monuerunt. Hæc autem adeo certa sunt, ut quicumque pejora etiam & falsissima Dogmata duobus proxime præteritis seculis commentus fuit, non nova se tradere, sed antiqua, & Apostolis eorumque successoribus probata, persuadere necesse duxerit. Quia in re quantum eos fallat sua eruditio atque conatus, apertissime patet ex Catholicorum libris. Itaque non est, cur Phereponus in Theologicis inanem putet esse vim & auctoritatem Antiquitatis, non secus ac si de Philosophicis ageretur. Telum hoc omnium consensu acutissimum est, sed tantummodo in Catholicorum manibus vim suam exercet. Multo minus fuit, cur Phereponus Augustino non adsentiretur, pronuntianti, Christum vetustate robore Religionem. Tuebatur Augustinus adversus Hæreticos veritatem ejusdem doctrinæ ejusdemque Ecclesiæ, quam & nos commendamus & pro viribus tuemur, hoc est, agebat contra illorum Christianorum genus, qui novitatem cum originis, tum doctrinæ, & Ecclesiæ præfrentes, ab Antiquitate Catholicam Ecclesiam atque doctrinam robore, vincuntur. Pro-

pterea de Christo; inquit: *Vetustate roboret Religionem, quam non solum Hæreticorum ineptissima novitas fraudibus agens, sed nec gentium quidem veterofus error violenter aduersans, aliqua ex parte convelleret.*

Agnoscit hoc Phereponus, & tamen dicere pergit: Sed Augustino commodum erat talibus argumentis uti in Hæreticos ac Schismaticos, quibus passim novitatem, & paucitatem exprobaret, quas olim Christianis exprobaverant Ethnici. Utrum a Vetustate petitum argumentum vim habeat in Hæreticos ac Novatores, iam vidimus. At nescio cur heic producendos sibi putet Ethnicos, eorumque exemplum Augustino objicit. Si par fuisset Gentilium, & Christianorum causa, hoc est, si rationibus utriusque pugnatum æqua fuisset, & Christianis nullum succurrisset evidens Veritatis argumentum, excusatione dignum fuisset hominum judicium, si Christianæ Religioni Ethnica prætulissent, quam nimis neque ulla gravior adverse partis ratio vinceret, & contra vetustas ac amplitudo evidentius commendarent, quam Christi Fidem. Sed hinc Miraculorum splendor, Prophetarum oracula evidentissime completa, & sanctitas Legis Christianæ; inde vero vel ipsi Ethnico vulgo facile nocenda, atque eruditis fere omnibus certe nota Religionis Idolatrica impietas ac infania, tantum roboris addebat rationibus Christianorum, tantum detrahebat Religioni Gentilium, ut ipsa novitas & paucitas Christianæ gentis nomine obstat debet, quin doctus quisque & indoctus ad castra Christianorum transire. Quod autem est ad Catholicos & Hæreticos, inter se pugnantes, utraque pars rationes & Scripturas pro sua sententia adserebat. Rationibus certe Catholici præstabant. Verum id negantibus adversariis, par videri multis potuisse causa, & ances istius contentio exitus, nisi Catholicorum rationes evidenter juvisset sententiarum vetustas, & Ecclesia amplitudo. Jure ergo ad Catholicos inclinare debuit victoria; nam ii mentem Christi, verumque sensum Scripturarum melius ac certius novisse credendi erant, qui proprius ad ipsum, ejusque Apostolos, antiquitate accedebant. Quamquam quid Phereponus ait de novitate Christianæ Religionis præ vetustate Ethnica superstitionis? Ne hoc quidem habebant Gentiles, quo se Christianis in ea controversia præferrent, immo heic etiam evidentissime vincebantur. Et profecto ignorare non potuit ipsem Phereponus, quod cuivis eruditorum patet: nempe Christianam Religionem eamdem cum Judaica esse, & propterea ad Adamum usque contingere, & Religionibus reliquis antiquitate præire. Quid

Quid in hanc rem scripserint Clemens Alexandrinus, Eusebius Cœsariensis, ipse Augustinus, aliqui sancti Patres, & recentiores non pauci, præ omnium manibus est, & sat erit meminisse. Parum igitur opportune, paramque eruditus Phereponus huc adserit Ethnorum exemplum, ut jura veteruntatis, hoc est, Catholicorum arna, retundat.

Ceterum non hec tantum, sed & alibi Augustinum Phereponus irridet objicentem paucitatem Hæreticorum Catholicæ Ecclesiæ amplitudinem. Nor esse hoc Veritatis argumentum, ille monet; alioqui Ethnicorum multitudine considerata, Christiana Religio falsi convincetur. Et sane fatendum est, ab Ethnicorum multitudine viatos olim fuisse Christianos, & adhuc vinci. At nos in Catholicos aliis evidenteribus argumentis pugnamus, facimusque, ut frustra tuam nobis amplitudinem obificant. Quum vero controversia est inter Catholicos & Hæreticos, dicimus validissimum semper fuisse, ac fore indicium veritatis, credentium multitudinem, cum aliis indicis & argumentis conjunctam. Ab ipso Religionis sanctissima exordio ad nostra usque tempora infurrexere lupi rapaces, & viri loquentes perversa, ut Apostolus prædixerat. Schismata etiam, & Hæreses invaluerunt. Quæsumus est utrum a Catholicis, an ab adversariis vera Christi Ecclesia & doctrina staret. Ea autem perpetuo sententia sedit, non alibi stare, quam apud illos, qui Ecclesiæ & doctrinæ antiquitatem atque constantiam, multitudine quoque, successione, & concordia credentium, probarent: quod de solis Catholicis dici olim potuit, & dici adhuc potest. Propterea in Concilio Nicæno statutum est, ut ea haberetur Ecclesia Dei vera, cui præter alia signa nomen Catholicæ, seu Universalis, re conveniret. Quæ appellatio non tunc nata, sed Ecclesia vera jam indita est vel ab ipsis Apostolorum successoribus, quum *την αγίαν καθολικήν εκκλησίαν, sanctæ Catholicæ Ecclesiæ* mentionem fecerint Smyrnæi in Epistola de Martyrio Beati Polycarpi, & Ignatius Martyr in Epistola ad Smyrnæos. Sed quid haec ad veritatem? iterum inquit aliquis.

Primo sunt nonnulla cum veteris, tum novi Testamenti oracula, quibus palam fit, Christi Religionem prædicandam esse in om-

nes gentes, incipiendo ab Hierosolyma, & in omnem terram exivisse Apostolorum sonum & in fines orbis terre verba eorum. Hæc autem non de falsa, sed de nova Christi Religione prædicta sunt, & Prophétiam comprobavit effectus. Legitimum igitur veræ Ecclesiæ & Orthodoxæ doctrinae indicium esse debuit amplitudo Catholicæ Ecclesiæ cum ejus antiquitate, concordia opinionum, & successione Episcoporum conjuncta. Hujusmodi prærogativam ipsi veræ Ecclesiæ, veræque doctrinæ, & nequaque Ecclesiæ malignantium, & erroribus Hæreticorum pollicitus est Christus. Secundo, quum longe lateque propagata fuerit germana Christi Religio, atque in singulæ terræ partibus, diffitissimæ Provinciis fundata fuerint innumeræ Ecclesiæ, quæ ex Apostolorum præcepto noverant, nihil in Christi doctrina innovandum, & quod traditum fuerat tenacissime servandum: ista amplitudo non custodienda solum, sed etiam indicanda veræ doctrinæ aptissima fuit. Etenim fieri quidem potuit, ut una, aut plures etiam Ecclesiæ errarent, violarentque illata novitate documenta Christi; fieri autem non potuit, quin proximæ, atque innumerae alias Ecclesiæ piaculum itud animadverterent; quo deprehenso excogitari non potest, omnes Christianorum Ecclesiæ, & præsertim Episcopos sui muneric, veræque Religionis oblitos, filere omnes & connivere voluisse. Et certe numquam filuisse in hujusmodi casibus ex Historiis Ecclesiasticis exploratissimum est. Quare postulat ratio, ut tantæ credentium continuata multitudini, & tot Ecclesiæ sacri depositi custodibus, & antiquis, & concordibus, potius adhibeat fides, quam uni Novatori, aut paucis ejus affectis, heri & in angulo natis, & ex ingenio suo celestem doctrinam interpretantibus, & nulla signa adferentibus, quibus probent, aut se a Deo missos, aut Ecclesiæ a recta opinione descivisse, aut novitiam Sectam suam paucitate quidem cedere, doctrinæ vero sanitatem Catholicis attestare. En ergo, quid faciat ad Veritatis demonstrationem multitudino Catholicorum, & amplitudo Catholicæ Ecclesiæ, quum inter illam, & Hæreticorum Sectas, de Veritate controversia agitur.

C A P U T X I.

Socinianorum pestifera Hæresis! Deo nos quædam edocenti credendum, quamvis credenda superent captum humani intellectus. Ingenii temeritas quam heic impia. Loca Theologica, unde veritas Doctrinæ Christianæ petenda. Traditionis auctoritas, ac necessitas in Ecclesia Dei. Quibus principiis nitatur. Laus Theologiae Dogmaticæ, O Petavii V. C. quem Phereponus pluris facere debuit.

AMplissimum inquirendæ Veritatis jus, & Mentis humanæ libido, jam accipit confinia. Primum & summum Ingeniorum frenum divina Scriptura est. Alterum deinde Catholice, seu vera Ecclesiæ, vox & auctoritas. Heic ergo innendum, si certi esse volumus de fide nostra, & in Religione fortes ac invicti stare. Si enim Ecclesiam veram, si minime fallacem habemus, & probamus, omnes Hæreticorum pestes debellabimus. Sin minus, nobis perpetuum cum iisdem bellum erit, & nulla umquam utrimque victoria. Hos autem fines antiqui Hæretici, & proxime præteritis sæculis Novatores supergredi sunt. Quare aditus est factus ad tot schismata, aut vulnera Ecclesiæ, uno potissimum Luthero claustra frangente. Neque mirum, quod pejora quotidie videat Hæreticorum tellus, quodque ad impiissima tandem Spinosiscarum deliramenta deventum fuerit. Cujuscumque Rationi infirmæ ac judicio temerario apud illos derelicta est Veritatis caussa, & a duobus sæculis gloriosum sibi quisque ducit nova procudere, & ducem, non sectatorem esse. Inter eos autem, qui Christiani adhuc appellari gaudent, nemo infelicius, nemo foedius, nemo audacius impegit, quam Sociniani. Deum isti, ejusque Religionem humanæ penitus subdide-re Rationi, ut nihil amplius apud eos credatur, credendumve putetur; quod humanæ Rationis captum superet. Hoc enim qualcumque est, ipsi rectæ Rationi adversari ajunt, quasi hanc illæsam ceteri Christianorum non amarent. An ambitioso huic hominum gregi sic accensendus Phereponus noster, uti suspicantur & putant non pauci; ipse videat. Illud exploratum est, nihil in eius Libris sonare frequentius, quam ipsamet immodica Rationis encomia. Huic non raro conqueritur, Catholicos, & ceteros Christianos valedicare, eamque opprimere, ut divina Revelatio extollatur. In sententiam vero Socinianorum sensim concedere Calvinianos, dolemus quidem, sed nequaquam miramur. Etenim fatendum est, Socini scholam, licet

omnino detestandam, arctius & ingeniosius iisdem ipsius insistere & superædificare principiis, quæ reliqui Hæretici, & Calvinus potissimum, statuerunt, tamquam fundamenta suarum Sectarum, sueque ab Ecclesia Catholica defectionis. Et quum Calvinianis, ceterisque Hæreticis in oppugnando Socinianismo arma valida proorsus desint, unice a Catholicorum armamentario petenda; quumque nulla fortasse Hæresis dulcior quam ista blandiatur ambitioni Rationis humanæ; quid mirum, si despecto Calvino tandem Socinus suscipitur?

Contra vero, qui (* ex Protestantibus) æque ac nos Sociniana commenta execrantur, mirum est, si in eorum damnatione suam quoque non legunt. Mirum, si denique non intelligunt, quam necessaria sit, & quam æquitati & Christi verbis confona Catholicæ Ecclesiæ stabilitas, infallibilitas, & auctoritas, & quam improbanda Lutheri & Calvini conspiratio fuerit, quibus non alia umbratica caufsa fuit deficiendi a Catholicis, quam quæ Socinum, Arminium, & tot alias sectarum sectas a Calvino, & Luthero distinxerit. Quod est ad Socinianos, ubi temeraria ipsorum Methodus eligenda foret, brevi nullam Religionem habemus. Nam quæ monstrata Ingenio humano non placeant? Quæ revelata veritas nobis non displiceat, si quidquid inconstantibus, variis & oppositis hominum ingenii placet, aut displaceat, verum falsumve dicendum est? Et quis tandem certo statuat, ubi hominum Ratio erreret, ubi sapiat, & quæ sit recta, quæ perverfa Litterarum sacrarum interpretatio? Cur non potuerunt novæ quotidiæ proculi sectæ, quarum qualibet sibi Rationem vendicet? Cur non explodi quædam e Scripturis Canonicis? Deinde nihil intolerabilius est, "quam nihil aliud velle Deo credere, quam quod ipsi intelligere possimus, Rationique, seu Ingenio nostro, accommodatum sentiamus. Repetere autem heic juvat, sub rectæ Rationis nomine obtrudi sœpe ab Hæreticis vim, & captum, & ideas peculiares Ingenii sui. At Religio vera ab hominis Ingenio pendere non debet. Non enim ipsi

* Al. qui æque ac nos &c.

ipsi eam fecimus, sed Deus eam fecit, Deus eam revelavit. Liceat in Physicis sibi effingere systema aliquod. In Religione idem velle praestare, summa temeritatis est, immo infanæ.

Itaque ea in primis definit esse recta Ratio, quæ in Religionis negotio, atque in divinorum Dogmatum interpretatione, nullis Ingenium frenis teneri patitur, & quæ non intelligit, multa in Deo, & apud Deum esse; multa ab ipso potuisse & posse fieri; multa ipsum potuisse & posse velle, quæ captum exsuperent humani intellectus corporeis tenebris obsecuti. Hinc celeberrimus & acutissimus Philosophus Cartesius id apprime statuebat, *Deum ejusque opera non esse humano pede metienda*. Fallebantur, qui Antipodas olim negarunt, quod animo concipere non possent, homines pedibus suis in nosnos obversis ambulantes. Stultus foret a nativitate cæcus, qui ideo colores rerum & magnetem esse negaret, quod eorum naturam & aspectum mente assequi non posset. Pariterque sit demens, qui in Hominis, aut mundi opificio quadam inveniens, quæ Rationi sue aut superflua, aut incommoda, aut melius efformanda videantur, intelligere nesciat, & negare velit tantarum rerum effectricem divinam Sapientiam, & moderatricem Providentiam. Omnim porro dementissimus sit, qui Deo aliquid de se, vel de sua voluntate, ac potentia revelanti, adjungere fidem nolit, eo quia revelata vulgaribus humani Intellectus ideis non satis respondeant. Ita demissis oculis adoranda sunt, non impia temeritate abicienda. Etenim Deus revelavit, Deus fecit, Deus veracissimus, omnipotensissimus, cuius judicia, cuius mysteria, cuius facta, etiam si incomprehensibilia interdum sint nobis, minus tamen vera, minusve sapienter facta non sunt. Hinc Augustinus Lib. 9. Cap. 1. de Trinitate ajebat: *De credendis nulla infidelitate dubitemus: de intelligendis nulla temeritate affirmemus. In illis auctoritas tenenda est, in his veritas exquirenda*. Egregie quoque scribebat Cassianus Lib. 4. Cap. 6. de Incarn. *Rationem dicti queris? Non redito. Interim Deus hoc dixit. De hoc loquutus est mihi. Verbum illius summa ratio est. Removeo argumenta, removeo disputationem. Solamibi ad credulitatem sufficit persona dicentis. Non licet mibi de fide dicti ambigere, non licet deliberare. Quid mibi querere, quomodo verum sit, quod Deus dixit, quum dubitare non debeam, quin verum sit, quod Deus dixit?* In eamdem sententiam loquuntur alii Patres, Scriptoresque Christiani, cum antiquissimi, tum recentes. Et sane Christianorum Fides secundum Apostolum nihil aliud est, quam sperandarum substantia verum, argu-

mentum non apparentium; & videmus nunc per speculum in enigmate, & per fidem ambulanus, non per speciem; neque Fidei nostra natura sine obscuritate constare potest. Quare, ut cum eodem Apostolo loquamur, de jicienda est omnis altitudo extollens se aduersus scientiam Dei, & in captivitatem redigendi sunt omnes intellectus in obsequium Christi. Jure autem stultos vocat idem Apostolus I. ad Cor. 1. Judæos & Græcos, quorum sapientia & Rationi minime consonare videbatur humilitas & mors Christi. Placuit Deo (sunt ejus verba) per stultitiam prædications salvos facere credentes. Quoniam & Judæi signa petunt, & Græci sapientiam querunt. Nos autem prædicamus Christum crucifixum, Judæis quidem scandalum, Gentibus autem stultitiam. Tum pergit sapientiam hujus mundi irridere, in cuius conspectu stultitia videbatur, quidquid apud Deum sapientia est.

Quapropter illorum deploranda est audacia, qui eam reprobandi alicuius Christiani sive Catholici Dogmatis causam adserunt, quod Rationis, hoc est Ingenii sui pecularibus ideis non placeat. Eoque magis deploranda est, quod isti, ut trahant in sententiam suam divinas sententias, Scripturarum Canonicularum verba cludere, inverttere, subvertere cogantur, reclamante eorumdem verborum perspicuitate, & tot sæculorum consensu, & tot Christianorum Ratione; necesse enim est, quando eorum ingenium, & hypothesis conformari nescit sacris Litteris, sacras Litteris aliquo pacto accommodari ad illorum hypothesim, atque ingenium. Hæc noverunt, qui in eorum scriptis versati sunt; similique noverunt, antiquissimam Catholice Ecclesiæ sententiam & consuetudinem Socino adversari, ut ex Auctoribus vetustissimis patet, atque in primis ex antiquo scriptore expositionis Fidei, quæ Justino Martyri tribuitur, ubi inquit, divinarum rerum notitiam, summo studio indagandam esse; quum autem eam præ imbecillitate minus assequi poterimus, venerari eam nos oportere, ut comprehensione majorem, ne evanescatur fides nostra. Quod si eoredit quæstio, ut perficiatur, revelatae fuerint, an secus, Ecclesiæ Catholice Dogmata, alioqui credenda, etiam si humanae Rationis captum excedant: tu responde, id certo atque indubitanter perspici non posse per unum Ingenium nostrum, ut vidimus; & reliquum propterea esse, ut Ecclesiæ Traditione, & Auctoritas in consilium adhibeantur, quibus tandem acquiescendum, non solum prudentia, sed etiam necessitas monet.

Nunc autem progrediendum est; adhuc enim Christianæ Veritatis investigatori quæ-

46 DE INGENIORUM MODERATIONE

rere fas, immo necessum est, quæ & qualia sunt Ecclesiæ veræ Dogmata, & unde certo sint ediscenda. Qua in re multos ex antiquis atque etiam recentibus Hæreticis sua fessellit opinio. Minime dubitabant ii, quin Ecclesiæ Traditionis & Auctoritas suspicienda foret, eique in controversiis concedendum. Sed ipsam Traditionem sibi militare arbitrati, confideant promebant, pertinaciter tuebantur doctrinam, quæ tamen ipsius Ecclesiæ Traditionis adversabatur. Inter ipsos Catholicos præteritis temporibus fuerit nonnulli (& utinam adhuc nemo esset, aut nemo in posterum esset futurus) qui sententias quasdam absurdas vendirarent, quod eas putarent cuim Ecclesiæ veræ sententia consentire, aut saltem ab ipsa non esse alienas. Igitur tum ut veritas certo contingatur, tum ut errores evidentur, noscenda sunt loca, unde Catholica Dogmata haurire liceat, & quibus probare aut confirmare, adversaque refellere possumus; noscendi sunt quoque alii fines, ultra quos Ingenio humano vagari aut nefas, aut pericolosum est. Præter divinas Scripturas, & Traditionem, Concilia sacra, & præser-tim Oecumenica, Romanorum Pontificum Epistolæ & Decreta, Sanctorum Patrum Libri, probatae veterum Historiæ, Theologorum, aliorumque Orthodoxorum scripta, sunt ii fontes, & loca, unde Ecclesiæ Catholicae Doctrina est haurienda. Et istis quoque addere juvat Rationem humanam, & Auctoritatem Philosophorum, modo nemo sibi persuadeat, sine ratione consulenda esse, & sine ratione vim habere inter Catholicos priora loca. Verum tot fontes promiscue non sunt accipiendi; non enim par iis auctoritas est, neque eadem habenda est fides. Primo quod attinet ad sacra Catholicorum Concilia, ex institutione divina cerram Orthodoxa doctrinæ Fidem faciunt; Generalia quidem, modo legitimæ sunt; Provincialia vero & Episcopalia, modo ab universa Ecclesia probatae fuerint eorum de fide definitions. Secundo, certi quoque Judices Catholicæ doctrinæ sunt Romani Pontifices*. Tertio, nulli revera ex iis, quos Sanctos Patres appellamus, ex institutione divina auctoritas est certo statuenda atque instar judicis proponendæ Catholicæ doctrinæ. Communis autem Patrum consensus in exponendis sacrae Scripturae dogmatis certissimum nobis Veritatis argumentum præstat, eo quod Ecclesiæ

universæ, quæ errare a Deo non sicutur, sententiam nobis exhibeat. Reliqui itidem fontes probabilia quidem præstabunt, sed non firma & inconclusa argumenta.

Atque hæc certa sunt apud Catholicos. Protestantes vero, eorumque filii magnam in his litigandi legetem inveniunt. Reuelatam quidem & scriptam in factis Litteris doctrinam se suscipere dicunt; at improbat Traditiones, sive doctrinas a Christo atque Apostolis, ut nos contendimus, sine scripto per prædicationem traditas. Ecclesiam, Romanos, Pontifices, Sanctos Patres, errori obnoxios, & infidos veritatis testes appellant. Sed quid in tanto dissidio decernendum sit, facile æquū iudices animadventer. Duæ de Traditionibus institui possunt quæstiones. Prima est, utrum Apostoli aliquid ad Religionem Christianam pertinens viva tantum voce, & sine scriptis, radiderit; an vero omnia scriptis mandarint, quæcumque viva voce, exemplo, aut alia ratione prædicarunt. Altera est, utrum sententia illæ, quæ a Catholicis sub Traditionis nomine censemur ab Apostolis emanasse, eamdem vim atque auctoritatem habeant, si re ipsa traditæ sunt, quæ Apostolorum scriptis debetur. Posterior quæstio non a Christiani modo, sed etiam a cuiuscumque hominis ingenio penitus aliena est, & incredibilem contendendi pruriginem sapit. Cur enim iisdem Apostolis Christi nomine scribentibus credamus, loquentibus non credamus? Deinde quæ ab Apostolis scripto mandata sunt, eadem antea ab ipsis viva tantum voce tradita fuisse constat, & pari obsequio a Fidelibus accepta.

Priorem controversiam nihil plausibiliter retractant Hæretici. Nemo est, qui nesciat illustrem locum secundæ Epistol. ad Thessal. 2. 14, ubi Paulus ait: *Tenete traditiones, quas accepistis per sermonem, seu per Epistolam nostram.* Celebris itidem est alter ex Epistola 2. ad Tim. 2. 2. desumptus, ubi haec leguntur: *Quæ audisti a me per multis testes, haec commenda fidelibus omnibus, qui idonei erunt & alios docere.* Hinc saltem evidenter colligitur, eadem veneratione Apostolorum doctrinam ab Ecclesia Dei suscipiendam, collendam, & servandam esse, sive scriptis, sive verbis tantum eam tradiderint. Verum et si eadem evidenter non colligeretur, quæ Apostolus voce tantum prædicarat, scriptis postmodum vel ab ipso, vel ab aliis Apostolis,

* In prima editione Parisiensi anni 1714. sicut hic locus ab editore Gallo juxta illius Nationis placita interpolatus. Etenim post vocem Pontifices, infra fuerunt hæc verba: *Quibus eadem consentit Ecclesia.* Qua de re conquerius Auctor, ut a se invidiā deprecatur quam hæc interpolatio apud Italos sibi conflare poterat, Epistolam misit ad unum ex Auctorialibus Diarii Italici, sub die 20. Februarii anni 1716. Matina dñi, quam utpote ad hocce Opus spectantem, ad calcem hujus editionis positum heic primum damus.

Iis, non fuisse consignata; siquidem saltem constat, post Pauli obitum Johannem Apostolum suos confecisse, aut euulgasse Libros: Attamen solo Ecclesiae testimonio id exploratum fieri potest, & per ejus sententiam hujusmodi controversia dirimi. Nonne ex Ecclesiae unico testimonio, ac traditione, certissime neverunt ipsis quoque Hæretici, quæ scriptaz ab Apostolus vel profecta, vel proposita sint, & quinam legitimi, quinam adulterini sint factus Apostolis adscripti? Cur ergo Ecclesia de Apostolorum scriptis testanti credamus, de reliquis eorum documentis testanti non credamus? Ad hæc inter ipsos Hæreticos plerique sententias nonnullas, aut ritus aliquot probant, atque tueruntur, quos tamen sola Ecclesiae Catholice Traditione commendat. Istorum igitur confessione Traditionibus Ecclesiasticis veneratio, non contemtus, debetur; & ubi pateat, alia dogmata, aliosve ritus ex vetustissima Traditione descendere, & in Ecclesia Dei communis Christianorum consensu celebrata ac servata fuisse, pervicax & injustus fuerit, qui non alia de causa repudier, quam quod in Apostolorum scriptis nulla de iis mentio occurrat.

Jam vero quantum Scripturæ divinæ suffragio probetur, quamque Religioni Orthodoxæ necessaria sit Ecclesiae Auctoritas, pluribus persequuti sumus. At hinc etiam Traditionis necessitas dognoscitur. Ubi sacras Literas Ecclesiae interpretatur, ubi dogmata explicat, & excitatas in Christiana Doctrina lites suo decreto componit: quid aliud illa præstat, quam interpretari, & exponere, quæcumque per Traditionem antea sibi innotuerant? aut ex iis consequentia & necessario connexa colligere, aut repugnantia aperiire? Neque Ecclesia, neque sacra Concilia quidquam novi statuunt, aut condunt in suis de dogmate Canonibus. Quod accepit a Majoribus Ecclesia, scilicet quod ab Apostolis eorumque successoribus ad nos usque permeavit, eorumque traditioni consentaneum est, hoc dumtaxat in suis sententiis Ecclesia profert, ac profitetur. Quapropter quum de Pascharis celebrandi tempore disputatum est, Nicenæ Patres scripsere, ut habet sanctus Athanasius de Synodis Arimini & Seleuciae, Tom. I. fere initio Epist. *Vixum est nobis, & Spiritui sancto.* Quum vero actum de Fidei doctrina, pronuntiarunt in hunc modum: *Credit Ecclesia Catholica: ut pateret, non sua ab eis decreta, sed Apostolorum documenta promulgata fuisse.* Proinde semper fuit Ecclesiae consuetudo, ut subortis in doctrina Christi questionibus Scripturas sacras, veterumque Christianorum, & Sanctorum Præsumum ac Patrum concordem Traditionem con-

suleret. Hæc ad manum Itatim erat opponenda novitati Dogmatum, quam inferre conabantur Hæretici. Rationibus isti contendebant, & loca etiam proferebant e sacris Codicibus in speciem suæ novitati saventia. At Ecclesia Catholica primo rationibus in sui tutelam agebat, tum suæ sententiaz & viatoribz robur in eo collocabat, quod antiquissimam Traditionem a se stare evidentissime sentiebat, ubique perspectum erat, qui semper antea fuisse sensus verus Scripturarum sanctorum ad illam controversiam pertinens. Innititur autem hujusmodi consuetudo inconcussis quibusdam principiis, quæ multis probare facillimum foret, sed indicare tantum contenti erimus.

Primum est, Christum Apostolos viva voce docuisse, aut iis revelasse, quæcumque necessaria atque utilia in sancta Religione credenda forent, & agenda ad salutem; tum Apostolos ad eadem ubique viva voce prædicanda missos esse a Christo, & nonnullos ex iis atque ex Discipulis vitam Christi & alia permulta scriptis consignasse. Quumque Apostoli ex Christi præcepto hæc aliis tradiderent, ipsos liquido, ac dilucide, & sine ambiguitate proposuisse doctrinam Christi; ita ut exempli cauſa, quum Verbum ipsi appellabant Deum, quum Spiritum Sanctum nominabant, quum a Christo ajetabant pronuntiata super pane quædam verba: Auditores intelligerent, probeque perspicerent, quid iis nominibus, illoque dogmate significaretur.

Secundum est, hanc doctrinam non paucis tantum hominibus, sed toti terrarum orbi, atque innumeris Ecclesiis per Apostolos & Discipulos Christi, eorumque Successores innovuisse; & Fideles in omni verbo, & omni scientia salutari divites fuisse factos, ut Paulus testatur; & Ecclesiæ potissimum Apostolicas, scilicet ab ipsis Apostolis fundatas, & diu præsentia Apostolorum cultas & instructas, hujusmodi documenta uberioris clariusque, quam reliquas hausisse.

Tertium est, Apostolos nihil sèpius & enixius commendasse atque inculcasse, quam ut Fideles quod ab initio acceperant, constanter tenerent, & nemini vel homini vel Angelo fidem haberent, contraria aut alia ab iis nuntianti, qua jam ipsi nuntiarant.

Quartum est, Christi Fideles, & Ecclesiæ omnes, & præcipue Ecclesiarum Pastores, perspectum in primis habuisse, nihil per ipsos posse aut debere adjici, aut detrahi Doctrinæ ab Apostolis traditæ; id qui auderet, summi sceleris reum esse habendum, & gravissimis Ecclesiasticis poenis multandum, nisi rite admonitus resipiceret; quum hoc sit, Chri-

stum

stum aut Apostolos ignorantiae aut invidentiae accusare, qui homines aliquid ad salutem necessarium, aut utile minime docuerint.

Quintum est, Episcopos, & Ecclesiarum Pastores id sibi muneri injunctum cognovisse, ut hujusmodi mutationibus atque erroribus obfisterent, vel dammando, vel confundando, persecutions pro veritate tolerando, vel etiam fugiendo errorum Auctores & patronos, neque dissimulare in his casibus licuisse aut pacis causa, aut propter metum, aut propter debitum superioribus obsequium.

Sextum est, revera nullam in doctrina Christi novitatem. & mutationem umquam disseminari coepit fuisse, quin se aut Romani Pontifices, aliique Episcopi, aut Scriptores Ecclesiastici, aut Sancti Patres, aut etiam Populus fidelis, & denique, si necessitas postulabat, Ecclesia universalis oposuerit Novatoribus, & contemtoribus antiquae Traditionis. Omnes vero Synodos, & Episcopos, Romanosque praesertim Pontifices, & Sanctos Patres, inter quos chorum ducunt sancti Ignatius, Polycarpus, & Irenaeus, a primis Christianae Fidei saeculis ad nostra usque tempora, nihil magis depradicasse, quam Traditioni Majorum receptae, antiquae, & concordi esse standum, omnesque Hæretes ab ipsis eo præcipue titulo fuisse damnatas, quod Novitatem saperent, & hujusmodi Traditioni repugnarent. Atque ideo sicuti a similitudine veri apertissime abhorret, tot ac tantos viros, tot ac tantas Ecclesias, novitati & mutationi in doctrina Christi infensissimas, aliud tradidisse, ac proposuisse, quam quod antiqua Traditione habebat; ita certum est, nullum ex Hæreticis defendere sententiam suam potuisse antiquitate Traditionis. Addam etiam, paucos ex antiquis Hæreticis fuisse, qui Traditionis vim atque auctoritatem non fuerint confessi. Potius ipsam a se stare clamitabant. Et si quis flocci faciebat ipsam Traditionem, ille, primis etiam Ecclesie saeculis, temeritis ac infania notam subiit. Juvat heic referre, qua Sanctus Irenaeus habet Lib. 3. Cap. 2. de Gnosticis. Unusquisque ipsorum omnimodo perversus, semetipsum, regulam veritatis depravans, predicare non confunditur. Quum autem ad eam iterum Traditionem, que per successiones Presbyterorum in Ecclesia custoditur, provocamus eos, adversantur Traditioni, dicentes se non solum Presbyteris, sed etiam Apostolis existentes superiores, sinceram invenisse veritatem.

En fundamenta, quibus innixa est Ecclesia consuetudo in Hæreticorum placitis hucusque damnandis. Satis ipsi semper fuit perspicere, immo hoc præcipue attendebatur, num proposita nuper Dogmata dissentirent a

Traditione constanti Majorum, & ab antiquissimo Ecclesiæ universæ consensu. Dissidentibus nota statim inusta atque inurenda fuit ex Apostoli præcepto, qui nos monuit, ut a Novitate opinionum caveremus, & quod traditum est, diligenter servaremus. Vel nullis aliis redditis damatoria sententia rationibus, ea erat potentissima & invictissima ratio, quod hujusmodi recens doctrina, sive novitia Scripturarum interpretatio, comprehendebatur contraria interpretationi, sive dogmati in tota Ecclesia Dei ab antiquissimis temporibus concorditer vigenti, ac preterea ex Apostolorum Traditione descendenti. Præterquam quod falli in Dogmate universa Christi Ecclesia secundum ejus promissa non potest: errandi etiam suspicione auferebat ista facile cognita saeculorum præcedentium, & torius antiquitatis sententia in propositis questionibus. Non enim nostrum est, Christi Doctrinam pro arbitratu nostro effingere, reformatre, atque inverttere, ut privatis & incertis Intellectus nostri ideis accommodetur; sed cum veneratione recipienda est, qualis a Christo Apostolis revelata, & ad nos derivata fuit per unanimum tot saeculorum Traditionem, per tot Ecclesiarum, Conciliorum, Episcoporum, ac Patrum testimonia. Hos omnes incredibile est, simul conspirasse, aut ignorantia, aut pravis artibus, aut formidine, aut silentio, ut sanctam Religionem perderent, sive illam corrumpendo per novitatem, sive corruptam tolerando. Sequitur ergo, apud omnes tum Criticos, tum cordatos homines, Traditionis fontes, hoc est Catholicorum Concilia, Romanorum Pontificum decreta, Sanctorumque Patrum concordia scripta, in iis, quæ ad Doctrinam Fidei & morum spectant, certissimum præbere veritatis argumentum. Nihil autem ferre a temerariis aut ignaribz allatum est proxime præteritis duobus saeculis, aut afferri jam porest, quod longe antea improbatum non fuerit ab Ecclesia, a Conciliis, a Patribus; aut quod improbandum esse non patet, quoties novitate sua repugnare constet antiquæ Catholicorum Traditioni, & Dogmatibus constitutis, & Scripturis a Catholicæ Ecclesia hucusque alteri explicatis.

Moneret me locus, ut in illius Theologia laudes excurrerem, quæ Dogmatica apud nos appellatur; sed facile intelligatur ejus primum. Munus nempe illius est, Catholicæ Ecclesiæ Dogmata colligere ex Conciliorum Patrumque monumentis, & prodere, quæ universæ Ecclesiæ probentur, quæve improbentur. Ubi id pateat, Rationi, seu Ingeniis humanis nefas est, hujusmodi sententias tamquam errori adhuc obnoxias ad suam trutnam

nam cogere. Quicumque Christianus est, ipsum scopus. Detexisse solum, & evidenter indicasse Ecclesie veræ & universæ fidelitatis, hoc ipsum est invenisse certissimum Dogma Christi saluberrimamque veritatem. Altera deinde se offert provincia, quam Scholastica potissimum, atque etiam Polemica Theologæ cultores sibi vindicant; nempe Fidei Dogmata rationibus etiam, atque argumentis a ratione quoque naturali, & a Philosophia petitis probare, & adversus Infideles aut Hæreticos tueri. Qua in opera ineptire interdum solent homines incauti. Siquidem Rationi & Dialectice suæ nimium fidentes, aut de rebus altissimis, & de divinis Mysteriis intellectus nostri aciem vincentibus, rationes & explicationes adferre contendunt, quæ sibi quidem videntur excelsæ materiæ pares; re autem vera nullius sunt ponderis; aut certa ipsa Dogmata credere dediscent, quod ista privatæ ac temerariæ Rationi suæ non satis congruere videantur. At Dogmaticus Theologus, rite suo munere functus, tantum ab ineptiendo abest, quantum Ecclesia vera in suis Dogmatibus a periculo errandi abest, quum vel sine philosophicis aque intimis argumentationibus, sive rationibus, certa sit illius doctrina, quippe a certo Magistro Deo revelata, & per fidos canales ad nos usque deducta.

C A P U T X I I .

Ingeniorum libertas quam ab hominibus experita: Doctrina ad Christianum pertinens triplex. Semper considerandum, revelatane, an secundus, a Deo fuerit. Dogmatis existentia, significatio, & rationes distinguendæ. Quid in his liceat, aut non liceat hominum Ingeniis.

A Tque hactenus de frenis salutaribus, & de necessaria Ingeniorum moderatione in Religionis negotio actum est. Alia in hanc rem dicenda superfunt. Verum de laudabili quoque Ingeniorum libertate aliquid prius innendum duco. Quod argumentum, quam utile non minus sit, quam superius, illo tamen dulcius fortasse videatur legentibus. Quippe superba hominis mens, atque natura, cum in agendo, tum in sentiendo alienum imperium detrectat, suum tantummodo amat. Ac proinde nullum libertius, quam eorum cantum audimus, qui in libertatem agendi atque opinandi, quod volumus, mentem nostram se vindicatores esse pollicentur; quod non semel suis in libris facere Phereponum post tot alios sui similes video. At sicuti homi-

ni ratione prædicto ipsa recta Ratio effrenem in agendo libertatem negat; ita & hominem Christianum ipsa Christi Religio non patitur immoda opinionum libertate ferrari, quocumque placet. Nos itaque humano Ingenio eam libertatem proponemus, quæ hominem deceat Rationis rectæ, Fidei que Christianæ legibus addictum, ita ut neque sentiat se coerceri finibus inquis, & nimiis compedibus, neque ultra metas a Ratione & Fide sanctissima positas evagari sinatur. Nimia opinandi licentia Hæreses parit, Fidem & Rationem temere lædit. Rursus nimia Ingeniorum servitus in Superstitionem dedit, malum profecto teterimum, & æque ac Hæreses Religioni vere formidandum. Ab utraque cavendum esse, Ratio, & Catholica Ecclesia monet. Jam-

50 DE INGENIORUM MODERATIONE

que vidimus periculum primum tolli, ubi documentis Christiana Religionis, & que in credenda divina Revelatione cum Ecclesiastice officiorum leges ad salutem consilium vel necessarias, vel utiles. Disciplina autem traditum cum ritus ad Sacramenta, ad cultum externum Dei, & ad reliqua Christianorum Mysteria conficienda, tum leges, quibus Ecclesia ejusque Ministeriorum, ac membrorum Hierarchia & regimen constat, quae tamen & ipsa interdum referri aliqua ex parte possunt ad Dogma, ut alio in loco videbimus. In Dogmate potissimum sita est Christiani hominis eruditio. Quid enim aliud a nobis Religio expetit, quam ut credamus, quae credenda sunt, & ad Evangelii normam ducamus vitam inculpatam, Deique, & virtutum amore serventem? Igitur est inspiciendum, istane praecpta morum, resque credendae, ad nos a Deo revelante veniant, an vero a recta Rationis lumine, sive potius a privatorum ingeniorum argumentationibus. Si Deum ista auctorem habent, si rectam Rationem: eadem vera & recta esse continuo intelligimus; ac proinde Ingenio nostro tunc est subsidendum, neque temere tantis auctoribus repugnandum, rametsi aliquid a Deo proponatur, quod satis intelligere, & capere nequaquam possumus. Sin a privatis Ingeniis Dogmata prodeunt, hisce tum solum consentiendum erit, quom ad Rationis & Logicarum leges ea exegerimus, & ab iis errorem evidenter abesse constituerit. Nam quid aliud habet Ingenium alienum, ut nostrum in suam sententiam jure trahat, nisi rationes? Si infirmas hasce comprehendimus, si nostras plus valere sentimus: cur illi homini potius quam nobis adjungenda est fides? Quum vero, quoniam Dogmata Deus revera per Filium suum, per prophetas, per Apostolos revelavit, tum solum certo constare possit, ut vidimus, quum ad ista accesserit Ecclesia vera testimonium: illa propterea nobis ob oculos semper veritatis regula: nempe, Auctoritatem Ingenii nostri cedere debet, ubi Auctoritas Ecclesie intercedit; & contra vigere posse, ubi non intercedit. Multa enim sunt, quorum sanctiorum iuris Ecclesia non habet; multa quoque sunt, quae illius Auctoritatis subsunt, neque tamen hucusque sancta reperiuntur. In utrisque magna est Ingeniis libertas, & injuste plerumque agat, qui eam aut illebenter in aliis ferat, aut etiam adimere velit.

Hic positis, primam Doctrinæ speciem contempnemur, idest Dogma, ac Disciplinam. Illud nobis exhibet, quæ credenda sunt vel de Natura, ac Voluntate divina, vel de Incarnatione Verbi, vel de aliis Mysteriis,

Quo tutius autem & ex ordine procedamus, tria prius consideranda sunt, quod attingent ad Dogma: videlicet, Existentia Dogmatis; Modus explicandi Dogmatis, sive interpretationis, & significatio doctrinæ: & Rationes,

tiones, quibus ipsum Dogma si rectum est, tulisse sententiam, & ipsam revera ita sen-probatur; aut improbatum, si pravum. Hæc sentire compertum sit omnibus: statim etiam inter se plane differunt, neque instar unius Catholico Ingenio occurrit, quæ tum sit am-pliata opinio, & quibus in locis veritas quæ quod est ad existentiam, firmata jat. Sunt auctoritate, & decreto Catholice Ecclesiæ. Rursus eadem Dogmata variis expli-carri possunt modis. Quum vero fieri possit, ut hujusmodi explicationes nondum receperit, rejeceritve Ecclesia, idcirco non idem erit eisdem interpretationibus robur, & ea-dem vis veritatis, ac est Existentiæ Dogmarum jam stabilitatem. Tandem ipsa Dogma-ta, quorum certa est existentia, & omnium consensu explorata significatio, sive explicatio, multis rationibus comprobari possunt. Attra-men inconcusso, ac certæ fortasse non erunt singulæ istæ rationes, quippe singulæ aperto Ecclesiæ suffragio nequaquam inniten-tur. Ergo secundum istam considérationem triplex laboriri questio poterit, nempe an Dogma existat; quid per illud Dogma seu per illius Dogmatis verba Deus & Ecclesia significare velint; & quomodo hujusmodi Dogma probandum sit.

Cognoscere Existentiæ Dogmatis tum di-cimus, quum certi sumus, Deum per eos Christi, Prophetarum, & Apostolorum, Ecclesiæ definitiæ, illud revelatae & consti-tutissima Dogma. Ipsum Deum factæ Scriptura depradicant omnipotentem, omniscium, æternum. Ex eisdem edocemus, in fine seculi judicandum a Christo universum genus hu-manum; justos in Regno Dei æterna felici-tate donando; improbos in igne æterno cum Diabolis immanni infelicitate plectendos. Hujusmodi Dogmata in Christiana Religione existeret, nullus Christianorum ignorat, aut negat. Ad hæc, nomine Existentiæ comple-ctimur cum Dogmatum substantiam, tum co-rum consecraria, & annexa, nam & singula ista sæpe tamquam Dogmata considerantur, & de ipsis institui quæstio potest, an exi-stant, hoc est an revelata necne fuerint, sive constituta per Ecclesiam. Multæ autem inter Catholicos & Hæreticos intercedunt controversiæ, his negantibus, illis affirmantibus, Dogmata quædam a Deo revelata fuisse, aut ex jam constitutis Dogmatis quædam con sequi, aut non con sequi, necessario & ipfa credenda. Sed in hujusmodi quæstioni-bus pendere animi diu vel opinari illorum Ingeniis nefas est, quibus firmissimum illud principiū alta mente fixum sedet, videlicet: Ecclesiam in divinis Scripturis interpre-tandis, & in ipsis Dogmatibus definitiis, ab errore immunem semper fuisse, semperque futuram. Etenim cum nullo negotio posse conser-ter, Ecclesiam Catholicam de iis jam

Sunt autem inter Catholicos & Protestan-tes, immo inter ipsos quoque Catholicos, aliae de rebus Theologicis disputationes, & in neutram partem hucusque declinavit Ecclesiæ sententia. Libri Theologorum, qui Scholastici nuncupantur, abundant hinc quæstionibus. Utrimeque pugnatur, utrimque Scripturarum loca, rationesque proferuntur; interdum etiam aliqua, aut utraque pars sibi auctoritatem Patrum, & Ecclesie vendicare contendit. Sed incertum adhuc, utri opinio-ni Litteræ divinæ, aut firma ratio, aut Ecclesie sine dubitatione faveant atque con-sentiant. Quid juris heic habeat Ingenium, nemo non intelligit. Fas ipsi est hujusmodi varias disputantium opiniones, rationesque excutere, easque confutare, aut iis demum suffragium suum adjungere, quæ ad verita-tem proprius accedere sibi videantur, & in alias abire sententias, quæ sibi magis arri-deant. Talia quippe in Dogmatum censem minime veniunt, & Opinionum nomen iis potius congruit. Sed quamquam liberum sit Ingenii modo periculum absit, ne Dogma-ta certa leuantur vires heic suas exercere, atque exercere; attamen in hisce non tam vituperationem effugiet, quam commendatione majori dignus erit, qui tum ad normam Logicarum legum. Criticæque melio-ris, tum etiam ad sacrarum Scripturarum, & Ecclesiæ mentem, ingeniosius & acutius sua inventa componet. Atque hæc est gene-ralis regula, sive libertas. Qua nihilominus quum Ingenia non pauca absuntur, & abu-ti adhuc possint, ideo infra subiecta erunt necessariæ quædam leges, & exceptions, ut in temerariis & supra modum curiosis mentibus nimia licentia coercetur.

Ad hæc, ubi Dogmata existentia depre-hendantur, diximus institui posse quæstionem de illorum germano sensu, sive de men-te Dei & Ecclesie in iis Dogmatis propo-nendis. Multa sunt adeo manifestis verbis concepta, adeoque Rationis lumini, & reli-quis Ecclesiæ documentis consentanea, ut nemo inter Christianos de illorum sensu & modo explicandi audeat disceptare. Sunt alia, quorum significatio in controversiam adducitur, adducere merito potest. Quod tum fit, quum ista Dogmata sub obscuris, aut æquivocis verbis proposita sunt, aut cum certissimis aliis & evidenter Religio-nis Catholicæ Dogmatis non satis commo-de congruere posse videntur. Ipsæ sacrae Lit-

52 DE INGENIORUM MODERATIONE

teræ, ipsa Conciliorum decreta, ipsa Sanctorum Patrum dicta, diversis obnoxia sunt interpretationibus. Proinde ex isto fonte emergerunt pleræque Hæreses, plerique Hæretici. Dum enim quisque divinam Scripturam, & Concilia, & Patres explicare vult atque interpretari secundum privatas Ingenii sui vires atque ideas: humana ambitio & imbecillitas in variis distracta est opinione, atque in errore pernicioſissimos delapsa. Quidam Christum in sacris Litteris minorem Patrem appellatum animadverentes, ipsum aut hominem dumtaxat esse affirmarunt, aut ipsum negavere ejusdem naturæ & substantiæ cum Patre. Alii, quid verba significarent in postrema cœna a Christo pronuntiata super pane, investigantes, quod ingenio suo magis accommodatum videbatur, intellexere. Aliis ea sententia sedet, confusa esse in Christo divinam humanamque Naturam. Nempe noverant ex universæ Ecclesiæ decreto, ambas hasce Naturas in uno Christo unitas.

At in complurium Dogmatum sensu inquirendo, modoque explicandi, non est quod nunc diu multumve fatigentur Ingenia. Hoc onore nos Ecclesia ſæpe levavit, quippe qua non ſua ſolum decreta & verba, ſed divinorum etiam Librorum ſenſum germanum lucidiffime identidem explicavit. Id quum facile colligi poſſit, facile etiam caveantur errores. Quamobrem Ingeniis nostris heic ea tum reſtar libertas, ut quæ Scripturarum loca, & verba, aut Conciliorum Patrumque opinione in aſcipiti adhuc eſſe videntur, expendamus, & interpretetur, prout melius ſuadebit recta Ratio, & Eccleſia, ac earumdem Scripturarum mens ex aliis clarissimis Dogmatis, & Traditione Patrum cognoscenda. Præter hanc libertatem alia etiam patet. Quædam enim Dogmata habentur, de quorum quidem ſenſu atque explicatione nulla occurre inter Catholicos controversia poſteſt, ſed nondum conſtat Modus, quo fiant, aut facta ſint, quæ in iis Dogmatis proponuntur. Nos docet Fides, Inferno igne torqueri dānnatos. Qui autem id fiat, nos

illa non docet. Nulla in hiſe caſib⁹ lege universali prohibemur ſententiam noſtram dicere, & veriſimilia afferre; & in explicandis his modis, alter ab altero, & fine Eccleſiae injurya, diſfidere poſteſt. Iſta tamen libertas nonnullis & ipſa indiget exceptiōnibus & frenis, de quibus intra ſermo erit.

Tertio confiderande ſunt Rationes, per quas Dogmata Catholicorum firmantur; Infidelium & Hæreticorum improbabuntur. Iſta desumuntur vel e divinis Litteris, vele Traditione, & Autoritate Eccleſiae. Ex ipſa quoque recta Ratione, & ex Philosophia penetralibus argumenta deducuntur. In tantâ Rationum copia certiſſimæ quædam & invictæ ſe offerent, iisque nullum Dogma carerit. Fieri tamen poſteſt, ut aliquæ etiam infirmæ ſint ac inutiles, quædam etiam falſæ, quamquam veriſimum alioqui ſit ipſum Dogma. Quapropter late patet ex hac parte Ingeniorum libertas. Non enim tantum ſtas eſt meliora novaque proferre argumen- ta, ſed aliena quoque elumbia repudiare & everttere licet. Veritas ut ſtet, mendacio non indiget. Immo ipſa refutit adeo nutantibus fulcris innixa apparere, ſuo pondere jam ſtabilis, & aliis indubitatis principiis adhærens. Hinc inter Scholæ Theologos ne- mo ſibi religioni veritatis rationibus novis cum in errores Hæreticorum, tum pro veris Fi- dei Dogmatis decertare, & ipſis etiam aliorum Catholicorum rationibus indicere bellum, ſi illæ minus opportunæ, aut indignæ deprehendantur, quibus tutela veritatis comiſſa fuerit. Gregorius de Valentia Theolo- gus celebris argumenta nonnulla, quibus Sanctus Thomas eſt uſus ad existentiam Dei probandam, invalida eſſe oſtendit; idemque alii quoque graves & pii Theologi fecerunt. Et heic tamen ſua ſunt immoderatis Ingeniis pericula. Sunt & Rationes quædam, quas evidenter voto ſuo jam ſupra cenſuram noſtram Eccleſia collocavit. Propterea infra dabimus operam, ut propositis quibusdam legibus generalis iſta libertas intra honestos fines continueatur.

C A

C A P U T X I I I .

Pericula imminentia scribentibus de Auctoritate. Insipiens Zelus quid pariat, & quam laudanda heic sit prudens moderatio. Ecclesia numquam fallax in Dogmatibus sanctiendis, dupli conditione posita. Dogmatum, quæ alia in mera conteraplatione versantur, alia actionem quoque exigunt, quæ possint, aut non possint, quæ etiam debeant, aut non debeant statui. Quid de questione, utrum Angeli corporei, an incorporei sint, credendum, & an eam Concilia sustulerint. Inter Rationes Dogmatum quædam semper ad Fidem spectant, sed non omnes. Quid heic liceat Ingeniis.

Nusquam firmiorem esse, magisque venerandam Ecclesiæ Auctoritatem, quam in Dogmatis sanctiendis, diximus. Ita se rem habere, ea omnia suadent & persuadent, quibus Ecclesiam a Veritate deviare in salutis doctrina numquam posse supra ostendimus. Id Religionis æternum servanda necessitas postulat; id humanæ Rationis imbecillitas exigit; id Christus pollicitus est: id ubique, & semper, & concorditer credidit Ecclesia Dei, statuerunt Concilia, tradiderunt Patres. Et ista Auctoritas ad tria illa, quæ in Dogmate haec tenus consideravimus, sese extendit; sed suis limitibus constringitur hæc ipsa facultas, magnaue circumspectione heic opus est, uti jam explicatum pergo. Quod priusquam aggredior, quædam præfari juvat locum habitura tum heic, tum in ceteris de Auctoritate Ecclesiæ & Ingeniorum libertate dicendis. Auctoritatem esse rem omnium delicitissimam, satis compertum est. Hinc illud fere semper accidit incommodi, ut qui ipsam pertractare volunt, non solum obtricationibus contraria sentientium, sed etiam suspicionibus & odiis eorum sint obnoxii, de quorum Auctoritate est sermo. Innatum quippe est cunctis prope hominibus dominationis & præcellentiae desiderium, eoque concitatius in illud mens nostra fertur, quo manifestius sentimus autem credimus, istius Auctoritatis tutelam & amplificationem pertinere ad Reipublicæ bonum. Nulla autem Auctoritas, hominibus a Deo data, Ecclesiastica æquanda est. Reliquæ humanarum rerum perfecto regimini conducunt, finemque sibi statutum habent, nobilem quidem, sed brevem, qualis est terrena mortalium felicitas. At Ecclesiæ Auctoritas nobilissimam ac æternam rem curat. Non enim solum ad beatam in terris vitam homines perducit, sed ad æternam quoque in cælis beatitudinem. Quocirca jure tolerari non solet,

quicunque vel tantillum videatur imminuire de tam necessaria utilique Auctoritate, quam tollere, aut non satis venerari, idem certe est, ac Hæretibus & erroribus innumeris claustra referare.

Verum nimia religione hujusmodi Auctoritas nonnumquam respicitur. Quæ cauſa est, ut immoderate a quibusdam extollatur, & quod gravius est, immoderate iis succensatur, qui cum moderatione de ipsa loquuntur. Nimiam religionem appello Zelum sine ratione exuberantem, Zelum, ut Apostolus ait, non secundum scientiam, Zelum Superstitioni affinem. Enim vero non alio nomine designandus est eorum inconsultus ardor, qui nullis pæne finibus Ecclesiæ Auctoritatem teneri opinantur; & ubi aliquid in Conciliis, in Breviariis, in Romanorum Pontificum Diplomatis, in Sanctorum Patrum Libris descriptum comperiunt, pro ipso, tamquam pro aris & focis, pugnant, & pugnandum contendunt. Nempe id hominum genus sine ullo discrimine illa omnia non fecus ac Fidei capita habenda esse censem; Ecclesiam quippe errare nusquam, & numquam posse; & si quis contraria opinione ducatur, hunc procul dubio cum Hæreticis facere, gravibusque poenis, & omnium odio multandum putat.

Fateor, laudanda est horum proba voluntas, sed non est dissimulanda aliqua in iis interdum scientia & prudentia inopia. Videlicet, nimium suspicioſi & morosi sunt, & illic interdum timore trepidant, ubi non est timor. Atque utinam tantum Ecclesiæ sancta prodeſſent, quantum nocere posunt hujusmodi clamoribus, minis, atque tragediis. Nam quum multa occurrant in Ecclesiastica eruditio aut verisimilia tantum, aut dubia, aut contraria, aut omnium vel Catholicorum consensu falsa: si unaquæque veluti certa & vera indiscriminatim accipienda sunt, apud Hæreticos & Infideles, immo &

apud

apud Catholicos, periclitabitur dignitas, sanctitas, & veritas praestantissimae Religionis. Deinde ad tyrannidem accederet, qui minime credenda credi jubeat, aut se prodet erroris magistrum, qui in censum veritatis fabulas quasque referat. At ab utriusque incommodo vel minima suspicione abesse debet, & certe abesse Ecclesia Dei. Pios hosce assertatores ipsa tandem refugit; recteque intelligens, quoisque sua Auctoritas pertingere debet, ut deinceps constabit, non plus juris sibi tribui amat, quam quod Christus, publice utilitatis ratio & omnium prudentum vota hucusque tribuerunt.

Cordati itaque viri, & præcipui Catholicorum Praesules, & quicumque veram Theologiam, & eruditionem Ecclesiasticam non a limine tantum salutarunt, ii omnes neque Ecclesiæ Auctoritati quicquam detrahit, neque ultra æquitatis leges ei quicquam adjectum volunt. Utrumque excedere facillimum est, & utrumque vitium est. Et quamquam opinione vulgi ii solum peccare videantur, soleantque ignominiosis nominibus traduci, qui Ecclesiæ jura elevant ac pressundant, & pii contra censeantur, qui in amplificanda vel supra modum ejusdem Ecclesiæ Auctoritate nervos omnes intendunt: aque tamen sapientum Catholicorum opinione peccant, & obfunt, qui nihil antiquius habent quam ubique Ecclesiæ Auctoritatem importune exaggerare, contraria sententibus ubique irasci, & eadem abuti Auctoritate in cujusque suæ privatæ opinonis, affectionisque præsidium. Pietatem sapit horum facinus, sed perniciosa pietatem; etenim ii nullo negotio vincendam adversariis exhibent aliqua ex parte Catholicorum causam. Quis non videat, si in uno, quod vere ad Ecclesiæ judicium pertineat, deprehendantur Ecclesiastici judges aberrasse, necesse quoque esse, ut in reliquis omnibus errori obnoxiam confiteamur Ecclesiæ? Summopere ergo conductit cum ipsi Ecclesiæ, tum Theologis omnibus, exquirere, perfectumque animo habere, quinam Auctoritati Ecclesiasticae limites præscripti sint, ne dum incerta & indebita jura sacris Pastoribus concedimus, certa & debita in pecunium adducamus. Atque uti est modesti & non vulgaris animi, hominisque supra affectus suos regnantis, nil sibi arrogare, quam quod in publicæ rei commodum, & in Justitiae & Veritatis tutelam redundet: ita pii simul & prudentis Theologi est, nihil Ecclesiæ tribuere, quod tributum in ipius Matris nostræ contumeliam, publicumque incommodum recidat. Ut eidem beneficiatur, & consulatur, non solus Zelus,

non sola Pietas consulenda est, sed Scientia quoque, & Logica perfecta, & Critica, & Eruditio antiquitatis, & omnium maxime Prudentia. Quod si dubium quandoque post accuratam disputationem jus Ecclesiæ restet, tum certe commendabilius fuerit id ipsius Auctoritati pie concedere, quam pertinaciter negare. His autem præmissis, quibus si non meliores, certe infirmiores indigent, ne me adversus temeraria Ingenia dimicantem ejusdem criminis reum temere suspicentur, fidentius nunc in argumentum invado.

Quando queritur, quoisque pateat Ecclesiæ Catholicæ Auctoritas in Dogmatis scientiis, generalis regula futura est nobis: Ecclesiam sine erroris suspicione decernere posse, quacunque Dogmata scitu necessaria sint aut utilia fidelibus, quoties ista per ream interpretationem, aut per rectam argumentationem deduci possint tamquam præ existentia in revealatis per Scripturas sanctas, aut per concordem & antiquam Traditionem ad nos transmissa. Duæ autem conditiones exigi mihi videntur, ut Ecclesia Dei statuere Dogmata sine erroris periculo possit, nempe: Fidelium necessitas ac utilitas; & divinorum verborum, sive scripto, sive per Traditionem ad nos manantium, fundamentum. Harum altera causam decidendi respicit; altera causam non errandi. Utrumque vero in judiciis Ecclesiæ præ oculis semper esse debet ac solet. Et at postremam quod attinet, celebris est sententia Vincentii Lirinensis, ita de Ecclesia scriptoris: Non nova Fidei Dogmata statuit, sed vetera eruit. Doctrina enim a Christo tradita perfecta atque integra fuit, & sine impietate ad illam aliquid adjicere non possumus, ne veluti mancam & imperfectam temere aut incaute accusemus. Scio, mulier illa Samaritana ajebat, quia Messias venit. Quum ergo venerit ille, nobis annuntiabit omnia. Et ipse Christus omnia, quæ audivit a Patre, nota fecit nobis, jussitque Apostolus docere Gentes omnia, quæcumque ipse mandaverat. Nova itaque Dogmata non proceduntur in Ecclesia, sed vetera repetuntur, obscura explicantur, defendunturque eadem, quæ Christus tradidit; & nihil propterea ab Ecclesia statui certissime potest divina Fide credendum, nisi quod Christi verbis, sive scriptis, sive non scriptis, nitatur, & inde per rectam interpretationem & argumentationem deducere licet. Spiritus vero sanctus secundum promissa Christi semper adfuit, atque adfuturus est judiciis Ecclesiæ, non ut novæ Revelationes fiant, aut nova revelentur per ipsius Eccl-

Ecclesiæ vocem Dogmata, sed ut dum sacra Litteræ & antiqua Traditio diligenter consuluntur, tunc interpretatio recta, reæque argumentatio ab Ecclesia instituantur, nullusque error in easdem subrepatur.

*Singillatim nunc inspiciamus, quæ appellantur necessaria & utilia Fidelibus, & ubinam certo interpretari atque argumentari Ecclesiæ liceat. Alia sunt omnino, alia sunt ex parte, Fidelibus necessaria. Prima appellamus, quæ qui jam adulterus & mentis compos ignorat, a Regno Dei arcebitur. Fidelibus ex parte necessaria nuncupamus, quæ ignorare quidem liceat, sed aut negare, aut in eis errare nefas sit. Utilia, quæ homini Christiano conducunt, ut facilius Cælum consequatur, Infernasque pœnas evitent. In duo autem genera dividuntur Dogmata. Alia in mera contemplatione versantur, & fidem tantummodo postulant. Alia præter contemplationem & fidem, actionem quoque respiciunt, qualia sunt quæ de Moribus in Religione traduntur. Et quidem populis expectantibus beatam spem, & adventum glorie magni Dei & Salvatoris nostri Jesu Christi, nihil magis necessarium est atque utile, quam sciare, quæ in Moribus actionibusque humanis Deo placant, atque displiceant, ut abnegantes impietatem & secularia desideria sordide, & juste & pie in hoc seculo vivant. Quum autem in sacris Litteris apertissime descripta sint præcepta vita, & potissima saltem morum documenta, e quibus tamquam ex fontibus facile reliqua omnia singularia deduci possint: hinc Ecclesiæ facillum & necessarium sapere est, certo decernere, quæ licent, quæve non licent; & illius sententia nolle acquiescere grave crimen fuerit, gravius adversari. Eo etiam pertinent Christi verba Matth. xxvii. 2. Super Cathedram Moysi federunt Scribe & Pharisei. Omnia ergo quæcumque dixerint vobis, servate & facite. Proinde nihil apud Catholicos certius est, quam ea sine dubio licere aut minime licere, quæ suffragio suo comprobavit, aut improbavit Ecclesia.

Quod est ad Dogmata in sola contemplatione sita, quædam sunt omnino necessaria scitu. Nisi quis sciat & credat, Deum esse, & remuneratorem esse, de ejus æterna salute actum est, ut Apostolus monet. Unitatem quoque Dei & Trinitatem personarum in unitate naturæ, Verbi Incarnationem, Christi mortem pro redémptione generis humani, ac resurrectionem, Christiano ignorare nefas. Alia sunt, quæ non opus quidem est omnibus scire ad salutem, sed

omnibus incumbit credere; quum illis annuntiantur. Etenim ista etiamsi ignorare interdum sinatur, numquam tamen, si percipiuntur, inficiari, aut in iis errare, liberum atque impune est nobis. Et propterea ipsa quoque Fidelibus quodammodo necessaria fiunt. Quippe si hæc, ubi animo percepta sunt, negentur, aut errando corruptantur, tum homines a virtute avertuntur, ad vitia sollicitantur, aut aliquid indignum de Deo, oppositumve ejus revelationi sentitur. Exempli causa, plurima habet Calviniana Hæresis, quibus positis homo, si probe argumentetur, ad vitia deflectere velit, virtutibusque valedicere; & nihilominus æternam vitam sibi eripiendam ideo ille homo non crederet. Tale est arbitrari, Justificationem & Gratiam sanctificantem per nullum peccatum amitti posse, ita ut nemo in gratiam a Deo receptus, exinde quamquam graviter peccans, e gratia excidat. Justum quemvis firmiter credere debere, sibi Regnum Dei ne a peccatis quidem gravibus eripiendum; & contra justis impossibile esse divina mandata implere. Bona Fidelium opera, peccata esse apud Deum, & alia hujusmodi. Alienæ pariter a dignitate ac natura Dei sensere cum antiqui, tum recentes quidam Hæretici, quum ab ipso dixerunt predestinari ad culpam non electos ad gloriam, aut alijs sententiis temere incauteve ipsum constituerunt auctorem Peccati.

Itidem innumera sunt, quæ ex officina mentis humanæ, quamvis lumine Evangelii illustrata, hucusque prodierunt, & prodire quotidie possunt, Revelationi divinæ contraria. Paucos quidem invenire est inter Christianos, qui postquam sacras Litteras divinitus conscriptas arbitrati sunt, aliquid subinde falsi in iis contineri affirment, aut suspicentur. At non facile eorum numerus ineat, qui pro non-revelatis a Deo quædam habuerunt ac habent, quæ tamen revelata fuere; aut contra inter revelata retulerunt, quæ revelatione carebant. Id singulas Hæreses perlustranti continuo pateat. Quoties igitur accidit, ut ejusmodi excitentur quæstiones, dubium nullum erit, quin utile sit unicuique Christiano, & ipsi Christianorum Reipublicæ necessarium, earum definitionem ab Ecclesia audire, ne quis errando aut Virtutibus, aut Naturæ divinæ, aut divinæ Revelationi adverteretur. Atque heic interpretationis & argumentationis jura exercere tuto potest ac debet Ecclesia, ne simus parvuli fluctuantes, & circumferamus omni vento doctrinæ, ut ait Apostolus ad Eph. iv. 14. Primum jus exerceat ipsa, quum explicat, quid reve-

revera Traditione ferat in doctrina Christi , & quid significant Scripturarum verba aequivoqua aut obscura . Alterum , quum Dogmata probat aut improbat , quæ e sacris Litteris aliisve certissimis Dogmatibus consecataria sunt , aut esse cententur . Verum Deum , simulque verum & perfectum hominem esse Christum , Scripturis cum Traditione apertissime consentientibus , Ecclesia Orthodoxa numquam non credidit . Hinc rite deduxit , ipsum non in speciem tantum , sed vere humanam carnem induisse ; & quatenus homo est , ex corpore animaque humana constare ; & in ipso duas esse Naturas minime confusas , duasque item Voluntates . Ita Dogmata per rectam argumentationem , e Scripturis (ubi abdita atque involuta erant) derivata , & constanti Ecclesiarum Traditione firmata , Marcionis , Apollinaris , Euthy- chetis , & Monothelitarum commentis oppo- sita , errorem in hac parte omnem sustulerunt , certoque veritatem statuerunt . Eadem ratione explosa est Novatorum opinio negantium debitam , aut licitam Christi adorationem in Sacramento Altaris . Ibidem Christum verum Deum peculiari modo praesentem esse Ecclesia Catholica credit . Hoc posito , necessario sequitur , adorandum ibi esse Christum . Nihilque a ratione magis absolum videtur , quam Idololatriæ crimen in- ferre Catholicis , adorantibus id , quod non adorare sit crimen .

Ex his autem , quæ hactenus commemo- rata sunt , nonnulla deducuntur per quam necessaria documenta . Et primo , quin oporteat , Ecclesiæ Catholicae judicia , ut certissimum veritatis argumentum præsent , Revelatione divina semper inniti , consequens est , ubi impleri ista conditio non possit , illuc minime habere locum datam a Deo Ec- clesiæ auctoritatem . Secundo , non omnia , quæ ab Ecclesia , Concilis & Patribus con- stituta aut probata , sive etiam improbata & rejecta videntur , eodem obsequi venera- tionisque genere suscipienda esse . Quæ enim per interpretationem , ac argumentationem in sacris Litteris & Apostolica Traditione haberi , Ecclesia palam edixit , ea divinam Fidem a nobis postulant , Fideique Dogma- ta jure nuncupantur . At quæ nullo alio fundamento consistunt , quam humanis rationibus , humanis experimentis , huma- nam quidem exigere interdum fidem pos- sunt , at numquam divinam , neque Fidei Dogmatis accensenda veniunt . Quare si quis ejusmodi postremis rebus adjungere fidem nolit , stultus quidem interdum , interdum temerarius reputabitur : addam etiam , in cum quandoque Hæresis suspicio conveniet ,

& quandoque gravi castigatione coercendus erit ; sed numquam Hæreticus merito dic- tur , neque iisdem proflus ac Hæretici da- mnabitur poenis . Verum de his suo loco tra- standum fuisus erit .

Tertio , sunt & aliae quæstiones ad Dog- ma spectantes , quas absque errandi pericu- lo dirimere Ecclesia potest , sed tamen ab iis dirimendis temperare prudenter debet . Non modica istarum copia , & præcipue apud Scholasticos , occurrit , & enormem adhuc in numerum excrescere posset . Dirimere autem Ecclesia fas esse diximus , quia controversiæ hujusmodi aliquatenus contin- gunt Revelationem divinam , & ex ista carum decisio peti deducique potest . Non solet ipsa dirimere , quia sive in unum , sive in alterum sensum , rametsi contrarium , in- clinet Christianorum sententia , nihil offi- citur scientiæ morum a Christo tradi- ta , nemo a virtutibus idecirco revocatur , aut ad vitia tacite allicitur , & præcipuis , ex- pressis , ac receptis Scripturarum Traditionis que documentis , atque principiis , nulla vis infertur , nullaque ex parte repugnatur . Utique si Ecclesia in animum induceret qui- buscumque natis ac nascituris quæstionibus finem irrevocabili suo decreto imponere , & sibi supervacaneam incredibilemque crearet molestiam , & exiguum Ingenii immoderata curiosis beneficium deferret . Ecquando enim tantum opus illa absolveret ? & quor- sum tantos labores devorare , & in immen- sum proferre decreta Fidei ? Ambitionis , pæne dixerim , aut saltem intemperatiæ hoc esset , non necessitatis . Neque sic de- terreret ab excitandis novis quæstionibus gentem litibus & disputationibus unice ad- dictam , iisque æternum pascendam . Ad hæc non pauca sunt tam levis momenti in dis- putationem adducta ; aliaque etiam tam dif- ficulte referri possunt aut ad apertam Scri- pturarum mentem , aut ad Traditionis antiquitatem , ut præfet verisimilia relinque- re , quam vera aut falsa decernere . Sed il- lud in primis attendendum est , uti diceba- mus , nimirum an disputantium sententiæ aut palam , & aperto bello , aut tacite ac per latus , in pernicie vergant alicuius jam statuti Dogmatis , & expressæ in utro- que Testamento veritatis , quæ ad hominum salutem , Fidemque saluberrimam spectet . Ubi vero , & quando , & quæ censuram aut suffragium sine mora postulent : quæve per- mittere , aut negligere , aut damnare , Chri- stianæ Reipublicæ intersit , ad Ecclesiæ , Ma- ximorumque Pontificum prudentiam perti- net dignoscere .

Quarto , in iis etiam , quæ per Ecclesiam
sta-

IN RELIG. NEGOTIO. LIB. I. CAP. XIII.

57

Statui certissime possunt, non solum, ut diximus, multa occurruunt nondum ab ipsa incensu Dogmatum ad Fidem attinentium relata, sed aliqua etiam occurtere possunt, quae quamquam in Conciliis & Patrum scriptis inveniantur, postremo tamen calculo probata aut rejecta fuisse continuo censenda non sunt. Id autem evenit, quum Concilia & Patres non ex professo hujusmodi sententias pertractant, sed obiter aliudque deliberando commemorant. Ex aliis Traditionis monumentis constare aliquando poterit, certissima esse, quae in aliqua Synodo, & apud nonnullos Patres in transitu referuntur. Eaque tunc, et si praeter propositum dicta, vim Dogmatis aut obtinebunt, aut retinebunt. Verum quae non aliunde firma ac rata apparent, non propterea quod ab ore aliud agentis exciderint, e vestigio naturam Dogmatis induunt. Immo gravissimis ex adverso militantibus rationibus diversae opinioni adhaerere flagitium non erit. Nemmo inter Catholicos negat, quin ad decernendas Fidei questiones, & efformanda Fidei Dogmata, ipsis quoque Conciliis necesse sit, Scripturas, & Traditionem diligenter consulere. At qui liqueat, hujus conditionis rationem fuisse habitam, quando Patres obiter, atque alio intenti, hujusmodi sententias ingerunt?

In VII. Synodo Oecumenica Act. V. Tarasius Constantinopolitanus, unus e Concilii Praesidibus, Johannis Thessalonicensis verba referens, affirmat, Angelos corpora quedam levia, aerea, vel ignea, sibi adjuncta habere. Ab hujusmodi opinione dissentire nequam videtur Synodus universa, & in eam, ne quid dissimilem, non pauci ex antiquis Patribus inclinarunt. Porro Innocentius III. in Concilio Lateranensi Angelos creaturas spirituales appellant, easque a corporeis manifeste distinguit. Visum est & alias Patribus, Angelos plane esse materiae expertes. At expedita est hujusmodi Antilogiae conciliandæ ratio. Neutra sententia a neutro Concilio definita revera fuit, aut Catholicae Fidei Dogmatis adscripta; obiter enim utrobique proposita est, quum de alia doctrina deliberatio foret. Nimurum Nicæna Synodus id solum tunc intendebat, ut Angelos, Sanctorumque animas pingi posse statueret. Animus autem non erat etiam statuere, utrum e corpore Angeli revera constent. Itidem in Concilio Lateranensi id unum agebatur, ut Manichæorum Hæresis renata prosciberetur, cuius erat illud impium placitum, non omnia Deo auctore fuisse creata. Contrarium Dogma recte sanciunt Patres, Professionem Fidei probantes ab In-

nocentio III. P. M. conscriptam. Utrum vero Angelii omnino materiae sint expertes, nulla tum quæstio vertebatur, nullumque statuenda hujus rei propositum Patribus fuit. Utraque igitur sententia, non Dogmatis Christiani, sed Opinionis nomine in utraque Syndico locum habuit.

Attamen unum heic prætereundum non videtur. Si qua in Conciliis Oecumenicis vel obiter proferantur, neque ibidem repudiantur, quamquam non inde statim sequatur, iis documentis Dogmatum firmatatem accedere, semper tamen sequitur, aut illa esse præter Fidem, aut non esse contra Fidem. Scilicet aut ad eam doctrinæ partem referenda sunt, quam Ecclesia per sententiam certissimam sancire non potest, cujusmodi sunt nonnulla jam commemorata, & plura inferius indicanda. Aut si ad illam doctrinæ partem spectant, quæ judicio numquam fallaci constitui possunt ab Ecclesia, tunc Synodi silentium argumento est, hujusmodi opiniones Fidei Dogmatis non repugnare. Eas ex professo & aperte non approbando, Ecclesia decretis Fidei nondum intulit. Et rursus non refellendo, tacite docuit, eas ab ipsa doctrina Fidei minime abhorre. Dissimulare enim Conciliis licet, quæ ad Fidem non pertinent: at Fidei repugnantia dissimulare non licet. Neque Ecclesiam fugere potest, quid doctrinæ ab Apostolis & Patribus traditæ aduersetur; & ab Ecclesiæ munere abhorret, sinere hanc doctrinam, se audiente, & dissimulante, violari. Error enim, (ut habetur 83. Dist. c. Error) cui non resistitur, approbatur; nisi forte ejusmodi dissimulatio inde oriatur, quod ad maturius examen controversia ipsa reservetur.

Quapropter proposita de Angelis controversia aut in censem (ut nonnullis placet) illius doctrinæ venit, quæ neque ex Scripturis, neque ex Traditione componi potest, & proinde sentire fas est de illa, quod veri videtur similius: aut, si ad Ecclesiæ judicium spectat, neutrius Concilii judicio sublata est. Silentio tamen suo effecere Concilia illa, ut neutra opinio dicenda sit Fidei doctrinæ contraria. At quomodo, inquit aliquis, verum simul sit, Angelos e materia corporea constare, & non conflare? Respondendum, certe videri, eos omnino spirituales esse. Quum vero tenuissima corpora interdum induant, ut Angelicum munus eorum gratia exerceant, quibus se conspicendi præbent: ideo corporei per accidens, ut dicitur, appellari, pingue possunt. Incertum autem est, an istam ætheream vestem illlico deponant, an retineant,

H neant,

neant, qua in quæstione prudentis est contineare judicium. Denique præstat horum Conciliorum verbis non admodum inniti. In Sy-nodo Nicæna Tarasius ex Johannis Thessa-lonicensis Oratione id unum arripiuit (cui & reliqui Patres adsentiantur), nempe circumscriptos esse Angelos ad differentiam Dei in-circumscripti, ipsosque humana specie fuisse conspectos, atque ideo fas esse illos pingere. Tacuit de eorum corporibus. Immo ipsos Act. iv. incorporeos appellaverat. In Late-ranensi Concilio, quum ab Innocentio III. Angeli dicuntur spiritus, ea vox omnem corporis societatem nequaquam excludit. An-gelos incorporeos, & spirituales alii ex Patribus dixerunt, quod e crausa materia non constarent. Nihilominus iidem Patres con-stare ipsos censebant e subtilissima atque ætherea materia. Sed de his jam satis.

Nunc de Rationibus, quibus Dogmata pro-babant, agamus; ad earum quippe leges ex-pendenda etiam venit proposita de Angelis controversia. Certe non alia de causa statu-isse videntur Nicæni Concilii Patres, licere Angelos pictura exprimere, quam quod Jo-hannis Thessalonicensis Rationes gravissimæ apparuerant. Et quidem si in Dogmatis san-ciendis nulli errori obnoxia est Ecclesia Ca-tholica, necesse est eam quoque prærogati-vam retineat in Dogmatum Rationibus in-veniendis atque edicendis. Nonne Dogmatum-fundamenta sunt Rationes? Iltis nutantibus, qmmodo imposita moles non dehiscat, at-que labatur? Igitur argumenta rationesque adhibita a Conciliis & Patribus ad Dogma-ta comprobanda, erroresve rejiciendos, pa-ri veneratione & fide, perinde ac ipsa Dog-mata, suscipienda erunt.

Verum heic majori quam in reliquis cau-tela est opus. Etenim in Conciliorū Pa-trumque lectioне plane sit hospes oportet, aut Logicæ, Criticæque oppido imperitus, qui eodem pede omnes ab iis adhibitas Ra-tiones dimetiatur, & dimetiendas arbitretur. Quare primo dicimus, nullum hucusque ab Ecclesia constitutum fuisse Dogma, quod Ra-tiones quapiam invicta non nitatur; & pro-pterera aliquam semper esse Rationem Dog-matum, quæ & ipsa ad Fidem non secus ac Dogma pertineat. Secundo addimus, non solum apud sanctos Patres, & in Scholis Theo-logorum, sed etiam in Conciliorū A-ctis quasdam occurtere posse Dogmatum Ra-tiones, quibus obsequium quidem fere sem-per a modestis hominibus debeatur, sed num-quam divina Fides. Primam conclusionem negabunt fortassis Heterodoxi. At quæ jus Ecclesiæ probant, illiusque infallibilitatem in statuendis Dogmatis, ea quoque manife-

tissime produnt, numquam sine aliquâ Ra-tione ad Fidem spectante, & ex sacrarum Litterarum, Traditionisque documentis mi-nime fallacibus deducta, Ecclesiam devenir ad sententiam ferendam. Itæ autem appella-ti possunt fundamentales, & potissimum Dog-matum Rationes.

Altera conclusio, nempe ejusdem non esse ponderis omnes Rationes ad probanda Dog-mata adhibitas, prima facie fortasse non ar-rideat imperitis jurium Ecclesiasticorum æsti-matoribus. Inter peritos autem vereque do-gos Theologos, non solum neminem con-tradictem habeat, sed omnes habeat lau-datores. Qui fecus arbitretur, præter ex-pe-rientiali sibi adversantem, rationes parum sibi faventes inveniet. Enimvero quid eviden-tius est, quam veritates cujuscumque gen-eris sint, sive Theologicas, sive Philosophicas, sive Morales, probari posse per argumenta, ut ajunt, demonstrativa; pariterque per ar-gumenta tantummodo probabilia, & verifi-milia? Proinde quamquam plurima certa sunt, vel ex Revelatione divina, vel ex lu-mine Rationis, tamen ista non refugunt so-cietatem Rationum probabilium & verifi-milium. Harum quidem ope non indiget veri-tas, ut sibi constet, sed earum fere semper sublidium amat, ut facilius persuadeatur. Deum esse, Mundum ab ipso conditum, An-imas rationales non interire cum Corpore, atque ultra Corporis mortem esse Animarum poenas ac pœnia: per lumen Rationis cer-tissime cognoscimus, & Revelatione divina pœiente, firmissime etiam credimus. Nihil vero prohibet, quin adeo perspicuas veri-tates probabilibus quoque Rationibus illustra-mus, ornemus, ac persuadeamus.

Id autem cum interdum in Conciliis, tum saepe apud Sanctos Patres locum habuit, & quotidie a præclarissimis Theologis atque Scriptoribus usurpatum, in pertractandis reliquis Christianæ Doctrina capitibus. At ar-gumenta verifi-milia, rationesque dumtaxat probables, divinam a populis Fidem exige-re non possunt, quippe non evidenti veritate nixa. Immo quum quidquid verifi-mile tan-tum est, si intime, & leveriori trutina ex-pendatur, falsum quoque deprehendi possit: quid mirum, si quandoque Rationes, pa-rum, immo nihil probantes, occurrant apud rerum divinarum interpres, & apud præ-stantissima Ecclesiæ lumina? Neque idcirco de firmitate Dogmatum quidquam deperit; neque minori quam antea mentis obsequio credenda sunt, ac suscipienda Ecclesiæ de-creta. Satis est eorum stabilitati fundamen-talium Rationum virtus. Quibus quum nul-lum, ut diximus, Dogma careat, necesse est

est etiam populos Christianos ab iis vicos adstipulari Dogmati proposito.

At qui distinguuntur a fundamentalibus istae subsidiaria Rationes? Fator, non id perinde facile omnibus erit, ac est prius simul & judiciois hominibus. Et tamen plurimi interest, unumquemque Theologum in iis discernendis ab errando cavere. Etenim cogitandum non est, cum tantummodo nocere Ecclesiae, qui audeat in dubium vocare, aut rejicere fundamentales Rationes. Error etiam est, excusatione quidem dignus, sed tamen error, atque incommoda non pauca gignens, argumenta solum probabilia majori quam per est virtute donare, eaque non secus ac Fidei firmissima capita, sine dubitatione credenda proponere. Id ab Ecclesiae ipsius consilio abhorret, quæ ideo verisimilibus interdum utitur, ut vera facilius persuadeat, ac roboret, non ut dubia ex his incertis certissima statuat. Sed adhuc interrogamur, quei a subsidiariis & probabilibus rationibus distinguuntur fundamentales. Ego non alia heic utendum regula censeo, quam quæ discernere nos docet ab incertis certissima Dogmata. Illæ igitur Rationes ad Fidem spectabunt, & fundamentales appellabuntur, quas aut sancti Patres ubique, & semper, & unanimiter pro certis atque evidenter accepere, aut Generalia Concilia, Romanive Pontifices in suis Fidei formulis, decretis, & judiciis ab universalia Ecclesia probatis concordi studio probarunt, & tamquam fundamenta Dogmarum posuere. Quare si quis ex sanctissimis Patribus, si quis etiam ex Episcopis in Actis Conciliorum Generalium suopte ingenio Rationes adserat, atque ad eas non accedat Ecclesia totius, hoc est totius Oecumenicae Synodi, aut Romani Pontificis, aliorumve Patrum consensus: tum cohibere judicium nostrum licebit, neque iis adjungere statim fidem nostram cogemur, incertum est enim, an per unum Episcopum, aut Scriptorem, Deus loquatur.

Deinde animadvertisendum est, fundamentales Dogmarum Rationes esse debere verba ipsa Scripturarum sacrarum, aut ipsius Traditionis indubia monumenta. Humanæ, & Philosophica Rationes Ecclesiasticis sententiis ponderis quidem aliquid adserre possunt, at minime primum ac præcipuum fundamentum, nisi & illæ divinis Libris & Traditione innitantur. Immo ipsa Scripturarum loca, quibus tum Concilia, tum Patres, certique Theologi utuntur in Dogmatum probationem, pro fundamentalibus semper certissimisque Rationibus minime omnia sunt accipienda. Allegorica quædam occurtere pos-

sunt, quædam etiam ex communi eruditorum voto obscurissima. Prudenter adjunguntur & ista clarissimis aliis divinorum Librorum, & Traditionis legitimæ testimonii, non futura quidem Dogmatibus constitutis fundamento, sed constitutis futura ornamen- to, atque praesidio. Quod ad Traditionem attinet, modo rite ex antiquitate concordi sit deducta, & secundum regulas a Theologis præscriptas adhibita, solidissimum semper Ecclesiasticis decretis fundamentum præbet. Ipsamet sacrarum Litterarum loca, Traditionis confessione indigent, ut iis tuto incumbat Ecclesiae judicium. Catholicorum nempe Republica probe novit, ea se teneri lege, ut nulla constitui debeant, aut possint Dogmata, quorum veritas ex Traditione, atque ex divinis Scripturarum oraculis, præstantibus veras fundamentales Rationes, non effluat. Et quum sine ipsis nullum reapse Dogma Ecclesia umquam fanciverit, & sanctificat, etiamsi regia, ut ita dicam, auctoritate interdum loquuta fuerit, aut loquatur, hoc est, etiamsi Dogmata, rationibus minime propositis, credenda proponat: compertum tamen est, semper ipsius decretis Traditionem & Scripturas sacras caussam & rationem dedisse; iisque positis, non est cur alias exigamus Rationes.

Celebre est in hanc rem Stephani Romani Pontificis exemplum. Fervebat Africam inter ceteras orbis Ecclesias controversia de Hæreticorum Baptismo. Cyprianus vir aliqui sanctissimus pro iterando Sacramento pugnabat, ejusque novæ opinioni, ut cum Vincentio Lirinensi cap. 6. loquar, tanta vis ingenii adfuit, tanta eloquentia flumina, tantus assertorum numerus, tanta verisimilitudo, tanta divina legis oracula, sed plane novo ac malo more intellecia, ut illa conspiratio nullo modo destrui posse videretur. Attamen Traditionem a se stantem contra Stephanus proferebat; atque his armis fretus, tota demum consentiente, & plaudente Ecclesia, causam obtinuit. Longo post intervallo fortissimus Catholicorum pugil Augustinus Stephani sententia ea rationum argumentorumque vi tutatus est contra Donatistas, ut nunc vel rudibus appareat, longe Cyprianum a veritate tunc abiisse. De Rationibus igitur humano ingenio excogitatis, id tandem statuendum esse videtur; eas, videlicet, quantumlibet acutissimas, quantumlibet ingeniosissimas, nihil valere, & aliquo semper virtuo laborare, quoties militant adversus Dogmata Traditione, divinisque Scripturis ab Ecclesia Dei firmata. Quum vero pro istis faciunt, non uno eodem pe-

de omnes esse dimetendas. Certissima quædam, quædam probabiles tantum, verisimilesque erunt, quædam etiam nullius pon-

deris deprehendentur. Quocirca & iudicio in iis scilicet locus erit, & in quibusdam rejiciendis libertas.

C A P U T X I V.

Jus Ecclesiæ in Dogmatis stabiliendis a Phereponi objectionibus liberatum. Falsum est, ipsum a Sancto Augustino negari. Multitudo in Conciliis Catholicorum quæ commoda pariat. Factionis nomen inique adscriptum legitimis Conciliis Catholicæ Ecclesiæ. Non crimen, sed laus ac necessitas ibi est judicare ex anticipatis opinionibus, hoc est, secundum Traditionem. Vindicatum a nonnullorum dictioris Concilium Tridentinum.

Quæ sint Ecclesiæ Catholicæ, Ingeniorumque jura in Doctrina salutaris negotio, sensim cognovimus. At ii, quibus jugum excutere placuit, & unius Scripturæ sacrae vocem, quemadmodum sibi fingunt, sed uti res docet, unius Ingenii sui vocem auscultare constitutum est, ii, inquam, nullum non movent lapidem, ut cælo auctore stabilitam Auctoritatem Ecclesiæ dejiciant, qua dejecta, proculdubio Ingeniorum crescit auctoritas. Phereponus igitur & ipse in hoc idem argumentum sapienter & lubentissime invalit. Nunc opus est expendere, quid ille tandem huc adferat novi. In animadversione ad Augustini Lib. 2. Cap. 3. de Bapt. adversus Donatistas, hæc habentur illius verba: *Ad investigationem veri, in re præsertim obscura, undecumque ea obscuritas oriatur, multititudinem nihil facero, sed tantum peritiam eorum, qui congregantur, & candorem.* Tum dicere pergit, omnes omnino, exempli causa, Africæ Episcopos, utpote imperitissimos Hebraici Græcique sermonis, suæ inepiores ad judicium ferendum de sensu loci veteris aut novi Testamenti, quam vir unus utriusque Linguæ peritus, cuiusmodi sanctus Hieronymus fuit. Proinde Concilia, sive plenaria sunt, ut Augustinus ait, sive minus plena, ad spem inveniendæ Veritatis, perinde nobis esse futura. Nec imperita multitudini pro imperio aliquid defienti, & anathematata minitanti, nullasque rationes, aut eas pravas, suæ definitionis adferenti, magis credendum, quam pauculis, aut uni. *Immo vero, inquit, uni viro docto, argumenta firma proferenti, continuo adseniar, quum ea intellexero, nec adversarios ejus umquam numerabo.* Numerus enim nihil ad veritatem facit, & sepe etiam quo plures congregantur ad eam definiendam, eo plures imperiti, eo

plures factiosi colliguntur; qui neque sciunt, quid sit verum, neque querunt, sed tantum quid sibi expedit, aut expedire videatur. Et quando quidem ex his, immo & ex Augustini auctoritate confidere sibi videtur, Concilia errori obnoxia esse, subinde infert, eorum decretis non esse sine prævio examine credendum. Addit etiam, Conventus Ecclesiasticos ad Civilium normam esse formatos. Sed juere in istis pauciora debere cedere pluribus suffragiis; in iis vero nequaquam debere. *Ubi enim celestis Veritas agitur, quam nemo nisi studio & attentione adhibitis novit, que nulli mutationi obnoxia est, cuius nemo est dominus & cuius definitio maiorem a Deo potestatem plures non acceperunt, quam pauciores: non sunt numeranda suffragia, sed singulis expendenda suffragiorum rationes.* Ita ille.

Sententia itaque Phereponi duo potissimum complectitur, nimurum, Ecclesiam & Concilia nihil amplius habere juris in Doctrina Christi stabilienda ac proponenda, quam privatum quilibet hominem, cui rationes invictas adferenti credendum sit; abrogandam vero fidem, si sine rationibus, aut cum pravis rationibus loquatur. Deinde revera non esse Conciliis hucusque peractis obtemperandum, quippe ex gente sapientia imperita, factiosa semper, conflatis, & in statuenda Christi Doctrina affectuum potius confilia quam veritatem spectantibus. Quia in re ipsum cum aliis Hæreticis, & Socinianis potissimum consentire video, qui Conciliis nullis, nulli Ecclesiæ visibili in rebus Fidei auctoritatem esse docent; atque adeo tacite Dordracenam ille Synodum carpit, ubi Majores suos Calvinianorum factione oppressos Arminiani quotidie conqueruntur. Sed Phereponus contra Calviniana Conciliabula his argumentis optime utitur; contra Ecclesiæ Catholicæ Concilia nihil proficit, & splendide fallitur.

An-

IN RELIG. NEGOTIO. LIB. I. CAP. XIV. 61

Antequam tamen id ostendo, considerare juvat, an Augustinum recte in sententiam suam Phereponus induxit. Scribit sanctus Doctor Lib. 2. Cap. 3. de Bapt. contra Donatistas, singulorum Episcoporum Litteras a peritioribus licere reprehendi, si quid forte in iis a veritate deviatum fuerit. Tum addit: *Ipsa Concilia, quæ per singulas Regiones vel Provincias sunt, pleniorum Conciliorum auctoritatibus, que sunt ex universo orbe Christiano, sine ulla ambagibus cedere, ipsaque plenaria sepe priora posterioribus emendari.* Si quisquam contendat, heic Augustinum significare velle, Generalia Concilia, quamquam legitime habita, in Dogmatibus exponentis ab erroris periculo exulta non fuisse; eum ad Phereponi scholam continuo traham, ut Criticam Arrem edoctus subinde hæc Augustini verba sagacius expendat. Nullus autem dubito, quin ipsi aliqua heic interpolationis suspicio statim subiciatur. Ita scribi Augustinus: *Quis nesciat, ipsa Plenaria (Concordia) sepe priora posterioribus emendari?* Hic interrogandi modus tantæ confidentiæ plenus, rem significat vulgo notam, immo jam experientia claram atque testatam. Si quid innuere voluisset Augustinus, quod numquam factum fuisset, & fieri tantummodo in posterum posset, nequaquam dixisset: *Quis nesciat ipsa Concilia emendari;* multoque minus *quis nesciat sepe emendari?* Et si rem, ut certe verba sonant, jam usu tritam significat: quandonam, quæso, plenaria Concilia, eaque legitima, in Fidei Dogmatibus a posterioribus emendata fuere? Nicænum I. Constantinopolitanum I. duo nempe tantum plenaria, seu Generalia Concilia ad Augustini usque ævum habita fuerant. Sardicense quoque iis addere per nos licet, (quamquam Augustino non satis notum) & Arelatense I. ipsi notissimum, atque celebratissimum. Verum summa inter hasce Synodos in rebus Fidei atque in Dogmatibus concordia, nulla emendatio, nulla priorum correctio. Proferat, si quisquam potis est, hasce Dogmatum antilogias, hasce emendationes. Ne ipse quidem Augustinus, iis Conciliis propior quam nos, proferre posuisse. Restat igitur, ut aliqua lacinia iis Augustini verbis assuta fuerit, locumque istum depravatum habeamus, aut aliter illius mentem esse explicandam fateamur. Et sane quantum conjectura assequi licet, recensentur heic ab Augustino cum legitimis spuria quoque Concilia, qualia fuere nonnulla ab Arianis habita, & que a posterioribus emendata sive nemo negat. Deinde potiori jure dico (& dissimulata quacumque

interpolationis suspicione, ita dicendum contendo) Augustinum heic agere, non de Fidei Doctrina, sed de Judiciis ad personas & dissidia privata spectantibus, & de compluribus Disciplinæ capitibus, aliisque factis, in quibus, ut infra patebit, Catholicæ consentiunt, emendari sepe numero posse ipsasmet universales atque legitimas Synodos, earumque decreta mutari. Isti conjecturæ quam maximum robur accedit ex sequentibus Augustini verbis. Ait enim, tum ipsa Plenaria emendari, quum aliquo experimento rerum aperitur, quod clausum erat: quod sane de factis, non de Dogmatis verificari potest. Huc autem pertinent varia Augustini ejusdem loca, quibus prodit, quanta Occumenicis Conciliis & totius Orthodoxæ Ecclesiæ consensioni veneratio debeatur. Ab ipsis quicumque dissentient in Doctrina Fidei, ipsius iudicio, immo omnium, qui ante, & post ipsum in Christi Schola excelluere, Hæretici sunt; tales nequaquam futuri, nisi ab omni erroris periculo in sciendis Dogmatibus abesse Ecclesiam unam aliis Patribus consentiens arbitratus & ipse fuisset. Consuluntur Lib. 1. cap. 18. de Bapt. & Lib. 2. cap. 1. 4. & 9. & Lib. 4. cap. 6. itemque Lib. 3. cap. 14. contra Maximinum, ut alia omittam. Quibus consideratis, facile quisque videat prioribus Augustini verbis male Phereponum institisse, aut iis faltem insistendum non esse, ut legitima Ecclesia Catholica Concilia in rebus Fidei errori ostendantur obnoxia. Si quid aliud inde probare Pherepono est animus, quod est ad hanc particulam, concordiam non difficile inibimus.

Ceterum ad confutationem Phereponianæ sententie adeo Conciliorum Generalium auctoritatem deprimens, multa non sunt opus. Eadem ratio, eadem potentissima causa, quæ Scripturis divinis habendam fidem persuadet, eadem Ecclesiæ credendum monet. Deo credimus, quia ipse ex natura sua falli ac fallere non potest: Ecclesiæ, quia illam Deus non errandi prærogativa donavit. Fucum vero nobis facere nititur Phereponus, quum ait, *ad investigationem vere multitudinem nihil facere, sed tantum peritiam;* & uni perito potius, quam imperitis innumeris credendum, quippe numerus nihil ad Veritatem facit, sed quidem rationum pondus. Optimam ille sententiam alieno accommodat loco. Utique magnum pondus rebus in Concilio definitis præbet omnium, aut multorum Patrum consensus, ac præcipue Patriarcharum, Metropolitarum, atque Episcoporum. At probata inter Catholicos Concilia non eo tantum nomine fidem

dem merentur, & veritatem assequuta creduntur, quod multorum suffragiis res illic peractæ sint, sed quod Episcopi Litteras divinas, & germanam Traditionem ea, qua par est, diligentia, fide, ac sinceritate consuluerint, examinarint, & secundum eas sententiam ediderint. Sexcentis Episcopis Ariminiense Concilium, trecentis Mediolanense, Seleuciense, aliaque Concilia ingenti Praesulum copia constitere, qua tamen inter Conciliabula fide atque obsequio indigna referuntur. Præterea non minor Auctoritas Constantinopolitano primo, & secundo, in iis quæ ad Fidem spectant, aut Ephesino primo, aut Tridentino, quam Nicæno primo, & secundo, & Chalcedoneo, quamquam illa præ ipsis conflata fuerint ex longe minore Episcoporum numero. Immo, ne irrita sit spes nobis a Christo facta in medio duorum aut trium, qui in suo nomine congregati fuerint, semper esse futurum, eadem est vis atque auctoritas, quod ad Dogmata spectat, Provincialibus Conciliis, aut exiguo Episcoporum coetui, ac generalibus Conciliis, dummodo ad ea palam accedat reliquarum Ecclesiæ suffragium. Quæ omnia manifeste indicant, Ecclesiæ Catholicæ non tantum numerare vota, sed etiam rationes expendere Episcoporum. Quod si pluris affiantur ii Conventus Ecclesiastici, qui pluribus, quam qui paucioribus Episcopis constant, & demum Generalia Concilia Provincialibus præponuntur; id ad Traditionem commodiis rutiisque colligendam, ad rationes concordi ac majore studio pensandas, ad unionem animorum & doctrinæ facilis ostendandam ac refinandam conducit, non autem ut sola multitudo sit primum aut maximum veritatis assequenda argumentum.

At Phereponus verbis nostris adhibere fidem tam facile, ut suspicor, nolit, quippe qui ait, sepe in Ecclesiasticis tum Catholicorum, tum aliorum Christianorum Conventibus, imperitiam, & pravos affectus omnia moderari. Ab indoctis autem & factiosis hominibus quid veri sperandum est, in rebus præsertim obscuris, & supra vulgarem scientiam positis? Et de factionibus quidem vetus est querela in Hæreticorum castris. Sed omnium maxime hisce proximis saeculis illam Protestantes ad ravim usque repetierunt, quo legitimam Concilii Tridentini auctoritatem declinarent. Illic & ipsi non tantum rationes sua defensionis exponere, & disputationes inire, quod liberum iis erat, sed etiam judicem agere volebant, & jura partiri cum Ecclesiæ veræ Pastoribus; iniquum reputantes, se a Catholicis tantum, hoc est ab adversiorum, ut ipsi ajebant, factione judi-

cari. Verum hanc futilem querelam, & minime æquam petitionem jamdudum exploere Catholici, tamquam hominum tricas potius quam veritatem querentium, & judices legitimos nefario consilio aversantium. Ad Ecclesiæ veram spectat jus dirimendi controversias in Religione excitatas. Hanc nisi quis audiat, ex Christi præcepto futurus est nobis velut Ethnicus & Publicanus. At quemadmodum in veteri Testamento Pontifices & Sacerdotes, & non singuli de populo, Synedria peragebant, litesque in lege Dei extortas componebant: ita & in novo Testamento Episcopos Spiritus sanctus posuit regere Ecclesiæ Dei, primumque inter eos dignitatis & auctoritatis gradum Romano Antistiti contulit. Itos Pastorum etiam nomine donarunt Apostoli, eorumque munus, ut habetur Hierem. III. situm est in oibis scientia & doctrina pascendis. Quid est igitur, quod contra totius antiquitatis usum, contra Apostolorum verba, mentemque Christi, nunc oves judicium legitimorum Pastorum aut detrectent, aut usurpare sibi velint, & ex aequo cum ipsis facere? Et profecto si honesta Protestantium & Phereponi petitio est: nulla umquam Hæresis damnabitur, nullus Hæreticus ad meliorem frugem fese recipiet. Nam quid experientia manifestius est, quam homines perinde in erroribus ac in veritate tuenda perrinacissimos esse, & a veritate devios nullis sepe rationibus flecti posse? Certe constat, in tot publicis privatis disputationibus inter Catholicos & Protestantes acri animorum contentionem hucusque habitis, aut utramque partem Pæana cecisisse, aut neutram alteri herbam portexisse. Quare videant perduelles Ecclesiæ filii, quo jure item intendant legitimam Catholicorum Praesulum auctoritatem.

Et hinc etiam perspicimus, odiosum factionis nomen iniquissime Catholicis Conciliis ac Judicibus impositum in Lutheri, Calvinii ceterorumque Novatorum Schola. Et enim, postquam statueris, uti statuendum est, Ecclesiæ veram, ejusque Episcopos, & potissimum Petri successorem, Judices in Religionis controversiis esse a Christo institutos; similique Ecclesiæ universam, & Syndicos ab Ecclesia probatas falli in judicando non posse: consequens etiam est, non factiosos homines, sed legitimos Judices esse appellandos Ecclesiæ Catholicæ Episcopos. Quum vero Dordracenum, & reliqua id genus Conciliabula, hisce careant fundamentis (neque enim immunitatem ab errore secundum suæ sectæ principia, ullæ Protestantium Ecclesiæ arrogare sibi possunt, nullaque Protestantium pars majorem a Christo tributam sibi quam alte-

alteri auctoritatem ostendere potest,) factio-
nis nomen quibusque illorum Sectis & Pseu-
dosynodis justissime convenit. Sed prava ar-
tes, inquit aliquis Phereponus, & turbidi
affectus, atque anteceptae opiniones in costi-
bus tam Catholicorum quam Protestantium
dominantur, & contemta ratione, ac verita-
te conculata, jus illic pro arbitrio dicunt.
Ulro concedimus & nos, atque affirmamus,
posse Catholicos Episcopos in Conciliis suum
oblivisci munus, & affectibus in transversum
agi. Fatemur etiam, Christi opem, & Spi-
ritus Sancti gratiam, quam Catholici Conci-
liis tribuunt, ut doctrinam Christi in suis
definitionibus intactam servent, esse (ut Scho-
larum verbo urar) hypotheticam, hoc est e
quibusdam conditionibus ac legibus pende-
re. Haec autem leges & conditions in eo sit-
funt, ut summi Pontifices & Episcopi nulla
vi, nullo metu, nullis illecebribus, nulla fa-
ctione studiove partium corrupti, Traditio-
nem Ecclesiarum, quas repræsentant, sortiter
tueantur, neque ab ea volentes prudentes-
que recedant, eamque illa sinceritate, qua
par est, & fide & diligentia ex divinis Li-
bris, & ex probatis Traditionis Ecclesiasticae
monumentis hauriant. Hujusmodi conditioni-
bus, suoque muneri posse deesse Episcopos &
Concilia nemo negat, & re ipsa interdum
defuisse ex Ariminensi, Mediolanensi, & Eph-
esia II. aliisque Pseudosynodis constat.

Hæc, inquam, apud nos certa sunt. Sed
æque certum est, immobilitatem Ecclesia in
Christi doctrina, non hypotheticam, sed pe-
nitius absolutam esse, id est ex nullis condi-
tionibus legibusve pendere; atque adeo ipsam
Ecclesiam numquam opiniones adoptaturam
veræ fidei ac Traditioni contrarias, & nul-
lis Diaboli artibus, nulla suorum Præfulum
incuria ac pravitate ipsam a germanis Chri-
sti Dogmatibus credendis & confitendis posse
ullo umquam tempore deduci. Quapropter
quandocumque rite peracta sunt Concilia
Oecumenica: tum nulla dubitatio futura est,
quin ibi Christus, & Veritas adfuerint, &
Spiritus Sanctus ita humanam infirmitatem
& cæcos, si qui erant, affectus Episcoporum
ibi compresserit, ut unius veræ doctrina ha-
bita fuerit ratio. Non sivisset divinum Ec-
clesia caput, ut sua Sponsa extitibus er-
roribus contentiret, quam puram, immobi-
lem, & Veritatis Columnam ad consumma-
tionem usque sæculi esse voluit.

Inepte insuper criminis vertatur Conciliis,
quod ex anticipatis opinionibus omnia aut
pleraque illic peragantur. Nihil enim apud
Christianos magis inculcatum est, quam esse
antiquæ Traditioni constanter Inhaerendum;

& qui secus fecerit, Apostolorum præcepta
violare. Neque alia ratione Concilia initio
legitima atque Orthodoxa in turpia Conci-
liabula evasere, quam quod aliter quam ex
anticipata Majorum sententia fidem declara-
rint, atque sustinuerint, contra Hæreticos
nova ferentes. Quod si Concilia quædam a
Catholicis recepta, suspicione improbarum
artium asperguntur a nonnullis, quis sanus
unius aut alterius affirmationem præponat
innumeris aliis contra affirmantibus, & æque
rerum consciis? Talia præterea aut a taciti-
bus aut ab apertis hostibus Catholicæ Eccle-
siæ confusa & somniata, sparguntur in vul-
gus, cæco consilio, audacia ingenti. Deinde
considerandum est, nullum fere constitutum
fuisse Concilium, licet Orthodoxum, in quo,
ut in reliquis hominum conventibus, aliqua
opinionum & affectuum diversitas non habue-
rit locum. In conficiendis formulis Decre-
torum, in ritibus, & factis, aliisque rebus
ad Disciplinam pertinentibus, atque in ipso
ordine sedendi, judicandi, & disputandi,
aliter hic, aliter ille sentit & cupit. Vix au-
tem fieri potest, ut in tanta Judicium & Theo-
logorum copia nemo sit, qui moleste non fe-
rat, aliena potius quam sua probari consilia.
Hinc unius aut alterius querelæ, hinc
tœdia, hinc malesani clamores, quibus &
reliqua Concilia non caruere, neque in poste-
rum carebunt. Verum talibus in rebus dissidere
posse Patres citra fidei jacturam, & in-
tacta sanctitate Concilii, quis non videt?

Nihil, inquam, officit istud arcii Religio-
nis, hoc est Doctrinæ, Dogmatibusque fidei.
Concordes exempli causa in ipsius fidei pro-
fessione fuisse Tridentinos Patres, & contra
ipsam nihil peccatum, & ab ipsa prædicanda
atque tuenda neminem absterritum, & nemini
ad ipsam corrumpendam illectum fuisse,
Catholicî quilibet affirmant, credunt, & cer-
tum habent. Si secus contigisset, si malis arti-
bus actum fuisset, revelandi onus incubuisset
quibuscumque Tridentini Concilii Patribus ac
Theologis. Nam illud in primis apud Catholicos liquevit, & Episcopis potissimum explora-
tum est, sine tetrorimo crimine violari non
posse Doctrinam Christi; & si quis (* sibi
conscius) Christianos populos in errorem vel
prædicando, vel consentiendo, vel conniven-
do, induxit, hunc sine publica confessione
sui criminis decadentem vix aut nequidquam
a Deo veniam sperare posse. Quis autem sibi
persuadeat, tot Episcopos, ac Theologos in
Tridentina Synodo conspirasse adversus do-
ctrinam Christi, & neminem, quod sui mune-
ris erat, ausum resistere corruptoribus; &
nullum inter ipsos Episcopos tantæ fraudi,
tan-

* Al. prudens.

tantoque sceleri personam tandem detraxisse, & palam confessum, se minis aut artibus inquis adactum ad veritatem Religionis insigni proditione labefactandam? De tot hostiis, & probis, & doctis hominibus ex universa Ecclesia in unum collectis, id ne ex cogitari quidem potest. Neque Deus, Ecclesia sua stabilis æternum futuræ custos, tantum flagitium latere permisisset, neque umquam permisit, ut ex Historiis Ecclesiasticis patet, utpote qui populo vere Christiano in necessariis non deest. Quare minime dubitandum, quin Tridentinis Patribus necessaria adfuerit libertas sentiendi & judicandi, quamcumque Catholicae Fidei magis consona tunc videbantur.

Sin autem consulto non errarunt legitima atque probata Concilia, eo minus incaute falli potuere. Episcopi enim, & Ecclesiæ veræ addicti, & Christi nomine in unum congregati, dummodo debitam fidelitatem ad-

hibeant atque industriam in haurienda e Scripturis aliisque Christianæ Traditionis monumentis, germana Ecclesiæ Doctrina, ab omni erroris periculo, divino Spiritu opem ferente absunt, ut jam vidimus, atque ut constans dogma est in Ecclesia Dei. Quandoquidem tamen industria conjuncta postulat peritiam & scientiam; hanc autem peritiam Phereponus ait defuisse ac deesse quibusdam Conciliis, & ipsiusmet præstantissimis Ecclesiæ Patribus, & nominatim Augustino: hanc utilissimam quæstionem infra discutiemus. Palam autem fiet, quænam scientia ac peritia in Christianis Ecclesiæ Judicibus exigatur, & quam præter æquum & bonum agat Phereponus, qui ipsam Patribus antiquis, & Augustino, & Conciliis, abjudicat. Nunc incepto itineri insistendum est rursus; & quoniam de Dogmatis fidei satis ad institutum nostrum hactenus egimus, ad Disciplinam Ecclesiasticam tandem est transeundum.

C A P U T X V.

Disciplina Ecclesiastica quid complectatur. Quæ differat a Dogmate. Quæ in Disciplina mutare, aut non mutare, sequi aut non sequi licet. Consonare in Dogmatibus omnino necessarium. Varietas in Disciplina rebus modo laudanda, modo toleranda. Constantia Catholicon in Hæresi Iconoclastica damnanda commendatur, a Calviniano quodam injuste subsannata. Quid Ecclesia egerit, eique sit agendum in dissidiis de Disciplina. Contra Phereponum ostenditur Autoritas Ecclesiæ in præcipiendis nonnullis ad Disciplinam spectantibus sub poena peccati.

Diximus, Ecclesiasticam Disciplinam variæ complecti. Ad illam spectat, quidquid aut a Christo, aut ab Apostolis, aut ab universa Ecclesia, sive ab Ecclesiis privatis, institutum fuit, ad externum Dei, servorumque ejus cultum, ad ritus Sacramentorum, aliorumque Mysteriorum, ad Ministros Ecclesiæ, & ad quædam pietatis, aliarumque virtutum opera externa. Et propterea Disciplina nomine quam latissime sumto designamus scientiam illorum rituum carumque legum, ex quibus constat cum regimen membrorum Ecclesiæ, tum exercitium externum Religionis atque virtutum. Differt autem Disciplina a Dogmate, quod istud præscribat quæcumque credenda, aut non credenda sunt Fide supranaturali, & quidquid homini Christiano facere immutabiliter præcipitur, vel prohibetur; Disciplina vero traditus & leges adhibendas, ut Ecclesia mili-

tans decenti ordine regatur, & ut palam, operibusque externis rite peragatur, quod per Dogma internus homo jam didicit.

Et plurimi quidem interest, bene perspectum habere, quid secerat Disciplinam a Dogmatibus; quia maxime necessarium est cognoscere, quid mutabile, quidque immutabile sit in Ecclesia Dei. Nam eorum, quæ ad Disciplinam referuntur, multa mutari ex sui natura possunt; quæ vero ad Dogma, eadem semper esse oportet, ac semel fuere. Ad hæc interdum Dogma ac Disciplina simul conjuncta incedunt. Quum de aliquo novæ legis Sacramento agimus, puta de Baptismo, dicimusque ipsum conferre gratiam, delere peccatum originis, ejusque vim & effectum a Ministrantibus merito nequaquam pendere, & alia id genus: Dogmata hæc esse nemo non intelligit. Quum vero dicimus, ad Baptismum adhiberi aspersionem, aut meritionem

sionem trinam, salem, & unum duosve sponsores e sacro fonte initiatum suscipientes: tum aliqua significari cognoscimus ad Disciplinam pertinentia. Quare una eademque res & ad Dogma, & ad Disciplinam sub diversa facie ac ratione referenda est. Sunt autem quedam a Christo, ejusque Apostolis præscripta, quæ in Disciplina censum veniunt; sed quandoquidem ista immutabilia sunt inter Christianos, in Dogmatum quoque jura per Analogiam tranfierunt: quod in Sacramentis præterim animadvertendum occurrit. Alia quoque sunt, quæ ab Apostolorum Successoribus instituta fuere, & illius naturæ sere omnia sunt, ut aliter institui possent, & recta nihilominus & æque laudabilia forent, si alia ratione ac forma indeta fuissent. Alios, inquam, Ritus, alia tempora Jejuniorum, alias precum formulas, criminum prænas, atque id genus quam plurima, eorum loco, quæ jam constituta habemus, poterat Ecclesia constituerre.

En igitur quid inter Disciplinam, & Dogmata intersit. Dogmata ab ipso Deo omnia, & singula procedunt. Eadem omnia Deus jam Ecclesiæ revelavit, istique Libro jam pridem concluso nihil novi de suo ingenio addere Ecclesia potest, neque novam Dogmatis alicujus inauditi revelationem a Deo sperare. Et porro nihil nobis deest ad plenam salutaris veritatis cognitionem. Quo arguento profigatæ olim fuere novæ Montani, Manetis, Muhammedi, aliorumque Revelations. Aliqua autem Disciplina præcepta numquam immutanda Christus ipse reliquit. Aliqua etiam Ecclesiæ suæ jus dedit adjiciendi, eaque rursus mutandi pro locorum, pro temporum, pro hominum indole, ac necessitate; quemadmodum prudentia, pietatis, & optimi regiminis ratio identidem postularet. Sancti etiam Spiritus suffragium hisce Ecclesiæ decretis minime deesse, quumquidpiam statuit aut immutatur, quod in Mysteriorum decorem, Populique Christiani utilitatem cedere possit, ex Hierosolymitano Apostolorum Concilio didicimus.

Quid itaque Ingeniis nostris agendum est in ista parte Ecclesiastica doctrinæ? Primo, honestum atque utile fuerit investigare, unde veniant Ritus & Leges, quæ Disciplinam respiciunt. Si sacrarum Litterarum, aut Traditionis, aut Ecclesiæ, aut Præsulum legitimorum auctoritate nequaquam innitantur, ea repudiare licet. Secundo, privatis hominibus nefas est, ea abdicare, aut immutare, aut vituperare, quæ communi Episcoporum consensu stabilita fuere. Pessum enim iret ordo in Christiana Republica a Christo, ab Apostolis, a Majoribus sanctissime constitutus,

& usurparentur ab ovibus non sine gravi sceleri jura Pastorum. Tertio, tunc etiam Disciplina præcepitis & ritibus legitime introductis obedientiam negare licebit, quum aut consuetudo Pastoribus tacite probata, aut novæ leges eosdem abrogant. Quarto, multæ sunt Disciplina leges, multique ritus, quos illa ratio, & antiquitas, & origo ab Apostolis usque arcessita commendat, is Patrum, totiusque Ecclesiæ consensus tueretur, ut vix illa suboriri possit legitima causa, cur immutandi sint aut antiquandi. Et quænam, rogo, honesta umquam causa excogitari potest, propter quam tot vetustissimos ritus ad Eucharistiam, aliaque Mysteria conficienda institutos, aut Hierarchia Ecclesiastica partem a Majoribus nostris sapientissime definitam abolere conduceat, aut quælibet Monasticæ vitæ genera atque instituta funditus exterminare? Fecerunt id quidem posteriorum temporum Novatores, sed post conculcata Dogmata, post attritam, quantum sibi placuit, Ecclesiæ vera faciem atque auctoritatem. Ceterum, dum stet Ecclesia Catholica (æternum autem stabit) in his aliisque Disciplina capitibus poterunt quidem esse abusus, quos evellere juvabit; non erit causa, cur res ipsæ penitus & ubique sint evertendæ. Quod si causa cessabit, quæ Ecclesiæ antiquæ, ipsisque etiam Apostolis occasionem præbuit, ut ritum quempiam instituerent, & mores alios interdericerent: recentiori Ecclesiæ libet diversa statuere, & priora abrogare. Certe sibi religioni Ecclesia minime duxit, sanguinis & suffocati usum concedere, quem tamen Apostoli prohibuerant, locis & temporibus servientes; neque enim nos recentiorum Græcorum rigidam adhuc in hujusmodi ritu præxim moramur. Alia omitto exempla. Nimirum ad ipsam Ecclesiam jus spectat agnoscendi, ac decernendi, utrum ad tempus an perpetua sit Apostolica institutio.

Ceterum alia causa est, cur omnium maxime ingenii nostris obversari semper debeat ea differentia, quæ inter Fidei Dogmata, & Disciplina documenta intercedit. Etenim in Disciplina aliter una Ecclesia, aliter altera sentire, atque agere interdum poterit, & contrariis etiam legibus regi; neque tamen culpanda ista varietas, immo interdum laudanda erit, & certe non exscindendus propterea nexus Christianæ pacis atque unionis. Contra in Dogmate necesse est, singulas Ecclesiæ, omnesque Christianos idem sentire. Nemini heic licet, pacis & Caritatis intuitu cum eo communionem factorum, unionemque habere, qui ab Ecclesia Catholica segregata discedat, usque adeo ut supremos Ecclesiæ Magistratus infimi possint ac debeat propter

eam causam damnam, atque deserere. Non possunt enim, inquit sanctus Ambrosius, esse inter eos iura pacis, inter quos est bellum Fidei. Et sane unica, non multiplex, esse debet Religio vera. Unus Dominus, inquit Apostolus ad Ephes. IV. 5. una fides, unum Baptisma, unus Deus & Pater omnium. Deformis nempe ac ridenda foret Religionis Christianæ facies, ubi sentire in substantiis, quæ vellemus, & Revelationem divinam oppositis pugnantibusque opinionibus exponere singulis liceret. Uni dumtaxat sententia favere Veritas potest. Necesse est oppositæ sint falsæ. At si coeant simul, pacemque obseruent tum Catholicorum, tum innumerabilium Hæreticorum Scholæ: quis non videat, jam de Veritate actum esse, quæ in tanta errorum colluvie ipsam Veritatem simulantium non solum facile vitietur, sed numquam certo deprehendatur? Et quare Apostolus ad Tit. III. 10. *Hæreticum hominem post unam & secundam correptionem devitandum esse jubet?* Cur II. ad Tim. II. 17. fugiendos sermones ait *Hymenæi & Phileti*, qui a veritate exciderunt, dicentes resurrectiōnem esse jam factam, & subverterunt quorundam fidem? Cur in I. ad Cor. 1. tam enixa obsecrat, per nomen Domini Nostri Iesu Christi, ut id ipsum dicamus omnes, & non sint in nobis schismata? Hinc Apostoli ipsi, eorumque successores Episcopi, nullam umquam animadverterunt emergentem Opinione novam, divinis Scripturis, & Traditioni Christi aperte repugnantem, cui se se acrier non opposuerint, Quam non proscripterint, diris non devoverint, ejus Auctore damnato, & ab Ecclesia abscesso, nisi ab errore resipisceret. Alia pæne innumera incommoda ex hujusmodi Syncretismo consequentur; eaque adeo mentem perculgere semper vel ipsorum Protestantium, ut quamquam nihil vehementius ab iis optaretur, quam componere sua dissidia, & aliquod iniire inter se fœdus, quo fortius Ecclesiæ veræ obfisterent: Lutheri tamen sequaces induci numquam potuerint, ut a Calvinianis non semel oblatam pacem & concordiam, discordibus adhuc sententiis, amplectenterent.

Contra diversitas, & varietas in Disciplina interdum laudanda, interdum toleranda est. In Mysteriis peragendis, in externis operibus pietatis, quod uni Ecclesiæ, uni Regioni, ac Provinciæ, sint quidam ritus, alteri vero alii, dummodo sanctitas, & gravitas, & prudenter in utriusque partis Ritibus legatur, tantum abest ut deformitatem in Religione pariat, ut potius ejus pulchritudinem specabiliorē efficiat. Neque diversis modis se coli a gente sua indignatur Deus, quando

interna Caritas ardens, & pura Fides, & Dogmatum concordia externi cultus honestati respondeat, atque is cultus Revelationi ac Traditioni minime repugnet. Hinc olim Orientis Ecclesiæ ab Occidentalibus, & Occidentales ipsa inter se differebant, & etiamnun differunt in Ritibus, quibus conficitur in cruentum Sacrificium, in ministrandis reliquis Sacramentis, in indicendis aut Jejunii temporibus, aut Poenitentiæ gradibus, aut diebus Festis, atque in aliis sacrorum cæremoniis. Elegantissima est in hanc rem Augustini Epistola 86. num. 36. contra Urbicum quemdam, quem male habebat, quod Jejunium Sabbati Romæ observatum alia plerique Ecclesiæ minime amplectenterent. Deinde quamquam aliqua Disciplina præcepta eximia quam ratione vel auctoritate olim niterentur, aut in Provincialibus, immo in ipsis Generalibus Conciliis firmata fuissent, omniumque Ecclesiarum, aut saltem plerarumque consensu recepta, attamen sœpe Caritatis & unitatis amore, tolerata est eorum Canonum inobservantia. Siquidem una ex præcipuis Catholicæ Ecclesiæ legibus ea est, ut quam maxime fieri potest, retineatur animorum pax, & Ecclesiarum concordia; licitumque esse, eamdem procurare, aut retinere, quamdiu ab ipsa querenda nos non avertant, aut ad ipsam infringendam nos non impellant virulenti errores, Fidei Doctrinæ oppositi. Et sane omnis sege Disciplina Ecclesiastice supplex, si demas revelata, ac præscripta a Christo, & legibus & rebus constat ex sui natura haud quaquam necessariis. Præter humana infirmitati sœpe indulgendum; non raro etiam suboriuntur rationes, quæ diversam Disciplinam poscunt, aut severitatem legum saltem silere, ut ita dicam, jubent; & quando nulla alia succurrat, certe necessitas avertendi, aut sanandi Schismatis, vitandique gravis alius in Ecclesia incommodi, opportuna & potentissima causa semper vita est Disciplina mitigandæ, aut etiam solvendæ. Quia in re etiæ crimine plerumque non careant, qui conculcatis legibus justissima de causa constitutis, eo Ecclesiam adiungunt, ut de suo jure cedat; ipsa tamen Ecclesia cedens, non solum omni culpa semper careat, sed prudenter quoque laude persepe abundet.

Altero Ecclesia sæculo Asia minoris Episcopi suam de tempore celebrandi Paschatis disciplinam, uti a Johanne Apostolo acceptam, obfirmatis animis propugnabant. In diversa sententia erant reliqui Episcopi, & Romanus potissimum; suamque & isti tuebantur Disciplinam, Traditione ab Apostolorum Principibus deducta. Eam ob causam minime scindendam pacem Sanctus Irenæus, alia que

que Ecclesiae censuerunt, non repugnantibus ipsis demum summis Pontificibus, quamquam Victor severius aliquando agendum existimat. Duos in una Sede Episcopos contra Disciplinae leges interdum etiam Ecclesia permissit; & celebris est Catholicorum Praesulum Caritas in Africa, qui ut Donatistarum pertinaciam evincerent, ejusmodi conditionem obtulere, ratamque habuere. Idem pacis amor, aliaque rationes ad prudentiae normam exactae, in causa fuere, cur Primum Constantinopolitani Episcopi post Romanum Ecclesia toleraret, & novi Episcopatus instituerentur, & ab una Ecclesia Episcopi ad alteram transferrentur, etiamsi Disciplina fecus exigeret. Ex iisdem fontibus ea ratio fluit, quare nonnullis Ecclesiis liberum fuerit, atque etiamnum sit, nolle interdum amplecti novos quosdam Canones ad Disciplinam pertinentes, licet in ipsis Conciliis Generibus promulgatos. Dum in Dogmate consensus habeatur, concordia in reliquis rebus expertenda quidem, sed interdum non extorquenda. Idem videre est in nonnullis Disciplinae decretis a Florentino Concilio, & postremo Lateranensi confectis, quibus Galli obsequium adhuc negant. Immo ipsamet Tridentina Synodus non ita omnibus probavit aliquot suas de Disciplina sanctiones, ut Ecclesia Gallica & Belgica ad eas recipiendas hucusque perductae fuerint. Interim quae in moribus, ritibus legibusque Disciplina varietas, atque etiam discordia, inter hasce Ecclesiis versatur, concordiam non tollit aut minuit in principio Fidei negotio. Nulla, inquam, est Ecclesia, cui cum Romano Pontifice & Ecclesia Catholica sit Sacramentorum communio, cui quoque non sit in Dogmate consensus. Atque hoc est, quod in citata Epistola 36. olim 86. ad Caesaranum commendabat Augustinus. Sit una fides, ajebat ille, uniuersitate, que ubique dilatarur, Ecclesia tamquam intus in membris, etiam si ipsa Fidei unitas quibusdam diversis observacionibus celebretur, quibus nullo modo quod in Fide verum est impeditur.

Ex his autem, quae haec tenus disseruimus, habemus quid respondeamus declamatori cuidam Calviniano, irridenti Catholicorum ingenium, quod tot ærumnas olim ac mortes sub Imperatoribus Iconoclastis perpeti maluerint, quam abjurare sacrarum Imaginum cultum. Nempe is animadverterat, non diffiteri Catholicos, quin Imagines ex iis sint rebus, quæ in Ecclesia Dei cum indifferentes nuncupari, tum etiam removeri, salva Religione, possunt. Itaque rationem, aut saltem prudentiam desideravit ille in tanto Catholicorum numero, quibus pro Imagin-

num tutela perire contigit; nam & unionis amor, & obsequium Principibus debitum, a tot turbis concitandis, a tot tormentis devorandi abstinendum esse clamabant in re, quam repudiare nullum crimen Catholicis futurum fuisset, & omnem ita aut etiam crudelitatis caussam ab Imperatoribus potuisse auferre. Sed qui ista objicit, cum Dogmate Disciplinam confundit. Licitum esse venerari Imagines sacras, simulque earum cultum, si ad normam Christianæ Doctrinæ exercetur, ab Idolorum adoratione distare nimis: Dogma est, Ratione & Traditione confirmatum. Habere autem, aut non habere easdem Imagines, casque collocare in Templis, a Disciplina pendet. At Icomachii non id solum contendebant, ut e Templis deturbarentur Imagines, earumque usus omnino aboleretur: quod tolerare profecto propter bonum pacis Disciplina poterat; sed in ipsum Dogma Iconoclastica rabies ferebatur. Imaginum usum, omnemque earum cultum superstitiosum, impium, Deoque invi- sum ducebant: quo ex errore subinde manavit illud in ipsas Imagines atque earum cultores furiosissimum bellum. Non igitur mentis inopes ea tempestate fuere Catholici, neque sine consilio & ratione profusus est sanguis. Nimurum pro Dogmate vita dabatur, ipsisque fortiter danda fuit, quando nulla alia suppeditat ratio, qua se incolumes, & Doctrinam Christianæ Fidei sartam testam servarent. Eadem causa reliquos Martyres fecit, eadem rursus factura est, quoties in discrimen adducitur Dogmatum persuasio, quorum uni renuntiasse, totam Fidem prodidisse est. Suos etiam Martyres habere interdum Discipline custodia potest, iisque Christi elogium conveniat: *Beati qui persecutionem patiuntur propter iustitiam;* sed hos justa potius, quam necessaria causa, illos justa aequa & necessaria ad perferendam mortem impellit.

Diximus, Ecclesiam tolerare potuisse, ut Imaginum usus proscripteretur, si de sola Disciplina controversia fuisset. Idque accurate animadverendum est, quo possimus, quum necessitas postulabit, & prudentia suadebit, animosius consulere dissidiis & scissuris Christianæ plebis. Tantopere enim amanda est pax & unitas inter membra Ecclesiae, ut pro ea servanda, sive restituenda, fas sit ipsius Disciplinæ leges interdum abrumpere, & Rituum quorundam abrogationem concedere. Quamobrem si nostrorum temporum Novatores in Dogmata Catholicæ Ecclesiae consentire tandem velint, & ad Matrem redire, extra cuius finum spes omnis æternæ salutis sublata est: nihil fortasse obstabit quominus con-

cordia statuatur. Multam illi spondere sibi debent indulgentiam ab Ecclesia Catholica in iis, quæ ad Disciplinam pertinent. Dummodo, inquam, in Doctrina consentiatur, & retineantur instituta quedam Disciplinae a Christo ipso manantia: in reliquis, Ecclesia veniam faciente, prout suæ prudentia & caritati opportunum & necessarium videbitur, tolerabitur Disciplinae diversitas. Regula quidem Fidei, inquit Tertullianus in Lib. de velandis Virginibus, una omnino est, sola immobilis, & irreformabilis, &c. Hac lege Fidei manente, cetera jam Disciplinae, & conversationis admittunt novitatem correctionis, operante scilicet, & proficiente usque in finem gratia Dei. Quam in rem vide & Epistolam I. Leonis IX. Romani Pontificis. Et certe simul ac in Catholicorum sententiam concessere Græci recentiores, redintegrata fuit in Florentiæ Concilio pristina Occidentalis & Orientalis Ecclesiæ unio, neque Græcis Sacerdotibus (ut alia omittam) negata est retinendæ uxoris facultas, neque interdicta iis populis communio Eucharistiae sub utraque specie Quid etiam non egit Basileensis Synodus, ut Bohemici schismatis pertinaciam vinceret? Bohemi enixe poscebant divini Calicis usum. Luce digna fuit, & lumen per me aliquando videbunt*, quæ Aeneas Silvius in Oratione publice habita differuit, hoc argumentum protractans. Et voti quidem compotes facti fuere Bohemi, quamquam ne sic quidem eorum vulneribus inducta cicatrix. Similia quoque præstitorum fuisse Tridentinum Concilium, jure conjicimus, sed ea conditione adhibita, quam Basileensi proposuerat, ut nempe Sacerdotes ita communicantibus inculcarent: *Debet eos firmiter credere, quod non sub specie panis Caro tantum, nec sub specie vini Sanguis tantum, sed sub qualibet specie est integer Christus totus.* Quæ cautio adhibenda in aliis ejusmodi casibus.

Mirum etiam in modum nosse conduit, quid inter Dogma Disciplinamque intersit, ne fratres gravioribus interdum notis aut

ponens oneremus, quam æquitas & disciplina ipsa ferat. Hæresis culpa in eos rite cadit, qui pertinaciter negant affirmantve Dogma aliquod contra sibi notam Ecclesiæ Catholice mentem. Disciplinae vero leges violare, & sacros piosque Ritus ab Ecclesia receptos contemnere, grave & flagitium, numquam tamen Hærefoes crimen propriæ appellantur. Certe non video, quei Hæreticus esse, dicive possit, nisi qui divinae Revelationi per Scripturas aut legitimam Traditionem propriae aduersetur intellectu animoque refractorio. Verum pleraque inventa, leges, & ritus Disciplinae Ecclesiastice nequaquam proficiuntur a Revelatione divina. Fieri etiam potest, ut ipsam Disciplinae pars, quæ a Christo non solum descendit, sed & à ipso præcipitur, & potissimum consistit in Sacramentorum institutione & usu, violetur, intacta nihilo secus Dogmatum fide, uti accidat, si quis ipsis Sacramentis abutatur, quæ tamen a Christo vere instituta & sancta credat. Quemadmodum enim a Christiana Fide non excidit alterum occidens, aut libidini, aut intemperantia serviens, quem & ipse intelligat, sibi non licere, quæ tamē perpetrare voluit: ita & peccare quispiam potest in ipsam instituta Christi, & nihilominus retinere Catholici Dogmatis fidem. Quod igitur e violata Ecclesiastica Disciplina consequi jure potest, illud est, ut interdum reus suspicionem quoque moveat Dogmatis violati, atque Hæreticæ opinioñis; eique suspicioni tale quandoque pondus erit, ut ægre purgari possit. Nam qui sacras Imagines non insanus, neque ebrios, contumeliis & flagris afficiat; Eucharistiae Sacramento in publicum prodeunti adorationis signa neget; numquam Sacrificio interfit, quem possit, aut numquam ad ipsum Sacramentum communicaturus accedat, atque alia hujusmodi faciat: in eam facile opinionem nos rapit, ut videatur alicui ex istis Dogmatis, & auctoritati Ecclesiæ non adjungere fidem. Propterea ab Ordinariis, aut in locis, ubi viget Inquisitionis tribunal,

* Mihi pro certo persuaderet, digitum intendere heic Auctorem nostrum ad Aenee Sylvii Orationem *De Compalatatis Bohemorum*, ab eo coram Callisto Papa III, habitam, quam anno 1713. edidit Tom. III. Aneidot. Latin. pag. 309. Licet enim Opus *De Ingeniorum Moderatione* anno inequenti 1714. Parisis primum in lucem prodierit, adeoque forte quis obficiat, esse inverisimile, Cl. Muratorius anno 1714. se editurum primittere que jam anno antecedenti ediderat: qui sic tamen arguit, pensiter, quæso, ipsiusmet Auctoris verba, quibus Praefationem ad hunc Opus inchoat: *Ante aliquot annos, inquit, ad umbilicum mihi perductus est meus ille de Ingeniorum Moderatione Liber.* Quæcum ita se habeant, ea ieiur quæ hoc loci scribit Muratorius de Aenee Sylvii nonnullis Operibus edendis, scriptissime profecto ante annum 1713. quo laudatum Orationem publici juris fecit, dicendum est. Jamque ab anno 1698. illius editionem curandam in se receperat, ut videtur est in Tomo II. Aneidot. Latin. pag. 186. ubi alia plura ejusdem Sylvii se aliquando in lucem editurum spem fecerat. Ceterum miror Joanni-Alberto Fabricio, aliqui diligenterissimo, Sylviano hujus Orationis mentionem prorsus excidiisse in Biblioth. med. inf. Latin. Tom. I. pag. 71. quum tamen nonnulla ipsius Auctoris opuscula in Aneidot. Latin. Tom. II. a Muratorio vel edita, vel memoria recensuerit, aliorumque iterum meminerit in laudata sua Bibliotheca Tom. V. pag. 881.

nal, à publicis fidei Quæstoriis dies non injuria dicitur ejusmodi hominibus, interrogandi causa, quid de Fide sentiant; & ut Ecclesiæ, qua merito magis virulentum vulnus suspicata est, satisfiat.

* Posceret locus, ut insuper explicarem, quomodo & quales Disciplinæ leges Christianum populum ligent. Aliæ enim, sed per quam paucæ, quibuscumque Fidelibus legitime non impeditis, aliæ tantummodo amplexis ex arbitratu suo quoddam peculiare vitæ genus, aut opus aliquod suscepitur, sub pena peccati præcipiuntur. Aliæ vero solum commendantur aut singulis, aut certis quibusdam Christianis, neque imperantur, quippe quæ e confilio Majorum, non ex præcepto, descendunt. Per quasdam a vitiis & peccatis arcemur; per alias ad virtutem, & ad perfectius vitæ institutum, & pietatis exercitationem solicitamur. Sunt & quæ a singulis Episcopis constitui possunt, aut proscribi, sive immutari. Rursus aliæ, quarum sanctio ad maiores Ecclesiæ, aut ad Generalia Concilia, aut ad Romanam Sedem dumtaxat pertinent. Ad hac disserendum foret, qui & quando populorum & Episcoporum consensus exigatur, ut vim habeat, gentemque obliget lex aliqua ad Disciplinam spectans, ut ab uno Episcopo, aut a Concilio quopiam, aut a Romano Pontifice promulgata; & quando licet, aut non licet istum negare consensum. Ea enim, ut vidimus, semper Apostolicæ Sedi, Conciliisq; ipsiis Generalibus mens est, ut Schismata ac turbæ, quantum fieri potest, declinentur. Et nova Disciplinæ decreta obligare nequam solent Ecclesiæ, non sine ratione ab his recipiendis alienas, aut Provincias aliis legibus & moribus iam pridem addictas, & novarum legum impatientes. Neque Regum, Principumque jura, Regnorumque consuetudines, modo Legi divinae, & Religionis minime contrariae sint, abrogare velle Episcopi censendi sunt. Atque heic præfertim habenda ratio illius partis Disciplinæ, quæ homines removet a vitiis, scandala avertit, aliaque opera in animorum ac Religionis perniciem tendentia vetat. Hujusmodi statuta vel a nolentibus Ecclesiis & populis obsequium exigunt, quando ab idoneis Auctorialibus, Principibusque Ecclesiæ indicuntur; si quidem nulla plerumque legitima caussa adferri potest, quare ab omnibus amplectenda non sint. Illa autem pars Disciplinæ, quæ servatur in politicis legibus & proprieat rerum temporalium regimini ac distributioni, sœpe ut valeat, consensu indiget Principum, Populorum, aliorumque Episcoporum. Sed si complecti singula atque enu-

clare instituam, longius quam velim excurrat oratio. Quare juvabit ultimo loco ea dumtaxat referre, quæ Phereponus non tam contra Augustinum, quam contra Catholicam Ecclesiam in hujusmodi arguento habet, communia tamen & reliquæ nostrorum temporum Novatoribus.

Dixerat Augustinus in Ep. 36. olim 86. ad Casulanum, de Jejunio Sabbati agens: *In his rebus, de quibus nihil certi statuit Scriptura divina, mos populi Dei, vel instituta majorum pro lege tenenda sunt.* Et hæc sane Patrum & Catholicorum omnium sententia fuit a veruissimis temporibus ad nostram usque æatem. Sed Phereponus ita commentatur: *Recte: si modo Leges ille non imponantur, quasi necessarie ad salutem; quod si fiat, merito oppugnantur, quia solius est Christi jus claudendi celi, ita ut nemo aperiat; & aperiendi, ita ut nemo claudit.* Cujus legibus si alia quasi necessarie addantur, tum novum Evangelium conflatur, quod ab omnibus discipulis suis rejici & Christus & Apostoli voluerunt. Laudantur heic a Pherepono, ut statim patet, verba Apocal. Cap. III. 7. *Hoc dicit sanctus & verus, qui habet clavem David, qui aperit, & nemo claudit; claudit, & nemo aperit.* Alludere etiam potest ad Isaia XXII. & ad Job. XII. Quæ quidem Scripturæ verba nihil obstare auctoritati Catholicæ Ecclesiæ, intellexisset ipse Phereponus, si ea recte exposuisset, & cum aliis contulisset Scripturæ facie documentis. Certe apud nos nihil magis ratum est, atque testatum, quam solius Christi merito celum electis patere, eisque claudi, qui meritorum Christi sua culpa nequaquam participes sunt. Non enim, ut ait Petrus Act. IV. 12. est in alio aliquo salus; nec enim aliud nomen est sub celo datum hominibus, in quo oporteat nos salvos fieri. Et ipsi Christo data est omnis potestas in Cælo & in Terra, ita ut nemo prædestinetur in adoptionem filiorum Dei, nisi per Jesum Christum (quemadmodum testatur idem Apostolus), & nemo nisi per ejus gratiam salvus fiat. Quod si de potestate legum inter homines ferendorum agitur, quibus qui obtemperet, aeterno Regno sit dignus; qui fecus, inde excludatur: ne unus quidem inficiatur, quin absolute quoque potestas constituendi, quidquid sibi libuerit, & summa in Ecclesiam, Cælorumque Regnum, auctoritas mediatori Dei & hominum Christo collata fuerit, Capiti aeterno Ecclesiæ, & Legislatori supremo.

Verum non ita in se Christus conclusit auctoritatem hujusmodi atque potestatem, ut nulli alii communicaverit, ut integrum solus (quæ sententia Phereponi est) sibi met

met ipsi reservarit'. Petro, & Ecclesiæ, & Apostolis ceteris, eorumque successoribus Episcopis, sua potestatis atque auctoritatis partem Christus commisit: quod qui ignorat, aut Christianus non est, aut numquam legit divinæ Scripturæ Libros. *Quodcumque ligaveris super terram, erit ligatum & in celis;* & *quodcumque solveris super terram, erit solutum & in celis:* ita Christus ad Petrum ajebat, Matth. XVI. 19. Et ne quis umquam ea ratione leges & imperium Petri effugeret, quod soli Christo sint Cœli claves, ipse divinus Preceptor prius dixerat: *Et tibi dabo claves Regni Cœlorum.* Ampla quoque auctoritas Apostolis reliquis confertur, Matth. XVIII. 18. ut alia loca prætermittantur. Quibus ex rebus videat Phereponus, quam idoneo argumento contra Leges Catholicæ Ecclesiæ ab Augustino laudatas ipse pugnet. Et sane concideret tota Disciplinæ ratio, totumque Regimen Ecclesiasticum, si quibuscumque Ecclesiæ preceptis negare obedientiam liceret, iisque tantummodo parentum foret, quæ a Christi unius ore descendisse constaret. Deinde si non est in Ecclesiæ, sacrorumque Pastorum manu claudere Cœlum, cur Apostolus ad Hebr. XIII. tan-topere commendat, ut obediamus Præpositis nostris, & subjaceamus illis, *ipsi enim per vigilant tamquam pro animabus nostris rationem redditum?* Ergo in divinam indignationem incurvant necesse est, qui Ecclesiasticis Legibus obediunt detrectant, sibique cœli fortes occidunt, quippe Christo ipsi adversantes, dum Ministris ab ipso constitutis, & imperandi potestate ab ipso donatis nequam obtemperant.

Neque vero injustitiam in legibus a tota Ecclesia probatis excogitare possumus, quum nihil Legi divinae ac naturali repugnans facere ab Episcopis jubeamus. Numquid enim Ecclesia & Episcopi, Pharisaorum more, *alligant onera gravia & importabilia, & imponunt in bumeros hominum,* digito autem suo nolunt ea movere? Et hoc quidem falsissimum est; Ecclesiastica quippe præcepta, omnibus imposta (qualia sere sunt, quæ respiciunt Jejuniorum, Festorum, & confitendi peccata, & Eucharistie suscipienda tempus) pauca numero sunt, & pondere levia; & quum justæ subsunt cause, ad opus non obligant. Cetera vero præcepta quibusdam tantummodo operibus, & vita institutis illigata sunt, a quibus quum abstinere nobis liceat, ab eorum etiam oneribus cavere liberum cuicunque est. Igitur hæc pauca etiam & levia præcepta omnibus imposta, ea solum ratione suscipiari possimus inusta, quia naturalem hominum libertatem in agendo.

imminunt, & jure æternæ gloriæ inobedientes privant. Verum inepit hoc dicatur, simul ac pateat, hac libertate naturali spoliari nos justissime potuisse ac posse a Christo, & ab iis, qui auctoritatem potestatemque sibi a Christo creditam exercent; si tamen spoliari libertate ille dici potest, qui libertate ipsa jubetur uti ad fugiendam gehennam, & ad comparandam sibi per opera salutaria æternam in Cœlis vitam. Non enim ita liberi sumus, ut desinamus esse servi justitiae, (quemadmodum ait Apostolus ad Rom. vi.) & subiecti Legibus, ac Pastoribus nostris. Neque porro jus ullum ad gloriam esse potest homini, qui obsequi negat Christi Ministris, non inusta, non gravia, ejusdem nomine ac auctoritate præcipientibus, prout poscit necessitas ac utilitas gregis, cum ut mala opera avertantur, tum ut bona peragantur.

Possunt, fateor, iniquæ leges & ab ipsis prodire Pastoribus. Suos quippe habet limites eorum Auctoritas; neque importabilia onera sunt imponenda, neque sine utilitate, aut necessitate gregis, aut sine Traditionis & Majorum exemplo, aut interdum sine aliarium Ecclesiistarum consensu, novæ Disciplinae omnibus indicenda sunt, neque gravis peccati pena non observantibus injungenda. At dubitare de justitia Legum Ecclesiasticarum cum certe nullo pacto finimur, quum per ipsis aliquid facere aut non facere peculiariter jubeatur, quod generalibus legibus a Deo constitutis prius præscriptum fuit. In suis nempe editis nihil aliud Ecclesia tunc præstat, quam certum constituere tempus, quo facienda sint quæ generali edicto aut Deus, aut recta Ratio antea facienda constituerant. Jejunia, Pœnitentiam, dies festos, aliaque ejusmodi in utroque Testamento, Eucharistie perceptionem, aliaque in novo commendari & præcipi legitimus. Hinc Apostoli, & Ecclesia tempus decrevere, quo peragenda hæc forent, instituti sacris Deodjebus, indicta Quadragesima, aliiisque jejuniorum temporibus, & compulsis per edicta sua segnobus & oblitis sui hominibus ad Eucharistiam percipiendam, & ad purgandos animos per Confessionem criminum. Hunc autem usum Ecclesiasticae auctoritatis, atque hæc omnia per ipsam Ecclesiam constituta consensus universæ Antiquitatis, ac Traditionis legitima, divina mentis Interpres, & omnium Patrum chorus, & Ecclesiæ omnes concordi studio probant, atque amplectuntur. Quid est ergo, quod nostris temporibus non nulli declamare audeant in quædam Ecclesiasticae Disciplinæ præcepta? Quasi Christus conceptis verbis edixisset, ne Pastoribus a-

se datis pareremus, nisi quum ea mere præcipiunt, quæ in Evangelio expressa jam habentur, & quasi ejus lex foret, Ecclesiæ legibus, vel quum utilia aut necessaria ad animarum salutem præcipiuntur, non esse morem gerendum; & quasi Apostoli, & Apostolorum auditores, & proximi successores, nihil faciendum aut non faciendum scriptis sententia, & porro nihil ipsi faciendum decrevissent, nisi quod aperte ac nominatim a Christo constitutum antea fuerit. Qui tam temere de juribus & regimine Ecclesiæ judicant, necesse est, ut tria etiam priora Ecclesiæ sœcula Evangelio Antichristiano usus fuisse, & a Fide vera defecisse pronuntient, quum leges fere omnes, quas adhuc obser-

vandas sub poena peccati contendimus, alias que etiam modo obsoletas, tunc in usu fuissent, & magna cum religione observatas legamus. Quod si Phereponus moderationem tantum exposcit in hujusmodi legibus indicendis, Catholicos quoque (quod supra innuebam) concordes habebit; quippe, ut cum Thôma Aquinatu loquar, 1. 2. Qu. 107. Art. 4. in hisce legibus etiam Augustinus Epist. 119. cap. 19. ait esse Moderationem attendendam, ne conversatio Fidelium onerosa reddatur; dicit enim ad inquisitiones Januarii de quibusdam: Religionem nostram &c. servilibus premunt oneribus adeo, ut tolerabilius sit conditio Judeorum, qui legalibus sarcinis, non humanis presumptionibus, subjiciuntur.

C A P U T XVI.

De Historia Religionis agitur. Ejus duplex genus, Historia Divina, & Historia Ecclesiastica. Illa divinam Fidem a Christianis exigit. Quid juris illic sit hominum Ingenio. Ecclesiastice Historiae documentis non debetur supranaturalis Fides. Rationes istius sententiae. Ecclesia non immunit a periculo errandi in judicandis Personis, Auctoribus Librorum decernendis, in Sanctorum gestis narrandis, & in aliis id genus factis.

ADGMENTACIUS & Disciplina, quorum jura quanta potui brevitatem expediti, ad res Historicas me confero. Non modicam partem ex his Religio ipsa sibi adoperat; nam neque ipsa Dogmata, ipsamque Disciplinam, ut ita loquar, aliunde scimus, quam ex Historia, quæ scilicet nobis narrat, quæcumque Deus revelavit, quæve Sacra- menta atque Mysteria Christus instituit. Tum ipsa complectitur res gestas & Vitam Christi, ejusque Discipulorum acta, ingentemque illam rerum hominumque seriem, quibus a sui exordio ad nostram usque ætatem cum Judaica, tum Christiana Ecclesia abundarunt, quantum pertinet ad Religionem veram. De ceteris enim rebus gestis profanam Historiam conflantibus nullus nunc nobis est sermo. Quid autem juris heic habeant In genia nostra, investigandum est.

Duplicem in classem Historia Religionis dividitur. Exhibit prima classis, quæcumque Christus per se, vel Spiritus sanctus per ora Prophetarum & Apostolorum narravere, aut scribenda mandavere, facta ab ipso Deo, & a Filio ejus unigenito, & ab hujus Discipulis, & a populo, veraci Religioni addicto. Atque ista appellari potest, Historia Divina, aut Historia Revelationis divinae. Altera clas sis versatur in referendis iis, quæ post Chri-

stum & Apostolos in Ecclesia contigere ad nostram usque ætatem, Concilia, Hæreses, Patrum scripta, Episcoporum edicta, sanctorum Hominum gesta, atque innumera alia, Religionis faciem, usum, abusum, eventus, & regimen experimentia, non tamen a Deo revelata, neque Spiritus sancti iussu & aflatu litteris aut memoria consignata. Historiam Ecclesiasticam peculiari appellatione istam nuncupare licet.

Ad Historiam divinam quod attinet, diu fatigandum non est, ut intelligent ingenia nostra, quomodo erga ipsam gerere sece debeat. Ejusmodi facta parem cum Dogmatibus fidem & venerationem a nobis exigunt, quum non illa minus quam ista ad mortali geni erudiendum videntia fuerint a Deo, sive a Scriptoribus divinitus inspiratis, & ex Dei munere falli nesciis. Heic autem locum habet, non secus ac in Dogmatibus, Traditione Ecclesiastica, quæ si legitime deduc ta sit ab antiquitate, ab universitate, & consensu Majorum, hoc est, si a Christi & Apostolorum ore emanasse cognoscatur, hisce factis eamdem fidem conciliat, quam Apostolorum scripta concilarunt. Unde enim, nisi ex Traditione, perspectum habemus, tot divinarum Scripturarum Libros esse Spiri tu sancto jubente conscriptos, & germanos

72 DE INGENIORUM MODERATIONE

nos esse Prophetarum atque Apostolorum foetus? Deinde nihil manifestius est, quam Aucto-
res multa de se & de Christo in suis scri-
ptis pratermississe, quæ tamen suis auditori-
bus voce idemidem significare potuerunt.
Quæ ergo de iis rebus Apostoli, aut Aucto-
res ab Apostolis probati, tradiderunt, divi-
na auctoritate nisi certum est, quum, ut
illa docerent, Spiritum sanctum ipsis adfu-
turum, Christus ipse promiserit, & verbis
divinis non minor vis insit, non minor ve-
neratio debeatur scriptis, quæ ore tan-
tummodo traditis. Collocandi sunt in eodem
gradu Judæorum Libri, quorum auctoritatem
Christus & Apostoli confirmarunt.

Subsidat igitur necesse est Ingeniorum no-
strorum ambitio, ubi se nobis offerunt ejus-
modi facta. De illis suspicari quidquam falsi
ipsum Deum mendacii accusare fuerit. Atta-
men & heic est aliquid juris Ingeniorum nostris.
Duo nimur, aut cum laude, aut sine cul-
pa, heic in questionem vocari interdum pos-
sunt. Primum est, utrum quædam in Scri-
pturis sacris enarrantur, tamquam vere con-
tingent, an tamquam Parabolæ, atque Al-
legoriæ. Is enim etiam mos fuit sacris Au-
toribus, atque ipsi hominum Magistro Je-
su, ut aliquam veritatem five Historicam,
five Moralem, sub allegorico velo, & sub
Parabolis, poeticisque figuris ingeniosa gra-
vitate referrent, quo illa documenta & dul-
cius haurirentur, & firmius ab auditoribus
retinerentur. Qua in re sese consuetudini &
ingenio Orientalium Populorum accommoda-
runt, quibus majori, quam apud alios po-
pulos, in pretio fuere, immo sunt adhuc,
talia eruditio condimenta. Ita dubitare
quis potest absque Dei revelantis injuria,
C* vixerintne re ipsa Lazarus mendicus,) &
Filius prodigus in divinis libris memorati;
an potius eorum vita & acta sint Parabolis
sacris tantummodo accensenda. (Nam * *
quod est ad Job, certa fide tenendum est,
ipsum verum, non imaginarium hominem
fuisse.)

Alterum est, licere inquirere modum,
quo aliqua in utroque Testamento accide-
rint, & facta fuerint; quod salva Historia
fide praestari potest. Atque hinc magna que-
stionum seges Interpretibus sacris enata,

dum quisque modum istum congruentiorem
menti divinæ Scripturæ excogitat. Sed utro-
bique cavendum, ne longius quam par est,
exurrat ingeniorum libido. Traditio con-
sulenda est, & sanctorum Patrum terenda
vestigia, & communis Ecclesiæ expositio ante
oculos perpetuo habenda, sicuti sapien-
tissime statutum est in Tridentina Synodo,
& Majores nostri ab ipsis Ecclesiæ primordiis
commendavere. Ea de causa male ac-
cepti sunt, non quicunque novas in expo-
sitione divinarum Litterarum opiones ad-
ferunt, aut litteralem sensum Allegorico præ-
ferunt, sed qui jam receptas in Ecclesia Dei
interpretationes tamquam certas & unice ve-
ras, contrariis & enormibus sententiis pro-
positis improbabvere. An ab hujusmodi semi-
ta aberrant, qui *** Tobiae gesta in Dra-
mata, ac in Allegoriis amandarunt, queri
posset. Certe non bene inter nos audie-
re quondam Thomas de Vio Cardinalis Ca-
jetanus, vir nihilominus æterna laude di-
gnus, & alii quidam, quod nimia libertate
in Genesi explicanda usi sunt, & a veteri-
bus paulo nimium discessere. In his omnibus
non scientia tantum, & eruditione, &
ingenio opus est, sed etiam prudentia. Pru-
dentia autem leges vix longo sermone ex-
pediri queunt, aut saltē heic non debent,
quum ad alia sit festinandum.

Historia Ecclesiastica, quæ alteram clas-
sem rerum ac factorum complectitur, quo-
rum memoriam ab Apostolorum voce aut
scriptis non accepimus, alio sidere, aliis le-
gibus regitur. Et ne diu evagemur, illud
continue statuendum est: Nullum esse Fa-
ctum, quod verum certumque divina &
supranaturali, ut ajunt, Fide credendum sit,
nisi quod a Christo revelatum fuerit, & Spi-
ritu sancto jubente a Prophetis & Apostolis
conscriptum, aut viva voce traditum posse-
ris, & non fallaci sed Ecclesie vera testi-
monio uti tale nobis propositum. Hujusmodi
sententiae veritatem partim ex iis, quæ ha-
cenus dicta sunt, partim ex aliis argumen-
tis apertissime elicimus.

Sicuti sanctus Thomas, & reliqua Theo-
logorum cohors affirmat, Articuli Fidei tem-
poris successione, quod est ad substantiam,
crescere non possunt, sed solum quod est
ad

* In prioribus editionibus: *Vixerintne re ipsa Job, Lazarus, &c. at in postrema Job nomen Auctor ex-
punctit. Et recte quidem: nam certa fide tenendum est, ut statim subdet, Job verum, non imaginari-
um, hominem fuisse. Quod utique divinum testatur eloquium; tum Ezech. XIV. 14. Et si fuerint
tres viri in medio ejus, (terrae) Noe, Daniel, & Job &c. tum Tob. II. 12. 15. Hanc autem ten-
tationem ideo permisit Dominus eveniente illi, ut posteris daretur exemplum patientie ejus, sicut &
Santi Job Nam sicut beato Job insultabant reges &c. tum denique Jacobi V. 11. Sufferen-
tiam Job auditis &c.*

* Addita hac verba in postrema editione. Rationem habes in Nota modo allata.

*** Et heic iterum ab Auctore vox Job deleta: hunc namque locum priores editiones ita afferebant:
qui Job & Tobiae gesta &c.

ad explicationem. Nimirum quod olim Deus per Filium suum , Prophetas , & Apostolos revelavit, id unam Christianam Fidem constituit. Nihil addi, nihil inde detrahi potest. Explicare dumtaxat sine erroris periculo , quæ Deus revelavit, Ecclesiæ licet , immo ad eam pertinet : quæ certe explicatio non nova Dogmata invehit , sed vetera majori luce donat ; aut a perversis & novitiis interpretationibus vindicat . Lectores diu dñe tam , si qua Apostolorum & Patrum loca certissimæ huic sententia fundamentum præbuerunt , recensere velim. Illud tantum dicam , communi omnium consensu tradi : Doctrinam Christi omnino perfectam , nulliusque additamentum , aut imminutionis indigam ; & nesas esse , quidquam pro Fidei Dogmate habere , quod non ab ipso Deo sive per sacras Scripturas , sive per Traditionem , quasi per manus ad nos usque transferit. Novas Revelations exspectandas aut fuscipendas non esse : & quamvis vel ab Apostolo , vel etiam Angelo quidquam novi , veluti revelatum nuper , & veluti Christianorum Dogma Fide supranaturali credendum , proponatur: sine hæsitatione illud repudiandum esse . Novitatem inter signa erroris habendam , & ideo Hæreticos damnandos , quod nova Dogmata , novas Revelations in antiquam Christi doctrinam intrudere velint . Quocirca qui sibi facultatem arrogant proponendi nova de Fide Christi Dogmata , exiguntque a Fidelibus illum assenüm , qui certis Dei Revelationibus unicue debetur: id sibi licere putant , quod Romani Pontifices , Concilia Generalia , & Apostoli ipsi nequaquam licere conceptis verbis fatentur . In hanc rem legendi præcærter Tertullianus & Vincentius Lirinensis , & Cœlestini ac Leonis Romanorum Pontificum Epistolæ , ut alios Pontifices Maximos , Concilia , ac Patres omittant.

Quæ quum ita sint , quis non intelligat , nulla haberi posse Facta , præterquam enarrata in sacris Scripturis , aut per legitimam Traditionem vulgata , quibus adhibenda sit supranaturalis Fides? Si , inquam , ista facta ad Christi Revelationem , aut ad Apostolorum Traditionem per germana antiquitatis monumenta referri nequeant , & post ævum Apostolorum contigerint: certa quidem esse hominibus , & fide dignissima possunt , at nequaquam efflagitare a Christiano Populo divinam Fidem. Nam qui dicatur Christus ea revelasse , Apostoli ea tradidisse , quæ nondum acciderant , & occulta penitus Ecclesia fuere ad eum usque diem , quo in rerum universitatem emerserent? Prædicendo tantum poterat hujusmodi facta Christus revelare Apostolis.

Sed ubinam istarum prædictionum vel unum vestigium in sacris Libris , in Traditione legitima?

Ab hisce propterea Factis non revelatis Dogmata Fidei revelata longe differunt. Scilicet Dogmata ex natura sua jam revelata a Deo fuerant , & jam dudum aut expressa , aut non admodum obscure significata Ecclesiæ . Fortasse a multis ignorabatur , aut minime animadverbatur , aut nequaquam credebat ejusmodi Revelatio ; at Revelatio , nihilominus firma per se constabat , tametsi varie de ipsa homines nonnulli sentirent . Quando ergo Ecclesiæ placuit de illa Revelatione certos facere Fideles , nihil illa novi , quo ad Doctrinam ipsam , proposuit , sed dumtaxat quo ad homines quosdam ea de re antea aut incertos , aut ignaros. Ita Spiritum sanctum a Patre Filioque procedere , Animas Sanctorum , statim ut e corpore exierint , Dei visione donari ; omniumque animas , non ex traduce esse , sed singulas in singulis corporibus creari , olim Deus revelavit. Diu a nonnullis de istorum Revelatione dubitatum ac disputatum est , & licuit disputare , quum nondum Ecclesia Veritatis custos ac interpres quæstionem omnem sua sententia sustulisset . Ecclesiæ autem sententia id tantummodo statuit , quod certissime a divino Spiritu Prophetis & Apostolis revelatum jampridem fuisse sibi constabat , tum divinis Scripturis , tum Traditione consultata . Verum eo pertinere nemo dicat Facta , de quibus cum certum est , nihil ab Apostolis scripto aut viva voce traditum , tum certissimum est , ipsa post Christum & Apostolos accidisse . Aut novam heic excogitare , aut falsam obtrudere Revelationem Dei , necessum esset: quod & a Religionis veræ , & ab Ecclesiæ veracis natura atque instituto nimis abhorret. Non igitur ista tamquam antiquitus a Deo revelata , Ecclesia definire potest , non igitur supranaturali Fidei credenda sunt certa.

Alterum argumentum nobis experientia suppeditabit . Omni periculo errandi Ecclesia caret , & numquam re ipsa erravit , quum de Dogmatis aut Factis definiendis agitur , quæ sibi divinitus revelata innotuere . In iis autem Factis , quæ Apostolorum ætatem subsequuntur sunt , aut per Traditionem a Christo atque Apostolis nuntiata fuisse non constat , Ecclesia , & summi Pontifices falli possunt , & re ipsa quandoque errarunt. Consequens ergo est , Ecclesiæ & Successoribus Petri , non eam quaque a Christo adjunctam fuisse prærogativam , ut ejusmodi Facta decernere possent , non secus ac Fidei Dogmata , certissimo calculo . Quocirca fo-

lenis Apostolicae Sedis regula est , Patrum ac Theologorum consensu firmata , omnia , qua in Conciliis etiam Generalibus geruntur , exceptis Fidei causis , retractari posse . Et hoc referenda sunt sancti Augustini verba Lib . 2. cap . 3. de Bapt . contra Donatistas a nobis superius expensa , quibus ipnuitur , ipsa Generalium Synodorum decreta sepe a sequentibus emendari , dum aut experientia , aut novis documentis aliquid innotescit , quod antea latuerat . Deinde licet hujus generis sententia ac judicia mutationi obnoxia sint , atque emendationi : id tamen vitio , aut dedecori verti non posse Ecclesia , sive Religioni , quum ea tantum firma ac immobilia fore Christus pollicitus fuerit , que ad Doctrinam , & ad Facta a se , vel suo iusfu , revelata spectant . Stetit hucusque in Ecclesia , & numquam vacillabit hujusmodi Doctrina , & Factorum revelatio . Si in aliis a veritate declinabitur , erit hoc hominum infirmitati tribuendum , non Christo , qui sua promissa æternum & fideliter implet .

Age ergo , nonnulla in hanc rem profaramus exempla , quum & plura , & illustraria , & obvia fiat passim . Primo in judicandis personis ita se Apostolica Sedes , & Concilia , & Catholici semper gessere , ut iudicia sua non arbitrarentur , aut esse vellent paria auctoritati , atque immobilitati divini Verbi . Nam & ea ad incudem rursus revocari , atque emendari siverunt , & melioribus documentis allatis in diversis a prioribus abierte sentencias . Paulus Samosatenus in primo Antiocheno Concilio absolutus , in altero damnatus est . Arius ipse & Ariani , post eorum damnationem a Nicaeno Concilio promulgata , innocentes quodammodo declarati sunt , & in communionem restituti , id tolerante Ecclesia . Innocentiam Athanasii , & Marcelli Ancyranii , Julius Romanus Pontifex , & Sardicense Concilium statuerant ; eorum tamen caussas iterum expendi , Patres , summiq[ue] etiam Pontifices passi sunt . Marcellum reum esse atque haereticum illustres viri postea contenderunt , & in primis Basilius Magnus . Neque minus celebris fuit Cæciliani Carthaginensis Episcopi caussa . Lis eidem contra accusatores Donatistas adjudicata fuerat in Romano Concilio , presidente Melchiade . Obtinuerunt viæ partis querimoniae , & accusations , ut in amplissimo Arelatensi Concilio rursus audirentur , & quamquam pari successu pro Cæciliano pronuntiatum & ibi fuerit , adhuc tamen non recusarunt Africani Patres , ut eadem caussa denouo Carthaginie pertransfaretur , damnaturi vel post mortem Cæci-

lianum , si crimina opposita vera deprehenderentur . Cur non memorem Zosimi Romani Pontificis acta , qui a Pelagio Hæresiarcha circumventus , in ipsius auxilium , & pro illius innocentia , ad Africanos Episcopos rescriptis ? Theodoretum , Ibam , Theodorum Mopsuestenum , Gothescalchum , aliosque celebres viros in quibusdam Conciliis damnatos , in aliis absolutos legimus , ut jam patere possit , Concilia & Ecclesiam in hujusmodi Factis definendi neque imperare velle , neque exigere posse certissimum a nobis Fidei divinæ assensum .

Secundo , immunita ab errore non sunt Concilia , licet Oecumenica , in Auctoriis Librorum dignoscendis , sive decernendis . Certo per multa saecula ne dubitatum quidem est , quin Dionygio Areopagitaræ Apostolorum aequali tribuendi essent Libri , qui sub ejus nomine circumferuntur . Nostra tamen ac patrum ætate usus Critics restauratus , si non omnibus Litterarum professoribus , saltē omnibus viris emunctæ naris persuasit , eos quidem Libros plurimi faciendo , sed tantam antiquitatem non redolere , quanta hucusque vulgo tributa ipsis fuit . Illustiores etiam majorique in pretio apud Latinos fuere plurimæ Clementis , aliorumque Romanorum Pontificum ad Siricum usque Epistolæ . Sed ita rudium saeculorum persuasio proxime præteritis temporibus proligata fuit , ut Isidorus Mercator , sive Peccator , nulli amplius imponat , & nemo sit cordatus , cui scripta illa supposititia non videantur . Idem dicendum de quamplurimis aliis Libris , aut suppositis , aut incaute tributis Ignatio , Athanasio , Augustino , Hieronymo , aliquo Patribus ; & tamen hujusmodi Libros non Provincialia tantum , sed ipsa quoque Oecumenica Concilia , & Septimum præsertim habitum Nicææ , Pontifices Maximi , & innumeri Scriptores tamquam legitima eorum Patrum monumenta olim adhibuere .

Tertio , in Sanctorum hominum gestis , Reliquiis , atque Miraculis recentendis , sive proponendis , plus quam humanam fidem Catholica Ecclesia exposcere non potest . Quæ enim monstra , quæso , non irreprescere in veterum Historias ? Quæ conficta non fuere aut ab improbis , aut a piis impostoribus , ut sanctis Martyribus , Confessoribus , aliquo Religionis Christianæ illustribus Athletis major veneratio & fama apud posteros quæreretur ? Inauditi etiam ante Calites Ecclesiasticis Diprychis inscripti fuere . Simeonis Metaphraстis spissum opus legere juvat , fabulis uberrime refertum . Neque iis carent Gregorii Tafonensis , Gregorii Magni , Vincentii Bellovacensis , Antonini , aliorumque

Ha-

Hagiographorum volumina. Nam quo magis ignorantia & litterarum oblivio obtinere inter Christianos coepit, aut eo securior facta est impostorum audacia, aut minus cauta aliorum credulitas. A quorum erroribus, quum satis sibi non caverint piissimi alioquin & celebres viri, factum est, ut in ipsa Templo, in ipso ad populum conciones, in precium Libros, in Romanorum Pontificum Epistolas, penetrarint nonnumquam hujusmodi commenta. Et quidem a doctis viris, & a Baronio praecepit, multum opera collocatum est in purgandis Historiis, Martyrologiis, & Breviaris ab ista foce. Sed quæ in immensum excreverat, nondum prorsus expugnari se passa est, & modo temeritas absit, modestusque Critics usus in consilium ad vocetur, nostris futurisque ingeniis erit heic in quo se utiliter adhuc exerceant.

Denique in ceteris capitibus Historiæ Ecclesiastice a Spiritu Sancto non revelatae, se ab erroris periculo divinitus immunem Ecclesia Catholica nondum censuit. Diutissime illa opinio inter Christianos invaluit, non sine divino prodigo a LXX. Interpretibus sacras Scripturas in Græcam Linguam fuisse conversas. Unus subinde Hieronymus omnium fere antiquorum Patrum hac de re sententiam ita infirmavit, ut ab illa jam plerique prorsus discesserint, aut saltem de hujusmodi facto dubitandum consentiant. Ad hæc ciberrima olim fuere, & absque hæsitatione ubique excipiebantur, quæ de S. Jacobi in Hispaniam adventu, de sancti Dionysii Areopagitæ Episcopatu in Galliis, de gestis Martialis Lemovicensis, aliorumque Aposto-

lorum & Martyrum, qui primi varias gentes Christi doctrina imbuerant, confidentissime narrabantur. Nemo dubitabat de splendidissimis Ecclesiistarum, aut Religiosorum Ordinum originibus; de Lepra, Baptismo, & Donatione Constantini; de Icunculis beatoe Lucæ adscriptis; de tot sanctæ Ursulae in martyrio sociabus; de Veronica; de Marcellini Romani Pontificis lapso, & Sinuallano Concilio, aliisque id genus innumeris. At ista nunc falsi coarguntur a doctissimis viris, aut saltem non ea esse exploratum est, quibus tam facile sit fides adjungenda, quum Historici præstantiores, & veneranda antiquitas, & temporum series iisdem five aperte facit acutem adversentur.

Restat igitur, ut ex ipsis, tum rationibus, tum exemplis colligamus, immutabiles non esse, neque esse divina Fide certissimas de Factis non revelatis in Ecclesiastica Historia sententias. Neque hinc Factis eam, qua suapte natura carent, divinam auctoritatem, & inconcusam certitudinem communicare possunt vel Romani Antistites per sua diploma, atque edita, vel Synodi Oecumenicæ per sua decreta, vel quisquam alius, quamvis doctrina, veritate, ac pietate conspicuus. Quocirca non Hæreticis illico accendus, non infamia, non pœnis justissime ab Ecclesia in illos constitutis, qui Fidei Dogmata negant, aut a Fide vera deficiunt, quisquam erit multatus, quod hujusmodi narrationibus, eamdem ipsam fidem præbere nescit, five etiam recusat, quam præbet, & omnes novimus esse præbendam, narrationibus cælo auctore traditis.

C A P U T X V I .

Ut aliquod Factum Fide supranaturali credendum statuatur, quæ conditiones requirantur. Revelationes quarumdam Sanctorum mulierum ad Fidem non spectant. Neque Canonizatio Sanctorum. Traditio necessaria, ut aliquod Factum tanquam pertinens ad Fidem decernatur. An Immaculatam Deiparæ Conceptionem possit Ecclesia.

UT autem, quæ sint Ecclesiæ, quæ In genitorum jura, quum de Factis His toricis agitur, manifestius innoe scat, dicendum nobis videtur, duas conditiones plane exigi ad certam eorum definitio nem. Sine ipsis neque a nobis efflagitare Ecclesia poterit, neque nos adhibere supranaturalem Fidem debebimus. Altera est, ut quæ definienda sunt ab Ecclesia, five jam definita videntur, Christus revelare potuerit, five, ut melius dicam, voluerit, aut ab Aposto lis, dum in vivis erant, tanquam a Christo & Spiritu Sancto accepta, potuerint tradi & nuntiari populis, ejusdem Spiritus sancti ful su. Altera est, ut liqueat, quæ ita a Christo revelari, & ab Apostolis tradi potuere, re ipsa revelata, aut ab Apostolis tradita fuisse: quod liquere non potest, nisi eorum legitima Traditio habeatur in Ecclesia Dei. Utraque conditio necessaria est. Nam si aliquod Factum a Deo non revelatum adjungere licet Fidei Dogmatibus, jam Christianæ Reli gionis

gionis doctrina novum quotidie incrementum acciperet, & novi in dies Fidei articuli creari possent, quod certe inter Catholica Ecclesia homines nemo licere arbitratur, & a vera Ecclesia dogmate abhorrere omnes fatentur. Deinde, etiam si a Christo atque ab Apostolis revelari facta potuerint, non continuo revelata fuisse constat. Ac proinde si desideretur eorum Traditio in Patrum monumentis; si ipsa Traditio Antiquitatis suffragio non comprobetur, immo si improbetur; aut si tempus certum assignari possit, quo ejusmodi Facta antea inaudita cœpta sint venditari: quis ad auctores Apostolos talia referat? quis ipsi eamdem ac Evangelii fidem habeat, habendamne putet? De Christi atque Apostolorum gestis præter ea, quæ in Canonice Scripturis continentur, & ex antiquissima ac germana Traditione accepimus, quamplurima alia olim ferebantur. Evangelia quoque alia, & alii Apostolorum Actus emerere antiquitus. Quibus tamen, quippe constanti ac legitima Traditione carentibus, aut ademit, aut numquam addidit fidem Ecclesia vera.

Quæ quum ita sint: Primo, intelligimus, quascumque Revelationes de Salvatoris nostri, aut Deiparæ Virginis, aut Apostolorum gestis, aut etiam de quibusdam Dogmatis, accidisse legimus, postquam vivere desierunt Apostoli, numquam in censum divinæ doctrinæ referendas esse. Nonnullas quidem Revelationes, & Prophetias fidelibus interdum a Deo concedi potuisse post Apostolos, & adhuc posse, apud nos doctrina Fidei est, coque referri possunt verba Joelis 2. 28. a sancto Petro laudata in Actis Apostolorum 2. 17. Post hæc effundam spiritum meum super omnem carnem, & prophetabam filii vestri, & filie vestre; Ienes vestri somnia somniabant, & juvenes vestri visiones videbunt. Multas etiam ex his Revelationibus, visionibus, ac prophetis, exacto jam Apostolorum avo, contigisse narrant sancti ac probatissimi Patres, easque experientia non inanæ, non confitæ subinde testata fuit. Verum eas ad Facta dumtaxat peculiaria, & ad singulorum fidelium utilitatem ac solatium, non autem ad generalem Ecclesiam, neque ad certam Dogmatum Fidem pertinere constat. Veræ esse possunt: certæ penitus, & Ecclesiæ Dei necessariæ esse non possunt. Idcirco, et si Revelationes quarundam sanctarum mulierum, Brigitæ, Catharinæ Bononiensis, & Catharinæ Senensis, Angelæ Fulginatis, Hildegardis, Gertrudis, & aliarum, aut laudaverit, aut toleraverit Ecclesia: nemo tamen Theologiae melioris conscientius hucusque fuit, qui certitudinem Fi-

dei Catholicae ipsis additam fuisse autem, immo non affirmarit, Concilia & Ecclesiam universam auctoritate carere similia decernendi tamquam indubitate & certissima Dogmata Christiano populo credenda. Neque alia de causa damnati olim Cataphryges, & Montanistæ, quam quod novas de tribus Quadragesimis celebrandis, de secundis Nuptiis abdicandis, de pace majorum criminum reis deneganda, aliisque de rebus Revelationes instar necessarii Dogmatis proponebant. Quare deinceps Cataphrygum nomine a sanctis Patribus ii notati fuere, qui novas, non de aliquo peculiari facto (hoc enim calitus contingere posse, & quandoque contigisse, exploratum habemus) sed de aliquo Dogmate Revelationes inducerent. Quæ vero visiones ac revelationes de Christi ac Deiparæ gestis, dum in vivis essent, circumferuntur, ideo toleratae, quod nihil sacris Scripturis ac Traditioni antiquissimæ contrarium per eas adferebatur. Ceterum ab iis in sacram doctrinam invehendis, atque adhibendis, perpetuo abstinuere sapientissimi Pontifices, ac sancti Patres, atque Scriptores eximii, qui etiam Revelationes veras a falsis difficile distinguui posse ajunt, & longe ab ea opinione fuerunt, ut id genus facta sine dubitatione accipienda crederent. Eam in rem omnium præcipue legendus magnus Universitatis Parisiensis Cancellerarius Johannes Gerson.

Secundo, ad Ecclesiam, ad Generalia Concilia, ad Apostolicam Sedem pertinet, in Sanctorum Canonem referre homines consummatae Sanctitatis gloria, dum viverent, illustres & post mortem miraculis claros. Disciplinæ leges eorum cultum ita indicere possunt, & ad universam Ecclesiam extenderé, ut non solum pium ac laudabile sit, hujusmodi Sanctos invocare, & sibi adscire patronos apud Deum, sed etiam impietatem sapiat eorum cultum improbare, atque contempnere. Quare a suspicione Heresis ille non absit, atque intolerandam, & pœnis dignam temeritatem ac impudentiam præ se ferat, qui rite Cælitum catalogo adscriptos explodat, & in iis, ut ajunt, canonizandis Ecclesiam re ipsa, & Romanum Pontificem errasse dicat. Suspicionem Heresis memoravi, non autem Heresim formalem; quippe non video quei conciliari possit cum certissimis regulis hæc tenus traditis eorum sententia, qui firmissimo assensu, divinaque Fide credendum censem, Ecclesiam, aut Romanos Pontifices talia decernentes falli quumquam posse. Videant ipsi, an non inde sequatur, novas Revelationes, nova de Factis dogmata in Ecclesiam in-

du-

duci: quod abhorre a Catholica doctrina & ipsi non negant. Nam quæ argumenta pro sua opinione producunt, aut nihil, aut nimium in ista quæstione probare, facile cognitu est. Sunt verba Christi (ajunt nonnulli) apud sanctum Johannem XVI. *Quum venerit ille Spiritus veritatis, docebit vos omnem veritatem.* Verum non omnem procul dubio veritatem a divino Spiritu nobis revelandam, ex omnium interpretatione perspectum est; sed omnem tantummodo veritatem, quæ ad salutem hominum, & ad veræ Fidei atque Ecclesiæ Catholicæ integratatem conservationemque necessaria sit. Quomodo vero dicamus, necessarium hominibus, Fidei, & Ecclesiæ esse cultum novi alicujus Sancti, fidemque de illius beatitate cœlesti? Utile est, non necessarium, ista habere, ista scire. Innumeræ alia veritates sunt, quas novisse in utilitatem Christianorum cederet; & illas tamen certo decernere, numquam sibi tribuit, aut tribuere potest Ecclesia. Neque vero, etiamsi in re tanti ponderis ab errandi periculo immunes non credantur Synodi universales, & Romani Pontifices, ejusmodi inde consequuntur incommoda, ut oporteat inauditam antiquitus opinionem amplecti.

Attamen inquiunt aliqui, ludibrio exponeatur Ecclesia sancta Dei, atque a Spiritibus tartareis irideretur, si quos perpetuo in inferis cruciando, tamquam Sanctos in terris colendos proponeret. Ad hæc absurdus error foret, eorum poscere patrocinium in cœlis, qui Deum iratum experientur in inferis. Quæ tamen omnia illud solum suadent, Romanos Pontifices, & Ecclesiæ, nulli diligentia parcerere debere, quo fiat, ut Beatorum albo tantummodo inscribantur homines abfoluta pietate & sanctitate & miraculorum gratia vere conspicui, dimissis reliquis dubiis sanctitatis. Ceterum si in his contingeret error, (quem certe, modo rite peracta sit Canonizatio, contigisse nemo umquam ostendet, & contingere posse difficillimum putamus) nihil probri in Ecclesiæ, aut in Romanum Pontificem recideret, quem sacrorum Pastorum cœlestis prærogativa sita sit in immunitate non ab omnibus erroribus, sed ab erroribus in Doctrina Christi, & in Factis per Apostolorum calamum aut vocem traditis. Ecclesiæ in aliis falli posse jam vidi mus sine dedecore suo, sine Fidei detimento. Quis autem nescit, tot Sanctorum Reliquias publico donari cultu, & Romanorum Pontificum, aliorumque Episcoporum, & interdum etiam antiquitatis diuturnæ auctoritate probari: quas tamen qui certo Fidei divinæ assensu credendas esse affirmet germana eorumdem Sanctorum Lipsana, plane a veri-

tate absit. Præterea neque private Ecclesiæ, neque Ecclesia universa in tot Sanctis recipiendis, quorum nomina nunc in Martyrologiis occurruunt, eam adhibuere diligentiam, quæ nunc Romæ adhibetur, ut de eorum sanctitate constet. Et tamen hi palam coluntur, neque inde suspicamur grave malum in Ecclesiæ effluere. Exempli causa licuit Ravennatis, Mediolanensis, Parisiensibus, Lugdunensis suis colere aut Episcopos, aut Cives Sanctos, quum tamen Ecclesia universa, aut Romanus Pontifex nondum de certa eorum beatitudine judicasset. Nunc etiam cuicunque licet numerum ingentem Sanctorum colere in Romano Martyrologio descriptorum, quamquam non præcesserit Canonizatio solemnis. Sanctam quoque feminam Veronica, Virginum Sanctæ Ursulae Sociarum undecim millia, aliosque hujusmodi Sanctos Ecclesia olim toleravit, & adhuc tolerat, tametsi an umquam fuerint, nunc doctissimi viri non injurya dubitent, & de aliis nonnullis dubitare licitum putent. Similiter neque ad Eidem spectat, in singulis Hostiis, quas adorandas populo Sacerdotes exhibent, contineri vivum Christi Corpus, & Sanguinem. Errores igitur, & incommoda ex his potuerunt, & possunt adhuc accidere. At non ea sunt, ut eorum causa fœdari, aut deficere Religio vera, aut rugas inde contrahere possit. Iste sunt, ut Scholarum vocabulo utar, errores materiales, cavendi quantum fieri potest, sed nullum animabus periculum, nullam veræ Ecclesiæ infamiam creantes. Orationes autem nostræ, cultusque noster, vel quum rogamus, atque veneramur quempiam quem cœlitum putamus, semper ad ipsum Deum feruntur, in quo rogando, atque colendo fieri non potest ut fides aberret. Quamobrem, si & in Sanctorum Canonizationem ejusmodi materiales errores illaberentur, nihil mirum foret. Sed tamen ritus iste ab Apostolica Sede eonunc peragitur accurato diligentique studio, ut pie credendum sit, nullum ea in re errori locum fuisse, aut deinceps futurum. Non-necessario igitur, sed tamen pie credendum est, ut inquit sanctus Thomas, Quodlibet. Lib. 9. art. 16. quod nec etiam in iis judicium Ecclesiæ errare possit. Hæc nobis æquissima, hæc pia videtur sententia, & in hac ipsem Sixtus IV. fuisse videtur, dum catalogo Sanctorum adscriptis beatum Bonaventuram, inquit enim in Bulla: *Confidentes, quod in hac Canonizatione non permittat nos Deus errare.* Altera sententia quibus firmis rationibus, quibus Scriptura & Patrum suffragiis fulcitur, nondum invenimus, & potissimum quod extet in antiquo Ceremoniali Romano Lib. 1. Sect. 6. Cap. 2. formula Canonizationis,

in qua protestabatur olim summus Pontifex, se pér actum Canonizationis non intendere aliquid facere, quod sit contra fidem, aut Ecclesiam Catholicam, sive honorem Dei.

Tertio verum quidem est, certo & minime fallaci Ecclesiæ decreto fanciri posse nonnulla, quæ ante Apostolorum mortem evenere, quum ista revelari a Christo, aut Spiritus Sancti iussu ab Apostolis tradi potuerint. Sed tum sine errore id fieri continget, si de Factis agatur, quæ ad Historiam Christi & Religionis intime spectent, & ad Ecclesiæ adificationem conducant. Non enim veri videtur simile, Christum ejusque Discipulos inutila revelasse, seu tradidisse posteris, & Spiritum Sanctum sive Sponsæ ad futurum, ne in hisce supervacaneis erret. Deinde necessum est, ut ejusmodi Factis constans, antiqua & legitima Traditione adstipuletur. Id quoque exigitur in Dogmati faniendi, quamquam ista unum ex altero saepè necessario pendeat: quanto ergo magis id exigitur in Factis, quæ contingere vel non contingere auge potuerint, & revera cunctis non aliunde haberi, quam ex Historia ac Traditione potest? Illa porro legitima satis, & germana antiquissima rei Traditione minime appellanda est, quum post saecula multa a Christo nato res quæpiam narrari coepit, tota antiquitate silente, Patribusque, & Historicis omnibus ante illud tempus nullam ejus rei mentionem, vel quum possent, ac deberent, facientibus. Augebit etiam falsi suspicionem, si primus ejus narrationis Auctor aut Græculus fuerit, aut alias quisquam rudium temporum Historicus, aut ineptus aliquis Scriptor, a quo hominum genere, utpote omni Critices præsidio saepè destituto, tam facile plerisque fabulae & nugæ, quam ipsa vera adoptantur.

Quare, etiam si non pauca vulgo ferantur de Apostolorum peregrinationibus, & obitu, de parentibus Deiparæ, de Marthæ ac Mariæ Magdalena post Salvatoris mortem gestis, de multis pertinentibus ad tres Magos ad adorandum Christum iofantem olim profectos, & alia hujusmodi, quæ Apostolorum Traditione contineri poserant: quandoquidem tamen antiqua & probata non adseruntur hujus Traditionis monumenta, immo in ipsorum narratione fabularum vestigia sublument: idonea Ecclesiæ fundamenta non suppetunt, et ista sine erroris periculo vera statuere possint. Multa etiam sunt, quæ definire non debeat. Aque heic forte peri potest, an jus sit Ecclesiæ decernendi tamquam Fidei Dogma, beatissimam Christi Matrem sine macula originali fuisse conceptam. Tale jus ipsi esse, absque hesitatione affirmandum est, si aut per legitimam argumentationem ca-

Virginis prærogativa e divinis Scripturis deduci, aut ex probatissima, & constanti, & antiqua Traditione Patrum comprobari possit; neque enim quisquam in Theologia peritus firmissimum decretum inniti posse arbitratur privatis quibusdam Revelationibus, aut apocryphis Patrum scriptis, aut iis tantummodo argumentis, quæ a congruitate appellantur. Ita restissime ab Ecclesia contra Helvidium & Jovinianum quarto vulgariter Erasculo constitutum est, pertinere ad Fidei Catholicæ Dogmata perpetuam ejusdem Deiparæ virginitatem, quam etiæ divinæ Scripturæ aperte non affirmarent, vetustissima tamen totius Ecclesia Traditione ab Apostolis usque derivata certam faciebat. Ubi ergo par Traditionis Apostolicæ auctoritas adsit, & non potius stent contra plurimi Patrum: dubium nullum est, quin decreto divinitus certo stabiliri possit immaculata Virginis Concepcion, ut etiam quæ nondum satis certa de ipsius morte sive Assumptione in celum feruntur; quum utraque interim sit quidem pietatis, sed non necessitatis, credere vera.

Sed jam dicat aliquis; Si certa non sunt Ecclesiæ de toti Factis judicia, & error intercedere potest: ergo liberum nobis erit iis, dum talia proponunt, vel addere, vel demere fidem, credere, & non credere, & omnia quæ a Deo revelata fuisse non constat, in dubium revocare. Id si facere impune & jure possumus, quæ Historiæ Ecclesiasticae pars a temerariis ingenii jam sibi non timeat? Immo quid non timeat ipsa Religio? Nam Facta quædam ostendere est, quæ quamquam a Deo revelata fuisse non appareat, attamen certa credenda sunt, atque creditur, quorum unum præcipue est, verum esse Petri Successorem Clementem XI. qui tanta cum sui gloria, & Christiani gregis utilitate in Romana Cathedra nunc sedet. Id si negare fas est, que etiam fas non erit negare, & tamquam dubia rejicere, quæ ab ipso Pontifice in Fidei & morum doctrina faniuntur? Fac etiam, certo non constare, quænam Generalia Concilia legitima sint: eorum de Fide Constitutiones illico nutent oportebit, neque credenda erunt erroris prorsus expertes. Alia deinde incommoda consequentur, quæ totam Christianæ Religionis certitudinem, & Ecclesiæ regimen brevi susque deque vertant. Et haec quidem maximi momenti obstacula sunt, in quibus removendis operæ pretium est diligentem ponere curam. Ita siquidem omnium sententiarum, sed earum in primis, quæ ad Religionem spectant, temperanda est tractatio, ut extrema urimque postea sedulo evitentur. Hanc autem gravissimam simul & difficillimam Quæstionem Capiti sequenti reservatam volumus.

CA-

C A P U T X V I I I .

Immediate ne, an potius mediate ad Fidem referendum sit credere, hunc vel illum esse Romanum Pontificem. Etiam si ponas, hoc, & alia hujusmodi Facta non esse credenda Fide supranaturali, haec tamen fides debetur decretis Conciliorum, & Apostolicæ Sedis in materia Fidei & morum ab Ecclesia receptis. Evidentia Naturalis & Moralis in his casibus sufficit, & nos credere, ac obtemperare cogit. Quam temerarium, & pœna dignum revocare in dubium ejus effata.

A Non paucis annis recentiorum Theologorum ingenia exercet ea Quæstio, num ad Fidem spectet hæc propositio: *Hic aut ille est verus Romanus Pontifex.* De illa altum silentium apud Patres, & antiquiores Theologos. Sunt qui immediate, sunt etiam qui tantummodo mediate Fidei divinæ assensu credendam censeant. Neutram sententiam hucusque Ecclesia, aut Apostolica Sedes suo calculo firmavit. Quare fas erit nobis quæstionem adhuc incertam versare, quod tamen præstabilimus ea animi reverentia, quæ tam arduis & delicatis rebus debetur, ita ut Apostolicæ Sedis non hæc tantum, sed omnia nostra humili obsequio subjiciamus, nullam aliam tueri sententiam parati, quam quæ illi placuerit, & ideo ausi argumentum istud pertractare liberiori stilo, quod Roma nondum suam heic aperuerit mentem; & alioquin eam Pontificibus maximis esse mentem faciamus, ut in omnibus Veritas vincat.

Dicimus igitur, multis recentiorum videri immediate pertinere ad Fidem effatum iudicemus: *Hic aut ille homo (verbi gratia Clemens XI.) verus est Pontifex Romanus.* Eaque solet adferri potissima ratio: videlicet, enuntiationem particularem contineri in universalis; & quem universalem Deus revelabit, particularem quoque a Deo revelatam fuisse. Ut enim omnes in Adam peccavisse Fides nos docet, atque in hoc effato revelatum quoque exempli causa fuit *Salomonem peccasse in Adam;* ita & in isto universalis effato toti Ecclesiæ revelato, *Omnis homo rite electus ab Ecclesia in successorem Petri est verus Pontifex Romanus,* censendum est revelatum & illud particulare: *Hic aut ille est verus Pontifex Romanus.* Quia in re nemo non videt, quantum curæ sit omnibus ut hinc nova aliqua Dei revelatio excludatur; bene siquidem perspecta quilibet Catholicorum habet intolleranda incommoda, quæ sequentur, si quidquam ad vetus Doctrinæ depositum adjungi aliquando posse credatur, quod non revelavit Deus, antequam utriusque Fœderis Li-

bri concluderentur morte Apostolorum. Huic tamen sententiæ, impedire quedam possunt, ne assentiamur. Nam primo constare evidenter deberet, ad Fidem spectare, hoc est a Deo revelatum fuisse, integrum universale effatum: *Omnis homo rite electus ab Ecclesia in Successorem Petri est verus Pontifex Romanus.* Quale certe heic legitur, extra controversiam esse non potest. Eequando enim aut in Scripturis sacris, aut per Traditionem revelatum est, ab Ecclesia eligi, aut eligendos esse Petri successores? Immo Electores, & plerosque istius electionis ritus, ipsi Romani Pontifices pro sua prudentialia ac arbitrio, & pro temporum opportunitate statuerunt, suo jure, sua auctoritate usi. Hisce ritibus non servatis, & desideratis conditionibus quibusdam a jure positivo præscriptis, electio interdum inanis evadit.

Secundo, constare evidenter deberet, quomodo in illo universalis effato, quod revelasse Deus dicitur: *Omnis homo rite electus in Petri successorem, est verus Pontifex Romanus,* possit quoque dici revelatum particolare illud, *Hic aut ille est verus Pontifex Romanus.* Nam quum ista conclusio deduci firmissime nequeat, nisi ex alio etiam effato, quo plenus conficiatur syllogismus, nempe si dicatur: *Sed hic aut ille rite fuit electus;* quam propositionem ad Fidem pertinere nemo dicit: quomodo quod inde consequitur, pertinetibat ad Fidem? Certe revelatum non fuit, hunc aut illum fuisse prius Baptismo sacro regeneratum, sacrificisque Ordinibus rite initiatum, & sine vi, sine pretio, sine iniqua electorum conspiratione electum.

Tertio, ostendendum foret apertius, quomodo nova aliqua Dogmatum revelatio non admittatur, si credenda est tamquam a Deo revelata ista populo: *Hic aut ille est verus Pontifex.* Etenim duplex tantum Revelatio excoegerari potest; altera, quæ respicit aternas veritates, & facta Dei & hominum jam consummata, priusquam Apostoli decederent; altera respiciens facta quedam in Ecclesia Dei

con-

consummada, quæ sine dubio prædicti a Spiritu Sancto potuere. Ad priorem Revelationis speciem nullatenus referatur illud effatum. Si ad alteram, oportet ut Spiritus Sanctus prædixerit, & revelaverit, hunc virum potius quam alterum a sacris Electoribus, rite, & sine errore, sine vitio aliquo esse eligendum; & tunc ex Revelatione constabit, hunc, & non alium virum, esse verum Pontificem Romanum. Quum autem constet, Spiritum Sanctum neque revelasse olim prophetice, neque nunc revelatione peculiari aperire, hunc potius, quam alium in successorem Petri fuisse electum, aut eligendum: idcirco neque immediate revelata videtur enuntiatio illa (*Hic homo est verus Pontifex Romanus*), neque ut certa per Fidei divinæ assensum immediate credenda. Ad hæc si ideo ad Fidem immediate spectat istud effatum, quia revelatum fuit in universalis effato: in immensum abibit eorum numerus, quæ in posterum immediate pertinere ad Fidem credenda erunt. Cur enim non revelatum quoque dicendum erit, hunc illumine Sanctum virum Canoni Beatorum adscriptum, revera in cælis regnare? cur non & Archiepiscopum Parisiensem esse verum Episcopum? cur non & singulas Hostias populorum adorationi propositas continere verum Christi Corpus? cur non & huic vel illi Regi legitime lecto parentum a subjectis populis? Et innumera alia. Certe hujusmodi effata aliquo universalis effato, quod Deus revelavit, & facto moraliter evidenti innituntur, sicuti nullo negotio quisque intelligat. Certe & ex his multa credenda sunt populis, ne debita officia negent, & ne graviter peccent. Attamen quis hæc & alia ejusmodi immediate per Fidem credenda pronuntiet, quamvis universalis effato, quo innituntur, sit immediate supernaturalis assensus adjungendus? Hæc igitur quum necessario consequantur & pendent a facto, cuius veritatem a cælo nequaque edocemur, ne ipsa quidem tam certa repudenda videntur, quam certa nobis futura sunt Evangelica Dogmata.

Præterea celebre est facinus Stephani VI. Romani Pontificis, qui Formosum legitimum Romanæ Ecclesiæ Praesulem, ab universa Ecclesia suscepimus, (ejus cadavere ignominia & flagris affecto) e catalogo Romanorum Antistitum expunxit; iterumque Ordinibus sacris, ut initiantur ab eodem initiati, præcepit: eaque omnia solemnibus Romanæ Synodi votis firmavit. Nemo autem est, qui heie non legat, falsi arcessitam, & inanem pronuntiatam a Stephano propositionem illam: *Formosus est, aut fuit verus Romanus Pontifex*. Ergo Stephanus aut a Fide excidit,

& Heresim e Cathedra propofuit: aut ad Fidem immediate illa enuntiatio non pertinebat. Primum nemo veritatis amans, & Pontificie dignitatis studiosus dixerit; etenim Stephanus nefario quidem & inaudito sacrilegio Petri Sedem deturpavit, sed in questione *Facti, non Juris, & malo exemplo, non falsa doctrina*, erravit, sicuti ait magnus Cardinalis Bellarminus. Restat igitur, ut a Fidei Dogmatis illud effatum excludatur, & excludendum quoque sit in posterum. Utcumque tamen capiatur Stephani exemplum, illud certum est, ab aliis Romanis Pontificibus, & ab ipsa Ecclesia, neminem hucusque tamquam Hæreticum fuisse damnatum hac una de causa, quod credere nolle, aut negare auderet verum Romanum Pontificem hominem quempiam in Successorem Petri electum. Id cerne re est in tot Schismatum Historia, quibus afflita fuit Ecclesia & Cathedra Romana. Quæ autem, quæ, esse cauſa potuit, cur numquam ad Fidem pertinere hujusmodi crimen, sive errorem, nemo statuerit, & nemo Hæreticus idcirco ob hoc unum fuerit accusatus, quum tamen ea controversia tot motus animorum exciverit, & toties versata sit in ore & judiciis, tum universæ Ecclesiæ, tum Romanorum Pontificum; & qui negat aliquem rite electum in Successorem Petri, ipsum quoque negat esse verum Romanum Pontificem? Non alia utique videtur ratio fuisse, quam quod ista quæſio ad Factum pertinere cedet, non autem ad Dogma, & immediate ad Fidem referri non posse.

Si dicas, ab hac censura ideo solum temperatum, quod rite electus nqndum ab Ecclesia universa ut talis receptoris fuisse: nobis persuadere non facile id possis, qui novimus tot alii diris exceptos, tot poenis damnatos a Pontificibus Maximis Canonice electis, negantes impugnantesve legitimam eorum electionem. Ut autem alii & rationibus & exemplis hac in re parcam, sufficere videtur Pauli IV. Pontificis Maximi sententia. *Si ullo unquam tempore apparuerit, (editit ille Bulla XIX. in Bullar. Rom. & hæc priora verba accurate notanda) aliquem ante ejus in Romanum Pontificem assumptionem a Fidei Catholica deviisse, aut in aliquam Heresim incidisse, &c. Promotio seu assumptio de eo etiam in concordia & de unanimi omnium Cardinalium assensu facta, nulla, irrita, & inanis existat, nec per ipsius Romani Pontificis intronizationem, aut adorationem, seu ei praestitam ab omnibus obedientiam, & cuiusvis temporis in premisis cursu, convalescere dici, aut convalescere possit. Igitur fieri potest, ut quispiam non esse verus Pontifex aliquando appareat, licet Petri*

Sc-

IN RELIG. NEGOTIO. LIB. I. CAP. XVIII.

81

Sedem impleverit, sibique omnes habuerit obedientes, dum olim Haeresi addictus fuisse deprehendatur. Igitur supranaturalis Fidei assensus exigi non potest, quo aliquis credatur verus Romanus Pontifex, etiam si ab Ecclesia universa receptus fuerit, quando Ecclesiam ipsam ab omni errore immunem in hoc negotio nequaquam arbitratur ipsem Paulus IV. Atque in ista eadem sententia fure antiquiores Theologoi, quamquam obiter in ea versati. Progrediamur.

Sed qui certa per Fidem credenda erunt Romanorum Pontificum decreta ad Dogma pertinentia? qui non licet eorum sententias contemnere, eorum electionem pro luto revocare in dubium? qui evitari poterunt sexenta alia incommoda, si certum aliquem hominem verum Petri Successorem credere numquam jubeamur? Et haec quidem, fateor, in causa fuere, cur proxime praterito saeculo Scholastici quidam Theologi efflagitare coepirint immediatum divinæ Fidei assensum in ista quæstione, repudiata opinione minus recentium. Nisi ita credetur, visa est ipsis mutare Ecclesia, & doctrina Catholica, quod tamen antiquiores non extimescebat. Verum nihil fortasse hinc sibi atque Ecclesiæ timere debuerunt ingenia pusilla, nihilque hinc sibi ingenia temeraria blandiri. Quamquam enim immediate ad Fidem ista referenda non sint, ea tamen credenda esse dicimus vera ac certa, & stare nihilominus potest Dogmatum & decretorum robur, & nihil in legitimos Pontifices audere licet.

Quod ut liqueat, statuimus primo tamquam evidens, Deum revelasse olim, praeter Facta & Dogmata quædam particularia, universales etiam quasdam Regulas atque Sententias, quibus Ecclesia, & singuli homines in posterum regerentur, tum ut credenda cederent, tum ut facienda ficerent, & non facienda vitarent. Universales autem illæ Regulae atque Sententiae a Deo revelatae, ut usi valeant, applicandæ sunt Factis quibusdam particularibus non revelatis, idque fit aut a Romanis Pontificibus, aut a Conciliis, aut ab hominibus singulis. Applicationem faciendam tum novimus, quum Evidentia aut naturalis aut moralis nos moveat; istaque Evidentia sufficiens causa est, ut merito aliquid agamus sive credamus; immo ita credere, aut agere sèpe cogit, ut secus facientes non terrenis tantummodo poenam, sed etiam æternis sint castigandi. Fides docet ac jubet, colendos esse parentes ac Reges legitimos; ac simul non docet, hunc vel

illum hominem esse certum parentem, & legitimum Regem nostrum. Attamen quia ex Evidentia morali cognoscimus, qui sint isti parentes, & Reges, hujusmodi particuli facto applicare cogimur universale Fidei decretum, & hunc illum hominem colere. Non colentes, cum in terris, tum post mortem, justa poena manebit. Ad Fidem ergo immediate pertinere non potest haec enuntiatio: *Iste, vel ille mibi colendus est ut pater, ut Rex.* Sed num obsequium iis negare idcirco licet? Apage. Evidentia moralis ita me de peculiari hoc facto certiorrem facit, ut sine gravi culpa atque ignorantia debitam illi subtrahere reverentiam non possim, etiamque revelatio divina de hujusmodi Facto desideretur.

Ita & Episcopis nostris, & præcipue Successoribus Petri, secundum divina mandata a Christiano gregi parendum est; iisque, & potissimum congregatis in aliquo legitimo Universali Concilio, aut Romano Pontifici aliquod decernenti Dogma*, credendum est, divinæ Fidei assensu huic Dogmati accommodandus, prout sanctissimæ Legis instituta præcipiunt. Nam & si revelatum a Deo mihi non fuerit, hunc vel illum esse legitime electum, verumque esse Pastorem, aut omnes in hoc illo Concilio congregatos, veros esse Pastores: negare tamen non possum, præsente Evidentia morali, & fidem de ista Evidentia nobis faciente suo assensu ipsam Ecclesia, & populi multitudine, quin ii sint legitimi Pastores Ecclesiæ Catholicæ, & quin mihi aliquid credendum in Religionis doctrina proponant. Nolue Deus tot particularia facta prædicere, aut identidem sua revelatione aperire. Rationi, & conscientiæ nostræ usum dimisit universum ab ipso revelatorum, quæ, quum Evidentia poscit, applicaremus particularibus factis. Itaque ista facta conscientiæ nostræ satis per Evidentiam nota certaque fiunt, ut nulla sit excusatio peccati, si propterea obsequi & credere nolimus Pastoribus nostris. Alioqui, si divinam revelationem ubique necessariam putamus; & quum desideratur, fas est negare fidem salutari doctrinæ, obedientiam præceptis, obsequium Majoribus: jam non Ecclesia solum, sed universæ mundi Republicæ revertentur; immo nihil credere cogemur, & pejores quam Academicæ & Sceptici erimus. Nihil enim est, quod ab aliquo facto minime revelato aliqua ex parte non pendeat, eique coniunctum non sit: idque etiam in Religionis Catholicæ œconomia animadverti potest. At

L pro-

* In Parisiensi editione, ut supra notavimus ad Cap. xi. heic additum, cui affentitur Ecclesiæ universæ. Consule ibidem laudatam Epistolam.

propterea a credendo, atque agendo non excusantur homines.

Exempli causa neque revelatio, neque Ecclesia certos nos faciunt, tot sacrarum Scripturarum editiones typis procuratas per Episcopos singulares, aut Doctores orthodoxos, purum putum continere verbum Dei, & omnibus carere mendis: quæ tamen menda efficere dubium, & immutare etiam divinorum Librorum sensum possunt. Num ideo nobis licet fidem negare documentis inihi propositis? Nequaquam. Documenta ipsa divina Scriptura immediate nobis non solent proponi a Deo, ut a Conciliis universalibus, hoc est aut a Veritate ipsa, aut a veritatis custodibus falli nesciis, quos numquam auribus nostris audivimus, sed quidem a singulis Epicopis, Parochis, aliisque hominibus errori obnoxios. Num fatus id fuerit, ut a sensum Fidei supranaturalis quisquam neget doctrinæ, per hos huminum genus propositæ, quum ipsam doctrinam immediate audire non possumus a Deo, aut a Conciliis Pastorum non errandi prærogativa donatis? Minime sane. Neque certum est divina certitudine, hunc illumine Librum esse fœtus, sive sanctorum Patram, sive Episcoporum, non conflictos, non interpolatos: idque Ecclesia ipsa ita statuere nequit, ut ad Fidem pertineat. Quum tamen ex his factis Traditionem Christianæ Doctrinæ educi contingat, quis factum hoc uti minime certum causati audeat, ne Traditioni ipsi, quæ inde derivatur, toto intellectus obsequio adficiatur? Certe qui rem accurate examinet, inveniat, non Traditionem tantum, ejusque monumenta, sed Codices etiam divinae Scripturæ, quos nunc habemus, certissimum sumus germanos esse Prophetatum & Apostolorum Libros, a serie factorum quorumdam pendere, quæ nobis per divinam Fidem certa non sunt. Præterea numquam ad Fidem spectare poterit, Episcopos, e quibus generale Concilium confiatum fuit, sacro Baptismate, sacerdos Ordinibus rite fuisse initiatos, & corde hæresim non confoviisse. Quis nihilominus eum ferat, qui Nicæni aut Tridentini Concilii decretis morem gerere, & supranaturalem Fidem eorum Canonibus accommodare nolit, adeo levi in medium excusatione prolata? Alia id genus persequi non lubet.

Si ergo ista Facta non revelata minime impediunt, aut impedit possunt, quominus Christianæ Doctrinæ Conciliis, & Traditioni firmissimum Fidei assensum denuo: cur necessario putabimus ad Fidem referre enuntiationem illam, hic aut ille est verus Romanus Pontifex; quasi liceat obedientiam Romanis Pontificibus, & obsequium negare definitio-

nibus de Dogmate ab Ecclesia universa receptis, si ad Fidem immediate non spectet ejusmodi effatum? At, inquit ii, qui aliter sentiunt, quomodo divinus certissima sint, ut fere omnium Catholicorum sententia habet, decreta Romani Pontificis, nisi divinus quoque pro certissimo credendum sit, hunc illumine esse verum Romanum Pontificem? Quomodo (nos quoque reponere possumus) per divinam Fidem credendum est, hunc aut illum esse verum Pontificem Maximum, nisi per eandem fidem credatur, hunc aut illum fuisse rite electum in successorem Petri, & Baptismate, & sacerdis Ordinibus rite olim donatum, & numquam cum Hæreticis sensisse, aut etiam post maximum munus adeptum in Hæreticum non declinasse, quod fieri posse similiter plerique affirmant? Sed his prætermis, hoc sibi responsum habeant. Necesse est, Dogmata Fidei certissima credere, atque obtemperare Maximis Pontificibus, quamquam eodem assensu non sit necesse eos credere veros Pontifices Maximos, & certa credere tot alia facta, de quibus nuper egimus. Ut enim Dogmata per Fidem amplectamur, certaque credamus, sufficit, ut facta illa, & legitima electio Romani Pontificis, nobis per moralem evidentiam innoscatur. Conficitur autem argumentum istud. *Quidquid a Deo revelatum est, verum certumque est;* & *quidquid per Evidentiam nobis constat, ab Ecclesia, aut a Romano Pontifice receptum aut statutum fuisse tamquam revelatum a Deo, certum quoque nobis per Fidem divinam futurum est.* Sed per Evidentiam nobis constat, Ecclesiam, aut Romanum Pontificem, hoc vel illud dogma recepisse, sive statuisse tamquam revelatum a Deo: Ergo id certum nobis esse debet per divinam fidem. Et revera quum jubemus a Deo credere Christianam Doctrinam, quæ ab ipso revelata, & ab Ecclesia, aut a Romanis Pontificibus asserta fuit: cur post tantam assertionis hujusmodi Evidentiam ea Dogmata credere nolimus? cur adhuc dubitare velimus? cur salutem nostram in periculum adducere non credendo? Sibi neget, si potest, conscientia nostra, Ecclesiam, aut Romanum Pontificem ista recepisse, aut decreuisse. Neget, hunc esse verum Pontificem Romanum, rite electum, rite ablutum baptismatis lavacro, numquam hæresi additum; hoc vel illos Libros esse germanos sanctorum Patrum fœtus; hoc illudve Concilium ex Catholicis Episcopis legitime coactum. Hæc adeo evidenter constant, (quamvis per revelationem divinam non constent) ut jure nemo negare velit ac possit. Et qui ista negare, aut in dubium revocare licet sibi patat, non est cur negare etiam non possit ac velit

velit pleraque alia certissima & evidenter in hoc hominum rerumque temporario statu: quod tamen quantum a recta Ratione, Legibusque divinis atque humanis abhorreat, non est meum ostendere hominibus ratione utentibus. Regitur hominum vita variis Evidentiæ generibus. Qui eis adversatur, aut demens est, aut temerarius, & pœna dignus, si in re cœcitat, qua in publicum malum, aut in Religionis, suæ privatæ salutis perniciem vergat. Hinc abjicienda cavillationes, & diverticula, dolo malo, & sine ratione quaesita. Credendum, faciendum, fui-
giendum est, quod Deus per Ecclesiam nos credere, facere, ac fugere docet, si nobis cordi est eterna vita & conscientia quies.

Evidentia autem, ut dixi, alia est Naturalis, alia Moralis. Utique interdum id roboris est, ut si aliquod effatum negemus, quod non ex Revelatione divina, sed ex Evidentiæ solum constet, negemus simul aliquod effatum & dogma a Deo revelatum. Posteaquam, exempli gratia, Evidentia Naturalis me certum fecit, hunc aut illum esse hominem: si inficiari velim, ipsum illum peccasse in Adam, non possum, quia simul negem effatum ad fidem pertinens, hoc est omnes homines in Adam peccasse. Aut ergo me delirum, aut impium prodam, si hoc affirmare, illud negare pergam. Hoc patere potest in aliis sexcentis exemplis, tum quod est ad licite agendum, tum quod est ad necessario credendum. Igitur qui has evidentes enuntiationes negare audeat, etiam si non immediate, mediate tamen Fidei Dogmata lædit; ac illud præsertim, quod Christus peculiari providentia suam regit Ecclesiam, eique non deest in necessariis.

Quod saltē esse extra omnem dubitatio-
nis aleam necum omnes conseruant, illud est:
Si quis Romanum Pontificem pacifice ele-
ctum, pacifice regnantem, & ab universa Ecclesia receptum, non credit verum Romanum Pontificem, eique idcirco obsequi & obtemperare nolit justa præcipienti, hac una excusatione fretus, quod non sit certum, ut ajunt, de Fide, illum esse verum Romanæ Ecclesiæ Antistitem: homo tam temerarius, utpote gravi criminis obstricetus, merito co-
cendus erit severissimis pœnis, & communio-
ne Ecclesiastica privandus. Eadem dias de legitime habito Concilio. Etenim, quamvis fidei assensu immediate credere legitimum hoc esse Concilium, nullo Ecclesia decreto cogamur: cogimur tamen propter manifestas Fidei regulas Concilio generali ab Ecclesia recepto morem gerere, & Fide di-
vina credere Dogmata ab eo definita, quum Evidentia simul ita agendum prescribat, &

satis conscientiam nostram ab errore tuca-
tur, & ad credendum impellat. Hinc justis castigationibus repressi olim Theologasti qui-
dam fuere, qui, quum ab Apostolica Sede
damnatum iti presentirent nonnullas suas
absolas a Doctrina Christi sententias, spe-
rarunt aut Romano Pontifici terrorem se incusigros, aut frustratos damnationem, si
hanc Thesim evulgarent ac propugnarent.
Non est certum de fide, hunc numero Papam
esse verum Pontificem Romanum. Ridendum
plane, & perquam temerarium consilium,
quo Schismati præludatur, & omnia Eccle-
siæ tribunalia eludantur; quasi aliunde evi-
denter non constet, qui sint veri Pontifices
Romani, & quasi satendum ipsis quoque non
fuerit, hanc unam sufficere Evidentiam, ut
Romani Pontificis, & Conciliorum decretis
atque actoritati parere deberent, si Catholici
esse ac dici vellent.

Alia sunt facta, quæ in Ecclesia Dei con-
stituta fuere tamquam certa, & constituit
quod huc possunt, quibus etiæ adjungendus non
est supranaturalis Fidei assensus (non enim
illa referre inter Dogmata licet) nefas ta-
men sit non amplecti, & non credere vera;
& qui credere sive amplecti reguleret,
Hæretici cordis suspicionem non levem con-
tra se excitabit, aut saltem severitate le-
gum ad meliorem sententiam percutientem
erit. Hujusmodi sunt ea omnia, ex quibus
Dogmatum unitas, & conservatio pendere
videtur. Exempli causa, numquam Eccle-
siæ constituere poterit, tamquam Fidei Dog-
ma, hos illos Libros Hieronymo, Augu-
stino, Chrysostomo, aliisque Patribus esse
adscribendos. Id nos tamen novimus & cre-
dimus Evidentia edocti, quæ & Aristoteli,
& Ciceroni, & Virgilio, aliisque, Libros tri-
buendos esse edicit. Sublata hac Evidentia,
nefas non est de germanis hujusmodi Libro-
rum Auctoriis dubitare. At qui contra Evi-
dentiæ fidemque antiquitatis Libros a Pa-
tribus conscriptos suscipere & deosculari nol-
let, compellendus foret, pœnis etiam gra-
vibus, ad opinionem hanc exuendam. Si si-
quidem Libri Divinae atque Ecclesiasticae
Traditionis promtuaria sunt, eorumque ve-
ritas & conservatio mirum in modum con-
ducit, Evangelicæ doctrinæ conservandæ at-
que explicandæ.

Similiter numquam certissimum de Fide,
ut ajunt, erit privato cuicunque homini,
se abique omni prorsus erroris periculo in-
telligere verba Librosque Conciliorum &
Sanctorum Patrum. Attamen, ubi is eviden-
ter cognoscatur, se eorum sensa intellexisse,
quousque alter ab Ecclesia non edoceatur,
certam credere debet doctrinam, quam in

iis verbis & Libris communi & constanti calculo assertam contineri cognovit. Tandem inter Fidei Dogmata numquam referre licebit, hunc illumne hominem Hæreticum esse aut fuisse, puta Arium, Lutherum, Calvinum. Nemo tamen inter Catholicos ita insanit, ut id genus homines, Libris suis, & Ecclesiæ totius consensione damnatos, negare velit, aut credere nolit a Fide vera devios, quod sibi per divinam Revelationem non constet, eos Catholicæ Doctrinæ revera fuisse adversatos. Id aliunde apertissime con-

stat, hoc est ex ipsa rerum Evidentia. Hujusmodi autem facta ad judicium spectant Ecclesia, Maximorumque Pontificum, & aliorum etiam Episcoporum; nullumque dubium est, quin iis judicantibus reverentia maxima debeatur. Reverentia, inquam, maxima, & assensus humilis, non autem divina Fides. Nam & ista judicia nihil aliud respiciunt, quam facta a Deo minime revelata; quare neque per se immutabilia sunt, neque ab omni prorsus erroris periculo immunia.

C A P U T X I X.

In Judiciis Ecclesiasticis tria consideranda, nempe Doctrina, Persona, seu intentio docentis, & Voces, seu phrases, quibus doctrina exprimitur. In Doctrina damnanda sive probanda, est ab errore immunis Ecclesia; non autem in judiciis de Persona. An judicia Ecclesiastica de Vocibus & sensibus supranaturali Fidem postulent. Tum solum postulare videntur, quum ad Fidei doctrinam aut statuendam aut defendendam necessarius est in Ecclesia Spiritus Sancti afflatus, & quum de Traditione colligenda ex Patribus, & de sensibus Canonum, & de versionibus sacræ Scripturæ agitur.

NE tamen in judiciis Ecclesiasticis, de quibus nuper facta est mentio, sufficiendis atque pensandis fallamur, utilissimum puto animadvertere, distinguenda ibi semper tria esse, nempe Doctrinam, Personam docentis, & Voces seu verba, quibus doctrina exprimitur. Sub nomine Doctrina venit id, quod significatur quibusdam vocibus, verbis ac phrasibus, istaque doctrina judicari potest sana aut perversa ab Ecclesiasticis Judicibus. Quod quum Ecclesia facit, certum est, errorem intercedere non posse, tum quia fieri non potest, ut Ecclesia Dei in Dogmate fallatur; & Christi promissa irrita efficiat; tum quia sententiam de re profert, quam a Deo ipso didicit sive in sacris Litarris, sive per antiquissimam Traditionem. Ideo immutabilia sunt ex institutione Christi, & ex natura sui, quod est ad hanc partem, Ecclesiæ judicia, meritoque a Catholico grege supranaturalis Fidei assensum exigunt.

Persona docentis tum judicari dicitur, quum judicium fertur de mente animove illius, qui doctrinam quampiam tradidit. Sacrorum Judicium & heic habent locum jura, non ita tamen ut eorum sententia quod est ad hanc partem) nulli mutationi, nulli errori obnoxia sit. Humano more, humanis legibus atque successu ista peraguntur. Ut enim veteri

habet regula, Ecclesia non judicat de internis. Et solis autem externis, quantum fieri potest, interna judicantur. Fieri igitur potest, ut qui prava scripsit, aut pronuntiavit, recte animo senserit; nam & qui recte sentiunt, non recte semper loquuntur, aut disputant, & cor interdum aliud credit, quum os ex simulatione aliud pronuntiat; sicuti & qui a veritate aberrant, sœpe errorum suum verborum ambiguitate obtegere solent. Praeterea multi ex infirmitate intellectus in errores labuntur, non ex pertinacia voluntatis; & cum eodem errore suo conjunctam habent debitam erga Ecclesiæ judicia reverentiam, prompti abjurare quidquid noverint ab Ecclesia damnatum, & amplecti quidquid illa constituerat. Hi sane inter certissimos Hæreticos non sunt computandi, quamquam eos uti Hæreticos Ecclesia de externis judicans rite damnaverit. Quæ autem plena firmitas esse in hoc genere potest Ecclesiasticis judiciis, dum occultam feriunt mutabilem hominem voluntatem ac mentem, & dum interdum e vivis sublatos, anathemate & diris feriunt, nullam suæ mentis rationem reddituros? Neque vero quidquam proibri aut periculi in Ecclesiam venit, si heic erretur. Ad Doctrinam Christi, in qua certe statuenda errare nequit Ecclesia, non spectant

Etant hujus modi facta , hoc est , hunc aut illum Auctorem privatum ejus erroris esse reum, de quo accusatur, aut recte scriptisse , quum fecus animo sentiret . Sive hoc ille senserit , quod illi Ecclesia tribuit , si ve non senserit , stat semper Catholica doctrina , erroresque in illo homine confixi nonquam desinunt esse errores , quamquam ab iis fortasse absuerit ille , quem Ecclesia damnavit .

Nil igitur mirum , si uti quibusdam exemplis supra ostendimus , hujusmodi judicia iterum institui , & retractari , & mutari Ecclesia patiatur . Immo cuicunque modeste curanti , ut Auctorem quempiam damnatum ab erroribus purget , succencere Ecclesia minime consuevit ; quum suæ esse pietatis ducat , omnibus filiis suis quocumque tempore locum vindicanda innocentia reliquere , dummodo scandala evitentur , & qui patroni munere funguntur , non lententias Auctori bus tributas , & ab Ecclesia proscriptas , tueri , sed Auctores tantummodo ab erroribus , quibus inquinati credebantur , liberae contendant . Sic Origenem , Theodoretum , Abellardum , Gothescalchum , Abbatem Joachimum , aliosque , in ipsis etiam generalibus Conciliis damnatos , sacrilegium non sicut pro viribus tueri . Atque utinam nullum vere Hæreticum umquam habuissimus . Quosdam contra aut absolutos , aut innocentes proclamatos , re melius comperta , novis percutere censuris in more fuit . Illustria sunt , & hoc revocari jure possunt Innocentii III. verba in Cap. *A nobis* , de sententia Excommunicis . *Judicium Dei veritati* , que non fallit , nec fallitur , semper innititur ; *judicium autem Ecclesie nonnumquam opinionem sequitur* , (in definitionibus nempe factorum ; nam quæ ad Dogma & Fidem spectant , veritate divina jam revelata innituntur) quam & fallere sepe contingit & falli . Propter quod contingit interdum , ut qui ligatus est apud Deum , apud Ecclesiam sit solitus : & qui liber est apud Deum , Ecclesiastica sit sententia innodatus . Attamen quamdiu error manifeste in sententiis judicium non appareat , & quamdiu non constet , judices suisse deceptos . Ratio poscit , ut inviolata sint & veneranda vel hujusmodi judicia . Quisquis levi de causa & fatili aliqua suspicione ductus ea amplecti nolit , Ecclesia , Romanorumque Pontificum auctoritati sanctissimæ obstat , & gravia ac justa castigatione plectendum se præbet . Sunt & ex his definitionibus , quæ immutabiles certaque evaserunt , non quidem proprie ex Ecclesia auctoritate , sed ob quamiam rerum evidentiam , publicamque Hæreticorum per-

tinaciam , qualem qui in Johanne Hus , Hieronymo Pragensi , Luther , Calvino , aliisque ejusmodi Ecclesiae Catholicae hostibus non videt , mente oculisque cœciat necesse est .

Ad Voces venio , verba , phrases , formæ dicendi , quibus uti solent homines ad explicandam doctrinam suam , eamque transferendam de sua in aliorum mentem . Et istas omnino necessarium videtur a Doctrina distinguere ; nam aut pravo consilio , aut ex ignorantia possunt homines sub orthodoxis loquutionibus parveras celare sententias , & rursus orthodoxas hæreticas vocibus conveсти . Cognoscere autem , & judicare , quid sonent Voces , phrases , formæ dicendi , est cognoscere , quis earum sit significatus , & sensus : qui itidem sensus , quum sententiam doctrinam continere & significare possit aut orthodoxam aut hæreticam , pius propterea & sanus , aut impius & pravus sit , appareatque ipse quoque , necesse est , nihil considerata Scriptoris mente . Quarum igitur , an Ecclesia decernens , qualis sit , & utrum Catholicus , an Hæreticus alicujus Libri non divini , sive alicujus dicti , ac propositionis sensus , falli umquam possit , & fitne illius judicio heic adjungenda supranaturalis fides .

Et quidem gravissimæ rationes occurunt , quæ heic etiam divinae Christi Sponsæ immunitatem ab errore erroris periculo tribuendam esse admoneant . Illud enim primo constat , Ecclesiæ Pastores , non ex arbitratu cerebroque suo , neque divinando (quod in Physicis ac profanis Historiis fieri interdum solet) , sed ex Traditione majorum de Scripturarum sensu judicare debere , & Christi doctrinam exponere , atque adeo controversias in Dogmate esse dirimendas secundum ea , quæ jam a Pontificibus Maximis , Conciliis , & sanctis Patribus hucusque accepimus . Quæ res quamquam confirmatione non egeat , nobis tamen est Vincentii Lirinensis viri gravissimi auctoritate confirmanda : Catholicorum hoc proprium , inquit ille , deposita Sanctorum Patrum & commissa servare , damnareque profanas novitates . Ita enim in Concilio Ephesino omnium Patrum una fuit vox , ut quod erat antiquitus traditum , teneretur , quod ad inventum nuper , exploderetur . Superiorius vero Apostoli vocem interpretans , dixerat : *Depositum , id est , quod tibi creditum est , non quod a te inventum ; quod accepisti , non quod excogitasti ; rem non ingenii , sed doctrinæ ; non private usurpationis , sed traditionis publicæ ; rem ad te perductam , non a te perlata ; in qua non auctor esse debes , sed custos ; non institutor , sed sectator ; non ducens , sed sequens , &c.* Unde autem colligi

ligi potest verus ista neque novitia divinarum Scripturarum interpretatio, & Christianæ Doctrinæ explicatio, nisi e Conciliorum, Romanorum Pontificum, sanctorumque Patrum monumentis ac Libris? Et rursum qui sine errore colligi poterunt hujusmodi interpretationes? qui novis Canonibus prisa stabiliri doctrina, si falli Ecclesia potest in assequendo sensu Canonum antiquorum, Librorumque a Patribus lucubratorum? qui certa erit doctrina, si sensum verborum, sub quibus doctrina latet, sine errandi periculo Ecclesia nequit educere? Immo necesse videtur, non solum Librorum & Canonum sensum, sed mentem quoque & internum sanctorum Patrum consilium in iis verbis ac phrasibus usurpandis, Ecclesia cognoscat atque intelligat. Nam et si ab errore absentia Ecclesiastici judices in intelligendo sensu verborum, adhuc dubitandum restaret, num revera id sancti Patres exprimere voluerint, quod corum voces ac verba sonant, quum fieri possit, ut quæ homines animo sentiunt, & per verba apta prodidisse sibi videntur, aliter sonent, ac ipsi velint, aut aliter a lectoribus intelligentur. Ad hæc, nisi certissimum sit Ecclesiæ judicium, dum de verborum sensu judicat, quomodo profanas vocum novitates tuto declinabit? Neque firmo decreto comprobare ipsa potuisse Vulgatam, seu Latinam, exempli gratia, sacrarum Scripturarum Translatiōnem, & palam edicere, nihil inibi contingi, quod verbo Dei adversetur, nihil quod Graeco aut Hebreo Archetypo non respondeat. Alia incommoda omitto, aut numquam, aut vix evitanda, ubi dicamus, intercedere posse errorē in Ecclesiasticis iudiciis de sensu Librorum, vocum, & phrasium.

Verum suis quoque iisque molestissimis difficultatibus ejusmodi sententia laborat, affirmans, nulli errori obnoxiam Ecclesiam, de alienorum Librorum sensibus judicantem. Nam hujusmodi iudicia feruntur in facta quædam non revelata, in quibus nulla ab errore immunitas Ecclesiæ Dei promissa fuit. Et ipsam quidem Ecclesiam novimus divinarum Scripturarum Interpretem, falli neciam, a Deo constitutam; reliquorum autem Librorum interpretem pariter certissimam non novimus. Neque porro ipsamet consuevit divinum assensum hujusmodi iudiciis vindicare. Quamquam Honorii I. Romani Pontificis Litteræ in Oecumenica Synodo VI. tamquam hæreticis sententiis scantes proscriptæ fuerint, non defuere tamen Catholicæ subinde viri, qui Litteras illas ab hujusmodi nota liberare, & Orthodoxas often-

dere nos dubieant. Ita de causa nemo hucusque succensuit, aut diem dixit præstantissimi Scriptoribus Baronio & Bellarmino Honorii Patronis. Nostris autem temporibus quamquam tot animorum seditiones excitari quinque Propositionum damnatio in sensu a Jansenio intenta, & postrema hanc in rem habcamus Clementis XI. Pontificis Maximi oracula, nondum tamen sanctum aperite fuit, spectare ad Fidem (quod est ad Jansenii sensum) Romanæ Sedis seu Ecclesiæ totius alioqui venerandam sententiam.

Equidem in hoc arduo negotio, uti & in aliis ejusmodi illud in primis cavendum reor, ne Miracula sine necessitate multipli- centur, hoc est, ut tum solum in Ecclesia mirabilem divinumque afflatum, & supranaturalē opem admittamus, quum vera necessitas id poscit ad tutelam Catholicæ Doctrinæ, & ad avertendam Religionis perniciem in proponendis Dogmati, & profilgandis erroribus. Si ea necessitas ab sit, non video, cur sponte velimus excoigitare Miracula in iis casibus, in quibus se extraordinario auxilio adsuturum esse non est pollicitus divinus Spiritus. Deinde cavendum, ne defensione nostra Ecclesiæ ex se fortissimam noceamus: quod tum fieri posset, si illa ei privilegia tamquam necessaria tribueremus, quæ postea calus aliquis ei defuderet: qua opinione nostra Ecclesiam ipsam ludibrio ac telis inimicorum improvide atque incaute exponeremus. Quamobrem vi- dendum est, an revera necessitas sit, ut Ecclesia Dei, sicut in Dogmatibus proponendis, & in sacris Scripturis interpretandis, ita & in Librorum non Hagiographorum sensu assequendo sit ab omni errandi periculo divinitus secura. Quid in hac re mihi probabile videatur, afferam, humillimum semper erga sententiam meliorem obsequium præfatus.

Et primo, Ecclesiam, interpretantem verba & sensum Canonum, Librorumque a sanctis Patribus conscriptorum, ut sanam inde Christi doctrinam hauriat, distinguere juvat ab eadem Ecclesia interpretante sensa & verba privatorum hominum, ut ea vel absolvat, vel damnet. Secundo, duæ conditions considerandæ sunt in Oeconomia Christianæ Doctrinæ, quarum altera ad Ecclesiæ Proceres pertinet, altera ad Christi fideles; utraque necessaria; illa, ut Pastores recte proponant: ista, ut populi recte credant, & credere debeant dogmata propria. Prima conditio est, ut tunc solum se servando ab omni erroris periculo immunes Ecclesiæ Pastores in proponenda cœlesti doctrina sperare & credere possint, quum debitam fidem & di-

& diligentiam ipsi adhibebunt in colligen-
da ipsa doctrina e sacris Scripturis, Conciliis,
Patribus, aliisque Traditionis Ecclesiasticae
monumentis. Quae Concilia huic mu-
neri ac debito defuere, quamquam initio
congregata fuerint optimis auspiciis, Con-
ciliabula evaferent, ut in Synodis Ariminensi,
Ephesina Latrocinii, aliisque exploratum ha-
bemus. Quapropter tum Episcopi in Conciliis,
tum Pontifices Maximi judicaturi, quum
lis est de Dogmate, non pro suo quique
ingenio, suisve affectibus, sententiam ferre
debet, sed qualem Traditio diligenter ex-
plorata suppeditat. Tum vero diligenter ex-
plorata Traditio dicitur, quum ex Patrum,
Theologorum, & Conciliorum documentis,
Episcopi evidenter intelligent, num doctrina
quæpiam tradita, an potius improbata
a Majoribus nostris fuerit. Qua in re Evi-
dentiæ moralis & requiritur, & sufficit,
qualem prudentes viri in aliis humanae vita
gravissimis negotiis sequuntur, ut aliquid
prudentissime credant, aut non credant.
Ubi præcessit isthac Evidentiæ, neque vis,
aut pravi affectus intercessere: ad senten-
tiæ Ecclesiasticam certus est gressus, eaque
doctrina, qua tum proponitur, divino assen-
su a singulis Christi Fidelibus credenda est
vera, atque germana cœli doctrina. Impleta
enim conditione, qua ex parte Paforum
exigebatur, sua quoque promissa Christus
impleret, & adminiculo est Petri Successori-
bus, Conciliisque Generalibus, ne a salutari
veritate aberrent.

Altera conditio, Christi Fideles respiciens,
ea est, ut unusquisque statim ac sibi perspi-
cuum atque evidens sit, ejusmodi definitio-
nem a legitime habitis Conciliis, summisve
Pontificibus e Cathedra pronuntiantibus, vel
olim, vel recenter, prodisse, iis fidem ad-
jungere debeat supranaturalem. Evidentiæ
moralis & heic locum haberet, credendique
necessitatem imponit. Nam quoties aliquid
a Deo revelatum fuit, idque per Ecclesiæ
minime fallacem constat revera fuisse a Deo
revelatum: cur diutius suspendere velimus
fidem nostram? Perspectum habemus, cre-
denda esse quacumque Dogmata habet vera
Christi Religio. Si cordi nobis est æterna
salus, & grave scelus effugere animus est,
iis habenda est plena fides, simul ac eviden-
ter innotescit, eadem pro Dogmatibus ab
Ecclesia proponi, tergiversatione omni, ca-
villationibusque submotis. Eodem modo, uti
diximus, etiam si ex Revelatione divina no-
rum nobis non sit Romanos Pontifices, aut
singulos Conciliorum Patres legitime electos,
baptismate sacro ablutos, ab omni hæresi
alienos fuisse; aut privatos homines, Paro-

chos, & Episcopos, a quibus *duicatos* ea dog-
mata Plebi Christianæ tradi solent, aut falli
aut fallere non potuisse, atque alia id ge-
nus: ab iis tamen Dogmatibus credendis ab-
stinere non licet ubi moraliter evidens sit,
a legitimis Pastoribus legitime propositam
fuisse Christi doctrinam. In reliquis huma-
nis negotiis & credimus, & agimus; & nisi
agamus, merito interdum punimur, sola Evi-
dentiæ moralis præente, mentemque nostram
movente: cui in omnium maximo negotio
æternum increduli esse, & mōras ad creden-
dum necere velimus? Num omnia suo ore
singulis nobis e calo revelare debet Deus?
num omnem quæstionem per miracula evi-
dentiæ dirimere? Præcepit ille; ut Ecclesiæ
audiremus; & qui Apostolos, corumque Suc-
cessores Episcopos audit, Christum audit,
ut ipse ait Luca X. 16. Igitur, ubi con-
scientia nostra patuit, quid de Christiano
Dogmate legitima Romanorum Pontificum,
& Conciliorum, & Patrum auctoritas de-
crevit, id fortiter credendum; & nolle cre-
dere, aut insaní, aut hæretici hominis erit.

His positis, si peſatur, an Ecclesia falli
possit in intelligentiæ sensibus & verbis fa-
crorum Canonum, & sanctorum Patrum:
respondemus, ipsam falli non posse, post-
quam in iis expendendis curam debitam, &
inceritatem adhibuit, & Evidentiæ moralis
secuta est. Quam tamen immunitatem
ab omni errore tum solum tribuimus, quum
de colligenda Traditione cœlestium Dogma-
tum agitur, non autem in aliis rebus &
factis neutiquam revelatis. Id e Christi pro-
missis necessario fluit. Nam si Christus Ec-
clesiam suam a salutari veritate Dogmatum
numquam recessuram pollicitus est, uti aper-
te scimus pollicitum fuisse; & insuper si
Dogmatum & Scripturarum vera interpreta-
tio atque definitio haurienda est e sancto-
rum Patrum, Conciliorumque præcedentium
documentis, uti hauriendam esse constat:
necesse est, ut Ecclesiastici Judices hujusmo-
di monumenta corumque sensus intelligere
sine errore possint, quoties conditionibus sibi
impositis rite defuncti fuere. Nam quei do-
ctrinam sanam ac veritatem in Ecclesia sua
Christus servet, & quo pacto Pastores tuto
ipsam constituant, & ab hæreticis delira-
mentis tueantur, si errandi periculum sub-
fit, vel post diligens Patrum examen, &
Evidentiæ compertam, & proscriptos sæculi
affectus?

Peculiare igitur sancti Spiritus auxilium
necessario adesse dicimus Ecclesiæ, dum ejus
Pastores monumenta Traditionis fideliter &
sedulo consulunt. At illud adesse, aut ne-
cessarium esse, nequaquam dicer audemus in
fin.

Singulorum Patrum Libris & sensibus examinandis, atque interpretandis, vel quum Traditio inde hauritur. Spiritus sancti ope, inquam, indigent & donantur Ecclesiae Magistri, quum collective e sanctorum Patrum Libris Dogmata petunt; non autem id certum, quum singillatim de unoquoque Patre judicant, ejusque sensa exponunt. Paradoxum id videatur: nam postquam dedimus Concilii & Ecclesiae, tamquam necessariam immunitatem ab errore in interpretandis omnibus aut plerisque Patribus collective sumitis, si rursus in intelligendis singulis falli non possunt, errori quoque obnoxia sit eorum auctoritas oportet in interpretandis omnibus, aut plerisque Patribus; universalia enim e singularibus constant, & singularium infirmitas in universalia quoque transit.

Attamen mirari desinent, quicumque secum animo volvant certissimum illud Catholicæ Ecclesiae effatum: nempe singulos sanctos Patres, & singulos privatos Praesules in doctrina Christi explicanda & tradenda, firmum veritatis argumentum praestare non posse; & contra omnes, aut plerisque in aliquo Dogmate & in sacrarum Litterarum expositione concordes, quod est ad fidem & mores, solidissimum atque divinitus certum suppeditare veritatis argumentum. Nempe singuli, quamquam summa veneratione digni, errare tamen potuerunt, quum peculiari Spiritus sancti inspiratione quisque singillatim sumtus caruerit in suis conscribendis Libris, & quibusdam phrasibus ac verbis adhibendis. At omnes simul sumti errare nequaquam potuerunt; Ecclesiam quippe ipsi illi simul sumti referunt, quam numquam in errores lapsuram pollicitus est Christus. Deinde non quod aliquis vir Sanctus hoc illudve fenserit, ejus sententia sufficit ad stabiliendum aliquid Christi Dogma, neque uno illius dicto nisi Conciliorum iudicia debent; sed opus est statuere & credere, quod omnes, aut plerique Patres, & rationes, & alia Traditionis legitimæ documenta ad ira credendum impellunt. Quapropter, quamvis in quibusdam Oecumenicis Conciliis, & plerisque a Dogmaticis & Polemicis Theologis, loca sanctorum Patrum afferuntur in confirmationem sacrorum Dogmatum, & Ecclesiasticarum sanctionum; eorum tamen singillatim sumtorum sensus ad fidem non pertinet; neque divino assensu credendum est, singula ea verba & phrases eum continere sentum, quem Episcopi & Theologi intelligunt. Sed interdum ea, quae par est reverentia, aliter aliqua interpretari licet, intacta semper veritate doctrinæ. Id inter Theologos eruditiores non minus,

quam sinceritate conspicuos fieri sinit Ecclesia. Et in Oecumenica Synodo VII. ut alias Synodos prætermittam, occurrere ex his nonnulla possunt, ut, exempli gratia, minus apte adhibitus est ad firmandum Imaginum cultum S. Basili locutus, ubi ille de Filio Deo loquitur, perfecta & integra Dei Patris imagine. Nam quod de rationibus jam diximus, de effatis quoque Sanctorum Patrum dicendum est, quibus Dogmata stabiluntur atque probantur. Plurimas tum rationes, tum sacrarum Litterarum & Patrum sententias, Concilia, & Romani Pontifices semper habent, & congerunt, quum Dogma quodpiam rite decernunt. Sunt autem inter istas multæ invictæ, & ab impiis tantum aur dementibus in controversiam adducendæ; sunt & aliae probabiles tantum, & verisimiles, quæ tamen invicem robur sibidant, & accipiunt; & aliae quoque interdum possunt animadverteri, quæ nihil ad rem propositam faciant.

Ista vero omnia simul conjuncta eam Dogmatis ac Traditionis moralem Evidentiam præstant, quæ necessaria est, ut Ecclesiastici Judices prudenter & tuto de Doctrina credenda sententiam ferant. Quia in re patet, nihil novi a Deo tunc revelari, nullumque novum factum divinitus statui; sed divinam opem tantummodo adesse, ut quod jam ante revelationem fuerat, tunc a judicibus sine errore deprehendatur, atque ut ab examine religiose ac sapienter instituto, & ab Evidentia moralis, omnis umbra humanae fallacie avertatur, etiamsi ad fidem singula ea facta, singulæ Patrum Interpretationes minime spectent. Et profecto Dei providentia ejusque promissis, pro Ecclesiæ Catholicæ & Doctrinæ veræ incolumentate jam factis, tribuendum necessario est hujusmodi patrocinium, non autem in omnibus etiam singularibus. Eodem etiam modo ad peculiarem Dei providentiam pertinet, ne omnia sacrarum Scripturarum exemplaria, aut omnes sanctorum Patrum Libri in mundo pereant, ne omnes Episcopi in Synodis, ne omnes sancti Patres in Dogmatis expoundentur, non autem pertinet, ut singula etiam Scripturarum, ac Patrum exemplaria serventur, atque ut singuli Episcopi, singuli sancti Patres numquam in Doctrina fidei hallucinentur.

Ex alia autem regula, quam antea statuimus, certum est, unumquemque Fidelium, simul ac evidenter cognovit, Dogma aliquod ab omnibus, aut plerisque Patribus tradi, consentire statim, illudque amplecti debere, etiamsi nulla Ecclesiæ definitio præcesserit. Si contra conscientiam & intelligentiam suam heic

heic ille agat, & contraria tueri velit, ac venditare incipiat, facile se præbebit, aut puniendum aut coercendum tamquam temerarium. Et nullum quidem solenniter constitutum est Ecclesiæ Catholice Dogma, quod evidenter antea non apparuerit in Patrum scriptis, atque in aliis Traditionis Ecclesiasticae præcedentibus monumentis memoriae mandatum. Id cernere est in Conciliis Ephesino, Chalcedonensi, Constantinopolitano II. III. & IV. in Lateranensi sub Martino, in Florentino, & ceteris fere omnibus, ubi e Traditione Patrum omnia sanciuntur. Id in Epistolis Maximorum Pontificum, Cælestini, Leonis, Gelasii, Hormisdæ, Vigili, Gregorii, Agathonis, & aliorum deinceps. Pelagianam pestem Julianus tuebatur, quibusdam pessime intellectis Patrum locis. At Augustinus a se stave, hoc est, cum Ecclesia Catholica sentire antiquos Patres in lib. 1. & 2. contra ipsum Julianum accuratissime demonstrat, & Irenæum, Cypriandum, Reticium, Olympium, Hilarium, Ambrosium, Gregorium Nazianzenum, Basilium, Chrysostomum, Hieronymum sua sententiae faventes adserit. Sæculis autem proxime præteritis, quibus Socinus, ejusque gregales, Mysteria vel omnium augustinissima in dubium revocarunt, Arminianis subinde a tanta temeritate parum abludentibus, lis intentata est Nicæno Concilio, illiusque decretis de vera divinitate Verbi credenda, quasi hæc vetustioribus Patribus (si Superis placet) aut ignota, aut etiam improbata fuerit. Verum ab hujusmodi calumniis ita nunc liberata est Nicæni Concilii fides cura hominum eruditorum, ac præcipue Georgii Bulli, cui licet a Catholicorum communiione alieno mulrum tamen laudis debetur, ut jam nemo non videat trium priorum sæculorum Patres atque Scriptores cum Nicæna Synodi Patribus in ea sententiam aperte consenserent. Hanc itaque Evidentiam cum omnibus receptis Ecclesiæ Catholica Dogmatis atque definitionibus perpetuo conjunctam, hanc, inquam, Patrum Traditionem atque concordiam facile unusquisque per se deprehendat, si fideliter ac accurate veterum monumenta perpendat, idque satis esse potest, ut sine alio Ecclesiæ decreto iis Dogmatis Christiani adjungere aut tuto possint aut debeat fidem. Sed istam Traditionem evidenter, & divinitus certam Ecclesia deinde facit, dum Dogmata ipsa statuit. Neque dubitare amplius licet, quin Patrum chorūm Ecclesia probe intellexerit, & sine errore sensa illorum interpretata fuerit, quando certum est, illi divinum Spiritum non deesse, dum Traditio sincere colligitur,

& doctrina a Majoribus tradita definitur. Ad judicia ergo de sensu Canonum quod attinet, si agatur de generalibus Conciliis, aut etiam de particularibus ab Ecclesia tota probatis: videre nescio, qui admittenda non sit (vel quando singularium Canonum interpretationes fiant) in legitimis Ecclesiasticae Doctrinæ Judicibus eo ab errore immunitas, quæ illis certe est, dum sensus singulares Bibliorum, & collective sanctorum Patrum sensus exponunt in fidei & morum doctrina. Quum singularia hæc monumenta certissimas contineant Evangelicæ veritatis sanctiones, necesse est, ut ad eorum sensus intelligendos opem conferat Deus, ne promissa Christi fructentur, & ne in necessariis Ecclesia deficiat. Reliquorum Conciliariorum Canones singulares, quos Ecclesia rite nondum probavit, etiæ auctoritate & pondere præstare soleant singulorum Patrum scriptis, attamen non alia lege eorum sensa intelliguntur, atque explicantur, quam qua singulorum Patrum Libri. Utrobius similes rationes atque argumenta militant.

In intelligendis & comprobandis Versionibus sacrarum Scripturarum necesse itidem est, ab errandi periculo libera sit Ecclesia. Ideoque Vulgatam Latinam, quam Tridentina Synodus authenticam renuntiavit, non venerari, non divinæ veritatis fidam interpretem confere, piaculum foret, non quod singulorum verborum ac phrasium usus in ea Versione probanda divinitus Ecclesiæ revelatus fuerit; sed quod eam Versionem post tot sæculorum, & Ecclesiæ, & Eruditorum consensum atque consilium, evidenter Oecumenica Synodus deprehenderit iis abundare dotibus, quæ ipsam persuadeant & reliquis Latinis Versionibus præstare, & fideliter reddere divinum verbum, erudiendi in doctrina sana fideliibus necessarium. Decreto post tantam evidentiā prudenter concepto quin adfuerit ope sua divinum Numen, dubitare nos verat non una consideratio: Et necesse sane est, ut Latinæ Ecclesiæ sit aliqua Versio, unde Pastores & populi petere veram sacrarum Litterarum doctrinam possint. Nam Græce & Hebraice plerique nesciunt, & porro scire nequeunt. Quænam ergo erit umquam hæc authentica, & fida, & sine fraude ac depravatione facta Versio, si eam ne post accuratissimum quidem examen Ecclesia sine periculo errandi statuere potest? Præterea divini Verbi interpres legitima a Deo constituta fuit Ecclesia, & tot hucusque ex ipsa habemus decreta Vulgatae Versionis sensibus innixa, ad erudiendos in vera fide Catholicos. Porro ista Ecclesiæ auctoritas, atque ejus

M de-

decreta suspicione erroris laborabunt, quādo certum non sit, eam a Deo regi, ita ut in assequendis Versionis alicuius sensibus minime decipiatur. Divina autem providentia quum sapientissima & potentissima sit, ubi finem aliquem voluit, opus est, ut media quoque necessaria ad eum finem consequendum suppeditarit. Parco aliis intolerandis incommodis quae sequerentur, si Versionum, ac præsertim Vulgatae, sensus certo intelligere non posse Ecclesia dicatur.

Ceterum, usi dicebamus, non ita statuendum est, ut singula Vulgatae Versionis verba, immo omnia ejusdem puncta, & comata, existimanda sint divino calculo confirmata, quod generali constitutione ipsam Versionem Synodus Tridentina probavit: quam nonnullorum opinionem piam potius, quam Prudentem & veram putamus. Nam nulla virtus in ea Versione deprehendi posse, nihilque illuc haberi, quod aut Græcis aut Hebraicis Codicibus penitus non respondeat, qui affirmare velit, aut in hujusmodi eruditione plane si hospes oportet, aut nimio zelo rapiatur. Hos errores, si ita appellare placet, hæc menda, & hasce qualescumque discordias a Græcis aut Hebraicis Libris, immo inter ipsa exemplaria Latina, sæpe notarum viri Litterarum scientia præstantes, Theologi, & Catholici, & in ipsa arce Re-

ligionis Roma; neque ignorarunt ipsi Tridentini Patres. Itaque authentica in iis solum proclamata Vulgata Versio, quæ ad fideli & morum doctrinam faciunt, in quibus dignoscendis & constituendis inconcussa sunt legitima judicia Ecclesiæ & Apostolicæ Sedis. Reliqua dissimulata sunt, & Eruditorum arena relicta, utpote non necessaria; neque enim in sensibus, rebusque minime necessariis statuendis divinam opem sibi tribuit Ecclesia. Proinde ea tantum mens Tridentinis Patribus fuisse videtur, ut Vulgata Versio sine erroribus & fidelis esse credatur in Doctrina ad fidem & mores pertinente; & sapientissime decretum est, eam in disputationibus, & concionibus publicis, & sacris Mysteriis adhibendam esse, tutoque adhiberi posse reliquis Versionibus posthabitis, in quibus tales prærogativas non agnoscit Ecclesia. Verum ne alias quidem improbat Versiones, qua bona fide concinnatae fuerint, & quantum fieri potest, veritatem originalis textus & Traditionem doctrinæ veræ exprimant; multoque minus Hebraicos codices, & LXX. Interpretum Versionem expposit. In hanc rem prater Sextum Senensem, Andream Vegam, Melchiorem Canum, Genebrardum Marianam, Serarium, Bonfrerium & alios, consulendus est doctissimus Cardinalis Palavicinus Libro 6. Cap. 17. Hist. Conc. Trid.

C A P U T X X.

Ecclesiastica judicia de privatorum hominum Libris, Verbis, & Sensibus, ad fidem pertinere minime videntur. Et tamen doctrina in iis aut probata, aut damnata, Fide supranaturali credenda. Ipsa illa judicia quandonam certa quoque credenda sint, quamquam non a sensu divinæ fidei. Quid heic Disciplina præcipiat. In Jansenii causa quid præstandum.

ATQUE haec tenus de Ecclesia interpretante verba, phrases, & sensum tum Canonum, tum Liborum, quos conscripserunt sancti Patres, quum de Traditione colligenda, & salutaribus Dogmatis sancti agit. Restat, ut & de sensibus Librorum aut dictorum agatur, quorum Auctores fuerint privati homines, aut Hæretici, aut alii ab Ecclesia proscribendi. In his utique judiciis quantilibet evidenter & cura peratis, quantumlibet suspicendi ac venerandis, eamdem ipsam peculiarem divini Spiritus opem adesse non arbitror, quam in sancti Dogmatis Ecclesiæ tribuendam esse

credo. Potissima hujus asserti ratio est, quia non omnibus sue Sponsæ judicis se præsto futurum Christus pollicitus est, sed iis tantummodo, quibus constituta est, explicanda, ac proponenda salutaris doctrinæ veritas, & eliminandi errores. Hujusmodi vero judicia de privatorum hominum verbis ac phrasibus non doctrinam respiciunt, sive sanam, sive hæreticam, sed solos verborum sensus suapte natura mutabiles, aut intelligibiles secundum arbitrium atque opinionem mortali. Mutabiles quidem sunt, & æquivoci interdum, tum in Patrum, tum in Conciliorum monumentis verborum sensus,

sus. At quum necesse sic illiac petere Traditionem, veramque doctrinam, necesse quoque est, ut Deus Ecclesiae adsit sensus illos interpretanti, eamque ab errore tueatur, quando ipsam constituit columnam & custodem Veritatis. A verbis autem, & phrasibus Scriptoris alicujus, hominis privatim, neque cognitio, neque conservatio Catholicorum Dogmatum pender. Jam aliunde sancta sunt, aut sanciri debent Dogmata, & secundum illa expendendi sunt eorum Librorum sensus, non autem secundum sensus eorum Librorum sunt expendenda Dogmata. Hoc est: quia ope divina certo Ecclesia cognoscit, quid Canonum & Patrum verba sonent, doctrinam Fidei ad eorum sensuum normam constituit. At contra ideo de Librorum privatorum sensibus Ecclesia judicat, quia ipsos jam constituta doctrinae aut adversantes aut consenos animadvertis. Igitur, etiam Ecclesia in hujusmodi Librorum sensibus intelligendis falleretur (quod tamen accidisse, nisi evidenter contrarium pateat, numquam a piis fidelibus purandum est), non ideo periclitaretur doctrinae veritas, non ideo Ecclesia praerogativa in Dogmatis statuendis quidquam laderetur.

Ubi ergo constat (constare autem facile potest) quam doctrinam probare aut damnare velit Ecclesiam, dum effatum quodpiam privati alicujus hominis probat, aut damnat: necesse est, ut integro animi & cordis assensu eam cum Ecclesia amplectamur aut abominemur doctrinam. Nulla inde est necessitas, ut eodem etiam assensu fidei credamus effati illius verba revera sonare & significare id, quod Ecclesia probat aut damnat, nosque cum illa probamus & five damnamus. Certe non appareat, cur dicendum sit spectare ad fidem peculiare hoc factum. Non illud olim revelavit Deus; ne nunc quidem Ecclesiastici Judicibus opus est ut revelet, aut saltet ut extraordinarium conferat auxilium, ne in assequendo eorum verborum sensu erretur, quando siue ea Auctoris verba id significant, sive non significant, ratum certumque stat de Doctrina Ecclesiasticum judicium, & Christiano gregi evidenter constare potest, de qua doctrina judicium tunc fuerit pronuntiatum. Id ex obvio verborum sensu facile agnoscitur. Si dubius & equivocus est ille sensus, ipsum per alia verba explicare & determinare solent Ecclesiastici Judices, uti pluribus exemplis confirmari potest, donec fidelibus evidenter innoscet, quam doctrinam aut configere, aut commendare tum velit Ecclesia. Ita in Jansenii negotio dum Ro-

mana Cathedra, aut Ecclesia congregata explicet (si opus est, communis tamen sententia non est opus) atque statuat, quem sensum, & quam doctrinam ipsa damnavit damoaramque velit in V. Propositionibus Jansenio tributis: Dogma Fidei tunc in toto erit, atque errori praecudentur viæ; neque ulla necessitas amplius erit, credendi supernaturali assensu, eamdem illam damnatam doctrinam in Jansenii verbis atque intentione fuisse, quum id scire, aut credere, ne scire, aut negare, merum tantummodo factum respiciat, a quo doctrina fidei nequam penderet.

Sed alia quoque suppetit ratio, quare ad fidem pertinere non possint Ecclesiastica de privatorum hominum Libris, verbis, ac sensibus judicia. Hominum verba aquivoca, ut diximus, plerumque sunt tum ex institutione populorum, tum ex usu Scriptorum, metaphoris aliquique tropis utensium. Non unus itaque, sed diversus plerumque iis sensus subest. Neque impedit Ecclesia potest, quominus aliena dicta aquivocationibus seante, & aquivocos sensus pariant. Neque hoc impedire miraculorum ope Deus voluit, aut vult, quum sati ipsi sit facere, ne in interpretandis explicandisque divinis Libris, & colligenda Traditione, & proponenda vera doctrina, errare possint legitimi Ecclesiae Catholicæ Judices. Hinc est, quod Ecclesia ita statuere non potest, unum quempiam sensum verbis alicujus Libri, sive propositionis inesse, ut alias sensus subesse non potuerit, ac possit, quamquam simul ac statuit, quodnam dogma sub iis verbis ac sensibus claudi ipsa arbitrius, ipsumque damnat, dubitandum amplius non sit, quin recte & sine errore damnatum illud dogma fuerit. Experientia ipsa his suffragatur. Certe Ecclesia enuntiationes easdem secundum varios sensus acceptas, nunc adprobavit, nunc improbat, & eadem omnino verba modo aversata est, modo amplexa, prout ipsi visa sunt signare aut pravam aut rectam doctrinam. Ita celebris illa thesis: Christus est unus e Trinitate, sive unus de Trinitate passus est, ab Hormida Romano Pontifices aliquis Catholicis rejecta primo fuit, quod eius sensus ad Eutychianam Heresim accedere crederetur, & ab ipsa significari, divinam naturam humanis doloribus ac infirmitatibus fuisse obnoxiam. At subinde eamdem thesim qui Catholicam recepere Joannes II. & Vigilius Romani Pontifices, atque Oecumenica Synodus V. quum nempe in Catholicō sensu accepta fuit & credita veram Ecclesiae Catholicæ sententiam

sonare, atque exprimere. In Synodo Antiocheno vocen *Homoousion* Episcopi complures proscriptae, in sensu Pauli Samosateni acceptam. Nicæni vero Patres in sensu Catholicæ consecrarent. Ita & tempus fuit, quo varia circa Incarnationem sententiae secundum varias illarum intelligentias male aut bene sonabant. Quum Pelagii Litteræ, ac Cœlestii Libellus de gratia Dei coram Zosimo & Romana Synodo lectus fuisset, Libellus ille Catholicus dictus est, ut scribit S. Augustinus Lib. 2. ad Bonifacium Papam Cap. 7. ita ut Zosimus, pro fama utriusque Hæretici sollicitus, non sine aliqua indignatione ipsos purgari apud Africanos Patres, inquiens Ep. 4. *Eft-ne ullus locus, in quo Dei gratia, vel adjutorium pretermisum sit?* Verum Pelagius nomine Gratæ non peculiare Dei donum animæ infusum, sed legem, doctrinam, exempla Christi, aliaque externa adminicula intelligebat. De hoc sensu monitus Zosimus ab Africanis Patribus, adprobatis ante Libros eorumque Auctores anathemate feriit, ab Ecclesia ejecit. Multum sim, si alia in hanc rem exempla congerere velim, quibus videoas, in sequendis privatorum Librorum, verborumque sensibus tam certa non esse Ecclesia iudicia, ut divinam fidem exigant, quam tamen eisdem semper sit divinitus certissimum de doctrina iudicium.

At inquit aliquis: Ergo, si erroribus obnoxia est Ecclesia in damnandis privatorum Librorum sensibus, nullam hujusmodi iudiciis fidem habere debemus. Ergo liberum erit unicuique, aliter eosdem Libros, & privatorum hominum dicta ac verba, non secundum Ecclesiæ interpretationem, sed pro intelligentia tua, explicare, adeo ut superflua quoque dici possint hujusmodi decreta. Ergo frustra tot istibus Apostolica Sedes percusserit reluctantes adhuc Jansenianorum reliquias; immo parum æque præceperit, ut V. Jansenii Propositiones in sensu ab eodem Jansenio intento proscriptæ, non ore solum, sed corde etiam a fidelibus ejurentur. Ita arguentur quidam, splendida in speciem, sed fallaci plane ac temeraria consecutione. Dicimus igitur, non exigi certe, ut divina fidei assensu credamus, hominem quempiam ab Ecclesia, sive ab Apostolica Sede, tamquam Hæreticum damnatum, re ipsa talem quoque esse in conspectu Domini Dei, cuius unius est hominum corda scrutari; aut revera alicujus Libri sive Auctoris verba id sonare, quod damnatum ab Ecclesia fuit; eumque habere sensum, quem Ecclesia ipsis tribuere videretur. Fieri potest, ut ex aliis monumentis post iudicium pri-

mum defectis, & ex diligentiori locorum verborumque collatione, ille qui antea præve sentire purabatur, in recta sententia fuisse postea deprehendatur, ejusque verba commodius & accuratius explicata, ab impietate liberentur. Quod quoties secundum germanas Criticæ regulas, & sincero patrocinio præstetur, neque ab Ecclesia, neque ab Eruditis moleste ferendum est. Major enim cura Veritatis, & Christianæ Caritatis habenda, quam proprii judicii, quando ejus naturæ judicium non est, ut necessario veritas cum ipso conjuncta incedat; quod in Ecclesiasticis de Doctrina, seu Dogmate, iudicis rite peractis semper fieri, est apud nos exploratum. Ex adverso etiam contingere potest, ut re melius explorata atque discussa, qui Auctor, qui Liber ante ab Ecclesia aut probatus aut absolutus fuerat, male sensisse, & hæretica dogmata continere postea noscatur, & æquissime tandem damnetur. Ex hac regula Ibæ Epistolam, atque Theodoreti Capitula, que in Concilio Chalcedonensi censuram Patrum effugerant, eorum Auctoriis Catholicae communioni redditis, deinde Oecumenica Synodus V. execrata est, impiisque sententiis atque erroribus scatere deprehensa justissimo anathemate perculit. Rursus Honoriū Romanum Pontificem Oecumenica Synodus VI. Hæreticis accensuit, ejusque Epistola ad Sergium tamquam impia proscripta. At veritati & æquirati suus perpetuo futurus est locus. Utique post tantum antiquitatis consensum ego negare non ausim (parcant Baronius, & alii) quin anathema dictum Honorio fuerit; sed cum Baronio, Bellarmino, & aliis contendere & nos possumus, Honoriū male revera non sensisse de Christi Voluntatibus, neque Hæreticum plane fuisse. Restat adhuc illius Epistola. Nihil ibi doctissimis viris occurrit, quod considerata temporum & rerum conditio ne, verum referat Monothelismum, hominemque faciat impia tradentem. Quare damnatam in Honorio doctrinam nos quidem execravimus; at Concilii sententiam de Persona & Scriptis Honoriū certe suscipiemus, sed non omnino certam censuimus, quod & quamplurimi ante nos censuerent, scriptisque prodidere, plaudentibus Eruditis, & Ecclesia atque Apostolica Sede post tot annos nequaquam improbante illorum consilium. Video, in magnis ambagibus versari, qui Epistolam illam merito fuisse damnatam evincere conantur, & Baronium atque Bellarminum cum sua sententia compone volunt.

Ceterum, quotiescumque Ecclesia, alii quem

quem aut Auctorem aut Librum post plenam causæ cognitionem damnavit, & illius mentem, istius sensum, quantum fieri potest in humanis, accuratissime investigavit, & conceptis verbis de adhibita diligentia, & defensu proscripto monuit fideles, confirmata sententia priore, & improbatō illius Auctoris sive Libri patrocinio; tantum roboris Ecclesiasticis judicis accedit, ut iis non acquiescere, & adhuc adversari, non temeritas tantum, sed scelus sit, idque non leye. Veneranda semper sunt Apostolicæ Sedis, & Ecclesiæ, vel de his rebus judicia. At tamen tolerare interdum Ecclesia solet ac potest, ut damnatis Auctoribus, Librisque proscriptis modesta & humilis defensio præstetur. Melius ipsa amat suos habere innocentes, quam reos. Et quamquam prius rite judicavit secundum allegata & probata: nihil minus æqui deinde bonique facit hujusmodi etiam patrocinia, utpote que interdum veritati prospicere, semper Caritate abundare possunt. Verum, postquam Ecclesia nulli diligentia pepercit, & patronos nihil solidi afferentes, immo cavillationibus tantum causam agentes, silere jussit novis decretis, humillime parendum est. Et non divina quidem, sed pia fides, & non oris tantum, sed & animi reverentia est his atthibenda judiciis.

Ad leges Disciplinæ, quæ interdum tutelam suscipi reorum finit, pertinet etiam nostra sententia æquitas. Tum Ecclesiæ inter est aperire, tum fidelium cognoscere, qui sint Hæretici, hoc est homines Catholice Fidei vel voce vel scriptis adversi, & qui sint Libri sensibus pervertis, & errorem spirantibus contaminati, ut vera Christi Doctrina in columis in congregatione fidelium servetur, & omnis errandi causa auferatur. Utramque pestem vitandam esse scimus e Christi ejusque Apostolorum imperio, ne, ut ait Apostolus 2. ad Tim. III. 13. *Mali homines, & seductores, & errantes, in errorem nos mittant.* Porro ex institutione divina, Pastorum est, scilicet Episcoporum, ac potissimum Apostolicæ Sedis, lupos hujusmodi detegere, & venenata pasqua removere. Ipsorum est judicare, quid ovibus fugiendum sit, quidve sequendum. Igitur sine crimine, sine temeritate negari obsequium, & pia fides non potest hujusmodi iudicis, ubi diligentissimo examine legitimi Judices causam versavere; ubi statutum est, nullius ponderis esse adhibitas in patrocinium personarum atque Librorum, rationes. Cur enim temerarium non sit, privatam suam opinionem solenni Ecclesiæ & Apostolicæ Sedis, hoc est, Judicūm a Deo constitutorum, sententia præponere in re tanti momenti? Nisi his decretis humiliter

& ex animi sententia obtemperandum, atque acquiescendum est, sique retractari ista judicia possunt, quamquam adeo exquisite peracta: quandonam constabit, qui sint Hæretici nobis ejurandi, quæ sint verba male sonantia, qui sensus impiam doctrinam referentes? Quotidie non acquiescendi, non obtemperandi causas neclamus, atque interea Hæretici frustra damnati bacchari pergent, eorumque Libri sensibus perversis infecti doctrinam perversam animis pervicacibus aut incautis legentium instillare non cessabunt. Quem quælo judicaturum de sensibus verborum, de mente Scriptorum amplius appellabimus, quando Ecclesiam, Concilia, & Christi Vicarios auscultare nolimus, a quibus tam solemnī judicio hæc etiam causæ pars & controversy direpta est? Utique non sunt e cælo exspectandi Angeli, ut his quæstionibus finem faciant. Numquamne parendum est?

At, inquit, nos Doctrinam ab Apostolica Sede, & ab Ecclesia damnatam damnamus; non enim illic errori obnoxia est Ecclesia Christi Sponsa. Hanc autem Doctrinam verbis & phrasibus illius Libri contineri, eamque illius hominis menti revera insediisse, neque divinitus cognoscit Ecclesia, neque jure nos ad credendum cogere potest. Silentium præ reverentia adhibebimus. Majora præstare necessum non est. Nam quei certos nos Ecclesia de re illa faciat, quam ipsa certo non cognoscit, & in qua judicanda errare potest? Verum argutiis talibus Ecclesiæ mandata eludere nefas est; & qui iis uititur, Fidei quidem leges se habere perspectas prodit, Disciplinæ autem prolsus ignorat. Nimirum Disciplina præcipit, ut his etiam judiciis rite peractis animum pie fideliterque submittamus. Cordi nobis futura est præ omnibus Catholica Doctrina: ergo abominandi, qui illam corrumpunt voce, scriptis; ergo damndanda scripta & sensa, quibus ex Ecclesia sententia continetur male sana doctrina. Cujusnam verro est, nisi Episcoporum, & præcipue Romani Pontificis, juridice decernere, qui sint isti Auctores nobis execrandi, quive Libri, Verba, & Phrases veneno infecta? Recta igitur ratio docet, hos præ aliis Auctores, Librosque esse a nobis damnandos, quos Ecclesia per juridicam & solemnem sententiam damnavit, & damnandos mandavit. Itaque huic damnationi quisque fidelis corde & ore subjicerre se debet, & inanem, ne erret in obsequendo, timorem deponere. Ferendi ergo non sunt ii Jansenii Episcopi olim Irenensis assecræ, qui post celebre ac repetitum ab Apostolica Sede, & ab Ecclesia universa receptum Jansenianæ causæ judicium cedere nolunt & obsequi, & quos nonnulli sub specie tuendi.

di Jansenii & vindicandi a nota hæreseos impacta, non quidem ejus persona, ut constat hujus controversiae peritis, sed ipsius doctrinae errores damnatos defendere & tradere non dubitarunt, Summis Pontificibus, Episcopis, omnique Ecclesiastica ac sæculari auctoritate contempsit. Sibi igitur irascantur, si Disciplinæ severitatem in se experiugtur, qui Disciplinæ Legibus adeo temere adversantur? Fieri non potest, ut gravem Hæreticiæ cordis suspicionem non ingerant, dum tanto molimine deploratam Jansenii causam tuerintur. Nam quod est ad novissimum Clemens XI. Pontificis Maximi decretum, nihil tquin efformari potuit, quam quoniam statuitur, non ore solum, sed & corde rejici ac damnari ab omnibus Christi fidelibus debet damnatum in V. Propositionibus Jansenianis Libri sensum, quem illarum verba praferunt, nec alia mente, animo, aut credulitate formulæ Jansenianæ condemnationis subscripti licite posse. Jure (uti diximus) exigere a Fidelibus Ecclesia potest, ut Libros, hominesve a se damnatos damnent. Quis auctem mentis compos, & veræ Theologiae gnarus, sibi persuadeat, licere aliquid ore damnare, illudque ipsum interea corde amplecti? Ita lingua & animi dissensio ullis potest ratiunculis dealbari, atque excusari?

Quod autem Apostolica Sedes in Jansenii causa nunc exigit, non nudius tertius exigi cœptum est, sed ab ipsis Ecclesie incunabulis invaluit. Ubi quempiam Hæresis Ecclesia damnavit, tum continuo præceptum est, ut illum omnes pro Hæretico haberent, atque ut saltem Ecclesiæ Ministri ipsum disertis verbis exsecrarentur. Formulæ etiam, five fidei Professions fuere constitutæ, quibus scribendum erat, ut post Jansenianam controvèrsiam actum pariter fuit. Qui hosce Hæreticos, corumque scripta ejurare noluerunt, tum de Hæresi suspecti, tum Hæretici (si evidētia maxima suberat) & ipsi proclamati sunt. Unius Theodoreti exemplum memorasse sufficiat. In Chalcedonensi Concilio Act. 8. tergiversabatur ille, nolbatque Nestorio statim anathema dicere. Post varias interpellationes, minitati sunt Patres se pro Hæretico ipsum habituros, nisi in Hæreticum Nestorium anathema aperte pronuntiaret. Tum ille amplius non cunctatus, paruit, & orthodoxe sentire ex hac professione creditus fuit. Ceterum sequenti sæculo iterum in sciam Theodoretus redit una cum Iba Edeseno, ac Theodoro Mopsuesteno in celebri trium Capitulorum causa. Scripta istorum, tamquam a recta fide abhorrentia damnavit Synodus V. Ecumenica, reluctantibus plenisque Africæ & Istriæ Episcopis, Chalcedo-

nensis Concilii incolumentati tunc immerito paventibus, qui & inde perniciosum Schisma conflatunt, quum alioquin omnes in doctrina fidei consentirent. Sed ejus Concilii judicium, cui primum reluctatus fuerat Vigilius, ratum tandem ipse habuit, aliquie deinceps Romanii Pontifices, ac successu temporis immutabile stetit. Tum vero inexcusabiles habiti, qui eidem judicio subscribere noluerunt, & pœnis accensuris compulsi sunt ad subscribendum. Quamvis eam, ut vidimus, ad Fidei Dogmata non pertinet Personarum, Librorumque damnatio, attamen ad Disciplinæ leges spectat facere, & exigere, ut & huicmodi judiciis reverenti & humili animo assentiantur fideles, eosque, nisi obsequantur, temeritatis, scandalique crimine merito posse damnari, quum disciplinæ contemptum, & peruersa doctrinæ suspicionem a se depellere isti non possint, si Libros & Auctores solemnititer iterumque damnatos damnare recusent. Ad ejusdem Disciplinæ auctoritatem referendum est, compellere posse fideles ad pie-creendum & fideliter obsequendum in tot aliis factis a Deo quidem minime revelatis, sed moraliter evidentibus, & ut talibus ab Ecclesia rite judicatis, e quibus Doctrinæ Catholicæ stabilitas, & morum regimen quodammodo pendet. Talia habeto, qui sint legitimi Successores Petri, legitimi Episcopi, ac Reges; quæ sint Ecumenica aut probata Concilia; quæ Decreta indubia Romanorum Pontificum; quæ germana Patrum scripta; & quid interdum revera sentiat aliquis ex Patribus; & quis Cælitum albo sit adscriptus, & alia ejusmodi, in quibus modo majorem, modo minorem reverentiam postulare poterit Ecclesia pro majore aut minore rerum certitudine atque evidētia, pro graviori aut leviori necessitate ad servandam unitatem atque doctrinam, & ad avertendos errores. Uno verbo, huicmodi factis, a Deo quidem non revelatis, sed tamen cum Dogmate conexis, si Evidētiam præferant, demens sit, & nonnumquam reputetur Hæreticus, qui credere & obtemperare nolit: si ambigua & dubia apparent; adhuc præstat Ecclesiæ sententiam ferenti, utpote judicii divinitus ad nos regendos constituto, quam infirmo nostro ingenio, piam adjungere fidem, ne ob timorem incerti & minime periculosi erroris in crimen certum incurramus: quale profecto est in tanto discrimine aut corrumpendæ doctrinæ, aut scindendæ unitatis, obedientiam Præpositis nostris, rationem probobis Deo reddituris, pervicaciter denegare. Atque haecenus de judiciis Ecclesiæ in Factis ad Historiam Ecclesiasticam pertinentibus, atque a Deo minimis revelatis.

CA-

C A P U T X X I .

In profanis Artibus, Scientiis. ac Historiis magna Ingeniorum libertas.
Sed & hæc ab Ecclesia tunc coercenda, quum per eas sententias aliqua ex parte laeditur Fidei Doctrina, aut sacrosanctæ Literæ erroris sive mendacii suspicione asperguntur. Sublato hujusmodi periculo, liberum est in his sentire, quæ velis. Regulæ nonnullæ in hanc rem Sacrarum Literarum scopus. Quandonam sit, aut non sit, evidens Scripturæ mens in rebus ad salutem minime spectantibus.

Nunc mihi dicendum restat, quei regenda sint hominum Ingenia, quæcumque tum illorum tum Ecclesiæ sunt jura in profanis Artibus, Scientiis, atque Historiis pertractandis. Lex illa omnium prima: *Licere ingenii nostris heic sentire, quod & magis lubent, & verum aut veri videatur similius.* Si Mathematicas Artes excipiatis, & præcipuam partem Philosophia moralium, reliquæ Artes ex opinione hominum non parum pendent, tenebris innumeris involuta, in quibus certum difficile offendas, hallucinariis facile: id quod potissimum in Physicis, Medicis, Astrologicis, Geographicis, Chronologicis, Historicis rebus animadvertere est. Caliginem istam superare Ingenia nituntur. Si res bene cedat, secundos eorum conatus humana tantum gloria manet, non autem cælestè præmium. Sin aliter accidat, nihil est quod sibi timeant a divina Justitia; non enim in postremo Orbis judicio cuiquam vitio vertetur, quod aut has Artes ignorarit, aut in earum cognitione aberraverit. Huc spectant Ephremii Antiocheni verba apud Photium Cod. 228. *Hūz yapēpi wīsew ipwē &c. Inquisitio illa, que de rebus Fidei suscipitur, si aberret a veritate, ingens anima naufragium affert.* Quare vel minimum, que quidem eo perirent, excute re syllabam aportet. At vero disputatio illa, que de questionibus habetur ad fidem minimè spectantibus, recte quidem res habeat, si optatum finem veritatis asequatur. Sin autem ab eo excidat, id quidem non bene successerit, non tamen in exitum animæ vergit. Unum igitur hinc redundare potest incommodum, terrena videlicet gloria carere, si hæc nescias; aut fæc hominum cachinnis & contumelias exponere, si in his turpiter eres.

Quum autem has Eruditionis partes non minus Ecclesiæ, sanctis Patribus, & Christiani gregis Pastoribus, quam cuicunque homini privato, obscuras & ambiguas reliquerit

Deus, & quum eorum tenuissimam portionem ipfem revelarit, neque porro necessarium foret, ut ea revelarentur; non enim ad beatam in cælis immortalitatem suæ naturæ Animam perducunt, quod res Mundi uno potius quam altero modo esse, aut non esse, accidisse, aut non accidisse pertinet: quis non intelligat, hujusmodi opiniones extra dictionem Ecclesiæ plerumque esse, ingentemque Ingenii patere libertatem, ut heic scilicet pro viribus, opinando, concertando, somniando etiam, ac delirando, exerceant? Nova hoc in regno excoxitare licet, vetera aspernari, susque deque etiam verte re. Et quoties de meritis profanis rebus, sive cognitionibus agitur, a Religionis negotio omnino disjunctis, non alio loco habendi vel ipsi sancti Patres, quam quo singuli privati Auctores. Veneranda profecto semper est Conciliorum, sanctorumque Patrum auctoritas; sed qua in Dogmatis est certissima magistra veritatis, talem se prestare nequit in his etiam, quæ sunt ultra fines sanctissimæ Religionis, Doctrinæque Christianæ. Quare nescio, quo plausu excipiendi sint illi, qui in Physicis, in Historiis profanis, & hujusmodi argumentis Augustinum, Thomam, Bonaventuram, * aliosque sanctitate simul & eruditione celebres viros producunt; rati se istorum auctoritate firmissimum suis sententiis comparasse præsidium, & ad ista certe magna nomina incutiendum esse mirum suis adversariis timorem. At sancti Patres in hisce Artibus humanis ac Scientiis, non Christum, sed Platonem, sed Aristotelem, sed Avicennam, homines videlicet impios, aut cæcos habuere Magistros, aut fum intellectum fallacem, aut alios homines erroribus obnoxios, sequuti sunt. Quid ergo heic certi a sanctis Patribus polliceri tibi possis? Tantum sane eorum dicta valebunt apud cordatos viros, quantum rationibus, & robustissimis, neque fallacibus argumentis nitentur. Præterea non hoc sicut Ecclesiæ, non

* Præcedentes editiones, post Bonaventuram, addunt Antonium.

96 DE INGENIORUM MODERATIONE

non Conciliis, non Patribus dedit Christus, ut Populum fidelem Astronomum sacerent, Physicesve, Chronogit, Historia profanae, rerumque similium sine ullo errore peritum. In Crucifixi Schola satis est docere, satis ediscere, quæ vere de Religione credenda, quæ pie facienda, ut ametur Deus, Calorumque Regnum vi beatissima tandem rapiatur. Sed hæc manifestiora sunt, quam ut pluribus argumentis indigeant.

Ipsæ tamen profanæ Arees & Scientiæ quibusdam evidentibus Christianæ Doctrinæ, sacrarumque Literarum monumentis possunt interdum opponi. Igitur altera Lex erit: *Nefas Ingeniis nostris esse, in cunctis Artibus, sive Disciplinis, aliter sentire, quam veritatis oracula clament;* & Ecclesiæ pastorumbus jus esse a Deo datum heic quoque coercendi temerarias hominum mentes. Non heic de iis profanæ Scholæ opinionibus loquimur, quæ recta feriunt Christi & Ecclesiæ Scholam; nam hæ statim damnandæ cognoscuntur, quales de Motibus, Virtutibus, & Vitiis, de Natura divina, de Providentia, Creatione mundi, Anima rationali aliisque rebus bene multæ occurrunt in Platonicis, Aristotelis, Zenonis, Democriti & Epicuri Sectis. Loquimur de iis opinionibus, siue effatis, quæ suapte natura nihil pertinere ad Fidem, nihil officiæ, nihil adversari videntur salutari Doctrinæ Christianæ Religionis. Etiamsi aperta facie ista non militent, militare tamen clanculum, atque indirecte, possunt contra certissimam aliquam Religionis veritatem. Est Dogma Fidei, Prophetis ac Apostolis divinum adfuisse Spiritum, ne quid falsi memoriae mandaretur in sacris Scripturis. Multa autem in utriusque Testamento Libris habentur, quæ referri possunt ad Physicam, ad Astronomiam, ad Historiam profanam, ad Chronogiam. Turpiter erret, qui in ejus generis notionibus revera hallucinatos Prophetas arbitretur, & documentis eorum habere fidem nolit, aut falsi litem intendat; causatus tantummodo, non eam Deo fuisse mentem, ut nos eruditione profana imbuheret, atque inutilem rerum scientiam per suas Scripturas revelaret. Cerre non ista ad salutem necessaria, & in se considerata, minime pertinent ad Fidem. Sed quia a Scriptoribus falli nescisi, & divino Spiritu afflatis, consignata literis fuerit, atque errorem in Prophetis sive fallaciâ suspicari nefas est: idecirco hujusmodi etiam documenta certissima credenda sunt, & relationis causa procul dubio spectant ad Fidem. Neque sane ferendi Ariminius & Episcopius Remonstrantium principiis, affirmare ausi, Scriptores sacros in rebus lev-

bus, & nihil ad salutem pertinentibus, memoria, aut ignorantia labi potuisse, & revera fuisse lapsos. Absit, ut hac temeraria medicina apparentibus quibusdam sacrorum Librorum contradictionibus atque difficultatibus consulamus, quando tot aliae rationes æque commoda & innocuae occurrunt, quibus divinarum Literarum veritas & auctoritas a suspicione falsi & erroris liberetur. Idem dicendum de aliis Physicis atque Historicis opinionibus, quæ si veræ credantur consequenter infirmant, & falsitatis arguunt divina quædam Mysteria & Dogmata, in Ecclesia Dei firmissime stabilita. In his igitur dubitandum non est, quin Ingeniis nostris Ecclesia imponere frenum possit, ac debat; neque enim committendum est, ut Spiritu Sancto inspirati homines lapsi putentur vel in levibus rebus quum non que sua erant, sed ea dumtaxat, quæ Deus omniscius revelaverat, memoræ mandarint, & populo credenda exhibuerint.

Atque hæ quidem regule generales, & leges præcipuæ ad judicandum de hisce questionibus. Sed judicio subacto, & circumspecta æquitate opus plane est in earum usu. Nam una ex propositis legibus illam Ingeniis licentiam tribuit, quæ in Ecclesiæ & Veritatis perniciem declinare interdum possit: altera opinandi libertatem ita adimere nonnumquam potest, ut Ingeniorum jura lædantur. Et proœcto quum præteritis temporibus, tum nostris potissimum, non defuerit, nec desunt homines, quibus familiare est profanas disciplinas, atque sententias faculi, quasi verbis divinis infestas atque contrarias, insectari, & proscindere internecino odio, perpetuis clamoribus. Si quid novi Physica, aut Astrorum Scientia, aut Ars Medica, aut Eruditio profana adfert: iftud hominum genus mille pericula continuo timet sanctissimæ Religioni, & certis Fidei decretis. Solliciti ergo nullum non movent lapidem, quo Auctores novarum opinionum, licet nihil rei cum sancta Religione habentium, infamenti, eorumque Libros dilarent, proscriptant, & supremis Ecclesiæ Tribunalibus configendos exhibeant. Et eorum zelus utique laudandus, modo tamen sit secundum scientiam, & cautis gressibus procedat. Deplorandum enim est, si errores, ubi non erant, somniet; si illic pericula configat, unde nihil mali effluere potest, & injustos neque necessarios compedes injicere velit naturali humanarum mentium libertati. Et revera non animadvertunt interdum docti pariter pique viri, se unius Aristotelis causam agere, quum Religionis causam tueri videntur. Peripatetica Philo-

sophia

Sophia capti atque distenti, quidquid ab ista abhorret, continuo falsum ducunt. Tantum nempe amoris ac venerationis huic uni Scriptori, aliisque antiquis Auctoriis, præjudicata opinio comparavit, ut eorum adversarios, & contraria quæque, non odire eorum amasii nequeant, usque adeo ut quando nulla alia ratio succurrat nova inventa dejiciendi, facile & crebro ad auctoritatem Principum, Academiarum, & Religionis consugiatur, quasi de Regnis, de Veritate, de Fide actum sit, si nova hæc recipiantur in Scholis. At ista sinceriori iudicio, & sine affectibus, pertractare, atque insectari, aut defendere debet unus amor Veritatis. Unum hunc igitur nos consulentes, necessarium putamus quædam heic statuere, quibus Ingenia nostra insistere jubentur, si rite fungi suo jure ac munere velint, neque in Religionis sacraria quicquam peccare.

Et primo dicimus, tum posse ac debere Ecclesiam sententiam ferre, certumque illius fore judicium de Quæstionibus Physicis, Medicis, Astronomicis, Geographicis, Historicis, aliisque hujusmodi, quum constabit, uno potius quam altero modo opinari, contrarium esse evidenti Scripturarum sanctorum, & Dogmatum veritati. Secundo, evindens erit, & constabit sacrarum Literarum, Christianæ doctrinæ sententia, quando Prophetarum, Apostolorum, & Ecclesiæ verba ac documenta nullam aliam interpretationem commodam sustinent, quam quæ iis opinionibus omnino repugnat. Tunc enim variæ ab hominibus excogitatae opinione, quamvis ad salutem non necessariae, & ex sui institutione indifferentes ut aut credantur, aut non credantur, erroris, impietas, & falsitatis justa de causa damnabuntur. Tertio, si commode cum hisce hominum privatorum opinionibus conciliari poterunt divinæ Literæ, neque vis in Scripturarum explicatione sacris verbis inferatur, tunc neque impia, neque falsa appellare licet hujusmodi, ut ita dicam, indifferenta Scientiarum & Artium placita. Quarto, erit ea interdum in hujusmodi sententiis indifferenter rationum & experimentorum gravitas atque evidencia, ut non laudabile solum, sed & necessarium futurum sit, cum istis conciliare facrorum Librorum sententias: quod commode sè fieri poterit, si rectæ Critics usus admiculum pie & sedule quærentibus ferat.

Quæ sint autem harum legum fundamenta, breviter exponemus. Veritas una est. Innumerabiles ejus particulae non pugnant invicem, non discordant, sed amice convergent: quod de Erroribus non accedit;

quorum alter alterum inequitur nonnumquam, ac destruit, omni spe fœderis utrumque sublata. Fac aliquid sit verum in Theologia, & in sacris Literis: necesse est ut idem quoque affirmetur in Physica, & in profanis Historiis. Rursus si quidquam verum certumque sit in Philosophia & in Historiis non sacra, aliter sensisse nequit divina Scriptura, & Christianorum Theologia. Unicum tamen hæc inter discrimen. Semper Ratio, semper Philosophia, aliarumque Artium documenta cedere Fidei, sacrisque Literis debent, aliquid evidenter tradentibus; non autem sacra Literæ ac Theologia, aliquid evidenter narrantes, submittendæ sunt Rationi ac Philosophiæ, quamquam & istæ evidenter jacent a suis partibus quam maximam. Et æquissime id ab ipsa Ratione exigitur; cum sacris enim Literis, & cum Fidei, ac Revelatione divina, perpetuo & necessario conjuncta est Veritas. Aliquid revealante ac tradente Deo omniscio, & veracissimo, illic errorem aut mendacium excogitare, omnium perniciosissimum delirium est. Contra cum Ratione humana, cum Philosophia, Historia profana, aliisque Artibus necessario Veritas non habitat, & sèpe error locum habet. Igitur falsum sit necesse est, quod a perspicua Fidei eruditione dissentit; neque enim alia esse potest Theologorum veritas, alia Philosophorum; alia Dei, alia hominum; ac proinde cedat oportet Ratio Fidei, non Fides Rationi, sicut æquum est, ut homines Deo, non Deus hominibus cedat. Et gravissime profecto ac sanctissime pronuntiatum anathema in Lateranensi Concilio sub Leone X. Sess. 8. contra quosdam Peripateticos Philosophos, inter quos fuisse fertur Petrus Pomponius, quod secundum Philosophicam doctrinam mortales esse hominum Animos dicarent, licet secundum Christianam Fidem immortales eos affirmarent. Rationem damnationis invictissimam his verbis concludere Patres. Quum verum vero minime contradicat, omnem assertionem veritati illuminatæ Fidei contrariantem, omnino falsam definimus.

At sèpe etiam in humanis Scientiis & Artibus, immo in toto Rationis humana regno, tanta esse potest Veritatis evidencia & perspicuitas, ut secundum ipsam Rationem, secundum istas Artes, non solum liceat, sed necessarium plane sit explicare non àque perspicuum Scripturarum sanctorum mentem, ac verba. Id accidit, quum tales sensum divinæ Literæ præ se ferunt, qui si verus & germanus censeatur, intoleranda post se absurdæ & incommoda trahat. Hoc est, ubi

N sen-

sententiam aliquam tribus aliquibus verbis
divinae Scripturæ, contradictiones numquam
sedanda emergent inter hæc & alia aut Scri-
pturæ loca, aut Fidei Dogmata, atque de
Numine, ejusque Natura, ac voluntate, in-
dignum aliquid sentietur; & restæ Rationis
principia, & Virtutum ac Morum clarissima
præcepta, & receptissima apud omnes Christianos Artium placita, evertentur. Tunc er-
go res monet, prioribus illis Scripturæ ver-
bis, utpote minus quam hæc alia documen-
ta perspicui, non eum qui putabatur tri-
buendum esse sensum. Tunc non obvia ac
literalis sententia, sed figurata accipienda
fortassis erit; neque proprius, sed translatus
sensus; eisque verbis aliquid aliud significa-
re voluisse divinus Spiritus censendus erit;
quod quale sit, facile ex aliorum locorum
collatione liquebit. Hinc illud celebre & sum-
mopere laudandum Augustini axioma in Ep.
143. olim 7. Si Ratio contra divinarum Scri-
pturarum auctoritatem redditur, quamlibet ac-
cusa sit, fallit verisimilitudine; vera esse non
potest. Rursum si manifestissime certeque Ra-
tioni velut Scripturarum sanctorum objicitur
auctoritas: non intelligit, qui hoc facit; &
non Scripturarum illarum sensum, ad quem
penetrare non potuit, sed suum potius objicit
veritati; nec quod in eis, sed quod in se ipso
velut pro eis invenit, opponit. Unde autem
Anthropomorphitarum Hæresis erupit, nisi
e perversa eorum locorum interpretatione,
in quibus sacra Literæ Deo oculos, manus,
pedes, aliaque membra, & corpus & affe-
ctus hominum tribuere videntur? Oculi Do-
mini super iustos, & aures ejus in preces eorum:
Manus Domini fecit hec. Et quum au-
diissent Adam & Hesaya vocem Domini Dei deambulantis in Paradiso ad auram. Et alia id ge-
nus innumera. Hæc, ut litera sonat, acci-
pieda non esse, sed sine dubio censenda tro-
pice & figurata dicta, quo per sensibiles ima-
gines invisibilia intelligentur, quis quæsto nos
docuit, nisi evidentissima lux Rationis, ac
Theologæ naturalis, qua Deum plane in-
corporeum & spiritalem esse statuit? Ne con-
tradicam ideæ perfectissimæ, quam & Na-
tura & Scientiæ mihi de vero & summo Deo
indiderunt, a literali proprio sensu eorum
verborum discedere cogor, & loca illa con-
ciliare cum hujus ideæ veritate manifestissi-
ma. Quando autem mysticus, aut figuratus
sensus literali proprio sit præponendus, &
ab isto recedere non solum deceat, sed opor-
teat, doctissimi viri luculentissime tradidere
Sed unius Ecclesiæ est decernere sine erro-
re, quæ interpretatio consonet aut repugnet
Veritati, in sacris Literis, atque in singulis
earum verbis certissime regnanti.

Si quidquam igitur literalis proprius sen-
sus Scripturarum habeat, quod cum Artium,
& Scientiarum, & Historiæ evidenter prin-
cipiis & documentis pugnet, & commodam
non recuset interpretationem, ista profecto
adhibenda erit, aut saltem illam adhibere ne-
mo sibi religioni ducat. Tantoque magis id
præstare licebit, quanto certius est, majorem
sine comparatione libertatem hec esse huma-
nis Ingeniis, & nullam necessitatem creden-
di, vide discendi. Certum enim est, in ipsis
rebus Deum exquisite erudire noluisse homi-
num genus, quum sacrarum Literarum veris
sit scopus atque consilium nos ad Amorem Dei
& proximi tantummodo informare, in quo
universa Lex posita est, & Prophetarum do-
ctrina. Quod quum fieri nequeat, nisi etiam
cognoscatur verus Deus, & verus Dei & homi-
num Mediator Christus Jesus, & nisi recta
morum præcepta habeantur perspecta: hæc
etiam in Scripturis sacris revelata & incul-
care hominibus Deo placuit. Reliquæ ad hu-
manas Artes pertinentia, quæ illic narran-
tur, eatenus spectanda sunt, quatenus ad illam
Scripturarum sanctorum mentem referun-
tur. Eo saltem sine consideranda non sunt,
ut Physicam, Geographiam, Chronogiam,
terrenarum rerum Historiam, Astronomiam,
Medicinam, Militarem Artem, & alia id ge-
nus, non secus ac ipsa Dogmata, discamus.
Quocirca quam diligenter Apostoli, & Ec-
clesiæ Patres mandant, ut ad illustrandam,
confirmandam, propugnandam Dei, Christi-
que, & vere pietatis cognitionem, Scriptu-
rarum scientia adhibeatur; tam caute etiam
vetant, ne, in alias inutiles, & curiositatibus
potius quam eruditioni salutari inservientes
quaestiones nimium divertant Christianorum
ingenia, neve ad eas dirimendas in medium
afferantur oracula divina, quasi divini consi-
lli fuerit, & nostra & Creatoris nostri inter-
fit, nos in his inanibus argumentis doctos
esse aut ignaros, & sapere, vide despere. Al-
tiora; diviniora, & nostram salutem æternam,
non nostram temporalem eruditionem,
sacri illi Codices respiciunt. Audiatur heic
Gentium Doctor. In Ep. I. ad Tim. Cap. 1.
illa prohibet, quæ quaestiones præstant magis
quam ædificationem Dei, quæ est ex fide.
Finis autem præcepti est Caritas de corde puro,
& conscientia bona, & fide non ficta. Et Cap.
V. 3. Si quis alter docer, & non acquiescit
fanis sermonibus Domini nostri Jesu Christi,
& ei, quæ secundum pietatem est, doctrinæ:
superbus est, nihil sciens: sed languens circa
quaestiones & pugnas verborum, ex quibus
oriuntur invidie, contentiones, &c. Postquam
in Epistola ad Titum multa de clementia Dei,
de Mediatore, aliisque divinis beneficiis pro-
lo-

Iloquentur est: *Hæc, inquit, sunt bona & utilia hominibus. Stultas autem quæstiones, & genealogias, & contentiones, & pugnas legis devitæ; sunt enim inutiles & vanæ. Ubinam ergo sunt, qui in divinis Scripturis quærunt naturalium rerum, Astrorum, temporum, & locorum scientiam? Earum auctoritatem, nisi manifestissima sit, in his nimium inculcare, neque temeritate, neque periculo interdum caret: certe ab ipsarum consilio abhorret.*

Propterea idem Apostolus Cap. I. 9. Epistola ad Titum postulat Christianum Episcopum ita Scripturarum scientiam instructum, ut potens sit exhortari in doctrina fana, & eos, qui contradicunt, arguere. In doctrina, inquam, fana, & Pietatis, & Fidei, non in Physica, aut Chronologia, aut rebus profanis. Neque alio nomine se Doctorem, servum Dei, & Apostolum Jesu Christi in exercitio hujus ipsius Epistolæ profitetur, quam secundum fidem Electorum Dei, & agnitorem veritatis, quæ secundum pietatem est. Quid autem referat ad pietatem, scire, cuius figura, verbi gratia, Terra sit, que supra Cælos sint aquæ; an Cæli ex quinta substantia sint, & an ex se corruptioni obnoxii; num Ignis inter elementa computandus; quis Est heris conjux, videlicet uerum Xerxes, an Artaxerxes fuerit, & alia ejusmodi? Hæc idcirco præ oculis habens sanctus Basilius in Examen. Hom. 9. Moyens laudat, quod ea prætermiserit, quæ Philosophorum animos inani studio torquent. Scripturam autem ait suo honore, sua gloria spoliari per eos, qui ejus diæta ad inutiles quæstiones inflectunt. Similia habet Sanctus Hieronymus in Cap. 3. Ep. ad Titum, eique concinunt, quicumque pietate & judicio in explicandis sacris Literis excelluere. Quibus ex rebus sequitur, prudenter agere Ecclesiam, quæ ab hujusmodi quæstionibus dirimendis, & opinionibus probandis sive improbandis abstinet. Eas ipsas aut non curat, aut etiam contemnit; & si quidem vellet interdum se istis immiscere controversias, necessaria ad rectum certumque judicium ferendum præsidia ipsam deficere interdum possent. Nimirum Traditio sacra, antiqua, & continua nonnumquam deesset, sine qua testatur Ecclesia se firmas proferre heic non posse sententias. Nam cur Deus incorruptam per tot facula hisce de rebus scientiam, & Traditionem in Ecclesia sua servet, quando earum ignorantia nullum suis fidelibus, nullum suæ Religioni periculum creat, atque ipse earum scientiam neque a nobis expedit, neque nobis revera reliquit, immo contra ab earum inquisitione per suos Apostolos nos non semel deterruit?

Restat igitur, ut una de causa nonnumquam Ecclesia compescere & damnare possit has etiam indifferentes hominum opiniones, quum videlicet agitur de liberandis ab erroris aut mendaci suspicione utriusque fœderis Libris. Tum certe ad Ecclesiam spectat, falsa proclamare & irrevocabili iœtu prosternere; qua aliter vera esse nequeunt, nisi falsi arguatur sacratissimum illud veritatis penus. Huc autem pertinent, quæ sanctus Thomas habet z. Q. II. Art. 2. ubi ait, quædam spectare ad Fidem posse dupliciter; uno modo directe & principaliter, sicut articuli Fidei; alio modo indirecte, & secundario, sicut ea, ex quibus sequitur corruptio unius articuli. Sed omnino appareat, neque appareat tantum, sed revera adsit oportet necessitas damnandi hujusmodi opiniones indirecte oppositas sacrarum Scripturarum veritati. Evidenter, inquam, constare prius debet, non alium sensum commode, & legitime, & secundum Criticæ regulas; tribui posse Literarum sacrarum verbis, quam qui adverteretur Physicis istis, Geographicis, Historicis, & aliis ejusdem naturæ sententiis. Nam si per germanam aliquam, & non violentam interpretationem alias sensus a literali & obvio, convenire possit Scripturæ divinæ verbis, & componi cum Artium & Scientiarum effatis Prophetarum dicta valeant: non est cur ab ea interpretatione adhibenda nos jure ac merito impidere quicquam velit. Tunc in tuto sunt omnia. Tunc divinorum Codicium dignitati consultum satis est, & Ingeniorum juribus, & legibus optimi Judicii, verique Scripturarum interpretis. Neque temeritas amplius est, neque crimen perniciosum, id affirmare, quod a sacris Auctoribus negari non constat, aut id negare, quod ab iisdem affirmari manifeste non liquet. Sufficit autem in his rebus, ut diximus, a divinis iis Scriptoribus arcere aut mentiendi voluntatem, aut memoria lapsus, aut rerum, quas narrant, ignorationem quamcumque; non enim ista excogitare aut suspicari vel leviter licet in hominibus, quorum calamum regebat divinus veritatis Magister. Hoc periculo declinato, quæ ad veritatem proprius accedere, aut veri videbuntur similiora, sentire fas erit, in quæstionibus videlicet, quæ sive in unam sive in alteram partem versentur, ad æternam hominum vitam, eruditio nque salutarem nihil faciunt.

Interdum autem tantam esse posse diximus divinæ mentis evidentiam in verbis sacrarum Codicum, ut abicienda sit quæcumque alia diversa opinio rerum vel indifferentium. Atque id potissimum eluet in Historicis documentis, quorum sensum obvium sapissime ac-

cipiendum esse, manifesta ratio docet, atque adeo omnis inde excluditur figurata dictio nis suspicio. Quod Jacob ex utero materno prodiens, plantam fratris teneret, aut non teneret manu, nihil ad hominem salutem, & necessariam eruditio nem spectabat; nullum enim continet aut innuit Fidei Dogma, sive praeceptum vitae. Sed quando hujus rei mentionem nobis relinquere ad aliquam semper utilitatem nostram divino consilio placuit; & Jacobum apprehensa fratris planta, in lumen revera egressum fuisse, Genes. XXV. 25. ita narratur, ut nonnisi violenta interpretatione adhiberi possit Scripturæ verbis: ejus rei Historia habenda est sine ulla dubitatione a Deo revelata, atque certissima. Similiter nullus esse potest dubitandi locus, quin sub Augusto Cæsare facta fuerit descriptio illa, quam Lucas in Evangelio memorat II. 2. & quin Syriæ aliquo modo præsuerit Cyri nus, sive Quirinus. Itidem certum nobis accratum est, Tobie canem suo Domino præcurri se, & quasi nuntius ad ejus parentes adveniret, blandimento caudæ suum expref sisse gaudium, Tob. XI. 9. Atque alia id genus certissima sunt; nam si aliter explices, quam litera sonat, manifestam vim inferas narrationi divinæ. Propter eamdem rationem, quum ex evidenti Scripturarum testimonio, & perpetua Ecclesiæ Traditione constet, Deum omnipotensissimum posse ex nihilo aliquid facere; & posse alicuius rei substantiam in alteram convertere, ita ut prioris substantiæ accidentia, sive species, non destruantur, sicutque in hominum sensibus eadem sensatio, quam substantia sublata sive commutata prius producebat; & posse facere, ut humanum Corpus induita incorruptione glorificatum in Cælis, angustissimo spatio continetur, & per corpora spississima liberum habeat aditum; quum, inquam, hæc evidenter certissima sint nobis per Revelationem: statim consequitur, a veritate abhorre, quidquid acuti, quidquid speciosæ Physica excogitare & asserre contra possit.

Rursus eas rationes, eamque evidentiam secum ducere interdum Physica, Historia profana, atque aliæ Artes possunt, ut præ illis non æque evidenter, immo dubia sint Scripturæ sacræ verba. Quod si contingat (sæpe autem contingit) tamen certe non licet solum, sed oportet, sacras Literas non repugnantes interpretatione aliqua explicare, quod semper commode fieri, confutis prius non temerariæ Criticæ regulis. Sive Metaphora quæpiam, sive Synecdoche, sive Metonymia, sive alias quispiam Tropus & Figura in divinis verbis apparebit, quo non obvius, sed alius verissimus sensus illic significetur cum.

profanis opinionibus concors, ut nihil dicant de Orientalium populorum Dialectis, in quies manifestum nimis est diversos plane à nostris saepe exhiberi dicendi modos. Unde autem novimus, tot Scripturæ sensus aliter quam littera sonat significare, nisi quia rerum experientia, & humanae Artes ita accipiendo monent? Anima rationali carere bruta, anima quacumque carere simplicia corpora, jam notum est nobis. Ergo ubicumque iis Animam, aut etiam Animam rationalem, tribuere Scriptura videtur, illic Tropus & Figuram aliquam haberi statim intelligimus, aut Animæ vocabulum aliter apud Hebreos, accipendum, quam apud Latins. Eodem modo, hominem, cuius cor & offa tamquam crenarium aruerint, quique ut foenum perclusus fuerit, vivere diutius non posse, tam certum est quod certissimum. Ergo Davidis verba hæc narrantis in Psalmo Cl. 4. 5. de se ipso, aut de paupere quopiam adhuc vi vente, non ad literam, sed figurate expoundenda sunt. Idemque de versiculo sequente dicendum, ubi sanctus Rex ait: A voce genitus mei adhæsit os meum carni meæ. Quodnam enim est angustiæ & miseræ signum, offa habere carni suæ adhærentia? Nonne & hoc in recte se habentibus conspicitur? Et nihilominus hæc David memorat, infelicem aliquis statum descripturus. Ergo dicendum, carnem heic pro cute hominis accipienda esse; cutis enim est pars quasi homogenea carnis. Offa autem cuti adhæsisse dicuntur, ut macies hominis extrema significetur, quæ dicendi formula, & ipsum vulgus nunc utitur, & Comicus olim dixit: Offa atque cutis sum miser. Accedit etiam locus Jobi XIX. 20. Pelli meæ, consumit carnis, adhæsit os meum. Seu, ut habent Hebraici Codices: Pelli meæ, & carni meæ, adhæsit os meum. Tandem loca Scripturarum quamplurimæ occurunt de rebus ad salutem non necessariis, quæ dubium sensum, dubiam significationem præferunt, variasque facile admittunt, easque verisimiles, interpretationes. In his, non immoderata quidem, sed magna tamen Ingenii licentia conceditur interpretandi, & disputandi, modo omnis Ingeniorum linea illo tendat, ut inter ceteras, quæ verisimillima sententia videtur, Scripturæ sacræ tribuatur. Experimenta rerum, Linguarum peritia, Historia profana, omnesque Artes, & humanae Scientiae heic in consilium adhibentur; & quo graviores rationes & probabiliora argumenta unam potius quam alteram sententiam commendant, cotius & laudabilius in eam Ingenia concedunt. Hinc tot in sacrâ Scripturis expoundendis quæstiones. Hinc tot unius loci in-

terpretationes, totque novi Eruditorum conatus, ut dilucidius, verisimilius, & aptius quam antea explicentur Scripturarum loca. Neque hujusmodi interpretationes, quia nova, umquam improbari possunt, sed quia insulsa, inepta, & a ratione absonæ, & ab aliis Scripturæ locis fortasse discordes. Nam in iis quidem, quæ ad præcepta vita, & ad Fidei Dogmata pertinent, jure interdicta est illa opinionum novitas, quæ sanctorum Patrum consensui repugnet. At in istis indifferentibus rebus opinari, & nova profere, nequaquam prohibemur; sive enim heic uno potius quam altero modo sentias, nihil hoc Fidei, nihil hoc Dogmatibus, & scientiæ morum officit, ubi a singulis interpretibus in tanta interpretationum varietate satis consulatur dignitati & veritati sacrorum Codicium. Sic Eruditis hucusque licuit disputare, num Quirinus, memoratus, ut vidimus, in Evangelio Lucæ, ordinarius Syriae Præses fuerit, an extra ordinem, census causa illuc missus; aut an descriptio universi orbis Ro-

mani, ante indicata & completa fuerit, quam idem Quirinus Syriae præset. Id ex innumeris aliis exemplis liquere potest. Neque vero urgere quemquam possumus disputationem de his rebus scitu non necessariis, ut opinionem suam mutet, multoque minus ipsum tamquam Hæresis, & perverfa doctrinæ reum infectari, dum tamen hic rite & commode interpretari, suæque opinioni minime contraria Scripturarum loca, si qua opponuntur, ostendere valeat. Ille tantum Hæreticus est, qui pertinaci animo Dogma aliquod ab Ecclesia receptum, a Scripturis sacris, aut a Traditione commendatum, contemnit, rejicit, negat; aut Scripturæ loca ad fidei & morum doctrinam spectantia contra mentem Ecclesiæ, & consensum Patrum pervicaciter interpretatur. In reliquis ipsis Patres quidem venerari, aut religiose & κατὰ πόδα sequi non cogimur: alioqui tot haberemus Hæreticos, aut faltem temerarios, quot habemus Scripturarum Interpretes.

C A P U T X X I I .

An Scripturis sanctis repugnet Astronomorum sententia de Telluris motu diurno. Sacræ Litteræ phrasibus vulgi ac figuris use, ut verum quodpiam significarent. Exempla in eam rem. Quid totus Orbis in Scripturis, extremitates Cælorum, Solem incalescere, aliaque ad Cælos, Stellas, ac Solem spectantia. Quando proprium litteralem sensum in Scripturis sacris retinere cogamur; & quando sit locus aliis interpretationibus.

Exigere itaque juvat, quum res poscit, ad hosce Canones inventa nonnulla, opinionesque varias Philosopherum, Physicorum, Historicorum, & quidquid in Mathematicis, Astronomicis, & Geographi- cis studiis aut novi aut antiqui traditur. Fac autem, exempli gratia, in Astronomia nobis occurrat quorundam systema de diurno circa Solem immobilem Telluris motu, cui complura loca e divinis Scripturis petitæ opponi videntur. Tom prudentis Theologi erit investigare, an ira perspicua sint atque evidenter sacrarum Litterarum loca, ut omnino peccetur contra melioris Criticæ, ipsiusque rationis leges, & contra germanæ interpretationis regulas, si illa tra- here velimus ad opinionem eorum Astronomorum. Multa autem ab ejus tentientia tu- toribus pro se adserri possunt. Quamquam

enim neque in Physica, neque in Astronomia quidquam certi habeamus de Telluris motu, attamen eam sententiam nondum Ecclesia, aut Apostolica Sedes damnavit, neque pro Hæreticis reapse habet tot eruditos viros aut clam, aut aperte eam ample- xos, sive olim, sive duobus proxime præteritis saeculis. Copernicana quippe Hypothesis, ut obiter id dicam, non plane nova est, uti ex Aristotele, Cicerone, & Plutarcho appareat, eamque octoginta annis ante Copernicum asseruerat celeberrimus vir Nicolaus Cusanus Cardinalis in Libro de docta Ignorantia; sed illam Copernicus in multis perfecit, ejusque vestigia sequuti vi- dentur Calendarii Juliani in Correctione Gregoriana emendatores. Contra vero his Scripturæ sanctæ locis immobilitas Telluris, & Solis mobilitas suadentur. Gen. XIX. Sib.

Sol egressus est super terram. Et cap. XXXII.
Ortusque est ei statim Sol. Ecclesiastici verba sunt Cap. 1. Generatio præterit, & generatio advenit; Terra autem in eternum stat. Oritur Sol, & occidit, & ad locum suum revertitur, ibique renascens gyrat per Meridiem, & flectitur ad Aquilonem. Ad imperium autem Iosue præcipiens, ne Sol ac Luna moverentur, steterunt Sol & Luna, donec ultiseretur se gens de inimicis suis. Stetit itaque Sol in medio Cæli, & non fessinavit occupare spacio unius diei. Ita Iosue X. 12. 13. Alia loca prætermitto jam nota, jam usu doctorum hominum trita, quibus Terræ quies, & motus Solis aperte memorari videntur in sacris Codicibus. At quod est ad ea Scripturæ verba, quæ Tellurem immobilem significare videntur, fatendum est, parvo negotio conciliari posse cum Astronomorum sententia; etenim ibi potius affirmatur, Tellurem permanere, semperque esse, neque a suis cardinibus umquam dimoveri: quæ sane consistentia, perduratio, ac firmitas localis motus in ea excogitatum nequaquam excludit. Ita quoque Firmamentum, Cæli appellantur; Æthera etiam seu Cælos divina Sapientia firmavit sursum, ut habetur Prov. VIII. 28. Et tamen a Cælorum firmitate motus nequaquam abhorret, ut in Ptolemaei Systemate traditur.

Longe clariora sunt pro Solis mobilitate sacrorum Librorum documenta. Verum animadverti debet, folere divinas Scripturas ad opinionem vulgi sese interdum accommodare, & retinere communem loquendi consuetudinem, ut ad rudos populi sensum & captum sese attemperent. Facilius enim ignarum vulgus ea concipit & percipit, quæ usitatis dicendi formulis proponuntur, quam quæ iniustitiae, licet accuratioribus. Quod potissimum elucet in iis tradendis, quæ ad salutarem Fidei & Morum veritatem non pertinent; nam, ut diximus, Deo per suas Scripturas loquenti non is scopus fuit, ut inanem erga res, scitu non necessarias, erga mundi elementa & corpora, hominum curiositatem pasceret, sed ut vere utilia ad æternam beatitatem consequandam tradaret. Neque in doctis humanæ sapientiae verbis ipse loquitur, sed sese demittit ad eorum locutionem usum, quæ quamquam minus accurata, & ad humanæ sapientia trutinam impropræ dignoscuntur, rudi tam populo veritatem quampiam utiliæ ac salutarem commodius exponunt. Quod si Deo corpus, & membra, & animi perturbationes, & operations humanas tribuere non dubitarunt divinitus inspirati

viri, quo significanter veros divinæ operationis effectus: quanto æquius hujusmodi minus accurato loquendi genere uti potuerunt, dum de Physicis & humanis rebus quidpiam enarrabant? Est hoc figurate loqui, est hoc in usu apud omnes populos, immo & apud ipsos doctos, & præcipue Poetas, atque Orientales, neque enim veritas inde latitur, sed per eas etiam figuræ eleganter traditur, quod vere tradere in animo suit. Eruditorum autem hominum est in his non necessarii rebus, Ecclesiastorum vero Judicum in rebus ad Fidem & eruditionem Christianam spectantibus, discernere, quid proprie, & quid figurate sit accipendum.

Fuisse divinis Scriptoribus cum morem, ut secundum vulgi sententiam interdum loquerentur, luculentissimis exemplis demonstrari posset. Quum dicimus Terrarum Orbem, multoque magis quum Universi titulum addimus, nemo est qui nesciat, significari Populos omnes, & universas Provincias ac terras, quæ terraquei globi spatio quaquaversum continentur. Sed alia interdum fuit, & adhuc est vulgi opinio, dicendique confuetudo. Nimirum totius Orbis vocabulo significantur Provinciæ & Pcoli ante cogniti, & magna Terræ pars, aut vastissimum quoddam Imperium, quale olim Assyræ, & Alexandro Magno, & Romanæ Reipublicæ contigit. Inquit autem sanctus Lucas II. 1. Exstet editum a Cesare Augusto, ut describeretur universus orbis, ἀνογειασθαι πατερος της οἰκουμένης. Enī ut vulgari opinione dicendique forma uitur sanctus Evangelista. Magnifice de suo Imperio sentiebant Romani. Nihil minus, quam totum Terrarum Orbem sua ditione se tenere aut arbitrabantur, aut dictabant. In hanc rem celeberrima præsentim sunt Petronii verba in specimine Belli Civilis.

*Orbem jam totum vicit Romanus habebat,
Qua mare, qua terræ, qua fidus currit
utrumque.*

Et Hegesippus Lib. 2. Antiqu. Cap. 9. Orbis terrarum, qui Romano Imperio clauditur ac definitur. Attamen nemo in Historia aliquantulum versatus est, qui nesciat, longe abfuisse Romanos ab imperio totius Orbis, cuius amplam quidem partem armis vietricibus occupabant, sed revera opinione minorem, si cum tot aliis Provinciis adhuc indomitis conferebantur. Quum igitur in quibusdam Scripturæ locis mentio sit de Terra, de toto Orbe, τετι τῆς οἰκουμένης, non

con-

continuo accipienda sunt ea vocabula de omnibus Telluris gentibus atque Provinciis. Interdum per illa significatur Judæa tota cum Judæorum tribubus late diffusa, interdum Romanum Imperium, interdum etiam ea Terræ pars, quæ antiquis iis temporibus cognita erat, hominumque Judæorum commercio patebat. Quam interpretationem admittit loous ille Pauli ad Rom. X. 18. ubi ad Evangelii prædicationem accommodat Psalmi XVIII. versiculum quintum: *Sed dico, numquid non audierunt? Et quidem in omnem Terram exiit sonus eorum, & in fines Orbis Terræ verba eorum.* Non enim verisimile est, tum temporis in extremas usque Scythiae seu Tartariæ inhospitæ provincias, & in vastissimas Americæ regiones, atque in tot alias barbaras gentes sub utroque Polo sitas, Evangelium & Apostolos penetrasse; quum novissime tantum, hoc est tribus proxime præteritis Sæculis, magna earum regionum pars innoverit, & amplissima adhuc Regna tum circa Arcticum, tum circa Antarcticum Polum, diligentiam & navigationem hucusque fugerint recentium Europæorum, qui tamen sine comparatione anteferendi sunt veteribus nautis, & antiquis lustratoribus orbis. Et certum quidem videtur, ante sæculorum consummationem nullo termino constringendam esse Ecclesiæ Catholice fidicique veræ ditionem, omnesque profusa gentes in hereditatem Christi cessuras. Verum Tertulliani, Hieronymi, Augustini, aliorumque Patrum aeo id nondum contigerat, quamquam ex ipsorum sententia Ecclesia Catholica Mundum repletret, totum Terrarum Orbem incenderet; in toto orbe dividetur; impleret universam Terram; toto Orbe diffusa esset. Maximam totius Orbis portionem ea nomina sonabant, illamque præcipue, in quam aditus erat Judæis, Romanis, & Gracis. Hæc vulgo erat terra nota, hæc Patribus erat totus Terrarum Orbis, Divinæ vero Scripturæ illam vulgi opinionem, & loquendi consuetudinem usurparunt, revera significaturæ eam Terræ partem, quam vulgus noverat; non enim divinum consilium eo etiam pertinebat, ut fideles hinc disserent, alias easque amplissimas Terræ partes haberi ultra cognitum orbem. Id quoque animadvertas, ubi Daniel prædictit, Alexandrum universæ Terræ imperaturum. Lege etiam Cap. II. 5. Act. Apost. Erant, inquit sanctus Lucas, in Hierusalem habitantes Judei, vivi religiosi ex omni natione, que sub celo est.

(* Ita vulgo videntur cogitationes & velle ac nolle in Corde nasci; quum tamen certum sit, tum Mensis, tum Voluntatis sedem veram esse Cerebrum & Caput hominis. Innumeræ sunt loca divinorum Scriptorum ad istam vulgi Opinionem composta.)

Ad hunc eundem morem facit alius Añorum, locus XXVII. 27. *Circa medium noctis suspicabantur nauis apparere sibi aliquam regionem. Græci Codices, non apparere, sed appropinquare habent, quum utantur verbo προσάγειν.* Ubi videamus cum vulgo loqui sanctum Lucam, ipsumque externam speciem oculorum sequutum; nam navigantibus litera moveri, & loca remotiora accedere aut recedere videntur.

Provehimus portu, terreque, urbesque recedunt,

Est versus per quam notus Vergilii 3. En. cui similes bene multos facile attexas. Quum autem Apostolus in I. ad Cor. Cap. I. 21. ait: *Placuit Deo per stultitiam predicationis salvos facte credentes;* cur eo vocabulo prædicationem Veritatis & Evangelii designat, nisi quia sapientibus hujus mundi, & humana rationi stultitia videbatur Christiana Fides atque Doctrina? Idem Apostolus in 2. ad Cor. Cap. IV. 4. *Deum hujus Sæculi Diabolum appellat, non quia talis ille sit, sed quia pro Deo ab Idololatriis habetur, & collitur, & ipse Deum se se venditat, uti innuitur Matth. IV. 9. & Luc. IV. 6. 7.* Ab aliis ejusmodi exemplis abstineo, iis lubentius usurus, quæ ad propositum argumentum prius accedunt.

Nusquam certe manifestius oculorum iudicia, & vulgi opiniones consecutatur divina Scriptura, quam quum de Cælis, corporibusque cœlestibus loquitur. Isaías XIII. 4. 5. *Dominus exercituum, inquit, præcepit militiae belli, venientibus de terra procul, a summitate Cæli.* Hebrei Codices habent: *Venientes de terra procul, ab extremo Cæli: Gentes de longinqua terra, & ab extremitatibus Cælorum venturæ, nihil aliud significant, quam populos ab extremis terræ partibus ac finibus in Babyloniorum imperium ruituros.* Desumpta autem ex opinione populari ea phrasis fuit. Vulgo enim videtur Cælum esse, non sphæricum, sed hemisphericum, & in extremis terræ deficere, atque illic terminari. Eadem phrasis occurrit Deuter. IV. 32. & XXX. 4. & lib. 2. Esdræ I. 9. & Matth. XXIV. 31. Eo pertinet, quod in iisdem

* Ex secundis curis comparatio siusmodi addita nam præcedentes editiones desinunt in hæc verba: que sub celo est.

dōm sacrī Libri Montes appellantur funda-
menta Cēlorū. Ita 2. Reg. XXII. 8. de Deo
canit sanctus Rex David: *Commota est, &*
*contremuit terra: fundamenta montium concus-
sa sunt, & conquassata.* Profundamento mon-
tium legitur in Hebreis Codicibus fundamen-
ta cēlorū contremuerunt כּוֹסְרוֹת הַשְׁמִים מִזְרָחֶם, Mosedoth hasciamaim irgazu. Nimi-
rum, si fidem oculorum, & judicium vulgi
consulamus, Cēlum e longinquo videtur in
montes desinere, eos contingere, ipsique
quasi fundamentis inniti. Columnæ itidem
Cēli appellantur Montes, Job. XXVI. 11.
quia montes tamquam columnæ, ut oculo
apparet, Cēlum innixum sustinere videntur.
Familiaris fuit omnium populorum Poetis haec
eadem dicendi forma; & inde Atlas, Olymp-
us, aliisque montes Cēlum sustinere dicti,
quasi ipsi incumbenter Cēlum. Neque aliun-
de finitoris seu horizontis nomen venit, nisi
quia Cēlum suo hemisphērio contingere il-
lam regionem videtur, quam terminat.

Non minus apertam in eo figurata dictio-
nis genere phrasim invenio Exod. XVI. 21.
Colligebant autem mane singuli (manna),
quantum sufficeret ad vescendum: quum
que incalueret Sol, liquefiebat. Quid est,
quod Sol incalescere dicatur? Num identidem
frigescit, num de suo ardore atque calore
Sol interdum quidquam remittit, ut subin-
de recuperet? Nequaquam profecto. Cum
vulgo loquuntur sacrae Litteræ. Matutino
tempore, quum adhuc nocturnum frigus ae-
rem occupet, Solisque radii nondum suam
vim repetitis istib[us] in oppositum atmosphē-
ra crassiore aërem exercerint, Solis ca-
lor remissus, debilisque omnino videtur. Ip-
sum itaque Planetam sensim incalescere arbitrantur mortales, quo altius ab horizonte
procedit, quasi in ipso, & non potius in aë-
re, seu in hominibus ad Solem expositis cre-
seret aut decreceret calor. Occurrit eadem
phrasim 1. Reg. XI. 9. ac utrobique in He-
braicis Libris adhibetur verbum מִן חָ-
מָמָ, quod proprie significat calore, incal-
escere, & passim accipitur. His adde Isaia-
dicentem Cap. XIII. 10. *Obtenebratum fuisse*
Solem in ortu suo. En res tantummodo appa-
rens in divinis Litteris delineata. Quum
nubibus obducitur Cēlum, aut inter Solem
ac Terram Luna interponitur, Sol ipse ob-
tenebrari videtur: videtur, inquam; oculis
mortaliis; non enim ipsius globum re-
vera tenebraz capiunt, neque ejus lumen deli-
quium patitur. Hinc Ezechiel XXXII. 7.
sensem Isaiae aliter expressit, inquiens: *Solem* *nube tegam.* Quando vero in sacrī Scrip-
turis Stellæ de Cēlo aut casuræ, aut deci-
disse dicuntur, tunc ad ea, quæ apparent,

alludere videntur Prophetæ: quippe non in
Terram cadere plures Stellæ possunt, quum
earum singulæ Terram sua magnitudine su-
perent. Fortassis etiam in Epistola sancti Ju-
dæ Cap. I. 13. quæ ibi Stelle erraticæ appel-
lantur, revera Stellæ non sunt sed meteora,
& aeris inflammations in longum ductæ,
cadentibus Stellæ persimiles, quæ vulgo Stel-
læ creduntur.

Quid? quod in iisdem etiam Scripturarum
locis, quæ pro Solis diurno motu contra
opinionem Astronomorum proferuntur, sa-
cri Autores popularibus locutionibus uti ma-
luere, quam exquisitis, & ad vera Astrono-
miae Physicæ amissim exactis. In Ps.
XVIII. 6. de Dei gloria, quæ in Sole, præ-
sertim appetit, loquens Propheta: *In Sole*,
inquit, *posuit tabernaculum suum.* Et ipse
(hoc est Sol) tamquam sponsus procedens
de thalamo suo, exultavit ut gigas ad cur-
rendam viam. A summo Cēlo egressio ejus.
Et occursus ejus usque ad summum ejus.
Nec est, qui se abscondat a calore ejus. Heic
Sol exoriens comparatur Sponso procedenti
de thalamo suo; quibus verbis ad populi op-
pinionem alluditur, putantis, Solem quiescere
atque dormire, quamdiu a nostro hemisphē-
rio abest, & cum aurora e cubiculo quasi
post somnum egredi, atque interruptum cur-
sum refumers. Sequentia verba parum apte
exponit celebris quidam inter Astronomos,
Almagesti novi Scriptor: ait enim, illuc A-
stronomico mōte initium finemque diei a sum-
mo, & in summo cēli, id est a Meridiani
culmine, ac summa altitudine Solis peti.
Summum Cēli, quod heic memoratur, unde
Sol egreditur, & aliud summum, quo per-
venit, nihil aliud sunt, quam extrema Cēli
partes, quæ supra horizontem nostris oculis
fere offerunt, scilicet Oriens & Occidens.
Supra vidimus, in Isaiae Cap. XIII. a Vul-
gata memorari summitetem Cēli. Itidem a
summo Cēlo usque ad summum ejus, legitur
Deuter. IV. 32. & XXX. 4. ejusdem Libri.
Pro summo Cēli Vulgata legit heic Cērdes
Cēli. Hæc autem omnia idem significant,
videlicet extrema Cēli (quæ etiam vox oc-
currit 2. Esdræ I. 9. apud vulgatum Inter-
pretem), & in Hebraicis ubique exprimuntur
per vocabulum נֶצֶף Katsch, significans
finem, extremum, extremitatem alicuius rei.
Itaque in supra laudatis verbis Psalmi XVIII.
quæ Hebraice ita sonant; *Ab extremo celo-
rum egressio ejus, & revolutio ejus super ex-
trema eorum*, divina Scriptura loquitur secundum opinionem vulgi. Rotunditatem Cēli
minime aspiciens, neque concipiens vul-
gus, duas ipsius extremitates sibi fingit, oculis
etiam hanc opinionem confirmantibus:

alteram nempe, unde Sol oritur, alteram quo se quasi fessum a cursu vespere adveniente recipit. In eadem quoque opinione vulgi suissa traduntur nonnulli e Patribus, Cœlum arbitrati hemisphericum. Reliqua verba, ubi dicitur, *nihil sese abscondere a calore Solis*, hoc est, ejus fervorem omnia contingere, & in omnia penetrare: ad aliquam etiam vulgi opinionem fortasse respiciunt, sed iis immorari nolumus.

Portius asteram, quæ in supra laudato Ecclesiastis loco de Sole narrantur in Hebraicis Codicibus. Ibi enim scriptum est וְאַתָּה צֹבֵחַ וְאַל כִּי־כִּי וְאַל veel me Komo scioeb, hoc est, & ad locum suum anhelus it, seu anhelat. Ubi videmus, Scripturam sacram figurate loqui, non proprie, quasi Sol vivat, moveatur, & ex cursu anhelans ad locum quempiam properet sibi constitutum, tamquam ad metam. Eadem de causa ad illa verba *Oritur Sol & occidit*, Lyranus adnotat: *ut appareat ad sensum*. Celeberrimum autem ad preces Josue factum in Sole prodigium aliqua pariter nobis exhibet, quæ Spiritus sanctus, non qualia revera sunt, sed qualia oculis nostris apparent, in ea narratione usurpavit. Cap. X. 12. Josue, referuntur ejusdem ducis verba: *Sol contra Gabaon ne movearis, & Luna contra vallem Ajalon*. Seu, ut alii vertunt, *super Gabaon, & super vallem Ajalon; seu secundum Hebraeos, in Gabaon, & in valle Ajalon*. Quum Tellus in comparatione Solis sit exigua moles, & Gabaon, ac vallis Ajalon in eodem terreo globo sint minutissimum punctum; quomodo Soli præcipitur, ne moveatur, sive ut fileat (ita Codices Hæbræi), ac stet supra Gabaon, & supra vallem Ajalon? Numquid huic puncto respondere potest* immanis Solis globus, qui ab egregiis Astronomis decies centies millies superare magnitudinem Terræ universæ creditur? Ad vulgare igitur oculorum judicium alludere videtur Josue; nostris enim oculis Sol appetat quam discus duobus palmis dimetiendus, & super exiguum unum Cœli spatium moveari. Infra additur: *Stetit itaque Sol in medio Cœli. At cœlestes orbes, si exacte loqui velimus, carent medio, atque extremitatibus; nam in corpore sphærico, in semita aut linea circulari, quæ extremitas, quod medium revera excogitari potest?* Ergo istud etiam interpretari juvat ad sensum vulgi. Nempe oculis ille medius esse viderur Cœlorum locus, qui ab Oriente atque Occidente æquilater distat. Concluditur tandem narratio his verbis: *Non fuit antea, nec postea, tam longa dies. Ridendum se præberet, qui ad litteram hæc verba accipiens, contenderet,*

nullam in toto terrarum obse longiorē illa diem fuisse. Peragrabus regiones sub utroque Polo sitas exploratum est, Solem diutius lucere, ibique longiores sine comparatione cotingere dies. Verum Scriptura ad intellectum & scientiam Judaici populi sese accommodabat. Rudi illi populo Solis effectus sub regionibus Polaribus ignoti erant: neque porro diuinus Spiritus revelare volebat, ad utilia nimirum intentus, & a pascenda inani hominum curiositate alienus.

Quæ quum ita sint, & tot exemplis jam pateat, non raro Scripturam sacram, & præfertim dum de corporibus cœlestibus agit, humano more, & ex vulgi usu solere loqui: ut etiam sanctus Augustinus Lib. I. Cap. 39. Quæst. super Gen. & ceteri Patres animadverterunt: illud consequitur, neque temere, neque imperite agere, qui loca ejusdem Scripturæ, mobilitatem Solis præ se ferentia, figurate accipiunt, explicantque per Metonymiam; ita ut Scripturæ, non quæ sint, sed quæ apparet, illuc enuntiet, & vera facta referat per impropias vulgi phrases. Et non violentam, neque insolitam, neque absurdam interpretationem illic adhiberi, tot rationes suadent, quot exempla produximus. Quod si per ejusmodi æquam interpretationem error omnis, & mendacii suspicio a sacris Litteris excluditur atque arcetur, divinæqua Historiæ dignitas & fides in tuto posita est: equidem non video, cur iis incertis & commode exponendis documentis urgere velimus Astronomorum opinionem, coque minus, quæ ipsam impietatis arcessere. Non est illa quidem certa, non demonstrativis rationibus probata, & per Tychonicum Systema suppleri forsitan potest; sed verisimilis tantum est, motibusque cœlestibus explicandis, & superfuis compluribus removendis omnium consensu perquam idonea. At ne certissima quidem, neque evidentia esse videntur Scripturarum interpretamenta, quæ aduersus ipsam pugnare dicuntur, ut illorum patentissima veritas nutantem istius verisimilitudinem suo pondere aperte prosterat. Nam quod in hanc rem aliqui ajunt, omnem Jacyræ Scripturæ propositionem accipientam esse in sensu litterali & proprio, quotiescumque in tali sensu non est repugnantia cum aliis propositionibus ejusdem Scripturæ æque, aut magis certis aut cum definitione summi Pontificis, aut cum propositione aliqua naturali lumine certa & evidenti; hoc, inquam, tam latum ac generale axioma nescio quam opportune inculetur. Certe quantum fieri potest, retinere & constari debemus Litteralem proprium Scripturæ sensum. Verum prope innumera ibi sunt de

* Al. ingens Solis &c.

rebus ad salutem non necessariis seu dicta, seu phrasēs, seu verba, quibus neque Fidei, neque Ecclesiæ placita, neque naturalis lumen lux palam repugnat, & tamen in sensu litterali ac proprio a Sanctis Patribus, aliisque Catholicis Interpretibus non accipiuntur. Ut aliter ista explicentur, atque accipiuntur, quam prima facie accipienda videantur, sufficit, ut id probabilior aliqua ac verisimilior ratio suadeat, petita e Liberalibus Disciplinis, e profanis Historiis, e populorum moribus, aliisque etiam minus certis fontibus, & sit non violenta, sed naturalis, atque in alijs similibus locis usitata & probata interpretandi ratio.

Sed, ut clarius loquamus, meminisse debent viri Theologi, Litteralem Scripturæ sensum, quatenus a Mysticō distinguitur, vel proprium esse, vel figuratum. Est autem Augustini, & complurium sententia, interdum plures Litterales sensus uni Scripturæ loco seu testimonio congruere, quam contra alii arbitrentur, unum solum convenire posse. Utrique recte sentire, eorumque opiniones facile conciliari posse videntur. Unicum tantummodo sensum litteralem (non excluso Mysticō) aut propriis aut figuratis verbis expreſsum, in quolibet sacrarum Litterarum testimonio divinus Spiritus revera voluisse concludere censendus est. At quum Scripturæ verba, quoi est ad sensum Litteralem, sint obscura interdum, variisque interpretationibus obnoxia, incertumque non raro sit, utrum proprie an figurate sint accipienda: diversas propterea Litterales Interpretationes ad eundem locum adhibere licet. Harum qualibet, modo contorta non sit ac violenta, modo non aliis Scripturæ, Traditionis, & Rationis luminibus adversetur, convenire, & laudari, ac tolerari potest. Quam si non constet, quæ sit eo loco mens divini Spiritus, neque evidenter appareat unicus ille sensus, quem Deus significare voluit: quid vetat pluribus modis eandem explicare loquutionem, dum id religiose fiat? Loca autem illa Scripturarum, quæ ad Fidei ac Morum doctrinam spectant, uno dumtaxat modo esse explicanda, neque plures pati posse Litterales sensus, dicimus; quia germanum eorum sensum a Deo unice experitum jam Ecclesia ab ipso Deo didicit, & per Traditionem, atque unanimem Patrum consensum ad nos usque transmitit. Quare in iis locis interpretandis ab Ecclesia, a Traditione, a Patribus recede re nescis est. Verum in aliis Scripturæ locis, quibus doctrina salutis minime continetur, ubi seculis non aliunde jam certus sit, immo ubi iste sit obscurus, & diversam Lit-

teralem Interpretationem commode patiatur: locum utique habet Augustini aliorumque sententia, plures videlicet sensus Litterales convenire uni loco posse ac tolerari debere. Heic valent sanioris Critices leges. Quamvis obvius sensus minime tum incurrat in Fidei & Caritatis dogmata, neque rectam Rationem pulset: si tamen non bene consentire deprehendatur cum Experiencie, Physicæ, Geographiæ, Astronomiæ, Historiæ, Logicæ, aliarumque Disciplinarum verisimilibus sententiis, & contra conciliari cum istis non absurdæ, non violenter possit, vel figuram aliquam illic ostendendo, vel prætermissa supplendo, vel obscura explicando: probabiles fiunt, verisimiles arque tolerabiles alii etiam sensus Litterales.

Retinere igitur proprium Litteralem sensum Scripturæ non cogimur, eique licet præferre Figuratum Litteralem, sive quum verisimilis ratio hunc potius quam illum eligendum suadet, simulque in aliis ejusdem generis locis ita explicari Scriptura amat, sive quum hujusmodi explicatio a Patribus non impugnatur, non dissentit ab aliis Scripturæ clarioribus locis, non ab Articulis Fidei, non a recta Ratione. Hoc enim est, non in Allegorias Historicum Litteralem sensum deflectere, sed eum Historicum ac litteralem sensum Scripturis tribuere, qui rei, & narrationi, & consuetudini Prophetarum aptius conveniat. Unicum exemplum dabo. De Hierosolyma excidio hæc prædicebat divinus Magister, Luca XIX.44. Et non relinquent in te lapidem super lapidem. Uti nem non intelligit, obvius Litteralis, ac proprius horum verborum sensus est, ita minutatim Urbis illius moenia, ac domos disicienda ac subvertenda fore, ut unus lapis relinquendus non sit cum altero coagmentatus. Nihil prohibet, quin ita revera evenisse dicamus in celebri expeditione & victoria Titi. Adversus alia Scripturæ loca, adversus Traditionem Patrum, aut Romanorum Pontificum, Conciliorum decreta non pugnat hic sensus. Neque naturali lumini adversatur; poterat enim Romani id nullo negotio præstare, si animus fuisset, Historia etiam & Patres ita vastatam Hierosolymam ajunt, & solo æquatam, ut ne ullum quidem signum habitata Urbis relictum fuerit. Præixerat etiam Christus nullum Hierosolymitani Templi lapidem super lapidem relinquent, qui non destruatur, Matth. XXIV. 2. & Marci XIII. 2. Plene Prophetiam hanc impletam fuisse, Historia fidem facit. Ingentes immensæ illius molis lapides vix ex exercitus omnino contrivit, atque dissolvit, ferrum ac plumbum, quo connexi fuerant,

rapturus. Et ne vestigia quidem celeberrimi Templi reliqua fuere; ipsius enim fundamen-ta (* quamquam id minime veri videatur simile) Turnus Rufus ararro evertit, adeo ut nihil integrum remanserit, nullusque la-pis lapidi impositus. Parem igitur eversio-nem toti quoque Civitati contigisse, non so-lum non abhorret a vero, sed veri omnino simile videtur; & si audire velimus legem a quibusdam, ut supra diximus, nobis præ-scriptam, necesse erit id sine dubitatione cre-dere factum.

* Ex alia tamen parte vix credi potest, tantum otii fuisse Romanis, ut tam minute amplissimam Urbem, ejusque omnia funda-menta consinderent. Ad hæc Auctor Josephus est Lib. 7. Cap. 18. de Bell. Jud. a va-stitate Urbis immunes fuisse Turres, qua-præter alias eminebant, partemque muri ad Occidentem non fuisse dejectam. Quocirca, relicto obvio proprio sensu, alter sensus æque Litteralis & Historicus, sed priore veri-similior, tribui potest iis Servatoris nostri verbis. Is. nempe vulgarem consuetudinem loquendi imitatus, nullum lapidem super la-pidem relinquentem hyperbolice prædixit, quo significaret, Urbem funditus diruendam, ejusque eversionem ingentem, insuetam, & horrendam supra modum esse futuram: quam sene prædictionem nemo dubitat quin plene eventus complebit. Igitur videndum est, qua-re non & Astronomis licet diversum ab ob-vio sensum quibusdam Scripturæ locis tribue-re, quum præcipue similis Interpretatio in aliis Scripturæ locis similius non solum non vituperetur, sed etiam laudetur; & verisimi-liores rationes, ut vulgo Astronomi sententur, Copernicanæ, quam vulgari sententiaz, fa-veant; & haec rationes verisimiliores præse-rendam etiam, aut saltem ferendam esse sua-deant adhibitam ab ipsis Interpretationem Scripturæ. Hoc, inquam, videndum; quum ceteroqui pateat, Litteralem sensum in iis Scripturæ locis intactum custodiri, & æque per eam explicationem statui Miraculum, quod Josue contigit. Sed quomodo cumque-randem ista quæstio versetur, illud certum est, in his ad doctrinam Fidei nequaquam spectantibus rebus, nihil aliud Ecclesiam ab Interprete exigere, nisi ut a facris Scripturis omnis suspicio falsitatis ac erroris avertatur, idque præstetur per commodes ac verisimiles Interpretationes; & verisimilior Interpretatio minus verisimili anteponatur, quamquam ne ipsæ quidem minus verisimiles idcirco sint repudiandæ. Hæc autem omnia præstitisse Co-pernicanæ sibi videntur. Quod an vere con-

tigerit, prudentum eruditorum erit judica-re, donec Ecclesia hanc rite controversiam decernat, si tamen id facere, aut utile sit, aut necessarium sanctissimæ Religioni.

Neque est, cur aliquis dicat: Diurnus Tel-luris motus minime demonstrative ostenditur verus. Ergo rejiciendus. Ergo vetus & com-munis sententia de Solis motu retinenda. Nam non ideo omnes Scripturæ Interpretationes rejiciendæ, quia demonstratione caret ratio ita interpretandi. Alioqui de commen-tariis sanctorum Patrum, aliorumque Inter-preatum actum esset, eamdem interdum sen-tentiam varie atque opposite in hujusmodi locis exponentium. Deinde prudenter qui-dem, & religiose Ptolomæi, seu Tychonis sen-tentia retineatur, sed ita ut ad Fidem per-tinere nondum dicatur, neque Hæresis postu-let contraria sententia. Copernicani enim Systematis rationes, et si nequaquam demon-strativæ sint, ea tamen sunt, quæ dubium faciunt Scripturæ sensum in locis supra lau-datis, ipsumque verisimili ac probabili In-terpretatione a se non dissentire ostendunt. Quid si aliquando hæc demonstratio a soler-tibus Astronomis & Philosophis advenire-tur? Nonne tum certum foret, Interpretationem propositam non solum tolerabilem & æquam, sed etiam necessariam esse? At quis non videat, periculosissimum, atque a Religionis Ecclesiæque institutione alienum esse, velle id nunc pertinere ad Fidem, quod cras pertinere non possit? Fides atque stabilitas credendorum in Ecclesia Christi, absit ut ab humanis experimentis pendeat. Alibi autem vidimus, Concilia ipsa Genera-lia ex Augustini sententia certissime defini-re non posse, quæ e novis experimentis ali-ter se habere deprehendi possant. At in-quias: nulla umquam Opinionis Copernica-næ demonstratio invenietur. Consentiam si vis, & ego; verum præ difficultate rei semper fortasse desiderabitur hujusmodi demon-stratio, non quod aperta Revelatio di-vina jam ipsæ omnem illius invenienda su-stulerit. Ne Ptolomaici quidem, aut Tycho-nici Systematis demonstratio hucusque inven-ta; immo hæc majoribus quam Copernica-num difficultatibus laborare videntur. Int-erim ergo prudentis est suspendere judicium, neque tam acriter urgere divinas Litteras, ut oppositam sententiam hæresis & impie-tatis insimules. Id enim est contra Ecclesiæ ipsius mentem, cujus in hisce quæstionibus moderationem omnia monumenta antiquita-tis testantur, & nos dilucidius exposituri su-mus.

O. 2. C. A.

^{**} Hæc parenthesis recens addita.

C A P U T XXIII.

Traditio, O Evidentia exiguntur, ut in his ad salutem minime spectantibus documentis statuatur, aliquid certo esse credendum. Concilii Tridentini laudandum de ratione interpretandi praeceptum. Evidentia in his non raro desiderata. Quid de Antipodum existentia olim creditum, O quam prudenter ab ea quæstione dirimenda abstinuerit Ecclesia. Scripturæ non detorquendæ ad profanorum dogmatum tutelam. Petavii O Sandi Thomæ sententia de stylo Mosis.

Uti satis significasse mihi videor, ab Ecclesiæ foro atque censura eximere se, non possunt quæstiones opinionesque eruditorum hominum hac una de causa, quod nihil in Fidei & Caritatis doctrinam directe & suapte natura influant, five uno, five altero potius modo definiantur, quotiescumque per eas Christianæ Doctrinæ divinitus certa pars aliqua lœditur, aut per latus confoditur, & erroris five mendacii suspicione, nedom nota patenti, aspergitur divina Scriptura: tunc enim in eas gladium aquissimum & sanctissime arripit Ecclesia, easque prosternit, atque e fidelium scholis & cordibus eliminat. Duplici autem modo suum hoc jus Ecclesia exercere potest, aut ipsas opiniones revera dammando, tamquam Fidei & sacrarum Litterarum doctrinæ contrarias, aut solum vetando, ne publice tradantur, neve per Libros disseminentur in vulgus, prudentissime prospiciens incautis, ignaris, & novitatum amatoribus, quorum saluti æternæ aut jam cœpit, aut in posterum potest nocere ejusmodi quæstionum atque opinionum agitatio. Verum ista medicina raro, illa etiam rarius Ecclesia utitur, & neutra fane, nisi præcesserit accuratissima causa rerumque cognitio. Et primo sententias quasdam ad salutis fideique eruditionem per se non pertinentes damnatura, rem tantam peragere se non posse, neque debere, proba intelligit, nisi explorata Traditio, & Evidentia rei prius moneant, ejusmodi sententias sacrarum Litterarum, Fideique firmissimis documentis opponi. Nam si in judicandis rebus Fidei, quæ proprie sui sunt juris, & quas Theologorum est scire, hæc eadem fundamenta exiguntur in Ecclesiasticis Præsulibus: quanto magis eadem exigenda sunt, quum de aliis rebus judicandum est, quas ad Religionem non tam proprie pertinere diximus, immo nos ignorare sine crimine possumus? Sæpe autem Traditio desideretur, sæpe etiam Evidentia. Nam raro contingit, ut

de inanibus sacerulariis eruditionis quæstionibus Traditio vera attribui possit Ecclesiæ Dei. Hujusmodi quæstiones vel tamquam inutiles neglexerunt, vel tamquam perniciose, humanæque curiositatis nutritias fugerunt sancti Patres. Quod si eas retractarunt, aut obiter, aut etiam ex professo, nihilominus tanti eorum dicta valere noluit Ecclesia, ut ipsorum auctoritati fasces necessario submitterent omnia posteriorum ingenia, & legitima inde Traditionis Ecclesiastica forma petenda foret. Hanc Patribus venerationem profecto debemus, quum de Christi, & Ecclesiæ, & morum doctrina loquuntur, eamque doctrinam in sacris Litteris unanimi consensu exponunt. In reliquis profanæ Litteraturæ partibus, immo in ipsis Scripturis interpretandis, ubicumque non agitur de salutari illa Fidei & Caritatis doctrina, numquam ita premimur auctoritate, aut sanctitate, aut eruditione Majorum, ut si quid melius, verius, aut saltē verisimilius ac probabilius nobis occurrat, proferre, atque etiam adoptare non liceat, dum Scripturæ sanctæ veritas, dignitasque ubique intacta servetur. Hac libertate hucusque sunt usi, atque adhuc utuntur recentiores Scripturarum Interpretes, omnesque eruditæ Catholicae communionis, quoties in id genus controversias incident, neque religioni sibi ducent dissentire a Patribus in iis quæ quocumque modo explicitur, ac dirimantur, nullam divinis Litteris, nullam Fidei doctrinæ, nullam Ecclesiæ sanctæ injuriam inferunt, & veritatem quam proxime possunt accurate consecrantur. Eiset igitur inquirendum, num venerandum Traditionis nomen recte ac legitime in Copernicanam aliasque ejusmodi causas a nonnullis profertur: scilicet num sancti Patres Telluris motum revera damnarint, sacrisque Litteris contrarium appellarent, quum certe non a Copernico originem duxerit ea opinio, sed quibusdam ex antiquis Philosophis,

sophis, ut diximus, in mentem venerit, & litteris manda, fortasse ab ipsis Patribus ignorata non fuerit.

Interim nobis plene commemorandum est, & summe commendandum Tridentini Concilii decretum Sess. IV. evulgatum, quo nihil in hanc rem opportunitus reperias. Ad coecenda petulantia ingenia decernit sancta Synodus, ut nemo sue prudentie innixus, in rebus Fidei & morum ad edificationem Doctrinæ Christianæ pertinentium, sacram Scripturam ad suos sensus contorquens, contra eum sensum, quem tenet sancta Mater Ecclesia, aut etiam contra unanimem consensum Patrum, ipsam Scripturam sacram interpretari audeat. Mirari tamen, neque injuria, licet, qui hanc regulam sapientissime conceptum intorquere nonnulli velint adversus Copernicani Systematis patronos, quasi in omnibus quæstionibus unanimem Sanctorum Patrum consensum necessario sequendum Ecclesia prouuntet. Non inquiet sancta Synodus, paculum esse a Patribus discedere in Quæstionibus Historicis, Philosophicis, Mathematicis, Physicis, Astronomicis, Geographicis, aliisque hujusmodi rebus, quibus sacra Literæ materiam vastam suppeditant. Conceptis verbis petit illa, ut sensum Ecclesiæ, ac eosdem Patres humiliter audiamus, fideliter sectemur, quum agitur de rebus Fidei & morum ad edificationem Doctrinæ Christianæ pertinentium. Quibus sane verbis non tam aperte coerct petulantiam Ingeniorum temeritatem in pertractandis rebus utilibus, sive necessariis ad Fidem, ac mores, quam tacite monet quorum dam aliorum exuberantem zelum, ne sententiam & auctoritatem Patrum importune objiciant, & necessario præferendam putent in reliquis etiam aut minime necessariis, aut inutilibus quæstionibus, & in exponentibus iis Scriptura locis, quæ ad Fidem, & mores, atque edificationem Doctrinæ Christianæ non pertinent. Si & hoc poscere Tridentinis Patribus animus fuisset, nihil erat, quod sua verba ad salutares tantummodo quæstiones e Scripturis emanantes spectare affirmarent; & faltem aliis dicendi formulis latius patere mentem suam indicassent. Sed iis perspectum erat, frustra ad Fidem trahi de his rebus scitu non necessariis, immo ad æternam vitam inutilibus quælumcumque sententiam.

Itaque sapientissime in eam illi ivere sententiam, quæ & unitati Fidei consulit, & Ingeniorum libertatem non minuit, optime intelligentes, quando Scripturæ veracitas, Fideique vera doctrina sine vi collocentur in tuto, non esse litem intendendam diversis. Interpretum sententij de rebus ad Fi-

dem, & Mores, & Christianæ Doctrinæ edificationem nequaquam pertinentibus. Præ oculis autem Tridentinorum Patrum, ut arbitror, tunc erant Apostoli verba in Ep. 2. ad Tim. III. 16, *Omnis Scriptura divinitus inspirata utilis est ad docendum, ad arguendum, ad corripiendum, ad erudiendum in iustitia, ut perfectus sit homo Dei, ad omne opus bonum instruclus.* Ad quid utilis sit divina Scriptura, en quam aperte Apostolus significat. Nimirum Justitiam tradere illius est scopus, quo nomine Virtutes omnes complecti Scriptura solet, & ad Caritatem, & ad omne opus bonum Fideles incitare atque instruere. Non, inquit, ad Mathematicas, Astronomicas, Phyicas, atque alias id genus controversias dirimendas, doctrinasque sæculares explicandas, non ad erudiendum in Historia naturali: quæ verba nescio, quibus Codicibus fretus Almagesti novi architectus Apostolo affingit, ut Copernicanis invidiam creet. Ita quoque (non inficiamus) innuuntur, & obiter memorantur sacris in Litteris; sed ut eadem aliquo pacto & pro conditione sua nos ad Fidem, Pietatem, & Caritatem erudiant, & a nobis in eum finem considerentur, non ut reapse disputationibus nostris, & nostræ curiositati finem faciant. In hanc rem præcipue consulendus sanctus Augustinus Lib. I. Cap. 35. & 36. de Doctrin. Christ. ubi Scripturæ totius summam & scopum statuit in commendanda nobis Dilectione Dei, & Proxi.

Ceterum ex his etiam intelligere possumus, Evidentiam non raro deesse, necessarium prorsus, ut ab ipsis Ecclesiasticis Judicibus certa feratur de his quæstionibus ad salutem non pertinentibus sententia. Partim id contingere ex rerum difficultate, atque obscuritate, partim ex ambiguo Scripturarum sensu potest. Aut turgidus, nimiusque fui estimator, aut cæcus aliorum venerator sit necesse est, qui tot Aristotelis, Epicuri, Cartesii, Galeni sententias, in Physicis potissimum, sine ullo discrimine certas esse contendat. Pleræque (ut noverunt, & diffimulare nequeunt sinceri Philosophi) intra unius verisimilitudinis pomoeria continentur. Quo quæque deprehenditur, aut appareat verisimilior, eo dignior fit plausu & consensu eruditorum. Hinc tot sonoræ lites, & verborum rationumque pugnæ, non prius modum finemque habituræ, quam in terris habitate & litteras colere definit mortalium genus. Has autem, ut ita dicam, ingenitas rerum tenebras ne ipse quidem divinus Spiritus in Libris suis discutere voluisse putandus est. Immq; ipse testatur, se in hujusmo-

di

di rebus tradidisse Mundum disputationi hominum, seque Deum esse docentem utilia, & tradentem unam scientiam revera lucidam, & facilem, qualis (postquam loquutus est ipse, & postquam quid ipse locutus sit, ab Ecclesia Catholica illius Interpretate edocit sumus) est Fidei Catholicae, & Caritatis doctrina, non autem Physicæ, Astronomiæ, & horum similium. Id autem in sacris Codicibus evidenter traditum non dicitur, quod plures commodas, & germanas patitur interpretationes, e quibus nulla certissimis aliis Traditionis, & Rationis, & Scripturæ documentis opponitur. Multoque minus ille Scripturæ sensus evidens appellandus, cui verisimiliores rationes, & experimenta sive facta, sive peracta non impossibilia, diversum alium sensum, immo oppositum, esse præferendum monent, in iis nempe rebus, quarum, uti ex generali regula statutum est, certam nobis cognitionem Deus relinquere voluisse nequam videtur, & quas contineri Traditione Patrum difficile demonstretur, & quæ nihil Religionis intersit, quod uno potius quam altero modo ab hominibus credantur.

En ergo causa, cur ab hisce questionibus dirimendis Ecclesia Catholica, & Patres, & Romani Pontifices plerumque abstinent. Tum solum in hoc etiam stadio currunt, suaque non fallaci auctoritate utuntur, quum necessitas cogit. Tum vero cogit necessitas, quum evidenter adeo de hujusmodi quoque indifferentibus rebus Scriptura loquitur, ut unum tantummodo sensum ejus verba admittant, & reliqui sensus, reliqua interpretationes ab usu Scripturæ ipsius, aut ab aliis manifestissimis ejusdem locis, aut a Fide, Traditione, Ratione recta aperte abhorrent. Sublati hujusmodi periculis, & incommodis, & Scriptura sanctæ veracitate ac dignitate servata, placide has controversias Ecclesia intuetur, ac tolerat, aut certe eorum decisionem suspendit. Et cur in hisce minutis, & suapte natura non utilibus, neque necessariis, questionibus dicimendis sese Ecclesia occupet, quæ tot alias controversias inter Theologos & sacrarum Litterarum Interpretes regnare finit, ipsasque dijudicare supersedet? Majoris momenti sunt istæ, quam illæ, & proprius sine dubio ad Christianam Doctrinam accidunt, immo de ipsa Christi doctrina, de Fide, ac Moribus plerumque agunt. Pro istis etiam, & contra istas, afferuntur divina Scripturæ verba, quibus unusquisque sensum tribuit verisimilem, interpretatione præposita, quæ suis cum opinionibus conveniat. Attamen Ecclesia sustinet pacifice tantam questionum segetem, & interpretationum va-

rietatem, & nisi absurdâ tradantur, & contraria receptis Dogmatibus, a judicando temperat. Ipsis etiam disceptatoribus sese invicem Hæresis & impietatis postulantibus, sapientissime mandat interdum, ut his contumeliis parcant, neque sibi judicium usurpent Apostolicæ Sedi, & Conciliis reservatum. Ergo multo cautijs & prudentius Romani Pontifices, & Concilia, aut despiciunt, aut ferunt ista de rebus indifferenteribus, & a Scripturæ scopo alienis, litigia, dum sine Scripturæ ipsius injurya ac dedecore exerceantur.

Non solum autem a judicio, quantum fieri potest, in his Ecclesia abstinet, sed ægrotum nonnumquam fert animo, sacras Litteras in patrocinium Physicarum, aliarumque ejusmodi sententiarum, ita advocari, ut quisquis secus senserit, statim venditetur violata Fidei reus. Neque solum sinit, ut armis divinis Libris petita per verisimilem aliquam explicationem declinentur; sed ne impedit quidem, quominus apertas his de rebus sententias Patrum deferamus, ubi verisimiliora argumenta, robustiores rationes, multoque magis experimenta manifesta pro aliis, insque contrariis sententiis pugnant. Vulgata est veterum quorumdam opinio, quæ Antipodas ab Orbe terrarum excludebat, eamque heic memorasse non abs. re erit. Post aliquot profanos Autores, ita sensisse videntur Laclantius, Augustinus, Isidorus Hispalensis, Nazianzeno ea quoque sententia placuisse fertur, neque ab ea absuiscendi Chrysostomus, Procopius, Diodorus Tarsensis, Acacius, Theodoreetus, Theophylactus, Severianus, Euthymius, Joannes Damascenus, & alii, quibus Cælum non Sphaericum, sed Hemisphaericum putabatur. Utramque istorum opinionem, ne dicam puerilem, certe absurdam, uti nunc omnes farentur, Astronomicæ, Physicæ, & Mathematicæ rationes dejicere olim poterant, & demum Experientia profigavit. Antequam tamen Columbus felici ausu ignotum orbem pervium nobis fecisset, siogere nobis liceat, Antipodas a quoquam assertos fuisse, & hujus opinionem sibi exagitandam delicatus quosdam suscipere voluisse. Philosophia simul, & Experientia nonnullas verisimiles rationes sufficerint, quibus Antipodes negandi, Tellus non rotunda, Cælum vero hemisphaericum esse probarentur. Tum auctoritas Scriptorum, ac præcipue Patrum in aciem educta fuisse. Demum divina Scriptura prolium absolvere poterat. Ut supra vidimus, Celi ac Terræ extremitates illuc memorantur; totus terrarum Orbis sub Augusto descriptus, ab Apostolis aliquique Discipulis Christi peragratus, & per omnes gen-

gentes atque per universum terrarum Orbem Ecclesia jam diffusa temporibus Patrum occurrerant. Ergo nulli Antipodes statuendi erant, quos populi & Patres tunc ignorabant, immo negabant.

Quid heic sciscient, qui Scripturam sacram de his etiam indifferentibus rebus loquentem in sensu Litterali proprio, neque figurato, ubique & semper accipiendam esse contendunt, quoties hic sensus non repugnat cum aliis Scriptura locis, *aque*, aut magis ceytis, aut cum Ecclesie definitionibus, aut cum propositione aliqua naturali lumine certa & evidenti? Non erant Scripturæ loca, quibus adverfaretur opinio, Antipodas Terræque rotunditatem negans. Immo Severianus Isaïæ verbis XL. 2. secundum versionem Septuaginta opinionem suam tuebatur; ibi quippe legitur: *Qui statuit Cœlum tamquam fornacem, xupūpav.* Chrysostomus proferebat Epistolam ad Heb. VIII. 2. Procopius illis verbis Psal. 18. utebatur, *a summo Cœlo egrofso ejus.* Ad hæc erat dogma, quocum conciliari non posse contraria sententia putabatur. Nullus hominum non ab Adamo propaginem ducit. Si homines excoxitabantur immenso interjecti Oceani spatio a nobis distiti, nulla ad eas terras navigatione cognita, & ne possibili quidem, ut olim arbitrabantur: ægre persuaderi, & credi, & sustineri posse videbatur certa de unius hominis propagatione sententia. Neque cum ulla Ecclesie definitione propius ille Scripturæ sensus pugnabat. Immo proferrî contra poterant verba Zacharie Romani Pontificis ex Epist. 10. ad Bonifacium Moguntinum. Virgilium quemdam affirmantem, quod alius Mundus & alii homines sub terra sint, damnat ibi Pontifex, & Sacerdotii honore privandum ait, *ejusque doctrinam perversam, pugnantemque contra Dominum & animam suam, aperte vocat.* Num denique in proprio sensu ea Scripturæ verba accipientibus aliqua naturali lumine certa & evidens propositio opponi poterat? Immo qui Antipodas statuebant, naturali lumini renuntiare credebantur. Nam quei ex cogitare gentem, quæ adversa nobis vestigia figat, neque in Cœlum irruat? Id monstri simile videbatur; id eruditæ ipsi, nedum rude vulgus, concoquere minime poterant.

Tam parum, inquam, apparebat a recta ratione abscon Antipodum negatio, ut illam cum Philosophi, tum Historici, & eruditorum fere omnium chorus sine comparatione magis, quam alteram opinionem, contentaneam rationi, & experientiæ censerent. Si istos ergo homines auscultasset Ecclesia, certe concilatum fuisset in Antipodas, in Cœli Terræque rotunditatem. Et quid si eam sententiam Ecclesia tulisset, quam falsam & irridendam experimenta subinde monstrassent? Quantum quidem arbitror, eo tandem confugere necesse erat, ut diceretur, nihil mirum, quod in illo iudicio Ecclesia defecisset, quæ se quæstionibus immiscere voluerit, ad salutis scientiam minime pertinentibus. Id autem nihil officere promissæ ipsi ab erroribus immunitat, quæ Dogmata dumtaxat respicit, hoc est Fidei & Morum salutarem doctrinam. Nos nequaquam negare, quin falli & ipsa possit in factis & rebus a Fidei & Caritatis scientia alienis.

Verum & a nostræ defensionis necessitate, & ab errandi periculo solicite sibi cavit Ecclesia. Numquam ipsa damnavit Antipodum vindices; numquam iis Scripturas sacras opposuit; numquam ut opponerentur amavit. Neque vero arbitror, Zachariam Pontificem in Virgilium ideo tantum anathema dixisse, quod is Antipodas poneret. Adiaphoram hanc opinionem inficiebat ille erroribus aliis. Nam & Sollem alium a nostro, aliamque Lunam incolis iis tribuebat, & pejora fortasse delirabat. Ceterum quo revera collinearet Virgilii opinio, & Zachariæ censura, vix dicas. Totum illud negotium multa caligine obvolutum est, sicuri eruditæ viri negare non possunt.* Ab hujusmodi autem censura non alia profecto ratione Ecclesia abstinuit, quam quod videret commodam probabilemve Interpretationem divinae Scripturæ ab iis etiam adhiberi, quibus Antipodes, & Cœli ac Telluris rotunditas affirmabantur. Quando cœlestibus Libris & Fidei Morumque doctrinæ consultum erat, quid Ecclesia intererat, quod hanc unus, illam alter opinionem, quamquam insulsam, sectaretur? quæ auferendæ litis necessitas? Non jam amplius de tuenda Scriptura agebatur, sed de Astronomicis, sive

Phy-

* Praestat heic observare, Zachariæ Summo Pontifici maculam ignorantiae nuper ab homine heterodoxo fuisse imperite, ne dicam malitiose inustam. Is est nimurum Johannes Alfonius Turrettinus, qui in suo *Historie Ecclesiastica Compendio*, paucis ab hinc annis Genevæ edito, anno scilicet 1734. hac de re verba faciens pag. 80. ita ore invido ignorantie effutti: *Ignorantia hujus evi hec e multis specimeniis junto . . . quod Vergilius quidam, Presbyter Germanus, ob creditos Antipodas damnatus fuerit.* Verum ad hanc diluendam calumniam satis est in medium proferre Zachariæ verba ex ejus Epistola x. ad S. Bonifacium Archiepiscopum Moguntinum, descripta ex Tomo VIII. Conciliorum editionis Veneto-Lubbeana pag. 256. quæ sic se habent: *De persæfa autem doctrina quam contra Dominum & animam suam locutus est (Vergilius), quod scilicet alius mundus & alii homines sub terra sint, aliisque Sol & Luna; si convictus fuerit ita confiteri, donec accito Concilio, ab Ecclesia pelle Sacerdotii honore privatum.* Ad quem locum hanc notam margini adlevit magnus Baronius ad

au.

Physicis rebus ac dissidiis, quæ ad Ecclesiam non pertinent. Quare auctoīas Scripturæ, nisi quum evidētia loca sese offerebant, nemini contorquenda erat in suæ causæ p̄f̄dium, ne risu exponeretur, si falsa tandem deprehenderetur opinio, quam ipsa Litteræ sacrae ante tueri videbantur. Origenes tutatus sententiam Platonis, Aristotelis, Ciceronis, aliorumque Philosophorum de Anima Cælorum, Solis, Lunæ, ac Siderum omnium, Ecclesiæ fulmina in se pertraxit, tum quod aliis commentis onerasset hanc ipsam opinionem, tum quod e Scripturæ verbis in litterali sensu acceptis sibi patrocinium querebat. Contra laudandus Theologorum Scholasticorum princeps Thomas non tam divino ingenio, quam prudentia & modestia ubique spectabilis. Is Opusculo X. seu XXXI. Art. 16. quærens, an Angelus circulari motu movere Tellurem possit, ait, ordini certe rerum id minime repugnare, sed tamen sibi videri, quod naturaliter terra quiescat. Id autem probaturus, non Scripturarum loca, non Patrum verba promit, sed Lectores ad unius Aristotelis argumenta dimittit.

Proinde erit hominis parum acuti, ac verum Scripturæ institutum, & Ecclesia mentem minime assequiti, incerta inculcare saecularum Litterarum verba, quo certam esse persuadeat Philosophicam aliquam opinionem suam, aut falsitatis ac hæresis contrariam convincat. Incerta autem, sive non evidētia esse diximus Scripturæ loca de indifferenteribus hisce rebus, quum plures loco eidem convenire posunt verisimiles Interpretationes, eaque Literales. Quæ duo tela ex elephanti ore prominent, & deorsum retorquentur, idemque sunt ac ebur, dentes appellantur ex omnium fere Scriptorum, ipsis usque vulgi sententia. Sunt qui contendant, cornua potius esse appellanda, quam dentes. Varro de Lingua Latina de his agens: *Quos dentes, ait, multi dicunt, cornua sunt.* Ex temporibus enim enascuntur, & ex superiori mandibula per os resupinata sese efferrant, & decimo quoque anno ea elephanti abiiciunt & defodiunt, sicut cervi quotannis, & quoties amiserint, reponunt. Præter Varronem, Ju-

ba, Plinius, Ælianus, Oppianus, Pausianias ita sensere. Experientia quoque testis adducitur, quum ebur igne emolliatur ad quilibet recipiendas formas, quod dentibus animalium non contingit. Et hæc quidem mihi videtur quæstio de nomine. Attamen argutulus quisquam accedit, & in postremam hanc opinionem exerat arma e Literis sacris. Ibi dentes elephontorum commemorantur 3. Reg. X. 22. & dentes eburnei Ezech. XXVII. 15. Alibi etiam in Hebreis Codicibus ebur γνῶσαι, hoc est dens, appellatur. Nunc ergo rem definitam clamet ille sciolus, & pertinaciter amantem appellare cornua potius quam dentes, tamquam erroris & impietatis reum, ad Ecclesiæ tribunal deferat. Iste profecto delirabit; risum vix sustinebunt gravissimi Ecclesiæ proceres. Quum toties a vulgo loquendi formas divina Scriptura mutuetur, & ad populi opinionem sese accommodet: cur non idem hec quoque contigerit? Incerta igitur sunt ista loca, & ad hujusmodi litem inepta; certumque potius est, hominem istum, si quis est, sacræ Litteris abuti, easque invitas in disputationem Philosophicam trahi.

Illi eadem nomina convenient, qui Lucem esse Ignem, & Lucem proprie calefacere contendunt, Græca verba Marci XIV. 54. proferret, ubi Petrus dicitur οὐ πούντειος τὸ φῶς, & calefaciebat se ad lumen, sive ad lucem. At nihil necesse est, proprium Litteralem ac obvium sensum hujus loci retinere. Vulgarem dicendi consuetudinem sequutus est Evangelista. Usurpabatur autem vulgo φῶς, seu lux pro igne, quod nempe Ignis cum calore lucem præbeat. Ita Euripides in Rheo: οὐπω πρὸν ἡλίῳ τὸ λέιον οὐτοῦδε φῶς; Nondum antea hostes succenderunt tantam lucem, hoc est tantum Ignem. Neque minus inepie in Peripateticos velitaretur, qui Ignem ipsum inter elementa computari non ferret, perinde quasi ipsum ab elementis Sanctus Petrus excludat, dum ait Epist. 2. Cap. III. 12. Et elementa ignis ardore tabescunt. Idem plausus iis deberetur, qui adversus Cartesianam Scholam Qualitates rerum sensibiles non in corporibus, sed in hominum sensibus locantem, ea Scri-

ptu-

an. 748. n. xi. *Dubitasse de Antipodis non est hæresis: Sed plures statuisse mundos, divine repugnat Scripturæ, ac proinde hæresis esse convincitur.* En cur Virgilii damnatus fuerit; non ob creditos Antipodas, ut homo Calvinista calumniote contendit: sed quod alium mundum, alium Solem aliamque Lunam formiabat.

Heic autem de persona Virgilii observare non erit fortasse otiosum, eruditissimos viros existimasse illum eundem esse cum Virgilio, qui postea Episcopus Salzburgensis fuit consecratus, & exinde solemnibus ritibus inter Sanctos a Gregorio IX. relatus. Ita Ecclesiasticorum Annalium parentes ad an. 748. n. II. altique permitti eum fecuti. At Pagius ad an. 746. n. VII. & ad an. 748. n. II. hunc Virgilium ab Episcopo Salzburgensi esse distinguendum autem. Verum rationes ab eo allatae mihi videntur tantum ponderis non habere, ut Baronianam sententiam destruant; quam quidem sequi malim, eo vel maxime quod videam illam nuperime probari a doctissimis Monachis Mauro-Benedictinis in *Histoire Litteraire de la France*, Tom. IV. pag. 19. & 26. in nota: nec illam in discrimen vocari a Christiano Schottgenio in Fabriciana Bibliotheca Latina med. & inf. Latin. vol. VI. pag. 838.

pturæ loca adferret, quibus corpus aliquod amarum, dulce, candidum, nigrum, frigidum, calidum appellatur. Quod si valere, & commendari debet talis divinæ Scripturæ abusus, argutari etiam posset Copernicanus quispiam, verba assertens Lib. i. Reg. Cap. II. §. ut apud Latinum Interpretem habentur: Domini enim sunt cardines terræ, & posuit super eos orbem. Commemorantur etiam Prov. VIII. 26. cardines orbis terræ. At cardines, quos πέριοι Græci appellant, sunt nomen relativum, & rem versatilim ac mobilem, sibi impositam, simul significant. Quandoquidem ergo in sensu obvio, proprio, ac litterali omnia Scripturæ verba non repugnantia Fidei ac Rationi accipienda sunt, ut a quibusdam contenditur aduersus Copernicum: Tellus versatilis, ac mobilis ex origine sua dicenda esset. Verum facessant ista ludibria. Non illa est Scripturarum indoles, ut secrera Physices atque Astronomiae aperire mortalibus velint. Sancti Prophetæ atque Apostoli ad sublimiora intenti, & ad captum usumque vulgi sese componentes, familiares usurpabant loquendi formulas. Hoc toties inculcavimus; sed heic adjungere juvat Cl. V. Dionysii Petavii verba, cuiusque sit inter eruditos auctoritas, ii tantum ignorant, qui nullas, pene dixi, novare disciplinas. In Præfat. ad Libros de Opificio sex Dier. antequam aggrediatur explicandam rerum Creationem, sibi duplēm cautionem ac regulam ille præscribit. Altera est, inquit verum olim re ipsa vereque generum Historiam in Mosis enarratione contineri; non Allegoriis adumbratos & involutos nescio quos sensus spiritualium verum corporeum que carentium. Altera in illis ipsis naturalibus & corporeis exponendis verbis Moysen rudos bebetisque populi ad captum & ingenium temperasse stylum. Infra idem repetit. Hec mea perpetuo sententia fuit, omnia ferre, quæ heic Moys attigit, popularem ad usum esse loquendi intelligendique demissa. Libro autem i. Cap. 10. quedam istius consuetudinis exempla afferunt. Scriptura hoc ipsum, quod Cælum & Firmamentum vocatur, aerem esse non raro significat. Velut quum ait Psal. 146. Qui operis cælum nubibus. Et Matth. 16. Triste & rubicundum cælum. Sunt &

ista vulgata, volucres cæli, & alia similia. Etenim Moys, quod jam monui, & non semel dicere est opus, communibus & populibus cum verbis tum verborum notionibus est usus. Vulgo autem cælum ita sumitur. Quare plebejo pene sermonis usu sic etiam Moys & Celi & Firmamenti vocabula sumuntur. Ut quum Volatile dicit volare super faciem Firmamenti, ut Hebreæ referunt; id est, super firmamenti partem illam, & in illa, quam aerem dicit. Nimirum quod aves, dum altius ab oculis nimis volant, Cælo propinquare dicuntur idiotinæ, adeoque juxta extimam celestis orbis superficiem, & sub ea ferri. Petavio præverat sanctus Thomas in i. parte Summæ qu. 70. Art. 1. ad 3. de motu Luminarium atque Sphærarum agens: Moyses, inquit, rudi populo condescendens, sequutus est, quod sensibiliter appareret. Si igitur Moysi viro divinitus afflato ita res enarrare in more fuit, eique cum vulgo potius, quam cum sacerduli Sapientibus, loqui placuit; idemque procul dubio fecere & alii Prophetæ atque Apostoli, quum tamen suis hisce vulgaribus loquendi formis ac notiōnibus e rudi populo petitis res veras & sensum Historicum clauderent: quis tandem non intelligat, non esse per hujusmodi ambigua Scripturæ sacrae verba dirimendas Quæstiones Physicas, Astronomicas, & alias id genus; neque hisce disputationibus sine magna rerum evidentiā immiscendas esse Prophetarum sententias, multoque minus Heresis ac impietatis postulandos, qui aliter sentiunt, quam Scriptura in speciem de his rebus indifferenter sentire videatur? Certe nemo non perspiciat, his haudquaquam insistendum, hæc minime urgenda, si comoda ac verisimili Interpretatione litteralis Scripturæ sensus aliter explicari possit; & ubi in hisce conflicitationibus sine vi prospectum fuerit veracitati sacrarum Litterarum, non esse de reliquo tam anxie sollicito que curandum. Desinit enim esse causa Fidei, quæ non amplius ad rerum divinarum scientiam, sed ad Liberales Artes, incertamque mundi eruditionem pertinet. Desinit esse opinio ad Fidem referenda, quæ non contra, sed præter Scripturam deprehenditur esse.

C A P U T XXIV.

Sancti Augustini consilia, quum de interpretandis sacris Scripturis agitur in rebus Physicis, Astronomicis, & aliis id genus. Quid sanctus Thomas heic sentiat. Quam Litteris sacris nonnulli abutantur ad suas privatatas opiniones tuendas. Judicum Ecclesiasticorum munus in hisce controversiis, & quæ Eruditio in ipsis exigatur. Cartesi de natura Corporis doctrina an Fidei dogmatibus aduersetur.

Nunc adjungenda est ad animadversiones nostras sancti Augustini doctrina, hactenus reservata, cuius unius auctoritas pro multorum esse potest. Ejus autem verba hoc in argomento adeo dilucida esse mihi videntur, ut mirari subeat, quei homines alioquin eruditæ, & minime infantes, quamquam ea probe noverint, in aliam tamen a nostra sententiam abierint. Lib. I. Cap. 18. de Gen. ad Litteram. *In rebus obscuris*, inquit ille, atque a nostris oculis remotissimis, si qua inde Scripta, etiam divina, legerimus, quæ possint salva Fide qua imbuimur, aliis atque aliis pavere sententias, in multam eorum nos precipita affirmatione ita projiciamus, ut si forte diligenter discussa veritas eam recte labefactaverit, corruamus; non pro sententia divinarum Scripturarum, sed pro nostra ita dimicantes, ut eam velimus Scripturarum esse quæ nostra est, quum potius eam, quæ Scripturarum est, nostram esse velle debeamus. Nomine rerum obscurarum, atque a nostris oculis remotissimarum, nihil aliud Augustinus significat, quam Physicas, Astronomicas, Geographicas, Chronologicas, atque hujusmodi alias, quæ plerumque magna in nocte sedent. Ipsemet Augustinus paulo infra, quibus de rebus loquatur, satis significat, nempe de Terra, de Cælo, de ceteris hujus mundi elementis, de motu, & conversione, vel etiam magnitudine & intervallis siderum, de certis defectibus Solis & Lunæ, de circuitibus annorum & temporum, de naturis animalium, fructuum, lapidum, atque hujusmodi ceteris, quæ videlicet ad Fidei & pietatis eruditionem, & ad rerum divinarum scientiam minime spectant. Dum hæc igitur disquiruntur atque explicantur, occurtere Scriptorum etiam divinorum documenta possunt. Tum videndum, an ista, salva fide quæ imbuimur, aliis atque aliis, hoc est pluribus ac diversis sint obnoxia Interpretationibus, quarum nulla stabilitas Catholicæ Fidei Dogmatis aduersetur. Quotiescumque id accidat, auctor est sanctus Doctor, judicium & affirmationem esse suspendenda, atque co-

hibenda. Quum enim fieri possit, ut re per humanas disciplinas diligentius discussa, & experimentorum ope in primis adhibita, verior sententia appareat, si quam nos jam elegerimus, camque sacris Litteris unice tribuendam pervicaciter contenderimus, quæ falsa demum, aut a verisimilitudine abhorrens dignoscatur, tum & nos deridendos propinabimus, & divina Scriptura veritatem in discrimen existimationis (quantum quidem in nobis est) adducemus.

Libro sequenti Cap. 9. hæc alia habet sanctus Augustinus: *Quæri etiam solet, quæ forma & figura Cæli esse credenda sit secundum Scripturas nostras. Multi enim multum disputant de iis rebus, quas majore prudentia nostri Auctores omiserunt, ad beatam vitam non profuturas discibentibus, & occupantes, quod prius est, multum pretiosa, & rebus salubribus impendenda temporum spatia. Quid enim ad me pertinet, utrum Cælum sicut sphæra undique concludat Terram in media mundi mole librataam, an eam ex una parte desuper velut discus operiat? En illam ipsam quæstionem, quam supra commemoravimus, de Cæli Terraque sphæricitate. Hanc ipsam nihil ad salutem, ad fidem, ad beatam vitam pertinere ait, quocumque modo solvatur; porro prudentis esse Theologi ab his abstinent, & in salubriora studia conferre tempus & operam. Attamen quia non de ista solum quæstione, sed de aliis etiam ejusdem generis quædam occurrent in divinis Codicibus, & propterea defendenda venit eodem tempore causa Scripturarum, hæc addit Augustinus: Sed quia de fide agitur Scripturarum &c. ne quisquam (Christianus) eloqua divina non intelligens, quum de his rebus tale aliquid vel invenerit in Libris nostris, vel ex illis (hoc est Gentilibus ac Philosophis) audierit, quod perceptis assertionibus (sive, ut in nova editione, a se rationibus) adversari videatur, nullo modo eis (eloquiis divinis) cetera utilia monentibus vel narrantibus, vel prenuntiantibus, credit: breviter dicendum est, de figura Cæli hoc scisse Auctores nostros, quod veritas habet;*

Sed

sed Spiritum Dei, qui per ipsos loquebatur, noluisse ista docere homines, nullius salutis pro futura. Apposite Augustinus ad ea, quæ de Scriptura sanctæ scopo atque instituto supra distulerimus. Nihil igitur ignorarunt Prophetæ; sed Spiritus Dei docere nos ista noluit, quæ curiositati solum blandiuntur, & ad pietatem & caritatem nulla ex parte pertingunt. Quapropter, etiam si ad istam controversiam referantur aliqua Scripturæ divinæ verba, nisi hæc ita aperta & circumscripta sint, ut unum tantummodo literalem sensum admittant, omnisque alia Interpretatio violenta sit ac inverisimilis, aut etiam exemplis careat, aut Fidei Rationique repugnet, non est omnino contendendum, unum potius quam alterum Scripturæ sensum ad Fidem spectare. Juvat in his continere judicium, & neutram adoptare sententiam, & ab aliena dammenda potissimum temperare, dum hæc ea sit, quæ Scripturam non invitam fibi concordare, aut saltē a se non dissidere ostendat. Quod si alicui sententia de his rebus indifferentibus aut experimenta, aut potentes rationes adstipulentur, tantum abest, ut ea sit damnanda, quod Scripturis contraria videatur, ut contra necesse sit Scripturam ipsam per commodam aliquam Interpretationem ostendere ab eadem sententia minime discordem, dum tamen Scripturæ sensus ita evidens non deprehendatur, ut falsitatis arguenda sit illa, quantumlibet verisimilis, contraria tamen opinio.

Huc pertinent, quæ idem sanctus Augustinus adjicit. Sed ait aliquis, quomodo non est contrarium iis, qui figuram sphære Cœlo tribuant, quod scriptum est in Letteris nostris: Qui extendit Cœlum sicut pellem? (Ps. 103.) Sit sane contrarium, si falso est, quod illud dicunt. Hoc enim verum est, quod divina dicit auctoritas, potius quam illud, quod humana infirmitas conjicit. Sed si forte illud zalibus illi documentis probare potuerint, ut dubitari inde non debeat: demonstrandum est hoc, quod apud nos de pelle dictum est, versus illis rationibus non esse contrarium. Alioquin contrarium erit etiam ipsis in alio loco Scripturis nostris, ubi Cœlum dicitur velut camera esse suspensum. Tum pergit ostendere vir doctissimus, verisimiliter, & non inconvenie posse ista Scripturarum loca conciliaxi cum utraque illorum sententia, qui aut Cœlum minime sphæricum, aut sphæricum revera statuunt. Quo facto non ille sollicetus est, quid potius hac de re Philosophi atque Astronomi sentiant. Fide Scripturarum in tuto posita, placide spectari potest eorum conflictus atque dissensus, & unius etiam partis victoria. Cap. X. ejusdem Lib. 2.

alia Augustinus habet, quæ a causa Copernici penitus aliena esse nonnulli affirmant, de quorum iudicio eruditæ viri, nullo partium studio capti, judicabunt. De motu etiam Cœli, ait ille, nonnulli fratres questionem movent, utrum stet, an moveatur: quia si moveatur, inquiunt, quomodo Firmamentum est? Si autem stet, quomodo sidera, quæ in illo fixa creduntur, ab Oriente usque ad Occidentem circumveunt? Quid ad hæc Augustinus? Neutram ille Philosophantium opinionem rejicit, neutram affirmat temerariam; sed potius contemnit, earumque rationes ne ullo quidem examine dignatur, tamquam controversias ad Fidem & Ecclesiam inutiles, & misere necessarias. At Scriptura de his loquitur. Augustino sat est ostendere, divina verba ejusmodi esse, quæ neutri opinioni contradicant. Respondeo, subdit ipse, multum subtilibus & laboriosis rationibus ista perquiri, ut vere percipiatur, utrum ita, an non ita sit: quibus inveniendis atque tractandis, nec mibi jam tempus est, nec illis esse debet, quos ad salutem suam & sanctæ Ecclesie necessariam utilitatem cupimus informari. Hoc sane noverint, nec nomen Firmamenti cogere, ut stare Cœlum putemus, &c. Affinia sunt Augustini verbis ea, quæ sanctus Thomas Opusc. X. seu XXXI. habet. Interrogatus de quibusdam articulis, prius monet, plures horum ad Fidei doctrinam non pertinere, sed magis ad Philosophorum dogmata. Multum autem nocent talia, que ad Pietatis doctrinam non spectant, vel affere, vel negare, quasi pertinentia ad sacram doctrinam. Tum ita suam præstationem concludit: Unde mibi videtur tutius, hec quæ Philosophi communiter senserunt, & nostre Fidei non repugnant, neque sic esse asserenda, ut Dogmata Fidei, neque sic esse neganda, tamquam Fidei contraria, ne sapientibus hujus mundi comprehendendi doctrinam Fidei occasio prebeatur. Quæ verba miratur quidam, a Copernicanis in sue sententia tutebam advocari, quum isti doceant, non quæ Philosophi communiter senserunt, sed quæ contra communem Philosophiam omnino conflictantur. Frustra hujus loci vim eruditus ille vir infringere conatur per illam vōcem communiter. Et nos ejus responsonem eludere possemus legendo, non Philosophi communiter, sed, uti in aliis editionibus habetur, Philosophi communes. Verum quandores tenetur, superfluum est litigare de vocibus. Non ideo aliquid verum, & ab errore immune est, quod communiter a Philosophis traditum fuerit; nam & eorum dicta non sunt Fidei dogmata; & novæ opiniones, antiquis contrariæ, invchi possunt, & com-

muniter accipi; & ipsum Copernici Systema se tueri jam posset, quum ab Astronomis fe-re omnibus verisimilium præ ceteris cen-seatur; & Astronomis in Arte sua id juris concedendum videtur, quod Philosophis in sua. Ratio sancti Thomæ, cur aliquid neque affirmare liceat tamquam dogma Fidei, neque negare tamquam Fidei contrarium, (si-ve communiter, sive non communiter a Phi-losophis tradatur) illa est, quia Fidei non repugnat, & ad pietatis doctrinam non spe-clar. Talia siquidem habere non fecus ac dogmata Fidei, & humanis opinionibus pon-dus dare quo carent; est incerta hominum cogitatio certissimis Fidei revelationibus temere æquare; & cum doctrina pietatis con-fundere curiositatis atque opinionis inventa ac somnia. Inter eas autem opiniones, quæ neque Fidei adversantur, neque doctrinam pietatis contingunt, an sanctus Thomas ha-biturus Copernicanam fuisset, non levi con-jectura asequi postumus; in hoc enim eodem Opusculo Art. 16. ut supra vidimus, Telluri mobilitatem negat, suamque tamen senten-tiam non sacrarum Litterarum testimonio, sed Aristotelicis dumtaxat argumentis pro-bat. Quod si ita est, videant, qui Systemata Astronomica ad Fidei doctrinam pertrahere conantur, ne sancti Thomæ gravissimum con-silium concilient, & importune causam Fi-dei esse velint, quæ, post adhibitam Inter-pretationem verisimilem, Philosopherum tan-tummodo atque Astronomorum esse videtur.

Atque hactenus oratio nostra, & tanta ver-borum moles, non ut Copernici patrocinium fuscipiamus, cuius opinionem numquam no-bis animus fuit adoptrare, aut plusquam veri-similem arbitrari, sed ut quosdam avertamus a pertrahenda nimis facile, immo contorquen-da in istud quæstionum genus auctoritate Scri-pturæ. Nesciunt ii, sèpius hunc esse divino-rum Librorum abusum, quam usum, & heic etiam superstitionem, temeritatem atque stul-titiam habere posse locum, qua de re con-queritur Augustinus in Libris nuper laudatis. Deinde palam facere voluimus, cur tam cau-re ac raro ad configendas opiniones a do-ctrina Fidei ac Pietatis suapte natura diffi-citas, Ecclesia Catholica & Romani Pontifices procedant. Si quando igitur Ecclesiastici Ju-dices utile sive necessarium putabunt ad se-verius examen poscere tot nuperas, in Physi-ca præsertim, Medicina, & Astronomia, sen-tentias, quibus tempora nostra adeo abun-dant: dubitandum non est, quin eorum ju-dicium præcessura sit omnis cautio, diligen-tia, & causa cognitionis. Et solite sane ca-vore solent sapientissimi Judices, ne quis sub specie tuendæ Fidei, servandæque salutaris

doctrinæ curet, ut suæ peculiares opiniones consecrentur, & ab Ecclesia recipientur. Sunt qui, non pravo certe consilio, sed incauto sui suarumque anticipatarum Opinionum amo-re, in hanc fallaciam dilabantur. Quicquid animo prius imbibierunt, & vetustatem ole-re sentiunt, sacrum ipsis est, & sacrum reliquis etiam, quantum quidem in ipsis est, esse volunt. Si quis igitur contra sentit, & nova profert, vix fieri potest, quin continuo in eorum odium offensionemque incur-rat. Nam quis sere tam sui dominus, ani-moque tam probe composto esse solet, ut quæ non tam sibi, quam aliis, veluti cer-tissima tamdiu persuasit, repudiare tam se-ro velit? Quis lubenter fateri senex, se pri-mo deceptum, tum alios decepisse, & sibi erranti se alios adjunxisse pariter errantes? Ambitiosissima animalia sumus, nobisque cor-di magis est (quamquam aliter nobis ipsis videatur) existimationis propriæ, quam Ve-ritatis causa. Facillime etiam nobis amor nostri persuadet, tunc nos pro una Verita-te configere, quum magis ipsam infestamur; non enim pro illa, sed pro Opinionibus no-stris nobis est pugna, quas verissimas esse olim statuimus, falsasque deinde demonstrati posse impossibile ducimus. Et quidem oc-cinere possis veteris Scholæ amatoribus, no-va hæc ad Fidei doctrinam minime pertinere. Nihil refert. Antiquæ sententiae & heic obti-nere debent, quamquam interdum pueriles; novæ exagitandæ, quamquam interdum veri-similiores. Omnis porro lapis movendus, quo-suadeatur, Novatores istos aliqua ex parte in Religionis dogmata, atque in sacras Litteras aut imprudenter, aut consulto peccasse.

Non pravus tamen sèpe zelus, immo utilis plerumque diligentia illorum est, qui in has novitias Opiniones primi aciem movent. Si non aliud commodum per eos præstat, saltem deterretur impietas atque audacia a venditandis suis mercibus, quandoquidem ne ipso quidem innoxii opinionibus sine rigido-examine concessus est aditus. Interdum etiam latentia quædam venena hac ratione dete-guntur, ac removentur. Quæ vero sana sunt, vegetiora post exhaustam pugnam exsur-gunt. Accusations igitur, & consilia istorum non contemnit, sed amat Ecclesia. Ita tamen amat, ut ea interim accurate expendere velit, saluberrime cavens, ne plus aliquorum affectus valeant, quam Veritatis ju-ra. Exploratum siquidem est, quod supra sanctus Augustinus ajebat, nos interdum non pro sententia divinarum Scripturarum, sed pro nostra ita dimicare, ut eam velimus Scriptu-rarum esse, quæ nostra est. Neque minus cer-tum est, novitatem ac vetustatem sententia-rum

rum in hujusmodi incertis disciplinis inanes plerumque titulos esse, quippe quæ nullum per se certum aut veritatis aut falsitatis indicium secum trahant. Id tantummodo verum est, quod solidis verisque rationibus nititur, neque a certa Fidei doctrina discrepat. Illud falsum, quod cum Ratione recta, & Fidei dogmatis, aliisque certis monumentis aperte confligit. In Christi solum Schola antiquitas doctrinæ quo major est, eo fortius veritatis argumentum præstat adversus novitatem. Extra istam Scholam veriora novitas, quam antiquitas, tradere interdum, aut sæpe potest. Quocirca inter accusations, defensionesque, medii stant oculo cautissimo Ecclesiastici Judices, & numquam committunt, ut sibi alterutra pars illudat, sicutcum faciat declamationibus vanis, non minibusque falsis. Quod ut facilius accidat, sincerissimos tantum veritatis amatores finicerissimi & ipsi in consilium adhibent. Neque contenti cum a se ipsis, tum a suis consiliariis arcere studia partium, congruam sibi vel per se, vel per eosdem comparant cognitionem causæ. * Quam in rem animadvertendum est, esse quosdam, qui in Judicibus Ecclesiasticis, quum de Physicis, Astronomicis, & hujusmodi rebus judicandum est, absolutam istarum disciplinarum scientiam postulant. Nam quid solidi exspectes, ajunt, immo quid non exspectes infirmi ab iis, qui de incognitis, sive non sat perspectis negotiis, judicium ferunt? Contra sunt, qui Praefules Ecclesiæ, atque Theologos ab hujusmodi labore amplissime liberant, sat esse arbitrii, si nudam sententiam sive Physicam, sive Astronomicam sibi oblatam conferant cum Scripturæ saecræ, Catholicæque Theologiae documentis, & deinde statuant, num his veritatibus ea opinio repugnet, an cum ipsis amice consentiat.

Verum illi fortasse nimia, isti certe nimis pauca a Theologis, & Ecclesiasticis Judicibus exigunt. Episcoporum non est, ut verum fa-

tear, considerare, atque decernere, sintne veræ an falsæ in Philosophia, Astronomia, ceterisque Artibus profanis propositæ opinions. Pertinet ea cura ad Philosophos, eorumque Artium peritos, non autem ad Theologos. Atque adeo hasce opinions Ecclesiasticus Judex contemplari solum debet tamquam consonas Scientiæ divinarum rerum, atque revelationi, aut ab ea dissonas. Ad quod opus sufficit, ut illam sibi earum sentiarum notitiam paret, qualis a viro prudente exigitur, adeo ut sibi conscient sit, se quæstionis statum, remque ipsam sine errore intelligere. Hoc præstare etiam potest, qui non sit numeris omnibus perfectus Astronomus, & Physicam omnium Scholarum exquisitissime prius didicerit. Notitia, inquam, & cognitio congrua Opinionum profanarum necessaria quoque est Ecclesiastico Judici, quamquam quoque se pretendere debeat, quantaque futura sit, ne imprudenter Theologica trutina de iis judicet, vereor ut umquam definiri apte possit. Sunt enim, quæ communem tantum hominum intelligentiam exposcent; sunt quæ ab exquisitis atque abditis Scientiarum ac Artium principiis artissime pendent, vixque teneri possunt, nisi prius ipsa principia intellectu probe complexus fueris. Quid heic faciat Judex prudens? A præcipiti judicio abstinebit, arbitror, donec in rei penetralia tuto pede fese ingesserit. Illud porro certissimum est, oportere semper, ut antea quam pronuntietur, an facrorum Codicum & Orthodoxæ Theologiæ documentis opinio quæpiam consonet, sive repugnet, perspectissimæ sint Ecclesiasticis Judicibus tum negantium tum affirmantium rationes, non solum quatenus Theologiam respiciunt, sed quatenus etiam ad singularem aliquam disciplinam spectant. Quæ res necessario exposcit, ut ea saltem disciplinæ pars cognoscatur, unde rationum cognitio pendet. Si, exempli gratia, quærat, an Fidei doctrinæ adversetur Cartesius, quum essentiam Corporis Physici stuit in extensione Quantitatis, neque Substan-

* Illustrè hujusce rei exemplum in promptu est, quod & ipsi Cl. Auctori non fuisse incomptum existimo. Estat illud in *Itinere Italico* pag. 142 a doctissimo Joanne Mabillonio memoria traditum his verbis Anno 1686. die xxix. Januarii, post meridiem habita est Sacra Indicis Congregatio in Vaticano Ex schedula ego quoque monitus sum illi Congregationi interesse ad promendum qualecumque suffragium meum super quibusdam libris Vossianis de diluvio non universali. De eodem arguento antea dixerunt tres alii. Is enim in illa Congregatione mos obtinet, ut Consultorei deputati duo vel tres pro rei gravitate sententiam suam de proposito libro pronuntiant, scriptioque confignent. Hoc scriptum mox secretario Congregationis traditur in manus, qui rationes vororum in compendium redactas ad Cardinales denuo referit, ex qua relatione Cardinales statuant quod libri consultius videntur. Haec tenus Mabillonius, cuius ipsum *Votum de quibusdam Iacaci Vossii Opusculis* comparet inter ejusdem *Opera post huma a D. Vincentio Thuillier edita Parisiis 1724. Tom. 2. pag. 59. 64.* Nempe tunc examinanda occurserant Vossii Opuscula, *De Septuaginta Interpretum Chronologia, & Dissertatione de æate mundi: super quibus istiusmodi judicium tulit Cl. Mabillonius, nullum videri periculum in tolleranda Vossii opinionem, atque adeo ab ejus censura posse temperari.*

stantiam ab ipsa Quantitate secernit: erunt proposito complures, quibus conciliari non posse videbitur hujusmodi placitum cum Ecclesiæ sententia de augustinissimo Altaris Sacramento. Heic proposito necesse est, ut de ista controversia judicaturus Peripateticam Scholam aliquantis per terat, donec Substantia, Specierum, atque Accidentium nominis ac historiam probe norit; ad eum quippe scholæ sententiam respexisse videntur Tridentini Patres de Transubstantiatione loquentes. Tum delatam ad Ecclesiasticum tribunal Cartesii opinionem si serio, si recte expendere velit, hujus quoque Philosophi theorematu de natura Corporis perscrutetur oportet, rationesque perpendat, quibus ille suam sententiam ingeniose munivit.

Id plurimum interest. Nam, ut alibi diximus, verum vero adversari nequit; atque uti cum veritatibus Theologicis Philosophicæ, ita cum Philosophicis Theologicæ vera pugnare non possunt. Quamobrem tam ex his illæ, quam ex illis istæ lucem mutuo accipiunt, & certa incertis dant legem, ut si exempli causa aliiquid in Physica certum sit, inde incerta sacram Scripturarum verba sint explicanda; & contra certis divinorum Librorum sententiis incerta Physica documenta se conformare debeant. In hac autem controversia statim occurrit, jam spectare ad Fidem, certissimumque esse debere inter Catholicos, Substantiam panis & vini in Sacramento Altaris converti in Substantiam Corporis & Sanguinis Christi, permanentibus tamen ac perdurantibus in Sacramento pristinis Speciebus panis ac vini, ita ut externis sensibus nulla illuc appareat facta Substantia mutatio, atque non amplius sit, neque appellari propriè possit panis & vinum, quod ante consecrationem panis & vinum proprie fuerat. Quum ergo verissimum, certissimumque hoc sit in Fidei Theologia, id quoque in Philosophia verum certumque sit necesse est; & fallacia laborabunt quæcumque verisimiles, ingeniosæque rationes a Philosopho excogitentur contra firmissimum hoc Fidei documentum. Propterea se rem non inficiari, se rem credere, Cartesiani Catholici ubique ajunt. Modum tantummodo, quo hujusmodi prodigium fiat, & quomodo pereat, intactis Speciebus, panis ac vini Substantia, ab Ecclesia minime fuisse constitutum, affirmare se posse arbitrantur sine injuria Theologiæ. Tum nervis omnibus contendunt, ut ostendant, nihil dogmati Fidei repugnare naturam ac essentiam Corporum, quam tradunt, suamque opinionem consiliari posse cum Ecclesia decretis. Utrum-

isti vera, an somnia nobis narrent, qui jucicare prudenter cupiat, necesse est in primis, ut solcite vestiget, intelligat, & expendat Cartesiana sententia rationes; tum perspiciat, an uti rem, ita modum Ecclesia quoque statuerit. Si enim vera & certa comprehenditur Cartesii de natura Corporum opinio, neque modum physicum Sacramenti definit Ecclesia, neque re ipsa Aristotelicum placitum consecrare illi animus fuit: jam non est, cur Cartesianam sententiam explodamus; quum præcipue in ea fuisse sanctus Augustinus videatur; immo tunc non aliud, quam quod Cartesius, sensisse Ecclesiam, excogitare licebit. A Cartesianis autem putatur, minime Tridentinis Paribus fuisse consilium consecrandæ Peripateticas de natura Corporum sententias (ab his enim questionibus dirimendis Ecclesia abstinere solet) & consulto ipsos Patres vocabulo Specierum fuisse usos, quum Accidens nominare potuerint, ut ea voce solum significanter sentationes illas, quæ sublata panis ac vini in Sacramento substantia, adhuc in sensibus nostris sunt, & fieri non negant cum Peripateticis, tum Cartesiani. Contendunt insuper, Ecclesiam nequam statuisse, quei Species in Sacramento sine substantia panis ac vini permaneant. Quibus diligenter ab Ecclesiastico Judice examinatis tum constare poterit, num absurdâ, num falsa sit, illa Cartesii opinio (qualis certe erit, ubi cum certo & vero dogmate Ecclesia consentire non posse dignoscatur), an potius toleranda sit, sive etiam laudanda.

Hoc ergo exemplo patere potest, eas esse interdum questiones, quæ a mero Theologo prudenter absolvî nequeant, nisi in disciplinas illas (* excurrat), unde pendent argumenta questionum. Constat etiam, prudentis judicij leges exposcere, ut non accurate minus in his controversiis investigentur, intelligentur, & expendant accusatorum, quam reorum rationes. Cavere autem præ omnibus Ecclesiasticos Proceres debere, ne quis eorum auctoritate & gratia abutatur, profanas nimirum & Philosophicas opiniones ad sacri Juris tribunalia deferens, & impietatis postulans, & damnationem suadens & urgens, quasi de Christianæ Fidei magno negotio agatur; quum tamen anticipata aliqua Opinio, & Aristotelis, exempli gratia, amor, & odium alienæ sententiae potius, quam sane Fidei tutela, tantos conatus exciverit. Facile appareat, quid Judici Ecclesiastico accidere possit, si hujusmodi accusatoribus, Religionis caussam præ se ferentibus, facile credit, & præcipue si ipsosmet in consilium adhibeat, & unico eorum filo se in.

* Al. excuratur.

IN RELIG. NEGOTIO. LIB. I. CAP. XXIV. 119

se in judicandis controversiis regat. Quod & dictum velim, dum de meritis Theologis, immo de quocumque alio negotio lis excitatur. Maximi ponderis res agitur, quum de Fidei doctrina, quum de Opinione probanda, sive improbanda, & de aliena fama configenda, hominibusque damnandis agitur. Jacta alea revocari amplius non potest. Si post accuratum examen tenebris adhuc oblitera manet controversia, praefat judicio parcere, quam errandi discrimen subire. Interdum etiam Ecclesia re in medio religata, accusatoribus silentium indicit, donec accuratori trutina iterum causa pensetur, prohibetque ne pendente judicio no-

ta Hærefoe aut impietatis impingatur opinionibus exagitatis. Interdum denique sententias aliquas, licet nondum postremo calculo damnatas, tradi tamquam certas & veras, Ecclesiastici Judices prudentissime veant. Etsi enim eas falsas & Fidei doctrinæ oppositas non judicarunt, periclitamen plena, & errori proximas intelligunt. At de his in sequenti Libro fusius nobis agendum est, ubi investigabimus, quandam, & ubi, & quibus liceat, sive non liceat, Veritatem (* efferre) literisque consignare, & quæ sint jura Ecclesiarum, ut nos aliquando ab Opinionibus, quas nos putamus veras, scriptis aut ore prædicandis avertat.

* Al. predere.



DE

DE INGENIORUM
MODERATIONE
IN RELIGIONIS
NEGOTIO.
LIBER SECUNDUS.

CAPUT PRIMUM.

Amplum jus Ingeniis in prodenda , ac annuntianda Veritate : sed ita ut Justitia, Caritas , & Prudentia numquam ab isto jure ladanatur. Hæretici in suæ Religionis doctrina annuntianda , quippe de illius Veritate non satis certi , & sine missione legitima Evangelium prædicantes , Justitiae desunt.

Summo ac præstanti ingenio viri , quos desidia numquam invadere , numquam turbulenti rerum terrenarum affectus occupare diu possunt , solent , abjectis omnibus curis , se totos ad inquisitionem Veritatis conferre , atque in ejus contemplatione tamquam in beatissimis Elysii confitente , ac tese abdere . Quod minime mirum ; nam quum humana felicitas , vel ipsis Ethnici Philosophis testibus , sita sit in Sapientia Virtutibusque animi : quænam vera Sapientia homini contingere potest , nisi in sacratissimum adytum Veritatis prius fuerit penetratum ? Inter tot autem Veritates , quibus si recte utamur , ad bene beataque vivendum quasi manu perducimur , illa certe omnium princeps , & sola propemodum necessaria , Veritas Christianæ Religionis , unde tot sanctorum dogmatum eruditio fluit . Qui vero heic profecere , vix imperare sibi deinde potuerunt , quominus alios quoque homines continuo adsciserent in suæ felicitatis communionem . Itaque aut in libris , aut in disputationibus , aut etiam in publicis scholis & rostris , veritates a se compertas , magna contentione animi atque ingeni , vulgarunt , illustrarunt , suaferunt . Quod alterum studium si priore etiam longe laudabilius , neque tamen minus utile dixerimus , luculentissimæ rationes facile current , quibus sententia nostra firmetur . Quum itaque versata sit hæcenus oratio no-

stra in iis persequendis , quæ spectant ad investigandas & consequendas sine errore saluberrimas Christianæ Fidei , Catholicæque Ecclesiæ veritates ; restat ut in posterum explicemus , quemadmodum etiam , & quatenus , annuntianda sit atque aliis communicanda hujusmodi eruditio . Et heic enim , non secus ac in superiori navigazione , scopuli , & sirtes , & pericula varia offenduntur ; a quibus nisi mature opportune que caveamus , verendum est , ne jactura fiat non solum existimationis & nominis , sed etiam terrena quietis , & cœlestis demum beatitatis .

Illud ergo ex omnium sapientium consensu exploratum in primis est , uti in quærenda ac discenda Veritate , ita & in proferenda atque prodenda , amplissimum jus patere Ingeniis humanis . Inter honestissima simul , utilia , & deletabilia bona proximum a Deo locum Veritas , immo , ut melius dicamus , eundem cum ipso locum obtinet ; Deus enim summa , & ipsa Veritas est , cuius particulae variae ac innumeræ in hominum mentes infundunt , & per omnia creata excurrunt . Quamobrem cui contigit Veritatem , hoc est , eximium istud bonum , consequi , nullum dubium est , quia & liceat , & laudi singulari vertendum sit , reliquis etiam partiri tam nobile divinumque patrimoniū . Christiani hominis est alios efficere meliores & sapientiores , quom pol-

possit, & lucem quam sibi comparavit, communem aliis velle. Neque vero, ut in terrenis opibus distribuendis atque elargiendis usuvenit, quisquam fit minus quam antea dives, communicata reliquis hominibus Veritate. Nihil propterea decrevit privato homini ærario, & animus ditor inde potius evadit, quum ad priora ornamenta accedat liberalitatis laus, & caritatis fructus. Interdum vero non licet solum, sed etiam nescire est Veritatem annuntiare, & prodere atque tueri; quod onus Episcopis, & universis Pastoribus Catholici gregis incumbit, cum ad populos doctrina sana informandos, tum ad errores subinde nascentes eliminandos. Interdum non necessitate quidem, sed optimo summeque pio consilio Veritas disseminatur, quum nempe ad populos barbaros atque infideles Evangelii lumen defertur, quod sanctissimum opus per tota secula una Ecclesia Catholica sibi vindicare & perageare consuevit, & adhuc peragit. Apostolicæ Fidei non minus, quam zeli Apostolici heres.

Verum hæc non sunt hujus loci, neque ampliorem sermonem postulant; adeo aperatum est, atque homini a natura insitum, honestissimam, sanctissimam, & eximiis laudibus dignam esse Veritatis propagationem, & illius præcipue, quæ ad æternam vitam perducere potest. Satius ergo est statim aggredi limites, quibus constringitur vastus Ius Ingeniorum in Veritate annuntianda. Quod ut paucis complectamus, illud mature statuimus, recta esse non posse hominum opera, nisi a Justitia vera procedant, & Caritatem Christianam ducem, Prudentiam vero comitem habeant. Has ergo virtutes præ oculis habeat necesse est, qui reperiisse, aliosque docere velit Veritates ad orthodoxam Religionem & eruditionem Christianam spectantes. Primum autem Justitiæ munus est interdicere, ne quis in negotio Religionis Veritatem evulget ac tradat, quam ipse certo prius non noverit vera talen esse. Non, inquam, homini licet, tamquam vera Fidei dogmata proferre incertas opiniones suas, aut certi erroris insimulare atque damnare, quæ sibi falsa & damnanda esse prius non constet. Quis enim non intelligat, quantum ab æquo & ratione abhorreat, tamquam medicinas propinare, quæ venena esse dubitare possit? Et id quidem temere fiat in curandis humanis corporibus. Quanto autem minus tolerandum est in animarum curatione, quum de hominum aeterna aut salute, aut damnatione agitur, non de temporaria corporum vita? Nefas ergo est, & Justitiæ legibus adversa-

tur, in tanti mali discrimen populos adducere, & tamquam Veritates Theologicas venditare, quæ forte perniciosissimi errores esse deprehendantur.

Evidem fator, non tam facile invenias homines in hac Justitiæ partem oculis aperitis, animoque sui criminis aut periculi conscientia incurentes. At in numeros profecto offendas ex ignorantia, & cæcitate mentis, & ambitione peccantes. Rari, inquam, sunt, qui dum populum erudiunt, dubitent de Veritate suæ Legis. Se recta certaque tradere constanter arbitrantur, vel dum aperite errant atque delirant; ipsique omnium pestilentissimi Hæresiarchæ non aliter (quatum quidem concidere juvat) de sua doctrina plerumque judicabant. Verum neque ipsi Hæresium conditores, neque Hæretorum gregarii idcirco ab eorum numero eximi possunt, qui Veritatem & Justitiam ex temperitate saltem & cæcitate laedunt, dum pro veritate errores incaute disseminant, & Christi gregem quamquam nolentes, inficiunt. Si minus occupati forent opinionibus anticipatis, si plus humilitatis ac sinceritatis eis esset, tum intelligere possent, ac fateri fortasse vellent crimen suum atque infortunium. Ipsos toties Catholici provocarunt ad rationem reddendam, quare Fidem veram, & justitiam non concularint, quum ab Ecclesia Catholica discesserunt, & Schisma adhuc conflent, & diversas a Catholicis sententias tradant, & aliqua Catholicorum dogmata erroris ac impietatis accusent. Oblata est ipsis germana & unica methodus, qua se rite purgarent, & in tanto negotio se minime hallucinari ostenderent. Legitimas caussas nondum attulit gens illa, propositi tamen sui tenacissima, & numquam allatarum esse, certum est nobis. Nam quei se Veritatem stare illi ostendant, quum certam methodum fugiant, ut rem tantam pro dignitate Fidei, & suæ salutis necessitate, convenienter sequantur? Quei se in suo schismate atque doctrina nullo crimine, aut errore teneri evidenter ostendant, postquam Traditionis vim, Ecclesia veræ & Conciliorum auctoritatem, sanctorumque Patrum consensum flocci faciunt, & Ecclesiam ipsam non solum turpissimis in dogmate erroribus obnoxiam, sed etiam in ipsis errores jam foede prolapsam, & per tota secula Babylonem & Meretricem egisse, affirmare non dubitant? His fundamentis eversis, qua tamen tanto pere a divinis Scripturis commendantur, & ex cogitato admissoque tam horrendo Ecclesiæ Catholicae adulterio, a quo tamen ab futuram semper Ecclesiam veram Scripturæ

Q

ipse

ipsæ pollicentur: quid jam certi superest, ut quis sibi aliquaque sine hæsitatione persuadeat, se in Christiano dogmate numquam errasse, aut errare, suamque Ecclesiam legitimam esse Christi sponsam? Videndum igitur, an oculorum mentisque usum iis eripuerit, aut eripiat ambitio. Expendendum est, viresne maiores apud illos suum, an totius Ecclesiæ Catholicæ judicium sit habiturum, & an totius antiquitatis consensio sit dissonantibus Novatorum consiliis in tanto negotio præferenda. Fortasse mentibus tam male affetti certissima statim non appareant quædam Catholicorum dogmata: sed profecto neque certa Novatorum videbuntur documenta, si accurate aliquantulum res penitare, & caute judicium ferre velint. Quod si dubia ac incerta sint, in quibus Novatores a Catholicis dissentiant: quo jure nuntiantes sententias populo ii venditant, ingenitique errandi periculo credulam gentem exponunt?

Altera Justitiæ lex est, ut Evangelii Veritas non nisi ab iis annuntietur, qui aut aperte, aut tacite ab Ecclesia, legitimisque Ecclesiæ Pastoribus ad annuntiandum mittantur. Hanc legem Apostolus statuit, & ratio ipsa confirmat. Erroribus obnoxii sunt singuli homines; sub ovina pelle delitescere possunt lupi, & fallere gregem; Hæretici identidem prodeunt, morbofam doctrinam disseminantes; & innumerae Sectæ veritatem, & verum Dei cultum, longe lateque sonant. His infici corrumptique facile potest ovile Christi; non enim indocta plebis est, sophismata omnia ac deliramenta ad falti originem revocare, sibique a tam bene comitis mendaciis cavere. Ipsi acuti ac erudití homines non raro inter ista fluctuant, & ducentur contrariis opinionibus. Ergo poscit ratio, ut iis tantum liceat erudire populos, qui legitimam docendi auctoritatem ab Ecclesia vera acceperint. Neque itidem populis licet alios audire ac habere doctores, quam quos Ecclesia vera ad id munere ritè elegerit, aut in eo munere versari ipsa apertis oculis patitur. Quum in una Ecclesiæ Dei veritas Religionis, & sana doctrina habitat, quicumque ista Ecclesia probante, aut saltem, quum conscientia sit, non improbante, doctorem agit, jure agit, & jure condensus est ab errore absesse, & vera tradere: Contra ille Justitiam lædit, qui non vocatus, non missus, non saltem tacite probatus, sumit sibi honorem, & docendi ministerium usurpat.

Mirum est, quam anxios efficiat, & verbis rationibusque exarmet hic locus sinceros veritatis amantes, quorum non pauci

adhuc sunt inter nostri temporis Novatores, Et ipsi intelligunt hujus legis æquitatem; norunt hac de re Apostoli præcepta; statuerunt & ipsi, nemini licere sine prævia legitima vocatione atque missione, verbi Dei præconem fieri. Primi autem prætentis, quemadmodum vocant, Reformationis Auttores, Lutherus, Zwinglius, Calvinus, Socinus, & alii, quo titulo, quæso, quo nomine Christianum orbem docendum sibi sumere, & antiquissimas Catholicæ Religionis cum sententias tum consuetudines immutandas, ridendas suscepere? Nulla ipsis extraordinaria, ut ajunt, & immediata à Deo vocatio fuit. Si fuisse, signis & prodigiis, quæ veraces ac viros Dei Prophetas perpetuo comitantur, divinitus acceptram docendi auctoritatem confirmassent. Defuit & ordinaria vocatio. Non ipsis sacrum docenda plebis munus, & Scripturas interpretandi, & ritus veteres proscribendi facultatem demandarant aut Romani Pontifices, aut Episcopi legitimi, aut Concilia Orthodoxa. Immo Episcoporum omnium, & Ecclesiæ totius voce atque consensu id munus ipsis interdictum fuit ac creptum, eorumque audacia damnata. Ipsi præterea se, vel tacentibus Episcopis, jam reos prodiderant atque damnarant. Etenim nonnulli ne Sacerdotum quidem albo adscripti fuerant, & tamen Sacraenta ministrare sunt ausi. Rerum divinarum imperiti quidam fuerere; & tamen Scripturas sacras suo marte explicare, & eo in studio a sanctis Patribus discedere non dubitarunt. Deinde quandonam Dei Ecclesia lubenti animo ferat, & probet, & auctoritate donet homines, qui se ipsam evgrent, & Altare contra Altare erigant, & schismata faciant? Dubium ergo nullum esse potest, quin primi isti Hæretum auctores Justitiæ infixerint magnum vulnus, dum Veritatem, quam deperditam aut vitiatam sibi confingebant, restituere conabantur. Nemo autem ex iis justum se putet, qui tam injustos potius duces, quam ipsam Christi Ecclesiam, pertinacissime sequuntur. Nam quod ajunt, annuntiandæ Veritatis, & resellendi Erroris, Christianam omnibus esse libertatem, eamque ira singulis inesse, ut eripi nobis a nemine possit ac debeat: splendide profecto falluntur. Cur quosdam posuit Deus in Ecclesia, primum Apostolos, deinde Prophetas, tertio Doctores, in opus ministerii, in edificationem corporis Christi? Cur Hierarchicum Ordinem instituit? Non igitur omnia est Sacerdotem Doctoremque legis agere, sed eorum tantummodo, quos Ecclesia publice dicensit, aut non invita patitur. Accedit,

quod

quod tum certe vim habitura non est hujusmodi liberta , quum annuntianda est Veritas incerta , dubique sunt errores , quos exagitandos sufficiimus ; multoque minus , quum nuntianda sunt pro veris falsa , prava pro rectis , & quum ab errore longissime illa absunt , quæ judicantur damnanda . Porro sana esse , quæ ab Hæreticis in Ecclesia Catholica repudiantur ; corrupta , quæ ab Hæreticis in suis conventibus ac Libris proponuntur : potior Christianorum pars hucusque contendit . Quare si petas ab eruditis viris , num jure non adimi possit Ingegniis hisce novaturientibus docendi in Ecclesia libertas : nemo negabit . At inquit Hæretici : Certi nos sumus , nos nihil tradere , quam quod Christus & Apostoli tradiderunt , nos nihil damnare , nisi quod Christi & Apostolorum doctrinæ adversatur . Ita porro arbitrentur ; sed quidnam aliud occinerunt antiqui Hæsiarchæ , eorumque filii , quos tamen & ipsi Novatores , non

fecus atque Catholici impetratis arguunt ? Num idcirco iis pestibus grassari libere licuit , & veneno populos afflare , reclamante nequidquam Ecclesia ? Quod si quis e Novatorum gremio exsurget (quod identidem fieri consuevit) , & falsi postulare dominantem Religionem , aliamque invehere una cum aliis doctrinis velit , Evangelii nuntiandi , ac erroris confodiendi jure amplissimo se se tuens : nemo inter ipsos Novatores hominem , ejusque audaciam non abhorreat , non damnet , & ad silentium compellat . Nemo ab eo audiendo suum non avertat gregem . Nolint ergo suos patres alio a nobis dimetiri pede , quam quo suos ipsi filios dimetirentur , in parentem Ecclesiam armatos . Et discant , læsam ab eorum patribus Justitiam , & ab unoquoque in posterum quoque lædandum , quoties sine aperto aut tacito Ecclesiæ veræ consensu , docendi munus arripiant , licet nonnisi vera & recta se prædicare arbitrentur .

C A P U T I I.

Caritas quando obstat , ne Veritas evulgetur . Ejus leges . An , O quando , O quomodo evulgandi errores Procerum Ecclesiasticorum . An aliorum errores , O virtus , O quando id liceat , aut necesse sit . Abusus , O excessus in hisce . An mordacitas stylī ferenda .

Veritatis præconibus non sola Justitia præcipit , ut cautissime prius & solite caveant , ne falsa pro veris vident , ne pro recta perversam doctrinam obtrudant . Id etiam Caritas & Prudentia arctissime præscribunt & imperant . Quale enim amoris genus illud est , quo Proximum nostrum prosequimur ; quale Prudentia facinus , quum ipsum virtuosus aut agendi , aut credendi documentis imbuentes , a vera Fidei ac Pietatis semita stolidè avocamus ? Dubitatio ipsa , ne venenum propinemus , a medicina exhibenda absterrere nos debet . Hostis enim potius , quam amantis est , in æternæ mortis discrimen illos adducere , quos certus non sis te ad æternæ vitæ spem erendire posse . Verum non heic solum stat Caritatis & Prudentia disciplina . Etiam si vera ac certa sint , quæ tradere animus est , quædam tamen sunt , quæ silere ac tegere , interdum Prudentia , interdum Caritas nos jubet . Justitiam fortasse læsuri non sumus , vera narrantes ; at certe Caritatem , certe Prudentiam quandoque vulnerabimus , quæ

non omnia vera ac certa , neque semper , in publicum effterri patiuntur . Quid igitur Caritas & Prudentia heic velint , & quemadmodum sint earum consilia & leges , differendum restat .

Prima lex ista a nobis ponitur : *Ita dicendum , aut silendum est Verum , ita errores aut refellendi , aut dissimilandi sunt , ut Caritatis ordo servetur .* Id ni fiat , ipsa Caritas desiderabitur . Videlicet præponendum est ex institutione Caritatis amor Dei , & Fidei , & Ecclesiæ ceteris amoribus . Post hunc amorem valete plus debet Reipublicæ , Regis , & Patriæ , quam privatorum dilectio . Primam istam legem Religio & Philosophia summopere commendant . Ex iis enim Virtutibus est Caritas , quæ ordinem exigunt , & sine ordine pereunt . Recta autem ratio docet , maiorem iis rebus amorem deberi , quibus est majoris pretium ac dignitas , & quibus nos majora debemus . Proinde oblatis duobus , quorum alterutri , prodendo , sive occultando verum , dispicere , aut placere oporteat , nullum est dubium , quin illi sit inserviendum ,

Q 2 quod

quod apud nos amore sit dignius, atque præstantius, præferendumque sit privato publicum, temporario æternum, corporeo spirale bonum. Altera Caritatis lex est: *In propagandis erroribus, & in predicatione utilis aut necessaria Veritatis, ita se gerere homo debet, ut moderationis quantum fieri potest recordetur, atque ut id solum cureret, quod sanare alios, melioresque efficere, non autem vulnerare pejoresque facere possit.* Proinde nullam Caritatis rationem habere dicamur, si una cum erroribus homines persequimur, si eorum mores, * atque existimationem pessimare nitimus, si nomen potius nobis, quam proximo nostro salutem conquerimus, prodita inhoneste illius imbecillitate atque ignorantia. Duas itidem leges Prudentia nobis oculos ponit. Earum prima est: *Circumspiciendum esse Veritatem predicatoris, ne dum unum bonum ex una parte querunt, gravius ex alia malum incaute excident, qualia sunt schismata, scandala, funesta dissidia, atque horum similia.* Altera est: *In predicando Vero, & alienis erroribus insectandis, perpendiculariter tempus, locum, & personam cum corrigentis, tum corrigendi, & qualitates cum dicentis, tum dicendorum.* Non enim cuicunque licet quemcumque corripere, & omnia prodere, aut ubique, aut quovis tempore.

His legibus positis, atque alte animo infixis, tam difficile non erit agnoscere, quando necesse sit, aut expeditat, aut deceat, Veritatem prodere, & literis consignare, quaque ratione præstandum id sit, aut ipsam occultare, atque silentio tegere. Fingamus ergo, Auctorem aliquem, aut Episcopum, aut etiam Primatum Ecclesiæ virum, in doctrina Christi revera falli, erroresque suos aut scriptis, aut voce in vulgo spargere? Eius vulnera dissimulare piaculum fuerit. Nam quamvis ipsius accusatio, & inde emanans ignorantia, a Caritate quam ipsi debemus, recedere videatur, Caritatis tamen ordo poscit, ut Ecclesiæ & Rempublicam magis amemus; neque committendum est, ut universitas periclitetur, dum unius existimacioni servanda studemus. Veritatem itaque revelare, ac super testa prædicare, falsaque dogmata quantis poterit viribus impugnare, heic non solum unicuique Christiano licebit, sed necesse erit factis Ecclesiæ custodibus. Immo, istis præ timore, negligentia, ignorantia, aut conspiratione tacentibus, privato cuicunque homini id oneris incumbet, ut

in lupurh exsurgat, dormientesque Pastores suis clamoribus excitet. Ne ipsis quidem sanctissimos Patres, nobis aliquo summa veneratione spectandos, habere aliter in hac parte decet. Homines & ipsi fuerunt. Incaute interdum loquuti, pessime sensisse videntur. Nonnulla etiam Ecclesia decreto nondum stabilita tradidere, quæ qui nunc pervicaciter tueretur, Hæretici notam nequaquam effugeret. Hujusmodi ergo naves arguere, ac prodere liberum est nobis, non quod male doctissimi iis & venerandis capitibus velimus, sed quod Ecclesiæ toti, ac Fidei sanctissima velle melius debeamus, quam singulis ipsis Patribus. Juvat autem, & Reipublicæ plurimum interest, nosse quibus in locis non satis recte tradiderint Majores nostri, ne quis tantorum nominum auctoritate, ubi non debet, fretus, in transversum agatur, ipsamque Ecclesiæ universæ Fidem inde oppugnet. Est & hoc aliquod Caritatis genus in ipsos sanctissimos Patres, atque in alios errantes. Illi, si viverent, Libros suos lubentissime emendarent. Quom id amplius ipsi non possint, amant tamen sibi a posteris eam medicinam adhiberi, quæ si non purgare penitus Libros suos, at certe a suis Lectoriibus arcere morbum qualecumque valeat. Reliqui vero, dum vivunt, erroris moniti, futi honestatis & veritatis amantes putandi sunt, ita gaudere credendi, quod tum se, tum Lectores Auditoresque suos ope nostra ab errore sentiant revocatos. Atque hæc de erroribus, qui in Fidei Christianæ, & Ecclesiæ Catholicae perniciem recta contendunt.

Alii sunt errores extra Fidei doctrinam, sed tamen non extra Religionis pomœria. Eiusmodi sunt singulorum hominum abusus in ministrandis Sacramentis, in sacris Ordinibus conferendis, in veneratione tum Sanctorum, sacrarumque Imaginum, tum etiam Reliquiarum, & in ipso externo Dei cultu, atque Mysteriis, aliisque similibus rebus. Pastorū profecto proprium est munus; hanc ab Ecclesia Dei pestem avertire tum prædicatione, tum scriptis, atque decretis. Sed ipsis nihil proficiuntibus, gloriosum semper fuerit, Deoque gratissimum, si nostras jungamus copias, siue privatorum etiam telis hujusmodi monstra conficiantur. Quod si eo usque malum creverit, ut diutius remedia differre periculoso sit, neque Ecclesiæ Praefules gliscenti malo, quod eorum munus poscit, occurante: frustra audaciae accusabitur

pri-

* Hei notare videtur Auctor suum *Phereponum*, id est *Joannem Clericum*, qui petulantiter nimis antipropugnat. Ibi namque omni pudore posthabito, plura congerit quibus valeat veterum Patrum autoritatem labefactare.

privati hominis consilium, * qui hōsce petulantibus abusus ad Tribunal Ecclesiae deferat, ac in eos exserat vocem & calamum. Dummodo veram iste doctrinam adferat, publicosque errores, & crimina non somniata exagitet (quod accuratissime prius curandum), nihil ip Caritatem peccabit, immo secundum ipsam faciet: atque adeo nos omnes in hisce casibus zelari zelum domus Dei jubemur, & Veritatis ac Religionis jura publice tueri, in quae perversi hujusmodi Christiani suis vitii conspirasse videntur. Idem dicendum de alio errorum genere, quo Ecclesiastica Historia deturpari, & rudium populorum traditio infici potest. Conficta Martyrum, & Confessorum, seu Vitæ seu Reliquiæ, seu opera miranda; suppositi sanctis Patribus, & præclaris Ecclesiae viris Libri; origines Ecclesiæ, & Monasticorum Ordinum, aliaeque innumeræ ad Episcopos, ad Concilia, ad Ecclesiam pertinentes res gestæ, mendacio infuscata aut e levissima tantum populi narratione deponit, & confidenter ad memoriam posterorum literis traditæ: hæc omnia procul dubio Veritatis inimica sunt, & Ecclesiae. Ubi ea configere, aut adoptare, aut dissimulare turpissimum est, ita revelare, & palam exhibilare, justissimum, atque honestissimum. De vindicanda Veritate agitur, de liberanda Ecclesia ab hisce inquinamentis & fucis non modica ex parte perniciosis. Quis heic laesam Caritatem clamet? Primum locum obtainere debet Veritatis, & Ecclesiae, & Reipublicæ amor. Et quando restituunt utilis Veritas, aut ab Ecclesia & populo error eliminari non potest sine aliquius offensione: utique præstat, unum aut paucos dolere, quam multos. Quamquam & illi injuria dolebunt, quem beneficium non tam Ecclesiae matri conferatur, quam ipsi.

Quod in his tamen casibus homini Caritas enixe commendat, illud est, ut quantum fieri potest, parcatur personis, dum errori ac vitio non parcitur. Si simul stare queunt Reipublicæ utilitas, & necessaria medicina, ac privatæ quietis atque existimationis conservatio, ambo utique sunt procuranda. Tum solum finit Caritas, nos privatorum commodis & honori nocere, quando aliter publica res restitui sanarique non potest. Quum igitur in doctrina Fidei quisquam incaute delirat, neque in vulgus sua commenta dispergit, sibi tantum canens, huic adhibere decet salutarem Christianæ correctionis helleborum, ubi legibus Ecclesiasticis ali-

ter cautum non sit; hoc est clam & amice ita monendus, atque docandus, ut si animo sit docili, vulnera sua se cognovisse gaudeat, neque erubescat. Sin iste deliria sua pertinaciter tueri perget, & benevolum monitorem semel iterumque contemnat, & mutande sententia spem nullam relinquat: nihil, Caritate etiam suadente, tunc utilius præstati potest, quam si ejus contumacia (uti Christus ipse mandavit) ad Ecclesiam deferratur, cujus auctoritate tum ipse in officio continetur ac sanetur, tum ab ejus afflato liberetur Respublica. Hujusmodi autem homines non palam errantes, non erroris sui præcones, cur ego palam & nominatum, aut scriptis aut voce perseguar, ac in tri viis ridendos propinam, & exos omnibus puniendoque faciam? Clam peccavere, corripi clam possunt, & corrigi clam amabunt. Quid punis in errante nomen, & famam, quæ errore adhuc latente, & emendationem fortassis non refugiente, nullam adhuc pœnam commeritatæ sunt?

Illud vero constat, licere atque decere publicis scriptis ac rubis in illos ferri, qui errori conjunxere proterviam, & insaniam suam erumpere in publicum sinunt. Non est quod ego eorum morbum ac nomen occultare debeam, quum ipsimet evulgare non dubitarint. Publicum Ecclesiae hostem publice oppugnabo, publice, si vires sufficiunt, evertam; ut si non ipsum ab errore revocem, reliquos saltē pugnæ spectatores, atque adeo Rempublicam ipsam in veritatis acie confirmem. Sed in hoc hominum genere insectando suus quoque Caritati locus esse potest. Inter ipsos sanctos Patres sunt, qui Hæreticos, & eorum asseclas, atque patronos aculeatis exagitant Libris, multumque etiam Plautino sale perfriant. Primas inter ipsos Hieronymus tenet. Sunt & Scriptores, qui sibi temperare nesciunt, quin adversus Ecclesiae hostes quidquid ad manum venit, intorqueant. Contumeliis nullis parcunt, quarum etiam non paucæ veritatis fundamento carent. Mille vituperiorum plaustra in ipsos congerunt; uno verbo, nihil non movent, quo communem prosternant Religionis verae adverfarium. Quod est ad nonnullios e sanctis Patribus, non iis vitio vertimus, quod acribus interdum pro veritate scriptis pugnaverint. Christianum zelum ne hic quidem stylus dedecet; hos ignes ipsa bona causa, ac defensio cognitæ Veritatis, ultro suggerit, non facile fane cul-

* Quis non videat ad hunc locum respexisse nostrum *Pitanum*, quum Opus illud excogitavit ediditque Italice scriptum, cui titulus: *Della regolata Divozion de' Christiani?* in eo esim plures abusus perstringit erroresque, qui licet sint extra Fidei doctrinam, non sunt tamen extra Religionis pœncoria, ut ipse loqui amat.

culpandos, nisi quam ad calumnias conciata oratio dilabitur. Sibi ergo imputent, si tam a pere accipientur, quicumque a recta Christi doctrina defecisse minime contenti, positos quoque a Deo Judices, hoc est, Ecclesiam ipsam, non spernere solum, sed etiam dilaniare atque infamare minime verentur. Habeant illi & hanc suæ contumaciae poenam, & populus eosdem abominari atque abhorrire eo facilius discat, quo libentius fertur ad legendam in piperatis disputacionibus illorum damnationem. Attamen, si nobis optio detur, placidam, quam iracundam in refellendo errore facundiam sequi mallemus. Placuit hæc aliis Patribus, & Augustino præfertim, qui quum aliis nominibus maxime sit commendandus, hoc ipso in primis apud posteros spectabilem se fecit, quod certando cum Hæreticis vel procacissimis, numquam mansuetudinem suam, atque verborum

lenitatem, quamvis lacestitus maledictis, abjecerit. Et certe vix est ut hominem animal omnium ambitiosissimum, conviciis & acerrima reprehensione de sententia atque errore deducas. Mordacissima oratione exasperatus ille vindictam potius, quam emendationem cogitabit. Contra gravis simulque misericordia confutatio, animum adversarii ab auscultanda Veritate nequaquam avertens, plus quam altera potest, quum & ejus errorem vincere, & ipsum errantem sanitati restituere possit. Quæ cura Christiano Scriptore, quam altera, profecto dignior. Nostrum enim esse debet, non ignominia onerare, sed ad meliorem frugem, quantum in nobis est, fratrem nostrum convertere, fratrem lucrari. Mirum autem est, quantum & peccantes ad penitentiam, & errantes ad palindram alliciat gravis illa mansuetudo corripiant, sive refutantis.

C A P U T III.

Calumniæ nunquam adhibenda. Conviciis temperandum. Non imputandi errores, nisi bene perspecti. Placide quantum fieri potest pugnandum; & quando secus deceat. In confutandis erroribus ad Religionem minime spectantibus que libertas Ingeniis. Caritati ac Moderationi & heic suus esse debet locus. Quando vitia morum adversariis objicere liceat.

Porro, si adhuc stat animo tua scripta contra Catholicæ Veritatis & Ecclesiæ inimicos aculeato, iratoque etiam stylo armare: non impedio scribentem. Sed ira modum habeat, honestatem non obliviscatur oratio; pro Ecclesiæ & Fidei Apologia non inveniant Lectores virulentissimam Satyram. Alioqui non æquitas solum, & Caritas, sed & Justitia ac Prudentia illuc desiderabuntur. Nescio enim, quo pacto justi ac prudentis nomen retinere possit, qui ita in hostem irruit, ut se quoque incaute lâdat; adversarii culpas tam etiâ persequitur, ut se maledicuum fieri minime sentiat; atque ita in aliis reparare vult Veritatis iacturam, ut ipse interim ad calumnias & convicia descendens, moderationem vitilem atque Christianam in se ipso perdat. Difficile est, fateor, ignoris ingenii pacate heic agere, zelo potissimum sacrae Fidei flammam augente. Pugnae ipsius ardor ita itus omnes temperare non finit, ut errorem tantummodo alienum, non & personas aliquando feriamus. Vel cautissimis & mansuetissimis pugnatoribus jacula interdum elabuntur, quæ animum ferientis occulte fallunt. Verum circumspicendum est nobis, quid in certamine ad tam facile lumenque mordendum ingenia nostra stimulet atque impellat. Interdum unus amor nostri tantum pulverem excitat. Amamus famam religiosi zeli, quem quo plus in censura irascimus, etiam si excedimus, eo commodius suasuros nos esse speramus. Querimus Lectorem plurimum, cumque novimus ad Plautinas mensas, & scommata lubentius confluentem; quare per Satyram nostris Libris curamus, ut accedat commendatio major. Credimus etiam in hoc loquendi genere evidentius apparere bona causæ conscientiam. Verum heic non raro noster nos fallit affectus; & præ omnibus spectanda est Veritas, quæ certe ab erroribus liberari, defendi, suaderi potest, sine tanto felle, tanquam pertulantia orationis. Denique ab ingeniis acuto quam maxime differt amarus atque maledicus stylus. Illo sapiens quoque liberalissime utatur; ab isto temperet. Nam dum rationibus & argumentis dimicetur, jam in tuto est Veritatis causa; neque interim adversario, quantum in nostra manu est, de nobis querendi ulla relinquitur justa ratio. Jubet nos ergo Caritas placide vel in pertinaces

naces Hæreticos agere, * ut non tantum illorum errori prosterendo studeamus, sed & saluti prospiciamus. Quanto autem magis ipsa nos moneat, ne ipsis errores & crimina imputemus, falsa, sive confusa? Ejusmodi hominum infaniam, atque impudentiam, supra modum exaggerare plerumque solet mendax fama, aut adversariorum ira. Proinde æquum est, & Caritatis lege sanctum, ut in hoc etiam communium hostium genere, corumque Libris nihil vituperemus, nihil fideremus, quod prius non constet ipsorum sententia affirmari atque probari. Qua in re nullus dubito, quin Catholici quidam minus cauti, & cæco zelo abrepti, interdum se quoque præbuerint arguendos. Per nonnullos & primis Lutheri & Calvini oppugnatoribus non stetit, quominus in longam seriem excrescerent istorum errores. Supra centum Calvini blasphemias numerabat Fevardentius, Scriptor stylo quoque parum in ipsis Hæreticos moderato usus. Tam multa, ac tam graviter, non delirasse Calvinum ejusque sectarios, cum ipsis postea palam fecere, tum nostri sensim deprehenderunt, simul ac remissus est primus ille certaminis impetus. Minus, inquam, Lutherani, & Calviniani, quam videbatur, olim a veritate Catholicâ aberant; minus etiam nostra tempestate absunt, quum a suis parentibus jam in aliquibus discesserint nimis aperte impiis falsisve sententiis; discessuri, ut sperandum est, a reliquis etiam, ubi Catholicorum Doctrinam, vitiataam a declamatoribus suis, audire desinent, puram vero a Conciliis & Catechismis nostris publice probatis haurire incipient. Et revera istud non dicam familiare est, sed in consuetudinem & quamdam quasi legem apud ipsis transit, ut Catholicorum Doctrina atque Ecclesia in eorum scriptis atque concionibus ita discerpatur, ac deformetur, ut nativam suam faciem ac puritatem prorsus amittat. Quotidiani sui munera esse quilibet Ministellus putat, in mores opinionesque nostras qua maledictis, qua declamatio-nibus invehi; fictitiis criminibus ac erroribus dogmata nostra onerare; ipsas nostrorum virtutes, ritusque pios, fulcis exprime-re coloribus; omnia denique dissimulare, quæ nobis militant, quæque aut prodere conseruent possent incautam obtrectationem eorum, aut nostram tueri optimam causam. Sic alitur in populis jam annosus error, & deplorandum schisma. Plebs autem a tene-bris, ut ajunt, unguiculis educata atque in-fercita hujusmodi naniis & calumniosis con-cionibus, nihil vehementius horret, quam Catholicorum Fidem & Sacramenta. Quid? quod non auribus tantum, sed & oculis im-peritorum sua spectacula ministrantur. Con-clavia & Libri maledicis picturis abundante, quibus somniata Babylon lepidissime, ut si-bi persuadent, sed insulse omnino, descripta exhibetur, & innumera Antichristi jam in eorum phantasia nati, sive Monachorum, sive Episcoporum, gesta subsannantur atque deturpantur. Hac autem in parte ii præfer-tim excellere solent, quibus & crassiorem aerem, & frigidorem patriam, & minus ele-gans ingenium natura dedit.

Evidem si qui sunt inter Catholicos, qui-bus adhuc hujusmodi genus pugnandi placeat, non solum nullas a me laudes expectent, sed multam potius vituperationem. Viros libe-raliter eruditos, nedum Christianos, ista non decent. Et nostros moneo, potissimum vero monendos reor aliena communionis Scriptores atque Oratores, utpote sœpius & fœdius in hujusmodi studio peccantes, ut dum Religionis Veritatem sermone Libris per-trauant atque tuerintur, a conviciis & maledicentia abstineant, & quantum fieri potest Caritatis consilia auscultent. Prius adver-sariorum sententiae atque argumenta probe te-neantur, neque a privato quopiam inepto-ve Scriptore dogmata Ecclesiæ Catholicæ, aut diversarum Sectarum hauriantur, sed a publicis Fidei professionibus, publiceque re-ceptis Libris. Longe alia sunt in Protestan-tium ore, ac in Catholicorum Conciliis be-ne multa, quæ profecto ignorare confuta-turis non licet, ac ignorata damnare teme-ratissis est, ne dicam dementiæ. Id non dif-fitentur, qui inter Protestantes temporibus nostris sinceritate præstant & diligentia, & perperam culpata fuisse, atque culpari multa Catholicorum sentiunt. Tum adversus be-ne perspectas sententias exserenda, si quæ sunt, solide rationes, certis innixa principiis, ac inde rite deducuntur. Quid his, non jam clan-culum, sed aperte sese immiscet impudens & vilis contumeliarum atque sannarum familia? Cur calumniis caute non occluditur adi-tus? Quid barbarico more ictus vibrantur? Est hoc vulnerare atque exasperare, non au-tem sanare adversarium: quod tamen postremum Caritas a nobis unice postularet. Vincat ergo Veritas pondere argumentorum, non opprimat ira mordacitatem & furore dictorum.

Hic autem suavi Caritatis editio contraire ille

* Sæculo præterito vertente, eægrie præ aliis id præstítit in celeberrimis suis Operibus dogmaticis Galli-ce editis, Cl. V. Jacobus Benignus Bossuetus Meldenis Episcopus; quem hac in re tamquam ex-cellens exemplar imitandum proponit noster Lamindus in aureo illo Opusculo, *Riflessioni sopra il Buon Gusto nelle Scienze e nell' Arti, Part. II. Cap. X. pag. 171.*

ille dicendus non est, qui furiosos, calumniosos, & maledicos Scriptores non aliter refellere potest, quam eorum vitiis excussis, & palam confosatis. Quid agat iste Censor, quamquam placidus atque modestus? Si Veritatem vindicare vult ab alienis telis, non potest quin malam adversarii fidem mansuetu quidem accuset, & prodat, sed tamen accuset. Adulteratos ab ipso codices, truncatas sententias, dissimulata consuliro argumenta, consectaria, captiosas & sophisticas rationes, declamatorias phaleras atque hyperboles, conficta exempla, & alia hujusmodi, satyricus & immitis non est, qui arguit, & spectanda omnibus præbet; sed ille temerarius, & indoctus, & parum pius, & parum mentis compos, aut suæ existimationis prodigus, qui talia in veritatis ludibrium pallam est ausus. Heic, ut dici solet, causa causæ respondet. Attamen heic etiam habere potest, quo se prudentem & humanum, & vitiorum, non hominum, infestatorem se prober Scriptor. Scilicet, quantum materia finit, non exaggeret, sed minuat culpas; & errata inimici aut nude tantum describat, atque ita demum describat, ut benevolum adhuc se illius objurgatorem & correctorem ostendat. Hæc, fateor, facilius suadere aliis, & in aliis observata laudare, quam a nobis impetrare possumus; nam & qui prius animo statuant, se non secus cum Hæretico atque inimico agere velle, quam cum fratre atque amico, vix fidem sibi præstare possunt factis. Sed optima nobis proponenda, ut eo si non pervenire datur, accedere saltem, quisque contendat. Vix enim excogitari potest, quantum conduceret ad ineundam pacem atque concordiam inter tot Ecclesiæ Christianæ aut veros aut perduelles filios, tanta opinionum diversitate sejunctorum, adeoque miserabilis schismate tamdiu distractos, si pacifico stylo, placidisque disputationibus utrinque ageretur, oculis in unam Veritatem semper intentis. Atque ad hoc in primis utinam ii sedulo mentem converterent, qui refutant errores ab uno quidem Scriptore sparso in vulgus, sed alicui sectæ communes. Tum in uno multi feriuntur; mitiusque propterea dimicandum, ut non unum tantummodo, sed plures amica confutatione lucreris, & Ecclesia restituas.

De rebus ad Religionem & Ecclesiam nihil spectantibus interdum lis erit. Multas Physica suppeditat, multas Jurisprudentia ac Historia, multas Rethorica, & Poetica, atque ipsa etiam Grammatica. In his excogitandis, referendis, atque explicandis humatum ingenium, atque eruditio sœpe deficiunt. Hinc viris criticis, nūquam non

in similes errores intentis, negotium grande, neque minus Typographis. Si quosdam audire volumus, ab omni Librorum censura temperandum. Aut enim vera & recta docent: & in Censoris caput recidet censura, si fiat: aut falsa & inepta continent: & inani idcirco refellunt labore, quum suapte natura sint cafuri, & ad blattas tineasque dammandi. Petitur etiam, quo jure in Auctorem tibi non injurium, immo tui nescium, censoriam auctoritatem exercere velis. Sed qui ista petunt ac monent, adhuc ignorare videntur, quam facile error in homines irrepatur, atque ab iis adoptetur, quantumque humanæ Reipublicæ interfit, Verum ac Bonum a Falso & Malo distinguere atque tueri. Ut de Veritate potissimum loquar, publicum illa & universale bonum est, divino munere adhuc in terris relictum. Ita totum est omnium, ut totum sit etiam singulorum, nullique licet me decipere, atque in errorem trahere, & cogere, ut falsa pro veris, vera pro falsis amplectar. Quum tantum ac tam nobile patrimonium aliqua ex parte quisquam ladiet, mendacio indulgens, aut falsa incaute venditans, res mea ladietur, & pro bono malum, hoc est, error mihi obtruditur. Meum ergo est mea tueri, mihique ab errore cavere, & contra Veritatis inimicum, qualicumque sit, dimicare. Quod si palam Veritati bellum indicitur, (id quod in Libris falsa fermentibus, & publica luce donatis, usuvenit) jam fas mihi est, bonum non iam amplius tantummodo meum, sed publicum, ab injuryia publice vindicare, & a Republica errorem removere, Reipublicæ ipsi pernicisum. Quis me jure accuseret, immo quis iure non laudet, quod non sinam decipi gentem meam, & regnare Veritatem velim? At error est in Historia, in Physica, in Poetica, in Grammatica, & in aliis, ut ita dicam, iudicris aut inanibus studiis, non in gravi Religionis, aut legum, & morum scientia. Esto. Anne propterea ferendus, neque eliminandus est error? Et ista mihi & Reipublicæ nocent, quantum possunt; malum quippe est falli tam in magnis, quam in parvis; & omnium interest, ne in Poetica quidem, & Grammatica, nedum in Physica, & Historica eruditione, falsa aut prava disseminari & credi. Uti vero nulla ratio hominem excusat, quod in Libros optimos, & optima tradentes, censoriam virginam adhibeat; ita rationes multæ cum eo faciunt, qui Libros malos, & falsi aut vitiæ magistros, refellendos corrigendosve suscipit. Magnam partem ex indoctis constat hominum genus. Inter ipsos Literarum cul-

tores

tores rurum judicium est, & crebra hallucinatio. Ita vero interdum conditur, & celiatur, & colore veritatis, error ac falsitas incrassantur, ut vel peritis imponant. Non est ergo illius vituperandum confilium, qui ab errandi periculo atque ab imitatione pravorum, Rempublicam aut statim, aut tandem eripiat. Sed potius ille laudandus, quod censura sua cautam faciat reliquam gentem, & labore suo ceteros a labore exquisiti exanimis liberet. Ineptissimos tantum Libros, & nemini officere valentes, anxie in trutina suspendere & refutare velle, est hominis cum inepto ineptire cupientis. Ceterum qui & hoc sibi negotii sumat, quo saltem ab imitatione similium arceat alios Literis operam dantes, non ut suo adversus Auctorem odio obtemperet, in Prudentiam forfasse peccabit, nequaquam vero in Justitiam.

Tractantibus autem & hujusmodi, quamquam interdum levis momenti, quæstiones, inculcanda est iterum moderationis & humanitatis mentio. Quando aliter fieri non potest, ad ravim usque contendatur pro quacumque Veritate, in quemcumque errorem, ac malum Librum. Sed non lacerentur in contraria, licet absurdia, sententia positi. Nemia dicacitate non corrumpatur, non infametur bona causa. Rationibus tantum, non conviciis & maledictis, servata est palma. Præterea quid, amabo, ferventi censuræ tuæ, aut Apologiæ, cuius argumentum est error intellectus, mores quoque & personam adversarii interferis? Indignatur Veritas, se talibus armis defendi, quum hæc illam nihil revera defendant, & in unius utentis probrum convertantur. Et tamen Censori suo, quem natura monoculum, gibbosum, claudum fecit, aut ingenti nafo armavit, quinam tanta animi moderatione olim respondebant, ut hæc illius vitia non memorarent atque riderent? Quinam ita sibi imperare poterant, ut adversarii luxuriam, ambitionem, artesque pravas in literariam pugnam non inferrent? Inventi sunt; parum dixi; inveniuntur, qui paupertatem & ignobilem originem Censori suarum opinionum objiciant, quasi in istius ore Veritas quoque & argumenta Veritatis, obscuram & miseram dicentis conditionem, ejusque sinistram fortunam combiberint. Statuunt alii potiorem suæ defensionis vim in recriminando adversario. Quod quidem quum nihil utilitatis sæpe inferat causæ, qua de agitur, id unum potest, ut ad inhonestam vilemque vindictam inseriat, quando ad justam tutelam non potest. Parum certe videntur acuti, qui hac arte

quidquam pro se protecturos se esse sperant. Vulnera quidem inimico, sed sibi glutem non creabunt, ab eo non dissimiles, qui se non avarum, & non dementem probatur, id tantummodo ostendendum sumit, se inter avaros atque dementes solum non esse.

Fieri tamen potest, ut non liceat solum, sed etiam quandoque expedit, in adversiorum mores, & crimina inquirere, moderationis tamen ac Veritatis cura numquam seposita. Quum nempe ad veritatis & innocentia præsidium facit eadem ipsa morum & criminum revelatio. Hujusmodi telo nonnumquam calumniatores feliciter repelluntur; & in forensi palæstra, ac in orationibus judiciarii multus esse potest illius usus. Præterea æquum simul & laudabile fuit, moribus eorum, qui resentiores Hæreses condidere, litem intendere. Nempe ne hoc quidem postremum erat argumentum pessimæ illorum causæ, neque parum conducebat ad veritatem Catholicæ Ecclesiæ firmandam. Ut Ecclesiam istam a vera Fide jam prolapsum, & a multis sæculis invisibilem, Ido lis & Antichristo servientem, restituerent, divinus constitutos Lutherum, Zwinglium, Calvinum, atque alios id genus homines, dictitarunt eorum sectatores. Hos extraordinarios viros, extraordinaria & cælesti vocatione ad Ecclesiam reformatam missos, appellabant. Verum quum novos hosce Prophetas nos ostendamus, non solum omnibus Prophetarum donis caruisse, sed etiam multis abundasse vitiis, neque meliores evasisse, qui in eorum disciplinam & dogmata concenserent, sicuti præter multos alios locupletissimus testis Desiderius Erasmus affirmat: cuinam persuadere in posterum se posse putant nonnulli populi, nuperos istos Catones & cælo cecidisse, cæloque consentiente, immo impellente, tot in Ecclesia Dei excitatæ schismata atque tragedias? Uti vero adversus ipsos legitime ejusmodi arguento utimur, ita ipsi inepte adversus Catholicam Ecclesiam arguento a moribus educto utuntur, utcumque corrupti Catholicorum Sacerdotum, Monachorum, & populi mores tunc fuerint, quum signa in matrem suam Lutherus movit: discessionem idcirco facere non licuit ab istorum societate, & communione. In mores enim, non in dogmata vitium fluxerat; & iniquum plane est, sanctitatem & rectitudinem Religionis dimitiri & damnare ex perverbis hominum moribus, quum contra damnandi sint pravi hominum mores e sanctitate & rectitudine legum, quas ipsa Religio proponit.

C A P U T I V.

Errores in Sanctorum Patrum scriptis non dissimulandi; sed modeste agendum, & excusandi errantes. Prudentiae in proferenda Veritate, & erroribus insectandis habenda ratio. Quot modis in hanc virtutem peccatur. Scandalis ac seditionibus non aperiendus aditus.

Quum de Fidei doctrina agitur, diximus, Veritatis causam poscere, ut vel ipsis sanctis Patribus non ignoratur. Id repeto: dissimulandi non sunt errores, qui in nonnullorum Patrum Libris interdum occurunt, ne iis quisquam abutatur in Ecclesia perniciem, qua contra sensit, & sentit. Verum quandoquidem Christiana moderatio tanti facienda est, vel quum in Hæreticos scribitur, quanto magis eadem servanda est virtus, quum detegendi sunt navi sanctorum Patrum? Heic itaque duo observanda in primis. Primum est, ut quantum fieri potest, non errorem solum, sed etiam erroris suspicionem a magnis illis viris amoliamur. Quod contingit interdum, quum ex plurium locorum collatione deprehenditur, aliam fuisse eorum sententiam, quam quæ in uno quopiam Libro, seu Libri loco, sonare videatur. Tum si commodum aliquem sensum eorum verba patiuntur, hunc ipsis tribuere fas est; nihil enim verissimius est, quam tales tantosque viros, cum Ecclesia & ceteris Patribus omnia plerumque concordes, ne in ea quidem opinione ab iisdem Patribus atque ab Ecclesia disensisse. Prolatis etiam quandoque Codicibus notæ meliores, parum sanis Libris succurrunt, unde fluere videbatur parum sana doctrina. Et multa quidem sunt, in quibus cum veteres tum recentiores Hæretici putant professe habere sanctorum Patrum consensum, & loca non pauca producunt, suis in speciem opinionibus accommodata. Sed illud constat, nullum esse Dogma, in quo ostendere possint Hæretici, non dicam omnes, sed nemquam quidem partem Sanctorum Patrum secum facere. Ubique aut omnes, aut plerisque Catholica pro se habet Ecclesia. Si qui favere Heterodoxis videntur: adhuc adhibitis explicationibus non violentis, & hinc non raro ab ejusmodi nota liberantur. Qua tamen in re, uti saepe diximus, tam cœca esse Caritas resusat, ut aliqua ex parte Veritatem pessumdet. Ne ii quidem in nostram causam fugi inviti trahendi. Quamquam enim aliquis Patrum paria cum Hæreticis quapiam in re nonnumquam scribat, inde sibi Catholica Ecclesia nihil timendum habet,

qua non singulorum Patrum auctoritate nititur, sed conjunctorum; & præstantiorem aut uberiorem istorum partem paucioribus opponere potest.

Ad hæc, ubi honesta nulla & commoda ratio succurrit, qua ab erroris specie liberantur quorundam Patrum dicta, ita Veritatis amans hujusmodi naves prodit, ut Caritas simul vindicet eorumdem autores a crimen. Videlicet, culpam Hæresis non omnis contrahit, qui hæreticam aut perversem profert sententiam. Oportet errori conjunxiisse pertinaciam. Opus etiam est, ut prius ejusmodi sententiae inter errores ab Ecclesia numerata fuerint, aut ea sint, quæ vel sine Ecclesia decreto cognosci non difficile possint tamquam a vera Ecclesiæ doctrina alienæ. Nullum autem e Patribus indicare est in aliqua opinione tuenda pervicacem adversus Catholicam Ecclesiam. Alioqui, non sanctorum Patrum albo, sed Hæreticorum ille jam fuisse inscriptus. Præterea si quis eorum in parum sana sententia constantem se prodidit, utique ea fuit sententia, quæ sine crimen, atque intacta Fide Catholica, animo indui defendique adhuc poterat, quippe nondum satis explorata, & Ecclesia calculo nondum improbata, sive damnata. His animadversis, Caritati simul & Veritati factum erit satis; neque religioni sibi postea ducet eruditus Scriptor, ea in sanctis Patribus modeste arguere, que forte absint a regula totius Ecclesiae. Et quidem nonnisi laudandus, qui hujusmodi Caritatis Christianæ artes exerceat pro vindicandis ab hæresi & a crimen (dum fieri absque Veritatis iactura possit) reliquis hominibus, atque Scriptoribus. Sed hoc beneficium potiore jure a nobis expectant, quos vulgo Patres dicimus, vires nempe doctrina, sanctitate, & sacro ministerio plerumque insignes, & ab ipsa Ecclesia laudati. Quamobrem Christianus pudor in iis desideratur, qui acribus censuris tam veneranda capita interdum exagitant. Neutiquam vero tum ferendi Censores, quum non solum veros immodeste iis errores objiciunt, sed falsos etiam affingunt, atque in eorum Libris reprehendunt germana Ecclesiæ Catholicæ dogmata.

mata. Verum de his iterum erit agendi locus, ubi a censura Johannis Phereponi sanctum Augustinum vindicabimus.

Demum in veritate exsferenda, erroribus que palam insectandis, maxima Prudentia habenda est ratio, sine cuius ductu vel ipsae virtutes, ad actionem deductæ, in vita degenerant. Ad istam nimivm pertinet, significare, quando, & quomodo, & quibus in locis, & per quos aut dissimulanda, aut prædicanda sit Veritas. Primum igitur Prudentia præceptum est: *Non expedire, immo nefas interdum esse, veritates quasdam proferre, atque inculcare, e quibus pessima ensuantur scandala.* Heic certe cum Prudentia Justitia consentit. *Equitas nos querit ea silere ac dissimilare, quæ nihil publicæ rei profint, & multum privatæ noceant.* Proptereaque privatis aduersariorum motibus in literario certamine censura parcere debet. Nihil enim aut utile, aut certe necessarium est populo rescire, quibus vitiis aduersarii nostri corpus natura signaverit, aut quibus perversis affectibus animus illius abundet. Solus hominum litor ex hisce spectaculis oblectationem caput. Contra vero aduersariorum existimationi & nomini officitur, eorum vitiis revelatis, publiceque irrisis; quum tamen hujusmodi censuræ genus neque ad literariam litem dirimendam, neque ad animum inimici meliore efficiendum, adhibeat. Iterum: *Aequitas precipit, ne ita prodesse Reipublicæ velimus, ut ipso tempore ipsaque beneficio gravius eidem noceamus.* Ita omnium vituperationem incurrat Medicus ille, qui ut ab ægrotato morbum levem depellat, alium ipsum, atque priore graviorem, suo pharaco creat.

Quum itaque errores & vitiæ inter homines obtinent, in eorum castigationem Caritas exardecet, Justitia armabitur, unaquæque pro tuenda veritate, ac errore eliminando. Verum ambas in aciem circumspecte ducet Prudentia, neque agere sinet, nisi opportuno tempore, loco, & ardore. Interdum etiam silentium indicet, & a pugna retrahet, maioresque aut minores animos pro rei qualitate inspirabit. Nullum tam grande malum est inter Christianos, quod Christianæ doctrinae corruptioni æquari possit. Numquam ergo silendum, numquam occultandam veritatem Prudentia nobis auctor erit, quum quis tamquam Christi doctrinam venditare incipit errores, & sententias verbo Dei sive scripto, sive non scripto, contrarias. Rursum quum istam Fidem, divinamque doctrinam in me perdere quisquam hostis Christi nititur, me vel minis, vel donis, vel aliis artibus ad eam ejurandum compellens, sive aliciens: dum vox & vita suppetent, committendum mihi

non erit, ut confessio Veritatis, ejusque firmissima persuasio, mihi eripiantur. Ceterum in aliis casibus, ita poscente Prudentia, non erit interdum erroribus eorum, qui sunt extra Ecclesiam, (exempli gratia, Ethhicorum aut Mahumetanorum superstitioni) apertissimum ac enorme indicendum bellum. Tria prima Ecclesiæ sacula, Terris frustra & Inferis contra pugnantibus, Religionem Christianam stupuere triumphantem. Crudelissimos Tyrannos in Christi nomen conjuratos fatigavit & vicit innumerabilium Christianorum fortissima patientia. Attamen dissimulandum non est: inter ipsos Martyres fuere nonnulli, quos in flagrantissimo veritatis & Religionis zelo Prudentia defecit. Non contenti sanctissimam Religionem rationum robore defendisse, & superstitionem Ethnicam scriptis & voce fugiendam denuntiassæ (quod veritatis cultores revera decebat), Gentilium quoque Idola communere, sana, & cultum profanum palam irridere, ipsosque Ethnicos Magistratus ultro irritare non dubitarunt. Hinc austæ interdum persecutions; & multorum fides aut vita in discrimen adducta. Theodosii quoque junioris temporibus immensis procolla excitata est aduersus Christianos in Perside. Ex ipsis sublata sunt milia quam plurima, ibique pæne funditus excisa Christi Ecclesia. Tot autem mortibus & incommode causam dedit unius culpa. Aylas nempe Episcopus, vir ceteris virtutibus illostris, sed Prudentia non satis instractus, quod Pyreum, sive Templum Gentilium, evertisset, tum in se, tum in reliquos fratres, atque in cuncta Christianorum Tempora concitavit iram Perici Regis. Utique Martyria feliciter ac fortiter dimicantibus utilitati sunt & gloria. Sed accersenda sine necessitate non sunt, ne tentetur Deus, ne constantia nostra mediis in cruciatibus periclitetur, aut saltene in fratres, atque in Ecclesiam, miseranda calamitates & postrema incommoda per imprudentiam nostram deriventur. Vide Concilii Illiberitani Canonem LX. atque in eum Mendoza & Aguirrii commentarios.

Ad hæc, Veritatis prædictatores, & insectatores errorum, Prudentia circumstare debet, atque indicare, quæ scandala, qui tumultus, quæve alia incommoda consequi possint Veritatem aut eo tempore, aut eo loco, aut ea ratione degradatam. Si errores in doctrinam Christi minime pugnant, nonnumquam minus malum fuerit tolerare paulisper, & proderit differe censuram. Animi Regum, exempli cauta, exasperandi ita non sunt proper hujusmodi causas, ut eos ira atque ambitio ad schisma trahat, atque ad Ecclesiam veramque Religionem ejurandum.

dam. Tertium malum Schisma est. Væ generatione conflantibus. Sed vœ iis etiam, qui imprudenter solicitant alios ad tam detestandum facinus. Sunt qui abusus, & via, & errores publice configere nesciunt, nisi etiam classico inflato juribus aliis incaute officiant. Nam sicuti dum regnorum ærumnas nonnulli deplorant, earumque auctores lacerant, populos imprudenti declamatione ad seditiones movent, atque ad auferrandam legitimis Regibus debitam obedientiam: ita Præfulum & Sacerdotum, & Monachorum non somniata vita argumentum aliis inventivarum sunt, qui tamen interim hadquam cernunt, se ita agere, ut plebs reverentiam exuat erga optimos etiam Episcopos, & universo Ordini Sacerdotali obsequium neget. Abusus in Sacramentis ministrandis, in usu pietatis, in Imaginum sacrarum Sanctorumque venerazione, atque in Indulgentiis promulgandis deprehensos, descriperunt alii, damnaruntque acerime. Caulam, consilium, zelum laudo. Verum ipsis cavendum accurate fuerat, ne dum vituperanda vituperabant, & abusus configabant, ipsas quoque res sacras, & semper venerandas, aut Hægeticorum ludibrio expōnerent, aut etiam in contentionem adducerent Catholicæ plebis. In Miracula confusa inveniuntur alii, aut nimis laxas nonnullorum Theologorum opiniones ferre non possunt; pro utrisque conscribunt alii Apologia. Qui veritatem isto in certamine tuentur, rem justitiae gratam præstant, iisque immerito irascamur. Sed quum illi suspicione falsi vera etiam miracula a se aspergi non animadvertant; aut integrum aliquem Ordinem ex paucorum culpa in invidiam incaute trahant; isti vero Miraculis etiam falsis, aut opinionibus parum probabilibus eodem tempore, quamquam præter suum propositum, auctoritatem & licentiam conciliant: indignandum profecto est, quod isti Prudentiam prius non consuluerint, camque suorum scriptorum non præficerint ductricem atque magistrum.

Quid itaque curæ futorum sit hujus virtutis amanti, dum prædicanda Veritas, errorresque sunt palam increpandi, facile hinc intelligere possumus. Interdum vir prudens errores populi, aut via, atque scandala Sacerdotum, Ordinisque Monastici, deferenda potius censet ad Episcopos, & potissimum ad Apostolicam Sedem, quam publicis vexanda clamoribus. Certam ille mavult ab Ecclesiæ Principibus expectare medicinam, quam dubiam & pericolosam a privata censura. Et sane quidquid a Romanis Pontificibus, & ab Episcopis, atque Conciliis in di-

sciplinæ corrigitur, atque interdictitur, quamvis multa se antiquitate, & populorum usuetatur: turbas & seditiones movere non solet & nequit. Satis persuasum est Christianæ plebi, nihil ab iis auferri, improbari, aut immutari, nisi quod a vera pietate abhorreat; facileque auctoritati legitima, ac veneranda obedientes acquiescent. Non id que sibi persuadeat populus de privatorum censuris, & maxime tacentibus Pastoribus, quorum silentium aut inertiam pro suffragio & consensu oves errantes interpretantur, vel quando agitur de non levibus superstitionum scintillis. Hinc aut nullus censoræ privata fructus, aut si quisquam, is certe rarus, & periculosus, & a Pastoribus dormientibus interdum avertit animos gregis. Itaque prudentis est, Petri Successores, & Ecclesiæ Antistites, potius, quam populum ipsum, ad horum emendationem concitare supplici voce, mitibusque etiam querelis.

Sed pergunt altum stertere, aut connivere Episcopi. Nolo causam Veritatis, & zelum domus Dei, & errantium curam idcirco abjiciat Christianus. Fas est ipsis publicis scriptis revelare cognita vulnera, fas est confidere pertinacem errorem. Ita tamen se gerat, ut codem opere, atque instituto reverentiam suadeat atque confirmet erga supremos Ecclesiæ Magistratus. Abusus, & scandala, & falsam pietatem, & populares errores, configat obelo; sed simul Sacraenta, & germanum Religionis cultum, & solidam Pietatem, & sanas sententias, & unitatem Fidei maxime commendet. De Virginitatis laudibus agens, Conjugio suam non detrahat laudem: quod satis non cavisse sanctum Hieronymum olim suspicati sunt quidam. Si divina Gratia vim & necessitatem tuerit, Arbitrii libertas in ejus scriptis æque commendetur. Et vicissim Arbitrii virtus atque libertas tan-topere non extollatur, ut deprimatur dignitas & necessitas Gratiae. Dum vero corruptos vel ipsorum Præfulum mores, nullo tamen aperte designato, carpit, tantum absit, ut aut contemptum Romanæ Sedis, & Episcoporum, & Religiorum Ordinum inducere possit ac velit, aut aliqua ex parte juvet ambitiosam & impiam reformationem, quam jactitant nostri temporis Novatores, ut ipsorum Episcoporum, & præcipue Maximorum Pontificum decretis atque Conciliis uratur ad hæc omnia confundanda atque proscribenda, pariterque prodat, quantum in hujusmodi emendatione excesserint Hæretici recentiores. Quænam enim emergere via, abusus, & superstitionum deliria pæne jam possunt, quæ Patres, Episcopi, & Romani præsertim, suis aut scriptis aut Synodi ante non ejurarint, monuerint que

que esse fugienda? Præterea prudenti viro numquam certe nimia Opinionum laxitas probatur, sed ne nimia quidem austeras. Quamquam si in alterutram partem peccandum sit, severitate malit, ne jam pronæ hominum naturæ ad se se emancipandam in via, ipse calvaria addat exuberant indulgentia. Non minus ergo anxie cogitat, quantum scriptis arque oratione sua prodebet Ecclesiæ & populo possit, quam caute circumspicit, ne qua ex parte noceat. Atque hujusmodi ratione Veritatis jura intrepidus exer-

cet, simulque numeros omnes implet judiciose sagacitatis, atque Prudentiæ. Pertinet & ad istam virtutem inspicere, licetne, an non, aut saltem num expediat, an non, in Moralis Theologiæ Libris tot luxuriaz secreta prodere, quæ Sacerdotes quidem Confessionibus excipiendi destinatos ad bonum erudire, sed simul etiam multos eorum criminum antea ignaros instruere, ne dicam juvare possunt ad malum. Quam quæstionem nos in medio relinquimus, & solum innuerere necessarium putavimus.

C A P U T V.

Quando, & quibus de caussis, damnare & configere Libros, Pastoribus Ecclesiæ liceat, aut sit opus. Et heic a Censoribus Ecclesiasticis in Justitiam peccari potest, in Caritatem, & in Prudentiam. Qui abusus & excessus in salutari ista auctoritate exercenda fugiendi sint.

Postquam vidimus, in annuntianda Veritate erroribusque & vitiis palam corripiendis, convenire debere atque conjungi tres virtutes, Justitiam nempe, Caritatem, atque Prudentiam: statim apparebit, quo jure, & quando, Ecclesiæ Pastores damnare possint ac debeant Libros vel olim editos, vel quotidie erumpentes in lucem. Exploratum est, nihil magis futurum esse cordi paſcentibus gregem Christi, quam removere & avertere ab ovili suo quæcumque venena, quoscumque lupos. Quei ergo ferant, perniciosos Libros paſsim graffari, & suo gregi impune nocere? Pernicioti autem minimeque ferendi sunt ii omnes Libri, in quibus aut corruptitur doctrina vera Religionis, aut Justitia desideratur, aut Caritas, aut Prudentia. Scilicet illic aut falsa pro veris produntur, aut vera pro falsis: quo luditur Religio atque Justitia. Aut maledicentia veritatis cauſe fœsi immiscet: quo Caritas vulneratur. Aut majora Ecclesiæ, sive Reipublicæ incomoda, quam commoda, afferuntur: quod Prudentiæ adversatur. In his autem omnibus locum habere debet Ecclesiasticorum Judicium, & Apostolicae præseruent Sedis, atque Conciliorum auctoritas, ut quantum fieri potest eorum cura, nihil officiatur neque Veritati, neque privatis officiis, neque publica tranquillitat. Non quod Veritatem prodi ægre ferant, sed quod ferre non debeant, illam cum aliena injuria sine necessitate prodi, ejusque prædica-

tionem inopportune imprudenterque peractam in publicam perniciem verti; hujusmodi enim benefacta æquius appellanda sunt malefacta. Audiendi porro non sunt Hæretici, qui Ecclesiasticis Pastoribus irascentur, & male quotidie dicunt, propter usum istiusmodi juris. Parum fane æqui, dum Ecclesiæ ac Deo negant, quod ipsi in suis Urbibus propter temporaria commoda faciendum putant, nullum videlicet ferentes Librum, quo Regum jura lèdantur, & publicæ leges improbentur, & publica tranquillitas aliqua ex parte in discrimen adducatur. Quis vero Anglos exempli cauſa commendet, quod Spinose Libros ita hodie manibus omnium permittant, (* ut quisque sceleribus suis ibi querere præsidium possit;) quum certe ne unum quidem publice tolerare soleant Librum, a quo Regni, sive Reipublicæ suæ jus & concordia conveſtatur?

Restaret, ut exemplis rem confirmarem, excurreremque per aliquot Libros, a Catholicis & probis etiam viris conscriptos, sed a Romanis, aliisve legitimis Magistratibus confixos, quo palam fieret, unum ex tribus iis defectibus justissimam damnationi cauſam præbuisse. Verum & otio meo, & aliena patientia facile abuterer in re nimirum, quam nemo non possit ingenio suo experiiri, certamque sapissime animadvertere in tanta exemplorum copia. Juvat potius orationem convertere ad aliud argumentum mi-

nus

* Prioris editiones: ut vel ipsa fax infima plebis sceleribus suis ibi querat præsidium &c.

nus fortasse exploratum, hoc est, ad leges ac limites, quibus Ecclesia, & Romana Sedes, & recta in primis Ratio, circumstria-
tam vult auctoritatem ipsam Ecclesiastico-
rum Censorum. Nemo quippe ignorat, quan-
ta, & quam justa facultas sit sacris Judici-
bus in Libris malis interdicendis, atque con-
figendis; ast interdum ignorari a nonnullis,
quam caute ac moderate hujusmodi faculta-
te utendum sit. Ut igitur huic quoque parti
faciam satis animadverto, eos, qui Cen-
soribus munus obire velint, non secus ac ip-
pos Scriptores, triplici de causa muneri suo
deesse posse. Ipsi quippe æque, atque Li-
brorum Auctoribus, necessario circumspic-
ienda sunt tres illæ virtutes, Justitia vide-
licet, Caritas, atque Prudentia.

Nam quod est ad Justitiam, quis dubita-
re potest, quin & ipsi Censores de Fidei
Dogmatis agentes, ab illa discedere quandoque possint, quia homines sint, errori-
busque reliquorum more obnoxii? Bene de
omnibus sentire volo. Immo suspicari ne-
scio, quemquam tam perdite sui oblitum,
ut vera & recta tamquam falsa ac prava
damnare, sciens & prudens sustineat. Ve-
rum numquid non potest permultis aliis
modis Justitiae valedici? Hominem, ut ita
dicam, nolentem & inscium perversi affec-
tus ad injusta rapiunt. Sed quod hec om-
nium maxime in transversum agere Judi-
ces possit, ignorantia est, quo morbo se la-
borare plerique non sentiunt, iisque minus
interdum sentiunt, quorum nomini splendi-
dos titulos fortuna aut virtus addidere, qui-
que creuli populos sibi venerabundos ab alto
despiciunt. Videant igitur ipsi, quanto-
pere sibi curandum sit, ne immerito alio-
rum scripta feriant, eorumque Auctores in-
debita ignominia onerent, frustra indignante
Justitia, frustra conquerente Veritate. Nam
quamvis sententia sua rationem vul-
go reddere non debeant, supremo certe om-
nium Judici reddituri sunt, eidemque poenas
daturi, si quando culpa sua defecerint in
insigendis nimia facilitate ejusmodi poenis
atque censuris*: (gravis quippe criminis
rei apud Deum sunt.) ** Proinde nisi prius
liquidio constet, opiniones quasdam a Catho-
lica Fidei Veritatisque norma revera disce-
dere, hasque easdem opiniones in Libris
dubio procul contineri, non est præcipitan-
da sententia atrox in eosdem Libros atque
Scriptores. Regnet pro suo libito quibus-
dam in Scholis verisimilis opinio aliqua;

non intercedo. Sed licet alii aliter senti-
re, quando Catholicæ Ecclesiæ doctrina jam
rata atque stabilita aditum secus opinandis
nonnullum sustulerit. Etenim dogmata Catho-
licorum, non è privatis Scholis, sed e pu-
blicis Conciliorum & Patrum, alisque il-
lustribus Traditionis monumentis petenda
sunt. Licet & quibusdam Judicibus pere-
grinos esse in aliquibus Scientiis, atque sen-
tentia. Non id ipsi probro vertimus, dum
de hisce ignoris Scientiis, minimeque explo-
ratis sententias judicium sibi non arrogant,
earumque patronos damnare nolint, nisi prius
perspectam habeant illorum causam atque
rationes. Quid quæso iniquius, quam da-
mnare, quæ non intelligas, aut neficias? &
animo ante aliquid statuere damnandum,
quam tibi liqueat, an falsum sit, atque per-
niciosum? Tacere non possum, quod egre-
gie in hanc rem habet Alphonfus de Castro
Lib. I. contra Hæres Cap. 7. Sunt, ait,
qui sic affieuntur aliquam bonorum scri-
pturis, ut si forte quæsiplam videant, qui
vel digito transverso ab eorum sententia dis-
cedat, Heresim statim inculpet. Et post pau-
ca: Quare fato, me non posse cobibere ira-
cundiam, quævis video aliquos ita additos
hominum aliorum scriptis, ut impium autem
sit, si vol in modica re quis ab ejus senten-
tia discedat. Volunt enim hominum scripta
velut Divorum oracula, recipi, illumque ho-
norem illis exhiberi, qui solis sacris Litteris
debetur. Non enim juravimus in verba homi-
num, sed in verba Dei. Reliqua viri doctissimi
verba æquissime expostulant legere ju-
vabit, cui Ochamus, Joannes Major, Canus,
Bannes & alii, suffragium addunt.

Neque minora exigit a nobis Caritas,
quam Justitia. Regnum Caritatis Christianorum
Religio esse deberet. Nihil nobis eni-
xius cum divinus Praeceptor, tum ejus A-
postoli, atque Apostolorum successores com-
mendavere. Nihil magis distinguere deberet
Ecclesiasticos Judices a Seculi Magistris.
Quænam ergo iis accedere existima-
tio potest, qui vel nullam, vel tenuissimam
Caritatis speciem exhibit in Auctoribus Li-
brisque nonnullis proscribendis? Sunt qui,
ut zelum præ se ferant, ut docti & acuti
videantur, in omnibus Libris, quicumque
offeruntur, errata inveniunt, sive ut melius
dicam, semper invenire volunt, &
se inveniente sibi continuo persuadent. Aliis
sua auctoritas languere, nihilque posse vi-
detur, nisi querant quos damnent; nisi
ha-

* Al. post vocem censuris statim additur Proinde.

** Hac de re jam antea questus erat graviter Auctor noster in Opere cuius modo meminimus, (Ri-
sessmenti sopra il buon Gusto) Part. II, Cap. X. pag. 181.

habeant, in quos tetricum vultum atque supercilium Caritatis loco exerceant. Sunt & qui certos, aut certae alicujus Familia Auctores jam perosi, tum de se benemeritam vocant fortunam, quum sibi eorum Libros obtulit, certe, si fieri umquam possit, damnationem amplius non evitatueros. Hinc in plano querunt salebras; in scyro nodum. Ad extraneos sensus Scriptorum verba obtorquentur, & eorum mens eluditur, ut criminationi tandem atque damnationi sit aliquis locus. Sanctus Eulogius Alexandrinus in Libro contra Severum & Timotheum, uti Photius est auctor, Cod. 225. Constituit legem & canonem; scripta dijudicare non oportere ex parte, neque fragmenta quedam sumendo ex his detorta, de Scriptoris mente judicium ferendum. Verum haec nonnullis erat olim canticum exoticum, qui nihil sibi religioni ducabant, ex quibusdam locis detruncatis, ex meritis suspicionibus, anathema pronuntiare adversus Auctores eorumque Libros, quando ex aliis locis arduum non esset cum Libros, tum Auctores, ab ea vindicare ignominia. Quanto autem melius quæso fuisset, homineque Christiano & Judice Ecclesiastico dignius, majorem impendere curam in inquirendo, quei Auctores & Libri defendi excusatiique possent, quam quei damnari, * (atque erga alios eamdem Christianæ Caritatis menfuram adhibere, qua alios erga se uti amarent?) Quum vitium satis apertum se dissimulari non patitur, & excommunicatione locum auferit: intrepide sententia feratur, & inauditis quoque Auctoriis probribantur Libri. Reipublica debetur isthae medicina. Contra vero in rebus dubiis, quibus honesta interpretatio sine veritatis offensione præstari, quibus sine Reipublica incommode ignosci potest: Caritas amat lenitos, benignos, indulgentesque judices. Atque hinc Adriani Florentii, qui postea ad Pontificatum Maximum electus fuit, multum olim commendata est invidenda facilitas atque mansuetudo. Quum Lovaniensis Academia Decanum ageret, omnia quorumvis Catholicorum dicta, quantum per conscientiam & Religionem liceret, benigna interpretatione emollire, & in rectum sensum trahere solebat. Paria & alii facerent, si aureum & vulgatissimum illud Christianæ Caritatis præceptum identidem respicerent, hoc est: Auctoris judicandi personam induere, ejusque rationes amantissime animo tuo [p]ingere debes, & in absolvendo potius atque parcendo, quam in damnando, sistere cariorem tui ministerii laudem.

* At damnari? Quum vitium &c.

Tertia accedit Prudentia, quam necessaria, tam rara ac difficilis in agendo virtus. Illa utinam in Censoribus Ecclesiasticis numquam desiderata fuisse. Expedite quidem sunt causæ, cur Libros & Auctores damnare liceat, sive necesse sit; sed non omnium deinde est, judiciose statuere, qui locus, quod tempus, quæ materies damnationem poscat. Norunt ad censorium munus asciti, nihil Librorum ferendum esse, quod Religioni noceat, aut rectis moribus, aut alienæ famæ. Nonnullorum zelus ita effervescit, tantumque illorum aciem acuit, ut aliquid ubique offendant, quod uni ex his tribus adversetur. Horrore perceluntur, si quemquam videant, pie licet ac moderate, abusus aliquot perstringentem in Sacris, in Sacerdotibus, in cultu Dei atque Sanctorum, in Religiosorum hominum corruptis moribus, in nimia Opinionum laxitate sive rigore. Undique timent exitium sanctissimæ Religioni Catholicae. Undique pavent, ne in castis Hæreticorum Auctor militet, neve iis nimia libertate, modicave cautela aduersus nos arma ministret. Ipsa olim Orientalium Linguarum peritia magnum fascinabat negotio eruditis, quasi ad hæsim accederet eruditionem hanc habere cum Hæreticis communem. Aliquot in hoc genere non imitanda vidit Sæculum illud, quo pestis Lutherana & Calviniana, tot populorum animos novitate sua fascinatos alliciens, maxime grassabatur. Inter quæ non illud postremum, quod in suspicionem nutantis Fidei adducta sunt ipsa purpurati Senatus clarissima lumina, Sadoletus, Moronus, Contarenus, & alii. Neque sua Bellarmino postea defuere incommoda.

Jam una cum cœstro malesano ejurandæ Catholicæ Religionis deferuerunt suspiciones illæ. Sed penitus sublatæ non sunt, neque omnes auferentur, dum parum prudentes erunt. Propterea si & nostris temporibus quisquam Librorum Auctor non probet Scriptores illos, qui potestati Sæculari, aut Spiritali, plusquam veritati faveant; si titulos quosdam verus Eruditus minime toleret, effusa nimis laude aut in Sanctum quempiam virum, aut in quasdam institutiones pias, aut in Apostolicæ Sedis Antifitem maximum ab aliis congestos; si quidquam in sanctis Patribus, aut in Baronio, & in Bellarmino, aliisque ejusmodi Scriptoribus notet: si demum aliquid e tenebris antiquitatis depromat, quod Hæretici olim procederint, immo si quid ex Hæreticorum scriptis palam adferat; de hujusmodi homi-

ne sinistre interdum judicatur, illiusque Libris lux aut omnino negatur, aut semel concessa auseatur. Mōrens hāc memoro, sed tamen fidenter; quamquam enim imprudentibus, atque indoctis me displicere posse intelligam, certe scio me prudentum aures minime offensurum. Nobis enim jam constat, neque Pontificibus Maximis, neque superemis aliis Ecclesiæ Magistratibus isthac esse tribuenda. Non nisi sanctissime instituta sunt Tribunalia, ad quæ deferantur pravi Libri, eorumque Auctores. Optimis item legibus armata fuere; mentem quoque optimam in Judicibus maximis semper credere par est. Verum ne ibi quidem deesse potest infortunium illud, quod omnem potestatem fere semper comitatur. Caput brachiis indiget; laudanda vero capitis consilia nonnumquam frustratur aut prodit brachiorum infirmitas. Ita & Reges, & Episcopi ministri indigent; atque istorum vitio aut fœcordia fieri potest, ut illi auctoritate sua abutantur, & castissimis legibus desint. Quid faciant Ecclesiastici Judices, quum alienis oculis, aliena fide, atque prudentia in tot rebus atque negotiis nequeant non uti?

Quæfitores hæreticæ pravitatis monet Roma, ut vigilent, neque sinant per Cartesiæ nœ aut Epicuræ Philosophiæ novitatem quidquam spargi a Catholica Religione absolum. Rectissime id factum. Qui inter Quæfitores prudentia simul & eruditione excellunt, quid heic fugiendum, quid permitendum sit, non difficile noscunt, prudenterque obtemperant. Contra, quibus aut doctrinæ aut judicii inopia est aliqua, nihil non videtur in Philofophicis abhorrire a fide, si vix tantillum a Peripatetica sententia discedat. Atomorum & Corpusculorum nomen nescio quid Hæreticum sonat ipsorum auribus, quasi & in Aristotelis Schola ferri ista non possint. Formam Substantiam rerum de medio tollere, non Aristoteli tantum, sed Religioni etiam putant injurium. Si ex ovo quodammodo homines quoque nasci dicantur (quod experientia omnium oculis prodere videtur) inde consequi statim putatur, nihil hominem differre ab animalibus brutis. Id genus multa quotidie occurunt. Facit Ignorantia, ut a sententiis probandis non fecernantur improbandæ; facit deinde infelix Prudentia, ut metu probandi malas, ne bona quidem litteratis hominibus permittantur. Hinc tam difficiles quidem se præbent in editione quocumque Librorum concedenda; hinc tam faciles alii in editis Libris configendis. Eo etiam devenero pauci quidem, ut votum suum Libris negarent, non alia de cauſa,

quam quod Græca ibi non intelligerent, immo in ipsa materia hospites plane forent. Quemdam quoque novimus ideo dumtaxat vetantem Libros nonnullos vulgari, quod illic tituli quidam, honoris politici cauſa, sed non sibi satis probati, nonnullis personis non Ecclesiasticis deferrentur; qua certe cognitio pertinet ad Principum, non ad Pastorum jura.

Quis autem non doleat satum Litteratum, ubi talia contingunt? Quis itidem non intelligat, quantum hæc absint a mente ac legibus Romanorum Pontificum, atque Episcoporum quorumvis? Nihil isti arctius commendant, quam ut ne cuiquam injuria afferatur, atque ut Caritati ac Prudentiæ ubique sit locus. Conveniunt in hanc rem sancti Damasi verba in Epist. 4. ad Episcopos Africanos cap. 6. *Decet, inquit ille, Domini Sacerdotes fratrum cauſas pie tractare, & venerabiliter intendere, atque eorum iudicia super sacrificia ordinare, nec proterve aut tyrannica dominatione (ut de quibusdam refertur), sed caritative pro Deo, & fraterno amore cuncta peragere: & quod sibi quis fieri, secundum Dominicam vocem, non vult, alii inferre non presumat; & in qua mensura mensi fueritis, remetietur vobis.* Quod si de Libris & Auctoriis damnandis agitur, audiatur Zozimus in Epistola 4. ad eosdem Africanos ita scribens. *Doceat nos servena moderatio, quæ ſæcularibus arbitriis & cauſis p̄imum de ipsis iudicibus eligendis, repudiandisque sit. Et quanta cunctatio, quot interpositæ dilatationes? quoties adhibita comperendinatio, etiam sub ipso fine certaminis ampliare iudicia cum innocentie reo? &c. Hæc omnia mentior, nisi in patrocinium tuende innocentie reperta sint. Tolerabilius est enim innocentem quilibet tardius inveniri, quam cito pro nocente damnare.* Quod præclarissimi illi Pontifices monent, monent adhuc; & optant quotidie illorum successores. Votum, inquam, est horum quoque, ut inferiores Judices, atque Ministri, antequam durius aliquid in Libros eorumve Auctores statuant, iterum iterumque cogitent, an defendi, an sustineri potius possint, quam damnari. Caritatem, Justitiam, & Prudentiam omnibus & isti commendant, ne legitima auctoritate quisquam illegitime, hoc est, contra jus fasque utatur. Si quis abutitur, non Romana quidem Sedis, non Episcoporum, non sanctissimi instituti culpa est: sed eorum, qui sanctissimis legibus abutuntur in incommodum & calamitatē privatorum, seque damnant, dum alios injuste affligunt atque condemnant..

Ce-

Ceterum non tam facile heic a nonnullis peccaretur, ubi animum adverterent ad gravissima & crebra mala, quæ consequuntur immerito interdicentem, ne Libri edantur, aut editos injuste vexantem. Primo, Auctorum fama & nomen ignominia non levi afficitur, perinde quasi aut Fidem prodiderint, aut Caritatis & Prudentiae legibus renuntiantur, quum tamen suo munere fuerint recte perfuncti. Ingens deinde ipsis creatur doloris causa, conscientibus post tot labores intercidere fructus ingenii atque eruditio[n]is sua. Neque enim, ut est apud Synesium, aliter erga Libros suos quisque afficitur, quam parentes erga liberos suos. Tertio, nemo non videt, quam speciosus enormi ista morositate atque severitate declamandi locus offeratur hostibus Catholici nominis. Non est profecto committendum, ut fama obtineat, inter nos bonis ingenii ac Artibus crucem figi, nimiosque Eruditioni compedes adhiberi. Cavendum præterea, ne propter quorundam abusus malevoli ansam capiant v[er]tuperandæ potestatis tam legitime sancteque

constitutæ. Quarto, in ipsam Ecclesiam immo in totum genus hum[ani]um recidit hujusmodi injuria. Recidit demum in ipsam Veritatem. Hinc enim eruditæ a scribendis Libris, ab explicanda ac proferenda Veritate, * (ab amplificando Litterarum Regno,) atque ab erroribus stylo suo infectandis abstinentur. Frustra quippe, ut ait quidam, nisi, neque aliud, fatigando, nisi odium querere, extre[m]e dementie est. Certe novimus, qui, ne sibi configendum foret cum indocili quorundam Censorum inscitia atque impotentia, dimissis Theologicis ac Philosophicis studiis, se totos congecerunt in eruditio[n]em profanam, unde si non æqua laus, certe minus periculi, & plus quietis exspectandum fuerat. Non ergo privatis tantum studiis officitur ab hisce Censoribus, sed publicæ etiam utilitati, & Ecclesiæ, quæ Scriptoribus Theologisque indiger, non assentatoribus, dum scribunt, neque zelo immoderato ferventibus, dum judicant, sed solida eruditione refertis, & omni superstitione & affectu vacuis.

C A P U T VI.

Prudentiæ consilia ad Ecclesiasticos Censores. A Novitate vocum & sententiarum timendum; sed non omnia nova, aut noviter dicta damnanda. Quam necessarium Superstitionis faciem habere perspectam, ejusque excessus prodere. An laudandum Votum sanguinis profundendi pro tuenda immaculata Beatae Virginis Concepcionem. Scrupuli, cavillationes, & asperitas a sacris Censoribus absurura. Bona procuranda, sed ita ut mala graviora non inde fluant. Sanctorum Patrum Libri non mutilandi, cum per typos evulgantur. Cavei hac de re accusatio repulsa. Quei, & quando vitia Ecclesiasticorum literis consignare deceat.

PArum tamen me prosectorum sperarem, si indicatis tantummodo vulneribus, non aliquid etiam de medicina disserem, simulque adminiculis quibusdam non juvarem vacillantem nonnullorum Prudentiam. Prima ergo esto regula: Censores Ecclesiastici sibi metuere debent ab omni novitate sententiarum atque verborum, sed ita tamen ut ne quidquid novum sibi videtur, continuo tale judcent, aut quidquid novum revera est, damnandum quoque illico arbitrentur. Certe prudentibus Theologis suspectæ semper futuræ sunt profana vocum novitatis, uti nos Apostolus monuit; eorum quippe est ob-

flare, quominus antiqua Traditione atque Doctrina ab ingeniosis novarentibus vel minimum vitietur, sive obliteretur. Magna heic idcirco circumspetione est opus, neque prius nova in lucem prodire sinenda sunt, quam deprehendantur cum vetustis dogmatibus consentanea, aut saltem ab ipsis minime dissonantia. Sed animadvertisendum, facile ignorantiam abuti posse hac lege. Indoctis nova omnia videntur, quæ illi antea ignorarunt. Quid si velint hæc ideo repellere, aut erroris suspicione onerare? Hercle id ridicule fiat, & in Justitiam peccetur. Quis moleste non ferat, eruditorum hominum studia

S late-

* Alias, Veritate, atque ab erroribus &c.

latere, & jacere debere, quod peregrinum sapiant quorundam palato? Ad Censores potius ac Judices pertinet diligenter investigare, an ea nova sint, simulque perniciosa, quam ad eruditos silere. Præterea erunt etiam quædam nova, sed non continuo quoque erunt culpanda. Noviter enim quædam, non nova dicuntur, & sub vocibus novis antiqua dogmata saepe exhibentur. Exhibilati solum fuerunt Ariani, quod celebrem vocem *substitutionis*, sive *consubstantiale*, rejecerent, tamquam numerum signifiantem. Verum præterquam quod aere Patres Nicenios in explicando Trinitatis divinae arcano, eamdem Catholici quidam vocem usurparant, nihil per ipsam significabatur, quod novum in Ecclesia Catholica foret. Idem dicendum de *Transubstantiatione*, de Sacramentorum vi ex opere operario, aliusque ejusmodi vocabulis inter Catholicos non solum receptis, sed etiam sacratis. Quapropter si res, quæ nominibus *Scientie mediae*, aut *Physico Predeterminationis* significantur, cum veteri Traditione componi possunt, aut eidem nequaquam adversantur; non video, qui ferri & ipsæ voices in Scholis non possint. Apostolus enim profanas vocum novitates configens, non ipsa nuda vocabula rejicit, sed novam sub ipsis conclusam doctrinam. Scite sanctus Hilarius Lib. 2. de Trin. *De intelligentia, Heres, non de Scriptura est; Quidam fons, non firmo sit crimen.*

Altera erit regula: *Prudentis quidem est, Libros & Orationes non tolerare, e quibus scandala exoriri possint; sed aequa prudentis est, ita ingenii atque Scriptoribus non adimere potestatem infectandi erroris atque superstitionis, ut hæc mala per Ecclesiam sine obice fluere & bacchari exinde pergant.* Jam diximus, ferendos non esse, qui vera quidem vitia, seu certos abusus in sacris, atque in externa tum Religionis tum Ecclesiæ economia deprehensoris, suis arguant disputationibus, sed ita se gerunt inconcinne atque imprudenter, ut in Sacraenta ipsa, in Religionem ipsam, sive in Sacros Ministros, summasque potestates excitent contumeliam & odium plebis. At quando & modestia zelo conjuncta est, & prudentia temperat indignationem piam: quid hisce quædo Scriptoribus male velimus, rem Ecclesiæ, publicumque bonum gnaviter procurantibus? Equidem dicere non verebor, quod facere alios non pudet. Multis sensum horroris incutunt solæ audaces atque impia sententiae. Superstitionis dogmata, & opera Superstitionis ipsius, aut vix deformia ipsis videntur, aut certe non videntur igne ac ferro excindenda. Et sane Pietatis ac Religionis speciem Supersti-

tio præferre semper solet; est enim plerumque harum Virtutum excessus ex ignorantia progenitus. Illius autem fœditas vix appetret, ejusque venena parum timentur. Quis autem non intelligat, aequa in Religionis perniciem conspirare Hæreticorum impudentiam, & adulterinam superstitionis gentis pietatem? Et hinc itur in errorem, & hostibus censoriæ materia ministratur. Quamobrem Ecclesiæ Dei cavendum est a Superstitione, & per quam solleite, quum facilius nocere saepe ac possint occulti, quam aperti hostes; & dulcius bibantur errores, pietatis colorem pra se ferentes, quam petulans, & aspectu primo deformis, impiorum doctrina.

Itaque non solum conductit, sed opus est habere Scriptores pios, atque Theologos exquisita eruditione zeloque pari conspicuos, qui Superstitioni identem pullant, & contra Catholicorum Præfatum scita ac menem regnanti, lese impigne objiciant, stylaque bellum inferant. Quum id modeste prudenterque peragitur, quid invides Ecclesia necessariam utiliæ medicinam? Cur tam facile eorum scriptis lucem negas, aut eris? Omnia ferme sanctorum Patrum, & antiquorum volumina aliquas habent falsæ Pietatis accusationes. Immo acerrimæ apud illos leguntur orationes, quales ne imitari quidem proflus nos vellemus, in corruptos Clericorum & Monachorum mores, in superstitiones parumque pias consuetudines, in licentiam Opinionum, & virtutia Præfatum. Nulla inde tamen scandala consequuta sunt, & illis nemo succenseret. Nos adeo delicati evasimus, ut ne leves quidem puncturas ferre possimus, atque extrema inde semper malâ timeamus. Erunt, ita me Deus amet, qui & hunc Librum censeant ad temeritatem accedere, quamquam tam levi brachio infelix ista morositas perstringatur. At aliter sentient, quantum quidem spero, doctissimi atque prudentissimi inter Catholicos. Quippe istis jamdudum exploratum est, nimis felicia fore, nimis progressura Vitia, si ne unus quidem contra hinc audebet; & Ecclesiæ caussam non minus agi, quum externum Hæreticæ Doctrinæ virus ab ipsa arceretur, quum quum interna Superstitione inde perturbarur. Non intelligunt imperiti, quantum Ecclesiæ intersit, Superstitionis vitium populo universo ianotescere. Quod quia plerisque de nomine quoque ignotum est, hinc fit, ut sero a multis mos geratur summis Pontificibus, Episcopis, atque Conciliis, superstitionis saepe contingentibus atque interdictibus. Difficile enim dedisci ac abjici solet, quod Pietatis personam refert, sacramque jamdiu de sanctum videtur.

Pro-

Proderit heic unum producere exemplum ejusmodi pia, ut ita dicam perpicaciæ. Satis quibusdam non fuit, calamo & rationibus immaculatam Deiparae Conceptionem tueri: quod proculdubio cum verâ pietate consonat. Nescio quid etiam illustrius inventile sibi sunt vii, quo sum in Virginem testarentur obsequium. Sacramento videlicet sese obstrinxerunt, atque voverunt, se pro hujusmodi Opinione tuenda sanguinem & vitam datus, quoties occasio posceret*. Novitium certe Martyrum genus, quod nusquam Majores nostri somniarant, numquam posteri nostri, si quidquam sapiente, probent. Neque Evangelium, neque Ratio recta nos docent adeo levibus de causis licere animam prodigere. Non pro opinionibus nostris, sed pro divinitus revelatis, legibusque sanctissimis, profundendus est sanguis. Hominum enim Opiniones tam falsum quam verum complecti possunt; & hominis parum prudentis est pro incerta Opinione (quæ falsa esse potest, & certe necessario defendenda non est) ulro jugulum offere carnifici. At mihi certissima est hujusmodi Opinio, aliquis dicet. Cui? Homini nempe, creatura fallacissimæ. Num, rogo, certum est aliquid, quia id tibi certum videtur? Revelavit Deus, quæ sine erroris suspitione credenda sunt vera. Ecclesiam habemus fidissimam horum Dogmatum testem; atque haec nobis, dum vita suppetit, confessione & sanguine sunt asseveranda, atque inde sperandum est æternum in cælis præmium. Verum, quamquam summe pia sit persuasio illa, quæ beatissimam Christi parentem sine labore conceptam putas, nihil aliud tamen est, quam Opinio humana, errori obnoxia, dum Romana Sedes, atque Ecclesia, ejusmodi sententiam antiqua Traditione, & Revelatione divina sufficienter nisi non statuant. Cur tu sanguine, quem sine legitima causa fundere nefas est, testari tamquam certissimam vis Opinionem, quam Ecclesia ipsa, tot licet piorum quorundam precibus fatigata, certam decernere nondum sustinuit, & prope est ut dicam, decerni non posse silentio suo quodammodo significavit? Quis te certum facit de cœlesti Regno, ad mortem non sine aliqua temeritate ruentem?

At enim, subjicis, quatinus subesse error huic Opinioni, & falli intellectus possit, numquam tamen heic errare affectus dicetur. Incerta sit, ut lubet, Opinio; certus tamen est zelus, & haic cœlum impetrabit Virgo. Sed, o fides, meminisse debes, dari quoque zelum sine scientia, zelum inconsultam, & prudentiae monitis injurium. Reæ quidem voluntas imprudens facinus excusare possit, non autem inde sperare præmium ac laudem. Ut si post Filium suum supra ceteras creaturas laudanda Maria, non indiget ipsa dubiis laudibus, neque imprudenti sacrificio. Et tu contra indiges vita tua, ut eam in Fide tuenda, ac virtutibus exercendis justius impendas. Irasceretur potius, ut arbitror, Christi Mater si quis cadere in animam sanctissimam & beatissimam posset ira sensus), quod humanas Opiniones, licet pias, pari confessione & ardore tuearis, atque divinam Revelationem. Si tibi Virginem devincire melius & prouidentius cupis, illius quantum potes imitare virtutes. Illi honorem, sed prudenter, habe; honor enim Reginæ judicium diligit, ** (ut sanctus Bernardus de hoc ipso arguento agens ajebat.) Fac ut supremo illi Regi placeas, qui & Mariæ & noster Deus est; & Mariæ placebis. Quomodo te Numini placitum putas, illiusque Martyrem te futurum spernas, si rite certus non es, te pro Veritate mortem oppetere, idque tanta contentione fuisse vis, quod aliter Deus voluisse potest, incertumque adhuc est, an aliter esse voluerit? Cave, ne amorem ac reverentiam Virginis debitam eo usque amplifices, ut Superstitionem efficias. Non unus autem ego in hoc voto profundenda vita pro immaculata Conceptione Virgini Superstitionem timeo. Timuit, & timet Apostolica Sedes, quæ quamvis eamdem Opinionem maxime verisimilem & piam ducat, nihilominus hujusmodi votum in Theophilo Raynaudo olim non probavit, ipsumque affirmantem pro ea causam esse mori, silere jussit. Aliud enim est aliquid tamquam verisimile, & aliquid tamquam certum affirmare. Sed frustra fuit illud a Romano pontifice antidotum. Nostris quoque temporibus tum in privatis colloquiis, tum in publicis concionibus idem Votum repetitur, eadem sponsio auditur. Credi non

S. 2. po-

* Viginti-sex anni jam fuerant elapsi, ex quo doctissimus Auctor haec litteris tradiderat, quum in ipsum nonnulli obscuri nominis scriptores, zelo quidem, sed non secundum scientiam, ducti casuum strinxerant: quos tamen Lavinodus noster acriter confutavit, edito Mediolani, seu potius Venetiis, anno 1740. sub nomine Antonii Lampridii egregio Opere inscripto: *De superstitione vitanda.* Pugnavero ab adversatis instaurata, impavidus Lampridius iterum in arenam delcedit, vulgatis ibidem anno 1743. Epistolis sub nomine Ferdinandi Valdesii, quarum in fronte titulum praefixit: *Appendix ad Librum Antonii Lampridii.*

** Al. diligit. Fac ut supremo &c.

potest a Prudentia abhorrens, quod tanta Pietatis lineamenta præfert. Et tamen si hoc ferendum est, non video qui in immensum protendere non licet novum hoc Martyrii genus. Nam & alii vitam vobebunt, atque exponent, quo exempli causa Lauretanam ædem sustineant * (Servatoris Conceptione) illustratam revera fuisse, & Franciso Assisi-nati, atque Catharinæ Senensi stigmata fuisse divinitus impressa, & ab aliis sanctis viris Miracula quædam procul dubio fuisse patra-ta. Quod certe in Ecclesia Dei numquam tolerandum, ne idem divinis atque humanis habeatur honor, neve temere, & pro mendacio interdum, projiciatur pretiosa homi-num vita. Vide Alphonsum de Castro de ju-sta Punit. Hæret. Lib. I. Cap. 8.

Regula tertia esto: *Prudentis est, caute omnia perpendere, ut quantum potest, errorem, aut errorum, atque vitiorum caussam in Libris damnet. Sed a Prudentia discedit, qui tam caute agere vult, ut in scrupulos postea, & cavillationes, & asperitatem nimiam se proripi non animadvertiscat.* Scrupulos appello, ubique Hæreses suspicari, ubique metuere, ne Religioni vulnera infligantur, ne in ve-nerandos Majores, atque in sacra, contem-tus aut odium creetur, neve Lectoribus pro-pinentur errores, eorumque moribus officia-tur. Cavillationes voco in deteriore par-tem accipere semper velle, qua sanum faci-le pariunt sensum; & five sententiaz, five sint voces, explicationem rectæ Fidei ac ho-nestati consonam commodissime admittunt. Asperitatis nomine significare animus est, tot obices interdum opponere editioni Libro-rum; aut qua facile emendari possunt, pror-fus opprimere velle; aut Scriptores, Eccle-siaz sanctæ ob sinceritatem, quam profiten-tur, nimium necessarios, rigidissime semper excipere, eorum calamos deterrire, eorum labores ac famam levibus nonnumquam de caussis divexare. Neque enim quæcumque fortia, acria, & magna cum libertate scri-buntur, Ecclesia nocent, five Lectoribus. Hujusmodi quoque Libros conscribi interdum atque vulgari, plurimum conductus perfecto populorum atque Ecclesiaz regimini. Neque aut prodis amore Hæresis, aut prava do-trinæ laudem sonas, si Eruditos quandoque appellas Protestantium quosdam, eorumque verba & inventa in tui commodum trahis. Hæreticum non est, quidquid Hæretici dicunt; cujuscumque enim ore Veritas profes-ratur, suam retinet pulchritudinem; & ne-mo neficit, Eruditionem optimam cum pessi-ma Fide sœpe consistere posse.

* Al. *Servatoris ortu.*

Postrema tandem regula statuatur: *Pruden-tis est ita depellere, que nocere possunt, ut interim tamen remedium ipsum, majorem non adferat Ecclesie atque Republicæ perniciem, aut majorem non impediatis utilitatem.* Certum est, Hæretorum impiorumque Libros jure proscribi, & e fideli manibus tolli. Ea ratione Catholicis hominibus cavitur a viru præsentissimo, cuius progressibus vim addere posset insita humanis mentibus & cordi-bus corruptio. Attamen si quis Catholicum quemque, doctum licet piumque virum, ab hujusmodi Librorum lectione prohiberet, is in incommodum gravius Ecclesiam impelle-ret, læderetque Prudentia leges apertas. Fa-cere nequeunt edicta Praefulum, ut perversi Libri statim a confixione aboleantur. Non solum inter hæreticarum regionum pomœria libere illi versantur, sed in Provincias quo-que Orthodoxas, atque in sinum ipsum rectæ Religionis, confidentissime penetrant. Si do-ctis viris talia legendi facultas nequaquam daretur, eorumque doctrinam exitialem re-fellere commodum minime foret: quis non intelligat, quam impune vagari & debaccha-ri posset inter Catholicos ipsos tererrima pe-stis? Adversiorum proinde rationes, sophis-mata, ac artes noscere, quibus Orthodoxa Fides impetratur, non juvat tantum, sed ne-cessit quoque est, ut nostra deinde melius conseruimus, atque tueamur & fratres ab errore avocemus, aut saltē ne de silentio sibi victoriam Hæreticus canat.

Ad hæc sunt Libri, quos aliqui errores in-sciunt, aut obsceni amores, venenumve satyricum aliqua ex parte deturpant. Reli-quam, videlicet potiorem, Librorum isto-rum partem commendant non paucæ virtutes, & suam ex ipsis utilitatem capere litté-rraria Republica potest, five elegantiam stylis consideres, five eruditionem, five doctri-nam. Jam constat, non esse ferenda hujus-modi scripta. Sed quando extrahi inde nāvē illi possunt, iisque demitis reliquum Libri servare fas est, atque utile fuerit: utique Prudentia poscit, ut restringere Librum muti-latum, quam integrum abjicere malimus. Cur eadem poena tam bonum quam malum involvit? Si utilia & recta scribit Hæreticus doctissimorum hominum judicio, eaque ab aliis minime sanis opinionibus depurata ha-bere potes: quid tibi religione ducis ab ip-so accipere donum non infidiosum, non no-citatum? Quamobrem Expurgatorios Indi-ces a Catholicis excogitatos nemo non laudet, si tamen eruditis æque ac prudentibus Theologis corum cura demandetur. Pru-den-

dentibus, inquam, & nequaquam superstitionis, ne cum lollio frumenta ebellant, neve illinc etiam timeant, unde nihil timendum est. Magnum autem heic illi auderent facinus, certe non imitandum, immo deplorandum, qui non recentiorum tantummodo Libros sibi emaculandos susciperent, sed veterum quoque Patrum. Censores illos nimium profecto Prudentia deficeret. Nam ut confulerent paucorum inter Catholicos infirmitati, quibus persuaderi fortasse possint errores nonnulli, quia in Patrum Libris, & a Patribus disseminati; attamen ista paucorum utilitas gravissimo innumerorum incommodo, & ipsius Ecclesia Catholicæ (dum illorum operam per se spectemus) dedecore emeretur. Si Patrum scripta mutilantur, si illinc auferuntur, quidquid nostræ communionis hominibus nequaquam arridet, sique illic tantum permittitur, atque evulgatur, quod nostris moribus atque sententiis consonat: quæ fides in posterum erit ipsorum Patrum editionibus? Immo erunt ex ipsis Catholicis infirmis, qui suspicentur, malam esse causam nostram, quæ sibi vel a sanctis Patribus metuit, & arma inimicorum non repellit, sed eludit; non frangit, sed occultat. Præterea quam bellam declamandi adversus Catholicos occasionem Hereticis non ministrarent hujusmodi Censores? Videremur nempe malis artibus, & cuniculis, tueri causam Veritatis.

Atque id nobis non ita pridem post alios multos insultando objiciebat Guillelmus Ca-
va in Proleg. ad Hist. Literariam Scriptorum Ecclesiasticorum*, quasi Curatores Indicis Expurgatorii in Hispania manum in-
tulerint ipsis Patrum scriptis. Cui tamen ita responsum velim: si ab Hispanis id re-
vera præstium fuit, Ecclesiam universam minime suffragium addidisse Quæstorum il-
lorum confidentiæ nimirum. Omnibus non im-
putandum paucorum facinus. Alias Catholicorum Provincias aliter in Expurgatoriis Indicibus efformandis sese gessisse; & prodi-
re adhuc inter ipsos Catholicos integra Sanctorum Patrum opera, ne ullo quidem apice demto, in Gallia potissimum, & cura præcipue doctissimorum Monachorum Sancti Benedicti e Congregatione Sancti Mauri. Addo, Prudentiam fortasse desiderari in Indicis Hispanici curatoribus, at certe ab iis malam fidem, & fraude abesse, ne dicam timorem & conscientiam desperatae cau-
se. Aperte enim, non clanculum, truncan-

da esse quædam Patrum loca edixerunt, id que ut pusillis prospiceretur, quibus vel ipsa Cantica Canticorum olim negabantur, ne ex eorum lectione, minus honesta de divinis rebus animo conciperent. Eadem Patrum loca in controversiis & Scholis non dissimulari a nobis; & palam ostendi, nihil illa officere Dogmatibus Ecclesiæ Catholicæ. Sanctorum vero Patrum sub nomine non omnes venire veteres Ecclesiasticae doctrinæ tractatores; propterea parem singulis antiquis deferendum honorem non esse. Postremo ne id quidem ab Hispánicis præstitum fuisse contenderem. Aliud enim est, textum Sanctorum Patrum, aliud Indicis in Opera Patrum concinnatos expurgare, aut Interpretationem infidam ab Hæreticis obtrusam configere. In germanum textum nihil Hispani tentarunt. Tota eorum cura stetit in Indicibus atque Interpretationibus purgandis. Alicubi fortasse nimius in purgatione rigor adhibitus. At semper expuncta sunt, quæ in Indice atque Interpretatione, non autem in textu Patrum, perversam ingerunt aut sapiunt doctrinam. Mihi alio properandum esset, id exemplis prolatis confirmare facilimum foret. Quod si Patrum Opera mutilassent nonnulli suis in editionibus, illorum quidem rectam voluntatem meum non esset vituperare, sed omnium sane esset eorum non imitari consilium.

Restat igitur, ut excusatione potius quam laude excipiamus, si qui talia peregerunt in Sanctorum Patrum scriptis. In his procul dubio occurrunt aliqua interdum minus commode, minus caute, minusve perspicuedista, aut etiam ab Ecclesiæ totius mente, ac Traditione aliena. Expungenda autem ista non sunt e publicis editionibus. Interpretationes potius apponenda aut subjicienda. Scholiis ac notis edocendus est Lector sanam doctrinam, aut confirmanda est rationibus melior sententia. Ita infirmis cavetur, & Eruditorum, editionem curantium, sinceritas, ac optima fides, in tuto collocantur. Illud enim præ oculis perpetuo futurum est nobis: Catholicam Ecclesiam, quæ nihil sibi a tot Hæreticorum arietibus pavet, longe minus formidare sibi debere a Sanctis Patribus, suis nempe Magistris, & veritatis testibus. Ceterum sæpe recentiorum temporum Novatores conquesti sunt, adulteratos fuisse a Catholicis, & a Monachis præsertim, MSS. Codices Patrum, ne quid sententiis, quæ in-

ter

* Jampridem, & quidem ante nostrum Pritanium, idem notavit castigavitque in *Caveo*, celebris Richardus Simon in Opere Gallice inscripto, *Bibliotheca Critique*, Tom. I. cap. xvii. pag. 255. 270.

142 DE INGENIORUM MODERATIONE

ter nos obtinent, quidquam illic adversi appareret. Hinc in ipsos Monachos mille injuriarum plausta exonerata fuere; sed inique plane, & ingratiss. Undenam enim & ipsi Hæretici habent tot aut edita, aut calamo exarata, Sanctorum Patrum scripta, nisi e Catholicis, præcipueque Monachorum studio? Prope est ut dicam: pleraque antiquitatis monumenta jam periscent, nisi Monachos Græcos atque Latinos habuissemus, eorum custodes, amanuenses, Librarios. Ac proinde Monachis sere solis debemus, quæcumque veterum Patrum scripta, integra, atque a tor mendis expurgata, cunctis plaudentibus, evulgantur in dies. Si quis inter illos (hoc autem nunc perpendere non vacat) adeo delictus, imprudensque fuit, ut Catholicæ Ecclesiæ opportunum duceret, aliquid sine dolo malo immutare in Patrum Codicibus, five quidquam illinc demere: cur omnibus Monachis virtus & criminis vertitur paucorum inconsulta temeritas? Per alios Codices a Catholicis, & iis plerumque Monachis descripsos, viati Codices adhuc emendantur. Gratia ergo potius habeantur Monachismo pro tot tantisque diligentissime servatis, quam maledicta repanduntur pro tam paucis, si quæ sunt, dedita opera atque imprudenter corruptis. Nam & nos ad vituperandum parati sumus, si qui fuerunt, quibus malesanus zelus suaserit inferendas esse violentas manus scriptis Patrum; quum contra eaque laudanos judicemus innumeros alios, qui ab hujusmodi facinore abstinerunt, noveturque, non solum hisce artibus non indigere Catholicam Religionem, sed per illas etiam non parum incommodi & dedecoris eidem afferri. Prudenti igitur perspicendum est semper, ne, dum unum curat vulnus, novum ipse graviusque inferat, aut ne maiorem quamquam utilitatem perdat, dum minorem perfequitur. Hac de causa numquam proscripta, semper tolerata sunt quedam Ethnicorum Scriptorum loca, puta Taciti, Saetonii, Plinii, Nepotis, Celsi, Luciani, quamquam Christianis interdum injuria; talia enim mirum & ipsa in modum nunc inserviunt ad confitmandam aduersus incredulos cum doctrinam, tum antiquitatem Christianæ Religionis.

Sed age, quoniam de Prudentiæ legibus nobis est sermo, breviter inquiramus, sed inique plane, an damnandi, qui Ecclesiasticorum Präfulum jam vita functorum, aliorumque sacrorum Ministrorum, atque Ordinum, vitia suis in Historiis describunt, atque insimulant. Primo animadvertere necesse est, num quæ probrofa de hujusmodi hominibus referuntur, cum veritate pugnet, an habeant eamdem amicam. Quis dubitet, quin prorsus cohibendi sint, five damnandi Auctores, quibus religio non est falsa pro veris, incerta pro certis, evulgare in sacrum Antistitium, Sacerdotum, atque Monachorum contumeliam? Ipsum narrare dubia, ipsum rumores suspicionesque vulgi facilis, tamquam oracula, mandare literis, legitimam sapientiam causam præbere potest, cur adeo temerariis narrationibus nulla inhibeat fides, nigrumque Theta ab Ecclesiasticis Consoribus praefigatur. Non est profecto permittendum a publicis Ecclesiæ, Sacculive Magistratibus, ut vel uni homunculo sceleris perversisque mores immerito ac palam tribuantur, nedum iis hominibus, quos supra vulgarem hominum fortem evenit, fecitque venerabiles Ecclesia Christi, & pius aliquod institutum vitæ. Quot autem de ipsis Romanis Pontificibus commenta nobis non dedit nonnullorum in eos odium, invidia, improbitas, ubi inter ipsos & alios quosdam Episcopos aut Principes dissidia interdum funestissima intercessere? Non ulla magis bella occasio, qua Pontificibus Maximis tetrica quaque & nefanda pro iniicio arbitrio adscriberentur. Vel somniata est Papissa quædam Johanna, & fidem apud credulos non paucos fabella, quamquam male consuta, invenit. * Certarunt Hæretici quoque, & reliqui Schismati ci, ut eorumdem Pontificum famam denigrarent. Conclavium pariter conficta secreta evulgari vidimus; & nostris temporibus hisce ludibriis quidam Italus Batavos obletabar, ad quos se se receperat, deserta Religione Catholica. Quo in studio liberaliter quidem daturi sumus, non semper calumniis actum fuisse, & vitiis minime caruisse quodam ex iis Pontificibus. Sed qui res accutius & sine præjudiciis pensant, in plenisque.

* Vel ipsis sanioris judicij heterodoxis fabula haec non tantum visa, sed probata. Primus qui hanc spartam adornandam suscepit, fuit David Blondellus, edita Gallice anno 1647. De Joanne Papissa Anticrisi, quæ deinde post decem annos Amstelodami a Stephano Curcellio est reculata. Eadem sententia nuper a Christophero Augusto Heumanno in peculiari Dissertatione: qua illam fabulam profligavit, fuit propugnata. Dissertatione isthac inscribitur: De origine vera traditionis false de Joanne Papissa. Exstat autem in ejusdem Heumannii Dissertationum Sylluges Tomi I. Parte II. edit. Gottinge 1744. in 8. estque num. Sexta pag. 352. 414. Novissime tandem anno 1740. prodiit Cl. V. Jolephi Grampii præstantissima Dissertatione, De Nummo Argenteo Benedicti IIII. Pont. Max. in qua plura ad Pontificiam Historiam illustringandam, & Joanne Papissa fabulam refrendam proferuntur.

risque ex iis accusationibus veritatem desiderari nullo negotio intelligunt. *Æquitas* ergo, atque *Prudentia*, hoc hominum Librosrumque genus proscribendum jubent.

Quod si crimina vera memoria produntur, neque livor aut obrestatio calamum Scriptoris abripiunt: interdum toleranda erit hujusmodi libertas, & veritatis cura. Oportet enim, timorem quoque famæ instare principibus in Ecclesia viris, & Ecclesiasticis quibusve, quo etiam freno coercentur tum ab impotentia dominandi, tum a reliquis folidissimis Sæcularium hominum vitiis. Atque utinam non fuissent, neque forent adhuc, Episcopi & Sacerdotes, quales Apostolus nollet. Utinam non vidisset, neque videret orbis Monastica vita professores, veste tantum & colore suis Institutoribus similes, cetera dissimiles. Si horum gesta literis consignanda sunt, num alios homines describere licet, quam ipsi fuerunt? Num adulatio fama illorum palpanda? At ista, inquies, dissimulanda. Utique, si crimina privati hominis sint; si nihil rei cum populo, & Religione habeant; si nihil utilitatis, eoque magis si quidquam incommodi in Rempublicam fluere potest ex eorum revelatione; si denique e vivis nondum excessere criminosi. Nam & discordiarum rixarumque causa omnis tollenda, & a scandalis, & ab una hominum inhonesta curiositate pascenda, nobis est abstinendum. Verum quum publica sunt scelerata, & cum Religionis atque Ecclesiæ negotio conjuncta sunt, eorumque Auctores humanis rebus defuncti, ira atque vindictæ locum sustulerent: videndum est, an non majorem Ræpublica utilitatem capiat, iisdem proditis, quam dissimulatis hominum vitiis. Erunt vitia, donec homines; sed ne vitia impunita debaccentur, arguenda sunt atque improbanda palam, eorumque horror incutiebundus hominibus. Ex majorum autem exemplis dis-

cunt successores, quid sibi agendum non sit; discunt vereri famam, parcentem quandoque viventibus, in mortuos omnes æquam; agnoscent turpitudinem suam aliena sub imagine expressam. Interest igitur Ecclesiæ atque Republicæ, ista quoque interdum evulgari. Accedit ad hæc summe laudanda in Historicis virtus sinceritatis, quam ab Ecclesiasticis Scriptoribus abhorrente nemo sanus dicat. Et certe magno ipse Annalium parens Baronius, quamquam ab Hæreticis insimulatus, quasi plus æquo faveat Romanis Pontificibus, ne istorum quidem facinora vituperanda, quum fert occasio, dissimulat. Ceteri Episcopi, Presbyteri, & Monachi, quo quisque longius e probitatis via deflexit, eo tetroribus pinguntur coloribus in ejusdem Baronii Annalibus. Atque hunc ipsum servavere morem ali inter Ecclesiasticos celeberrimi Historici. Neque vero nos ignorare finit eadem Historia, sanctos Patres humanis & ipsos interdum laborasse infirmitatibus; & siquidem filiisset Historia, satis nonnullorum Partum scripta, jamdudum evulgata, loquuntur. Quod heic tamen cavendum maximopere puto, prudens piusque eruditio Ecclesiastica cultor ita narrabit aliorum probra, mores perversos, artes pravas, ut quantum fieri potest, neque modestia, neque pietas, neque Caritas in ipsius narratione desiderentur. Erudiet Lectores utili veritate; sed ab ipsis simul etiam caute depellet scintillas omnes odii, sive contemptus in Religionem, in sacros Ministros, atque in reliquos Monachos, eorumque piissima & optima instituta. Atque hæc satis sint ad hujusmodi questionem. Nam ipsis Prudentia est, dignoscere in agendo, quæ referre, quæ præterire liceat atque expediar. Interim tamen illa stet regula: Non esse ita Scriptoribus precidendam libertatem, ut ipsis numquam fas sit Majorum vitia, & crimina in medium proferre.

CA-

C A P U T VII.

An ad Religionem veram compellere quemquam summis Magistratibus liceat. Id jus Ecclesiae ac Regibus in Hæreticos. Phereponi hac de causa in sanctum Augustinum iræ, ac injusta censura. Manifesta Religio aliqua evidenter credibilis danda est, atque hæc est Catholica. Donatistæ phreneticis comparati, neque injuria a sancto Augustino. Plerique ex iis non ficto animo Catholicam communionem amplexi. Legum terror rationibus additus laude ac utilitate non carea. Exemplum Dei hanc in rem juste ab Augustino exhibitum.

Inquirendum nunc restat, quodnam jus humanis Ingenii, quodnam Ecclesiæ sit in professione Religionis; num videlicet futura sit omnibus libertas illius Religionis profitendæ, quam ipse putat optimam ac veram; an hujusmodi libertati opponere se debeat certa Veritatis custos Ecclesia, relutantesque ad meliorem Fidem pertrahere atque compellere. In argumento amplissimo en quæ statuenda videntur. Quum Ecclesiæ subjecti non sint Gentiles, Muhammedani, atque Judæi, nihil eadem juris in ipsis sibi tribuit, nisi suadendi, atquehortandi, ut suis erroribus abdicatis cum Religione vera consentiant. Jus est ipsi Ecclesia in solos Hæreticos, quos nempe a sua ditione non ideo solutos credit, quod ipsi ab ejus communione se se exemerint; nam & in transfugis militibus regius character perdurat, & possessione ac jure servorum, atque filiorum, quod a se fugerint, nequaquam spoliantur domini, atque parentes. Hæreticos ergo Ecclesia potest suis urgere armis, quo illos in suam caulam rursus perducat: armis, inquam, spiritualibus, excommunicatione, ac diris omnibus. Ad Reges autem, Sæculique Principes spectat, salutaribus etiam poenis solicitare devios, aut alienos a Fide, ne in errore diutius persistent, neve eidem immoriantur.

Porro gravis heic Novatorum nostri temporis in sanctum Augustinum tumultus, atque acres querimoniae in Catholicos, & in Christianissimum præcipue Galliarum Regem, qui quinque & viginti abhinc annis hisce castigationibus est usus, ut Calvini sectatores sibi subjectos in gremium Ecclesiæ Catholicæ impelleret. Phereponus autem totus in istam quæstionem invadit, & heic effusius quam alibi irascitur Augustino, quasi Catholicis Imperatoribus primus auctor iste fuerit, ut leges in Hæreticos promulgarent, & certe severitatem in ipsis fuerit, atque laudarit. Immo libere fateur Phereponus,

se ista potissimum de causa impulsum fuisse ad exercendam in alia quoque Augustini Opera virgam conforiam; non enim homini parcendum, eo consilio tam male de mortalium genere, ac de ipsa Religione merito. Equidem nihil miror, tantam bilem in Phereponi præcordiis exarsisse. Arminianorum, sive Remonstrantium, quibuscum Censor ille facit, præcipue sententia est, nemini Religionis causa molestiam esse inferendam. Atque ita sentire, aliisque suadere, commodum plane ipsis atque utilissimum, formidablebus nempe, ne rigidis Calvinianis, numero & auctoritate præstantibus, clavumque ipsius Reipublicæ tenentibus, aliquando placeat (quod Synodi Dordracenæ temporibus tentatum quoque fuit) minorem proternere Remonstrantium gregem, sibi adhuc adversantem. Verum Augustini sententia, quam Catholici semper amplexi sunt, tot rationibus nititur atque confirma est, ut nostro clypeo amplius egere non videatur. Attamen argumenta & censuras Phereponi sancto Augustino oppositas refutare, si non necessarium, saltem utile fuerit. Quod priusquam præstem, animadvertere necesse est, non Augustini tantum ævo adversus Hæreticos & inimicos Christi suis legibus decertasse Imperatores; sed statim ac ad Christianos transit Romanum Imperium. Constantinus Magnus, Valentinianus senior, Gratianus & Theodosius Magnus, ut alios omittam, ante Augustinum, & Augustini consiliis ac precibus minime exspectatis, Idolorum cultores & Hæreticos exagitaruna, compescuerunt, variis legibus, multis, & poenis. Id testatur Eusebius, Socrates, Sozomenus, Teodoretus, Hieronymus, & alii. Imperatorum illorum Leges leguntur adhuc in Codice Theodosiano. Etiam tum Episcopi hisce Augustorum edictis, eorumque zelo, & piæ asperitati laudes atque suffragium adjungebant, ut facile constare possit, sanctum Augustinum neque primum auctorem,

ne-

neque primum laudatorem suisse adhibitæ olim etiam a Regibus in Hæreticos Ethnicoſe ſubjætos ſeveritatis.

Primum Augustini argumentum, quod ſibi ſumit exſolvendum Phereponus iſtis contineatur verbiſ in Epift. XCIIH. olim 48. Cap. I. *Si quisquam inimicum ſuum periculoſis fabribus phreneticum factum currere videreſet in preceps: nonne tunc potius malum pro malo redderet, ſi eum ſic currere permetteret, quam ſi corripiendū ligandumque curaret?* Compationem hanc ex phrenetico deductam eum in finem, ut oſtendatur licita perſequutio in eos, quos ad Veritatis & germanæ Religionis professionem adducere volumus, nullius eſſe ponderis Phereponus ait pag. 492. Animadv. Phrenetici enim (ira ille reponit) ſi ne ullo dubio ſunt phrenetici, & ſocietatem civilem plane perturbant. Itaque leges civiles eos coerceri patiuntur & jübent. At in controverſiaſ de Religione, in quibus ſepe videas contrariaſ partes Virtutum Christianarum aequo studioſas, legibusque civilibus pariter obſequentes; res non eſt neque adeo maniſta, ut altere partes alterarum hominum phreneticorum loco habere queant; nec in tantis affeſtibus, quanti heic deprehenduntur; alii aliorum judices eſſe poſſunt. Facile evanescunt iſta ac alia in hanc rem afferenda poſtea, Cenſoris argutia, ſi uolum principium statuimus, quod qđi ignorat, ſive contemnit, neſcio quam recte inter Christianos ſit adhuc recenſendus. Nempe: eſſe debere, & eſſe reiſpa, Religionem aliquam inter homines a Deo conſtitutam, eamque non ſolum veram, certam, ac diuinam, ſed etiam evidenter credibilem, & a quocumque amplectendam, dum ejus rationes & dogmata audiantur, atque expendantur. Et quale quālo Dei optimi ac ſapientiſſimi conſilium fuifet, mortalium geniſ edocere Religionem veram, niſi vera hæc ejus Religionem inter reliquias falſas prodere ſe, & ſuam revera piaſſentiam maniſteſtare ſemper aperire potuifet, ac poſſet? Quid hominibus profuifet, atque prodeſſet diuinum beneficium, ſi nemini umquam continget ſine dubitatione perſpicere, atque cognoscere, quānam ſit unica illa cæleſtis Religion. Nonne apud Deum excuſare ſe merito poſſet, quicunque erraret in Religionis delectu, quando abditum, obscurum, & dubium ſemper foret, quāna fit amplectenda? Ergo fruſtra Christus nos docuifet. Ergo fruſtra Spiritus Sanctus loquutus fuifet per Prophetas, Apoftolos, atque Evangeliftas.

Ex hoc principio ſponte alia fluunt. Nam ſi recta Ratio fateri nos cogit, veram aliquam Religionem, eamque evidenter credibilem, non debere dumtaxat eſſe inter homines, ſed

eſſe re ipſa; ſique, uti nos oſtendimus, & adhuc oſtendere poſſemus, ne ipſo quidem Pherepono, ut arbitror, diſſidente, ſola Religioni Christi eadem una eſt, cui evidentiā conveniunt Veritatis & Divinitatis signa: ergo evidenter errabunt, quicunque a Christiana Religione abſunt. Rursus quum Religioni iſta in plures easque diverſiſſimas ſocietates, invicem diſſidentes atque contrarias dividatur: neceſſe eſt, una tantum inter ſocietates haſce veram & germanam Christi Religionem poſſideat; reliqua falsitatem ac errorem ſectentur. Atqui nulla alia eſſe ſocietas iſta poſteſt, quam Catholicorum, uti & nos ſupra oſtendimus. Ergo Religioni Catholicorum evidenter credibilis eſſe debet, atque adeo eſt, ſi recte poſitum eſt primum illud principium, nempe neceſſario futuram eſſe inter homines Religionem aliquam, evidentiā veritatis ac certitudinis signa praefrentem. Quod ſi Catholica Religioni evidenter credibilis eſt, quid aliud conſequitur, niſi ceteras Christianorum ſocietates errare, delirare, & quod eſt ad Fidem, loco phreneticorum eſſe habendas? Denique ſi exceptis Catholicis ceteri homines in Religione delirant, ergo etiam in Veritatem, & in Deum peccant: ergo ſalutarium vexationum ope illos revocare ab aeternis poenit, nonniſi Caritatis Christianæ conſilium laudabile fuerit.

Conſiſtimus heic, & petimus nunc a Pherepono, qui pronuntiarit, non eſſe in controverſiaſ de Religione rem adeo maniſtam, ut altere partes alterarum hominum phreneticorum loco habere queant, tantosque eſſe affecit, ut heic alii eſſe aliorum judices non poſſint. Hæc, ut ſonant, Judæi etiam, & innumeris Gentiliſ, ac Muhammedanorum ſectis ſomnum in errore dulciſſimum conciliare valent. Nam quomodo illi excitentur, vincantur, & ad nos evocentur, ſi iporum judices eſſe non poſſumus, neque maniſtam eſt, neque maniſtam eſſe oſtendere valemus, eos in Religionis controverſiaſ delirare? Quis Christianorum de ſua, aliorumque Religione, hucusque talia pronuntiare eſt ausus? Quod ſi Phereponus de controverſiaſ inter varias tantummodo Christianorum ſocietates ferventibus hæc habet: quo vergat iua hæc ſententia, animadvertat. Si maniſtam ſatis, aperturnque non eſt, neque eſſe poſteſt, quānam e tot Christianorum ſocietibus veram Fidem atque Doctrinam cæleſtem tueatur: ergo quālibet inter nos Secta, quilibet Hæreticus, quamquam a Catholicorum, iporumque Protestantium dogmatis remotiſſimus, excuſationem honestam prætentet, cur ejuſare ſuas opinioneſ nolit. Ergo unusquisque, dum in Deum & Christum credit, & a pra-

T vis

vis operibus abstineat in sua Secta & Religione, æternam salutem se posse adipisci merito arbitrabitur. Ergo ferenda erit omnium Hæreticorum colluvies; neque rationem Deus nos edocuerit discernendi mendacii & erroris a Veritate; neque illum in Ecclæsia sua Christus controversiarum Judicem constituerit, quo tamen Judæorum Ecclesia non caruit. Ergo Apostolus ad Titum 3. frustra monuerit, *Hæreticum hominem post unam & alteram correctionem devitandum, & frustra rationem adjecerit, quia subversus est, qui ejusmodi est, & delinquit, quem sit proprio iudicio condemnatus.* Frustra idem 2. ad Tim. 2. significarit, Hæreticorum sermonem cancri ad instar serpere, eosque a veritate excidisse, arque inter opera carnis enumeravit Hæreses, qua qui agunt, Regnum Dei non possidebunt. Frustra Johannes in Ep. I. v. 2. hæc de Hæreticis dixerit: *Ex nobis exierunt sed non erant ex nobis.* Denique frustra Deus Ecclesiam unam, & concordem, & puram instituerit; & obtemperare nos jussierit Præpositis nostris; & Spiritum veritatis in eadem Ecclesia ad finem usque sæculorum mansurum pollicitus fuerit, & Ecclesiam suam nobis audiendam edixerit. *

Nimis excresceret oratio, si confessaria quæque absurdissima recensere vellem, quæ secum trahit inconsulta Phereponi opinio. Sed ego Hæretici hominis confessionem ultero oblatam libenter accipio. Fatetur ille, non satis constare, in controversiis de Religione quibus partibus Veritas adsit ac faveat. Eidem credimus; sed hæc de Hæreticorum solis conventibus vera esse possunt, & Hæretico ulli sentire aliter & pronuntiare non licet, dum serio suæ Religionis dogmata ac methodum perpendat, & verum sincera confessione prodere velit. Ex quo enim quis e Catholica Ecclesia excessit, eamque visibilem, sanctam, errare neficiam, & Judicem controversiarum negat: ille jam renuntiat principiis omnibus, quibus sibi palam fieri possit, ubinam certo Veritas Fidei regnet. Nimurum lex omnis credendi, hisce principiis abjectis, tum sifstir aut in interno afflatus, aut in viribus Rationis suæ. Unusquisque autem se heic pollere satis putat, & nemini vult concedere, sacras nempe Scripturas, prout sibi convenientius videtur, explicans, & in suam sententiam ubique trahens. Quum ergo paria Hæretici omnes canant, & suum quisque sensum producat: quis non videat, manifestum at inter illos esse non posse, quis in Fidei scontroversiis erret, quisve attigerit Verita-

tem? Quod si manifestum id nequaquam est, ergo sine iniuitate una Hæreticorum societas in alteram senvire Religionis causa non poterit; multoque magis inique aget, si in Catholicos, quos non solum momenta rationum, sed antiquitas etiam, & Traditio tueatur. At Ecclesia Catholica divinis quibusdam privilegiis munita, evidenter intelligit ac sentit, a se veritatem, ab Hæreticis vero errorem stare. Ea quippe est, quam Deus locavit inter homines columnam ac firmamentum Veritatis; quacum Christus pollicitus est se æternum fore, in qua posuit visibles, & rite electos Pastores, atque Doctores; quæ ab aliqua Ecclesia, ut Hæreticis omnibus accidit, divulsa non est; quam audire, cui credere jubemur; nulli enim fallacia atque errori (quoties de Dogmate, & de Fidei controversiis agitur) obnoxia est; immo iudex controversiarum omnium, in Religione occurrentium, a Deo constituta fuit.

Hæc autem omnia invictissime confirmata reperias in Catholicorum scriptis. (** Confirmavi & ego brevi sermone in hoc Libro.) Ac proinde nullo negotio colligere jam possumus, quam labili fundamento argumentum Phereponi, quam stabili sententia Catholicæ innitantur. Ubi enim Catholicis evidens sit, se vera tradere & credere, consequens etiam est, ut Hæretici contraria docentes, atque credentes, delirare quandomodo dicantur, & Orthodoxi istorum Judices merito esse possint. Quod si Hæretici errant atque delirant, ergo phreneticorum similes sunt, proptereaque coercendi, & medicamentis etiam amaris ad sanitatem revocandi. Similes, inquam, sunt phreneticorum. Ut enim phreneticæ, phantasæ ex morbo viatiata, in furias acti, non sibi solum, sed rei etiam publicæ esse damno arque incommodo possunt, ideoque cohibendi sunt: ita etiam Hæretici, intellectu propter errorem corrupti, cum sibi tum alijs nocere queunt, æternas in se poenas derivando, & alios in eundem errorum, eamdemque damnationem trahendo. Denique si etiam daremus, nulli alijs Sectæ Hæreticorum nomen phreneseos convenire posse, at certe phreneticis accendi erant Donatistæ, qui eo usque furebant, ut nedum in Episcopos Catholicos, sed in se ipsos senvirent, & se flammis ac morti sponte darent. Igitur quis non videat, Christianæ Caritatis munus fuisse, ita illud hominum genus salutaribus quibusdam castigationibus veluti medicaminibus opportune aggredi, ut oculos tandem aperire vellent

ad

* In præcedentibus editionibus, typothetarum oscitantia, omissa hæc verba: *Nimis excresceret oratio.*
** Al. *Confirmavimus & nos in hoc Libro.*

ad veritatem lucem? Augustinus autem eo in loco adversus ipsos Donatistas agit.

Quæ subinde Phereponus adfert, verba potius quam argumenta sunt. Inquit enim: *Multitudinem, aut potentiam, quæ sibi jus iudicandi vi adrogare solent, hoc nihil facere, quum Veritatem penes plerosque & potentissimos fore nusquam promiserit Deus.* At certe Deus promisit, Veritatem apud Ecclesiam suam fore. Catholici vero in sola multitudine atque potentia numquam constituerunt Veritatis fiduciam, sed in rationibus, in Scriptura sacra, in Traditione, atque in ipsis Christi apertissimis promissis, quæ nulla sibi societas, præter Catholicorum, vendicare potest. Inter Christianos nota quoque Ecclesia veræ fuit ac erit amplitudo, atque universalitas, ut ita dicam, ipsius. Habetus enim firmissimos Propheticos sermones, quibus ista amplitudo promittitur germanæ Christi Ecclesie. Hujusmodi notam invictissimæ alia Veritatis noræ ita comitantur, ut cuiuscumque sine partium studio agenti innotescere semper queat, nos legitimum esse Christi gregem: quod de se ostendere numquam continget Hæreticis. Subdit Phereponus: *Si ad ea usque tempora, quibus Vandali Arianæ in Africa longe potentiores fuerunt, vitam produxeret Augustinus, vidissetque ab iis male haberet Catholicos Afros, quasi impios ac phreneticos: facile sensisset se periculosa ratione esse usum contra Donatistas, & denuo capisset defendere sententiam, quam pre affectu retractarat.* Ut lubet, hariolatur hic Censor. At nos longe fidentius dicimus, Augustinum in Vandalica persecuzione positum, a sententia, quam tuemur, non fuisse recessum. Neque enim facere Vandali poterant, ut minus quam antea Augustino manifesta foret Catholicæ Religionis Veritas, & Arianorum impietas. Ipos potius, magis quam antea, phreneticos fuisse arbitratus, quippe qui ad errorem adjunxit etiam rabiem atque furorem. In hisce autem angustiis patientiam parant, ac parare debent Catholicæ; parasset & Augustinus; quod jam fecerant Majores nostri sub Imperatoribus Ethnicis, atque Tyrannis. Vandalis vero obiectibus phrenesim & pertinaciam Augustino, habuisset iste solidissimas rationes ipsi reponendas, quales nullus Hæreticus habere umquam contra Catholicos potest. Quamobrem quum Augustinum tum reprehensurum fuisse argumenti sui yanitatem, Phereponus frustra somnians exclamat: *O infelicia argumenta, quæ paulo post mera sophismata facta sunt! Orationes imprudentes, ac fallaces, quæ errori aequæ patrocinabantur, ac veritati! patiatur ille, nos hoc unum dicere, neminem*

levius & confidentius sibi triumphum canere potuisse, quam nunc Phereponus faciat.

Pergit Censor, & Augustinum audire recusat, affirmantem, e Circumcellionibus multis jam Catholicæ Ecclesie redditos, damnare suam pristinam vitam. Non credit Phereponus, neque credendum putat, homines facinoros, qui rationes tempera ante sprevrant, poenis subito adductos fuisse ad id profitendum, quod damnarant. Hoc ab ipsis factum arbitratur, ut potentioribus partibus ore gratificarentur; non enim verbis metu extortis habenda fides. Nimirum videtur hec ignorare Phereponus rem sibi nosissimam, nempe quale hominum genus Circumcelliones fuerint. Cum ceteris Donatistis errantes in Fidei doctrina, rebellis Imperatoribus, in Catholicos mille modis, immo & interdum in se ipsos, morte sibi consita, dementissime ac furiosissime reviebant. Quid facilis, quam aliquando animadverte manestum scelus? Quid verisimilis, quam hodie homines a Catholicis territos, atque eductos, in se tandem fuisse reversos, prioremque agnoscisse infaniam? Verane an falsa quis in tormentis fassus fuerit, tum dubitare possumus, quum aliunde non constat, accusatum efficeret, quæ ipse fassus est. Potuit tum vis adhibita extorquere confessionem falsam. Dubium itidem erit, an quis vi admota errorum suum, pravamque sententiam revera, uti fatetur, agnoverit, quum dubitari potest, num illud sit error, num prava sententia, At, ipso testante Pherepono, apertus erat error, manifestissima infaniam Circumcellionum antea furentium. Quis ergo, plerosque saltem illorum jam pacata mente pristinam vitam detestantæ, ex animo tunc egisse non credat, & patentissimis denique cessisse rationibus? Quis ideo magis non credat, si recognitet, Catholicos in adhibendo rigore moderationem non fuisse oblitos? Sed Phereponus nihil facile credit, quod suæ Sectæ, suisque antecepitis opinionebo noceat. Et jam nobis timendum est, ne stultos in posterum vocet Judices Christianos, qui fidem umquam habeant confessioni, sive honestæ alicui promissioni reorum in tormentis factæ, & post ipsa tormenta confirmatae; aut ne facinorosi, qui diu rationibus restitere, umquam ipsis cedant, quamquam poenis meliora sapere, & ad mentem redire coacti, & quamquam rationes ipsæ dilucidam Veritatem atque Jutitiam omnibus notam contineant.

Hacce autem rationes Donatistis magna cura fuisse explicatas, auctor est ipsem Augustinus. Inquit enim: *Si terrentur, & non docerentur, improba quasi dominatio videretur. Rursus si docerentur, & non terrentur, vetu-*

T 2 state

state consuetudinis, obdurati, ad capessendam viam salutis pigius moverentur, &c. Verum ista non sufficiunt Pherepono. Terror, si ipsi credimus, conjunctus doctrinae eam vehementer suspectam facit; quippe quam putant homines, nisi vi & auctoritate fulcivetur, sponte sua collapsuram, nec terrore legum uti, nisi quia lumine veritatis sibi hominum animos conciliare nequit. Sed quinam sint homines isti, qui ita judicant, quæso nobis edicat Phereponus. Certe nonnisi homines facinorosi, cæci, & pervicaces. Nam pii, recte compositi, dociles, ubi placidis animis doctrinam ipsam intime excutiant, secus judicabunt. At hac ipsa de causa facinorosis, cæcis, ac pertinacibus adhibentur terrores, ut attentum & ipsi animum adferant ad doctrinam cælestem, atque ad Veritatem, quæ sibi offeruntur. Hoc autem hominum genus, in errore & improbitate obfirmatum, male forsitan semper, vel sine tormentis, de doctrina judicassent, quippe qui non viderent, neque sentirent, illam lumine Veritatis sibi conciliantem animos. Terrorem ergo adhibere licet, ut se recte edoceri patientur; edocti vero agnoscent, suspectam minime esse doctrinam, quæ in eum solum finem terrore utebatur, ut in suæ Veritatis lucem oculi pervaiciacum intenderentur. Quapropter Ethinicis antiquis, & Turcis terrore solum, non autem doctrina (& si doctrina, certe fallaci ac falsa doctrina), in suam sententiam populos pertrahere conantibus, Phereponi verba objici potuissent; non autem Catholicis. Et videat ipse Phereponus, quid scelestis ac improbis hominibus responderet, si eadem argumentatione usi, Justitiam cum humanarum tum divinarum Legum suspectam haberent, eo quod terrore poenarum armantur. Neque enim Veritates Religionis minorem, quam Justitia Legum, in animos vim habere dicenda sunt, si attente audiantur. Alioqui apud Deum & apud homines excusandi forent, quicumque in Religione aliqua, licet falsissima conquescent.

Adducit subinde Augustinus exemplum Dei O. M. qui nos certe amat, & tamen nos non solum docere suaviter, verum etiam salubriter terrere non cessat. Ad hæc Censor: *Quis homo audeat, inquit, sibi jus in ejusdem natura participes, idem ac Deus, adrogare, nisi qui se hominem esse sit oblitus?* *Quis enim ignorat, aliud plane jus esse Creatoris in Creaturas, aliud Creativarum in se invicem, aliamque Dei ac hominum affectionem?* En quibus captiunculis Lectorem suum Phereponus detinetur. Nemo fanus, multoque minus Catholici, tale jus in Homines sibi umquam adrogarunt, quale Deo competit, omnium

Creatori, ac Domino vero, & animas in gehennam mittere valenti. Sed quidem putarunt, & adhuc merito putant, legitimis Regibus atque Magistratibus jus esse animadvertisse in sones, quamvis ejusdem naturæ participes; & in officio continendi, & corrigendi, & terrendi homines, ne in errores ac vitia deflectant, sive ut inde revocentur. Quod dum præstant, non suo jure Magistratus & Reges faciunt, sed jure, quod ipsis Deus contulit, potestate regnandi collata. Neque propterea quod omnis erroris & affectus in judicando & castigando sit expers Deus, Reges vero & Magistratus pravis affectibus erroribusque sint obnoxii, a judicando & castigando abstinere isti debent, dicensive sunt conservos suos non amare. Nam & amant, quum injustos ad meliorem frugem revocandos justis plectunt flagellis; & amare etiam possunt, dum justos, & minime errantes, præ errore castigandos arbitrantur: a quo tamen errore absuisse Catholicos in causa Donatistarum nos certo scimus. Quid ergo ad Augustini argumentum faciant Phereponi verba, quodcumque in latu vertantur, non video, nisi ut persuadeant, nullum homini jus in alterum esse dare, & legitimis Regibus atque Judicibus nefas esse usum (* securis, aliarumque pœnarum.)

Hinc etiam responsio peti potest ad Phereponi iratas voces, minime severitis, ab Augustino ex vocatione Sauli divina vi peracta exemplum sumi. Quum enim illa prodigiose peracta fuerit, indignatur Phereponus, cum cælestibus miraculis conferri vim a militibus litteribusque Magistratum allatam, & quia Deus miracula interdum adhibuit ad homines convincendos, hinc colligi ideo licitum esse uti. Si Augustinus, inquit Censor, similes artes (hoc est miracula) adhibere potuissent ad convertendos Donatistas, nihil erat, cur eum heic confutaremus, & omnem pervaiciaciam facile vicisset. Iracundia quæso Phereponus parcat, ne illius oculis turbidus affectus aspectum Veritatis eripiat. Quandoquidem Augustino & Catholicis Regibus semper ad manum non sunt Miracula, num ideo illorum Caritas ab honesta severitate, aliisque artibus abstinere debet, quæ vincere pervaiciaciam Hæreticorum possit? Sed animadvertisse Phereponus, aliud esse Miracula, aliud vim adhibere, ut quis ab errore ad veritatis cognitionem traducatur. Quamquam magna virtus sit Miracula, ne ipsa quidem tamen pervaicaces facile vincunt. Testis ea Miraculorum copia, quæ Christus, Apostoli, Moses, atque Prophetæ fecerunt, persistentibus tamen in incredulitate Ægyptiis, atque Judæis. Hæc quo-

* Al. Securis & fascium.

que in irritum cadunt, nisi potenter suæ Gratiae vi suavissima Deus agat in renitentium corda. At præter Miracula usus est Deus vi externa atque sensibili ut Saulum de persecutore Apostolorum faceret. Dicimus ergo, Augustinum cum cœlestibus Miraculis non conferre, quod est ad virtutem convincendi homines, salutarem illum rigorem, quem Reges interdum adhibent ad sanandos perversos Hæreticos. Neque affirmat, severitatem istam suapte natura aptam esse ad convincendos animos, & persuadendum verum, quum id proprium sit rationum, atque argumentorum, ad quæ audienda reluctantes per rigorem trahuntur. Sed tantum infert, & rectissime infert, ideo licitum esse vi uti ad Hæreticos in meliorem sententiam perducendos, quippe quod & Deus salubri videntia in eundem finem interdum sit usus. Posuit nempe Deus Reges in terris vicarios suos, ut veram quoque protegerent Reli-

gionem, atque Ecclesiam*, & Veritati omnium præstantissimæ subSIDIUM afferrent. Quum vero Catholici Principes certissimum habeant, & merito habeant, a se Religionem veram stare: cur ad ipsam amplectendam urgere homines pertinaces sibi subiectos, aut eosdem in ipsa continere, licet sibi non potent, quando ipsem Deus Saulum furentem ex equo dejiciens, & cæcitate percutiens, exemplo suo ostendit, vim in hunc finem usurpatam consentire posse cum Caritate, atque Justitia? Non poterat Augustinus, non poterant Catholici Imperatores Miraculorum vi pervicaciæ atque insaniam Donatistarum frangere. Fortasse ita quidem fregissent. Vim ergo aliquam salutarem, cuius exemplum Deus præmisserat, ipsis adhibere fas fuit; ut attentiores exinde aures & animos gens illa haberet, si tamen vellet, ad vim rationum, & ad Veritatem doctrinæ.

C A P U T VIII.

Et Hæretici Catholicam Ecclesiam persequuntur. Augustinus & Africani Episcopi perperam insimulati impotentiæ atque ambitionis in Donatistas. Eorum Christiana Caritas, ut schismati finis fieret. Cur mortis Donatistæ quidam damnati. An, & quomodo piam Dei severitatem cum Afrorum Episcoporum severitate composuerit Augustinus. Non omnis persequutio mala. Recte id ab eodem Augustino demonstratum variis Litterarum sacrarum documentis & exemplis.

Probaturus Augustinus in eadem Epistola 93. posse dici, Ecclesiam Catholicam persecutionem ab impietate & superbia Hereticorum pati, exemplum Apostoli adfert scribentis ad Gal. IV. 29. Isaacum ab Ismaele persequitionem passum, etiam si legamus ancillam potius & ejus filium Ismaelem, ab Isaaci matre Sara passos graves molestias. Excandescit heic Phereponus, & ait: *Verum quidem est, Hagaram male habitam a Sara, sed eo heic non respicit Paulus, verum ad Ismaelis actionem cum Isaaco protervius ludentis, quam vocat persequitionem, quamque confert cum persequitione, quam Christiani patiebantur a Judeis: & que non erat sua in eo, quod viderent Iudeos superbos esse ac perversos (quod nemo, nisi Paenus Rhetor persequitionem vocavit), sed in eo quod ab iis omni molestiarum & paenarum genere afficerentur. Absurdum est conferri basce persequitiones, quas tempore Pauli Christiani ferebant, cum affectione animi Episcoporum, & ceterorum Clericorum Afro-*

rum, qua ege patiebantur sibi contradici a Donatistis. Alia addit, hoc est omnia turbat Phereponus, Augustino quod sibi lubet affingens, ut in eum declamandi postea bellam occasionem arripiat. In hæc autem modestissima verba denique desinit: Illudebat sane miseris Hipponensis Rhetor, quia sentiebat, omnia impune a se in illos poruisse dicci. Verum sanctus Doctor nihil Apostolo affingit, sed quidem Apostoli verba acute perpendit, neque ait, sitam fuisse in superbia & pervicacia Judæorum persequitionem, quam ab ipsis Judæis sustinuere Christiani; neque cum iis persequitionibus contulit molestias a Donatistis Catholicæ Ecclesiæ illatas. Hæc omnia e Phereponi cerebro nata sunt, inscio Augustino, & reluctantibus Augustini verbis. Sed quidem comparabat sanctus Doctor Ismaelis actionem in Isaacum, quam Persequitionem Apostolus appellat, cum Donatistarum aliorumque Hæreticorum superbia, pervicacia, & impietate, quam persequitionem quoque Augustinus vocat in Ecclæ-

150 DE INGENIORUM MODERATIONE

clesiam Catholicam. Sicut enim ille, qui erat secundum carnem, ab Apostolo dicitur persequutus fuisse eum, qui erat secundum Spiritum; non alia de causa, quam quod iudiceret cum Isaaco (vocabulo Ιακωβος metzachek utitur Scriptura sacra), quia ludus ille, quamquam institutus non esset ad affrendam gravem aut vitam, aut animo s' aut facultatibus Isaaci perniciem atque dolorem, nihilominus aut ex superbia, & protervia, & irratione injurias erat dignitati Isaaci, aut ipsum edocebat cultum Idolorum, aut ad hereditatem eidem legitimo successori eripendi tendebat; ita & persequitor appellari potest, quidquid Hæretici faciunt adversus Ecclesiam Catholicam ex superbia, ac impietate, etiam nullam vim atque molestiam inferant Catholicorum fortunis atque corporibus. Utrobius autem metaphorice forsan adhibetur persequitionis nomen, sed ut certe per illud significetur vere aliud malum alterius corpori, sive animo illatum. Et quisnam ignorat, quantum Ecclesia Dei noceant Pseudoapostoli, & Hæretici, lupi nempe rapaces, non parcentes gregi, uti eos Apostolus nominat Act. XX. 29. loquentes perverfa, ut abducant discipulos post se?

Quis ignorat, iniquitatem, & superbiam, & impietatem Donatistarum, a quibus olim difficultas est unitas Ecclesiae, & vinculum Caritatis, & ipsam Ecclesiam infamata; qui prater se solos, reliquam innumerorum Christianorum Rempublicam e Fide excidisse putabant, idque ex dubia unius, aut paucorum culpa; qui Sacramentis vim non a Deo, sed a Ministris qualitate inesse contendeant, & in Catholicos, atque in se ipsos crudelia patrabant? Ab hujusmodi hominum genere persequitionem patiebatur, & adhuc patitur Ecclesia, graviorem interdum, quam quas a Tyrannis est olim perpetra; in his enim complurium anima perduntur, in his sola corpora perierunt. Atque haec est eo in loco Augustini sententia. Prostant Libri. Attente ac sincere consideranti verba, nihil inde aliud eruitur.

Quid est ergo, quod tam impotenter in Pœnum Rhetorem Phereponus fertur? Nonne in hominem hunc æquius sua verba conveniunt? Sed illudit Phereponus miseris Lectioribus suis, quia putat omnia impune illis cursim legentibus a se propinari posse. Verum magis eriam fieri palam quantopere eum transversum rapiat affectus, & malæ causæ tute la, dum carpit affectionem animi Episcoporum, & ceterorum Clericorum Afrorum, qua ægre patiebantur sibi contradici a Donatistis. Ad quæ e vestigio addit: Quis ferat eum persequitionem dici pati, cùt dolet, quod

non dominetur aliis, eque ac miseros, qui facultatibus omnibus spoliantur, in exsiliis mituntur, fustibus ceduntur, immo & occiduntur, nam hoc factum liquet ex Epistola C. in qua Augustinus intercedit ne fiat? Hec ille de Episcopis Afros, & Augustino potissimum, dicentibus, se persequitionem a Donatistis pati. Nihil autem ego adferam de malis, exsiliis, & poenis in Donatistas congestis ab Imperatoribus. Satis enim est monuisse, id hominum genus haec omnia nimium commississe, quum jam eorum Schisma non Deontatum & Ecclesiæ aduersaretur, sed humanas quoque Leges pessimadaret. Quam immuniter in Catholicos, eorumque sacra Tempa, & vel in ipsis Episcopos cædibus etiam patratis grassati fuerint; quam pervicaciter Imperioris editis, & omnibus pacis consiliis restiterint, nemo ignorat, & ne ipse quidem Phereponus. Sed qualiter affecti erga Donatistas fuerint Africæ Antistes Catholicæ, eorumque Clerici, præterire non debeo. Cum Augustinus pluribus in Libris, tum memorabile quoddam factum, numquam interitum, sat prodit, a Catholicis non res aut Cathedras Donatistarum, sed ipsis Donatistas fuisse quæsitos; eosdemque in Africa Praefules Catholicos a libidine dominandi longissime absuisse. Antequam Carthaginensis Collatio anno Ch. 411. haberetur, in qua de vera Ecclesia disputatione ineunda, & de concilianda pace inter Catholicos atque Donatistas agendum erat, deliberatum in Catholicorum Concilio fuerat, quibus conditionibus excipiendi essent Donatista post pugnam. In mentem aliquorum subiit offerre, ut vincentibus adversariis Catholicæ omnes Episcopatus muneri renuntiarent, & universæ plebes Africæ Christianæ accenserentur Donatistarum Episcopis. Quod si vincerentur Donatistæ, nihil tamen depetderent, dum in communionem Catholicæ Ecclesiæ redirent. Singuli Episcopi Catholicæ non indignarentur in honore & munere socium & æqualem habere, ubicumque Episcopi duo Schismatis causa constituti ante fuissent. Uno eorum defuncto, alter superstes integræ Ecclesiæ præserset. Minime probatum ita hasce conditions a reliquis Episcopis Catholicis Augustinus & alii nonnulli suscipiantur, quibus amor pacis, & Caritas talia suggesterat. Nam & id contra Canones erat, & nonnullis incommmodo gravi esse poterat. Verum, ut ipsius Augustini verbis utat in Lib. de Gest. cum Emer. n. 6. quando venitum est, ut hoc palam fieret, in Concilio upiversorum tam frequenti, pene trecentorum Episcoporum, sic placuit omnibus, sic exarserunt omnes, ut parati essent Episcopatum pro Christo.

Christi unionem depolare, & non perdere, sed Deo tutius commendare. Legatur Epistola ab eodem Concilio ad Marcellinum Tribunum hac de re conscripta, ubi praeterea ceteris egregia illa verba tacenda non sunt: *Episcopi propter Christianos populos ordinamus. Quod ergo Christianis populis ad Christianam pacem prodest, hoc de nostro Episcopatu faciamus. Si servi utiles sumus, cur Domini eternis lucris pro nostris temporalibus sublimitatibus invidemus? Episcopalis dignitas fructuosa nobis erit, si gregem Christi magis deposita collegerit, quam retenta disperserit. Nam qua fronte in futuro seculo promissum a Christo sperabimus honorem, si Christianam in hoc seculo noster honor impedit unionem?* Nisque cum solum Donatistis hanc in Episcopatu societatem Catholici obtulerant. Jam pridem id fecerant, ut significat Optatus Millevitanus Lib. 1. Hist.

Ecce memorandum facinus Episcoporum Afrorum, quorum Caritas erga Donatistas contumacissimos in aliis etiam iisque plurimi occasionibus effulgit, ut jam satis intelligamus, nonnisi ab animo aequitatis oblitio, aut furente praeterea odio, erumpere potuisse, quae de illorum ambitione & dominandi cupidine nuper, a Pherepono audivimus. Neque hec detinebo Lectores, tot alia monumenta producendo, quibus constet, Catholicos Africæ Episcopos, & Augustinum in primis, id unum in votis habuisse, ut a stultitia seu potius cæco furore Donatistas revocarent, ab extremis suppliciis immatum cadum reos vindicando; & eorum Clericis & Episcopis cum Ecclesia vera conciliatis pristinos honores ac munera quæque servando. Quic componi ista posunt cum iis, quæ infra addit Phereponus? *Deus ex nostra salute nihil lucrabatur. Sed Afri Episcopi, auctoritate, dignitate, atque opibus eo maiores erant, quo greges eorum numerosiores fiebant, quæ non ultima caussa baram vexationum fuisse videtur.* Cur vero dicat Censor, Deum ex nostra salute nihil lucrari, juvat explicare legentibus, quam male ista huic sedeante loco. Respondebat Augustinus Donatistis, Ecclesiæ Catholicae crudelitatem objicientibus, severitatem hujusmodi non culpandam, sed laudandam. Caritas enim cum iis vexationibus conjuncta erat; & Caritatem non minus misericordia, quam severitas decet. Exempla inde multa congerebat, ut ostenderet, non ideo quemquam accusandum, quod alteri noceat, atque molestus sit; sed animum illius esse respiciendum, qui tum magis misericors, & benevolus, aut saltem justus est, quem plus interdum scavit. Hanc in

rem inter alia scribebat Augustinus, *Deum proprio Filio suo non pepercisse, sed pro nobis omnibus tradidisse illum.* At Phereponus: *Quid simile est actioni Dei patientis voluntatem Filium suum occidi, in salutem humani generis, a sceleratis hominibus, a malinibus Ecclesiasticorum, qui concitatabant Magistratus in miseros Donatistas?* Tum petit Phereponus, an quisquam inter Afros tam perfida frontis fuerit, ut auderet postulare ab infelibus Donatistis, ut crederent Catholicos tam bene erga eos, quos vexabant, affectos, quam erat Deus erga homines, quum Filium suum vexationibus traxeret, ut genus humanum salvaret? Ad hanc addit, quæ nuper memoravimus; & orationem tandem ita concludit: *At Rhetor noster non tantum veri, sed ne verisimilis quidem, ullam rationem habet.* Nec opus erat: quum hisce argutis minime cessuros, mulctæ, carcere, exilio, mors manarent.

Quam plane verum est litigare volentem, rationes interdum, numquam convicia deficere posse! Sed dolendum est, incidere Lectores non satis cautos in id Auctorum genus, qui nihil pensi habent in publicum effere, quidquid non Veritas attente perspecta exferere, sed ira praecipit effutire jubet; quique sibi prius, tum auditoribus suis, magna confidencia imponere non dubitant. Quis autem, ut Pherepono jam respondeamus, tam leviter Libros Augustini, atque Historiam Donatistarum percurrit, ut statim non intelligat, quam calumniose dicatur, nullam Augustino & Afris Episcopis curam fuisse Veri, & ne Verisimilis quidem; immo ne hoc quidem sibi necessarium illos putasse? Tot e regia volmina in Donatistas conscripta, tot Collationes quælibet ac instituta, tot fortissima rationes a Catholicis adhibita, vel me taceant, produnt, an Augustino, ejusque in Africa collegis, Veri ac Verisimilis cura studiumque fuerit, & an potius severitatis quam argumentorum vi emollire ac frangere ipsi optarint pertinaciam Donatistarum. Quod autem de morte Hæreticis eisdem illata Phereponus interserit, ludibrium pariter Veritatis est. Severas in se legev, ut ita dicam, ab Imperatoribus extollerat immanis jam facta crudelitas Donatistarum. Ipsæ tamen leges severiores neminem mortis damnabant, eo quod Hæreticus quisquam tantummodo foret. Non suppicio capitali, scribit Augustinus Ep. 50. nunc 185. Cap. 7. propter servandam etiam circa indigos mansuetudinæ Christianam, sed pecuniaris dannis propositis. & in Episcopos, vel ministros eorum exilio constitutor. Si quidam ex iis morte vio-

len-

lenta sublati sunt: pauci, & grassatores, & Circumcelliones multarum cädium rei fuerunt. Episcopi vero, & Augustinus in primis, intercessere semper, ne illo usque descendenter justus alioqui rigor, & cohendi nimii furoris necessitas. Immo ipsas lenire multas, & leges ipsas mitigare, quantum licuit, omnium cura fuit. Id constat ex variis Augustini Epistolis. Quod si plus quam par erat, quisquam militum Casareorum, sive Praefectorum, abusus est auctoritate legum in personas facultatesque Donatistarum, id in omnium æquissimarum legum conditionem referendum, quarum nulla hujusmodi infortunio obnoxia non est. Id contra mentem ipsius Imperatoris factum, & præcipue Episcoporum, omniumque proborum. Hæc omnia, ajebat Augustinus, disponent bonis, & ea prohibent, & cobinent, quantum possunt: quantum autem non possunt, ferunt: & sicut dixi, pro pace laudabiliter tolerant, non ea laudabilia, sed damnabilia judicantes.

Quod est ad comparationem divini erga homines affectus, & Episcoporum erga Donatistas, nemo certe Catholicorum ita desipuit, ut se cum Deo componeret. Sed nemo itidem futurus nunc esse deberet adeo sibi oblitus, ut pravum in Episcopis Africaniūm fuisse contenderet, eorumque tum ambitionem, tum varitatem affirmaret causam dedisse invocandi in Donatistas legum subsidii. Qui Clericis & Episcopis Donatistas omnia ut prius intacta volebant, offerebantque vel Sedes proprias, ut eos Christo ac vera Ecclesia lucrifacherent: qua ratione censeri, qua fronte dici possunt abominandis cupiditatibus ad vexandos Donatistas impuls? Id multo minus suspicari nefas, si temporum illorum Historia sincere consulatur; & quantopere publicam pacem Hæretici illi immanitate sua turbarent, innotuerit; & quid eorum querelis atque calumniis sanctus Augustinus responderit, præcipue in memorata Epist. 50. nunc 185. Ceterum petenti Pherepono, an quid simile reperiiri possit inter actionem Dei tradentis Filium suum pro salute hominum, & Catholicorum concitantium Magistratus in miseros Donatistas, respondemus, non exiguum similitudinem intercedere, quantum tamen patitur infinita operantium differentia, ut actiones assimilentur. Sicut enim Deus, quo infinitæ suæ Justitiæ fieret sat, & humanum deinde salvaretur genus, voluit, non quidem scelus Judæorum, sed tormenta & mortem Filii sui; ita etiam Episcopi Afri, quo a pertinaci errore, & a certo gehennæ periculo Denatistas deplora-

tos averterent, castigationes in ipsos decerni voluerunt. Utrobique severitas, sed iusta severitas conspicitur; utrinque Caritas effulgat; utrinque per severitatem magnum hominibus queritur bonum, & proinde iusta, pia, ac laudabilis cum Dei, tum Episcoporum actio est, nisi quod hominum opus, quamquam justum & pium, nulla ex parte æquare potest divini operis pretium, atque successum. Neque porro necesse est, ut in omnibus, & minutissime sibi respondeant res comparatae, dum in eo vigeat similitudo, in quo res ipsæ assimilatae fuerunt. Quæcumq; ita sint, quis jam pudorem, sive ut dicere jam licet, impudentiam Phereponi non miretur, dum hac de causa ait: Pudes immorari confutandis ejusmodi ratiocinationibus, quæ ne Logicae quidem Tironibus hodie condonarentur?

Multo magis mirabitur Lector hominis confidentiam, quum intelliget, numquam institutam fuisse ab Augustino comparationem inter Deum ejusque actionem, & effectum erga homines; & Episcopos Afros, eorumque actionem atque effectum erga Donatistas. Ideo tantum exemplo Dei non parentis Filio suo, sed eum pro salute hominum tradentis, Augustinus utitur, ut generale illud effatum probet: Quum boni & malii eadem faciunt, eademque patiuntur, non factis, & penis, sed caussis utique discernendi sunt. Et infra. Discamus in similitudine operum discernere animos operantium, nec clausis oculis calumniemur, & benevolos pro nocentibus accusemus. Opera similia multis exemplis ostendit Augustinus, & tamen quia diversi sunt operantium animi, diversæ operandi caussæ; hi pios & justos, illi impios & iniquos se produnt. Certum autem est, Deum non solum passum fuisse, ut innocens Filius suis a sceleratis necaretur, sed etiam voluisse, atque exegisse, ut tormentis ac morti offerretur ejusdem Filii vita. Et ipse Filius, volens quidem & liber, sed tamen obediens Patri usque ad mortem, & ejus æternō decreto ac voluntati obsequens, traditus est Crucis pro nobis. Reus, impius, & damnandus nobis illico videretur, qui tale aliquid vellet atque exigeret, nisi ejus animum atque ita agenti caussam discerneremus. Quum vero infinita Justitia, atque infinita Caritas Deum permoverint ad hujusmodi actionem, propterea summe pia, iusta & laudabilis fuisse cognoscitur actio illa Dei, qui alioqui nihil non pium, non justum agere potest. En ergo quem in finem, & quanto jure mentionem Dei tradentis Filium suum fecerit Augustinus, non comparans revera cum

eum Episcopis Afris Deum, neque Moysen, neque Græcos pro Paulo Apostolo cædentes Sosthenem Judæum, neque Paulum eundem, neque Apostolos, neque ipsum Christum: quibus tamem omnibus exemplis apposite probat, justum opus, & pium esse posse in aliis, quod injustum & detestandum postea deprehendatur in aliis. Pro sua liberalitate Phereponus comparationem istam alio detorquet contra Augustini mentem, ne se declamaturum tam cito materia deficiat, quamquam inter ista, ut vidimus, intercedere similitudo aliqua possit.

Sunt Augustini verba §. 8. in Epist. 93. olim 48. Cap. 2. *Si semper esset laudabile persequitionem pati, sufficeret Domino dicere: Beati, qui persequitionem patiuntur, nec aderet, propter justitiam.* Ad hæc ait Phereponus, Donatistas non solum se prætulisse Catholicis, quod persequitionem patentur, sed quia, ut quidem putabant, hoc fieri bat justitiae causa, quum nollent id facere, quod sibi illicitum esse, ac Deo displace credebant. Tum addit, hanc animi affectionem laudandam, etiam in errantibus; vicuperandos contra esse, qui ab invitis extorquent, ut id faciant metu suppliciorum, quod illicitum esse putant. *Quamvis enim, quod inviti faciunt, natura sua rectum esset, Deo non posset non displace, qui non vult ore dumtaxat coli, sed potissimum animo, nec ab invitis quidquam accipit.* Ita ille. Et ei quidem gratias habebunt cum Judæi, tum Muhammedani, & Gentiles, ceterique Hæretici vel pestilentiores, quod plaudat eorum pertinaciæ in tuendis erroribus, in impientate servanda. Sed quid resert, quod ista prætervia a non mala affectione prodeat, hoc est a voluntate non faciendi, quod illicitum putatur? Num propterea excusandi, immo laudandi Judæi, & Donatista, & reliqui, a Christo, aut a vera Christi doctrina aversi? Dicat Phereponus, si audet, si potis est, & evacuet Crucem, & Religionem Christi. Quod si gentem illam ab ira Dei salvare nequit falsa illa persuasio, atque pervicacia: cur vituperandi quæsio sunt, qui eos a tanta miseria liberare conantur, & in spem æterni Regni pertrahere? Nonne & hæc animi affectio in Catholicis laudanda, quippe a Christiana Caritate progenita? Certissimum autem est & apud nos, Fidem a libera voluntate, non a coactione esse exspectandam? Deoque non solum non probari, sed invisos esse, qui animum ab ore discordem in Religione ferunt. Sed quæ a Catholicis interdum adhibentur in Hæreticos moderatae castigationes, & usus modestus terrorum, non co tendit, ut errantium

voluntas adigatur ad veteres opiniones ponendas, & ad meliorem amplectendam; sed ut propter suppliciorum sive incommodorum imminentium formidinem animi & aures attentiores præbeantur doctrinæ sanæ, & veritatis prædicationem. Quod si Deo displace, quidquam ab hominibus invitatis fieri, etiam si id natura sua rectum foret, non minus etiam eidem displace, perniciosos & impios errores ultro ab hominibus propugnari, quamquam credentibus se pro Veritate certare. Quapropter si ad evirandas vexationes quisquam facto animo ad veram Fidem convertitur, id quidem ejus virtus aut infelicitate contingat, non autem Catholicis culpæ vertendum, qui quantum in ipsis est, hominem illum & a primis erroribus, & ab illa gravi calamitate liberum optant, & liberare contendunt.

Pergit Augustinus ita scribere in memoria Epist. 93. Cap. ead. Item si semper esset culpabile persequitionem facere, non scriptum esset in sanctis Libris: Detrabeantem proximo suo occule, hunc persequeretur. Aliquando ergo & qui eam patitur, injustus est; & qui eam facit, justus est. Respondet Phereponus, hunc Psalmi centesimi locum, nihil facere ad persequitionem hominum, dogmata quæpiam bona file amplectentium, nec ceteroqui deteriorum morum, quam sene reliqui cives. David enim ibi non agit de quavis persequitione, sed tantummodo pollicetur, se a conspectu suo ejectorum calumniatores omnes, loquiturque de delictis, societatem civilem perturbantibus, & de quibus non ex religiosis, sed ex civilibus legibus poenæ sumi possunt. Nolo heic disputare de sensu vocabuli Hebraici, *Atsionith*, quod tollam Phereponus interpretatur: reliqui vero Linguae sanctæ periti interpretati sunt, *succidam, disperdam, interficiam, interficiebam, & usque ad intercessionem persequerbar*. Neque itidem placet heic inquirere, an pravæ opiniones in Religionis doctrina societatem civilem perturbent, & Ecclesiam scindant, & Deo sint invisa, ac propterea poenæ quoque civiles mereantur a Regibus, quos Deus custodes etiam constituit Religionis germanæ, & doctrinæ cœlestis. Prætereo etiam, nulli cœri magis convenisse calumniatoris notam, quam Donatistis, Cæciliani, Imperatorum, Judicum omnium, & Ecclesiæ universæ calumniatoribus clamatis: quod ne ipse quidem Phereponus negat. Animadvertere solum juvat, Phereponum non heic minus, quam alibi impovere Augustino, sive nesciat, sive noit a perfissima illius sensa intelligere. Illo Psalmi loco utitur Augustinus, non uti ostendat,

dat, lieere Catholicis persecui Donatistas: sed ut ostendat, non ideo quemquam statim esse culpandum, quod persecutionem faciat; nam & sanctus David persecutatur calumniatores, neque tamen injustus idcirco fuit. Si semper, inquit, esset culpabile persecutionem facere, non scriptum esset in sanctis Libris &c. Propositis Psalmi verbis, conclusionem inde istam elicit: Aliquando ergo & qui eam (persecutionem) patitur, *injustus est*; & qui eam facit, *justus est*. Ubi vides, ex tribus propositionibus, quibus constabat Syllogismus a Donatistis instructus, solam primam universalem his verbis conceptam: *semper culpabile est persecutionem facere*, ab Augustino falsitatis argui, & merito argui. Quocumque enim nomine appelles, quod Regius Psaltes comminabatur calumniatoribus, grave ipsis molestumque futurum erat, & proinde a persecutione minime distabat, eique persecutionis, sed justae minime culpabilis, convenire nomen potuit. Vides etiam, ab Augustino ea Psalmi verba non accipi, quasi de quavis persecutione David loquatur, neque adhiberi, ut iusta demonstretur persecutio Donatistis illata. Phereponus autem contra ventos pugnans, sibi singit, Augustinum nihil aliud voluisse, quam hoc postremum, a quo tamen tunc Augustinus alienus erat. Quare Censor in ea verba confidenter erumpit: *Hoccine est Scripturam, ut decet, interpretari, an temere arripere vocabulum male intellectum, ut videaris aliquid dicere, quam revera nihil dicas?* Hoccine est, & ego dicam, censuram agere, ut decet, an sibi umbras effingere, ut in illas digladieris, & videaris aliquid evincere, quam revera nihil evincas?

Ejusdem ponderis sunt sequentes Phereponi animadversiones; & utinam non piget Lectorem audire, ut me piget refutare talia. Occiderunt impii Prophetas, inquit Augustinus in eadem Epist. 93. olim 48. Cap. 2. §. 8. occiderunt impios & Prophetas. Ad quae Phereponus: *Quosnam propter meras opiniones occiderint Prophetae, debuisse dicens Augustinus; nam si quos occiderint proper male facta, ex Lega ipsa Mosis morte plectenda, hoc nihil facit ad Donatistas, aut alios similiter errantes.* At Augustinus, si hoc objecisset Donatista aliquis, ut arbitror, serium risisset, non quia sibi decesset, quod hec responderet, sed quia nulla responsione opus erat ad hujusmodi interrogationem. Neque enim, dum haec scribebat, sibi propositum erat, aut esse debebat, inquirere, cujus delicti causa occisi a Prophetis impiorum fuerint. Quæcumque enim causa Prophetas eo impulerit, in-

justa certe poena esse non potuit, quippe quæ zelo Dei, & Deo ipso jubente de hominibus sumta. Hoc autem Augustino satis erat, ut universalem illam sententiam confirmaret a se productam, nempe: *ali quando & qui persecutionem patitur, *injustum esse*; & qui eam facit, *justum*.* Cur vis Augustinum dubuisse dicere, quod ad rem propositam nihil necesse fuit? Ceterum ex Deuteronomii Cap. 13. & 17. & 18. & ex nonnullis exemplis antiquæ Legis, non difficile fuisset hujusmodi etiam Phereponianæ interrogationi facere satis. Pergit Censor. Pieterca ostendendum fuisset, quidquid fecerunt Prophetæ, id licitum esse sub Novo Testamento; nam hoc pernegat Christus disertissimis verbis Luc. IX. 55. 56. nec quæcumque legibus a Christo latius solvere potest Augustini auctoritas. Cupientibus Discipulis, ut Samaritar flammis e cælo demissis comburerentur, Christus ait: *Nescitis, cuius Spiritus estis, Filius hominis non venit animas perdere, sed salvare.* En Luca verba. Quid Catholici nonnulli ad ea respondeant, sentientes, morte quoque Hæreticos pertinaces posse juste multari: apud alios legere Phereponus poterit, quum sibi vacabit. Nobis interim mitiora suadentibus satis est pro Augustino respondere, nihil pertinere ad Donatistarum causam locum illum Evangelii. Ecquando enim Donatistarum anime a Catholicis perdita fuerunt propter solam Dogmatum sive opinionum differentiam? Quandonam ab Imperatoribus statutum fuit, ut Hæretici illi perimerentur, nisi forte quum turbate publicæ pacis, & cædium, & perduellionis rei deprehendebantur? Poenæ dumtaxat moderatae, levesque multæ in ipsis decretæ a legitimis Magistribus, idque secundum Christi Spiritum, & desiderio salvandi, non perdendi illorum animas, postea quam nulla mansuetudine, nullis rationibus ab apertissimo errore, & a furore se non patiebantur revocari. Ostendat Phereponus, quibus Christi legibus id in Lege nova interdictum fuerit, & qui Christianæ Caritati adverseretur; atque erit nobis magnus Apollo.

Flagellaverunt Judæi Christum, Judeos flagellavit & Christus. Sunt Augustini verba. Quæ ita excipit Phereponus; *Quasi vero flagellatio illa, qua Christus pecudes, potius quam homines ejecti e Templo, possit conferri cum crudeli flagellatione, quam Christus passus est a Romanis, Judæis gyasificantibus.* Aut Augustinus valde spernebat ingenia Donatistarum, quibus se ejusmodi ratiocinationibus os obstruere posse sperabat; aut multo majorem fiduciam habuit in Edictis Honorii, quam in pondere rationum. Jamdiu convicis rem

rem suam agere Phereponus instituit. Sed ego veri studiosos atque sinceros Lectores rogabo, ut perspiciant, quam opportune Phereponus suam heic bilem in Augustinum rursum exoneret. Dixerat sanctus Doctor: *Plene semper & mali persequuti sunt bonos, & boni persequuti sunt malos.* Illi nescendo per *injustitiam*, illi *confusendo per disciplinam*. Illi *immaniter*, illi *temperanter*. Illi *servientes cupiditati*, illi *cavitati*, &c. Tum exemplis rem firmat, atque inter alia memorat Christum a Judæis flagellatum, qui & Judæos in Templo vendentes & clementes flagellis cæcidérat. Exemplum hoc apposite cadere ad confirmandam Augustini tententiam universalem nemo non videat. Certissimum enim est, tam Christum, quam Judæos, rem illam præstisſe. Sed Christus bonus confusando per disciplinam malis, isti mali nescendo per *injustitiam bono*, id *præstitere*; ille *Caritati serviens*; isti *Cupiditati*; ille *temperanter*, isti *immaniter*. Quid est, quod intentioni Augustini plane heic non respondeat? Sed, inquit Phereponus, cum Judæorum crudelissimo rigore conferri non potest mitissima severitas Christi in Judæos; & Judæi e Templo ejectedi pecudum similes fuere, ac flagello propterea digni; Christus autem innocentissimus fuit, & ingenuus moribus. Quis rogo acutum Phereponi ingenium iam non miretur, tantum discrimen inter Christum & Judæos nostris demum temporibus reperient? Immo, si Phereponi credimus, quis non agnoscat Augustinum aut stupidum, qui discrimen istud non animadverterit, aut callidum, qui dissimularit? Verum, ut serio agamus, dicat Phereponus, num Augustinus sibi probandum sumiserit, malos parem persecutionem in bonos, & bonos in malos semper exercere? Si probandum id non sumserit, sed quidem, non minus bonos quam malos, ex diversis tamen causis, persequitionem agere: quid resert animadvertere discrimen inter Christi, & Judæorum flagellationem? Obstatne discrimen illud, quominus immerito Judæi Christum, Christus Judæos merito, re ipsa flagellarint? Præterea nonne & hanc ipsam differentiam significavit Augustinus, dum inquit, bonos persequitionem temperanter facere in malos, & malos contra immaniter savire in bonos? Quod si Judæi e Templo expulsi pecudeserant, num propterea malii, & nocentes, & plectendi non fuere, quando orationis domum fecerant domum negotiorum, & speluncam latronum? Quacumque ex parte animadversionem Phereponi contempnatur, nihil occurret adversus Augustinum. Quid aliud ergo Phereponus inde obtineat,

nisi prodere se scientissimum pessimæ omnium censoræ, quæ tum sit, quum nos arreptis temere Auctorum verbis, neque mente, consilioque eorumdem Auctorum considerato, somniamus in iis, quæ postea stylo nostro libere insectemur? Porro ex his judicent aqui amantes, num Augustinus Donatistarum, an potius Phereponus Lectorum suorum ingenia valde spreverit, hæc scribens quæ tam facile sophistical redolere noscuntur.

Mitto non absimiles hominis illius notas in ea verba Augustini: *Traditi sunt Apostoli ab hominibus potestati humanae*; tradiderunt & *Apostoli homines potestati Satane*; quia nihil ad rem illæ faciunt, & una eademque responsione jam per nos confutatae fuerunt. Quum subinde Augustinus tentiat, ideo Apostolorum tempore non invocatam fuisse Regum auctoritatem in præsidium verae Fidei, quia nondum Rex ullus erat Christo deditus; ita responderet Phereponus: *Quasi vero ea non fuerit natura indoles Regni Christi, quod ipse testatur non esse hujus mundi, quamobrem legionibus nomine defendebatur. An non potuit Christus, si volisset, ingentem copiam Judæorum vocare ad arma, ut se tueretur contra inimicos?* & quod viribus humanis deerat, vi divina miraculorum perfacile superare, si ita Deo visum fuisset? Utique Christum id potuisse, cum Pherepono affirmamus. At qui venerat ad insti-tuendum, atque exercendum spiritale Regnum in terris, Regnorum temporalium jura & leges intacta relinquere, non evertere, voluit. Exemplo itaque suo tantum significavit, Pontifices, Sacerdotes, & reliquos spiritales Ministros suos jus armorum secularium sibi tribuere non debere. Ostendit, non esse Fidem suam, Turcarum ad instar, vi gladii propagandam, & ad eam suscipiendam invitatos homines extremis suppliciis non esse cogendos. Demum nos docuit, excitandas non esse vel pro vera Fide seditiones populorum adversum legitimos Reges, & contra Præpositos nostros: quod Anabaptistæ, Calviniani, & ali Novatores, ipsique olim Donatistæ, sunt ausi. Numquam vero Christus docuit, legitimos Reges, qui non sine causa gladium portant, & ministri Dei sunt, peccare, & inique facere, si veram Fidem, quam ipsi favente Deo amplexi fuere, & Fidei unitatem, sartam testam in populis sibi & Ecclesiæ subjectis servare, atque a ruina & divisione tueri velint, & salubribus in eum finem suppliciis temporalibus in refractarios utantur. Immo piis Regibus, & politicis Magistratibus hoc onus incumbere, cum recta Ratio, tum sacrarum Litterarum exempla persuadent.

C A P U T I X.

Quod Augustinus de Rogatistis, & de vexatione Hæreticorum, sententia mutata, scripsit, non impietum eum, neque Proteum arguit. Hippoensis Civitas credenda est non ficto animo Schisma ejurasse. Inter Catholicorum & Mubammedanorum persequitiones quam magna differentia. Sententia Augustini de divina Gratia non excludit utilitatem pœnarum in Hæreticos pertinaces. Nullo jure culpatus a Pherepono Augustinus, culpans Donatistam afferentem, neminem cogendum esse ad bonum.

Rogatistas, qui Schisma ab ipsis Donatistis fecerant, alloquens Augustinus in laudata Epist. 93. Cap. 3. §. 2. ait, illos quidem reliquis Donatistis videri mitiores, quod cum immanissimis Circumcellionum gregibus non sœvirent; sed non ideo mitiorem inde ipsorum animum ostendi posse. *Sævire vos nolle dicitis; ego, inquit Augustinus, non posse arbitror.* Immitie ac inhumanum Pherepono videtur hoc Augustini responsum, & alienum a mansuetudine, quam præ se ferre solebat. *Quem enim, ait, noverat eorum animos? An non patet fieri, ut ex animo ab omni persequitione abhorrent?* Facile sane hoc mibi persuaderemus. Et Augustinum, quippe affectu occatum, ideo tam futilibus rationibus usum fuisse pronuntiat. Sed utinam sibi semper tam facile de aliorum animis bene persuaderet Phereponus; neque enim adeo frequenter, ut vidimus, & visuri sumus, Augustino & Catholicis malediceret, ineptis tantummodo & virulentis suspicionibus indulgens. Evidem quin mitius respondere potuerit Augustinus, inficias non eo. Quid enim dissimilemus Christianæ Caritatis loquelam in his casibus? Verum Augustinus ita sibi respondere fas licitumque putavit, ut Rogatistas moneret, ipsos non idcirco se a persequitione facienda alienos venditare posse, quod re ipsa non facerent; nam & ad faciendam vires deerant (erant enim Rogatistæ numero tantum decem) & eorum auctor Rogatus a contentionibus minime abstinerat. Ceterum e vestigio subjicit Augustinus, se mitem hunc animum in Rogatistis ponere, & credere velle. Sed ponamus, ait, *vos etiam nolle, quod non valet* &c. Hoc autem omittere Phereponus non debebat, si agere sincerius cum Augustino statuisset, quem aliqui mansuetum virum ipse negare non potest.

Fatetur infra Augustinus, se olim in ea sententia fuisse, ut Hæreticos nulla molestia temporali afficiendos arbitraretur; sed aliam se postea mentem induisse, ex quo tum experimenta, tum rationes validissimæ sibi nimium persuaserant, non justam solum, sed utilem plane ac necessariam interdum esse hanc agendi rationem. Ad hæc Phereponus ait, Augustinum, uti norat ex Rhetorica institutione id dicere pro temporibus, quod causa postulabant, ita etiam pro temporibus sensisse. Etsi daremus, Augustinum ex institutione Rhetorica novisse in utramque partem dicere, non quod veritas, sed quod causæ postularent: num illum excogitare etiam aut credere possumus adeo exordem, & impium, ut eamdem servare consuetudinem vellet in tanti momenti rebus, atque ubi de Religionis, & Ecclesiæ honore, & de sua, ac aliorum æterna salute agebatur? Id suspicari, id credere sine ulla prorsus causa, atque ratione, cum inhumanum, tum iniquum esse, quis non intelligat ex ipsis Phereponi nuper allata sententia? Mutavit opinionem Augustinus; at vi exemplorum atque rationum victus. Id quotidie prudentes, & veritatis amantes faciunt, qui meliorem sententiam amplexi in ea consistunt, & consistendum sciunt, & tum potissimum, quum ad æternæ salutis periculum, atque ad leges divinas res pertinet. Attamen Phereponus hæc subjecere non erubescit: *Quis dubitat, quin si Ecclesiæ Africanae a persequitione abhorruissent &c. contrariam causam copiose peroraturus fuisset?* Ego sane nullo modo dubito, quin si illum apud Vandalo vexata ab Arianis Ecclesiæ Africanae causam dicere oportuisset, contrariis plane usus esset argumentis &c. Non solum Phereponus ipse non dubitat, sed neminem alium dubitaturum esse ait, quin Augustinus tunc Proteum acturus fuisset. Quo quid du-

durius dici possit, non facile reperias. Nos contra, & Augustini sanctitate perspecta, & Ecclesiæ Catholicæ argumentis bene perspis, neutquam dubitamus, quin Augustinus perficetus in ea sententia fuisset, quam hec post illum tuemur. Quod si Ecclesia Africana a persequitione Hæreticorum, sive, ut melius dicam, a salutaribus remedii ac poenis in ipsos experiendis abhorruisset, non ideo id factum fuisset, quod illicita hæc remedia Episcopi censuissent, sed quod opportuna atque utilia tum temporis minime judicassent: quod contingere interdum potest. Augustinus vero, si ad tyrannidem usque Vandalorum protractisset vitam, utique illorum damnasset, & confutasset rabiem in Catholicos, quia ut impia erat Vandalorum, & olim Paganorum doctrina, ita ipsorum rigor pro eadem doctrina propaganda injustus erat. Catholicorum autem numquam damnasset piam severitatem in Hæreticos, quippe in cælestis doctrinæ, & germanæ Religionis præsidium adscitam, & magna moderatione exercitam.

Augustinus in eadem Epist. 93. Cap. 5. §. 17. affirmat, Civitatem suam, quæ tota erat in parte Donati, ad unitatem Catholicam, timore Legum Imperialium, conversam fuisse, & Schisma deinde ita fuisse detestata, ut eidem numquam immixta fuisse crederetur. Sed nullam ei fidem habet Phereponus; Difficillimum enim putat, ut grandiores natu, & perspicacioris ingenii homines alieniores multo non fiant a Doctrina, que eis vi ingeritur. Si Donatistas evidens injustitia non divisisset ab Ecclesia Catholicæ; si item Ecclesiæ huic non essent (quæ certe illi sunt, & apud nullos Hæreticos sunt) aperta Veritatis signa; si denique rigor solus a Catholicis adhibitus fuisset, non autem explicatæ, atque inculcate Donatistis ejurandi Schismatis manifestæ rationes; immo si rigor ipse, licet moderatus, eo dumtaxat resperxisset, ut invitis Doctrinam Catholicam ingeneret, & non ideo potius adhibitus fuisset, ut converteret animos pervicacium ad auctoritatem diligenter meliorem fanioremque doctrinam; Si, inquam, hæc omnia in Donatistarum causa non præcessissent, parcer aliquo pacto possemus Phereponianæ suspicioni, quamquam rationibus destitutæ. At quum hæc omnia convenient in illam causam, nimis æquum est credere, non ficto, sed vero animo converso fuisse Hippo nensis plerosque, uti & alios Donatistarum populos non paucos, quos Augustinus commemorat. Mitto alia in hanc secundum argumenta, quippe sola teste experientia res confici

poteat. Nostris quippe temporibus in Galliarum Regno idem fere conspeximus, quod sua ætate vidit Augustinus. Num affirmare Phereponus poterit, immensum Calvinianorum numerum ad Fidem & unionem Catholicam ibi conversum, inter quos & grandiores natu, & perspicacioris ingenii homines, & docti viri, immo Pastores ipsi fuerent, omnes a Catholicorum doctrina alieniores factos, quum ipsam & amplexi fuerint, & constanter adhuc teneant? Quin ex iis aliqui simulatum animum ad Catholicam Ecclesiam detulerint, negare nolo. Verum plerosque scimus, & contendimus, ex animo egisse, & apertissime novisse, quantum Hæresi & Schismati adhaerentes, a Veritate & Caritate absent: quod & Donatistarum plerisque ad eamdem Ecclesiam conversis contigisse olim, fidenter nobis persuaderemus, & Augustinus aliique testantur.

Ceterum Phereponus, ne ubique durum se nobis præbeat, fatetur, adolescentes, & Hæreticorum filios Catholicis placitis educatos, sincerissime Fidem Catholicam amplecti. Non est hic exiguis salutarium terrorum fructus. Sed adhuc idem Censor contendit, Schismati finem imponi vexationibus non nisi inique atque inhumane posse. Quibus rationibus hoc ille contendat, ignotum est nobis; nam quas haec tenus depromisit in Augustinum, nihil solidi habere deprehendimus; & contra solidissime adhuc vigent, quas Augustinus attulit, quasque Phereponus aut infeliciter insectatus est, aut attingere ausus, ut puto, non est. Attamen hæc fortasse, quæ subjicit, rationum loco Censori fuerunt. Inquit enim: His artibus non modo Schisma ex pertinacia aut imperitia ortum, sed & omnem veritatis cognitionem tolli, ut liquet vel ipsius Africa exemplo, in qua Muhammadanorum furor extinxit illuc Religionem Christianam, similibus artibus iis, quibus evulsus fuerat olim Schisma Donatistarum. Igitur, tandem concludit, non erat quod de eventu gloriaretur Augustinus, qui omnium vexationum pars est. Si Augustini Epistolam iterum legisset, aut studiosius semel legisset Phereponus, intellexisset, Augustinum nequamquam de illo eventu gloriari, quamquam Catholicis futurum esset gaudio, tot populos amplecti, ad unitatem Fidei, atque ad veram Ecclesiam reversos. Id ille refert, ut causam tantummodo prodat, quare ab antiqua sua sententia ipse discesserit. Nempe verebatur olim, ne Legum terror ex apertis Hæreticis factos Catholicos ficeret: quam tamen suspicionem deinde suffulit experientia ipsa. Quod reliquum est, et si injustæ vexationes (ita Deo propter nominum sclera permittente)

parem

parem cum justis affectum fortiantur (quo tamen eventu caruere tot Paganorum fævissimi conatus in Christianam gentem), nihilominus animadvertere debemus, nonnisi tremere comparari hac in re potuisse Catholicos cum Muhammedanis. Orthodoxi ac legitimi Imperatores in populos sibi & Ecclesiæ subjectos, sed pervicacos, & per aperiam iniquitatem ab eadem Ecclesia vera se-junctos, poenas moderatas constituebant, ut iterum ad ovile Christi perditas oves reverarent, neque prius errantes revocarent, quam erudiissent, eisque errorem pristinum manifestum fecissent. Muhammedani contra in solo terrore, & vi acinacis, ratione omni leprosa, sine ullo dominationis legitima jure, sine bona causa, populos alienos in antiqua Religione stantes, ad novam amplectendam coegerent, quam Catholica præferendam nemo liber & ingenio valens per suadere sibi possit. Quid heic simile sit, non video; & ne ipse quidem Phereponus videat, utpote qui neque diffitetur, Donatistas initio titulo secessionem olim a Catholicis fecisse, neque diffiteri potest, falsam esse & absurdam Muhammedanorum fidem atque fævitiam. Etiamsi ergo iisdem artibus cum Catholici tum Muhammedani usi fuissent, & par utrimque fuisset eventus, quia tamen jus legitimum, & justa causa, & recta Doctrina Christianis Imperatoribus erant; hac autem Muhammedanis deerant: nefas profecto erat Pherepono, moderatum rigorem pro custodia veritatis adhibitum cum extremo rigore pro impietate propaganda usurparo conferre. Ut toties Augustinus ostendit, immo, ut quotidie nobis cernentibus usuvenit, cum boni, tum mali persequeutionem faciunt; sed juste illi, inique isti; illi odio, sive errore incitati; isti Caritate, & Veritate ducti. Oppresserint ergo Donatistas Catholici, Catholicos Muhammedani; Justitia nihilominus semper faciet, ut illos laudemus; iniquitia, ut istos damnemus. Deinde dissimulare quidem possumus, dici Muhammedanos similibus artibus usos ad extinguentam in Africa Religionem Christi, ac usi Catholici fuerint ad auferendum Donatistarum Schisma: quod certe numquam ostendetur; sed absolvere plane nequimus Phereponum sine ulla ratione contendente, per hujusmodi vexationes non solum Schisma, sed & omnem veritatis cognitionem tolli. Id jure de Muhammedanis artibus, & (* Arabica) crudelitate canatur; immerito & falso de Catholicis; sicuti ex ipsa Donatistarum Historia liquet. A Catho-

licorum parte evidens Veritas stebat. Nil intentum Catholici relinquabant, quo istam pertinacibus persuaderent; eo collinebat Romanarum Legum terror, ut se Donatistæ edoceri paterentur eamdem; & plerique edocti, insaniam præteritam ex animo detestabantur, errore veteri perspectib & nova veritate imbuti. Quid heic simile cum cæca feritate ac impietate (Arabum)? & quis dicere audeat, in hisce casibus atque conditionibus veritatis cognitionem tolli, quom contrarium evidenter curret?

Infra nequit capere Phereponus, quomodo ita ratiocinari posset Augustinus, qui credebat homines ad Deum sola gratia interna, & electis solis concedenda converti, & ad vitam eternam adduci. Quia enim, inquit, magis alienum a gratia divina, quam multæ, exsilia, atque alia supplicia? At nos respondemus, utique Fidem non ex Meritis, sed ex Gratia venire. Sed quum ipsa Fides ita sit Dei donum, ut actus etiam sit liberi arbitrii, & omnes jubeamus bene sentire, & recte agere; propterea homines cuncti, ad bene sentendum, & recte agendum solicitandi sunt. Consilia, præcepta, leges, prædicatio Evangelii, & variæ convincendi ac hortandi rationes in hunc ipsum finem adhibentur. Correptio autem, quæ ut habetur Proverb. 29. tribuit sapientiam, modo inferre, modo conservare potest donum Fidei, & prodesse hominibus. Quare non solum laudanda, sed etiam Gratia divina instrumentum dicenda est. Neque vero nos, quia Gratia Dei, non sine tamen libero Arbitrio, probos homines facit, a bonis operibus abstinere debemus, aut cessare ab urgendis ad bona opera ceteris fratribus. Neque item Apostolica Gratia Doctrina obstatre debet, quominus inustos, impudicos, & blasphemantes Deum, legitimi Judices ad juste, pudice & pie vivendum salutaribus poenis impellant. Nos quod nostrum est, faciamus; Gratia quod suum est, faciet. Sed si ista non capit Phereponus, multo minus capere ego nescio, cur ipse loqui his verbis perget: *Quis dicerò sustineat, qui modo pudore aliquo teneatur, nec omnem Religionis reverentiam exuerit, irritam plane esse verbi divini prædicationem, nec gratiam divinam cum ea confungi, nisi accedat persecutio?* Iram quælo non profundat Phereponus. Non Augustinus, non Catholicus umquam sensere, irritam plane esse verbi divini prædicationem, nisi illam persecutio comittere. Immo nos affirmamus, Evangelii potissimum prædicationi Deum conjugere suam

* Al. Turcica, & post pauca, Turcarum.

gratiam, suisque gratuitis donis referare per illam aditum confusceret. Sed negari non potest, quin irritus quoque interdum sit prædicationis istius effectus, vel quod attenuatum animum ad illam homines non adhibeant, vel quod pervicaciam & cæcitatem luci Veritatis, & pulsanti Gratia opposant. Atque utinam Judæi, Muhammedis sectatores, Gentiles, & tot Hæretici, hujus calamitatis fidem nobis non facerent. Ergo ut ejusmodi pertinacia & cæcitas amoveantur, atque ut animum in prædicationem Veritatis solertia homines intendant, rigor & moderata severitas interponuntur interdum a legitimis Regibus sive Magistratibus (in Christianos sibi subiectos in Schisma prolapso) non sine ingenti animarum fructu. Qua in re, ut patet, non statuunt Catholici vim animorum emolliendorum in vexationibus adhibitis, sed in Gratia divina effacia, quæ his modis tum uititur, ut de pertinacibus hominibus, incuriosi, & nolentibus, attentos ad verba divina, & volentes faciat. Neque vero umquam a salutaribus hisce pœnis Catholici disjungunt prædicationem Evangelicae Veritatis, sed potius ad eas tantummodo consugiunt, ut ista prædicatione studiosius auribus accipiatur, & in mentem fluat.

Ad Augustini Epistolam Centesimam quintam Phereponus notat, Augustinum nimio affectu occæcatum, in eo saltum suisse, quod Donatistis, indulgentiam suæ factioni ab Honorio Imperatore concessam dictitantibus, mendacium exprobravit. Nam, inquit Phereponus, eo tempore (uti ex Concilio Carthaginæ XVIII. Kal. Jul. Anni 410. habito constat) libertas facta omnibus fuerat cuiusvis Religionis sequendæ, ideoque non mentiebantur Donatistæ. Lectores autem suos Censor adire jubet Augustini Vitam ab eruditio Benedictino proxime præteritis annis elucubratam Lib. 6. Cap. 7. §. 2. ut Augustini errorem manifestius intelligent. Nos Auctorem Vitæ Augustinianæ admisimus, & utique inde ediscimus, aliquando ab Honorio Augusto per dolum expreſſam, & revera promulgata fuisse Legem Hæreticis faventem, quam non dubitamus, quin Donatistæ etiam in sui favorem interpretarentur. Verum Donatistas ab antiquis Legibus liberare animus Honorio non fuit; Epistola vero memorata Augustini (uti animadvertis & recte insert eruditissimus Scriptor Vita ejusdem) scripta fuit, antea quam re ipsa libertatem cuiuslibet Religionis colenda concessisset Honorius, quamquam Donatistæ fa-

mam jam concessæ evulgarent. Quare intelligat Lector, quanta huic Censori habenda sit fides.

Presbyterum quendam Donatum, ex fatione item Donati, existimantem, & idem tidem repetentem, neminem cogendum esse ad bonum, Augustinus ita alloquitur in Epist. 173. alias 208. §. 2. Attende quid Apostolus dixerit: Qui Episcopatum desiderat, bonum opus concupiscit. Et tamen multi, ut Episcopatum suscipiant, tenentur invitati, perducuntur, includuntur, custodiuntur, patiuntur tanta que nolunt, donec iis adsit voluntas suscipiendi operis boni. Phereponus pag. 498. Animadvi. primo difficilem se præbere videtur ad credendum, fuisse olim, aut nunc esse, qui vere cogantur dignitates & opes Ecclesiasticas accipere, quum antea nollent. Scilicet nihil ille veretur in suspicionem adducere omnia, & ubicumque eum incessit cupido, ipsi Augustino abrogare fidem. Et sane miror, hominem hunc adhuc ignorare, veteri nos ab Æquitate & Carietate male sentire, immo non bene sentire de aliis sine potenti ratione. Ut enim hominis improbi est, neminem alium credere velle probum; ita imperiti est negare, quod nunc ipsa testatur experientia, & multo magis Augustini tempore testabatur. Numquid enim ille tam hebes, aut impudens fuerit, ut rem veluti vulgarem, & Donatistis compertissimam narraret, quæ multis jam non constarer exemplis? Immo complura antiquitatis monumenta, quæ heic innuere supervacaneum puto, hoc idem adhuc dilucide testantur. Deinde Phereponus ita difficit: Sed qui ita coguntur, putant etiam ipsi Episcopatum esse opus bonum; nec eum refugiant, quasi malum quidpiam, sed tantum quod ei oneri recte ferendo impaves se judicent. As Donatiste malum per se esse ac Deo displicere, quamvis ea in re errarent, putabant id quod facere cogebantur; nec vexationibus aliter ut sentirent adduci poterant. Detecto hoc Augustini paralogismo, res poscebatur, ut aliquo documento Lectores suos Phereponus dimitteret. Inquit igitur: Itaque nihil ad rem hoc exemplum facit, nec adhibetur ab Augustino, nisi move eorum Rhetorum, quibus satis est vel levissima verisimilitudinis umbra, ut sibi recte ratiocinari videantur; cuiusmodi hominibus nimis scatuerunt per multa secula Christianæ Ecclesie, sed presertim illo aeo. Optandum esset eos, qui publice causam Ecclesiistarum suscipiunt, paulo studiosius Dialectica & Rhethorica seniori operam dare, ne tot sophismata, ac

INA-

* Hæc verba nuper addita, secundis curis, ab Auctore.

160 DE INGENIORUM MODERATIONE

inanis phaleras plebecule venditarent. Et nos optamus, Ecclesiasticos non solum viros, sed & omnem veritatis cultorem, Dialecticæ ac Rheticæ severiori multum studere, ut a sophismatis ac inanibus phaleris abstinerent discant. Sed itidem optamus, ut Critici viri non minus Modestia, quam eidem Logicae, studeant, atque a pertulantia temperent; neque generali censura quemquam, veluti indoctum, Sophistam, ac levissimum mercium propolam, traducant, quod ipsum aliquando errasse deprehenderint. Præterea opamus, ut magnos viros jam funestos humanis rebus si quando emendandos suscipiant (quod certe per nos licet), sine supercilio, sine malignitate emendent, & modeste atque circumspicte judicio de tantis viris pronuntient, uti jam Quintilianus monebat; neque impotenter insultent Ingeniis tam bene de re Literaria, & de Veritate, & de Religione aliqui meritis; immo non prius quempiam ex iis carpant, quam sibi satis conster illorum error. An ab æquissimis hisce honestisque legibus Phereponus quidquam discesserit, jam puto Lectores sobrios atque honestos ante me dudum intellexisse. Sed heic vix ille ferendus, quod tam universaliter sententia percellat Augustini Sæculum, quo floruere tot illustres, magnique nominis, ac ingenii Scriptores. Multo minus ferendus, qui nobis exhibere audet Augustinum Logicae studiis perfundit exultum, quando vix alium inter veteres offendere possumus, qui acutiori mente, & meliori Dialectices usu, quum res poscebat, veritatem investigarit, defenderit, & Sophismata carverit. Nam quod & apud illum paralogismus quandoque occurtere aliquis possit, non ingenio, non voluntati, non Logicae negligenti tribuendum id est, sed hominum conditioni miseræ, cui nullus propterea insultare sibi licitum putat, nisi qui se hominem esse fuerit oblitus.

Sed quid, si ne heic quidem Augustinus contra Logican peccarit, ubi tamquam in opportuno loco ipsum ad Logican addiscendam amandare videtur Phereponus? Quid si Logica se minus gnarum, ne dicam Sophi-

stam, heic se Phereponus prodiderit, ubi sophisma Augustini sibi redargendum putat? Periculum faciamus. Quid ajebat Donatus ille Donati lector? Neminem cogendum esse ad bonum. Deum dedisse homini librum arbitrium; ideo non debere cogi hominem nec ad bonum. Hoc ex Augustini Epistola nuper lapidata discimus. Quid Catholicus ad haec respondere debuit? Num ostendere Donatistarum Schismæ esse malum, Unitatem Fidei & Ecclesiæ Catholicæ bonum esse? Id fecisset inopportune. Neque enim poscebat Presbyter Donatista, ut sibi demonstraretur, bonum esse redire in Catholicæ Ecclesiæ gremium. Non ajebat: Neminem ad malum esse cogendum. Ajebat: Neminem cogendum esse ad bonum. Hoc est, aut iam sibi persuaderat bonum esse, quod Catholici sibi inculcabant; aut faltem non negabat, & concedebat, id esse bonum, ajebarque se sic velle errare, se velle periire in Hæresi sua, uti infra Augustinus tradit. Quid aliud ergo Logicus vir ad Donatistæ effatum reponere debebat, nisi ostendere, homines ad bonum quoque impelli posse, atque debere? Quod Augustinus apposite facit productio vulgari eorum temporum exemplo, cui vel ipsi Donatistæ nihil objicere possent ac vellent, eorum nempe viorum, qui ad Episcopatum suscipiendum, hoc est, ad bonum amplectendum, cogebantur. Nihil ergo faciat huc animadvertere, Donatistas malum putasse id, quod facere a Catholicis cogebantur. Ex Donati ultronea confessione assumebat Augustinus, id bonum esse. Tum ex Logicæ regulis id tantummodo evincebat, quod solum a Donato negabatur, videlicet, cogi homines ad bonum debere. Si bonum id esse negasset Donatista, tum Augustinus aliter sibi ad negantem respondentem novisset. Quamobrem nemo Logicae præceptis instrutus non intelligat, quantum ad rem faciat illa Augustini responsio, & quantum contra a Logica alienum fuisse ea respondere, quæ si Phereponum audire volumus, respondenda tunc erant. Pudere deberet hominem Criticum tam supine Censorem agere.

C A-

C A P U T X.

Non infamatur ab Augustino Ecclesia trium priorum Sæculorum, neque eidem affingitur aliqua dissimulatio iniqua. Non omnis persecutio improbata a veteribus Christianis, sed ea tantum, quæ pro errore contra veritatem exercebatur. Neque Ethnici criminari jure potuissent pœnas moderatas in aversos a Religione vera statutas. Augustinus erga Manichæos mitis, sed non idcirco incusandus, quod salutares Hæreticorum vexationes deinde laudarit.

Facile ab iis, quæ ad Epistolam 185. olim 50. Augustini pag. 521. Animadu-
habet Phereponus, expedire sese pos-
set, quicumque Donatistarum infamiam, aut
ex ipsius supra memorati Presbyteri facino-
re, aut ex tot aliis Historiarum monimen-
tis colligat, coque magis qui demum ani-
madverterit, quam nullis rationibus, sed so-
lum indignis suspicionibus omnia corrumpe-
& denigrare Phereponus soleat. Quam
artem si in isto Censore probare velimus,
jam nihil erit, in quod savire impune non
possimus, culpamque falsitatis conferre. Sed
ne heic quidem is sine responso dimittendus
est, quippe multum expatiatur, ut ostendat,
Augustinum non animadvertisse, quantum
iœcū universam Ecclesiam Christianam trium
priorum a Christo nato Sæculorum suis di-
ctis infamaret. Quei tam male Ecclesiam
habeat Augustinus, videamus. Donatistis di-
centibus, non petuisse a Regibus terre Apo-
stolos talia, hoc est, ut vulgo dicitur, non
invocasse sæculare brachium pro turela Reli-
gionis veræ, Augustinus respondet in eadem
Epist. 185. Cap. V. §. 19. *Quis runc in Chri-
sum crediderat Imperator, qui ei pro pietate
contra impietatem leges ferendo serviret, quan-
do adhuc illud Propheticum complebat: A-
sisterunt Reges terre, & Principes convenerunt
in unum adversus Dominum & adversus Chri-
stum eis?* Tum addit, ex quo Imperatores
Christianæ Religioni dederant nomen, po-
tuisse illos, & debuisse pro ipsa Religione
tuenda, & errore profligando, leges conde-
re, Christiana tamen moderatione dignas.
Hinc Phereponus infert, Augustini mentem
esse, a primis Christianis improbatam non
fuisse persecutionem omnem: quod si ve-
rum esse ponimus, infamis ex Phereponi sen-
tentia fuisse Ecclesia sub Ethnicis Impera-
toribus, graviter semper de persecutionibus,
quæ humanitati contrariis, conque-
sta. Exspectamus a Pherepono argumentum,
quo palam fiat, tam absurdâ conjectaria ve-
nire ex Augustini sententia. Ecce. Si enim

dicamus Christianos antiquiores ex tantum de
causa vexationes damnasse, quod in ipsis exer-
cerentur, non in Ethnico: habendi erant cal-
lidi dissimulatores, qui tempori dumtaxat ser-
viebant; quum dannarent quasi impia &
inhumana, quæ ipsi libentissime fecissent, si po-
tuissent. Tum e vestigio hæc alia subjicit:
Neque enim vetustiores Christiani damnabant
persecutionem, quam ipsi patiebantur, sed
omnem omnino, quemcumque esset. Postrema
hæc verba si perpendantur, quamvis speciem
præferant rationis, & confirmationis su-
eriorum, nihil tamen aliud continent quam
id, quod in questione est. At quæ non
adserat pro re comperta Censor iste, a ve-
tustioribus Christianis omnem omnino quæ-
cumque esset, persecutionem damnatam fuisse.
Hoc ille dicit; sed hoc illi adhuc demon-
strandum restat. Superiora ergo repetamus
Phereponi verba, quæ sane ad rem propo-
sitam faciunt. Ad ea vero ita respondemus,
antiquos Christianos non ideo de vexationi-
bus fuisse conquestos, quod in se, & non in
Ethnico, exercerentur; sed quidem quod
exercerentur contra Veritatem, & contra
Veritatis patronos, & in patrocinium pa-
tentissimæ impietatis, & infelicissimi & aper-
tissimi erroris. Expostulantes de iniqua cru-
delitate numquam negarunt, quin moder-
atae persecutio aliquæ a legitimis Regi-
bus exerceri licite possent, ut ab impiis op-
inionibus pars populi sibi subjecti liberaretur.
Ergo nihil dissimulabant Christiani veteres;
neque tempori serviebant; neque libentissi-
me idcirco Ethnico persecuti fuisse, si
potuissent; nam quamvis id liceat, ægre
tamen a Catholicis semper factum est; ne-
que parem Ethnicis vexationum mensuram
reddidissent Catholici; neque alia præstare
cupiebant, quæ nunc sibi Phereponus fingit;
atque adeo sententia Augustini veterem Ec-
clesiam minime infamat.

Sensit Phereponus hæc sibi illico reponen-
da esse; quare hanc nobis justam defensio-
nem eripere conatur, ita scribens pag. 521.

Non poterant dicere Christiani, se Veritatis esse patronos, Ethnicos mendacii. Nam quanvis verum hoc esset, controversia illa etiamnum pendebat, dum Ethnici contra sentiebant; armaque eis in Christianos, interea dum Christiani ipsi furentur, suppeditabantur; nam dum se pro Veritate stare illi putabant, debebant ex Christianorum sententia vexare aliter sentientes. Quamvis Ethnici se pro Veritate stare putarent, attamen Christiani minus perspicaces fuissent, & rationem convincendi, atque exarmandi superstitionis furoris numquam prudenter iniisissent, si persequitionem omnem, quæcumque sit, damnassent. Tunc enim Ethnici, qui se clumbes plane sentiebant, quum eo res veniebat, ut Christianos ostenderent non pios, non veritatis patrones, se vero non impios, non mendacii sentatores; vires resumissent, & fortissimos, immo ex una parte invictos se præbuissent adversus Christianam gentem. Nimurum dimissa quæstione illa, utrobi, nempe, Veritas, & Religio vera staret, lubentissime in alteram quæstionem invasissent, num, scilicet, improbanda sit persequutio quævis. Argumentis autem tum a naturali ratione, tum ab omnium populorum institutis, tum ab ipsis Christianorum sanctissimi Libris, facile ducti, ostendissent, licere Magistratibus legitimis persequi & divexare impios ac impios, ut aut emendentur, aut justas dent poenas. Nos contendimus, in hujusmodi controversia rationibus obruendos suisse Christianos. Quod profecto eorum apud Ethnicos bonam aliqui causam pessimum dedicerat, quasi Christiana gens, quam impiam atque superstitionem illi credebant, ea falsa opinionem eximere se voluerat debitum impietati suppliciis. Saltem, ut quisque intelligere potest, difficilis illa quæstio difficile composita fuisset, atque interim, dum componceretur, debacchari perrexisset confidenter in Christi gregem Paganorum furor. Restabat ergo, ut ad priorem quæstionem, quam unam revera nos dicimus agitatum, regredierunt Religionis Christianæ patroni, contentoque Phereponi consilio, hoc solum peterent, hoc probarent, nempe ab impietate atque a superstitione nimium abesse Christi Fidem; impium contra atque superstitionem esse Idolorum cultum, atque Ethnicos pro Veritate minime stare. Si heic vincebant Christiani, ex ipsis Etnicorum sententia divexandi amplius non erant; non enim illos, qui se pietatis & veritatis cultores probabant, suppliciis addicendos Ethnici credebant. At hoc facile, & illico, & invicte ostendere poterant Christiani, vel Pherepono iudice: tantum emittit ac patet su-

pra Ethnicorum superstitionem veritas Religionis Christianæ. Quod Christiani tantum sero profecerint, sero saevitiam Tyrannorum evaserint: non sua cause infirmitati, non spredo Phereponi consilio, tribuendum, sed impotentia, & cæcitatibus Ethnicorum, quam heic pluribus describere non vacat. Non ergo, ut Phereponus autumatur, arma in semetipos Christiani suppeditabant Ethnicorum crudelitati, dum sentiebant, licere persequi impios; nam quum se impios non esse e vestigio & evidenter ostenderent, simul etiam persequutionis modus erat illico faciendus. Ministrarent potius rationem perpetuo saviendi, si (quod Phereponus eos fecisse vellet) contendissent, ne in impios quidem & superstitionis, & sacrilegos licitum esse animadvertere, & inique vexari, quos idem vexas, ut impietatem erroresque nefarios contra Divinitatem ejarent.

Non conquiescit Phereponus, sed haec addit: *Si potuissent prævidere Ethnici, adfore aliquando tempus, quo morte multarentur Diis Sacra facientes a Christianis Imperatoribus, nec sine planu Episcoporum, licet alioquin in partes abiissent; Christianos infamarent, quasi factiosos & malos homines, qui non dicebant, quod sentirent, quum Religionem liberam esse oportere clamitabant: Tum orationem suam ita concludit: Nec dubito quin Ethnici, qui supererant in Imperio Romano, & vicini etiam Idololatriæ, ut Persæ, talia Christianis objicerent.* Male accedit vestigatoribus [Ethnicis], quod hominem acutum, qualis est Phereponus, illorum artas ac superstitione non tulit. Eos enim iste fortasse monuisset, ut in Christianorum animos profundius inquirerent, seque diligentius liberrarent a gente seditionis, & vindictæ simili occultante. At nos æquius putamus, Ethnicos, si prævidissent, quæ vere a Christianis Imperatoribus præcipienda erant, nulla infamia aspersuros suisse Christianam sui temporis gentem; & siquidem fecissent, iniqua, ut ceteræ alii, suis hæc etiam accusatio. Numquam enim clamitaverant Christiani, non licere legitimis Principibus superstitionem & manifestam impietatem proscribere, & salutaribus poenis urgere impios ad meliorem sententiam; sed quidem superstitionem & aperte sacrilegum Idolorum cultum Christiani appellabant. Deinde magna inter Ethnicorum & Christianorum persequitiones intercesserunt differentia; quippe Ethnici invitatos Christianos coegerunt, Ethnicos vero invitatos numquam coegerunt Christiani veterem suam Religionem ejurare. Immo quæ capitallia supplicia memorat heic malevolenti animo Phereponus, in neminem decreta fuc-

re, quod Ethnicismo intime addictus esset, sive quod Christo nomen dare detrectaret; sed in eos dumtaxat, qui externum Idolorum cultum, & nefaria sacrificia, impiosque superstitionis illius ritus vetitos exercere palam deprehenderentur. Quamobrem inquit alia Christianis exprobabant Pagani, qui sibi, quum rerum potiebantur, fas esse censuerant, invitatos etiam Christianorum animos cogere timore mortis ad ejurandum Christum, & Idola colenda. Iniquissime aurem tamquam seditiones, & vindictam anhelantes dictarunt Christianos, quos, uti sanctus Cyprianus, Tertullianus, & alia antiquitatis monumenta testantur, obsequium & fides erga legitimos Reges potissimum commendavit, quamquam in eum numerum & in eas vires excrevissent, ut Paganorum jugum extere securi jam possent, & quamquam tam male quotidie haberent a sevissimis Tyrannis, ut non destitui patientia ad miraculum accederet. Quare si Christiani ea, quae Phereponus sibi persuaderet, objecissent Ethnici superstites, ipsi numquam sane ad Christi Religionem inviti coacti: habebant Christiani, quo eis ora statim obstruerent, sequitur a simulationis, & perfidiae, & crudelitatis nota defenserent.

Quum non sint, nisi suspicione inanes, & odii dumtaxat ac livoris testes, præterea notas, quas Phereponus habet ad Sermon. CCCLIX. Augustini. Alia nos vocant. Quam sincera Catholicorum, saltem plerorumque, Caritas foret in Donatistas, jam supra docuimus, & eorum temporum Historia luculentissime docet. In Animadversionibus autem ad Cap. 1. §. 2. Libri contra Epistolam Manichæi exosculatur Phereponus ea Augustini verba, quibus se a persecutione alienum, & mansuetissimum erga Manichæos præbet. *Illi*, inquit Augustinus, *in vos serviant*, qui nesciunt, cum quo labore verum inveniatur, & quam difficile caveantur errores. *Illi in vos serviant*, &c. Sed oppido Censor dolet, Augustinum ad mortem usque in tam pia sententia non perstitisse; nam hunc Librum scripsit sanctus Doctor circiter Annum Christi 397. Anno autem 412. plane mutaverat mentem. Ne nos quidem inficias imus, quin pia fuerit illa Augustini sententia; eisque verba nos quoque alte in eorum animos immissa vellemus, qui nimio interdum rigore in Hæreticos serviant, & perdere, quam sanare malunt errantes. Verum debuit Phereponus ostendere, impiam fuisse alteram sententiam, in quam se meliori consilio transisse postea Augustinus ipse fatetur. Nos tamen piam, & Justitiam consonam, & præterea Ecclesiam ipsique pertinacibus at-

que phreneticis utiliore, sive numero esse alteram etiam, dicimus. Ut enim pium esse potest facinorosis parcere, & non savire in improbos, quia peccare humanum est, atque a vitiis criminibusque difficile abstinerre se posunt homines, virtutemque sectari; ita pium, & æquum, & Reipublicæ, ipsique celestis utile est, in eos interdum savire, ut Aut ipsi, aut eorum exemplo ceteri emendentur. Neque aliter tum sentiebat Augustinus, vel quum in priore sententia fuit; si quidem scribit in codem Libro Cap. I. *Dominum per servos suos regna subverttere erroris, & emendando esse potius, quam perdendo errantes*. Ad emendandia autem rationem pertinere ait supplicia, exilia, orbitates, & molestias corporis. Cur vero mitiorem in Manichæos agendi formam probaret Augustinus, ipse docet, quia olim ejusmodi errore deceptus difficilime ad lucem veritatis evasit. Ceterum quum ait: *Illi in vos serviant*. &c. dubitare cogor, num respiciat ad justas puniciones, sive ad salutares poenas a legitimis Magistratibus in Hæresim pestilentissimam decretas; an potius ad rationem disputandi, eosque coarguendi, quæcum aspera & lava else possit, lenis tamen potius Augustino usurpanda videtur. Ego, inquit Cap. 3. §. 3. *servire in vos omnino non possum*, quos sicut meipsum illo tempore, ita nunc abeo sustinere, & tanta patientia vobiscum agere, quanta mecum egerunt proximi mei, quum in vestro dogmate rabiosus & cæcus errarem. Augustinus certe servire flagris, & castigationibus in Manichæos non poterat; poterat quidem disputatione, ac Libris. Quodcumque tamen intelligas, certe nusquam ibi Augustinus damat, ut Phereponus sibi persuaserit, promulgatas a Christianis Imperatoribus in Manichæos leges. Quod autem Phereponus miratur, ab Augustino cœptas esse probari Hæreticorum persecutions, eodem tempore, quo Gratia ineluctabilis inspirationi omnes bonas hominum actiones tribueret: jam diximus, divinam Gratiam prædicationibus, cohortationibus, miraculis, & ipsis etiam salubribus vexationibus uti, ut viam sibi sternat in hominum corda, quibus numquam admittit essentialē voluntatis libertatem. Valde autem fallitur Censor, si ineluctabilis gratia nomine significare vult, necessitantem (ita licet loqui) & Calvinianam gratiam Augustino placuisse. Non alia heic ei fuit sententia, quam Catholicæ Ecclesiæ, ut jam doctissimi viri demonstrarunt; quare nil mirum, si cum ea Augustinus componeret sententiam de juste adhibendo rigore in perpicaces Hæreticos.

C A P U T XI.

Donatistæ multorum criminum rei, & puniendi quoque ex Legibus pollicitis. Probata ab ipso Deo moderata Hæreticorum vexatio. Inepta declamatiuncula a Pherepono affixa veteribus Christianis, qui persequitionem Ethnicam ideo injâlam vocabant, quia pro impietate erat. Maxima disparitas inter Ethnicos, & Christianos Imperatores, quod est ad vexationem subjectæ gentis. Ad summas potestates pertinet coercere impios, & a vera Religione devios.

Libenter jam dimitterem istam quæstionem, si Phereponus, quem nimium urunt Dordracenæ Synodi tempora, & parium infortuniorum timor, finem loquendū hac de re facere posset. Tamquam ergo nihil haecnen attulisset, in Augustinum animosius iterum insurgit, quum hujus Librum primum contra Epistolam Parmenianii commentatur. Decreverat Constantinus Augustus in Donatistas, non semel in Cæcilianni accusatione falsi convictos, animadverte-re. Hoc immaniter, & Osio Episcopo suggerente, a Constantino factum, criminabatur Parmenianus. Iterum Hæretico succinit Phereponus pag. 602. & ait: *Donatistæ propterea occidi non debuerunt, quod de Cæciliuno probare non potuerant, traditorem fuisse, aut a traditoribus ordinatum; vel quod secessionem fecissent, quamvis immerito, a reliquis Ecclesiis Christianis; si modo legibus civilibus ceteroqui paverent. Hec delicta & vulnera mitiis remedii curvanda fuerunt. Quasi civiles Leges gravissime non laedat, qui calumniis alterum petit; quasi severissimæ poenæ ab iisdem Legibus propositæ antiquitus non fuerint contra Calumniatores, & falsos accusatores, eosque potissimum, qui ultimo iudicio superari, Imperatorem gratia corruptum fuisse criminabantur, quales, ut ex Augustino intelligimus, Donatistæ fuere. Quo autem supplicio dignos ex ipsis etiam civilibus Legibus non reputaret Constantinus Donatistas, qui ad judicium suum toties appellarent, toties falsi convicti fuerant, & tamen Imperialia Decreta flocci facientes, quasi causam obtinuerint, furioso Schismate (cui falsa ipsa accusatio originem dederat) tam pervicater Ecclesiam dilaniare atque infamare pergebant? Attrauen Constantinus, ipsius forsitan Osio precibus delinitus, longe mitiori sententia, quam mererentur, Donatistas comprescit, uti ex Historia constat: quod non satis considerasse, aut considerare noluisse Phereponus videtur.*

Capite IX. ejusdem Lib. I. contra Episto-

lam Parmeniani de Hæreticis ita scribebat Augustinus: *In quo ex occulto imperio Dei, per manifestum hominum imperium, multa quibus coercentur severissime constituta sunt; nec solum Hæreticis, quoquo modo saltem Christiano nomine dealbatis, sed etiam ipsi Paganis, &c. In hunc locum ita scribit Phereponus pag. 603. Rectius dixit Augustinus, quam putabat, occultum esse imperium Dei de vexandis Hæreticis; nam profecto adeo in Apostolorum scriptis latet, ut nec ipse, nec aliis quisquam id proferre adhuc potuerit. Tum addit, eo latente imperio, excusari non posse Christianos Imperatores, qui Ethnicos imitati, meras opiniones pro delictis habuerunt, & contra sentientes gravibus poenis afficerunt. Non enim res tanti momenti, & cuius sunt tam horrendæ sequela, umquam a Christianis tentanda erat, Deo notwithstandinge, sed etiam tot & tantis de amore in universum humanum genus iteratis præceptis, & disertissimis verbis rem vertante. Quod est ad Augustini verba, nemo non intelligit, occulto Dei imperio significari internam illam inspirationem, qua Deus cum Reges tum ceteros homines ad optimas & justas leges condendas, & ad virtutis opera occulte sollicitare solet. Phereponus vero imperium Dei, sive præceptum, de vexandis Hæreticis aperte conscriptum in Apostolorum Libris exigit ab Augustino, quasi ab Apostolis omnia Regum jura Literis consignanda fuerint; quasi jus Regum in pervicaces Hæreticos, sibi atque Ecclesiæ subiectos, ex ipsis Apostolorum, aliarumque sacrarum Literarum locis, rite non deducatur, & luculentissime demum non persuadeatur a recta Ratione. Certe Hæreticorum vexatio res magni momenti est; sed nos nullas inde adeo horrendas sequelas novimus, aut saltem non alias, quam quæ comitantur vexationem justam malorum ac improborum hominum. Ut enim istos ad meliorem frugem, ita illos ad meliorem mentem Magistratus legitimi, dispari tamen severitatis gene-*

genere, pertrahere nituntur. Quod quum accidit, (& sāpe de Hæreticis accidisse notum est) optima est vexationis adhibitæ sequela tum homini emendato, tum Regi emendantio: quæ certe optima sequela longe superat & pensat quæcumque Phereponus affirme contra possit. Homini autem non minus timendum sibi est ex impiis opinionibus, ex contemtu Ecclesiæ, ex Hæresi & Schismate, quam ex malis moribus. Proinde vituperare non potest moderatas Imperatorum Leges in Hæreticos, nisi qui pravas de Religione opiniones nihil hominibus, nihil Ecclesiæ veræ, nihil Reipublicæ nocere sentit, & iniquum putat urgere errantes, & pervicaces ad veritatem dignoscendam atque amplectendam, sive custodiendam. Neque vero quod tot præceptis amorem in humandum genus exposcat Deus, idcirco vexationes moderatae in Hæreticos interdictæ dicenda sunt. Nam ideo re ipsa nos illas ab ipso Deo probatas affirmamus, quia ex amore siue caritate in Hæreticos exercentur, quos non minus quam nos veritatis affectas & erroris expertes vellemus, ut ipsi quoque nobiscum Dō miserante ab ira ventura liberentur. Amat & qui castigat. Innumera id exempla ostendunt, & Judicum in primis, qui justis poenis nocentes plectunt, ut perveras eorum voluntates sanent. Alioqui nemorū quidem crimina Deus amantissimus hominum aut punita vellet, aut ipse puniret. Sed quod Censorem istum in tot paralogismos conjicit, illud est, quod tam Etnicorum, quam Catholicorum, atque Hæreticorum sententias de Religione pari gradu habet tamquam meras *Opiniones*, hoc est, a certitudine æque diffitas: quia in re an non ipse, qui tamen se Christianum dicit, despiciat, Eruditi judicent.

Ad Etnicos Phereponus se rursus confert, quos capitali supplicio, si sacra Diis suis fecissent, multando, decretum est ab Imperatoribus Christianis. Crudelem appellat Censor, & Christiana mansuetudine proflus indignam hanc Legem. Augustino autem hujusmodi edita laudanti talia reponit Phereponus pag. 603. *Hæc si possent laudari, omnia a Christianis, per tria prima secula, dicta contra persequitionem Religionis causa, quasi stulta aut mala fide dicta, essent habenda.* Stultum enim fuisset id oppugnare, quod æquissimum esse putares; nam non persequitio ipsa quasi per se mala, potuisse ab iis oppugnari, sed tantum, quo fieret contra recte sentientes. Crambem recouere nos cogit Phereponus, & reponere, oppugnatam a Christianis fuisse non omnem persequitionem, sed eas tantummodo, quæ exercentur in veræ

Religionis perniciem, ac in tutelam impietas. Id ergo olim oppugnabant Christiani suis vocibus & scriptis, quod iniquissimum esse putabant, quum nempe ab impiis Etnicis in Christianos recta sententes fieret; æquissimum vero putabant, si pro veritate contra errorem factum fuisset. Quæ heic quæso umbra stultitiae? At inquit Phereponus: Cupiebant Christiani ab Etnicis, dum Etnici erant, omnem persequendi animum abjici; hoc est, se ab iis non vexari, quamvis Etnici crederent eos in errore versari, quod multis locis probari posset. Nos exspectabamus testem, aut rationem aliquam, quibus demonstraretur, Christianos omnia olim, quæcumque esset, persequitionem detestatos. Phereponus assert id solum, quod in questione est. *Multis locis*, inquit ille, *probari id posset*. Cur tam avarus est, ut ne unum quidem producat? At nos legimus Christianorum veterum Apologias, Jutini, Athenagoræ, Minutii, Tertulliani, Cypriani, & similium, & nihil tale repemus. Toti illi sunt in demonstranda veritate & probitate suæ Religionis, in calumniis revertendis, in Ethniorum impietate ac injustitia prodenda: quo facto rectissime concludebant, iniquam esse persequitionem, quam sustinebant, atque atro ab ipsa cestandum.

At Phereponus, lubenter dimissi veterum testimonii, mirabilem rationem loco eorumdem de suo penu educit, ita scribens: *Quod si Christiani persequitionem non introbabant, si modo a recte sentientibus in errantes exerceretur; oportuisse eos, si animum nudave voluisserint, sic Ethnicos alloqui; Nunc quidem, dum infirmiores sumus, o Etnici, a vobis dissentientes clementer ferri cupimus. Sed si quando revum potiemur, ne fallamini, non eandem clementiam vobis praestare statuimus: Aras, Templæ, ac simulacra omnia evertimus, sacrificiaque vestra ita vetabimus, ut sacra Diis vestris facere vobis capitali futurum sit. Inter ea vos oramus, ut erga nos clementer vos geratis, dum superiores esitis, quamvis, si unquam Imperatores Christianos habere possumus, vos quasi impios sumus interfici, si Religionis vestre cultum tueri velitis.* Post hunc locum, quem integrum afferre placuit, ne sita in ipso victoria spe fraudaretur Phereponus, nemo, si eidem credimus, non intelliget, aliter quam Augustinus sentire debuisse Christianos vetustiores. *Hæc enim, inquit Censor, sunt necessaria sententiae Augustiniane confessaria.* Nos vero nullum aliud conjectarium tam elegantis orationis a Pherepono confitæ videmus, nisi Phereponum ipsum in declamatoriis coloribus addiscendis non frustra collocasse tempus. Nam qui trutina se virore sententiam Augustinianam expendunt, hæc

hæc tam necessaria consecutaria assequi intellectu non possunt. Primo ergo dicimus, veterum quoque Christianorum sententiam suis, licere Magistratibus legitimis coercere impietatem, ac superstitionem, quæ vere talis esset. Pro iis multis locis, quibus coptrarium ostendi posse, ajebat quidem Phereponus, in speciem minans, se non sine industria a proferendis abstinentias, nos pauca dabimus. Justinus Martyr in Apologia secunda, quæ nunc ab eruditis prima dicitur: ιντερ την τινας δυνατον απολογησεται, οτι τινας εργαται επειχωρεται, οτι τοντοι διεγραφεται. Id est: Nostra, inquit, ratio est, a nemine nos quidquam mali pati posse, si non aut malefici coarguantur, aut pravi cognita causa judicemur esse. Infra subdit: Oramus, ut que Christianis obiectuntur crimina, inquiantur; atque si ita se habere probata fuerint, pro eo atque par est, puniantur, seu potius, acrius etiam puniantur. Præcipuum autem crimen Christianis objectum, Impietas ac Irreligio fuit. Quare Justius ab isto in primis purgat Religionem Christianam, ejusque cultores, atque doctrinam. In eadem verba scribit Athenagoras in Legatione pro Christianis. Trium flagitorum infamem runorem de nobis spargunt: Impietatem, Epulas Thyestes, concubitus incestos, & luxurias, Ovitum dæmorum, & mortis pœnas. Que si vera sunt, nulli vel sexui, vel etati parcere, ad paenas rapto, &c. Tum rogat, ut si commenta hæc sint, atque calumniae, a saeviendo temperent contra justitiam. Rogat, ut de Christianorum vita inquirant, quam innocentem invenient, & de eorum opinionibus, quas veras & pias non cognoscere nequistunt. Impietatis autem calumniam sibi primo loco suscipit diluendam.

Num ergo persecutionem quamcumque, an illam tantummodo, quæ contra probos, pieque ac recte sentientes sit, damnarent Christiani antiquiores, ex his judicent æqui Leuctores. Tertullianus itidem, quamvis unum cum aliis merito conquereretur, a Romanis Christianos propter diversas de Diis opiniones tam crudeliter vexari, quum tamen reliquis Philosophis in Imperio Romano liberum foret, quæ vellent de Diis, & de Religione Ethnica sentire: idem, inquam, Tertullianus Cap. X. Apologet. agnoscit, Christianos jure ac merito fore plectendos, ubi falsa & impia esse ostenderetur eorum sententia de Diis. Scimus, inquit, Deos non colendos. Itaque Sacrelegii, & Majestatis rei convenimus. Summa hec caussa, immo tota est, & utique digna cognosci, si non presumpto, aut iniqüitas judicet: altera quæ desperat, altera

que recusat veritatem. En quo in loco statuat ille totum quæstionis cardinem. In opinionum videlicet examine. Si vera de Diis sentiant Christiani; injusta vexatio fuerit. Si impia & sacrilega; tum justa periequatio. Addit properea. Exigere debetis, uti probemus, non esse illos Deos, & idcirco non colendos; quia tunc demum coli debuissent, si Dii fuissent. Tunc & Christiani puniendi, si quos non colerent, quia putarent non esse, constaret illos Deos esse. Quibus ex verbis plane videas, non solum non improbatas, sed probatas a veteribus Christianis persequutiones, quum contra errorem ac impietatem fiebant; quæ ipsa Augustini sententia est.

Ego non inquit Phereponus, quæcumque ab iis Christianis dicebantur contra persequotionem adversus se commotam; mala fide fuisse dicta. Damnabant ii atque detestabantur persequotionem injustam, qualis avertisse erat, quæ contra eosdem fierat; non autem damnabant, quæ juste fieri poterat contra patentissimam Ethnicorum impietatem. At Phereponus reponit: Ergo animus erat Christianis persequendi, quum possent, Paganos, & oportuisset eos, si animum nudare voluissent, ad Ethnicos loqui conciona illa oratione, quam nuper ex ore ipsius exceptimus, aut certe nihil obstabat, quominus eorum dicta sic interpretarentur Ethnici, si Christiani credebant, quod bisce temporibus credebat Augustinus. Mirum est, hominem acutum nondum perspexisse, aut perficere non potuisse, quantum inter sit inter sentientem, licere aliquid facere, & volentem, siue cupientem facere id quod licitum creditur. Christiani veteres utique arbitrabantur, fas esse impios vexationibus moderatis ad meliorem sententiam incitare. At quis Logican veram edocet inde veluti necessarium consecutarium dedit: ergo & cupiebant persequi impios? Innumera sunt, quæ facere licet; & tamen homines facere neque cupiunt, neque volunt, quia & ipsum non facere licitum est. Ridiculum præterea est, eam Christianis affingere orationem, quum Christiani illi nondum scirent, an opus aliquando futurum foret suppliciis ad cohibendam Ethnicorum superstitionem, & an Ethnici omnes Christi Fidem ultra non essent amplexi; & an Imperatores sibi addictos tam cito habitura esset Christiana Religio. Deinde num spectabat ad privatos Christi fideles dicere: Nos statuimus, nos evertemus, nos vatabimus, nos periequitionem faciemus? Regum, non privatorum, ista sunt jura; & velle talia ad Reges pertinet, non ad subjectos. Neque adeo inepti exant Christiani illi, ut incertam voluntatem Imperatorum futurorum tam

circumscripsit, tam fidenter in Ethnicios interpretarentur, quum ne certum quidem sibi foret, quis rerum status futurus esset, quum Ecclesia hujusmodi Imperatores habitura erat. Quod ab Ethnicis interrogati respondere poterant, illud erat: An Imperatores, (si quando societas Christianorum habebit) contra vos asperi quicquam sint constituturi, non later. Scimus quidem, si id ab ipsis fieri, licet faciendum ex vestra ipsorum opinione, qua fas licitumque creditis impios & sacrilegos vexare, ut ad Venitatem assurgant. Quod est ad nos, paratissimi ad ostendendum sumus, & evidenter ostendemus, si nos audire sustinebitis, si aquas aures præbebitis rationibus, unam nostram Religionem Veritatis & Pietatis esse Magistrum; atque adeo nullum vobis justum esse titulum tam crudeliter fæviendi in Christianam gentem.

Sed quod Phereponianæ declamationis absurdum auger, est comparatio instituta inter persequitionem ab Ethnicis in Christians, & alteram a Christians in Ethnicos commotam, quam postremam Phereponus invidiosissime commemorat, & lepide ex ipso Christianorum ore audire nos facit. Neminem ex Ethnicis interficiendum sanxere Christiani Imperatores, quod Ethnicismo adhæreret, quod Superstitionem minime ejus dare vellet, quod Religionem Christianam non amplecteretur. Vel Honorii, & Augustini tempore ingens Paganorum copia pacifice agere sinebatur intra fines Imperii Romani, & in ipsa Urbe; immo ad Consulatum usque ascendebat Proceres aperte Pagani. Quid heic quæ simile cum persequitione tercima ab Ethnicis tamdiu facta, cuius erat se pùs invitans Christianorum voluntates, fine rationum pondere, & solo mortis metu, cogere ad abnegandum Christum, & ad colendos mortuos Deos? Quid ergo adversus Ethnicios ab Imperatoribus Christianis constitutum est? Nempe externum Ethnicae Religionis, sive ut melius dicam, publicum Superstitionis exercitium Cesarea lege interdictum, & capitale supplicium contra inobsequentes propositum fuit. Hanc legem crudelē, & Christiana mansuetudine profligans indignam, Pherepono appellare placet. Verum vel ex ipsis Hæreticis Principibus nemo licitum sibi nunc non putat, cum externum cultum publicumque exercitium interdicere illarum Religionum, quas impias & sacrilegas esse credit, tum inobedientes extremis plectere rigoribus. Perat homo ille a Batavis suis, ab Anglis, & reliquis Protestantibus, num id facere liceat, quando licitum sibi omnes

duxerunt (in hoc tamen errantes) a suis proscribere finibus ipsis Catholicæ Religionis exercitium: quam, ut ut cæco odio ferantur, comparare numquam audebunt cum impia & manifesta Paganorum superstitione. Præterea videat novus iste Patronus Ethnicismi, qui nunc audeat crudelitatis postulare Imperatores, quod in suo Regno tolerate noluerint publicum Idolorum cultum, quem tantopere execrantur divinæ Litteræ, & eradicandū jubet Deus; & non eradicare quum possis, crimen est, intacta tamen in hominibus subjectis arbitrii libertate relicta. Talia ab homine Christiano, & nequaquam hebete, exspectanda non erant; eoque minus, quod ipsis Christianos ita loquentes inducat, ut videantur liberas Ethnicorum voluntates olim coegerisse ad Christi Fidem, & multis cædibus eorum fregisse contumaciam; quod fallissimum est.

Pergit Phereponus pag. 603., & adversus Augustinum demonstrare conatur, minime pertinere ad Imperatorum potestatem coercere, vel punire impios, & a Religione vera alienos. Inquit autem, summis Potestatibus demandatam solum fuisse Legum civilium, & publicæ tranquillitatis tutelam, nullam vero societatem esse, quæ inisdem Potestatibus defulerit curam opinionum, præfertim Theoreticarum, ita ut eas fassiant, quæ ipsis placebunt, proscriptis omnibus alius, atque auctoritate sua, & armis, si necesse sit, e Republica eliminatis. Tum addit, neminem tam insanum esse, qui putet sibi necesse esse sequi opiniones summae Potestatis; alioquin innumera inde consequerentur absurdia. Sed quid attinet ultra immorari in illius rationibus referendis? Quæcumque ille habet, quadrare forsitan possunt in Bitavorum, & Anglorum πολιτείαι, apud quos sæculares Potestates, sive civiles Magistratus, sibi ius perpetram arrogant dirimendi Religionis negotia atque controversias; & apud quos (si principia sequi velint, propter quæ a Catholicæ Ecclesia sese disjungere licitum putarent) nullis Concilis, & ne ipsis quidem Ecclesiæ suæ, in Fidei causis, certa ab errore immunitas tribui potest. Apud illos, inquam, jure conqueri potest Phereponus Arminianus, quod Arminianos Hæreticos Calvinistæ potentiores minis & poenis olim a sententia dimovere voluerint, quum certe secundum eadem principia magis isti quam illi de veritate suarum opinionum certi esse non possint. Et nos habemus, quod Prudentius *epi sed. de Gallieni Cæsar. edito* habet.

"D4.

Damnes, si sapias, anile dogma.
Jussum est Cæsaris ore Gallieni.
Quod Princeps colit, colamus omnes.

Verum hæc neque in Religionem Catholicam, neque in Catholicos Imperatores quidquam convenient. Nemo nostrum dicit, nos sequi oportere summarum Potestatum Religionem, quæcumque sit; nam Regibus terra numquam Deus pollicitus est, eos in Veritatis partibus semper futuros, neque eorum iudicio dimisit Religionis veræ criterium. Ecclesiam dicimus audiendam & sequendam esse. Evidenter ostendimus, contra Ethnicos aliasque a Christo aversas gentes, veram in ista Ecclesia Religionem reperiri; & aduersus Hæreticos æque evincimus, huic uni Ecclesiæ concedendum, & obtemperandum esse in quæstionibus & iudiciis ad Religionem pertinentibus. Huic igitur Ecclesiæ ipsi quoque Reges parent, nihil in hoc a ceteris Christianis dissimiles; sed ipsorum Regum est cum Religionem istam veram, tum Ecclesiam ipsam, ejusque unitatem auctoritate sua tueri. Ut igitur verum est, summis lœculi Potestatibus numquam concessum fuisse jus decernenda Religionis veræ, aut ineluctabilis iudicii ferendi de opinionibus ad Religionem spectantibus; ita falsum est, ad summas ipsas Potestates non pertinere defensionem cælestis Religionis, & unitatis Ecclesiasticæ. Primum Reipubli-

cæ vinculum Religio est; & nihil magis hominum interest, quam aut veram ipsam Religionem cognoscere, aut in ipsa permanere, quum & ideo in mundum inveniantur, corporique copulatae heic peregrinentur animæ, ut Deo vero serviant, & intelligent quid de ipso ejusque operibus credendus, quisve ei cultus sit exhibendus. Nemo ergo non videat, non a populis tantum, sed ab ipso Deo demandari Principibus curam arcenda impietatis, & servandæ ac propagandæ Religionis illius, quæ certa & divina probari potest: quippe quod aperte in civilem animorum concordiam, in Dei honorem, atque in incredibilem utilitatem populorum post mortem, cura ista redundet. *Quis mente sobrius (utar Augustini verbis in Ep. 185. Cap. V. §. 20. olim 50.) Regibus dicat: Nolite curare in Regno vestro, a quo teneatur, vel oppugnetur Ecclesia Domini vestri? Non ad vos pertineat in Regno vestro, quis velit esse sive religiosus, sive sacrilegas: quibus non potest dici: Non ad vos pertineat in Regno vestro, quis velit esse pudicus, quis impudicus?* Usque adeo autem verum est, Religionis tuendæ curam summis Potestatibus traditam, & velut a natura insitam esse, ut vix ulla ostendi possit Respublica, quæ contra impietatem, contra violatores sua Religionis, Leges aliquas non considerit, quamquam illa sæpe Religio facta ac sacrilega fuerit.

C A P U T XII.

Posito in Regibus jure vexandi impios, nulla Christianis, aut saltem Catholicis imminere debent incommoda apud Ethnicos & Muhammedanos. Religio Christi manifeste vera, eamque tueri pertinet etiam ad Reges. Pœne utiles, ut Hæretici in veritatem attentius oculos convertant. Quam sanctitatem in subjectis exigere debeant civiles Leges. Dissensiones in Religione politico quoque regimini noxiæ. Lætantii locus explicatus. Ecclesiæ Catholice aperta veritas, & potissimum in controversia cum Donatistis.

AT, inquit Phereponus pag. 603. Si dixerit, non licere errantibus potestatibus facere, quod licet recte sentientibus, in labyrinthum inextricabilem te congeries. Nam quis demum judicabit heic de errore? Credunt Ethnici, credunt Muhammedani, credunt Hæretici Principes te errare, qui te putas recti sentire; ac proinde te vexare debent, nisi forte velis tibi soli ab omnibus credi, a te vero nemini; quod furiosum esset.

Quæstio nostra est, num Regibus liceat moderatis vexationibus impios & a veritate Fidei alienos solicitare ad amplectendam Religionem veram. Magnum incommodum, si id licere affirmemus, inde minatur Phereponus; arrepta enim hac ipsa opinione, Ethnici, Muhammedani, ac Hæretici Principes, quibus persuasum est, se bene sentire, ceteros vero a germana Religione absesse, in posterum sibi jus tribuent debacchan-

chandi in recte sentientes. Fateor & ego non leve futurum hujusmodi incommodum. Sed velim scire, num Phereponus putet, aliquid definere esse licitum ac bonum non alia de causa, quam quod eadem ipsa re impii & scelesti illicite ac male utantur, aut uti possint. Licta & bona est auctoritas legiimis Principibus delata puniendo fontes & facinorosos. Certe a sua bonitate jus istud non cadit, quod sive mali, sive errantes Principes insontibus quandoque nocent, aut nocere valeant. Religionem veram amplecti, defendere, persuadere certi, & propagare, optimum cæloque gratissimum est. Num idem dicendum de amplectentibus, tuentibus, suadentibus, atque propagantibus Religionem falsam, sive Superstitionem? Istudne malum facere potis est, ut illud cesseret, quod prius erat, bonum esse? Non ergo evincit Phereponus, injustam, illicitam esse impiorum & prave in Religione sentientium vexationem, eo quod eadem auctoritate possit & impius in bene sentientes uti. Sed eo semper deveniendum, ut queratur, quis veram tueatur Religionem, & quis ab ipsa aberret.

Attamen, inquit ille, quis Judex erit? cui potius credendum? cur tibi uni cedendum, quum tu nemini concedere velis? Quid autem aliud heic agit Phereponus, nisi se concidere in intoleranda illa absurdâ, quæ non ita pridem monuimus esse omnino vitanda? Nempe non sine gravi ignominia Christianæ Religionis necesse est ille sibi fingat, ita doctrinæ & Ecclesiæ, quam Salvator tradidit, atque fundavit, occultam esse Veritatem, & lucem, sive tam parum evidentes parumque manifestas esse rationes Fidei nostræ, ut *fieriosus sit* (verbis Phereponi utor) qui sibi Christiano ab Ethnici, Judæis, atque Muhammedanis credi, ipse vero nemini ex illis credere velit. Quis non misetur, ac doleat, ab homine, qui se Christianum dicit, surentes appellari Christianos, quum sibi de veritate Religionis nostræ tot ac tam invicta argumenta solidaque rationes proferentibus credi a ceteris volunt. Quid Christiani nominis hostes pro se in posterum non dicant, si nunc pertinacie sui erroris ita plaudentes inviant ipsumet Christianos? Deinde ex Phereponi sententia consequens exit, excusandos esse, aut excusandos credere se posse, quibus Christi Religio non arridet, & contra Superstitione placet; nam de vera Religione nemo in terris Judex esse potest, & oportet, unusquisque sequatur & faciat, quod verissimum & optimum, ex animi sui sententia, ei videtur. Hæc sunt Phereponi verba, post quæ nefcio, qui damnare ille amplius pergit inumanem

& injustam Ethnicorum sive Judæorum crudelitatem in Christianos, nedum justam & moderatam Catholicorum severitatem in adversos a Religione vera. Quippe tum his, tum illis optimum ex animi sententia videbatur persequi gentem, Deo, ut credebat, invisam; ipsique Deo se præstare obsequium arbitrabantur, quum a se dissententes plebebant.

Reliqua perquam horrenda consectaria, quæ hinc fluunt, iterum exponere opus non est. Intelliget ipse Phereponus, si animo minus nobis inferno in suarum opinionum effrenem licentiam inquiret. Quod si, ut Christiani toties ostenderunt, & facile adhuc demonstrare valent, evidenter Ethnici, Muhammedani, ceterique id genus homines Veritati repugnant; necesse est etiam, evidenter cognoscere possint, se in Iustitiam peccare, quoties Christianos sanctissimæ Religioni addictos persequuntur, & persequi licitum putant. Neque porro minus constare potest, Hæreticos in errore versari, simul ac eorum doctrina & credendi methodus, exigitur ad constantissimas ac certissimas regulas Catholicæ Fidei. Quæ quum ita sint, ubi Principes Ethnici, Muhammedani, ac Hæretici vexare instituant Christianam atque Catholicam gentem, tanto se criminè illi obstrinent, quantum crimen est apud Deum, ab ipsa Religione Christi & ab Ecclesia Catholica abesse ac defecisse. Catholicis vero tunc exserendae sunt rationes cum Fidei nostræ, tum alienæ injustitiae: quibus si nihil proficiatur, & errare ac senvire perget cæcus persequitor: arma patientiæ tum expedienda sunt, & illa Apostoli verba alte animo committenda: *Omnis, qui in Christo pie vivere volunt, persequitionem patientur.* 2. Tim. III. 12. Non alia ratione, non alio clypeo se se tutati sunt veteres Christianæ Religionis Athletæ.

Sed nullamne, inquies, curam Religionis gerere debent Principes? Ita se interrogat Phereponus, atque ita sibi respondet pag. 603. *Maximam & quæ in hoc potissimum sita est, ut ne quis Religionis causa alium vexet, aut male habeat, &c.* Ne nos quidem dicimus, vexari quemquam Religionis causa debere sine auctoritate Principis. At hoc missum faciamus. Si igitur Phereponi iudicio standum est, nullam fere aliam Religionis curam gerere Principes debent, nisi ut cuicunque subiecto lieeat quam velit Religionem pacifice tueri. Dum sibi legibusque civilibus morigerum habeat populum, cetera Princeps contemnat, & pro nihilo ducat, Deum blasphemari, sacrilegis ritibus creaturas adorari, Christum fabulis accenseri, ejusque veram

Ecclesiam, & Sacraenta ut lubet proscindi. Scilicet, si Pherepono credimus, nullam ferme Religionis curam gerere debet Princeps, sed tantum politicæ ac temporalis tranquillitatis, quam diversatum Religionum causa turbari ipse numquam finet. En ut solum temporalia Phereponus sapit. Sed oblitus est, ut puto, in sacris Litteris Mosem, Phinees, Heliam, Jehu, Ezechiam, Josiam, & alios laudari propter pietatem, quod aut lucos, & Templa Idolorum disincerint, aut impiis sublatissimum cultum ac Religionem Dei veri propagarint. Oblitus est, Religionem præcipuum esse bonum humani generis, politice etiam considerati. Neque perspexit, aliter Regem, quia homo est, aliter quia Rex est, & Rex Christianus, inservire Deo, ac æternæ hominum felicitati, debere. Quod si hominum singulorum virtus est, & quoddam etiam debitum, Veritatem cognitam propagare, ac bonum diffundere, erroremque atque superstitionem auferre: quanto magis Regum munus id erit, quorum curæ tradita est vera populorum felicitas, quorum auctoritati demandatum & vitia emendare ac evellere, & virtutes, quarum prima Religio est, conservare, pœnis quoque, si res poscat, adhibitis?

At, reponit Phereponus pag. 604. nulla alia tutela indiget Veritas, nisi ut ei liceat luce propria fulgenti oculos hominum ad se convertere, & firmis rationibus animos eorum allucere. Nulla erroris oppugnatio certior est quam ut perspicue confutetur, & libere revertantur hallucinationes. Sic ergo faveant Magistratus Veritati, sic Errori aav: sentur. Ubicumque utrumque licebit facere, brevi de Errore Veritas triumphabit. Ptofecto & nos dicimus, nullam erroris oppugnationem esse validiorem, quam ut perspicue is confutetur; immo nullam aliam ejus oppugnandi rationem legitimam nos novimus, quando ipsas errantium vexationes ideo solum probamus, quod a veritate devii per eas fieri soleant attentiores ad perspiciendo errores.

- Nulla autem alia tutela, quam confutacione errorum, juvandam esse Veritatem, & etiam si nil aliud agas, brevi de Errore ipsam esse semper triumphaturam, suadere quidem, sed nobis numquam persuadere Phereponus poterit. Nimirum in nostros omnium oculos experimenta contraria, eaque passim, & omnium temporum, incurront.
- Certe arbitratur; ut puto, Phereponus, cum Veritate consentire Arminianorum opiniones. Easdem porro perspicue exposuerunt Arminius, Episcopius, Grotius, & alii non pauci; contrarias quoque rationis

bus variis infectati sunt iidem. Numquid vero in Arminii sententiam ingenti copia concessere conterranei saltem Calvinistæ rigidores? Numquid Calvinii dogmata de Lutheri erroribus hucusque triumpharunt? Num de ipsis Idololatriis, atque Judæis, quibuscum versantur Batavi? Alia innumeræ exempla prætermitto. Aut ergo statutatur Phereponus, veritatem sibi siue deesse (quod nos credimus): aut intelligat, non sufficere interdum veritatis prædicationem; sed moderatas quoque & opportunas vexationes non parum prodesse ad effringendam pertinaciam & cæcitatem, quam Veritatis prædicationi opponere solent errantes. Neque solum obduratae perstant in veteri errore mentes, sed quotidie in novos alias dissoluunt, in Hæreses, in Schismata, in Scepticismum ac Atheismum ipsum, si nullo freno, si nullo terrore compescantur. Non ergo Veritatis, sed Erroris conservatio & propagatio ex ea licentia, & pace dimanat, quam Phereponus tantopere extollit atque commendat. Confutationem autem non indiget, quod subinde ille in culpam potius Christianorum, quam in vitiosos Ethnicorum affectus, rejiciat seram post Constantium ipsum de Ethnicismo victoriaram. Nemo rerum causas intime perscrutetur, & Historiam calleat, secumque reputet, quid ante & post Constantium, & nostra etiath tempestate, factum fuerit, & fiat: cui statim innotescere non possit, quam leviter, quam sine pudore, & quanta cum infamia Christianæ Religionis, atque contemptu veritatis, talia nunc a Pherepono obreruntur.

Infra contendit idem Censor, imperite ratiocinari Augustinum, dum in Hæreticos, atque in impias dissensiones juste exerceri posse rigorem legum putat, quia Apostolus inter opera carnis enumerat fornicationes, immunditias, contentiones, emulationes, animositates, dissensiones, & hæreses. Inquit ergo Phereponus: *Quis ignorat, quecumque Evangelicis Legibus damnantur, & que præservit Paulus loco ab Augustino ullato perstringit, civilibus legibus nec sole re plecti, nec posse?* Tum addit, *Leges civiles esse hominum conditioni attemperatas, nec ab iis existiam quandam sanctitatem postulare, sed tantum eam virtutem, sine qua Civium societas incolmis esse non potest.* Augustinus locum Apostoli attulerat, ut ostenderet, Hæreses, & Schismata, & dissensiones in Doctrina Fidei, iniquitatis esse fructus. Quum vero Idolorum cultores juste puniri posse Donatisti faterentur: hinc Augustinus Hæreticos quoque merito vexari atque coerceri posse

posse inferebat. Phereponus contra neque Hæreses, neque Idolorum cultum inter ea crimina recentet, propter quæ a civilibus Legibus sunt homines male habendi. Quod quum audio, mihi video; audire hominem nulli Religioni addictum, aut certe a veritate Religionis Christianæ alienum, qui iura dumtaxat politica atque temporalia populi præscribat, nihilque de Religione virtuosa vel falsa curandum esse summis Potestatis dicat. Sed nos respondemus, plerique ex iis, quæ per Apostolum damnantur, civilibus Legibus posse, ac solere interdicunt atque puniri, præsertim si hæc vitia potiorum populi partem occupent, aut in immodosus excessus erumpant. Deinde dicimus, Idolatriam, Impietatem, Hæreses, & Schismata, mala omnium gravissima esse. Quare ubi populi & Reges in Christi Religione & Ecclesia descripsi sunt, hoc est quæ Christiani sunt, & auctoritate eminent, quantum possunt studere debent, non solum ut ne tantum bonum inter cives pessum eat, sed etiam ut perditum recuperetur. Numquid enim liberum esse, & licere impune cuicunque debet vel temerario vel deliranti, frangere divinitus datas Religionis veræ Leges, & celestia Dogmata falsi arguere, & impiis opinionibus animos hominum corrumperet, & Deum blasphemis appetere, & Sacerdotibus a Deo constitutis negare obsequium, & recte sentientes erroris per calumniam arguere, & dissidiis prout lubet unitatem Fidei atque Ecclesie disrumpere, populumque aut exemplo aut prædicatione in errorem ac impietatem impelleret? Quid fiat de sanctissima Religione, si nullo freno compescenda est ingeniorum licentia, arque animorum corruptio? Utique civiles Leges exigunt quædam sanctitatem a populo non exigunt, & humanæ infirmitati indulgent. Sed qui a germana Religione absit, & Idolis famulatur, & ambitiose Schismate dilaniat Ecclesiam Dei, non solum mediocri illa sanctitate caret, sed execranda impietate abundant, a qua nisi ante mortem se expedit, neque ipsi proderit mediocris sanctitas, neque illa virtus. Nequit autem fieri, quin & civilis societas ex his etiam dissensionibus aliquas tandem contrahat rimas, & potissimum si scriptis & eruditione error invadatur, veritas deprædicetur: quod facere jubentur Christiani manifesto suæ Legis præcepto, & Caritatis consilio, & Iustitiae fiducia. Etenim agre fert unusquisque, se Deo invisum credi propter suas opiniones, impiumque idcirco, & Antichristum, & errantem se appellari, sibique æternæ mortis poenæ ab aliter sentientibus deputari. Hinc odia, similitates,

atque contentiones, quas nulla Historia non refert, ipsaque experientia nunc eriam abunde testatur. Quid, quod ab Evangelica ipsa Lege jubemur Hæreticos, & impios, devitare, atque ab eorum abstinere commercio, nisi aliud necessitas politica suadeat? Plerique autem Politica Disciplina Magistri satis ostendunt, Religionum diversitatem civili eriam Regnorum tranquillitati, & concordia nō nocere. Quis igitur in iustitia postulare audeat Reges auctoritate sua usos, ut una vera Fides propagetur, ut error proscribatur, ut unitas Religionis & Ecclesiæ custodiatur, sive instauretur, atque ut legítimus Christi grec in mille Sectas Opinionesque contrarias atque absurdas pro hominum arbitrio quotidie non scindatur; quod fieri, si Phereponianis consiliis contenti sumus; facillime potest ac solet?

Alia sunt, quæ congerere me vetat alio festinans oratio. Sed reponit Phereponus ista Lactantii verba e Lib. 5. Cap. 19. mihi 20. Div. Inst. Defendenda Religio est, non occidendo, sed moriendo (monendo habent alii Codices); non fæticia, sed patientia (sapientia habent alii Codices); non feelere, sed fide. Illa enim malorum sunt, hec bonorum, &c. Nihil est tam voluntarium, quam Religio; in qua si animus sacrificantis aversus est, jam sublata, jam nulla est. Hæc, ut opinor, loca illa sunt veterum Scriptorum, quæ nuper ajebat Phereponus, se posse, at nolle producere in suæ sententias tutelam. Non dissimilia ex Arnobio petere potuit, hoc est ab ejusdem Lactantii Magistro. Evidem excipere possem contra istorum Scriptorum auctoritatem, quæ inter Christianos tanti, ut constat, non est, & cui graviorum Patrum sententiam opponere liceret: attamen respondere juvat, talia quidem posse convenire in Ethnicos, non autem in Catholicos Principes. Illis una cura erat Christianam gentem non monitis, non rationibus, non doctrina, sed cædibus, & immanibus tormentis vincere. Christiani vero Principes gentem nondum Christo deditam non sine persuasione, argumentis, & Caritate ad rectam Fidem pertrahere co[n]tantur. Si aliqua vi interdum utuntur, & vexationibus, moderate & ex amore utuntur, qualis poenarum usus deceat Patrem, ac Principem amantem, non crudelē Tyrannum. Et ne nos quidem eos umquam occidendos profitemur, ideo dumtaxat quod a nobis diversa sentiant: quippe nostra quoque sententia est, Religionem voluntariam esse debere.

Quamobrem nihil heic simile habet Catholicorum Principum usus cum teterime

Y 2 Paga-

Paganorum impotētia atque crudelitate; neque Laetantii sententia excludit salutarium pœnarum usum, quem in parentibus vel amantissimis contra filios reluctantēs atque errantes nemo est qui vituperet aut damnet. Laetantius vero, atque Arnobius, nihil aliud detestabantur, quam vim sine persuasione & ratione adhibitam, & vim crudelissimam, quæ invitis voluntatibus Religionem ingerat. Non audent, ajebat eodem loco de Ethnicis Laetantius, quidquam de rebus docere divinis, ne & a nostris derideantur, & a suis deserantur. Furor & sevitia pro rationibus erant. Igitur quamvis statuamus, ut revera statuendum est, Religionis veræ electionem voluntariam esse debere, atque ad illam invitatos homines non esse adigendos; adhuc tamen statuendum est, licitum esse ac saluberrimum severitatis usum, qua homines urgentur, ut falsam Religionem, impietatem, erroremque suum animadvertant, veramque Religionem rationibus vici libere ac voluntarie postea amplectantur. Hoc est, etiam si voluntarium esse debeat, Virtutem & Religionem veram sequi, nam sine voluntatis consensu Virtus nulla est, atque Religio; attamen liberum esse cuicunque non debet in vita voluntarie ferti, in impietate pacifice vivere, & a Veritate, sanctaque Religione pro suo arbitrio deficere. Postremum hoc ostendat Phereponus; ostendat, liberum esse debere cuicunque maxima ignominia afficere Deum, & abuti sua potestate illum, qui ab impietate, ac errore omnium perniciosissimo per alias molestias revocare conetur subjectam gentem, ipsamque facere Deo amicam; demonstret, prater jus & fas agere, qui moderato rigore cohibeat arrogantes, ignaros, & scelestos, quominus a veritate ac unitate Catholicae Ecclesiae tanti facienda sese libere divellant, & Schismata ac Hæreses ita Deo invisas conflent. Denique respondeat Patribus, & Augustino in primis, tanta argumentorum copia id licere, & laudandum esse ostendentibus. Sed ille rem confecisse se putat, quod unum aut alterum ex iis argumentis cursim, ut hactenus vidimus, arrodat.

Incommoda interim nobis ille minatur ex hujusmodi sententia. Verum hæc abesse debere dicimus, quia dum attente rationes expendantur, constare potest, & re ipsa constat, quanam sit vera, quanam falsa Religio; quo posito nemo nisi cœcus & summe impius perfœqui potest Religionis veræ cultores. Eo tandem illi necesse est dilabatur, ut neget constare posse, sive dicat incertum esse, quinam sit germana Religio. Nos

contra id falsum esse ostendimus ex absurdis, consequentibus hujusmodi sententiam, Stoicis, Symmacho, aliisque recentioribus non ingratam. Provocamus deinde ad experientiam, immo ad ipsum Phereponum, qui negare nequeat, quin falsitas cujuscumque Religionis a Christo aversa evidenter intelligi possit. Quod si Ethnicis, Muhammedanis, atque ipsis Hæreticis id non contrarie dicatur, ii monendi sunt, ut attentius rationes Catholicorum audiant, & æquus judicent. Sin errorem vel his auditis forent, ii non placide ferenti sunt, qui ex affectu pravo ac pertinacia videantur nolunt, quod æquus omnis judex videat. Non autem damnandi, qui temperata aliqua vexatione illos urgent ad intuendam veritatem nostræ Religionis, & errorem suæ. Immo commendandi, qui recta in Religione perstant, rationibusque, ac persuasibus, & prædicatione non minus demonstrare, quam propagare conantur rectam Religionem, & salutari etiam severitate ex officio Caritatis in subjectam gentem utuntur, ut ista aut eruditæ ad Veritatem se patiatur, aut ad ipsam Veritatem, quam temere deseruit, se rufus restituat.

Quod est ad Augustinum in Donatistis agentem, nihil evidenter est, quam ipsum pro bona causa adversus errorem scripsisse, & moderatum rigorem Legum jure ab ipso fuisse probatum. Lepidum autem se nobis exhibet Phereponus, quum pag. 493. in notis ad Aug. Epistolam XCIII. argumenta ejusdem pro æquitate persecutionis in Donatistis factæ his verbis amoliri nititur. Heic & ubique statuit, atque adsumit pro comperto Augustinus, quod in controversia erat positum, suam nimirum Ecclesiam fuisse unam, exclusis Donatistis, Christi Ecclesiam. Non equidem probo Donatistarum Schisma, sed cum illis disceptanti absurdum fuit perpetuo id adsumere, quod prefracte negabant. Is fuit Donatistarum error, ut illius Schismatis injustitia facilius, quam aliorum plurium, liquido se prodere posset. Pleraque aliae controversiae inter Christianos in Juris & Opinionum discordia versantur. Illa in Facti contentione potissimum sita erat; quare civili etiam Judicio dirimi, ejusque asseclæ ad formam juris communis absolviri, sive damnari poterant. Et re ipsa, ut unum hoc dicam, Cæcilianus non semel objecta sibi crimina purgavit cum in Imperatoris aula, tum in Conciliis Episcoporum. Nisi Donatistarum vesania aliter visum fuisset, jam sublata erat Schismatis causa. Id æquus omnis rerum æstimator

tunc

tunc perspiciebat; nunc aperte idem nos perspicimus; & ipse Phereponus non heic tantum, sed alibi quoque Donatistarum Schisma improbavit. Quid est ergo, quod idem Phereponus adversus Augustinum nunc habet? *Affinitus pro comperto, quod in controversia erat possum.* Hoc est, inale Augustinus contendit, justam esse in Donatistas Legum serveritatem, quia nondum ostendit, injustam esse ipsorum Donatistarum secessionem, & Hæresim. Quia in re lepidum, ut dixi, nobis se præbet Phereponus. Nam si constat illi, æque ac reliquis nostrorum temporum Christianis, inique Donatistas delirasse: cur nunc ille petit, ut eadem veritas ab Augustino demonstretur? sive indignatur, quod demonstrata non fuerit? Si hoc unum, ut jure vexatos Donatistas intelligamus.) Pherepono, & nobis deest, nempe intelligere prius, an Donatistæ a vera Ecclesia exciderint: jam Pherepono, jam nobis id certum est atque compertum. Ergo hinc arguere, Pherepono non repugnante, debemus, merito exagitatos fuisse Donatistas protertos, & injustæ secessionis reos. At, inquit ille, Donatistæ hoc præfracte negabant; & Augustino demonstrandi onus incumbebat. Quid hoc quæsto ad nos? Non Augustino jam e vivis sublatto; sed nobis viventibus persuadere Phereponus cupit, justum vocari non debuisse adhibitum adversus Donatistas rigorem, quia Donatistæ se perperam egisse præfracte negabant, & Augustinus eos rationibus non convincebat. Eigo nos, quum vel ex ipsa Phereponi confessione liqueat, perperam Donatistas egisse, ideoque superfluum sit id ab Augustino demonstrari: nos, inquam, judicare debemus, justis legibus compressam fuisse Donatistarum amentiam, licitamque fuisse persequitionem illam, aliqui moderatam, qua scilicet, ut cum Augustino loquar, potius admonerentur ab errore discedere, quam pro scelere puniuntur.

Inquit porro Phereponus, quidquid sit de confessione mea, absurdum semper fuit Au-

gustino id assumere pro comperto, quod Donatistæ negabant. Mihi autem mirum videtur, hominem hunc tam inani censoriarum genere delectari, & distinere Lectores. Quotus enim quisque est, qui nesciat, quot scriptis & argumentis, & quam evidenter Augustinus, vel antea quam Epistolam XCIII. scriberet, Donatistarum sophismata, & errores disjecerit? Deinde in eadem Epistola ad Vincentium id præcipue quærebatur, num persequeor omnis illicita sit; Augustinus autem ostendit, eam esse laudandam, quæ pro Veritate contra pertinaciter errantes ex officio Caritatis instituitur. Tandem in ipsa eadem Epistola multa habet Augustinus, ex quibus intelligere possit quilibet veri amator, justitiam a Catholicis, culpam a Donatistis pervicacibus stetisse. Quamobrem, tametsi Augustinus nihil in ea Epistola attulisset pro bona Catholicorum causa, absurde non egisset; quanto autem minus absurdus egisse dicendum est, quum & ibi unam Catholicorum Ecclesiam ostenderit esse Christi Ecclesiam? Si Donatistæ id præfracte negabant: num propterea minus nocentes erant? Num eorum negatio vim Catholicorum rationum frangebat? Minime gentium. Nunc illius controvæsiæ judices sunt æqui Lectores, & victorian sine dubitatione adjudicant Catholicorum parti. Iidem quoque judicabunt, num Phereponus quidquam solidi haec tenus depromserit, quod negotium facessere possit Augustino affirmanti, moderatam errantium in Fide, & deficientium ab Ecclesia vera, vexationem licitam esse. Et tandem, ut spero, animadventent, non Augustinum pro comperto adiunxisse, quod in quæstione erat, sed quidem Phereponum graviter errare, quod semper pro comperto adsumat, veram Religionem, & germanam Christi Ecclesiam certo cognosci, atque evidenter apparere non posse in terris; atque eodem jure præditos, & in eodem incertitudinis loco esse quoslibet hominum cœtus, quod est ad Religionem.

C A P U T . X I I I .

In Iudeos, Ethnicos, & Muhammedanos minus aspere agendum Catholicis Regibus. Rigidius habere Hæreticos fas est. Et in eos tamen spiritus lenitatis est retinendus. Hæretici meri, Hæretici Seditiones. Postremi poenitentiis gravibus digni, sed non fingenda crimina. Hæreticos alienæ ditioni subditos plectere non licet. Errantes alii pertinaces, alii dociles. Inter primos mitius habendi, qui cum lacte biberunt errorem, quam qui ultro errorem adsciverunt. Attamen & heic audienda Caritatis voces, misericordiae futurus locus. In errantes non pertinaces clementius agendum. Quæ regulæ Judicibus Catholicis heic futuræ.

Diximus haec tamen, licitam esse temporalem vexationem errantium in Fidei Doctrina, ut ab errore ad veritatem assurgant. Non tamen diximus, licere semper, multoque minus diximus, semper debere Principes pari severitate mederi animis ægrotantibus. Etenim quod est ad eos, qui foris sunt, hoc est ad Ethnicos, Muhammedanos, atque Iudeos, & si qui sunt horum similes: Principi non licet eosdem afficere suppliciis, & urgere aspere ad veram Fidem amplectendam. Fas est quidem publicam professionem, & exterrum Superstitionis exercitium iis interdicere, privilegiis in reliquos effusis eos privare, atque etiam, dum converti nolint, & Regibus commodum videatur, e Regno dimittere & expellere, ut a Religionis veræ cultoribus illorum sedes justius ac utilius occupentur. Ceterum nocere eorum vita, eorum corporibus, eorum fortunis, illa dumtaxat de causa, quod in errore pertinaciter versentur: a Catholica Ecclesia doctrina nimium abhorret. Si qui auctoritate sua, in Americanos præcipue populos, abusi sunt, Religionis titulum impotentia ac avaritia propriae obtendentes: ii non solum apud omnes male audierunt, sed Apostolicæ etiam Sedis oraculo compressi sunt.

Quod est ad Hæreticos, quos Ecclesia subdit Baptisma Christi, nos alii juribus utimur. Profecto ubi intelligas, esse veram apud Catholicos Ecclesiam & Religionem Dei, idque demonstrari posse statuas (quod certe nos statuimus): illico Justitia & Caritas postulant, ut nulli curæ parcas, quanto bonum in populis, jam illud libere amplexis, sartum teatumque tuare. Abominandæ perduellionis crimen est, a veritate jam susceptra desicere, & in errores perniciosissimos fese conjicere. Tum quis ferat intollerandam illam ambitionem, quæ & Ec-

clesiam discindit, & aspernatur datam divinitus Sacerdotum choro, summisque Pontificibus auctoritatem? Magni sceleris reos nemmo eos non agat, qui non errasse contenti, alias quoque in Fide & Veritate stantes, aut prædicatione errorum, aut exemplo, pollutare & seducere nituntur; & aures ad Veritatis argumenta, ad monita Pastorum, pertinacissime claudunt; & infamant innumeris modis, ridendamque exhibent veram Christi Religionem atque Ecclesiam. Heic frenis indiger humani Arbitrii libertas; heic ipsis hominibus expedit Legum rigore ac terrore compesci; atque ut laudandæ sunt Leges, quæ nos impie agere vetant, ita commendandæ, quæ nos impie credere ac sentire non sinunt. Si rationes, si persuasiones, aliæque mitiores Artes nihil proficiunt: non irascendum Medico asperis utenti remedii, ut sanet; sed ægrotorum pertinacia, se alter non permittentium sanari, succensendum est.

Neque tamen heic ego sum, ut suadeam, Hæreticos ab Ecclesia damnatos, morte ipsa esse mulctandos. Mihi potius & unice sumo, commendare & suadere summis Potestatibus moderationem hac in re & mansuetudinem sancti Augustini, cuius nunc negotium agitur. Certe ille semper absuit a suadendis extremis suppliciis in Hæreticos vel pertinaces. Quæ adhibere quamquam multorum sententia & licet, & pro sit interdum, attamen ab ipsis quantum fieri potest abstinentum, & sollicite Principibus cavendum est, ne aut Justitia, aut Caritas in eorum usu quidquam lœdantrur. Ecclesiasticorum autem omnium esse puto, Legum justitiam hocce in negotio mitigare potius, quam accendere, & spiritum lenitatis ab Apostolo commendatum, non vero sevitiam ubique prodere; & meminisse, Ecclesiasticam lenitatem, Sacerdotali contentam judicio, cruentas refugere ultiones, uti ait

ait S. Leo in Epist. 93. Tantum autem abest, ut Ecclesia suadeat extremam severitatem in devios a Fide, ut ab ipsis sacris arceat religiosos viros, talia suadentes aliquove pacto in judicium mortis influentes. Ideoque vel quum incorrigibiles atque damnatos Hæreticos secularibus Judicibus tradit, obsecrat, ut leniter in ipsis agatur: quod vellem, semper ex animo, & non interdum ex consuetudine, per nonnullos factum fuisset. Quamquam enim dicamus, Judices, Principes, & Reges contra jus fasque non agere, quum in Hæresi & impietate obsecratos, aliorumque seductores, extremis etiam plentum poenam; & quamquam fatendum sit, nimiam humanitatem, ac impunitatem errantium ad errores & crimina multiplicanda inservire, & idcirco necessarius sit Legum terror, & justissima sit poenarum temporalium severitas: nihilominus ad neminem magis, quam ad Christi Sacerdotes pertinet, mitigatione semper confilia eligere & præbere; atque obstat ne plus quam deceat, & expediat, & æquum sit, in hujusmodi hominum genus levias Secularis potestas. Dicam enim cum Apostolo Heb. V. 1. *Omnis Pontifex ex hominibus assuntus, pro hominibus constituitur in iis, quæ sunt ad Deum, qui condolere possit iis qui ignorant & errant, quoniam & ipse circumdatus est infirmitate.*

Itaque primo animadvertendum est, duplice de causa reos esse Hæreticos. Altera est Hæresis ipsa, sive error in Fidei doctrina, & dissensio ab Ecclesia vera. Altera est seditio, & contemnus civilium Legum. Quoties ab obsequio & obedientia Regum, quam exigunt Politicae Leges, Hæretici deficiunt, aut societatis civilis jura turbant, & se se mergunt in horrenda flagitia: tum non secus ac alii seditioni plectendi sunt, & coercendi, Pherepono ipso consentiente atque laudante. Ex hoc potissimum capite quasdam Hæreticorum Sectas & cædibus, & exsiliis aliisque gravibus poenis affectas ac dissipatas novimus, sine crudelitatis nota, sine vituperio Principum & Judicium. Nam quæ bene constituta Respublica ferat Manichæorum, Adamitarum, Fratricellorum, Quietistarum, aliarumque hujusmodi pestium fordes, si vera sunt, quæcumque de iis feruntur? Quis iure non abjiciat ac evellet de Regno suo opinionum illarum fautores atque præcones, quæ moluntur Atheismum, quæ licentiam peccandi faciunt, aut ad ipsam citatis equis trahunt? Donatistarum autem

crudelia facinora tum in Catholicos, tum in scipios, & Cæsarearum Legum auctoritas conculcata ab ipsis, nimium vulgata sunt in Ecclesiasticis Historiis. Eadem de Albigensibus dicas, de Anabaptistis, de Hussitis, de Puritanis, aliisque hujusmodi Hæreticis. Quod enim est ad Calvinianos, qui tamdiu Galliarum Regna infecerant, & seditionibus turbisque vexarunt ac diviserunt, legendus est integer non ita pridem editus Liber a doctissimo quodam Scriptore Gallicæ Congregationis Oratorii, & subjectus Libris postmis V. Cl. Thomassinii de Edictis aliisque rationibus conservande unitatis in Ecclesia Catholica.

Nescio igitur, quei expostulare de Regibus atque Principibus possit turbulentum hoc hominum genus, si poenis gravibus, si exilio, si gladio multetur. Num ignorant, quantopere Apostolus, & recta Ratio nobis commendent, parere & obsequi summis Protestatibus? Tanta vis est illius legis, ut ne ipsis quidem Catholicis Religionis causa vexatis liceat seditiones confiare, & a Principum obsequio descire, & Politicas conculcare Leges. * Fides, inquam, servanda Regibus & Principibus vel impiis & Hæreticis; neque eorum usurpanda jura, licet illorum Legibus Catholicæ non teneantur quidquam facere contra ipsam suam Religionem atque conscientiam; tunc enim non tumultus excitare, neque armis se tueri, sed collum dare gladio jubentur, potius quam iniquis obtemperare præceptis. Quanto autem magis intolerandi sunt, qui talia audent contra Dominos suos legitimos pro errore ac impietate tuenda? Heic autem meminerint Reges, non confusa crimina, non somniatas seditiones, non falso attributas conjurations esse puniendas. Politicas, inquam, causas minime veras adsciscere nefas est, ut speciosius alienæ Religionis homines vexentur, & Religio invisa eliminetur. Quo titulo videant Angli, num sui Majores umquam peccarint, quum tot Catholicos suppliciis, exilio & morte afficerunt, quamquam nullum aliud istis fortasse crimen foret, nisi eam ipsam Religionem sancte profiteri, quam a Romanis Pontificibus olim Britannia accepterat. Ubi vero ejusmodi criminibus Hæretici se se re ipsa obstrinxerint, modo eorum animi ad rebellionem seditionesque nimium propria non inveniantur, & dum clementia Principum in Regni & Religionis perniciem minime redundare possit, indul-

gen-

* Consulendus præ ceteris doctissimus Jacobus Benignus Bossuet Meldensis Episcopus, hoc argumentum egregie pertractans contra Ministrum Juriem in Operc cui titulus: *Cinquième Avertissement aux Protestans sur les Lettres du Ministre Jurié.*

gentia invitante eos ad scelera nova: a mansuetudine Sacerdotum non abhorret, immo cum ipsa penitus consentit, veniam interdum pro illis & poscere & impetrare. Legatur in hanc rem Epistola 127. Augustini, qua Donatum Africæ Proconsulem rogat, ne pro meritis facinorosam Donatistarum factionem corrigat. Legantur etiam Epistolæ 158. 159. & 160. Nemo autem, ut arbitror, erit, qui his lectis non laudet ac amet Augustini aliorumque Catholicorum in Africa Sacerdotum lenitatem, & contra non irascatur Pherepono, indigne non uno in loco habenti, Augustinum Christi Sacerdotem apud Seculares Judices agentem, ut mitibus potius quam atrocibus poenis Donatistarum compuleretur insania.

Alii sunt Hæretici, quos aut voluntas bene composita, aut virium defectus ab instituendis Seditionibus abhorrentes fecit. Unum in eis crimen Error, Schisma, & Hæresis. Gravissimum sane crimen in Deum, in Veritatem, in Ecclesiam, atque in se ipsos; sed non semper, non ubique, non in omnibus, pari suppliciorum ratione, atque asperitate plectendum. Varia itaque heic nobis consideranda veniunt. Primo, nefas est Regibus atque Principibus Hæreticos aliena ditioni subditos, sibique nullo jure obligatos, ea tantummodo de causa, quod Hæretici sint & ab Ecclesia Catholica aversi, aut bello invadere aut ulla afficere molestia, sive intra sive extra fines Regni sui, dum constitutis legibus politiciis iidem intra Regnum se aliqui inobedientes non præbeant. Hos nequam idcirco lædendos, cum Evangelica doctrina, tum recta Ratio, & jus Gentium satis ostendunt. Illud etiam inter Catholicos compertum, iisdemque nititur fundamentis, non licere summis Potestatibus frangere fidem datam Hæreticis subditis, nedum ab aliena ditione pendentibus. Paetis, inquam, foederibusque standum est cum ista quoque gente percussis, eique religiose servanda fides, ac si nostra cum Religione omnino sentirent; neque aliis de causis recedere a promissis licebit, quam quibus recedere fas est inter ipsos Catholicos secundum jura Gentium atque Naturæ.

Secundo, distinguenda est errantium cohors in pertinaces, ac minime pertinaces. De pertinacibus sermo nunc sit. Magna est utique hominum calamitas, in errorem labi; sed magna inquiras, animum in ipso obfirmare velle. Quamquam enim ideo in sententiis absurdis, falsis & impiis persistant non raro homines, quod ipsas sententias & rectas, & veras, & pias arbitrentur, atque idcirco, si non excusatione, at certe misere-

ratione aliqua dignos se præbeant; nihilominus alia ex parte effugere non possunt abominandi criminis culpm. Facit nempe eorum arrogantia, eorum superbia, atque temeritas, ne errorem ultra adscitum ponant, atque in castra veritatis immigrant aliquando. Et cur non appellemus temeritatem atque arrogantiam, suam, hoc est fallacissimi hominis præferre, immo opponere opinionem iudicio Ecclesiæ Catholicæ, Pontificum Maximorum, Conciliorum, & Episcoporum, quos tamen Deus Judices nobis reliquit in Fidei controversiis, & ad eos audiendos ire nos jussit in ejusmodi causis? Nam quod ajunt, & contendunt, ipsam Ecclesiam erroribus esse obnoxiam, nihil aliud est, quam sibi adimere viam omnem erroris dignoscendi, & assequendæ Veritatis, quam tamen unam Christus ipse nobis in hac mortalî vita constituerat. Porro neque de numero, neque de Ecclesiæ aliqua imagine plaudere sibi possunt Hæreticorum convicula; tum quod abjecta Ecclesia Catholicæ auctoritate, cuiuscumque alterius Ecclesia auctoritatem abjiciant oportet; tum etiam quod eorum patres perperam soli se se opposuerunt Concilii veris, & veræ Ecclesiæ, eorumque posteri quamvis in ingenio copiam crescant, vitium & culpam temeritatis paternæ retinent, & minuere amplius nequeunt.

Pertinax igitur hoc hominum genus, quod aut se argumenta Veritatis edoceri non patiatur, aut edocum, Veritati ipsi atque ipsi Ecclesiæ Veritatis columnæ resistat: grave crimen obstringit, & propterea jure coercetur, & coercendum est; & acribus poenis ejus pervicaciam (si aliis noceat) sive emendare, sive punire justissimum fuerit. Sed Justitia dumtaxat non est heic habenda ratio. Caritatis quoque Christianæ præcepta atque consilia occursare in primis debent oculis Principum, & Regum. Quamobrem considerandum est rursus, duplicum esse posse istorum Hæreticorum pertinacum turbam. Hi errorem & Hæresim, una cum lacte biberunt; isti jam adulti. Piores a nulla Religione ad alteram defecere, sed quam pueri didicerunt, hanc postea tueri pergit. Posteriores inconstantia delectavit: infortunium nempe grave, si de una fallaci Religione in alteram fallaciorem latus mutarunt; at gravissimum ac perniciosissimum crimen, si de vera desciverunt in falsam. Dico ergo, illorum in errore pervicaciam aliter, hoc est longe mitius, quam istorum, esse habendam. Siquidem ignorare, & non sentire nemo potest, quam altas radices in animis mortalium agat a teneris unguiculis in-

inspirata cujuscumque Religionis opinio. Sit licet falsa, impia, atque ridenda Religio; dum accepta sit a parentibus filiorum amantissimis, dum antiquitate aliqua constet, dum tenellis cordibus inscripta fuerit: in naturam, ut ita dicam, transit; quantaque facilitate impressa fuit, tanta vicissim difficultate exsculpi atque expelli inde potest. Nimirum vulgaria sunt istius veritatis exempla, ut heic reserre sit opus. Quis ergo tantam hanc hominum infelicitatem potius quam temeritatem supremis plectendam suppliciis unquam pronuntiet? Immo quis miseratio ne dignissimam non affirmet? Hos doceri, hos terrere fas est, & quoties in antiquo errore obfirmatissimo animo persistent, ipsique fulgentissima Veritati resistant, eis negare privilegia, incommodisque etiam, & exilio illos multatate pro errorum gravitate, & varia conditione temporum, utile, licitumque puto. Sed isti ab iis semper discernendi, qui studio culpaque tantum propria in errorem se præcipites dedere. Ne punire gladio velis, quod isti ut aliter esset efficere, quum nascerentur & educarentur, minime potuerunt. Nam quamvis postea possint, & pervicaciter nolint; ab eadem tamen infelicitate nativitatis atque educationis hæc ipsa descendit in errore pertinacia.

Tertio, ad eos quod attinet, qui de veritate ac unitate Ecclesiæ Catholice in heresies erroresque adulti defecere, & auctoritatem summorum sacerdotum aspernantur, atque irrident: alia convenient severitas ratio. Eorum vitio, ac temeritate factum est, ut laberentur in tenebris, sibique atque Ecclesiæ vera nocerent. Eorum superbia deinde fit, ut in falsitate persistent, & ad lucem rursus non assurgant. Ideo quidem plerique non assurgunt, quod putent, se contra conscientiam acturos, & Deo disdiscituros, si ad veterem sententiam revertantur, iterumque cum Catholica Ecclesia consentiant; sed temere id putant, & eorum culpa factum est, & fit, ut sic putent. Porro quemadmodum ebrius & perditus amator poenam criminum, ebrietatem & amorem consequentium, non effugiunt, quia causam hujusmodi criminum ipsi volentes elegerunt; ita & qui lubens errori mentem mancipavit, culpandus deinde est, quod ad ipsum errorem dignoscendum atque ejurandum induci non possit. Sibi impunet, qui optimam opinionem in pessimam commutavit, si nequeat de pessimâ in optimam reverti. Optimam autem rursum inveniet, si livorem ponat, si attentum se præbeat vocibus Veritatis: quod quum facere nolit, magno se crimine profecto obstrin git. Quid si non errasse iste contentus, erro-

rem quoque evulget, litterisque consignet, ac prædicatione persuadeat? Hujusmodi hominem societati humanæ pernicioſſimum ferat, excusat, absolvat, qui velit; non excusabunt, neque ferent, quibus notum est, quantum bonum sit, in Religione vera sive in Veritate stare, quantumque malum ab ipsa discedere. Quid si temel iste emendatus ac toleratus, in ejuratis erroribus iterum deprehendatur? Nemo non videt, quid asperi meareat perversa isthac hominis voluntas, & illusoria poenitentia, & periculoſa contagio.

Attamen & heic audire juvat Caritatis voices, etiam atque etiam commendantis, ut quam diffcillime, quam rarissime ad extrema Hæreticorum atque Apostatarum vel pertinacum supplicia deveniatur. Caritate ergo horante, reorum personam prius induere debent supremi Judices, & Magistratus; quod quum fiat, non tam proni subinde erunt ad arripiendam securim, non tam lenti ad misericordiam impertiendam. Culpam autem Hæreticorum quorumdam etsi non tollit, aliqua tamen ex parte minutus consideranda in iis voluntas. Non improba plane, non proflus vi tia in illis est interdum hujusmodi potentia. Vellent Veritatem servare, Deo placere, & errorem effugere; dumque etiam pro errore ac impietate pervicaciter pugnant, se gratum Deo facere persuasum habent, suæque obsequuntur conscientiae. Culpam quidem, ut diximus, ne sic quidem apud homines, coque minus apud Deum, effugient, quum in causâ sit ipsa eorum Voluntas, ne errorem dignoscant & Hæresim exuant; sed non parum extenuare potest culpam ipsa hec eadem Voluntatis in bonum & verum inclinatio. Pec cat in iis Intellectus potissimum. Omnia autem delicta, qua ob impetum affectuum, atque errorem Intellectus patrantur, quippe quod in ipsis non præcedit omnino libera elec tio, mitius punienda sunt, & veniam æquius impenitent, quam quæ proficiscuntur a proflus libera electione, & perversitate Voluntatis. Hæretici autem, vel pertinaces, cum errore Intellectus, & cum ipsa Voluntatis perva cacia plerumque conjunctum habent probum aliquem ipsius Voluntatis affectum. Indue ergo parumper Hæretici personam; neque miraberis, tam sero, aut numquam expediri mentem posse a præjudicatis opinionibus, quas certas, Deoque gratas putas. Ex cogita hominis nativam calamitatem, quem tor impediunt tenebrae, cui etiam volenti adeo difficile veritas perluadetur. Si tibi similiis error accidisset, & deponere impium putas, nihil fortasse differres a pertinaci illius erroris patrono, Reliquorum criminum reos conscientia ipsa fere semper accusat, usque

Z. adeo

adeo ut se ultro pœnis & morte dignos aut fateantur, aut sentiant. Contra non pauci Hæretici suum crimen neque agnoscunt, neque sibi exprobrant, idque ut faciant, supplicia plerumque facere non possunt. Immo contra conscientiam, & adversus Deum se facturos ii crederent, si a sua sententia in contrariam discederent, ac torquentia potius non sustinerent. Cum eorum ergo crimine multa infelicitas conjuncta est, & non parum involuntarii, & proba aliqua Voluntas ac indoles: quæ omnia Caritatis Christianæ memorem a nimia severitate retinere, & ad misericordiam impellere merito debent ac possunt. (*Misericordia, scribebat Agathias Lib. 1. Hist. de Bello Gothicō, quam ira eos prosequi par est, qui a vero sunt devii. Non enim volentes errant labunturque; sed quum id, quod bonum est, expetant, iudicio excepti instant fœnet creditis, qualiacumque ea sunt, pertinaciter.)

Præterea solcite cuicumque Christiano Magistrati curandum est, ut suos fratres lucretur, & ab æternis pœnis arceant. Cui muneri non deest, quisquis facinorosos extremo suppicio plebit; nam ex istis nullus fere est, qui sceleris sui turpitudinem non agnoscat, & pœnitentia ductus & vita non abeat, & mortem ipsam corporis in anima suæ utilitatem non vertat, aut vertere possit. Hæretico autem pertinaci, in quem licet animadvertisit, omnis præcluditur ad salutem via, tempusque resipisciendi auferitur. Ille quidem vitio ac pertinacia sua pereat, sed culpa nequamquam cognita; atque adeo Christianæ manuæ turpitudinis foret, sustinere potius quam urgeare ultro festinante in æterna supplicia. Quis enim scit, an non aliquando eidem daturus sit Deus pœnitentiam (ut cum Apostolo loquar 2. ad Tim. 2.) ad cognoscendam veritatem, & resipiscendum a diaboli laqueis, a quo captivus tenetur ad ipsius voluntatem? Ad hæc teterimus ille mortis terror facie, ut pro apertis Hæreticis factos non raro habeamus Catholicos. Quod si postremum supplicium intrepide a nonnullis feratur, ipse error latius interdum serpit, quum incauti homines non animorum pertinaciam, sed Veritatis virtuti ac fiduciae tribuant miseram illam in tormentis & morte constantiam. Exempla in hanc rem plurima suppetunt. Non hec tamen dissimulandum est, hujusmodi homines, si vivere diutius sinantur inter gentem Orthodoxam, publicæ rei nocere posse prædicatione errorum. Et sane periculum istud impigre avertendum. Tunc enim ad ipsam Caritatem Christianam spectat, plurimum saluti prospicere, quam unius. Sed ubi

aliter consulere possit Princeps reipublicæ, quam sublato e vivis pertinace Hæretico: tunc erit gratissimum Caritati, quod & istum in columem servet ad emendationis ac pœnitentia spem. Inspiciendum ergo, an non carceres, exilia & alia salutares pœnæ, & anathemata, quibus errans a fidelium conformatio amoveatur, & Monasteria, queis ad pœnitentiam ac disciplinam includatur, idonea sint remedia, ut cohibeatur a veneno spargendo, & ad saniorem mentem infelix ille sensim perducatur. Caritas tandem nihil intentatum relinquit, quo si fieri potest, a temporali ac spirituali morte fratrem defendat ac liberet; & quum pœnitentem certe necari non sinat, ideo pœnitentiam hominis, quamquam seram, libentius expectari cupit, quam ejus pertinaciam cito puniri.

Succedit alia errantium phalanx, nempe non pertinacium. Primo autem animadverte opus est, proprio Hæreticis appellari non posse, a qua absit animi pertinacia. Cujus placiti certissimas rationes non est cur nos congeramus, quando eas alibi a gravissimis Theologis luculentissime digestas habere Lector potest. Quamobrem quum hoc hominum genus Hæreticos nuncupamus, ex usu potius, quam ex ratione loquimur. Eadem vero animi docilitas illud inter Catholicos obtinuit ac obtinet, ut neminem sine pertinacia errantem supremi Magistratus morte puniant, puniendumve censeant. Recte sane. Uti enim dictum est, non ideo Hæreticis pervicacibus vita interdum eripitur, quod errant, atque a veritate desicerint, sed quod moniti atque edicti germanam Fidem, pertinacissime deliramenta sua aut predicare, aut fovere pergunt; hoc est, infelici mentis errori Voluntatis crimen adjiciunt. Si ergo quisquam a Fide aut ab unitate Ecclesiæ excidat, monitusque postea resipiscat, & edictus intelligat, fateatur, ac ejus falsam doctrinam: merito Voluntati ejus bona malum Intellexus errorem indulget Ecclesia. Äquum nihilominus est, ut homini pœnitentia erroris ducto injungantur salutaria aliquot pœnitentiæ genera, quibus aut Deum sibi propitium facere, aut scandala præterita reparare, aut certos in posterum de vera sua pœnitentia, & non ficta emendatione, fideles reddere possit. Proinde & hoc rectissime constitutum est, ut sponte sua se se accusantes ac pœnitentes, omnium mitissime habeantur; reliqui pro erroris, & scandali, & pertinaciæ præsumptis diversitate diversis subjeciantur pœnitentiæ speciebus.

Quod hec tamen commendandum in primis videtur, illud est, ut Christianæ Caritatis,

* Hæc omnia secundis curis addita.

tatis, atque Prudentia maxima cura habeatur a Quæstoribus Hæreticae pravitatis. Reftissime instituta fuit, nostrisque etiam temporibus utilissima est horum auctoritas, quippe succrescens facile vulgi superstitione, & ingeniorum temeritas non raro comprimuntur, & a Domini tritico zizania arcentur. Optimis præterea legibus constat eorum facultas, & placidis etiam (saltē apud Italos) ut plus inter nos severitatis in prospere, quam in recessu, invenias. Sed periculum etiam subest, ne quis auctoritate legibusque sanctissimis ob immoderatum zelum, nimiamque asperitatem abutatur. Dicam id, quod mecum dicant, ut spero, me sapientes; dicam, quod dicunt & faciunt optimi Quæstiores, atque exoptant ut fiat a ceteris fodalibus suis. Necessaria semper est accuratissima diligentia, quæ nihil erroris, nihil superstitionis aut pullulare, aut vige-re finat. Necessaria quoque severitas sœpe est, ne nimia indulgentia animum sceleribus addat. Sed non eo usque procedere diligentia debet, ut vel levissimis de causis, & meritis de suspicionibus, carceres, & alia incommoda fidelibus creentur. Neque talis ac tanta esse debet severitas, ut Caritatem, & mansuetudinem Christianam umquam obli-viscatur, & a se abjiciat. Asperos se præbeant in judiciis civiles Magistratus; nihil nos moramus Sæculi ritum. At certe Ecclesiasticos Judices, Christi Sacerdotes, & Christianæ Legis, hoc est Caritatis & mansuetudinis præcones simul atque exemplaria, omnium maxime lenitas ac benignitas decet; torvum autem supercilium & immitis animus omnino dedecet. Neque enim Episcopos tantum, sed ceteros etiam Ecclesiæ Ministros, exigere Apostolus mihi videtur non superbos, non violentos, non percussores (id est non lingua, non contumeliis, non acerbitate quemquam ferentes), non turpis luci cupidos, sed hospitales, benignos, fabrios, justos, sanctos. Idem etiam in 2. ad Tim. 2. egregia illa verba, & alte nostris omnium animis infingenda habet: *Servum autem Domini non oportet litigare, sive pugnare; sed mansuetum esse ad OMNES* (sive ἄνθροι, benevolum, placidum, lenem, & humanum erga omnes), docibilem, patientem, cum modestia sive lenitate corripientem eos qui resistunt veritati. Quod si mansuetudinem, & patientiam, & lenitatem, & humanitatem enixe commendat Apostolus vel in eos, qui, ut habet vulgatus Interpres, veritati resistunt, & sunt in errore pertinaces: quanto enixius credendus est mansuetudinem eamdem commendasse erga illos, qui non resistunt Veritati, sed errorem, simul ac edo-

centur, ponunt, & in Veritatis castra si beatissime redcunt: Et quidem Apostolica Sedes medicinale tribunal hoc esse voluit, non asperitatis, atque inclemencie. Cavendum ergo, ne turbidi affectus, ne ambitio exercenda potentia, ne feritas heic locum habeant; curandum, ut captandæ famæ, & zeli, non levis ostendandi cupidio, quo postea ad ampliora munera facilius sit aditus, in miseræ gentis perniciem & incommode veratur; denique studendum, ut scubi peccandum sit, ex benignitate potius nimia, quam ex nimio rigore peccetur. Quod si Italice Inquisitionis Magistratibus, qui ministissimi omnium sunt, aut minore saltē, quam reliquæ severitate utuntur, dicimus, Caritatem præ oculis semper esse futuram: quanto magis commendandum id erit Hispanice Inquisitionis Præsidibus, immo Latinæ, si vera forte sunt, quæ de illorum rigore feruntur?

Iraque primo suspiciones me æ, & leviusculi rumores de alieno Errore, sive superstitione, ac Hæresi, satis esse non debent, ut cuiquam negotium facessas, & vincula inferas. Quamquam & hoc referre supervacaneum fortassis est; video enim apud nos non sine prævia eaque gravi cognitione rerum procedi. Secundo error in iis esse rebus & controversiis potest, quas nondum Ecclesiæ, aut Concilia statuerint. Fac ista deinde statuantur ac dirimantur supremo Ecclesiæ oraculo: a crudelitate ac injustitia non abefet, qui Theologo, sive Scriptori alterante judicium Ecclesiasticum sentienti, Hæresim objiceret, ipsumque male propterea haberet. Utique is erravit, sed excusabili errore; tunc enim vere crimen est, ab Ecclesia & Doctrina Christi dissentire, quum homini constat, quænam sit Ecclesiæ mens & doctrina Christi. Hoc autem notum, certumve esse homini antea non poterat, tante ac tolerante Ecclesia. Et profecto, si judicandum fecis foret: dedecoris & Hæresis notam nonnullis sanctis Patribus inureremus, e quorum calamo & mente sententia quædam excederunt, quas deinde Ecclesia non tulit. Sed nihil ex eorum sanctitate idcirco imminutum, quia nihil antea illa de re fuerat constitutum. Facit eadem ratio, ut Vincentium Lirinensem, Cassianum, aliquo Semipelagianis Opinionibus olim addictos, & Sanctorum fastis, sive e Catholicorum albo non expungamus; siquidem floruere ante Arausicanam Synodum, cujus decreta siquisquam postea contempsisset, tum solum culpandus merito & anathemate percutiendus fuisset. Idem fiet, si quando Romani Pontifices, atque Concilia, nonnullas ex iis de-

divina Gratia & libero Arbitrio sententiis, quæ nunc in Scholis impune obtinent, aliquando proscriptant.

Tertio, errare etiam homines & Scriptores possunt in ipsam Christi & Ecclesiæ doctrinam. Quodquid accedit, considerandum est, num ex ignorantia & incuria, an vero ex perversa voluntate, deditaque opera, se conjectent in errorem sibi certe perniciendum. Si apertis oculis a Dogmate Catholico discessum est, nemo negat, quin huicmodi crimen castigatione sit in primis dignum. Sed longe mitior ulro ad poenitentiam venienti castigatio erit; longe autem durior agnoscenti quidem errorem suum, sed urgente metu poenarum, & nonnisi ex alieno impulsu. Ita vera Ecclesiæ ac Religionis desertores, dum sponte, & non mendaci poenitentia ducti, ad gremium Fidei revertuntur, minime graves poenas subire coguntur. Et contra severius multati, qui Magistratum vigilancia deprehensi, terrorem expectarunt melioris sententiae magistrum. Attamen vel in his expendere juvat minorem majoremve in defectione pravitatem Voluntatis. Multos enim non odium Catholicæ communionis, sive doctrinæ, non ingenii ambitionis, non contemtus Ecclesiæ, ad Hæresim traxit; sed humani alii affectus, aut Præsidium severitas, aut Disciplinæ impatientia; que sane imminuere quandoque possunt Voluntatis scelus, quod est ad laesam Fidem, majoremve propterea mereri misericordia mensuram.

At alios ignorantia sola, & incuria errantes fecit. Quis enim est, qui scire omnia, nihil obliuisci, & numquam errare sibi tribuat? Sed quicumque errat, animo interim vera Fidei & Ecclesiæ Catholicæ conjunctissimo, falsa Dogmata non amplexurus, non propagnaturus, si ea sciret aversa a Schola Christi, & a disciplina, ac mente Ecclesiæ, & ubi scit, ea illico execrans: cur puniendus, cur rigide excipiens apud homines, quum nullo apud Deum criminis idcirco sit teneatur, nisi de Dogmatis iis præcipuis sit res, quæ nec scire suapte natura peccatum est, & nec scire Christianus homo non debet? Exploranda igitur sedulo est errantium Voluntas; quod si promptus in obsequium Fidei & Ecclesiæ, illorum animus deprehenditur, vel dum errant: edocendi sunt veram sententiam, monendi ut a sermonibus abstineant gravissimarum rerum, dum sibi majorem prius non compararint Eruditionem Theologicam; & excusanda facile ingenii infirmitas, aut ignorantia inconsultus error. Non autem conti-

nuo in vincula conjiciendi sunt, non diu detinendi, atque vexandi, neque populo spectaculum miserabile * daturi. Hominem vidimus rudi minerva, cui exciderat, alium esse a vulgari nostro Purgatorium Ignem. Communibus quidem suffragiis innocens evasit, sed post non paucos carceris dies, & non sine ingenti rerum suarum incommode. Prudentiae potius, & Caritatis erat, hunc accitum monere, ne talibus fese immiseretur, & verbis tantummodo arguere, ad canendam palinodiam jam paratissimum: quamquam & hæc quæstio ex iis sit, quæ adhuc in anticipi positæ, nondum Ecclesiæ calculo fuere directa. Errant enim multi, quia non Theologi; errant & ipsi quandoque Theologi, quia tunc non errare, sed cum Ecclesia sentire se putant. Privatae vero objurgationes satis plerumque forent, ac esse deberent ad medicinam errantium. Alioqui si levibus de causis in carcerem, & in rostra, homines rapere velis, & præsertim rudes, ac Theologia abstrusioris meliorisque Disciplinæ ignoros: verendum est, ne Caritatis tribunal apud optimos ob nimium rigorem male audire incipiat, & ex terrore potius, quam ex amore Christiani in posterum simus: quod a mente Apostolica Sedis, & meliorum profecto abhorret.

Quid si eos divexare velimus, qui in Opinionibus aut Philosophicis, aut Historicis, aut Astronomicis, aut etiam Theologicis, sed nondum ab Ecclesiæ, sive a Romanis Pontificibus, sive a Concilio quopiam proscriptis, errare nobis videntur? Facile contra jus, nondum contra Caritatem, hæc agendi ratio pugnabit. Numquid enim tua opinio, ab illorum opinione diversa, ideo verior & senior est, quia tu potentior, quam illi? Ne tu quidem, ut puto, id arbitrere. Sola divinarum Scripturarum, & Ecclesiæ mens cognita facere potest, ut tu de veritate sententiae tuæ, illi de errore suo certi sis. At quum non illi minus, quam tu, contendant, opiniones suas consentire cum sacrarum Litterarum & Ecclesiæ doctrina; quumque Ecclesia, uti prædixi, mentem suam nondum hec explicuerit: propterea hujusmodi opinionum propagatio nondum crimen evasit, poenis & carcere exagitandum. Quis enim te certum facit, Ecclesiam contra illos potius, quam contra te, esse aliquando pronuntiaturam? Et ii quidem fortassis in errore versentur. Sed quādiū latet Ecclesiæ oraculum, eique parere ac cedere, simul ac prodeat, paratissimi sunt homines: ab officio veri & obsequitis Christiani

* Præcedentes editiones, ad unum omnes, daturi habent, errore forte excriptoris. At dandi legendum videtur.

ffiani minime per alios disceditur; & apud Deum non peccatur; & error ille (materialis, ut ita dicam, non vero formalis) nondum carceribus aliisve corporeis incommodis castigandus erit. Quamobrem ut non audiām quascumque Cartesii Opiniones Theologicae Catholicae consonas appellare, multoque minus praeferare; attamen quum hoc ille, ejusque affectae, sibi persuadeant, & suis etiam rationibus ostendere conentur: vix intelligerem cur adversus eos rigorem adhibere placeret, priusquam Ecclesia opinione hujusmodi suo decreto proscripterit atque damnarit. Utique Cartesii Libros nonnullos cum Romanus Pontifex, tum Academias quædam nigro theta confixerunt. Sed numquid Hæresibus sciant, quicumque Libri configuntur? Num sententiae omnes, quas Cartesius litteris consignavit, errorem ac hæresim sapiunt, ut singulas abominari ac rejicere sit

opus? Quum hoc a fidelibus Ecclesia expedit, solet sententias, sigillatim enuntiatas, hæresis aut falsitatis damnare. Antequam damnet, earum patronis bona fides etipi non potest, dum tamen opiniones tueantur revera dubias, hoc est nondum definitas, & a definitis aperie non effluentis, & in iis tuendis se ab Ecclesia dissentire non potest. Neque privatorum objurgationes facere possunt, ut bona fidei privilegia in ipsis cesserent, multoque minus quum suspicio adest, ne privati homines ad eas opiniones damnandas ferantur amore potius privatæ cujuspiam Scholæ, quam certa cognitione Veritatis, quæ adhuc latet, siue fiducia proferendi ab Ecclesia decreti. Locum heic habere possunt, quæ de Aristotelis fortuna in Christianorum Scholis apud Veteres feruntur, & quæ olim contigere in celebri controversia de Divinis Auxiliis, & de Scientia media. Sed nos alio properamus.

C A P U T X I V.

Zelus ineruditus, & nimia Licentia in Fidei & Disciplinæ negotiis. Quos pessimos effectus ille pariat. Scientia & Prudentia si a Zelo absint, quid sequi inde possit. Zelus ineruditus Novatorum. Quomodo regendus Zelus. Licentia opinandi in Religione nimis nocet. Ejus exempla in Phereponi Libris.

Multa sunt, quæ ad inveniendam Veritatem obfiant; multa, quæ inventam in publicum efferti non sinunt. Ignorantia, præjudicatae Opiniones, ambitio, impotentia, terrenorum bonorum amor, decoris timor, auri & gloria sitis nimia, atque alii effrenes animi affectus, quotidie Veritati bellum indicunt, & errori patrocinantur. Ego Librum concludam, duobus præcipue commemoratis, quorum unum pauci ferre considerant, aut animadvertisunt, in quot excessus, & incommoda vergat, & vergere possit; alterum omnes passim & cognoscunt, & detestantur, quum tamen ab eo non pauci abstinerent, seque illo teneri non sentiant. Zelum ineruditum intelligi, & nimiam Licentiam in Fidei & Disciplinæ negotiis. Ille Superstitionem, grave scilicet malum, procreat; ista Hæretes & Schismata, gravissima nempe mala, quorum incommoda brevi oratione persequi, & frene simul ponere est opus. Quod attinet ad ineruditum Zelum: dicimus, nomine Zeli significari honestum illud & laudabile studium, quo accendimur ad colendum Deum, ejusque servos honorandos, & ad illius Legem & veram Re-

ligionem tuendam atque propagandam. Sed optimus hic hominum affectus, ceterorum affectuum atque ipsarum virtutum more, in pessimos excessus interdum excurrere potest, & in illaudanda facinora. Quod tum continet, quum homines pio quidem Zelo ardent, sed Scientia destituti, id peragunt, quod ipsis divina Legi, & Ecclesiasticae Disciplinæ, & documentis rectæ Rationis, & Prudentiae, & Caritati aduersatur. Testimonium perhibente Paulo ad Rom. X. *Judei zelum Dei habebant; sed ille zelum non secundum scientiam erat.* Tuebantur mordicus Mosaicam Legem, atque in ipsis ritibus collocabant potissimum salutis spem, & maximum hominis pensum. Atqui zelum Dei habebant, non habebant scientiam Dei; quare Dei honorem potius oppugnabant, ejusque legem persequebantur. Neque aliter se olim gesserat ipse Paulus, quum paternarum emulator, sive zelator traditionum supra multos coetaneos suos, devastabat Ecclesiam Christi. Eodem imprudenti zelo Scribas & Phariseos abundasse, nonnumquam etiam Discipulos Salvatoris laborasse, ex Evangelio discimus. Hinc Augustinus de Civit. Dei. Lsb. XX. Cap. XI. tam laudabili quam

quam pravo sensu Zelum accipi ait in divinis Scripturis. *Sicut enim, inquit, zelus in bono positus est, ubi legitur: Zelus dominus tuus comedit me; ita et contrario in malo, ubi dicitur: Zelus occupavit plebem ineruditam.* Illud igitur, quod solet ac potest destruere honestissimam indolem Zeli, Ignorantia est, insipientia, ac ineruditio: quae mala quum in eadem zelus immoderatus & perniciens (* vim obtinere potest.) Ubi nescias, quibus moribus, quibus ritibus, ac artibus Deus velit se coli; Sanctos suos honorari, Legem servari ac defendi, Virtutes exerceri: quid mirum, si pius ille tuus ardor in absonta interdum feratur, atque indigna, quae Deo ** placeant, quo ipso tempore tantopere curas, ut per ea placeas Deo? Sine Prudentia, sine Scientia plus nocere, quam prodesse potest Zelus non privatis tantum hominibus, sed reipublicæ ipsi. Hinc egregie sanctus Bernardus Serm. 49. super Cantic. Importabilis, inquit, absque scientia est zelus. *Ubi ergo vehementer emulatio, ibi maxime discrecio est necessaria, quæ est ordinatio Caritatis.* Semper quidem zelus absque Scientia minus efficax, minusque utilis invenitur, plerunque autem & perniciosus valde sentitur. Quo igitur zelus feruidior, ac vehementior spiritus, profusiorque Caritas, eo vigilanter opus scientia est, que zelum supprimat, spiritum temperet, ordinet Caritatem.

Et quid quæso non fecit ineruditus Zelus? quid quotidie non facit? Sanctam Religionem amplificare, Idola fugere ac detestari, ad zelum vere Christianum pertinet. Sed ipsum dedebeat, interdum Ethnicis rerum potentiibus insultare, eorum fana evertere, eorum Idola conterere, minime consentientibus in eam rem Principibus; dedebeat Judæis subjectis contumelias, & dira tormenta atque incommoda inferre, aut filios invitatis parentibus eripere, sacro Baptismate abluendos; & alia hujusmodi audere. Zelotis Christiani est, cultum Deo O. M. semper, & ubique, & ferventissime prestare, ejusque amorem ac reverentiam instillare populis. Verum ab hac præstantissima Virtute abhorrebat, Deum colere inopportuni locis, atque temporibus, ornamenti luxum potius quam gravitatem referentibus, Musicis concentibus magis in temperantiam quam pietatem conciliantibus; ritibusque ab Ecclesia nondum probatis, immo nonnumquam ab ipsa improbatis. Abhorrebat, Mysteria pietatis, & Sacraenta impiorum atque Infidelibus prodere; & ex ipsis ridenda potius quam veneranda exhibere po-

pulo spectacula; & immoderatam peccatoribus a Deo polliceri indulgentiam, aut eosdem nimia severitate in desperationem agere, aut spem salutis omnem posere in quibusdam levibus externæ Pietatis institutinibus, quod Pharisæi olim quoque faciebant. Zelus noster eo etiam ferri debet, ut non difficiles nos præbeamus ad credenda Sanctorum hominum gesta, virtutes, ac miracula, quæ ab Historicis fide dignis memorie traduntur. Sed iste zelus honestos virtutis fines prætergreditur, ubi nos nimium facilis efficit, immo exigit ad credenda quæcumque prodigia, seu ut apertius loquar, ad probandas fabulas omnes, aut leves anicularem narratiunculas de admirandis quorundam Sanctorum operibus, aut Antiquitates fictas, aut Lipsiana non satis probatae fidei. Sanctis ipsis Martyribus, & reliquis Beatis, & Deiparte potissimum debemus honorem non exiguum, quippe in illis, licet conservis nostris, honoramus dona Dei, & gratiam Christi, atque adeo ipsum Deum, qui & ex eorum intercessione plura in homines beneficia spargit. Sed immoderato, & minime laudabili zelo ardebit, quisquis talem ipsi honorem deferr, qualis uni Deo convenit; aut ab ipsis ita poscit ac exspectat non temporalia solum munera, sed ipsam peccatorum remissionem, & vitam aeternam, ut illos ex Intercessoribus facere Deos videatur; aut omnia Pietatis officia in ipsis potius sibi demerendis, quam in Deo placando, collocat; & ipsos iis nimis laudibus extollit, quas perfecta Disciplina ægre ferat, immo ipsi e calis minime probare credendi sunt; eorumque Imagines, & sacras Reliquias, & Dies Festos cultu immodico prosequitur.

At non alia de causa homines heic errant quam quia carent Scientia, atque Prudentia, hoc est, ignorant, quid, & quando, & quomodo agendum sit, ut recte agant. Pio amore cœlestium & Religionis astuant, sed amorem istum in absurdâ & perniciose deferre sœpe solet, ac potest moderatricis Scientiæ penuria. Hinc in populo, in indoctis, illiteratis, atque mulieribus, frequentiores sunt zeli excessus, quippe in ipsis Ignorantia communior. Ipsos etiam litteris & scientia excultos homines exuberans ardor nonnumquam extra orbitas rapit, aut rapere videatur. Cur hoc quæso? Quia non satis bonis litteris, non satis scientiæ operam dederunt, aut quia Scientiæ multæ exiguam Sapientiam, atque Prudentiam minorem, conjungunt. Quapropter nihil magis commendandum.

* Al. vim obtinet.

** Quotquot exstant editiones habent placeant. Legendum sive displiceant.

dum est Ecclesie Præpositis , quam ut impensum in Ecclesiasticam Eruditionem studium conferant , quo singula tum ad Christi doctrinam , tum ad Disciplinam spectantia recte ipsi sciunt , & alios docere subinde possint . Meminerint , quid per Osam Prophetam Deus olim edixerit (Of. IV. 6.) *Concūtuit populus meus , eo quod non habuerit scientiam . Quia tu scientiam repulisti , repellam te , ne Sacerdotio fungaris mihi .* Proinde necesse falem est , ut Ecclesiarum Pastores supremi Ministros sibi adsciscant , aut homines ad consilium adhibeant , quibus consummata sit istius Eruditionis peritia . Alioqui si Zelus ineruditus , & in plebe potissimum , sedulo non coercentur , Superstitione immane malum , & aque ac ipsæ Hæreses formidandum invalebit , sanctissimæque Religionis vultum summopere deformabit . Monstrum istud , Superstitionem , inquam , Ignorantia parit , Zelus immoderatus nutrit ac sovet . Quod enim omnium pessimum est , hojusmodi insipientis zeli culpa sèpe fit , ut abusus in veteratos , pietatis referentes speciem , nemō tollere , aut tolli sustineat . Immo si qui melioris notæ eruditæ voce aut calamo in Superstitionem aut gliscentem aut vetustam infurgere cupiunt , interdum aut ne hiscere quidem sinuntur , aut certe parum Christiani animi famam in se concitant , & scanda la statim excitare posse creduntur . Ergo quis non intelligat , quanta sit necessitas eruditionis & scientiæ , ne Veritas laddatur , ac supprimatur , neve Superstition regnet ? Neque vero putas ad tantum negotium sufficere Scholasticorum Theologiam . Dogmatica heic opus est in primis , & non mediocri Controversiarum , quas cum Hæreticis habemus , peritia ; ita enim sinceris hominibus melius innotescit , qui sint fines tum vera Doctrina , tum Disciplinæ melioris , quos una Ecclesia Catholica fideliter servat ; Hæretici pertinaciter contrariis hinc inde sententiis , aut etiam ineruditæ incaute quidem , sed parum laudabiliter , prætergrediuntur . Itaque tum Conciliorum , tum Romanorum Pontificum , tum sanctorum Patrum documenta accurate consultenda sunt in hunc finem , & non facile deinde peccabitur . Tandem credendum est , posse Deum quidem tolerare , non autem probare Zelum sine Scientia delirantem ; nam ut ut ipsi pius affectus placeat , fieri tamen non potest , quin ipsi contra disciplinæ parum pius prodendæ hujus affectionis modus .

Dissimulare autem nequeo alterum Scientiæ neglegere , aut Ignorantia dominantis effectum in hominibus piis . Undique pericula ipsi timent , undique scandalum patiuntur .

Quoties homines Deo dicatos conspicunt æque ac Sæculi cultores , vitijs effluentes , & luxuria fœdos , & mammonæ potius quam Dei laudibus addictos : tum mirantur , ac horrent , atque ex intimis præcordiis dolent , ac indignantur suorum temporum conditionem . Si Episcopos , si Sacerdotes deprehendunt sanguini diligentius quam altari servientes , & ambitione turgidos , & sacris in suam rem abutentes , & Simonis veneno astillatos : quid non missant ? quid non conqueruntur ? Priora Ecclesiæ Sæcula ante eorum oculos , atque in eorum labiis continuo recurrunt . De Religione primæva multum excidisse tum dicitant . Immo in pietate nonnumquam frigescere idcirco illos videas ; sensim quippe decrescit in eorum animis veneratio atque existimatio non tantum Sacerdotalis ac Monastici Ordinis , sed Religionis ipsius . Eo etiam quandoque se rapi finunt , ut persuadere sibi nequeant , aut veram , aut sanctissimam esse Religionem illam , quam adeo inconditis moribus negare , & hocce pendere videntur illi , quarum præ ceteris esset tam & dictis probare & factis . Quid si apud Hæreticorum quosdam splendidiorem forte pietatis , aliarumque virtutum speciem intuentur : tum suspicio oboritur , ne apud illos germana , apud nos viatiata Religio habeatur . Et quidnam , quæso , tot populos a Catholicæ Ecclesiæ finu proxime præteritis sæculis abstraxit , & in Lutheri , aut Calvinii castra conjectat ? Ignorantia ista , Zelus iste ineruditus , & scandalii patiënti nimia facilitas . Tunc non erant (fatendum est) ii Sacerdotum mores , quos & Religio , & institutum vita poscebant . Superstitione aliqua in populis ; avaritia & luxuria in non paucis Ecclesiasticis viris , nimium prominebant , ut occultari , aut dissimulari jam possent . Igitur ubi adversus ista declamatum est , zelo Dei exarsit ineruditus populus , sibique censuit ab ea Ecclesia discedendum , cuius sanctitatem frustra requiebat in plerisque Pastoribus .

At miseri infelicissime errarunt . A Pastoribus fugientes , quos lupos credebant , sequuti sunt lupos Pastoralem præ se ferentes personam . Etenim undenam didicerunt , propter perversos Sacerdotum mores ab Ecclesia Dei veri secessionem esse faciendam ? Contendebant quidem eorum temporum Pseudoprophetæ , Romana quoque Ecclesiæ doctrinam esse corruptam . Verum quei de tantis momenti re , de qua etiamnum disputatur utrumque a doctissimis & clarissimis iugeniis , tam cito judicare potuerunt homines induti , rudes , & a studiis Theologiae prorsus alieni ? Morum corruptio tunc patentissima ,

ma , & Disciplinæ abusus , vel oculis plebis indocte conspicui , in causa fuerunt , ut doctrinam quoque Romanæ Ecclesiæ corruptam somniarent , & crederent . Ergo cavadum iis erat , ne scandala tantum in suis cordibus possent , ut non mores dumtaxat , sed etiam male moratos Pastores , ipsamque Pastorum Ecclesiam atque Religionem deserendam arbitrarentur . Id non caverendum minus deinceps ; erunt enim vitia , donec homines . Prædixerat quidem Christus Dominus futuram hanc morum corruptionem ; is tamen edixit , non esse nostrum , bonos pisces a malis separare , atque a tritico lollium . Ad ista sane nequit quin ingemiscat vir pius ac eruditus , sed nullum inde sibi scandalum creari patitur . Scandala quippe creat facinorum novitas ; hanc autem scientia , sive eruditio tollere potest ac solet . Apostolorum tempora intuere ; tria , immo quatuor , & quinque priora Ecclesiæ sœcula contemplare . Nunc imperita gens a Christianis iis , & præsertim ab Ecclesiæ Pastoribus , omnem iniquitatem exsulasse sibi persuadet : Secus testantur ipsæ Litteræ sacræ , ipsi sancti Patres , ac præcipue Cyprianus , Nazianzenus , Hieronymus , Salvianus . Subsequuta sunt tempora longe pejora prioribus , sed meliora tandem evasere , ut si Christiana Republica ætatis nostræ cum multis aliis præcedentibus Sæculis conferatur , habeat unde sibi jure gratuletur , & divinæ misericordiæ referat gratias .

Zelum ineruditum alterum illud incommodum fere semper consequitur , de quo alias conquesti sumus , & quod heic repetere non puto supervacaneum ; nimia videlicet formido , ne quicunque minus cum vulgo sapit , ac aliter loquitur quam vulgus , Religioni & Ecclesiæ sanctissimæ exitium creet . Nequit emunctoris naris Eruditus , qui abusus in Ecclesiasticam Disciplinam identidem irrepentes animadvertat ; quomodo enim maculae istæ se subducant oculis legentium monumenta summorum Pontificum , Conciliorum , & Patrum ? Ars Critica , necessarium in Ecclesia Dei flagellum ad imposturam omnem , erroresque tollendos , Eruditus homini interdum aperit , quæ sint confusa Miracula , qui Apocryphi ac supposititii Libri , quidve a magni etiam nominis Scriptoribus in Historia & Eruditione Ecclesiastica peccetur . Si quis tamen zelo secundum scientiam incitatus , quod Majores nostri cum laude fecerunt , facere & ipse velit , hoc est , aut voce aut scriptis hujusmodi abusus ac peccata prodat , atque eliminare nitatur , non modestiam , non prudentiam oblitus : ignara gestis non raro ex-

horrescit , & ejusmodi Eruditos suspicione gravat non temeritatis solum , sed etiam languentis Pietatis , Fideique etiam titubantis . Verum hisce Eruditis , ut cordi summopere esse debet , scandalis quantum fieri potest , occasionem omnem præripere , ita patienter ferenda sunt talia pia ignorantia deliria . Nullæ sunt , tametsi optimæ leges , nulla auctoritas legitima , quibus abuti non possit , ac soleat Magistratum incitria , ignorantia , impotentia . Sed non propterea optimæ leges abrogandæ , optima instituta vituperanda , quod iis abutantur nonnulli . Adversus hosce abusus , modeste tamens ac prudenter , scribere piis Eruditis licet , ut simul eorum odium , & Legum ac Magistratum reverentia inspiretur . Quod quum faciunt Erudi , iis esse debet satis , meliorem hominum partem , si non maiorem , suis habere faventem scriptis , zeloque plaudentem . Nimium quippe Ecclesiæ conductus tales Litteratos habere , Superstitionis , perverse Disciplinæ , piorumque commentorum inimicos , & Veritatis semper amantes . Hæc vera pietas est , hic germanus zelus , quem Catholici Episcopi in Conciliis ubique produnt , quem Patres commendant , & carum habet in primis Apostolica Sedes . Quæ consideratio mihi quoque animos addidit , ut quæ hac tenus disserui , dissimulanda non censerem , & spem fecit fore ut nemini saltem ex melioribus consilium meum displiceret , quando non ambitio , non captanda famæ , aut maledicendi pruritus ullus , non Pastorum Legumque rectissimarum contemnus , neque mei ipsius , sed unius Ecclesiæ , Religionisque Catholicæ amor , pro qua omnibus vigilandum esse puto , & ego lubentissime sanguinem darem , mihi ut hæc scriberem auctor fuit , utinam alicui utilia , utiliam nemini perniciosa .

Nemini , inquam , perniciosa ; nam in oppositum huic excessum atque abusum equidem sentio homines labi posse , atque interdum labi , vel quum in ipsius Catholicæ Ecclesiæ finu degunt . Est autem alter excessus licentia opinionum tum in Fidei ac Disciplinæ negotio , tum in Ecclesiastica Eruditione per tractanda . Facile intelligunt homines non rudi minerva , nimios interdum ac intolerabiles frenos adhiberi Ingeniis , vito videlicet Magistratum , sua potestate optimisque legibus abutentium . Sed æque deinde non intelligunt , qui sint legitimi freni , omnibus Christianis jure ferendi , & quousque procedere merito ac prudenter possit Ingeniorum libertas . Hinc ergo totius Antiquitatis , Sanctorumque Patrum , & Ecclesiæ ipsius contemptus ; hinc errores , ac temerariae opiniones ;

nes; sique in iis obfirmetur animus, hinc Schismata, ac Hæreses, a quibus tamen ut semper caveamus, non solicite solum monuit Apostolus, sed Caritas, Justitia, ac Prudentia apertissime præcipiunt. Hos autem Ingeniorum frenos itidem videor mihi satis expressisse in hoc Libro. Quare tandem rogo Lectores meos, ut non minus diligenter perspiciant, quid juris ac libertatis futurum sit Ingeniis humanis in tanti momenti rebus, quam quid freni. Utrumque Veritati nocere possumus, vel nimium, vel nimis parum nobis tribuendo. Quo doctiores erimus, magisque in Dogmatica, ac Polemica Theologia, atque in Eruditione antiqua versati, eo cauti ac moderatius in studiis ac opinionibus nostris procedemus. Ignorantia hinc; inde Superbia, supersticiosos pariter ac temerarios faciunt. Mediae stant Scientia, ac Humilitas Christiana. Faciunt ista Eruditos atque Theologos, vere perfectos ac religiosos. Illud autem certum est, nos numquam ex temeritate erratuimus, si magis, quam nos ipsos famamque nostram, diligamus decorum domus Dei, hoc est, amemus Ecclesiam Catholicam, ejusque tutelæ ac laudi ubique studeamus, ejusque iudicio omnia nostra cum dicta tum facta obsequientissime subjiciamus, ejusque Præsidibus sacris ad ubique obtemperandum paratissimi simus. Hoc votum est mihi, hoc mihi statutum. Similia a reliquis opto. Quis enim tandem fructus litterarum, si destruas, non ædifices? Evidem errare possum ex ingenii infirmitate, non possum ex obsequio ac voluntatis defectu.

Ne vero longiori sermone persequar, quid in his possit audere humanæ mentis ambitio, atque Ingeniorum licentia: instar omnium considerandum mihi elegi unum *Johannem Phereponum*, cujus *Animadversiones in Opera Sancti Augustini*, si non perpetuum, at

certe non leve præbent hujus infelicitatis argumentum atque exemplum. Et hominis quidem consilium ego non miror, quum potius mirandum esse debeat, cur non omnes ab Apostolicæ Sedis, Catholicæque Fidei doctrina & communione alieni, paria, immo pejora non audeant. Nam ubi Ecclesiam audire desieris, Conciliorumque ac Patrum excuserris obsequium, tuoque Judicio nullum aliud esse superius tibi persuadeas præter verbum Dei scriptum; quod uti experientia fidem facit, unusquisque ad arbitrium, captumque suum facile contorquere novit: quid te amplius impedit potest, quominus quodcumque lubet, quodcumque menti tuae verisimile occurrit, amplectare ac teneas, & contraria quæque despicias atque repudias? Phereponus autem ira se interdum contra Augustinum, immo contra omnium Catholicorum sententias gerit, ut qui ejus principiis utatur, atque licentiam opinandi imitetur, mirum sit, qui abstinere se jam possit ab oppugnandis in posterum vel ipsis Litteris sacris, sive a revocandis in dubium reliquis Christianæ Fidei Mysteriis. Nam quo non proruat relatus sibi hominum literatorum animus, & potissimum si Critica Arte, Linguarumque Orientalium peritia sit quisquam turgidus, & immoderate ad dubitandum de rebus quibuscumque pronus, & novitatis suarumque opinionum pertinacissimus amator? Pertinet igitur tum ad publicam utilitatem, tum ad Ecclesie sanctæ, & Augustini defensionem, tum etiam ad Eruditorum documentum, in tueri in Phereponi Animadversionibus nimiam Ingenii humani libertatem. Et ejus quidem sententias nonnullas, prout occasio tulit, hactenus confutavimus. Reliquas deinceps, quæ confutatione indigere videantur, singulatim recensebimus, & pro vitili profigare nitemur.



186

DE INGENIORUM MODERATIONE IN RELIGIONIS NEGOTIO.

LIBER TERTIUS.

CAPUT PRIMUM.

Quid de Peccato Originali sentiant Remonstrantes ac Sociniani. Nulla injustitia Deo tribuitur per Catholicorum sententiam de Originali Peccato. Quum potuerit Deus ab initio condere naturam hominis talem, qualis nunc nascitur, potuit etiam ex Adami Peccato sinere mala in hominum genus effluere. Auctoritate sacrarum Litterarum confirmatur Dogma de Originali Peccato. Apostoli locus ab interpretatione Phereponi vindicatus.

INITIUM facio a controversia de Peccato Originali, ex qua velut ex capite cupusdam catenæ, pendent reliquæ fere omnes controversiae de Gratia & libero Arbitrio, & de Natura innocentí, lapsa & reparato, quæ inter Pelagianos ac Semipelagianos ex una parte, Lutheranos & Calvinianos ex altera versantur, Catholicis medium iter tenentibus. Heic autem videas Arminianos, sive Remonstrantes, parum a Pelagio abludere; Socinianos cum eodem prorsus sapere, immo duriora, quam ipse tradidisse. Peccato originali inesse privationem Justitie originalis, & inordinatam ad peccandum proclivitatem, fatetur Johannes Arnoldus Corvinus, hoc est ex Remonstrantibus unus, in Lib. contra Molin. Cap. 8. pag. 118. Idem Remonstrantes in Apologia sua Cap. 7. fol. 84. addunt, Peccatum Adami a Deo imputatum dici posse posteris ejus, quatenus Deus posteros Adami eidem malo, cui Adamus per peccatum obnoxium se reddidit, obnoxios nasci voluit, &c. At postea subdunt, se peccatum originale nec habere pro peccato proprio dicto, quod posteros Adami odio Dei dignos faciat; nec pro malo, quod per modum proprie dicitur pœna ab Adamo in posteros dimanet. Quare peccatum hoc affirmant non audent

malum culpe, aut malum poena. Socinus vero in Praelectione Theolog. Cap. 4. & in Dialog. de Justific. tamquam fabulam Judaicam, & ab Antichristo in Ecclesiam introductam, Peccatum originis irridet, cui consonat Smalzius una cum reliquis ejusdem Socini associis, ita ut una eorum sententia esse videatur, nihil nisi exemplo posteris nocuisse Adamum peccantem. Arminianæ, an Socinum heic sequatur Phereponus, statuere nescio. Illud certum, ut in aliis opinionibus non paucis, ita in hac Pelagio adhærere Phereponum; & non Augustino tantum, sed Ecclesiæ Catholicæ ipsum patentissime adversari. Mihi vero certissimum est, idemque spero & Lectoribus aquis futurum, longissime ipsum a veritate recessisse.

Catholicorum doctrinam de Peccato Originali oppugnabat Julianus, quasi per ipsam infinita Dei Justitia laederetur. Quei enim justus Deus parentis primi culpam imputare velit posteris, eamque in nobis punire, quum tamen consensu voluntatis nostræ nihil ad ipsam contulerimus? Augustinus autem Lib. I. num. 3. Oper. Imperfct. contra Julianum ita scribebat: *Vos quod dicitis, potius non potestis illa justitie ratione defendi; quia miseria generis humani, a qua nullum homi-*

hominum ab exortu usque ad obitum videmus alienum, non pertinet ad Omnipotens justum judicium, si non est originale Peccatum. Igitur sanctus Doctor putabat, divinam Justitiam defendi non posse, nisi humanae corruptionis ac miseriae causam ab ipso hominum Peccato originali peteremus: quod & alibi sepe reperit. Ad haec Phereponus: At qui hoc tantum de infirmis aut pueris dicere debuit: nam maiores natu sat actualium peccatorum admittunt, ut bujus vite miseriae digni sit. Sed ponamus eum, ut debuit, de infantibus dumtaxat, aut pueris loquuntur. Peccatum originale, ut ab Augustino explicatur, commodam nullam rationem defendende Justitie divina suppeditat, cum qua nullo modo potest consistere, ut existimabant adversarii Augustini, quos nusquam recte confutavit. En expeditam viam cujuscumque quaestio[n]is dictimendae, quamquam difficillime, & inter ingenia praestantissima dudum agitata. Satis est pronuntiare sententiam dictatoria voce. Alii rationes excogitabunt, & argumenta contraria dissolvent.

Sed ut premissus Scriptori huic respondeamus, prius Lectori sedulo ad memoriam revocanda sunt quedam^{*}. Nemo est, qui vel in semetipso unius sentient innumeram cum animi, tum corporis mala, eaque omnibus communia non videat, tamque altis radicibus in nobis fixa, & ab ipsa statim nativitate pullulantia, ut ea homini ingonita fateri cogamur. Corpus, inquam, mille annis, doloribus, morbis, ac periculis, & morti denique obnoxium est. Animum ignorantia infelicitissima gravat, ac foedat. Proeni, & p[re]cane abrepti vel ab ipsa pueritia in Vitium, difficillimi & supra modum inertes ad Virtutem, terram semper cogitamus, raro cælum: & avaritia, luxuria, ac ambitione exstuant, voluptatibus unice studemus, commodisque nostris, licet inhonestis; pejora longe acturi, nisi nos humanarum potius quam divinarum legum terror compesceret. Hæc vel ipsi Christiani, & Sancti in se experiuntur, qui & aliam legem sentiunt in membris suis repugnantem legi mentis suæ, qui quotidie cum tentationibus conflictantur, & (* interdum) concupiscentia vincente vincuntur. Quanto autem magis tanta humani generis miseria, & ad peccandum proclivitas, & rebellio appetituum ac pugna in Rationem, emineat, & conspiciatur in barbaris, aut sine Lege, aut sine vera Christi Lege & Gratia viventibus, in comperto est. Non vacat heic va-

rios populorum mores, & innumeranda hominum vitia, & incommoda, oratione percurrere. Unusquisque sibi testis in re tam patenti esse potest. Illud dicam, vel ipsos Ethnicos, Aristotelem puta, ac Ciceronem, tantam hominum miseriam contemplantes, non potuisse quin exclamarent, naturam, (* non ut mater, sed ut noverca,) erga nos se gessisse. Hæc ubi considerata fuerint, vestigio suboritur in animis nostris sciendi ardor, unde tanta in nos malorum atque miseriariarum procella derivetur. Quum quisque sanus Manichæorum deliria irrideat, restat ut hominem vel ita a Deo in prima institutione creatum, vel propter culpam aliquam suam in tot incidisse miseras affirmemus. Prima sententia Pelagianos habuit patronos; altera Catholicos.

Pelagiani contendebant, quod & nunc eorum affecta Phereponus contendit, Catholicorum sententiam cum Justitia Dei consentire non posse. Contra, Augustino allisque Catholicis visa est Pelagiana opinio Ideæ, quam de Deo habemus, penitus contraria. Nam quo pacto Deus, qui hominem perfectum, rectum, ac felicem creare potuit, potius tam infirmum, vitiisque deditum, & alienum ab amore summi boni creare voluit? Quei opus manuum suarum vel ante peccata actualia miserum fecit, ejusque naturam in ipsa peccata adeo proclivem, & averbam a virtute creavit? Car posuit, ut habetur Ecclesiastici XL. Jugum grave super filios Adam a die exitus a ventre matris eorum? Immense Bonus, Sapiens & Benignus, id sine aliqua hominum culpa facere noluit; infinite Justus id facere non potuit. Hæc illi. Verum alii Theologi Catholicci, iisque potiori jure affirmarunt ac affirmant, potuisse Deum condere talcm ab initio hominem, qualis nunc nascitur. Ipsiusmet sanctus Augustinus in hac eadem sententia fuit; nam Lib. 3. de Lib. Arb. Cap. XX. ajebat: Si anima talis esse cœpit, non solum ante peccatum, sed ante omnem vitam suam, qualis alias post vitam culpabilem facta est; non parvum bonum habet, unde Conditor suo gratias agat. Lege reliqua. Idem Augustinus in Lib. 1. Cap. IX. Retract. eamdem sententiam confirmat, inquiens: Ignorantia, & difficultas (duo nempe hominum gravissima mala) etiam si essent hominis primordia naturalia, nec sic culpandus Deus, sed laudandus esset. Quæ Retractionum verba iterum repetit in Lib. de Bono Persever. Cap. XI.

Aa 2

Quod

* Al. sepe. Lectio interdum, verior.

** Al. non ut matrem, sed ut novercam.

Quod si justus & laudandus esset Deus, si talem, qualis nunc est, hominum naturam creasset, sive Phereponus, ut arbitrator, idem fatetur, immo contendit: quid est quod ipse, ejusque Majores Pelagiani, Justitiam divinam Catholicorum opinione dicitant laedi, & cogitatione assequi non posse videntur, quomodo Augustini hypothesis, immo thesis, consistere queat cum ejusdem divinae justitiae evidenterissima notione? Iisdem testibus, divinae Bonitatis atque Justitiae contrarium non est, naturam nostram ab initio tot subiectisse aerumnis, cum tanta proclivitate ad malum, tantaque difficultate ad bonum, tametsi nulla hominum culpa praecesserit. Ergo multo minus divinae Justitiae repugnat tot in nos mala congerere unius Peccati praecedentis intuitu. Justus ergo, & bonus, & laudandus in utraque hypothesi Deus. Hæc sola intercedit diversitas: quidquid Pelagiani adferre possunt pro tenuenda Justitia ac Bonitate divina in hypothesi sua, illud ad eamdem tuendam, in hypothesi Catholicorum inservit. Quidquid vero Catholici pro sua habent, non æque a Pelagianis pro sua opinione usurpari potest; facilius enim Catholici Justitiam ac Bonitatem Dei sartam nobis teatamque exhibent, tot humanæ naturæ miseriis non a primæva institutione ac voluntate Dei boni, sed a primorum parentum culpa derivatis, quam si talem, qualis nunc est, naturam ab initio creatam affirment. Et hoc sinceri, sagacesque viri non intelligere, nequeunt.

Restat ergo inquirendum, num revera humanam naturam Deus tam imbecillem ac miseram ab initio condiderit, quod Pelagiani opinantur; an ejusdem naturæ corruptio poena sit primi peccati, quod Catholici affirmant. Ut habetur Ecclesiast. VII. *Fecit Deus ab initio hominem rectum, & ad imaginem suam creavit, & in eximia beatitudine collocavit.* Deinde, quidquid nonnulli somnient, adeo perspicua sunt Genesis verba Cap. II. ut certissimum esse debeat, primos humani generis parentes, si divino præcepto parere voluissent (quo nihil facilius ipsis tum fuit), a naturali morte futuros fuisse immunes. Uti certum quoque est, peccarunt, eorumque inobedientiam sequuta est mortis naturalis inevitabilis poena, & querendi panis cum sudore necessitas, & partus feminæ dolores, & rebellio belluarum, quas hominum nutui subjecerat primus Creator, ut alia mala atque incomoda omittam. Experientia vero dubitare nos non finit, quin eadem mors, & multiplex calamitatuum genus in nobis eorum

posterioris perduret. Ergo nos juimus primi peccati poenas, luuntque vel ipsi infantes, quamquam nullius peccati actualis rei. Ergo primorum parentum culpa iratum & nos Deum sentimus, & peccasse cum Adamo quodammodo dicendi sumus; a qua ira & culpa nos liberare non potest, nisi regenerationis Sacramentum, & Gratia Christi Salvatoris. Propterea Regius Psaltes in Pf. L. ajebat: *Ecce in iniquitatibus conceptus sum, & in peccatis concepit me mater mea; vive in iniquitate, & in peccato, uti Hebraica Exemplaria habent.* Apostolus vero ad Ephes. II. *Eramus, inquit, & nos natura filii ire, scut, & ceteri.* καὶ ἡμεῖς τίκτηνται ὅπερις. Et ad Rom. III. *Omnis peccaverunt, & egent gloria Dei.* Etiam sanctus Johannes Cap. III. *Evang. Qui, ait, non credit in Filium, ita Dei manet super eum, μέρει εἰτ' αὐτῷ:* ubi vides non dici, iram Dei venire super eum, sed manere super eum, quia jam antea fuerat. Ut alia Scripturarum loca prætermittam, quæ in hanc rem afferri solent, memorabilem istum instar omnium referam, quem Apostolus ad Rom. Cap. V. 12. habet. *Propterea, inquit, scut per unum hominem peccatum in hunc mandum intravit, & per peccatum mors;* & ita in omnes homines mors pertransiit, in quo omnes peccaverunt. Quibus ex verbis intelligimus, cum Adamo omnes homines peccasse, & propter illud peccatum mortem in omnes homines pertransire, hoc est, communis mortis causam fuisse unius hominis, sive unius Adami peccatum. Infra idem Apostolus ait: *Sicut per inobedientiam unius hominis peccatores constituti sunt multi, ita per unius obedientiam iusti constituentur multi.* En Adami inobedientia, quæ una multis constituit peccatores, uti multos justos obedientia Christi. Vide reliqua ejusdem Cap. V. ad Rom. quæ Catholicorum sententiam disertissime produnt ac firmant, & sine ipsa recte explicari non possunt. Tandem accedit, vel antequam Pelagiana Hæresis exoriretur, & lis de Peccato Originali ferveret, veteres Patres non aliter quam Augustinus sensisse, quamquam parce admodum de illa re fuerint loquuti. Egregia in hanc rem occurruunt testimonia Jutini Martyris, Irenæi, Tertulliani, Origenis, Cypriani, Athanasii, Hilarii, Basilii, Ambrosii, Nazianzeni, Chrysostomi, Reticii, Olympii, & aliorum, quos prætero: ut dubitari non possit, quia antiquissima hæc sit Ecclesiæ veræ Traditio, cum divinis Scripturis omnino consentiens. Nunc videamus, an quidquam Phereponus proferat, quo tam antiquum, tantaque firmitate constitutum Dogma dejici possit.

Dixerat Augustinus Lib. de Corrept. & Gratia Cap. vi. Peccata quidem ista originalia ideo dicuntur aliena, quod ea singuli de parentibus trahunt; sed non sive causa dicuntur & nostra, quia in illo uno omnibus, sicut dicit Apostolus, peccaverunt. Excepit ista verba Phereponus animadversione hujusmodi. Verum in hac controversia nostra dicuntur, non tralatatio sensu, sed proprio, peccata; nam sermo heic est de peccatis, propter quo non tralatatis, sed proprio dicta pœnas, ex divina, hoc est, perfectissima iustitia, dare possumus; quia ab iis abstinere posuimus, ne us, nisi culpa nostra proprie dicta, succubuimus. Ceterum dicere pergit Phereponus, peccata parentum nostra dici non posse, ita ut propterea corripi & plecti jure queamus. Addit, neque Apostolum dicere, nos in Adamo peccasse, quemadmodum passim Græci sermonis imperitus dicitur Augustinus. Quid ut palam fiat, Apostoli verba Rom. V. 12. *ip̄o τὸν τένες ἡμάρτησον*, quæ vulgatus Interpres vertit, in quo omnes peccaverunt, Phereponus ipse vertit, quia omnes peccarunt. Cujus versionis rationem hanc reddit, inquiens: *Vertimus cum Desiderio Erasmo ip̄o*, *Quia, non In quo, quia* alioquin hiulca est ratio, & dura. Evidem, ut hinc inter instituamus, exspectabam ab homine Critico aut veterum Grecorum auctoritatem, aut rationes ex intima Lingua Græca peritia petitas, quibus hac sua Paulini loci Interpretatio confirmaretur. Sed ille unum nobis obtrudit Erasmum, virum certe in Græco sermone minime hospitem, sed in quaestione de *Peccato Originali* plane Pelagianum, quique nihil non molitus est, ut in aliud sensum hac, & superiora Apostoli verba invita detorqueret. Erasmi studium hac in re infelicissimum alii castigarunt. Verum quis stylum Pauli vel leviter novit, qui non etiam didicerit, similes sermonis structuras, duras in speciem, & parum (uti delicatis videtur) elegantes, Apostolo esse familiares? Deinde Theophylactus, Occumenius, & alii procul dubio Græcæ Lingæ peritissimi, *ip̄o* & interpretantur in quo Adamo. Quamobrem nisi qui ab anticipatis judiciis, turbidisque affectibus judicio uti prohibetur, nemo alias hoc in loco memorasset imperitiam Græci sermonis, eamque objecisset Augustino, verba ista cum Græcorum ipsorum consensu in quo interpretanti.

Quod tamen heic attentius considerandum est, illud est, val per ipsam Erasmi ac Phereponi interpretationem nihil roboris demi huic loco, sive huic fortissimo Catholicorum & Augustini arguento. Fingamus Apostolum dicere; sic & in omnes homines mors

transit, quia omnes peccabant. Non hic de solis peccatis actualibus loqui Paulus potest, ut Phereponus persuadere nobis vellot; nam quum dicat, morti omnes homines esse obnoxios, & re ipsa mori hac de causa, quod omnes peccarint; certumque sit, infantes nullius actualis peccati reos sâpe de vita decedere: necesse est, ut aliquod peccatum sit vel in ipsis infantibus, cujus caussa malum illud subeant. Hoc autem nullum aliud esse potest, quam primorum parentum inobedientia & culpa, propagata in posteros omnes, per quam peccatores constituti sunt vel infantes, & regnavit mors ab Adam usque ad Mosem, etiam in eos, qui non peccaverunt in similitudinem prævaricationis Adæ; quippe unius delictum in omnes homines in condemnationem. Nisi hoc statuas, sibi non constabit Apostolus, qui cum alibi appellat stipendium peccati Mortem, tum heic significare vult, ideo omnes homines mori, quia omnes peccarunt. Quare si nullum in infantibus peccatum admittamus, aut ipsi morituri non essent, aut argumentum Apostoli elumbe deprehenderetur. Sed Phereponus non ausus affirmare præfacte, germanam esse interpretationem suam, ad aliam anchoram se concavit. Fac, inquit, hoc non esse perspicuum: projecto verso quam sequitur Augustinus, non ita certa est, ut possit is locus, quasi clarus urgeri: quum præsentim ex eo ferme solo, aut potissimum, colligatur dogma, quod tot difficultatibus premitur, ut vix ullas alias maiores in dogmate Theologico invenire posse putem. Phereponus ego mente assequi non valet, quei Deus justissimus peccata parentum filiis tribuat, & in filiis puniat, quum filiorum voluntas nihil contulerit ad parentum inobedientiam; proinde alte clamat: *peccata parentum nostra dici nequeunt, ita ut propter ea corripi, & plecti jure queamus*. At nil mirum ista ab homine dici, cui non secus ac Socinianis, illud continuo perversum videtur, quod ingenio non placet, quamquam disertissimis, neque metaphoris verbis in Scriptura sacra enuntietur. Prope est ut dicam, nolle hujusmodi homines sentire, quod Paulus sentit; sed necesse esse ut Paulus sentiat, quod ipsis commodum videtur, & Deus agat, prout ipsis lobet. At profecto felicius faperent, si in simili causa dictum sibi ab Apostolo putarent Rom. IX. 20. *O homo, tu quis es, qui respondeas Deo?* Numquid dicit figuratum ei, qui se finxit: *Quid me fecisti sic?* &c. Et Cap. XI. 33. *O altitudo divitiarum,* &c. Quum lumini recta Rationis evidenter adversari deprehenduntur Scripturæ facie verba, tum certe commodum aliud sensum intime latentem inde

ju-

jubemur deducere. At quando ita composita sunt sacrarum Litterarum testimonia, ut patet, nihil aliud divinos Scriptores significare voluisse, quam quod verba sonant, & ad istam significationem accedit vetustissima Traditionis consensus, & Dogma illud supra quidem humanam Rationem est, sed non contra ipsam: tum nefas est eludere mentem divinorum Librorum non alia de causa, quam quod mente assequi non possumus consilia, & voluntatem, & opera Dei.

Ceterum ut ut fateamur in questione de Peccato Originali occurrere quædam non satis pervia hominum infirmæ Rationi, nihil tamen est, quod contra ipsam Rationem pugnet. Quum enim Peccatum istud consistat in privatione Iustitiae originalis, a justo Deo nequaquam abhorret, originali Iustitia privatos, homines nunc nasci causa primi peccati, quando justus itidem fuisse Deus, si vel ab initio, & ante Adami peccatum, eamdem nobis Iustitiam denegasset, camdemque, & animi, & rationis, & corporis infirmitatem in nobis regnare sivisset. Et omnium hominum revera Peccatum istud est, non actuale quidem, sed habituale, sive morale; nam Voluntates omnium hominum, non physique quidem, sed moraliter, conjunctæ sive cum Voluntate primi parentis, idque ex decreto & pacto Creatoris nostri. Quod profecto neque potentia, neque sapientia, ne-

que justitia Dei repugnat; nam ne in ipsis quidem terrenis universitatibus hujus rei exempla desunt, & in ipsis tamen justitiam minime desideramus, ut neque in divino Circumcisionis præcepto Gen. xvii. non inveniet, ut puto, Phereponus ipse. Apostolus autem diserte docet, in omnes homines per unius delictum condemnationem venisse, & omnes peccasse, & per inobedientiam unius hominis peccatores constitutos fuisse mul-tos, & mortem esse effectum, stipendum, & aculeum peccati: quæ omnia satis evin-cunt, ubi ad infantes interdum morientes respiciamus, Peccatum aliquod originale per propagationem ex Adamo in omnes descendere, & nostrum omnium esse appellandum. Tandem Peccatum istud in ratione culpa omnium levissimum est; neque necesse est credere, ipsum post corporis mortem parcum actualibus Peccatis supplicio esse puniendum; nam & ipse Augustinus Lib. i. de Peccator. merit. Cap. xvi. §. 21. ait: *Post proinde recte dici, parvulos sine Baptismo de corpore exeentes in damnatione omnium mitissima futuros.* Et Lib. v. Cap. xi. §. 44. contra Julianum, parvulos, ait, *sine Christi Baptismate morientes, non tanta pena esse plecendos: ut eis non nasci potius expediret, ipsisque in damnatione omnium levissima futuros:* (* qua de re mitius etiam Theologi Catholici nunc loquuntur.)

C A P U T II.

Infantes miseri causa unius Adami peccantis. Baptismus eis necessarius ex Traditione probatur. Antiquitas Sponsorum pro infantibus in Baptismo contra Phereponum ostenditur auctoritate Tertulliani, qui necessitatem Paedobaptismi agnovit. Et in veteri Lege parvulis Proselyris adhibitus Baptismus, O varia apud Judeos Baptismatum genera. Sanctus Cyprianus Peccati Originalis assertor perperam a Pherepono negatus.

Phereponus tamen, quod est ad infantes & pueros, alia opinione tenetur. Nam pag. 621. Anmadvers. in Op. Imperf. contra Jul. objicit sibi illorum miseras, que nobis argumentum præbent intelligendi originalis Peccati. Tum responderet: *Satis effet multo dicere, te nescire, cur innoxii miseri sunt, quam ut facias eos noxiis, inventire hypothesis, quæ tot difficultatibus laborat. Quasi Augustinus, aut alii hanc hypothesis in-veneriat, & eam antea non tradiderit Apo-*

stolus satis aperte. Multo satis effet, ut hoc repetam, Apostolo credere, & venerari di-vinum consilium, quam infirmæ Rationi tan-tum deferre, ut divinitus tradita nolis alia de causa credere, quam quod intelligere necias. Sed quid sunt, pergit Phereponus, he infantium puorumque brevissime mis-crie, si cum aeterna beatitudine, quibus eas Deus penat, conferantur? Nihil proferat, aut si quid nibilo possit esse minus. Itaque quod Deus eas ab illis in haec vita non amatitur,

* Haec omnia secundis cursis nuper addita.

mirum videri nequit. Hinc intelligimus, Phereponum infansibus ac pueris vel sine Sacramento regenerationis e vita decedentibus, æternam in Cælis beatitudinem liberatiter concedere. Non aësi sunt Pelagiani, nisi medium quemdam locum inter Cælorum regnum & Gehennam, assignare hujusmodi puerulis, felicem quidem, sed tamen ab æterna Cælitum felicitate alienissimum. Sociniani patere ipsis foris Cæli volunt, & exscreantur Pædobaptismum. Ministrari vero eisdem hoc Sacramentum in suis cætibus molestie non ferunt Remonstrantes; sed ipsum Sacramentum necessarium illis ad beatitudinem æternam non censem, anabaptistæ, Calvinistæ, aliique id genus Novatores ab ea opinione aut parum, aut nihil ablidunt. At ego (* minime) suscepi controversias omnes, qua inter Catholicos ex una, & in numerosos Hæreticos ex altera parte intercedunt, diffusa agitandas. Esset hoc majoris otii, ac instituti diversi. Jam vero, quod est ad questionem de Baptismi necessitate in ipsis parvulis, luculentissime illam complures e nostris expedire, afferentes loca quedam Scripturarum, & certissima quedam principia Orthodoxæ Religionis, e quibus recte deduci potest ista necessitas. Antiquissimam certe, atque adeo Apostolicam Traditionem, Pædobaptismi testem simul ac laudatricem habemus. Quare secundum Traditionis legitimam regulas, a Catholicis fortissime assertas, pueris ac infantibus necessarium est divinum lavacrum, ut Regnum Cælorum, si illa ætate decadent, consequi valeant.*

Quum tamen Phereponus pag. 405. in notis ad Epistolam Augustini XCVII. olim 120. §. 9. videatur aliquid dicere contra Pædobaptismi antiquitatem, epus verba audienda sunt: *Quis*, ait, *intelligat suscepit enim infans baptizandi, quem pro infante responderet Christo, hoc velle: Baptismum, vel Sacramentum fidei suscipio?* *Quis* non videt, primum formulam illam antiquam Baptismi esse institutionem in usum adulorum, qui soli primum Baptismum suscepient, *deinde translata etiam ad infantes?* Utique nos nequam videmus, quod tamen tanta confidentia Phereponus videndum affirmit. Meram conjecturam, omni veterum auctoritate substitutam, nescio qui velit homo ille, ut pro evidenti veritate accipiamus. Nos ab Apostolis ipsis, ut infantium Baptismum, ita & ritum spon-

dendi pro iis derivamus, tum quod id affirmant vetustissimi Patrum, cum etiam quod Ecclesia universa omnibus retro temporibus eam consuetudinem servavit. Quid contra Phereponus afferit, nisi unum illud, quod animo jam præjudicavit, & quod sponte concidat, si negetur? Operæ autem pretium est duorum veterum Scriptorum loca proferre, ne & nos sine tabulis ac auctoritate agere videamur. Sanctus Irenæus Lib. 2. Cap. 39. de Christo Domino hæc haberet: *Omnes venit per semetipsum salvare, omnes, inquam, qui per eum renascuntur in Deum, infantes, & parvulos, & pueros, & juvenes, & seniores.* Heic vides alludere Irenæum ad Salvatoris verba Johann. III. 5. *Nisi quis renatus fuerit ex aqua & Spiritu Sancto non potest introire in Regnum cælorum.* Vides, infantes, & parvulos per Christum renasci ex aqua, & Spiritu Sancto. Quod autem est ad infantium & puerorum Susceptores, audi Tertullianum in Lib. de Baptismo Cap. 18. suadentem, ut differatur in ætatem maturiorem Baptismus. Itaque, ait, *pro cuiusque persone conditione, ac dispositione, etiam etate, cunctatio Baptismi utilior est: præceptum tamen circa parvulos.* *Quid enim necesse est Sponsores etiam periculo ingeri? Quia & ipsi per mortalitatem destitutæ promissiones suas posseunt, & proventu male indolis falli.* Ergo Tertulliani etiam ævo obtinuisse, ac in usu fuisse patet, non infantium dumtaxat Baptismum, sed & formulam ab eorum susceptoriis nunc quoque adhibitam; ideo quippe Sponsores appellati fuere. Neutrum porro novitatis dannat Tertullianus. Quumque is altero dumtaxat ab Apostolorum morte saeculo vixerit; Irenæus vero ipsos Apostolorum auditores habuerit Magistros; & auctor uterque sit, Baptismum infantium in Ecclesia Dæi jam tunc fuisse usurpatum: quis non intelligat, ruere Phereponi sententiam atque conjecturam, & perperam ab Apostolorum ætate atque institutione sejungi Pædobaptismum, & formulam spondendi pro illis?

Sed, inquires, Pædobaptismus fuit vel Tertulliani ævo improbatus. Immo, ne quid dissimilem, afferam hæc ipsius Tertulliani verba ex Cap. eodem: *Quid festinat innocens etas ad remissionem peccatorum? Non hoc negamus. At hæc non tollunt, quin Ecclesiæ Catholicæ jam tum fuerit mos præter adul-*

* Al. non.

* Quæ heic & infra Cap. vi. §. Quæ sequuntur, noster Auctor ad Pædobaptismi antiquitatem propugnandum obicit Pherepono, adhuc Lector ad refellendum Colomesium, qui tum in Observationibus Saecris pag. 641. edit. Fabric. tum in Melange curieux pag. 830. Pædobaptismo iniquiorem se prodit. Nec mirum: nam ipsum Socini hæresim fuisse amplexum, auctor etiæ Belius in Lexico, ubi Colomesii memoriam persequitur.

adultos baptizandi etiam parvulos. Tertullianus ex propria sententia hunc morem sublatum cupit, ut alibi s^ep^e, ita & heic a suo effreni ingenio abrep*ti*s, & privatae opinioni nimis indulgens. Nam sanctus Cyprianus, & reliqui Patrum, atque Episcoporum, Baptismi in annos maiores ait in mortis periculum dilationem concorditer rejecere, laudato semper infantum Baptismo. Infra auctor est idem Tertullianus, Baptismum quoque imuptorum esse procrastinandum; & tandem absurde concludit: Si qui pondus intelligent Baptismi, magis timebunt confessionem, quam dilationem. Nullus Catholicon ita umquam sensit. Ceterum si mortis periculum ingrueret, minime negandum, aut differendum regenerationis Sacramentum, alibi docet ipse Tertullianus, & Cap. 12. ejusdem Libri de Bapt. fatetur, nemini sine Baptismo competere salutem; & in hoc eodem Cap. de parvulis, ait: Norint petere salutem, ut petenti dedisse videaris. Qua fari esse possunt, ut ex ejus quoque sententia necessitas & usus Baptismi vel in infantibus proberet. At ille vocat parvolorum etatem innocentem, hoc est ab actualibus peccatis immunem; nam ex hac ipsa rationis specie vel post Tertullianum, & quarto potissimum S^eculo, sanctissimum lavacrum differre consuerunt ex Christianis non pauci; & ipse Augustinus distulit, quamquam contagium mortis antiquae, & maculam originalem omnes faserentur omnibus Adae filiis inesse. Nisi periculum mortis Baptismum suscipere coegisset, ejus consequentio differebatur, quo peccata simul actualia postea delerentur. Quid? quod maculam originalem ne ipse quidem inficiatus est Tertullianus? Humanas certe animas non solum immundas, sed etiam peccatrices ille vocat, donec Baptismo Christi mundetur. Sunt ejus verba Lib. de Anima Cap. 40. *Omnis anima eiusque in Adam censetur, donec in Christo recenseatur: tamdiu immunda, quamdiu recenseatur.* Peccatrix autem, quia immunda, recipiens ignominiam ex carnis societate. Lib. I. Cap. 1. de cultu Feminar. ait, omnes mulieres de Eva trahere ignominiam primi delitti, & invidiām perditionis humanae. Vivit sententia Dei super sexum istum in hoc seculo, vivat & reatus neceſſe est. Et Cap. 3. de Testim. Animæ de Satana ait: Per quem homo a primordio circumventus, ut preceptum Dei excederet, & propterea in mortem datus, exinde totum genus de suo semine infectum, sua etiam damnationis traducem fecit. Lib. V. Cap. 17. contra Marcionem, hominem videlicet pestilentissimum, a quo Deus traducetur tamquam peccati auctor, ita idem

Tertullianus scribit: *Apostolus, iracundie filii fuimus, inquit, sed natura.... Quum dicit: Fuimus natura filii iracundie, ira filios ad naturam retulit, non ad Creatorem. Ad summam subfugens: Sicut & ceteri, qui utique filii Dei non sunt; apparel communis nature omnium hominum & delicia, & concupiscentias carnis, & incredulitatem, & iracundiam reputare; Diabolo tamen capiente naturam, quam & ipse jam infecti delicti semine illato. Hæc ea sunt, ut vel sine interprete prodere possint, Scriptorem Afrum diversam heic a ceteris Catholicis non induisse opinionem.*

Verum Phereponus in Animadv. ad Epist. CLVII. Augustini olim 89. §. 1. pag. 497. alia habet. Celebrem Apostoli locum Rom. V. supra a nobis productum Pelagianis opposuerat Augustinus, ut pote affirmantibus, sine peccato hominem nasci. Quid ad hac Phereponus? Hunc, inquit, locum Pauli pertinere ad adultos tantum, qui peccatum Adami imitantur, ostenderunt dudum, viro doctissimi. Tum paucis interiectis addit, eo confidentius heic loqui Augustinum, quo minus probare poterat, que heic habet. Lucas Pauli Rom. V. obscurior est, quam ut a tam proletario Interpreti explicari possit. Phereponum libenter interrogarem, num illum hominum ingenium ipse probet, qui nullum sibi frenum statuunt in Fidei questionibus, & pro suo modulo sentire, atque interpretari divinas Scripturas, constituant sua placita, tamquam certissima, vultu imperterritu venditare; adversarios vero non semel contemnere, eisque reponere pro rationibus contumelias. Verum, his dimissis, cuinam harum controversiarum perito persuadebit ille; dudum viros doctissimos ostendit, ad adults tantum pertinere locum illum Apostoli? Pelagiani quidem olim, tum Erasmus, aliquie ejus gregis sensere, Peccatum ex Adamo non propagatione, sed imitatione, in hunc mundum intrasse; & adults tantum, non quod filii sint Adami, sed quod ipsum imitati sint, omnes peccasse. At merum hoc fuit illorum commentum, ac effugium, & mera conjectura, quam sine ratione ulla gravi, sine majorum auctoritate excogitatam suæ opinioni accommodarunt, Apostoli mente, ejusque verborum sensu, ipsaque ratione reluctante, uti sanctus Augustinus variis in locis, & innumeris subinde Catholici, & plerique etiam e Protestantibus demonstrarunt: quod ignorare Phereponus nequaquam potest. Istius vero hominis nequeas non mirari ingenium, qui hinc ansam fulnit appellandi Augustini proletarii Interpretis. Videant alii, an viro liberali

ac honesto consentaneum sit hujusmodi conviciis excipere Augustinum incomparabilis ingenii, sanctitatis, & doctrinæ virum. Certe hic locus, minus etiam quam reliqui, contumelii patebat. Quamnam enim Lingua Græca imperitiam Augustino objicere hec possit? Nihil habet ille, quod eruditissimi deinde inter Catholicos Theologi ac Interpretes non habeant, & sentiendum decernant. Num audeat Phereponus proletarios Interpretes appellare tot clarissima ingenia in hac re Augustino concordia? Si non audet, cur sibi hec licitum putat, unum Augustinum tanto contemtu repellere, nihil tamen aliud sentientem, quam quod tot doctissimi viri sentiunt, ac sentiendum esse nos quoque brevibus nuper ostendebamus?

Numquam Augustinus probavit, infantibus Baptismum prescribi a Christo, aut Apostolis, ne pereant. Sunt haec ejusdem Phereponi verba pag. 497. ad ciratam Augustini Epistolam CLVII. olim 89. Similia habet ille ad Ep. CLXXV. olim 90. §. pag. 519. At Augustinus ostendit, non ex apertissimis quidem Christi, aut Apostolorum verbis scriptis, sed ex vetustissima Traditionis testimonio & universalis Ecclesiæ usu (ut alias rationes taceam) prescriptum a Christo fuisse parvorum Baptismum. Numquam vero Pelagiani ostenderunt, contrariam fuisse Christi, aut Apostolorum mentem. Utri parti nunc est credendum? Utra pars dicenda est inopia rationum laborare? Sincerus quisque fateatur, ad Pelagianos reddendæ rationis onus hec pertinere. Numquid enim minus Christo, & Apostolis Christi nomine aliquid scripto proponentibus, quam sine scriptis & per legitimam Traditionem loquentibus, habenda est fides? Novero palam fecimus, faltem per Traditionem sine scriptis Pædobaptismum ab Apostolis esse prescriptum. Probent Pelagiani, aliter se rem hanc habere; probent, nihil aliud credendum esse, quam quod in Scripturis sacris aperte propositum est; ostendant, futilem esse interpretationem nonnullorum Scripturæ locorum, e quibus Catholici deducunt necessitatem baptizandi parvulos. In hujusmodi questionibus illud nos usurpamus, quod vetustissimus Scriptor Tertullianus in simili ajebat Lib. de Corona cap. 3. *Hanc si nulla Scriptura determinavit, certe consuetudo corroboravit, que sine dubio de Traditione manavit.* Quomodo enim usurpari quid potest, si traditum prius non est? Etiam in Traditionis obtenu exigenda est, inquis, Autoritas scripta. Ergo queramus, an Traditio nisi scripta non debeat recipi. Lege reliqua; lege in hanc rem ceteros Patres. Præterea num stolidi, achoriones, ac amentes adulti a sacro fonte arcendi, quod

manifeste a Christo aue ab Apostolis prescriptum ipsis Baptismum non invenimus?

Corollarii loco ad ista accedat Circumcisio-nis consideratio, & antiquissimus Judæorum ritus in recipiendis ex Ethnicismo ad Mosis legem hominibus. Infantes ex veteris Legis præcepto in foedus Israeliticum ingredieban-tur per Sacramentum Circumcisionis, Deoque grati per ipsum constituebantur. Odium Dei, & poenæ etiam propositæ fuere in eos, quibus tale Sacramentum non conferebatur. Etiam si infantes non intelligerent, quam magnum bonum sibi inde contingere, ex pacto tamen Dei illud bonum in ipsis manare non cessabat. Quamobrem collatus quoque Baptismus parvulis, suum in ipsis producere effec-tum potest ac debet, vel sine actuali fide; neque adulta ætas illis expectanda est, ut sanctificantur, & Deo placeant; ipsisque sine lavacro sanctissimo decadentibus, æque ac adultis, deerit fœderis novi gratia in regenerationis Sacramento constituta. Deinde Baptismus Evangelicus, ut Eruditis quibusdam videtur, (* aliquid) novum apud Judæos non fuit. Quum enim Ethnici homines siebant geret sedech, hoc est, Profelyti Justitiae justi, atque inter Judæos cooptabantur, non sola Circumcisio, sed & Baptismus conferebatur eidem. Hinc apud Hebræos vul-gatum axioma: *Non est quis Profelytus, usque dum circumcidatur, & baptizetur,* שִׁסְׂלָה וַתְּבֻול אֵין נֶעֱשֶׂה. Maimonides in Issure Biyah C. 13. & alibi, Gemara Babylo-nica variis in locis, Moses Mikorzi Præcept. Negat. 116. R. Joseph Karo in Shulcan Aruch. Lib. Jore daa. Cap. 368. aliquique Judæi Scriptores, non solum testantur, vigore adhuc in Synagoga hunc morem, sed & ipsum referunt ad tempora usque Davidis ac Salomonis. Eo etiam pertinere potest locus quidam Arriani in Episcopatum Lib. 2. Cap. 9. Ex iisdem au-tem Hebraicis Auctoriibus pariter discimus, cum olim fuisse baptizatos, tum etiamnum baptizandos esse una cum parentibus parvulos Profelytos ex Synedrii sententia. Vide laudataem Gemaram Babylon. tit. Erubb. & ibi Glossam, & Maimonidem in Avadim Cap. 8. & Gemaram Hierosol. tit. Jevamoth, & Lightfootum, & alios Judaicæ eruditionis il-lustratores. Itaque uti sine Circumcisione, ita sine Baptismo, eoque unico, & ab aliis vulgaribus Judæorum lustrationibus ac lotio-nibus diverso, nemo vel antiquitus inter Profelytos describebatur. Quam Rabbino-rum Traditionem juvat exhibitus a Johanne Præcurso Baptismus, ut ad vitam novam Judæos perduceret. Non enim Synedrium ab eo per nuntios quæsivit, quid sibi vellet ille Baptismus, sed solum qua auctoritate

Bb ipse

* Al. quid.

ipse baptizaret. Dixerunt ei: (sunt verba Jo. I. 25.) Quid ergo baptizas, si tu non es Christus, neque Elias, neque Prophetas Sci-
Jicet illa baptizandi ratio nova non erat ac-
ignota, sed frequens ac usitata, & in par-
vulis usurpata. Propterea que miratus nemo
est tantum gentis confluxum ad Baptismum
Johannis. Apostolus quoque Heb. IX. 10.
commemorat varia Baptismata inter Judaos
usurpata.

Ergo generis humani Reparator Christus,
antiquata solum Circumcisione, Baptismum
retinuit, qualis in usu apud Judaos erat, non
rem novam instituens, sed jam usitatam, ad
aliud munus finemque nobiliorem erigens, &
vivifica vereque salutari gratia donans, ut
sicut olim ad Judaicam Religionem, ita in
posterum ad Christianam per verum hoc Sa-
cramentum transirent Infideles, atque iter-
um nascerentur. Ideoque nihil necesse erat,
conceptis verbis populo ac Apostolis praeci-
pere Paedobaptismum, sed fatis sicut genera-
liter indicere Baptismi usum, atque necessi-
tatem. Per saecula præcedentia, & Christi
etiam tempore, vulgatissima erat parvulo-
rum æque ac adulorum lustratio, quum ad
Religionem Dei veri, & ad regenerationem
transitus siebat. Satis ergo constabat, præ-
scriptio per Christum Baptismo, quis foret
abliendus. Atque ideo in re adeo nota su-
perflium erat hoc edicere, postquam dixerat
Iesus: *Nisi quis renatus fuerit ex aqua & Co.*
Si ejusmodi consuetudinem abolere ipse vo-
luisse, eam potius prohibere debuisse aper-
tis verbis. Recte itidem concicere hinc pos-
sumus, parvulos aliquot Christiano fonte fuisse
mundatos, quum, in Act. Apost. XVI. 15. &
33. paterfamilias baptizatus dicitur *cum o-
mni domo ejus*; aut saltē inserre licet,
parvulos, si aderant, & ipsos fuisse bapti-
zandos; hoc enim de more a Judais siebat,
quoties recipiebantur Proselyti. Quod enim
est ad locum Matth. XXVIII. 19. *Euntes ergo
docete omnes gentes, baptizantes eos, quem
Anabaptistæ nobis opponunt, quasi ii tan-
tum dicantur baptizandi, qui prius fuerint
edocti, evanescit ex vi Græcorum verborum.*
Μαθητεύοντες, inquit Christus, *πάντα τι
ἔδυν*. Hoc est, non proprio docete, sed di-
scipulos facite, scilicet in disciplinam meam,
& in foedus novum, per Sacramentum re-
generationis adducite omnes gentes. Tum
subsequitur *διδάσκοντες, docentes eos servare
omnia Co.* ut videas, Baptismum præire pos-
se doctrinæ, & Discipulos posse fieri illos
etiam, quos a discendo infirma ætas aver-
tit, quum ideo Discipuli per Baptismum
fiant, ut postea doceantur.

Quæ Phereponus notat ad Ep. CLVI. Augu-

stini pag. 408. consilia tantummodo sunt, &
phaleræ, & voces hominis, quibus nulla ra-
tio adnexa est, ne gravioribus titulis utar.
Si hoc pacto exhibilare adversariorum opinio-
nes, vincere quoque est: vicit Phereponus.
Sed merito exhibilandus ille; si unico *aut* *epo*,
& propositis tantummodo suis, hoc est exole-
tis Pelagianorum opinionibus, agitatissimas
Quæstiones se dirimere, & Sententias Catho-
licas tanto pondere stantes prostrernere posse
putat. Et tamen id ipsi in more positum est.
Pag. item 520. in notis ad Ep. CLXXVI. ite-
rum vellicare ille pergit docum Apostoli ad.
Rom. V. & *ἴσος ἐστιν καί*, vel *eo quod*, non
in quo contendit, exempla innuens in 2. ad
Cor. V. 4. & ad Philipp. III. 12. At in citato
loco Epist. 2. ad Cor. ego nihil tale repe-
rio. Alterum exemplum iis tenebris circum-
fusum est, ut adhuc rem nostram in medio
relinquat, quamquam non minus quam ante,
uti supra diximus, constet firmumque
sit Catholicorum dogma, tametsi Interpre-
tatio illa preferatur. Locum item alium
Epist. I. ad Cor. XV. 22. Catholicis erupturus
ad suam mentem explicat Phereponus, atque
ea ratione loca ista esse procul dubio explici-
canda persuasurus Lectoribus suis, monet, vi-
ros ac Theologos doctissimos ita sensisse atque
ostendisse. Hos autem etsi ille non nominet,
nemo non intelligit esse gregarios Pelagii,
Arminii, Socini, atque etiam Calvini. Ali-
bi quoque, hoc est pag. 549. locum Jo. III. 5.
Nisi quis renatus fuerit Co. memorans, satis
liquere ait, intelligendum de adultis tantum,
non autem & de infantibus. Nos contra affir-
mamus, longe doctiores viros tum inter Ca-
tholicos, tum inter ipsos Protestantes con-
trarium ostendisse, & ab ipsis prostrata jam-
dudum fuisse quælibet Pelagii commenta:
quam in rem & nos aliqua attulimus. Pro-
stant Libri. Nostris palmam negabit Phere-
ponus. Ipsam patiatur & nos negare suis.
Lectores sinceri, & nullo partium studio
adducti, dum omnia legerint, facile judica-
bunt, nos fumos non venditare, sed Apo-
stolicam doctrinam constanti ac universali
Ecclesiæ Traditione firmatam. Pag. 549. in
Animadv. ad Serm. CCXCVI. §. 6. 12. 17.
& 19. Phereponus que alibi non semel con-
tra Paedobaptismum, & Originalis peccati ve-
ritatem dixerat, aliis verbis repetit; quare
sine responsione dimittendus est.

Quod autem est ad sancti Cypriani verba
ex Epistola LXIV. ad Fidum, quibus sanctus
Augustinus utitur in eodem Sermone ad con-
firmandum Dogma de Originali Peccato, ea
tam perspicua sunt, ut sibi melius fuisse Cen-
for consulturus, si quæ ad ipsa eludenda ad-
sert, prorsus omisisset. *Quidni*, ait, *licuit*
Pe.

Pelagianis rejiceo Cypriani auctoritatem in hoc negotio; ut Augustino licuit, quod attinet ad Baptizatum Hæretorum? Tum addit, multo clarius, atque constantius sanctum Cyprianum affirmasse, Hæreticos esse baptizandos, quam dari Peccatum originis. Si Pelagiani licitum sibi censuissent, quod nost. o. um temporum Novatores contra fas omne licitum sibi putant, nempe non Cyprianum tantummodo, sed reliquos Patres, & omnem legitimam Traditionem respire, ac irridere: rejecerent profecto Cypriani auctoritatem in ista controversia, non exspectato Phereponi consilio. At illis, quam recentioribus Hæreticis, major erga sacras Traditiones reverentia erat, & melius intelligebatur, quam stabili quoque fundamento nitantur dogmata ab Apostolorum Traditione descendentia. Immonevros omnes intenderunt & ipsi, ut ostenderent Majorum Traditionem sibi potius, quam Augustino favere. Utcumque tamen Pelagianis in pretio fuerit vetustissima Traditionis auctoritas (non enim vietas dedere manus documentis in hanc rem ex Catholicorum parte productis) illud mihi certum, perperam a Pherepono componi auctoritatem Cypriani affirmantis Originale Peccatum, cum Cypriano contendente rursus baptizandos esse Hæreticos. In priore sententia nihil aliud affirmavit sanctus Cyprianus, quam quod universa tum ante se, tum post se ad Pelagium usque Ecclesiam Christi, quæ sub caelo est, affirmavit, & concorditer tradidit, & Pedobaptismo semper usurpato se credere significavit. Quamobrem Cypriani hac de re sententia non unius hominis erat, sed universæ Catholicae Ecclesiae sententia, atque adeo ineuctabili auctoritate constabat. Verum Cyprianus contendens, Hæreticos esse rebaptizandos, si Agrippinum, & Africanæ Dioecesis Episcopos, & nonnullos item Asiaticos Præsules excipias, qui Cypriano aut prævere, aut confessere, neminem alium ipse habuit sua opinionis assertorem. Non ipsa solum Ecclesiarum caput Romana Ecclesia, sed reliqua fere omnes cum Orientis, tum Occidentis Ecclesiae & Traditionem vetustissimam, & consuetudinem perennem Cypriano contrariam tenebant. Quid plura? Ne ipse quidem gloriósus Martyr Cyprianus in suis Conciliis negare potuit, quin consuetudo recipiendi sine Baptismo Hæreticos in Ecclesia Dei ante suam constitutionem obtineret. Itaque altera hæc Sancti Cypriani sententia paucorum erat, non Ecclesiae Catholicae sententia atque Traditionis; ac proinde licuit Augustino, immo necesse fuit heic Cypriani auctoritatem rejicare, ne veneranda torius Ecclesiae Catholicae, & Concilii universalis auctoritas, firmis-

simis etiam in ista questione armata rationibus, a se rejiceretur: quod Catholicos homini nefas perpetuo fuit.

Deinde non dicit (Cyprianus) in infantes transire ullam labem internam, qua eorum facultates sint vitiatae; sed tantum trahere eos contagionem mortis ab Adamo, quia ex patre mortali non nisi mortales nascuntur: quod multum abest a sententia Augustini. Sunt ista Phereponi verba, sed Phereponi litigare potius amantis, quam veritatis inveniendæ solliciti. In Cypriani verbis hæc nimium aperta est, ita ut aut ulro oculos clausiſe dicendus sit, aut oculis revera careat, qui eam non certnit. Ita scribit sanctus Cyprianus in laudata Epist. LXIV. ad Fidum scripta A. C. 253. Si etiam gravissimis delictoribus, & in Deum multum ante peccantibus, quum postea crediderint, remissa peccatorum datur, & a Baptismo atque a gratia nemo prohibetur: quanto magis prohiberi non debet infans, qui recens natus nihil peccavit, nisi quod secundum Adam carnaliter natus, contagium mortis antiquæ prima nativitate contraxit? qui ad remissam Peccatorum accipiendam hoc ipso facilius accedit, quod illi remittuntur non propria, sed aliena Peccata. Apertissime distinguit heic sanctus Episcopus infantes ab adultis. Hos actualium criminum reos dicit; illos unius tantum Peccati, quod posteri Originales deinde appellarent. Utrosque a Baptismo non esse prohibendos, affirmat, in quo gratia divina utriusque confertur, & datur Remissa Peccatorum. Quid est, quod Phereponus scribit, a Cypriano non dici, in infantes transire ullam labem internam, hoc est nullum animæ inhærens peccatum, sed mortis solum naturalis necessitatem? Cyprianus diserte pronuntiat, infantes nihil peccasse, nisi quod contagium mortis antiquæ prima nativitate contraxerunt; id est, non actualibus quidem culpis iram divinam in se concitasse, sed tamen esse reos Peccati primi parentis, quia ab ipso carnaliter sunt nati. Diserte, inquam, dicit, ipsos etiam peccasse, quia peccatum contraxere Adami. Dicit ipsos accipere Remissam peccatorum, ipsisque remitti, non propria, hoc est, non actualia, sed aliena peccata, id est peccatum Adami, qui actualiter peccando fecit, ut omnes posteti vel recens nati peccatores essent, ac indigerent remissione peccatorum per salutarem Baptismi aquam. Ut vero expresse Cyprianus ait, infantes ante suscepit Baptismum carere Gratia Dei, ita in eadem Epistola non semel addit, ipsos egere Misericordia Dei, eorumque animas sine Baptismo decedentes perdi. Quantum in nobis est, ait, si fieri potest nulla anima perdenda est. Si Adathi reatus

in infantibus habitat, si animæ illorum perduntur, ubi sine Baptismo' decedant, si que remissam peccatorum accipiunt: ergo necesse est, in infantes transire labem aliquam internam, atque Peccatum, quod animæ sit proprium. Necesitatem mortis corporeæ utique non tollit Baptismus; ergo tollit solum peccatum originale ex anima; atque hoc pacatum illud est, quod Cypriano dicitur *contagium mortis antiquæ*.

Sed Phereponus dicere pergit: *Denique rhetorice potius fortasse dixit remitti aliena peccata, quam didacticæ.* Ac sane nec imputari, nec remitti aliena peccata, si proprie loquamur, a justo judice possunt. Satis est, multa Oratorum Ecclesiasticorum dicta esse vel diluto sensu vera; quum satis constet, eos minime accurate loqui solitos. Habeat sibi Phereponus alibi Criticam istam regulam; nihil enim illa ad rem præsentem facere potest. Etsi rhetorice loquutus heic fuerit sanctus Cyprianus, ejus tamen mens apertissime se prodit, & sensus didacticus elucet: quod & contingit in reliquis Rhetoricis coloribus ab omni perito Rhetore abhibitis. Sed verbis didacticis, non rhetoriciis, heic doctrinam Catholicorum Catholicus Episcopus exprimit. Quum nihil boni aut mali egerint infantes, revera nullum proprium actuale peccatum habent, quod sibi remittatur. Ex Apostolica tamen ac universalis Ecclesiæ Traditione Peccatum habent, & indigent Gratia & gloria Dei. Hoc autem Peccatum nihil aliud est, quam Adami Peccatum in omnes homines descendens in condemnationem; alienum, quia non ab infantibus, sed a solis protoplastis actualiter perpetratum. Hinc proprie ac sine Rhetorico colore dictum est, *non propria, sed aliena peccata remitti parvulis unda salutari ablatis.* Ceterum, quod Phereponus tum heic, tum alibi eamdem ingeminat cantilenam, videlicet imputari a justo Deo aliena peccata non posse, quasi veteres ac recentes Catholicæ Ecclesiæ Theologi de tuenda Justitia Dei nihil soliciti, satis hoc nondum animadverterint: rogandi sunt Lectores, ut quod in hujus controversiæ exordio nos paucis innuimus, multoque magis quod sanctus Augustinus, sanctus Thomas, ceterique Patres ac Theologi nostri hanc in rem late conscripserent, legant. Tum enim intelligent, hæc rete cum divina Justitia componi, & contra non solum suis difficultatibus, quod attinet ad Providentiam, Bonitatem, ac Justitiam Dei labore sententiam Pelagianorum, sed ipsam quoque adversari Ecclesiæ totius Traditioni, & Apostoli verbis. Atque hactenus de hujusmodi controversia.

C A P U T III.

Concupiscentia non Bonum, sed Malum homini. Quid Libidinis generale nomen interdum apud Augustinum sonet. Libido carnis, qualis nunc est, malum Pœna, & non Peccatum proprium est. Non venit ab institutione naturæ innocentis, sed Peccati primi pœna fuit. Differt ab appetentia cibi & potus. Perniciosa homini, ut is animal rationale est. Pudor nuditatis in statu Naturæ innocentis locum non habuit, sed post Adami lapsum effluxit, & insitus nunc omnium naturæ. Fuisse & in terrestri Paradiso voluptas Carnis, sed non inimica aut infesta Rationi. Nisi Adamus peccasset, neque Libidini turbidæ, neque aliis malis obnoxium foret genus humanum, Scriptura teste.

Julianum Pelagianæ Hæresis primipilum cum alias ob causas sanctus Augustinus eloquentissime ac nervosissime exagitabat, tum ob illam in primis, quod se humanæ Concupiscentiæ atque Libidinis laudatorem præstisset. Postremis hisce temporibus inventi sunt, qui contra eundem Augustinum, immo contra Catholicam Ecclesiam, Julianum ejusque conclamatam sententiam iterum tuerentur, inter quos non ultimam aciem Phe reporus nunc ducit. In eo sita fuit con-

troversia. Julianus Concupiscentiam Bonum naturæ appellabat, quo Bono bene utitur, qui modum tenet; quo Bono male utitur, qui modum non tenet; quo Bono melius non utitur, qui etiam ipsum modum, sanctæ Virginitatis amore, contemperit. Augustinus contra, Concupiscentiam temper Malum esse contendebat; quare Lib. 3. adversus Julian. Cap. 21. ita reponebat: *Concupiscentie carnalis qui modum tenet, Malo bene utitur; qui modum non tenet, Malo male utitur; qui autem etiam ipsum*

sum modum sancte Virginitatis amore, contemperit, Malo melius non uitetur. Innumerata sunt, quae Augustinus variis in Libris, & bene longo sermone contexit, ut suam hanc sententiam confirmet. Sed nos, quae Phereponus contra habeat, jam recensēamus. Dixerat Augustinus in Lib. 1. Cap. 3. de libero Arbitrio, *Libidinem in Adulterio Malum esse.* Phereponus in Animadv. ad hunc locum pag. 482. primo dubium non esse ait, quin mala sit in adulterio Libido, sed non alia de causa, nisi quia adulterium ipsum est malum, quippe quod ab illo societas humana plane perturbetur, atque adeo vettum sit hominum causa, quibus vehementer nocet. Alioqui, deinde scribit, libido, seu cupiditas alterius sexus, nihil habet per se mali, si intra limites a Deo, immo & ab ipsa ratione, prescriptos maneat. Quare inquit, Augustinum minus commode indicaſſe, cur Malum sit adulterium, quum ejus malitia causam a Libidinis malitia derivavit. At Phereponus animadvertere attentius debuit, quid hoc in loco per Libidinis nomen significare voluerit sanctus Augustinus. Non cupiditatem luxuriosam, sive carnalem alterius sexus, sed qui-dem pravam quamcumque cupiditatem, atque concupiscentiam heic Libidinem appellavit. Ut enim idem Augustinus Lib. 14. Cap. 15. de Civit. Dei scribebat, *Libido generale vocabulum est omnis cupiditatis; immo & ira, & jactantia, & perviciacia, aliisque hujusmodi peruersis animi affectibus Cicerone teste convenit, quamquam pro venereo appetitu iustitiae accipiatur. Cupiditas, qua homo inclinatur ad aliquid appetendum contra Rationem, contra Iustitiam, Pietatem, Temporiantiam, aliasque Virtutes & contra Leges a Deo & a ratione constitutas, Libido est, Libido appellari potest.* Quae profecto concupiscentia, sive Libido, quum in adulterio quoque deprehendatur (iustitiam quippe, ac societatis humanæ jura, & Sacramenti fœdus, adulteri contemnit ac laedit) commode propterea & vere in ejus malitiam retulit Augustinus adulterii malitiam. Ipsem eodem Cap. 3. Lib. 1. de libero Arbitrio aperte prodit quid sentiat, ita scribens: *Ut intelligat Libidinem in adulterio Malum esse, si cui etiam non contingat facultas concubandi cum conjugie aliena, planum tamen aliquo modo sit, id eum CUPERE, & si potestas detur, facturum esse, non minus reus est, quam si in ipso facto deprehenderetur.* Vides non turbidum carnis motum, sed pravum animi affectum, sive alienum a ratione recta appetitum, vocabulo Libidinis heic designari. Tum addit Evodius: *Claram est enim, jam nihil aliud quam Libidinem in toto malefaciendi genere dominari.*

Cui protinus Augustinus: *Scisne etiam istam Libidinem alio nomine Cupiditatem vocari?* Melius ergo & commodius Libidinis pravitatem constituimus caußam illius pravitatis, quæ in adulterio est; fieri enim potest, ut quis sit adulteri, humanæque proinde societatis ordinem turbet, & nihilominus tum ipse, tum ejus opus culpa ac malitia careat: quod fit, quum ex ignorantia invincibili agitur. Et quare tunc adulterium malum non est, nisi quia tunc Libido, sive pravus animi appetitus, in ignoranter operante minime dominatur? Itaque nihil erat, cur heic Augustinum edocere meliora Phereponus vellet, multoque mihius cur in commendationem venereæ Libidinis transgredetur, cui nullus heic locus erat.

Sed quoniam illius oratio nos eo quoque abripit, videamus, quei probet novus iste Pelagianorum patronus, Libidinem carnis, sive Cupiditatem alterius sexus, nihil habere per se Mali. En eius verba p. 482. *Ita constituta sunt a Deo omnium animalium corpora, ut quum adoleverunt, ea Cupiditas in iis, mechanico impetu, excitetur, non aliter ac Cupiditas edendi aut bibendi. Confectarium est naturæ corporis, quale a Deo creatum est; ut ex brutis, & ex ipso consilio propagationis generum intelligere est.* Ratio igitur, quare Malum non sit dicenda Libido, si Pherepono credimus, ea est, quod naturalis motus sit, a Deo constitutus, nihil certe nisi Bonum creante. Eadem repetit ille, pag. 528. in Notis ad Lib. 9. Cap. 10. de Gen. ad Lit. Nam quum dixisset sanctus Augustinus, honestius meliusque credi, ita fuisse primorum parentum corpora constituta in terrestri Paradiso, ut appetitum carnalis voluptatis non haberent, qualem nunc habent ista corpora: Phereponus talia apponit: *Appetitus ille, ut liquet vel ex brutis, tam naturalis est, quam appetititia cibi aut potus, voluptasque quam experimur, quum comedimus esurientes, vel bibimus satientes. Non puto sane, quemquam dicturum, siim, aut famem, voluptatemque, quam iis explendis experimur, effectus esse peccati.* Figmenta mera sunt, que heic & alibi dicuntur. Ita brevibus rem expedit Phereponus, & longas Augustini commentationes levè negotio prosternit, & rotunda sententia exsiblat. Experiāmur, an bene sedeat homini isti confidentia tanta.

Quum Augustinus Libidinem carnis Malum appellat, animadverendum primo est, quo sensu illuc Mali nomen sit accipendum. Ut autem Augustinus ipse auctor est Lib. I. Cap. 1. de Lib. Arb. *Duobus modis appellare solemus Malum; uno, quum malequemquam fecisse dicimus; alio, quum mali aliquid esse per-*

perpeccum. Eo recidere potest, quamquam diverso sub intuitu, illa divisio Mali, quam idem Augustinus ac ceteri Theologi frequenter usurpat, nimurum aliud esse Malum culpe, aliud Malum pœnae. Prius malum inquit animum, Deoque hominem invisum facie, & Peccatum dicitur. Alterum tantummodo excruciat, aut ludit animum, sive corpus hominis. Certum est, Augustinum minime inter priora Mala, sed quidem inter secunda, computare Libidinem. Quamquam enim Concupiscentiam humanam generaliter sumtam, cuius pars ac species est ipsa carnalis Libido, Augustinus interdum cum Apostolo Peccatum vocet, numquam tamen aut Apostolus, aut Augustinus hujusmodi vocabulo significare voluerunt, Concupiscentiam vere & proprie Peccatum in hominibus esse; sed Peccatum ideo appellant, quia ex peccato est (originali videlicet) & ad peccatum inclinat, sicuti Synodus Tridentina nos docuit Sess. V. & ipse Augustinus antea docuerat Lib. 1. Cap. 13. de Nupt. & Concup. & in Libris contra Julianum, & Lib. 1. Cap. 12. contra duas Epistolas Pelag. & in aliis Libris. Proinde sublati omnibus in sacro Baptismate culpis, atque peccatis, adhuc restare in homine Concupiscentiam Augustinus affirmat; non quod propter ipsam rei amplius simus, sed ut cum ipsa configamus in posterum, ne siamus rei. Quamobrem, si Pherepono visus forte est Augustinus tunc Libidinem appellasse proprium ac verum Peccatum, quem eam in Malorum aciem resultit: scit, se quidem improbare Calvinus ac Lutheri commentum, non autem Augustini mentem.

Statuit igitur Augustinus adversus Pelagianos, Concupiscentiam & Libidinem carnis non esse naturale Dei donum, non esse a Deo creatam in primis parentibus talem, qualis post eorum peccatum fuit, & qualis adhuc sentitur ab hominibus. Primi peccati infelix fructus illa est, vitiumque corruptæ, non innocentis, Naturæ, ac propterea Malum Pœnae, Malum homini molestum, quo nos careremus, si culpa caruissent primi omnium parentes. Quis autem Libidinem qualem nunc in membris suis humanum genus sentit, naturale Bonum putet, qua nos ad peccandum pervicaciter incitat, qua contra legem mentis atque rationis tam saepe pugnat, qua continentia & virginitati infestissima est, quam quilibet vir pius sentire se dolet, ac porro sentire nollet, quodcum pudoris atque erubescientia materia est, atque argumentum? At hæc nihil Pherepono obstante, quominus inter naturalia Bona Libidinem referat. Appetitus ille, in-

quit, tam naturalis est, quam appetentia cibi aut potus. Mechanico autem impetu non minus brutorum, quam hominum corpora ad Libidinem, & per Libidinem ad generis propagationem moventur. Ergo non est effectus primi peccati Libido. Ita Phereponus. Quod est ad comparationem Libidinis cum fame & siti, respondemus, Cenforem demonstrare prius debuisse, famem quoque ac sitim, quales nunc ab hominibus sentiuntur, tales quoque futuras fuisse in innocentia statu, atque in illa summa felicitate, in qua Deus Adamum creavit. Ad Catholicam Eudem spectat credere, primos parentes morituros non fuisse, nisi peccasset. Quum fames, & siti, mala utique omnium iudicio in hoc præsentis hominum statu gravia, præter acerrimum dolorem, mortem quoque corpori inferre nunc possint: cur mechanica etiam vi homines, in terrestri Paradiso aliqui non morituros, compellere fames & siti non potuissent, atque interdum non compulissent ad mortem? Aut ergo Deus in statu naturæ innocentia famem & sitim, conlectaria naturæ corporis non fecit; aut si fecit, tales, quales nunc experimur, ne homo sentiret, effecit.

Sed ut a quæstione ista æquivocationem omnem removeamus, dicimus, hominem sub duplice ratione esse considerandum, nempe aut quatenus homo est animal, aut quatenus est animal ratione præditum. Nutriri, augeri, propagationem querere, delectari in operationibus sensitivis ac in ipsa Venere, & appetere cibum ac potum, & alia id genus, homini ut animali naturalia sunt, & in Adamo etiam fuere. Atque idcirco bona ea sunt a Deo, ut Bonum quoque a Deo emanantur vis generativa, & vasa generationis, & feminis efficacia, & honesta sensuum voluntas, & commixtio corporum ad licitam propagationem humani generis, atque alia ejusmodi. Immo genitalium motus Bonum naturæ in se est; numquam enim motum genitalium Augustinus reprehendit generaliter, tamquam naturæ malum ac vitium, ut Julianus eidem objicisbat, sed illum motum reprehendit, quem facit Concupiscentia, qua caro concupiscit adversus spiritum, quam velut bonum defendebat Julianus. Utor ipsius Augustini verbis lib. 4. Cap. 13. contra eundem Julianum. Secundo, in Libidine ac in aliis quibuscumque motibus animalitatis ac inferioris appetitus; considerari potest effrenis illa membrorum, & affectuum concitatio, quæ vel repugnante voluntate hominis sit in homine, quæ crudorem ingerit, & ad peccatum incitat ac rapit, ut ea faciamus quæ facere nollemus, mentemque ac rationem in actibus libi-

IN RELIG. NEGOTIO. LIB. III. CAP. III.

199

Libidinosis turbida sua delectatione absorbet, & de sua dignitate dejicit. Hoc illud est, quod Malum appellat Augustinus, & nos cum Augustino Malum esse homini, quatenus animal rationale est, affirmamus. Quo Malo in primi sceleris poenam multitati sunt posteri Adami, Deo non quidem hoc Malum creante, sed finente, ut efflueret e constitutio corporis divinis donis spoliari, postquam a divina gratia ac primæva innocentia Adamus peccando exciderat. Quapropter nihil est, quod Phereponus exemplum brutorum adhibeat, ostensurus, libidinosos humani corporis motus M̄lum non esse. In animalibus brutis nullum deformitatis sensum Libido creat, nihil pudoris ingerit, nihil cum ratione pugnat, quippe quod ratione pecudes ipsæ carent. Conformis potius eorum naturæ est hujusmodi motus concupiscentiæ, ut bonum quoque ac perfectum in iis appellari jure possit. At in animalibus ratione præditis, & ratione utentibus, Malum, vitium, defectus, & corruptio naturæ Libido est, quippe ad inhonestæ, & rationi contraria hominem sollicitans, & ad ea impellens, quæ naturam hominis, quatenus rationale animal est, omnino dederent: *In pecoribus*, inquit Augustinus Lib. 4. Cap. 13. contra Julianum, *malum non est Concupiscentia*, quia non adversus spiritum concupiscit, sed eorum potius oblectat spiritum. Vide & eundem Lib. de Pecc. Orig. Cap. 40. & Lib. Oper. imperf. Cap. 56. Ergo qui se hominem esse recordatur, non sentire, non fateri nequit, quin Concupiscentia carnis, qualis nunc sentitur, unde tot intestinas patimur pugnas, quas etiam Apostolus in se olim deplorabat, Malum sit homini, quatenus ratione prædicto, ejusque naturæ incommodum, ac vitium.

Quandoquidem vero negare ne nos quidem volumus, aut possumus, quin hujusmodi Malum in statu quoque naturæ puræ locum habere potuerit, ita ut culpanda ne sic quidem foret Creatoris justissimi voluntas, qui tale vitium ex corporis constitutione effluere vel in puris naturalibus permisisset; immo quum neque disceptare velimus, tantæ vires in statu Naturæ puræ carnali Concupiscentiæ esse potuerint, quantæ nunc a nobis sentiuntur; superest solum, ut inquiramus, feceritne Deus revera, an non, in primordio rerum hominem adeo inordinatis motibus Concupiscentiæ libidinosæ obnoxium. Phereponus cum Pelagianis affirmat. Catholici cum Augustino negant. Id ostendimus primo, quia magis decuit divinam bonitatem atque justitiam, ita hominem innocentem condere, ut corpus animo,

inferiora superioribus placide subdita forent; quod certe secus nunc evenit in isto corruptæ naturæ statu. Deinde quum constet, Adamum in maxima cum animi, tum corporis felicitate a Deo suisse creatum, quis eam in illius membris pugnam, cumque peccati somitem, easque Concupiscentiæ vires in illo suis credat, quæ nunc maximam vel hominibus piis & infelicitatem & periculum anima creant? Sed quod rem evidenter tangit, hæc de primis parentibus scripta sunt Gen. 2. v. 25. Erat autem uterque nudus, Adam scilicet, & uxor eius; & non erubescabant. Nihil igitur pudoris nuditas innocentibus hominibus attulerat non alia de causa, nisi quia nullum adhuc præter voluntatis arbitrium in membris suis motum, nullam carnis rebellionem, nullum intestinum membrorum bellum contra mentis legem fenserant. At postquam Deo inobedientes peccarunt, uti habetur Gen. 3. v. 7. Aperti sunt oculi amborum; quumque novis sent se esse nudos, confuerunt folia ficas, & fecerunt sibi perizomata. Profecto aliud novi in se, ac in membris suis animadvertere primi homines non potuere, cuius illos pudore inciperet, nisi Libidinis motus vel in vita voluntate factos. Tum sentire cœperunt sui peccati poenam, tum se divinis donis spoliatos reprehenderunt, tum puduit illos novæ deformitatis, ideoque perizomata, sive succinctoria, atque femoralia, חנְרָה chagoroth, sibi concinnarunt, ut suis aliorumque oculis pudoris aut lasciviae materiem subtraherent. Ergo tum primum nata est turbida illa Libido, infictaque hominibus primis in poenam primi peccati a justo Deo servare finitur in eorum posteris, quum antea non nisi ex imperio, aut consensu mentis atque rationis ea membra moverentur, quibus homo ad generationem utitur.

Quid quæsto ad hæc tam luculenta divinæ Scripturæ verba reponit Phereponus? Scriperat Augustinus Lib. 13. Cap. 13. de Civ. Dei hæc de primis parentibus: *Senserunt ergo novum metum inobedientis carnis suæ*, tamquam reciprocum poenam inobedientiæ suæ. Hujusmodi opinionem commentum Phereponus statim vocat. Tum ait pag. 583. Ne quid aliud heic dicam, non debuit dicere, senserunt, sed sensit Adamus; nam motus aut nullus fuit in Eva, aut certe minime conspicuus, & qui eam in ruborem dare posset. Telum hoc vetus est e Juliani pharetra petitum, sed ab Augustino jamdiu protritum Lib. 4. Cap. 13. contra eundem Julianum. Attamen quum nos moneat Censor, ut de nuditate primorum parentum cum alios Interpretes, tum præsertim Johannem Clericum

cum consulamus: illi habende gratiae, quod ex Interpretum vulgo aliquem felicit, in quem edocendi nos onus transferat. Et ego quidem novi Johannem Clericum, virum & eruditione & ingenio critico revera celebrem, sed licentia quoque opinandi aque famosum, adeoque in sanctos Patres animatum, ut quum ipsum audis, alterum, immo ipsum Phereponum audire te putas. Varias Interpres ille Interpretum sententias congerit ad explicandam primorum parentum nuditatem, & perizomata, tum probare videtur, qui dicat, *nudum in eo loco nihil aliud significare quam peccatorem, seu hominem, qui se peccasse animadverterit.* Nobis non irascatur Phereponus, si novum hunc suum divinarium Litterarum Interpretem dicimus interpretatione sua ridendos incredulis exhibere aut Mosem divinum illius Historia Scriptorem, aut ipsos parentes primos. Cognoverunt nempe isti se peccatores esse, atque ideo minus honestas corporis partes velavere cinctoriis; sive, ut ipse conjicit, tectum, sub quo habitarent, sibi composuerunt. Quis haec audiens non rideat aut hominum illorum consilium, aut Historici sacri ingenium? Nam quid rei habent perizomata consuta, & nudis membris aptata, aut habitaculum sibi constructum, cum cognitione antecedentis peccati? Num regere animae peccatum poterant nova illa integumenta membrorum? Sed Clericus nullam pudoris causam in Adami & Eva nuditate reperiebat, remotis nempe arbitris, & sine consensu voluntatis, atque ideo sine culpa nudis, aut etiam sine culpa ad libidinem concitatis membris. Phereponus vero, quum nullus, aut saltem non conspicuus, fuerit motus in Eva membris, nullum sentiri ab ea potuisse pudorem ait, eidemque propterea nullam tegendi corporis necessitatem fuisse. Verum nos cum Augustino dicimus, Eavam in membris suis intestinam novamque pugnam, ac inobedientiam sensisse. Sensit ipsa, quid conspicua viri nuditas in se intuente efficeret; & hinc didicit, quid vi-cissim in viro feminea nuditas efficere posset. Insolita haec erant, & nullo negotio in prænam criminis a Deo inficta fuisse uterque intellexit. Quare perizomatum ope deformatum hujusmodi auferendum, & subtrahendum oculis Adam excitatricem injusta libidinis nuditatem Eva quoque cognovit.

Ceterum quum pudor sit tristitia species & metu infamiae propter aliquod vitium aut culpam: quis non videat pudori locum fuisse in primis parentibus ad nigrum illum membrorum, ac libidinis affectum sine voluntatis

imperio excitatum? Præterea nonne & nos pudet, & merito pudet, alia quædam corporis vitia prodere, ac palam deferre, quando iis animi nostri vitium & peccatum causam dedit? Immo nos pudet etiam, & jure pudet, si quum facile possumus, non ea quoque oculis aliorum eripiamus, quæ aut molestiam doloremque ipsis creent absque utilitate ulla; aut eorum animos & sensus ad aliquid allicitant ac impellant, quod rationi rectæ minime conveniat; aut culpam tacite exprobrent; aut alicujus morbi, sive calamitatis nostræ, quam culpa adduxit voluntaria, & pellere voluntaria amplius medicina non potest, alias moneant. Tales pudoris caussas in se inenerunt Adamus & Eva, ubi se nudos conspexere, & noverunt, inobedientes carnis motus ex antecedenti peccato venire, & alienis oculis, phantasie, ac menti periculum se ingerere, & inobedientiam mentis per illos motus accusari. Qui antea innocentes membra sibi ad nutum obedientia habebant, & alterius nuditate conspecta nihil sentiebant in se, quod voluntati repugnaret, sive mentem de sua tranquillitate ac regno dejiceret, peccatores postea facti non potuerunt non pudore suffundi, quum ad aspectum nuditatis tam diversa in se experirentur; ideoque velandum censuerunt, quod eorum quoque posteri velandum nunc centent, ab ipsa natura edoti. Nunc audi Augustinum ipsum Lib. 4. Cap. 13. contra Julianum. *Quid autem de motu feminæ, cuius & ipsam puduit, inaniter argumentandum putasti? Non utique femina motum visibilem texit, sed quum in eisdem membris tale aliquid sentiret occultius, quale vir senserat, ambo texerunt, quod alterutrum videndo in alterutrum commoti ambo senserunt, & vel unusquisque sibi, vel alter alteri erubuerunt.*

Phereponus tamen insitum fuisse nobis a natura morem istum operiendi pudenda tacite negat in Notis ad Cap. 17. Lib. 14. de Civ. Dei. Augustinum enim affirmantem, vel apud ipsos Barbaros, atque Brachmanes in more id esse positum, non vera narrasse nos monet, pag. 585. quum in Africa atque America sint gentes plane nudæ, ut ex oculatis testibus ipse didicit. Sed quamvis populi nonnulli sint, qui nudo penitus corpore adhuc incantant, num ideo minus verum, nos a natura edoceri inhonesta illa membra velare? Alioquin non comedere humanas carnes, non mastare senes, sive ipsos etiam parentes, ut senectutis incommodis eripiantur, & abstinere a rapinis, cædibus, aliisque terribilis ac vituperandis moribus, ne inter leges quidem naturæ referremus; sunt enim

enim quidam in Africa & America integri populi, qui talia adhuc faciunt, & sine pudore faciunt, sive quod licita censeant, sive quod habitu in iniquitate firmato pervenerint ad exundum, sive non sentiendum qualcumque in iis operibus pudorem. Ergo quod adhuc vivant quædam gentes moribus barbaræ, numero paucæ, quibus pudori non sit nudis plane membris incedere, nihil impedit, quominus dicendus sit institutus nobis nuditatis pudor, quando aliqui, iisque cultiores, & innumerii populi, nostram in sententiam exemplo suo convenientur.

Verum Phereponus, quamquam concedat, pudorem nuditatis inde partim ortum videri, unde dicit Augustinus; attamen addit, multis alias accessisse obregendi corporis causas, videlicet ne liberis exemplo pessimo, & pravo ad intempestivam luxuriam incitamento foret parentum nudorum aspectus; ne fœdum quid singulis membris feminæ exhiberent; ne conjugati ad adulteria excitarentur. Subinde vero scribit: *Hinc paulatim natus nuditatis pudor, hoc est e caussis, & rationibus, quas ipse Phereponus refert, non quas Augustinus affert.* At nos vel ante istas causas a Pherepono memoratas, quando certe neque liberi Adamo, neque alii conjuges præter Adamum, & Eam erant, ortum habuisse nuditatis pudorem dicimus ex fide Litterarum sacrarum, quæ mentiri non possunt, & quas non satis animadvertisit Phereponus, quantopere ipse per latus oppugner, ac vulneret, & dubia fidei faciat, quum talia scribit. Nihil hec dico de latebris vel ipsi conjugali copula merito quæstis, quas ideo tantum Phereponus tolerat aut probat, quod avertendi sint liberi ab eo periculo asperetu, non autem quod ipsa res, in se spectata, pudenda sit. Quasi liberis solis, & non quibuscumque aliis hominibus, hæc sint abscondenda; & quasi hoc ipsum satis non ostendat, aliquod naturæ vitium in iis actibus esse, qui ad impudiciatum, & ad scelerá, si conspiciantur, reliquos accendere possunt; & quasi ea res pudenda non sit, quam subsequitur agentis infamia, nisi remotis arbitris ac testibus fiat. Hæc leviter excusisse fit satis.

Accuriosus Pherepono respondendum est Irridenti Augustinum, qui Cap. 23. Lib. 14. de Civ. Dei agens de ratione, qua in statu naturæ innocentis propagatum fuisset genus humanum, ita scripsit. *Voluntati membra illa, ut cetera omnia, servirent. Ita genitale arvum vas in hoc opus creatum seminaret, ut nunc terram manus.* Ad quam statim Phereponus pag. 586. *Hoc est, sine*

*ullo voluptatis appetitu; nam eam libidinem vult Augustinus esse peccatum. Non exaggeret quoq[ue] Censor noster, non imponat lectoribus credulis. Fuisset etiam in innocentiae statu sua sensibus & carni voluptas, sed quæmentem non obrueret, sed quæ rationem in sua tranquillitate relinquere, non qualis nunc sentitur, turbida, immoderata, & hominem ad belluarum conditionem dejiciens. Fuisset & voluptatis appetitus, sed rationi omnino obtemperans atque subjectus; & homo voluptatem appetiisset, non tamquam finem, sed tamquam medium ad ea, quæ instituto suo, ac homini ut rationali convenirent. Hæc Augustinus non negat, qui & Cap. 26. ejusdem Libri 14. de Civitate Dei hæc scribit: *Absit, ut Juspiciemur, non potuisse prolem seri sine libidinis morbo: sed eo voluntatis nutu moverentur illa membra, quo cetera, & sine ardore illecebrosa stimulo cum tranquillitate animi & corporis.* Et Lib. 4. Cap. 2. contra Jul. *Quis negat futurum fuisse concubitum, etiam si peccatum non praecessisset? Sed futurus fuerat, sicut aliis membris, ita etiam genitalibus voluntate motis, non Libidine concitatis, aut certe etiam ipsa Libidine, non qualis nunc est, sed ad nutum voluntarium serviente.* Bodem autem Lib. Cap. 14. acute distinguit a vivacitate, utilitate, & necessitate sentiendi, Libidinem tentandi. Tum infra, nō nimium, inquit, videamus offendere homines, qui voluptatem corporis quoniamcumque defendunt, concedit, credi posse, in illo tanta felicitatis loco carnalium sensuum fuisse Libidinem, sed ita ut omnimodo rationali subdita voluntati, non alias adesse, nisi quum per illum vel saluti esset corporis, vel stirpis propagini consulendum; & tanta adesse, ut nulla ex parte mentem de supernarum cogitationum delectatione deponeret &c. Vide & Lib. I. Cap. 17. contra duas Epist. Pelag. Ab innocentis igitur Adami conditione exclude illecebrosum illum ardoris stimulum, qui nunc solum homine invito membra movet, sed etiam adversus mentis legem pugnat, Rationemque reluctantem non raro sibi subjicit, ac turbida delectatione absorbet, & Libido carnis appellatur. Cetera quibus generationis opus compleetur, a terrestris Paradisi felicitate non absuissent. Immo tunc, ut sanctus Thomas T. 1. Summæ qu. 98. Art. 2. ad 3. inquit: *Fuisset major delectatio sensibilis, quanto esset purior natura, & corpus magis sensibile.* Denique Augustinus libidinem carnis ita Peccatum quandoque nominat, uti Apostolus Concupiscentiam Peccatum appellavit; nimur hon ut is inferioris partis motus*

Cc for-

formale Peccatum, & culpa sit, sed quod ad Peccatum & culpam inclinet; & tunc dumtaxat proprium & verum fiat Peccatum, quum ad illicita ac inhonesta voluntatem rapit. Jam id supra nos demonstravimus. Quare videat Phereponus, se aerem verbere, & sibi larvas effingere, ut cum iis digladietur. Quum Augustinus ait, ita seminandum fuisse genitale arvum, ut nunc terram seminat manus, obedientiam tantum exprimere voluit membrorum generationi inservientium, qualem humanæ menti præstat manus, non autem e sensibus delectationem moderatam exclusit, quam tamen in innocentiae statu nihil Rationi perniciosa futuram fuisse putamus.

Quamobrem inania plane sunt, quæ postea Phereponus congerit, ita scribens pag. 586. Eadem opera dicere debuisset (Augustinus) appetitum cibi grati peccatum esse, nec primos parentes, quum fructus dicitos & jucundos comederant, ulla voluptate titillatos fuisse. &c. Addere etiam eum oportuisset, bruta, quorum organa nostris non absimilata sunt, nullam querere in naturalibus actionibus voluptatem, nam sane non peccarunt; sed iis defungi sponte naturæ, sine ulla penitus cupiditate. Non hæc certe absurdâ dicere debuit Augustinus, quia nusquam, nisi in Phereponi cerebro, dixit, sine ulla voluptatis appetitu, & sine ulla delectatione sensuum innocentes homines prolem fuisse seminaturos, & numquam docuit Libidinem ipsam proprie Peccatum esse, nisi eidem contra Legis edicta obediatur. Et minor, qui toties Phereponus comparationem instituit inter pecudes ac animalia ratione prædicta, neque consideret, multa esse homini quidem & brutis communia, quæ tamen in brutis, quippe Ratione destitutis, laudanda sint, aut saltem non vituperanda, in hominibus autem Ratione utentibus & scđa sint, & vituperanda, & rationali creatura prorsus indigna. Aliud enim est ariensis, & aliud Publii Africani bonum, olim Cicero ajebat. Sed minus tolerandis declamationibus hæc de Augustino scribere pergit nuperus Censor: Postquam Deum plane alium descripsit, ac est, quamque a Scriptura nobis præpingitur: toti etiam naturæ vim infert, ut possit pravas Interpretationes obscurorum aliquot Scriptura locorum tueri. Ubinam Deum Augustinus describit alium, ac est? Ubinam, & qualem naturæ vim infert? Et quænam sunt obscura illa Scripturarum loca, quibus abutitur, ut cælum terramque milceat? Sed hæc ut sine magno labore interfuerunt a confidentissimo ho-

mine illo, ita a nobis nullo labore negata suæpote natura cadunt.

Ab eodem fonte veniunt subseqüentes Censoris nota ad Cap. 24. Lib. 14. de Civ. Dñi. Augustinus, inquit ille, turpia commenda heic nobis propinat, dumtaxat ut rationem reddat rei, quæ nec fuit, nec erit; vimirum, generationis liberorum in statu innocentie, si in eo primi parentes perseverassent; & quidem quia statutus peccatum id esse, quod inest naturæ omnium animalium, nec usquam damnat, si modo intra leges contingatur: nimur Cupiditatem conjugis, postquam pueritatis annos attigerunt. Nihil horum sensit Augustinus, immo oppositum sensit, ei que talia absurdâ unus pro sua liberalitate affingit Phereponus. Neque enim Cupiditatem conjugij umquam Libidinem Augustinus appellavit, multoque minus culpæ damnavit. Alia fuit ipsi, & plane diversissima carnalis Libidinis idea. Immo vidimus, ne turpem quidem Libidinis æstum, contra nutum voluntatis membra moventem, & adversus spiritum pugnantem, verum & proprium Peccatum ab Augustino censeri, nisi quum voluntas se abipi finit ad consentendum illicitis. Pelagianis ergo oculis, & exulcerato animo, & apud Calvinianos tantum Interpretes, Libros Augustini Phereponus legisse videtur.

Sed ut istam denique controversiam expediamus, & uberiori constet, quam contra omnem rationem heic Augustino Phereponus insultet: dicimus, verum quidem esse, humanam mentem atque rationem ex constitutione naturæ habere non posse, neque debere semper ad nutum suum obedientes corporis vires, motus, humores, somnum, appetitus, & alia; quæ ad vegetabilem, & animalem, & mechanicam membrorum œconomiam pertinent. Naturaliter etiam accidit, ut caro sua munia exercens, & in delectationes sibi congruas tendens, adversus spiritum concupiscat, & ingratos ac perniciosos tum animæ, tum rationi motus eliciat. Poterat & istud contingere in statu Naturæ puræ, non ex culpa sapientissimi atque optimi Creatoris, sed ex elementorum compage & discordia, atque ex ipsius Naturæ creatæ defectu. At certum est nobis aliter institutam fuisse a Deo Naturam primi hominis, hoc est, peculiari divinæ Gratiae prærogativa, & supranaturali freno ira contemporatam atque firmatam, ut non sineretur raro quidquam pugnare, neque doloribus, neque pravis affectibus, adversus mentem atque rationem, quum Anima pariter & Corpus mirabili tunc fruerentur tran-

tranquillitate atque harmonia. Peccavere pri-
mi parentes. Tunc sublatum fuit illud ca-
lestis Gratiae frenum, tunc desit peculiare
illud muneris divini præsidium. Quare in
homine (* sibi) cum naturalibus relicto sua-
pte natura emersere tot illi defectus, vitia,
& pravi appetitus tum Corporis, tum Ani-
mæ, quæ ab omnibus Adami posteris sen-
tiuntur adhuc, & graviora fiunt, quando
ad originales Peccatum actualia etiam crimi-
na accidunt. Itaque per nos etiam liceat
Pherepono, tum famem, sitim, & libidi-
nem, tum alios corporis motus mechanicos,
nunc Naturæ humanæ & spiritui plerumque
graves ac infestos, appellare sub ea ratione
defectus naturales hominis, quia ab ipsa ho-
minis Natura sibi relata, & non (** a
Deo tali creata) procedunt. Liceat, in-
quam, ipsi, dummodo is quoque fateatur,
aliter e divinis manibus innocentis hominis
Naturam exiisse, hoc est, invidenda felici-
tate Corporis præditam, & forti Rationis
imperio in inferiorem appetitum donatam;
tot vero Corporis ærumnas, & pravos ac
effrenes Animorum affectus, quibus obnoxii
nunc sumus, a primi hominis inobedientia
fluxisse, & esse Peccati illius poenam, at-
que adeo sub hac ratione dicendos non esse
naturales humanæ Naturæ defectus. Hæc Au-
gustini sententia est, hæc sententia veracis
Ecclesiæ.

Quum ergo dicit Augustinus, turbidum
Libidinis æstum nunc humanæ naturæ com-
munem cum brutis, absuturum fuisse a statu
originali justitia primorum parentum, nisi
eos de tanta loci & naturæ beatitate dejec-
tisset divini præcepti violatio: quid quiso
dicit, quod non facillimum Deo & ejus boni-
tati convenientissimum fuerit facere, & Na-
turæ humanæ contingere, Deo volente, non
potuerit? Deum autem & hoc revera volu-
ntate, & revera secisse, nemo nisi Pelagiana
vertigine præoccupatus, non perspiciat aperi-
tissime scriptum in sacris Litteris. Ex humo-
rum pugna, & corruptione, atque ex me-
chanicis legibus nunc ex Anima omnium ho-
minum solvit Corpus, quam dissolutionem

mortem appellamus. Et tamen nisi vetitum
comedisset pomum, mortem primus parentes
nullam sensisset, uti Deus Gen. II. 17. polli-
citus fuerat, atque adeo nullus e tot aliis
mechanicis motibus, hoc est, morbis, &
periculis, quæ hominem ad mortem com-
pellunt, tunc futurus erat. Motu quoque
mechanico, & natura Corporis ita ferente,
nunc parientes mulieres gravi dolore tor-
quentur. At innocens Eva nihil tale sensisset.
Ex naturali etiam terrarum ingenio nunc tri-
buli & spinae emergunt; homines vero in
sudore vultus sui vesci pane coguntur: quæ
tamen omnia ab innocentis Naturæ statu ab-
futura fuisse didicimus Gen. Cap. III. Si tot
ergo prærogativis primorum parentum cor-
poralem vitam donavit Deus: quanto majoribus
eorum vitam spiritalem, hoc est Animam,
ditasse credendus est; ut nempe Ra-
tioni prorsus obtemperaret, & subiecta esset
caro, nullumque motum ederet, quo tran-
quillitas & sanitas Rationis beatissimo illo tem-
pore laederetur? Et ad ipsam Libidinem sœdam
quod attinet, cuius effrenem impetum, &
voluntati obluctantem, & rationi rebellem,
nunc nemo non sentit, cuius neminem ho-
nesta discernentem non pudet, immo non pi-
get, nonne satis aperte innuunt divinæ Litteræ
ipsa quoque caruisse primos parentes,
quando nullus eos nuditatis pudor ante pec-
catum urgebat; post peccatum vero ita in-
vasit, ut illico *inboneſta* corporis membra
(quo etiam epitheto verenda Apostolus ipse
distinguit in I. ad Cor. XII.) femoralibus ope-
ruerint? Hæc serio perpende. Lege itidem,
quæ Augustinus non uno in loco de hac re
luculentissime conscripsit, & potissimum Lib.
2. Cap. 30. de Nupt. & Concup. & contra
Julian. Lib. 3. 4. 5. & de Civ. Dei Lib. 14.
& contra duas Epistolas Pelagianorum. Tum
vero palam fiet, tantum abesse, ut Augustini
& Catholicorum sententia ullam naturæ
vim inferat; ut qui inter Christianos fecer-
sentiat, & sequi heic velit sive Pelagianos,
sive Phereponum, atque Socinum, manife-
stam vim auctorati divinarum Scripturarum
inferre deprehendatur.

* Al. *Suis*. ** Al. *a Deo creata*.

C A P U T IV.

Phereponus Pelagii Patronus. Episcopi Catholici propter damnatum Pelagium perperam injustitiae accusati. Liberum Arbitrium revera a Pelagianis inflatum. De qua Gratia Dei disputaretur inter Catholicos atque Pelagium. Post Augustinum non adoptatae in Ecclesia Catholica Pelagii Opiniones. Consectaria quædam dura a Pelagianis, & a Pherepono objecta, minime admissa in Augustiniana Sententia de Gratia & libero Arbitrio. Quam Gratiam negaret Pelagius. Africani Patres a Semipelagianismi nota liberati, & æquitas in eorum Judiciis contra Pelagium ac Cœlestium minime desiderata.

Jam Pelagii patrocinium, ut hactenus vidimus, aperta fronte Phereponus suscepit. Quum autem pugnam pro deplorato Hæresiarcha multis aliis in locis, & acris etiam quam antea, instaurare non erubescat, res poscit, ut continuara serie orationis perpendamus, quidquid ille profert in Pelagianæ Hæresis tutelam. Epistola inter Augustinianas 175. olim 90. data est ad Innocentium I. Pontificem Maximum a Patribus Carthaginensis Concilii habiti A. C. 416. contra Pelagianos. Multa adversus illam commentatur Phereponus, odio non minus in Augustinum, quam in Ecclesiæ Catholicae doctrinam. Quod tamen antequam faciat, veritus ne quisquam suum candom calumnietur, Lectores præmonendos censet, multa esse, quæ sibi in doctrina Pelagii, ejusque sequacium improbentur; adversarios tamen ejus non ita secessisse, ac ratiocinatos esse, ut a se possint etiam per omnia probari. Amo candidam homini confessionem, sed adeo brevem & obscuram in re tanta non laudo. Vereor siquidem, ut apud attentos Lectores candore hujusmodi suo eluere ulla ex parte possit suspicitionem Pelagianismi alte ehibiti, quem tamen ille amovere se posse fortasse censuit magnificis hisce præmissis vocibus. Certum est, cum Pelagio consentire proorsus Phereponum in inficiendo Originali Peccato, in Pædopatimi necessitate, & foeda Libidinis origine neganda, in notionibus Gratia homini ad æternam salutem necessariae, in liberi Arbitrii viribus extollendis, in œconomia Prædestinationis aliisque horum dogmatum consecutiis. Quænam tandem restant, & quænam adhuc esse possunt multa illa, quæ in Pelagio Phereponus se improbare fatetur, quando præcipua in eo probat, propter quæ pertinacem Hæreticum illum Ecclesia Catholica exscrata est, atque damnavit? Quem

ergo fructum ex hac sua admodum ingeniosa animorum præoccupatione Phereponus expectet non video, nisi ut persuadeat; tantummodo in Pelagianis alia multa damnare, quæ ipsi concorditer cum Catholicis credebat.

Sed his dimissis, audiamus novam Pelagii Apologiam, immo totius Christiani orbis accusationem gravissimam. *Damnatus quidem ille est*, inquit Phereponus, pag. 517. *& convictus exigitatus ab omnibus*, etiam quibus ejus dogmata ignota erant, ex quo est ab Africanis Episcopis infamatus; sed nulla hominum damnatio officere potest, ut quod verum fuit, falsum fiat, & vice versa nulle, hominum laudes ex errore veritatem faciunt. Posteaquam abunde a tor Catholicis Scriptoribus, & in hoc etiam Libro, demonstratum est, quantum ab erroris periculo absit vera Christi Ecclesia, sive in probandis, sive in improbandis Dogmatibus ad Fidem sanctissimam spectantibus: non est quod nos laboremus in ostendendo, supervacaneum esse ad Pelagii defensionem postremum hocce Phereponi axioma. Addit: *Præterea notum est, in magnis cætibus res magnis affectibus dijudicari*. Equidem id notum fateor; sed illud æque notum est nobis, in Episcoporum Catholicorum cætibus, rite institutis atque peractis, divinum adesse Spiritum, ejusque interno afflatu fieri, ne sacri Pastores pravis affectibus in transversum acti veritatem Christianæ Doctrinae dissimulent aut perdant. *Nec in re satis difficulti, pergit scribere Censor, facile fuit verum a falso secernere omnibus illis Africanis Episcopis*, quorum nonnulli ne scribere quidem potuisse dicuntur in Collat. Carthag. C. 133. *& doctissimi, preter dicens facultatem, pro modulo illius ævi, quid eximum habuerint, non video*. En qui suum candorem exprimat Phereponus, prudens quo loco habeat ipse tot doctissimos ac illustres

Au-

IN RELIG. NEGOTIO. LIB.III. CAP.IV. 205

Augustiniani ævi Patres, inter quos ipsi Augustino primas concedere iniquum non fuerit. Quod quum facit confidentissimus homo, necesse profecto est, ut se non iudicio minus, quam eruditione præponat innumeris aliis celeberrimis tot subsequentium sæculorum Theologis, a quibus cum Augustinus, tum Augustiniani ævi Patres, summo in honore habiti sunt, & eximiis laudibus ornati. Africanis illis Episcopis facile fuisse verum a falso discernerere in Pelagii causa difficulti, senserunt, & sentiunt Catholici omnes, neque Phereponus ulla ratione contrarium suaderet. Et quid ad causam Pelagii, si unus aut alter Episcopus in causa Donati ne scribendi quidem peritus fuisset, quod tamen contigisse non ajo? Sicuti norunt, qui vel leviter Collationem Carthaginensem perspectam habentes poscebat, ut vel minus docti Episcopi tunc adesent numerum facturi. In caula Pelagii aliter actum est. Non omnium cœtus fuit, sed eruditiorum; & siquidem docti simul atque indocti convenienter, præsto omnibus fuisset ex Christi promissis Spiritus veritatis, ne errarent. Præterquam quod ubi de Traditione colligenda res est, vel ipsum vulgus, nedium Episcopi, facile doctrinam veram assequi & exponere possunt. Et profecto neque Episcopi Catholici, neque ipse Populus tunc ignorabat, an omnes homines in Adamo peccasset, an parvolorum Baptismus necessarius foret, & quanam Christi Gratia indigerent homines ad salutaria opera exercenda, atque alia ejusmodi in controversiam a Pelagio adducta. Phereponus autem post hæc subiunctiones: *Non dicerem hec, nisi viderem, multitudine, & auctoritate multo magis quam rationibus pugnari, nihil aliud dicit, quam quod quotidie dolor & cacitas eorum dicit, qui in aliqua causa justissime damnati fuere.* Innumeris rationibus quæ adhuc prostant, pugnatum est a Catholicis adversus Pelagianos. Nisi externos oculos clausit Phereponus, ne illas legeret, certe clausit internos, ne intelligeret. Sed ipsum audiamus in alias ex his Catholicorum rationibus pro suo instituto atque odio decertantem.

De Calestio ac Pelagio hæc in laudata ad Innocentium I. Papam Epistola Synodica scribunt Carthaginenses Patres: *Id agunt isti damnabilibus disputationibus suis, ut non defendendo, sed potius in superbiam sacrilegam extollendo liberum Arbitrium, nullum relinquant locum Gratiae Dei, qua Christiani sumus.* Se non capere inquit Phereponus pag. 517. qui Pelagius & Calestius in superbiam extollerent liberum Arbitrium, quæ oportebantur Deum humanæ Naturæ, omniumque ejus facultatum Creatorem, adeo ut ei

debeant homines quidquid habent boni, & ab eo quasi ab omnium rerum Domino pendant; & quando affirmabant, Deum ignorare voluisse hominibus peccatoribus, & æternam vitam largiri, si modo Evangelio parerent, misso ad illos, ex mera gratia, servatore Iesu Christo, qui gratiam illam Dei adiunxit hominibus, eosque ad officium misericorditer revocaret. Miraculis etiam additis, quibus fidem sibi vel apud pertinaces faceret. En quam jejune, quam caute de Salvatore nostro Phereponus heic, licet ex sententia Pelagianorum, loquatur. Nullum aliud Christi ministerium memorat, quam Angeli, seu Nuntii, & Prophetæ. Quid ipse heic sentiat, nefcio. Certe Pelagianos de Christo longe magnificentius sensisse nos facile ostendere possumus; sed pergamus. Deinde ait, Pelagium confessum fuisse internum etiam auxilium a Deo hominibus suppeditari, quo eorum animos illustreret; & regenerationem per Baptismum dari, atque a libero Arbitrio pendere, ut possit recte uti, aut abuti tot divinis beneficiis. Tandem his verbis orationem suam concludit: *Est igitur, ex sententia Pelagii, cur Deo gratias agant homines, sed non cur sibi placeant ac plaudant. Africanæ, aut Punicæ Rhetorice exaggeratio fuit, quum liberum Arbitrium in sacrificiagam superbiam extollere dictus est.*

At nos respondemus, non Panicae Rhetoricae exaggerationem fuisse illa vocabula, sed quidem Phereponianæ eloquentia flosculos esse ista dictoria; atque heic Phereponum fatis prodere aut ignorantiam non mediocrem, aut nimis turbidos affectus. Utique multa divinarum Gratiarum genera Pelagius, illiusque gregarii agnoscebant, eaque magna verborum pompa extollebant, quo imperitis persuaderetur, se quoque fateri, nos omne bonum Deo optimo ejusque Gratiae debere. Et istas Gratias Augustinus ceterique Catholici agnoscebant; immo effecere ipsius Augustini & Catholicorum voces, ut Pelagius nullam primo aliam Graiam confessus, quam Naturam libero Arbitrio præditam, sensim & istas fateretur. Sed non heic sita erat controversia inter Catholicos, atque Pelagium. Aliam Gratiam in primis necessariam, aliud illudque præstantissimum super omnia Donum, & Adjutorium Dei, poscebant Catholici, ut confiteretur Pelagius, nempe Gratiam illam, quam naturæ viribus in nobis efficere non possumus; Gratiam, quæ in hominum etiam voluntates efficaciter influit; Gratiam, quæ intacta Libertate voluntatis potest, ac solet de nolentibus volentes, & de inutiliter voluntibus utiliter volentes facere, quæ liberi Arbitrii vires nimium infirmas reficit, & Ca-

rita-

ritatem Dei diffundit in cordibus nostris per Spiritum sanctum, qui datus est nobis; sine qua liberum hominis Arbitrium nullum optat, nullum incipit, nullum perficit opus bonum, ad salutem aeternam pertinens; quae demum in nobis, & nobiscum operatur, quacumque veram rationem habent placendi ipsius Gratiae auctori ac dispensatori Deo per Iesum Christum Dominum nostrum. Externæ dumtaxat Gratiae, exteriora tantummodo auxilia erant, quae Pelagius commendabat; & siquidem internam etiam intellectus humani illuminationem a Deo fieri is concedebat, certe nullum aliud internum Dei auxilium fatebatur. Illa autem in Doctrina, in Lege, in Miraculis, in suasionibus, in terroribus, aliisque hujusmodi, constituta auxilia, ostendunt solum homini, quid faciendum sit, quid cavendum; non etiam Voluntati ad malum prona, & debilitato post primi parentis peccatum hominis Arbitrio vites praebent, ut salutare bonum recipia velit & faciat, malumque detestetur ac fugiat. Oportet ergo aliam fateri Gratiam, quae erigat, & adjuvet jacentem infirmamque mortalium Voluntatem, eam videlicet inflammando, eique Caritatem inspirando, ut quae per legem atque doctrinam facienda aut vitanda novimus, per ejus interiorum opem exsequamur. Hanc autem Gratiam numquam adduxti fuere Pelagiani, ut homini conferentur necessariam.

Nunc ergo a Pherepono petimus, an bene animadverterit, de quali Gratia inter Catholicos ac Pelagianos questio verteretur. Quod si animadvertis, cur heic tam caute dissimulavit? Nimirum post commemorata tot exteriorum Gratiarum genera, quae Pelagius agnoscebat, si commemorata quoque fuisset vera Christi Gratia, quam iniciabantur Pelagiani, continuo intellexissent vel imperiti, quam insulsum foret illud in Punicam Rhetoricam scormia, & quam inepte exaggeratio appellaretur facta a Patribus Africanis sacrilega superbie mentio. Nam qui audit, contendere Catholicos adversus Pelagium, nihil post Adami lapsum per se valere liberum hominis Arbitrium ad salutaria opera salutariter exercenda, ipsumque indigere interno Dei adjutorio, quod Voluntati virtutem inspirat, defectumque supplet naturalis facultatis; qui inquam hoc audit, non intelligere exemplo nequit, recte Catholicos etiam affirmare, liberum Arbitrium a Pelagio in sacrilegam superbiam extolli. Si enim verum est, quod Catholici ex manifesta divinarum Scripturarum, & legitima Traditionis auctoritate, verissimum

esse demonstrant, nempe ab hac peculiari, interna, & efficaci Gratia cum libero Arbitrio conjuncta, non autem a solius liberi Arbitrii & naturæ viribus, aut meritis, Iustificationem, Caritatem, atque omnia opera bona, Virtutesque veras emanare: Pelagium vero contra sentire: non est Rheticus color, non est exaggeratio, sed naturalis Catholicorum deductio, affirmare, a Pelagio liberum Arbitrium extolli in superbiam, eamque sacrilegam, quia adversus Deum.

Sed inquit Phereponus, commemoratis tot divinis Gratiis, quas Pelagius libenter fabebatur: est ex Pelagi sententia, cur Deo gratias agant homines, sed non cur sibi placeant, ac plaudant. Jam obsoleta, jam milles protrita est ab Augustino hujusmodi argumentatio. Eadem ingeminabat Pelagius, eadem Julianus. Augustinus autem ostendebat, ne sic quidem veram Dei Gratiam illos fateri, quam tamen sine impietate nemo negare potest; neque aliud ab ipsis laudari, quam Legem, atque Doctrinam, & extrinseca præficia sub tam speciosis Gratiarum vocabulis; & inflari per eos liberum Arbitrium, quando ejus viribus id tribuebant, quod Gratia ab iis negatae tribuendum esse divina Littera clamant. Audi quid ille Julianus respondeat Lib. 3. Cap. 106. Op. Imp. Tam multa dicas, quibus nos adjuvat Deus, id est præcipiendo, benedicendo, sanctificando, coercendo, provocando, illuminando, & non dicas Caritatem dando, quum dicat Johannes Apostolus: Caritas ex Deo est. Unde item dicit: Ecce qualis Caritatem dedit nobis Pater, ut filii Dei vocemur, & simus. In hac Caritate, que cordi humano Spiritu, non Litera datur, etiam potestas illa intelligitur, de qua idem ipse in Evangelio suo: Dedit eis, inquit, potestatem filios Dei fieri. Hanc vos ab homine esse diciatis per liberum Arbitrium, Spiritum habentes hujus mundi, non eum, qui ex Deo est, propter quod nescitis, que a Deo donata sint nobis, &c. In eodem etiam Lib. 3. Cap. 122. Inter divine Gratiae species, inquit, si poneretis Dilectionem, quam non ex nobis, sed ex Deo esse, eamque Deum dare filiis suis, apertissime legit, sine qua nemo pie vivit, & cum qua nemo nisi pie vivit, sine qua nullius est bona voluntas, & cum qua nullius est nisi bona voluntas: vere liberum defendereis, non inflaretis Arbitrium. Invictissima istius sententia argumenta passim legas in Operibus sancti Augustini, aliorumque Patrum atque Theologorum.

Post hæc poena talionis agendum sibi Phereponus putat; quare etsi nullam sibi hujusmodi

enodi accusationis, instituendæ occasionem præbuerit ista Africanorum Patrum Epistola, attamen imperterritus ait pag. 518. *Quam facile fuit Pelagio premere contrarias partes invidiosis consecutariis, Deum jubeve impossibilia, eternis panis afficere homines, quod impossibilia non prestatissent, aliisque id genus, quibus excusatatur plane homo, ac tota culpa in Deum conjicitur?* Non laboret, quæso, Censor iste novitus in colligendis istis aliis ve inanibus Augustinianæ doctrinæ consecutariis. Tot sunt, ac tam luculenta sancti Augustini loca & verba, quibus ille docet, Deum sufficientia cunctis hominibus auxilia præbere ad præcepta Legis servanda, & impossibilia non jubere, & sola hominum culpa fieri, si aut in infidelitate maneatur, aut in peccata ruatur, aut ab iis non assurgatur, ut patere omnibus possit, tam absurdæ consecutaria non sequi ex Augustini sententia. Quod autem videri possit mirum, illud est, quod Phereponus adjicit. *Hic permoda secula sequentia, in Pelagi opinionem dilapsa sunt, quam etiam Augustino tribuerunt, cui ipsa Pelagi Opuscula adscripterunt: quia non poterant sibi persuadere, tantum virum, quantum eum fuisse ex fama putabant, ejusmodi consecutaria potuisse concuovere.* Scitne Phereponus, quid heic dicat; amat vir lepidus pafere fabulis Lectores suos? Quænam sunt Sæcula illa in opinionem Pelagi dilapsa? Nullum eruditum norunt. Augustini sententia, quod est ad doctrinam Gratiae salutaris, Peccati Originalis, debilitati Arbitrii, aliarumque hujusmodi præcipuarum quæstionum, Sæculis subsequitis ad nostram usque ætatem perpetuo in honore fuit, & laudata, & propugnata. Nam quod atrinet ad alias quasdam profundiores, difficilioresque partes incurvantur quæstionum, uti appellantur a Cælestino I. Papa in Epistola ad Episcopos Galliarum, siue ab illo, quicumque sit, qui plures definitiones Apostolica Sedis adversus Pelagianos concessit, liberum hucusque fuit dilceptare inter Theologos, dum sibi quisque caveat a Pelagi, atque Semipelagianorum fermento. Consulat Lector recentiores duos Scriptores Catholicos, a quibus quamquam diversis armis vindicata est Augustini doctrina a calumniis Johannis Launoi, si tamen is est germanus Auctori virulentissimi illius atque ineptissimi Operis contra sanctum Augustinum, quo maxime delectatum fuisse Pereponum nostrum arbitratur. Quod si nomine Sæculorum subsequentium in Pelagi opinionem dilapsum animus Pherepono fuit significare aut Catholica ipsius Ecclesiæ sententias nunc passim in Scholis & Conciliis

consecratas, aut nonnullas tantummodo pri-
vatas Catholicorum Scholas, a Calvini at-
que Jansenii deliramentis, longe quam reli-
quas, remotores: quei tandem ostenderet il-
le, Pelagianismum ab istis fuisse adoptatum?
Id quidem effutunt a doctrina Augustini mi-
rum in modum exorbitantes Calviniani at-
que Janseniani, quibus fortasse Auctoriibus
hanc nobis calumniam Phereponus instruxit;
sed quantum id a veritate absit, & quam
nulla e damnatis Pelagi opinionibus inter
Catholicos toleretur, jam plurima scripta
prodiderunt.

Quod autem ait, subsequutis Sæculis ipsa Pelagi Opuscula ipsimet sancto Augustino fuisse adscripta, & per hyperboleum dicitur, & nullius plane momenti est. Non opuscula Pelagi, sed unum tantummodo, hoc est illius Epistola ad Demetriadem conscripta, Augustino a quibusdam, sed paucis, sed in-
eruditis, sed per supinam inconsiderantiam, adscripta fuit. Inter Augustini Epistolas eam consulto descripslerant nonnulli num. 142. quippe quod illius confutatio in subsequente Epistola Alyppi & Augustini ad Julianam Demetriadi matrem legeretur. Quid refert, si pauci ex mera oscitantia illam quoque Epistolam pro Augustini fœtu acceperint? Num continuo etiam Pelagianum effecere Augustinum? Num subsequuta Sæcula dici idcirco possunt Opuscula Pelagi adscriptisse Augustino? Adscripterunt, inquit Phereponus, quia non poterant sibi persuadere, tantum virum ejusmodi consecutaria potuisse con-
cuovere. Eximiam enim vero rationem, cur Augustinum posteri in Pelagi sententiam debuerint pertrahere. Tot Libris, tanta vi rationum, & per tot annos Augustinus in Pelagianos decertavit; compluribus etiam in locis invidiosa eadem consecutaria, quæ nunc Phereponus, atque ante Phereponum Pelagiani objiciebant, a sua sententia ipse removit, & sibi concoquenda non esse demon-
stravit. Necesse ergo est, in illius Libris hospites fuerint, qui eum tandem consensisse Pelagianis (si Pherepono fides) sunt arbitrati. Neque nos audire pigate ipsum Augustinum ita loquentem in Lib. de Gratia & libero Arbitrio, Cap. 4. *Homo Gratia ju-
vatur, ne sine causa voluntati ejus jubeatur.* Celeberrima autem est altera ejus sententia, quam e Lib. de Natura & Gratia, atque ex aliis Augustini Libris defumtam, Tridentina Synodus Sess. 6. Cap. 11. his verbis expref-
fit: *Deus impossibilium non jubet, sed jubendo monet, & facere quod possit, & petere quod non possit, & adjuvat, ut possit.* Quei ergo dictitat Pherepono, in Augustini sen-
tentia *Deum jubeve impossibilia?* Et quei alia
obji-

objicit consecaria quæ jam ipse Augustinus explosit? Sed nos repetimus, & sàpe repetendum erit: in tuenda contra Augustinum Pelagi califa non raro criminacionum materies prurientem Phereponum defectura fuisse, si Augustini doctrinam ex Augustino ipso, ejusque veris discipulis, hoc est ex Theologis Catholicis, dicere voluisset, non autem ab infido illius Interpretate Calviao, aliisque personatis Calvini sectatoribus. Sed heic amavit Phereponus credere inviso sibi in multis Calvinio, ut sibi speciosus deinde aliquis esset color debacchandi in invisum aliis de caussis Augustinum.

Pergit idem Censor Africanis Patribus insultare, quorum sunt hæc verba: *Quia (Gratia) nostre voluntatis Arbitrium vere fit liberum, dum a carnalium Concupiscentiarum dominatione liberatur, dicente Domino: Si vos Filius liberaverit, tunc vere liberi eritis: quod auxilium Fides impetrat, que est in Christo Iesu Domino nostro. Inquit autem, non dubitasse Pelagianos, quin divina Gratia homines a peccatis liberarentur, si modo ea recte uterentur: sed putasse, eadem Gratia posse homines abuti, ac præterea neminem esse usque adeo mancipatum peccato, ut Gratia illa excitari nequeat ad servitutem illam fugiendam.* Tum subdit: *Sed quid sibi volunt boni Patres Africani, quando addunt, quod auxilium Fides impetrat? Id enim auxilium, quod Fides impetrat, non est Gratia, qua sumus Christiani, qua antecedit Fidem, non eam sequitur. Nam quando credidimus, & fide aliquid a Deo impetravimus, jam sumus Christiani. Redolent illa verba Semipelagianisnum, aut simile quidpiam.* Itaque concludit, bonos illos viros nondum satis intellexisse doctrinam Augustini, aut hoc esse additamentum, quum, ut Benedictini adnotant, ea verba desiderentur in duobus Codicibus Mss. Sed ne heic quidem Censor mentem Africanorum Patrum in ea Epistola, aut argumentum hoc satis intelligit, multoque minus studet ut intelligat. Chartam implere censuris, homini cura est. Tum nihil pensi, an accurate, ve- reque accusat. Ut autem ad rem veniamus, multa sunt divinae Gratiae munia, multa nomina, ut passim Theologi animadvertunt. In nonnullis cum Ecclesia Catholica Pelagius conveniebat, dissentiebat in aliis. Potissima autem controversia erat, num divina Caritas, quæ tum gratiæ effectus est, tum Gratia dicitur, immo Gratiarum omnium maxima est, a viribus nativis liberi Arbitrii efflueret, an vero e speciali & gratuita Dei in voluntatem spirantis misericordia. Illud Pelagius, hoc affirmabant Catholici.

Nimirum ajebat ille, in voluntatis nostra Arbitrio positum esse, viribus nostris concipere, quandocumque lubet, Amorem Dei, seu Caritatem vivificam, Deo ipso cum Amorem eamque Caritatem nobis pro sua misericordia non dante, neque in voluntatem inspirante. De hoc impio dogmate priuagent ea in Epistola Africani Patres. Inquietum autem, eam esse Pelagi opinionem, talem videlicet hominis institutam creatamque fuisse Naturam, quæ Legem Dei implere, sive operari ac perficere Iustitiam, sine alio interno Dei adjutorio possit, quippe sola sibi sufficit in tanto negotio humana Natura. Consequens hinc erat, vel Gentes sine Fide, & sine Caritate infusa, amare Deum supranaturaliter, & completere utiliter ac pie legis præcepta posse, & Caritatem a nobis, non a Deo, in nobis gigni. Quæ omnia quantum a divina revelatione abhorrent, nemo non sentit, si vera est (uti verissimam esse nos dicimus) Catholicorum sententia affirmantium, Naturam humanam, liberumque Arbitrium ob primi hominis peccatum nimium esse debilitatum, & ex se solo non posse, ut ad salutem oportet, credere, peccatum abjicere ac fugere, Virtutes, ac præfertim Caritatem induere, atque alia ejusmodi facere, nisi Deus sua Gratia, & singulari potentiae sua operatione supranaturales vires eidem largiatur, & voluntati Caritatem donet, quæ, ut diximus, præcipua est Gratia Dei, de qua cum Pelagianis lis erat. Hinc Augustinus in Lib. de Gratia Christi Cap. 13. exigit ab iis, ut Gratiam confiteantur, quæ non ostendat tantummodo Veritatem, verum etiam imperiat Caritatem. Tum Lib. 3. Cap. 114. Op. Imperf. Hoc est, ait, incrementum, ut unusquisque obediatur præceptis Dei, quod non fit, quando vere fit, nisi Caritate. Islam Caritatem non dat nisi Deus. Caritas enim ex Deo est. Hanc vos (Pelagiani) inter adjutoria Gratiae, que commemoratis, nominare non vultis, ne hoc ipsum quod obedimus Deo, ejus esse gratiae concedatis &c. Idem sàpe Augustinus inculcat aliis in locis.

De hac igitur Gratia, de istius Caritatis, quæ a Deo est, necessitate ad servanda legi mandata, atque ad amandum ipsum Deum, præcipue agunt in ea Epistola Africani Patres. Hac ajunt nos vere Christianos esse; hac testantur ipsum nostræ voluntatis Arbitrium vere fieri liberum a carnalium concupiscentiarum dominatione; nam tunc vere liberi sumus a peccati jugo, & ab effectibus peccati, & aptissimi atque expediti efficiuntur ad divinam legem implendam, si Filius nos liberaverit per Gratiam Dei, non autem si Arbi-

Arbitrium nostrum per vires suas liberaverit nos, ut falso fieri posse arbitrabatur Pelagius. Idcirco frustra animadverterit Phereponus, Pelagianos admisisse Remissionem peccatorum sine divinam Gratiam, qua homines a peccatis liberarentur, si modo ea recte utebantur. An Deus sua Gratia peccata hominibus ignoscet, tunc non disputabatur inter Catholicos atque Pelagium, sed quidem an Gratia ista hominem justificaret sola Remissione peccatorum, an etiam Caritatem inferret in hominum voluntates, per quam postea opera pietatis praestarentur. Istam Caritatis infusionem confiteri solebant Pelagiani a Deo esse, sed quidem a nobis ipsis. Audi Augustinum Lib. 6. c. 23. contra Julianum: *Verum, inquit, tu a vestro dogmate non recessis, quo putatis Gratiam Dei per Iesum Christum Dominum nostrum sic in sola peccatorum remissione versari, ut non adjuvet ad vitanda peccata, & desideria carnalia vindenda, diffundendo Caritatem in cordibus nostris.* Vide eudem Lib. de Natura & Gratia cap. 34. & cap. 55. Hoc idem indicant ipsi Africani Patres Can. 5. Concilii Carthaginensis habitu A. 418. ut etiam in Epistola 95. nunc 177. inter Augustinianas ad Innocentium eudem Romanum Pontificem. Ipse Augustinus alibi, hoc est Lib. de Gratia & libero Arbitrio cap. 18. ad hoc unum videtur rotam controversiam deducere, inquiens: *Unde est in hominibus Caritas Dei & Proximi, nisi ex ipso Deo? Num si non ex Deo, sed ex hominibus, vicerunt Pelagiani; si autem ex Deo, viciimus Pelagianos.* Lege reliqua. Huc igitur Africani patres respiciunt, & nihil ad rem facit Phereponi animadversio momentis, censuisse Pelagianos per gratiam divinam homines a peccatis liberari, atque eadem Gratia posse abuti. Multo minus locum hic habet altera illa consideratio, qua Semipelagianismus iis Patribus confidenter objicit propter illa verba: *Quod auxilium Fides impetrat. Nam inquit, auxilium illud, quod Fides impetrat, non est Gratia, qua sumus Christiani, qua antecedit Fidem, non eam sequitur; quando enim credimus, & Fide aliquid a Deo impetramus, jam sumus Christiani.* Nihil minus cogitarunt hec Africani Patres, quam quod Phereponus somniat, hoc est, initium Fidei, atque ipsam Fidem ex naturae viribus, non ex Dei dono, esse posse in hominibus. Auxilium illud, quod Fides impetrat, nil aliud est Africanis Patribus, quam Caritas, de qua cum Pelagio disputatur. Hanc habere sine Fide in Christum nemmo potest; hanc ipsa Fides justificans (* ex dono Dei) in hominis voluntatem invehit. Expressit alibi Augustinus eamdem sententiam in Lib. de Spiritu & Littera Cap. 32. quo tempore certe a Semipelagianorum opinione is aberat, suamque doctrinam satis intelligebat. Unde, inquit, est Dilectio, id est Caritas, per quam Fides operatur, nisi unde illam Fides ipsa impetravit? Idem prodit in Epistola 106. nunc 186. Cap. 3. *Sin autem dixerit, quod gratiam bene operandi Fides mereatur, negare non possumus, immo vero gratissime constemus.* Hanc enim Fidem volumus habeant, qua impetrant Caritatem, quæ sola vere bene operetur &c. Qui ergo habent Fidem, qua impetrant justificationem, per Dei gratiam pervenerunt ad legem justificationis. In Lib. etiam de Prædestin. Sæcutor. Cap. 7. Ex Fide, inquit, ideo Apostolus dicit justificari hominem, non ex operibus, quia ipsa prima datur, ex qua impetrantur cetera. Inquiunt ergo Africani Patres, Gratiam istam, videlicet Caritatem, eam esse, qua Christiani sumus, quia gratiam hanc soli Christiani & norunt, & habere possunt, quia sola Fide præcedente cognosci & recipi potest, eam diffundente Spiritu sancto in cordibus nostris. Ista Caritas, ista solius hominis Christiani propria Gratia, ea est, quæ facit, ut non solum nominemur, sed & simus Christiani; nam si habuero omnem fidem, ut inquit Apostolus 1. ad Cor. XIII. ita ut montes transferam, Caritatem autem non habuero, nihil sum. Eodem anno 416. quo a Patribus Carthaginensibus ad Innocentium I. ea Epistola conscripta fuit, alteram ad eudem Pontificem dedere, qua inter Augustinianos, olim 95. nunc est 177. Aurelius Carthaginensis, Alipius, Augustinus, Evodius, & Possidius. Eorum verba sunt: *Si intellexissent Episcopi (Diospolitanæ Synodi) eam illum (Pelagium) dicere Gratiam, quam etiam cum impiis habemus, cum quibus homines sumus; negare vero eam, qua Christiani & Filii Dei sumus: quis eum patienter Catholicorum Sacerdotum, non dicimus, audiret, sed ante oculos suos ferret?* Quænam autem erat Gratia, quam versipellis Pelagius revera negabat, & ut ipse fatetur instabant Episcopi Afri? *Sine dubio Gratia, qua justificamur ab iniquitate, & qua salvamur ab infirmitate, non qua creati sumus cum propria voluntate;* ita illi. Quibus verbis Fidem cum Caritate conjunctam, Fidem quæ per dilectionem operatur, utramque Dei donum, intelligent Africani Patres. Igitur constare jam potest, quam inani censura Phereponus laudata illa Pa-

Dd trum

* Ab auctore addita nuper haec verba.

trum Carthaginensium verba solicitarit, & Semipelagianismi incusarit: quod etiam ut ficeret, necesse habuit ipsa pervertere verba, scribens, non ut Episcopi posuerunt, gratia, qua Christiani sumus, sed gratia, qua sumus Christiani, inter quæ quale discrimen intercedat, facile Lector intelligit.

Ægre deinde fert æquissimum iste Censor, Africanos Episcopos tam acerbas in Cœlestium absentem dixisse sententias, recitatim dumtaxat accusatorum Litteris & minime lectis ejus Libris. Respicit hæc censura eum Epistolæ Synodicae 175. alias 90. locum, ubi de Cœlestio & Pelagio Episcopi illi scribunt: *Isti autem adsevunt, sicut a fratribus, qui etiam eorum Libros legerunt, cognovimus, in eo Dei gratiam deputandam &c.* Sed satis est ipsam legere synodicam, ut statim evanescat Phereponi censura. Cœlestium in Synodo quinquennio ante habita auditum, convictum & confessum, anathemate percusserant Africani Patres, duraturo, donec aperte sibi objecta & ipse exsecraretur. Sed interposita in speciem appellatio ad Apostolicam Sedem, judicium illud vasefrimus Hæresiarca declinarat. Constat præterea, ipsum minime prosequutum fuisse appellationem; jusque fuisse Patribus Africanis rursus adversus illum etiam inauditum dicendi sententiam. Et quidem, quæ in ea Synodo peracta fuerant, se recensuisse, & præ oculis habuisse, monent iidem Episcopi in Synodica ad Innocentium. Nihilo tamen secius animadverte, Episcopos illos dum ad eundem Innocentium scribunt, anathema dicere in Pelagium atque Cœlestium sub ea tantum conditione, si videlicet isti in perversa illa opinione persisterent. Quia in re vides, Africanos Patres personis Pelagiæ atque Cœlestii parcere, eorumque tandemmodo doctrinam anathemate configere. Censuimus, inquit, bujusmodi persuasio nis autores, nisi hæc aperissime anathematizaverint, ipsos anathematizari oportere. Addunt infra: *Si ergo Pelagius Episcopilibus gestis, quæ in Oriente confecta dicuntur, etiam tuæ venerationi juste visus fuerit absolutus, error tamen ipse & impietas etiam auctoritate Apostolicae Sedis anathematizanda est.* Animadverte etiam, quæ infra leguntur: *Ettam si Pelagius Cœlestius que correcti sunt, vel se ista numquam sensisse dicunt, & quæcumque scripta contra eos prolata fuerint, sua esse negant, nec est auonadmodum de mendacio convincantur: generaliter tamen quicumque dogmatizat, & affirmat &c. anathema sit.* Ubinam ergo sunt acerbe illæ sententie in Cœlestium absentem dictæ ab Africanis Patribus, quas

nobis Phereponus obtrudit? Quæ justa causa de tam circumspicuo judicio expostulandi? Recensita priore Synodo Carthaginensi, auditis accusatoribus, nihilominus affirmare nolunt, Pelagium atque Cœlestium exsecrandis iis adhærere opinionibus. Sola ipsis adscripta abominanda dogmata anathemate scriuntur; quo quid æquius & mitius agi posset, nemo qui sit juris Ecclesiastici atque naturalis peritus, non videat. Quamobrem nihil opus fuit eorum Libros legere. Altera Synodus a quinque Episcopis Carthagine habita, itidemque Milevitana, ambæ codem anno 416. celebratae, non aliter se gestæ erga Hæresiarhas eosdem.

Quum deinde in Synodica illa 175. alias 90. Patres Carthaginenses dicant, Pelagium & Cœlestium, uti nuntiarum fuerat, affirmare, *in eo Dei Gratiam deputandam, quod ratione hominis instituit creativitatem naturam, quæ per propriam voluntatem Legem Dei posset implere: Eamdem quoque Legem ad Gratiam Dei pertinere, quod illam in adjutorium omnibus dedit:* Phereponus se non capere fatetur, cur spretim de Creatione & Lege loquantur Africani Patres; hæc enim sunt longe maxima Dei beneficia. Id autem factum suspicatur, quod unicam illi Gratiam Dei arbitrarentur afflatum nescio quem, cui resistere non licet, iisque pauculis concedendum. Quæ heic habet Phereponus, quarto quoque verbo infra etiam repetet, de afflato illo, cui resistere non licet. At aliam esse cum Augustini, tum Catholicæ Ecclesia sententiam, jam innumeri & Scriptoribus nostris contra Calvinistas & Jansenianos demonstrant. Actum agerem, si id in praesentia & ego demonstrandum susciparem. Paratragocidatur vero Phereponus, & se nolle Carthaginensium Patrum mentem intelligere ostendit, dum ait, illos contemnam de Creatione & Lege loqui. Ubinam sunt illorum verba, quæ contemptum redoleant? Hoc unum sua illa oratione contendunt Africani Episcopi, Creationem naturæ, & Legem, non esse Gratiam illam, qua Christiani sumus, qua ab infidelibus & peccatoribus distinguimur, qua voluntatis Arbitrium vere juvatur, ut Deo placeat, aeternamque salutem adipiscamur. Non in Lege, non in Naturæ viribus, sed in interno adjutorio Dei Caritatem suam voluntati inspirantis, sitam esse propriam Christianorum Gratiam ajunt. Quod dum affirmant, quis merito exculpare ex eorum verbis potest, eos Naturam & Legem non agnoscere, tamquam Dei beneficia? Sunt beneficia, Christianis æque & non Christianis, justis & injustis communia; sed ejus non sunt vigoris, ut sola hoc

IN RELIG. NEGOTIO. LIB. III. CAP. IV. 211

hoc est sine vera Dei per Christum Gratia, ad opera pietatis exercenda, & ad beatam immortalitatem perducere hominem possint. Legem sine dubitatione laudandam affirmat alibi non semel Augustinus; & tamen quam parum illa sola possit, contra Pelagianos eamdem nimis extollentes, ex auctoritate Apostoli invictissime ostendit. Vide Norisium in Vindiciis Augustini. §. 6. In Epistola quoque 95. nunc 177. hoc eodem anno 416. ad Innocentium data, ab Augustino & quatuor aliis Episcopis, hæc leguntur de Pelagio: Sive enim Gratiam dixerit esse liberum Ar-

bitrium, sive Gratiam esse Remissionem peccatorum, sive Gratiam esse Legis preceptum, nihil eorum dicit, que per subministracionem Spiritus Sancti pertinent ad concupiscentias, tentationesque vincendas, &c. Et infra: Distinguenda est Lex, & Gratia. Lex jubet novit, Gratia juvare, &c. Tum concedunt, Creationem recte appellari gratiam Dei, sed addunt: Alia est tamen Gratia, qua Praedestinati vocamus, justificamur, glorificamur: & de ultima ista Gratia tum solum disputabatur cum Pelagio.

C A P U T V.

Quæ Gratia Dei negaretur a Pelagio, olim notissimum. Gratia Calviniana ac necessitans ubique a Pherepono perperam affecta Augustino, & Patribus Carthaginensibus. Apostoli loca varia ab iis Patribus recte adhibita contra impia Pelagii dogmata. Phereponi interpretationes variae & accusations repelluntur. Evangelii nuda prædicatio est quidem gratia, sed non Gratia, de qua sanctus Paulus & Patres Africani agebant.

Queritur posthac Phereponus, quod Africani Episcopi in ea Epistola Gratiam illam suam nusquam definiant, idque etiam fraudi ipsis verit, quasi suum dogma occultare quam aperire malent. Nimirum exspectasset hic Censor, necessitatem fortasse Calvinianamque Gratiam ab iis per definitionem quampliam nobis obtrudi, in quam postea invehetur. Sed satis apertum erat inter Christianos, quid significaretur nomine Gratia illius, qua Christiani sumus, & qua nostrum Arbitrium expeditum redditur ad opera pietatis, & sine qua viribus caret humana Natura atque Voluntas ad amandum Deum, exercendamque veram virtutem. Hanc ipse Augustinus cum quatuor aliis Africanis Episcopis in laudata Epistola 95. ad Innocentium hoc eodem anno scripta, Christianis fidibus, Catholicisque notissimam appellat. Neque ipse Pelagius ignorabat, quid a se pertenerent Catholici Episcopi, quum instabant, ut fateretur, non solam sibi humanam sufficere Naturam ad facienda ac perficienda mandata Dei, sed auxilium divinæ Gratiae per Christum prouersus eidem opus esse. Vide Acta Conventus Hierosolymitani & Concilii Diospolitani anno praecedenti 415. Sed inspicimus, an sacrarum Scripturarum loca a Patribus Africanis producta satis exprimant, quæ Catholicorum sententia foret, & quid Gratia nomine significaretur.

Gratiæ Dei a Pelagio negatam dicebant Carthaginenses Patres in Epistola 175. alias 90. ab Apostolo iis verbis prædicari; *Vides aliam legem in membris meis, repugnantem legi mentis meæ, & captivantem me sub lege peccati, quæ est in membris meis. Misericordia homo, quis me liberabit de corpore mortis hujus?* Gratia Dei per Jesum Christum Dominum nostrum. Quid Phereponus ad ista? Si ipsi credimus, in Pauli verbis nihil aliud est gratia Dei, quam Dei misericordia, aut Dei beneficium; nemo enim, inquit is, contrarium umquam ex vi nativa vocis usque probabit. Non negabat autem Pelagius homines Dei beneficio peccato oripi; sed negabat fieri id afflatus quodam interno, cui reluctari non liceret, & sine quo cetera omnia Dei beneficia inutilia essent. Hæc sunt Phereponi verba pag. 518. Tum repetit, non aufos esse Africanos Patres perspicue suam exprimere sententiam; longe enim maximam partem Christianorum in se concitassent, si apte dixissent, quod animo versabant, quum ante illa tempora aliter de Gratia homines non sensissent, quam sentiret Pelagius. O aureum hominem Phereponum, qui sinceritate Patribus Africanis præstat, & quidquid sentit, libere dilucideque promitt! Sed quei ostendat ille, Africanos Episcopos non aufos mentem aperire suam, & dolo malo egisse, & pro una Gratia ineluctabili tunc decertasse?

Dd 2 Hu-

Hujusmodi Gratiam ex entitate sua ineluctabilem, trahentemque necessario ad consensum Arbitrium hominis, numquam Catholici, numquam Africani Patres tradiderunt, ejusque confessionem numquam a Pelagio exegerunt, ut in Catholicorum hac de re luctucentissimis scriptis videre est. Aliud est, Deum per suam Gratiam infallibiliter operari salutem electorum, certumque facere per suæ Gratia dispensationem propositum suæ prædestinationis; aliud, Gratia talem esse vim nativam, ut necessario ad unam partem determinet liberum hominis Arbitrium, eique vim dissentendi eripiat. Sed Phereponum verba defecissent, nisi ubique Augustino & Patribus Catholicis tam absurdam sententiam affinxisset. Anno 416. quo Synodicam istam Epistolam ad Innocentium dedere Africani Patres, in eo sita potissimum erat quæstio de Gratia & libero Arbitrio, videlicet: num homines per sola naturalia dona, malis & bonis, fidelibus & infidelibus communia, & per solas Arbitrii vires, implere iustitiam possent, & evitare peccata; an vero peculiare iis adjutorium Dei per Christum Salvatorem necessarium fore, sine quo neque peccata caverentur, neque Lex pie impleretur, & sine quo nihil ad salutem pertinens fieret, & cum quo revera efficeretur. Primum affirmabant, atque alterum negabant Pelagi, a Catholicis propterea execranda haeresis postulati. Nulla vero tunc, ne per umbram quidem, suborta erat controversia, num hujusmodi auxilio, quod humanæ necessarium Naturæ contendebant Catholici, resistere & reluisci posset hominis Arbitrium. Ingenio hebeti non erant eorum temporum Pelagi, facileque intellexissent necessitatem Gratia ea ratione excludi posse, quod consentiendi necessitatem voluntati inferret in Catholicorum sententia; attamen ex iis nullus id Augustino objecit. Vide Augustinum ipsum Epist. 105. & de Gestis Pelagii cap. 18. & Hieronymum Dialog. 1. contra Pelagium, ubi constabit, quid Catholicis objiceret Pelagius, & ne ipsum quidem invenisse in Catholicis necessitantem Calvinii Gratiam. Et certe animo statim quisque concipit, necessariam homini posse dicci Gratiam ad bonum, etiamsi non ea assertatur Gratia natura atque efficacia, ut executi frustraque suo effectu a voluntate non possit. Necessariam revera Gratiam contendebant Catholici, necessitantem negabant. Atque hæc non nova Africanorum Patrum, sed Ecclesiæ totius vetustissima sententia erat, ut Augustinus aliquæ toties ostenderunt. Quare nihil confidentius dicere Phereponus potuit, quam Christianos an-

te definitiones Africanorum Conciliorum non aliter de Gratia sensisse, quam sentiret Pelagius.

Ceterum frustra Phereponus Africanis Patribus eripere conatur locum illum Apostoli ad Roman. VII. 22. *Quis me liberabit de corpore mortis hujus? Gratia Dei per Jesum Christum Dominum nostrum;* quasi Gratia ista nihil aliud sit, quam Dei misericordia, aut Dei beneficium; Pelagius vero non negaret, quin Dei beneficio homines a peccato liberarentur. Nam si gratuita misericordia Dei intuitu meritorum Christi hominem a peccato liberat, a peccato servat, invictumque efficit contra cupiditatum pravorum impetum; ergo non Operum meritum, non Lex foris sonans, non vires naturales humani Arbitrii id praestat. Pelagius autem primo sentiebat, solam sibi sufficiere Naturam humanam ad omnes tentationes superandas, implendamque Legem; tum divina misericordia auxilium, hoc est, Gratia adjutorium, ideo solum admisit, ut per illud natura Facilius evitaret, ac vinceret peccata, virtutesque exsequeretur: quam opinionem conceptis verbis ab ipso traditam Concilium Africanum A. 418. Can. 5. his verbis exscrutatur: *Quicumque dixerit, ideo nobis Gratiam justificationis dari, ut quod facere per liberum arbitrium, Facilius possimus implere per Gratiam, tamquam eti Gratia non daretur, non quidem facile, sed tamen possimus etiam sine illa, implere divina mandata, anathema sit.* Quamobrem, ut lubet, Gratiam ab Apostolo memoratam appetet Phereponus misericordiam ac beneficium Dei: adhuc certum erit, Apostolo auctore, non vinci concupiscentiam rebellem, non evitari peccata, non impleti Legem, non a peccato asturgi, nisi misericordia ista, gratuitumque Dei beneficium intellectui lumen, voluntati infirma vires divinitus suppeditet, & in nobis atque nobiscum faciat, quod solis viribus nostris facere non possemus. Si hoc Pelagius confessus fuisset, quod numquam confessus est, (quidquid Phereponus heic dicat), nihil de Adjutorio gratia inter Pelagium atque Catholicos relatum fuisset controversie, ut Augustinus ipse testatur in Lib. de Gratia Christi cap. 47.

Mitto, quæ mox Phereponus congerit, ostensurus, mandata Dei non esse ejusmodi, ut omni vi destituta sint ad movendos hominum animos: quod ne Africani quidem Patres negabant; adhuc enim ex Apostoli auctoritate edocemur, solam Legem, sola Dei mandata, non convertere hominem ad Deum, ut oportet, nisi accedat Gratia Christi, atque internum Adjutorium Dei. Inspiciamus

potius, quid habeat Censor ad loca quædam Scripturarum à Patribus memorata, ut contra Pelagium evincant, ad operandam perficiendamque justitiam, ac Dei mandata complenda, solam sibi humanam sufficere non posse Naturam. Ne unum quidem ex his locis confidere id, quod volebant Patres, denuntiat e vestigio Phereponus, quam levissimam facilitatem, atque rationem in suas partes trahendi Scripturam, propriam illorum in Critica infantium Sæculorum vocat. Scilicet, deinde addit, declamitave, & effutte quidquid in eo veniebat apud plebem excommunicandam, si forte a declamante diffiniret, multo facilis fuit, quam Criticæ seriam operam dare. Infelicia plane sæcula, quibus defuere unus pluresve Phereponi, quorum Critica Arte tum solum licuiset arcanam Scripturarum assequi mentem, & nugis erroribus Theologiam ac populos eripere. Infeliciorem etiam Ecclesiam, cui Christus pollicitus quidem fuerat per omnia tempora Doctores, atque Interpretes fidos divinarum Litterarum, immunitatemque ab omni doctrinæ errore, & tamen postremis hisce tantum sæculis suam fidem liberavit. Sed præstat argumenta audire Phereponi, ut pateat, jurene an injurya pronuntientur ista de Africanis Patribus, hoc est, num revera ipsi declamatores levissimi fuerint, an potius convicator audax sit Phereponus noster. Spiritus qui adjuvat infirmitatem nostram, de quo Paulus Rom. VIII. 26. Censore isto interpretante, est qui est in iam credentibus, eosque in orationibus recte fundendis apud Deum adjuvat. Utique de Spiritu Sancto, qui jam in credentibus habitat, loquitur heic Apostolus. At hinc manifeste intelligimus, humanam Naturam auxilio Dei penitus indigere ad opera salutaria, neque ipsam sufficere sibi ad ea præstanta, quando orationes ipsas, quæ actiones maxime piæ sunt ac salutares, Spiritus Sanctus operator in nobis, dum nos orare ut oportet, efficaci sua atque interna operatione facit; nam quid oremus sicut oportet, ne scimus. Quis ergo effutre audeat, minime ex his Apostoli verbis resultare, quod Africani Patres volebant? Immo quis contra non intelligat, eam ab Episcopis illis deprædicari Gratiam, quæ jura liberi Arbitrii non lassat? est enim Gratia, quæ adjuvat nos, ac proinde non sola, ut Calvinus ejusque gregarii velle videntur, sed nobiscum agit.

Non est volentis, neque currentis, sed miserenis est Dei, sunt Apostoli celeberrima verba ad Rom. IX. 16. ab Afris Episcopis commemorata. Iis hæc alia Phereponus Interpres adnectit: quod verbum Dei mittitur ad populum quempiam ad cognitionem ejus vocan-

dum; sed quid hoc facit ad afflatum singulorum? Nihil, fateor, hoc facit ad probandum afflatum illum necessitantem, quem in Augustino se deprehendisse Calvinus somnioravit; sed quidem apertissime facit ad evincendum, quod Patres volebant. Si non hominis currentis, sed miserentis est Dei, quod homo perveniat ad agnitionem Veritatis ac Fidei, per quam felicitas æterna speranda est: quis amplius nisi desipiendo dicat, posse ad Fidem atque ad salutem perveniri soli humana Naturæ viribus, conatibus ac meritis, ut Pelagius affirmabat? Ceterum hunc locum pro suo portus arbitrio, quam pro veritate explicat Phereponus, quom ait, illic agi tantum de missione verbi Dei ad populum quempiam ad cognitionem ejus vocandum. Apostoli verba nihil tale referunt. Eorum sensus est, quod homines nonnulli ad Christi hæreditatem, benedictionem & electionem pertineant, id non provenire ex eorum volitione & cursu, neque ex operibus meritisque præcedentibus, sed quidem ex mero nutu, beneplacito, vocatione & misericordia Dei, sicuti neque cursus neque voluntas Jacobi aut matris ejus in causa fuit, cur Jacobo Isaaci benedictio, & hæreditas divinorum munierum continget, sed quidem vocatio, & electio gratuita Dei. Non ex operibus, sed ex vocante dictum est, quia major serviet minori. Quod si interpretationem Phereponi & heic admitteremus, eadem nihilominus consecratio inde effuerent, quæ Catholici docent. Neque apud Deum injustitia est, quod Jacobum dilexerit, Esau autem odio habuerit; hoc est, illi singulare beneficia contulerit, huic autem paria ac tanta conferre noluerit, et si & ipse Esau voluerit, atque cucererit; nam inquit Deus: Miserebor cuius misereor; & ejus electio, & gratia non est hominum operibus & conatibus debita, sed a sola ejus misericordia venit. Ergo cuius vult, miseretur; & quem vult, induratur; hoc est, eligit quos vult, & permittit alios suæ ipsorum infirmitati atque malitiæ, quamquam nulli sufficiencia denegat auxilia. Vide locum Apostoli integrum, facilique negotio intelliges, nullum alium esse luculentiore ad ostendendum, quid per se viribusque suis valeat in negotio salutis corrupta ac infirma hominum Natura sine peculiari adjutorio Gratia Dei, & sine misericordia illius præsidio, & (siquidem id etiam velis) sine missione verbi ejus, & potenti & efficaci vocatione ad salutarem Fidem, & Caritatem Dei, ac Proximi.

Unum omnes sumus in Christo; singuli autem alter alterius membra, habentes dona diversa secundum Gratiam, quæ data est nobis. Ita Apostolus ad Rom. XII. 5. Quæ verba a

Patribus Africanis aitata his aliis exponit Phereponus: *Gratia secundum quam sunt diversa dona, non est Gratia, qua singuli fideles ad Deum conversi sunt, sed beneficentia variæ Dei, qualis alias dotes concesserat; seu solita sua providentia, sed extraordinaria spiritualium donorum effusione.. Non de Gratia tantum, qua homo ad Deum convertitur, disputatum est interdum cum Pelagio, sed de omnibus aliis gratiarum & auxiliorum generibus, quibus mentem & cor hominis jam conversi aut illustrat, aut perficit Deus. Si ne istis auxiliis contendebat Pelagius hominem ex viribus Naturæ in creatione inditis posse omnia salutaria opera virtutesque praestare, & ad perfectionem, atque ~~divinitatem~~ pervenire. Hinc illud Cœlestii apud Augustinum Lib. de gest. Pelag. cap. 14. Unumquemque hominem omnes virtutes posse habere, & gratias, eas videlicet Deo non donante, sed sibi unoquoque comparante viribus Arbitrii sui. Quid Apostolus ad hæc? Edocet ille, non a nobis esse perfectionem & virtutes nostras, sed a misericordia Dei, atque ab illius Gratia, quam ipse dat quibus vult, & prout vult. Recte interpretari divinas Scripturas, ministeria Ecclesiastica sancte obire, nosse alios docere doctrinam sanam, & exhortari utiliter, & eleemosynas distribuere bona fide, & præesse in sollicitudine & misereri in hilaritate, & diligere sine simulatione, & odire malum, & adhærere bono, aliaque illa ~~expiatione~~, seu dona fidelium, quæ ab Apostolo hic enumerantur. Deus elargitur, Deus dividit, pro suo arbitrio, & dona sunt illius. Ergo non ea sibi compare viribus propriis potest humana Natura. Et si hoc non potest, quanto minus poterit Fidem & Caritatem; quæ omnium maximæ virtutes sunt, in se gignere, nisi Deus ex sua misericordia, & per suam gratiam insipiat? Vide S. Hieronymum Lib. I. cap. 6. Dialog. adversus Pelagium.*

*Gratia Dei sum id quod sum (inquit Apostolus I. Cor. XV.) & gratia ejus in me vacua non fuit. &c. Non ego autem, sed gratia Dei mecum &c. Et Gratias Deo, qui dedit nobis victoriam per Dominum nostrum Jesum Christum. Phereponus inquit, loqui Paulum de Gratia Dei, qua erat Apostolus, hoc est, de misericordia ac munificentia, qua cum Deus necessariis ad hoc munus donis instruerat. Tum addit; *Nec quisquam unquam negavit, a Deo per Jesum Christum nobis datum esse de peccato victoriam, ac esse cur propterea ei gratias agamus. Verum hoc factum afflatu interno & ineluctabili, nusquam docet Scriptura. Iterum ludit Phereponus, Augustino affingens afflatum illum incluta-**

bilem. Ad primum autem Epistolæ Paulinæ locum quod attinet, ibi Apostolus non commemorat simpliciter dona sibi tamquam Apostolo divinitus concessa, sed extollit ac memorat ipsam generalem Gratiam Dei, quæ de perseguitorib[us] Ecclesiæ Apostolum fecerat, ipsumque adeo de infidelitate & peccato converterat ad cognitionem Fidei veræ, & ardentissima Caritate Dei, & sollicitudine ac virtute ad annuntiandum Christi Evangelium instruxerat. Ego, inquit, sum minimus Apostolorum, qui non sum dignus vocari Apostolus, quoniam persequutus sum Ecclesiam Dei. Gratia autem Dei sum id quod sum. Hinc sanctus Ambrosius quasi Pelagianos nondum natos impugnatur, hanc sententiam accipit de omni bono, quod in Paulo erat, ita scribens Lib. I. cap. 7. de Abel & Cain: *Bene Apostolus non gloriabatur in virtute sua, sed minimum Apostolorum se esse dicebat, & quidquid esset, gratia divina esse, non meriti sui: nihilque nos habere, quod non acciperimus. Vide & Hieronymum Lib. 2. cap. 3. adversus Pelagium. Igitur ex Apostoli verbis & exemplo discere poterant Pelagiani, omnia nostra bona accepta esse referenda Gratiae Dei, quæ nobiscum opera salutaria agit, & nos sine necessitate ac sine coactione de nolentibus volentes facit, nihilque nos gloriari debere de virtute nostra, merisque nostris.*

Subinde inquit Phereponus, neminem umquam negasse, quin Deus per Jesum Christum nobis dederit victoriam de peccato. At Cœlestius, uti ex Actis Diopolitanæ Synodi constat, affirmabat: *Dei Gratiam secundum meritum nostra dari; quia si peccatoribus illam dat, videtur esse injustus; quem errorem damnavit ipse Pelagius, nescio animone, an voce tenus, in eadem Synodo cap. 12. Augustinus autem in Lib. de Heret. cap. 88. auctor est, in posterioribus suis Libris Pelagium instaurasse eamdem sententiam, & scriptisse: Gratian Dei, quæ liberarum ab impietate, secundum meritum nostra dari. Sed ut mittamus acrem illam, quæ inter eruditos adhuc vertitur, controversiam, nempe an tandem Pelagius confessus fuerit, gratis Deum remittere hominibus peccata (quod Augustinus non uno in loco factum memorat), & quid per peccatorum Remissionem Pelagius significare vellit: potius insistamus Apostoli verbis. Victoriam referre de peccato duo significare potest, videlicet vel a se expellere peccatum jam admisum, vel ita repellere, ne admittatur: quod postremum sit, quum tentationibus demonis, mundi & carnis, nos ad peccandum sollicitantibus, resistitus fortunato successu.*

Utrum-

Utrumque heic ab Apostolo dicitur. Cuinam autem debemus laudem & gratias, quod ex pulerimus a nobis peccatum, illudve in nos intrare non siverimus? Num viribus humanae Naturae in creatione inditis, quibus æque prædicti sunt Christiani atque Infideles? Nequaquam, sed quidem Deo, qui Filii sui Salvatoris nostri intuitu, peculiari ac supranaturali Gratia in eum credentes donat, tum ut liberentur a peccatis commissis, tum ne in nova labantur. Immo animadverte, Apostolum de peccatis potius non admittendis, quam de admissis, & de temptationibus quæ quotidie a piis fidelibus superantur, quam de superatis, agere videri; ita enim ejus Græca verba se habent: τῷ Θεῷ καὶ τῷ διόνυσῳ ἡ νίκη. *Deo gratia (sit) danti nobis victoriam.* Hinc Deum quotidie rogamus, ne nos induci in temptationem, ne peccatum regnare in nobis sinat, sed nos liberet a malo: quod petere a Deo in Pelagi sententia utile quidem, sed necessarium non erat. Ostendat nunc Phereponus, Pelagianos umquam sincere confessos fuisse, non posse humanam Naturam, liberumque Arbitrium sine adjutorio interno Dei, sine Gratia Salvatoris, aut assurgere, aut abstinere a peccatis. At istud ille numquam ostenderet. Pelagium, quod hoc ipsum negaret, his Apostoli verbis Africani Patres aggrediebantur. Hinc Augustinus, quoties Pelagius Gratiam Dei statuere in illo tantum videbatur, ut præterita peccata auferret, toties ab ipso etiam exigebat ut fateretur, necessariam esse Gratiam Dei, ne nova peccata committantur. Iterum lege Epistolam 95. nunc 177. ubi Africani Patres ajunt de Pelagio: *Sive Gratiam dixerit esse liberum Arbitrium, sive Gratiam esse Remissionem peccatorum, sive Gratiam esse Legis præceptum: nihil eorum dicit, quæ per subministrationem Spiritus Sancti pertinent ad concupiscentias tentationesque vincendas.* *O.* Hinc oramus, ut peccatorum temptationem superare possimus, ut *Spiritus Dei*, unde pignus accepimus, adjuvet infirmitatem nostram. Similiter in Lib. de Natura & Gratia Cap. 34. Augustinus ait: *Hanc iste misericordiam, & medicinale Salvatoris auxilium, tantum in hoc ponit, ut ignoscat commissa præterita, non ut adjuvet ad futura vitanda.* Sed in tanta luce ne Phereponum quidem ipsum futurum fuisse cœcum arbitror, nisi unum illum afflatum incluctabilem, hoc est, Calvinianum illud commentum, quod Augustinus atque Africani Patres numquam tradidere, ante oculos ipse semper haberet.

Non quia idonei sumus cogitare aliquid, quæ ex nobis metipsum, sed sufficientia nostra

*ex Deo est. Hæc Episcopi Africani proferunt ex Epistola 2. Cor. III. 5. Phereponus vero ita reponit: Sufficientia sane omnium Christianorum, ad cogitandum aliquid Evangelio consentaneum, est a Deo; quis enim necit, Evangelium non ingenio hominum, sed Deo deberi? At Apostolorum præsertim sufficientia, ad munus ad quod vocati fuerant, sufficiendum, non humana, sed divina fuit. Ergo, si fides Pherepono, Apostolus heic significat, ideo non posse dici Christianos sufficientes ex se, aut idoneos ad cogitandum aliquid Evangelio consentaneum, quia Evangelium non ingenio hominum excogitatum fuit, sed solius Dei. At quis certum fecit Criticum istum, nisi de Evangelio (quod certe Dei, non hominum, opus est) loqui heic Apostolum? Dixerat Paulus, Corinthios Epistolam esse vivam, quæ in suam ipsius commendationem pateret omnibus hominibus; Epistolam, inquam, Christi, quippe Christum palam amplexi fuerant; Epistolam ab ipso Paulo ministratam, quia illius ministerio conversi ad Christum fuerant; Epistolam scriptam, non atramento, sed Spiritu Dei vivi, quippe Spiritus Sanctus in eis sua virtute habitabat, atque in eorum cordibus Caritatem diffundebat, unde præclara pietatis opera quotidie effluebant. *Nescitis* (scripterat jam ad eosdem Corinthios Apostolus in priori Epistola III. 15.) *quia tempus Dei estis, & Spiritus Dei habitat in vobis?* Tum in loco, quem pra manibus habemus, pergit dicere: *Fiduciam autem tam habemus per Christum ad Deum;* hoc est: Quum dixerim, Epistolam Dei vivi vos Corinthios esse, vosque & Fide in Christum, & Caritate quæ in tabulis cordis per Spiritum Sanctum inscripta est, conspicuas ita esse factos, ut ab omnibus hominibus laudemini; dixerimque, me instrumentum atque ministrum fuisse, ut ad tantam lucem, atque felicitatem perveneritis: gloriari quidem, sed gloriari in Deo, de fructu prædicationis mete nos debemus per Christum Dominum nostrum; Gratia enim Christi, metritis virtute atque potentia illius, me suo ministro utentis, & non virtute vestra, neque mea, tales evasistis. Postremum hoc significatur subsequentibus verbis: *Non quod sufficientes (sive idonei) sumus cogitare aliquid a nobis, quæ ex nobis, sed sufficientia nostra, sive etiam velis, idoneitas nostra ex Deo est.* Id est: quod tales facti sitis ex ministerio nostro, non virtuti meæ, non vestre, id adscribendum est, sed quidem Deo, atque illius misericordia & Gratia; nam nos ex propriis naturæ nostræ viribus nihil, non dicam facere ac dicere, sed ne cogitare*

re quidem possimus, quod perducat ad Fidem, & amicitiam seu Caritatem Dei, nisi Deus ipse per Christum nobis id donet, ut mihi & vobis donasse successus meæ prædicationis jam comprobavit.

Hæc germana loci illius interpretatio, ad quam confirmandam afferre etiam possemus sanctorum Patrum, hominumque eruditissimorum documenta complura. Quare & sanctus Hieronymus loco eodem contra Pelagianos jam usus fuerat Lib. 3. Cap. 3. Dialog. Non ergo, ut Phereponus purat, ideo solum Apostolus ait, Christianos sufficietes, sive idoneos, non esse ad cogitandum aliquid Evangelio consentaneum, quia Evangelium non ingenio hominum, sed Deo debetur. Cogitare quippe aliquid Evangelio consentaneum, duplice modo fieri potest, nempe aut mente solum concipiendo, seu percipiendo, quæ Evangelium narrat, præcipit, vetat ac monet, ita ut in homine eorum nuda simplexque apprehensio tantummodo fiat; aut ita concipiendo, ut iis mens adsentiat, atque ad illa jam apprehensa feratur deliberato rationis judicio, & voluntatis intimo affectu. Phereponus priori modo loquutum censet Apostolum, dum inquit, Christianos sufficietes non fuisse ad cogitandum per se Evangelica præcepta, monita & documenta, nisi Deus per Apostolos eisdem adnuntiasset Evangelium ipsum, quod certe ipsi Deo, non autem hominum ingenio, debetur. At hoc a Pauli mente abhorret; non enim gloriatur, neque gloriatus fuisse Apostolus in Christo, & per Christum, quod Corinthii tantummodo apprehendissent, atque intellexissent ex ore ac prædicatione sua Evangelium, quum constet in numeris aliis populis, tum illo, tum subsequitis temporibus annuntiatum fuisse Evangelium, qui tamen idcirco nempe crediderunt Evangelio sibi prædicato, & apprehenso, neque consentanea ad Evangelium vixere. Igitur secundo modo Corinthii cogitarunt ea, quæ Evangelio consentanea erant, hoc est, non solum intellectu, sed & voluntate, amplexi sunt cum Fidem Christi, tum Caritatem; eoque virtutum splendore inter Christianos effulgebant, ut omnibus admirationi essent, atque in iis laudaretur Apostolus ipse. Atque hic sensus iis Pauli verbis. Sufficientia autem, sive idoneitas ad cogitandum hoc pacto ea, quæ sunt consentanea Evangelio, nequit dici inde profecta, quia Evangelium non ingenio hominum, sed Deo debetur; nam ut dixi, Evangelium ab aliis etiam percipitur, & tamen salubriter non percipitur; & nisi Evangelii prædicationem Deus peculiari sua Gratia comitetur, homines ne-

que convertuntur, neque divina Caritate ad bonas cogitationes, & ad opera pia fecundantur. Hoc idem Apostolus denuntiarat in priore Epistola ad eosdem Corinthios III. 6. ita scribens: Ego plantavi, Apollo rigavi, sed Deus incrementum dedit. Itaque neque qui plantat est aliquid, neque qui rigat; sed qui incrementum dat Deus. Hoc est: Ego quidem Evangelium vobis prædicavi, Apollo vos baptizavit, sive supradidicit Christianæ Disciplinæ præcepta. At nemo ex vobis ex solo nostro ministerio proficeret ad Fidem, & perfectionem Christianam, nisi Deus illuminando mentem, & inspirando in voluntatem vestram, vos intimo suæ Gratia vigore ad hos Fidei & virtutum fructus intacta libertate Arbitrii vestri perduxisset. Quibus ex verbis intelligas, sufficientiam ad cogitandum aliquid boni, aliquid quod ad salutem pertineat, aliquid vere consentaneum Evangelio, non a nobis esse, non ab Evangelii nuda prædicatione ejusque apprehensione, sed ab ipso Deo, hoc est ab ipsa Dei Gratia interiori, intellectum illuminantis, & voluntatem moventis ad bonum. Hoc illud est, quod ostendere volebant, & re ipsa ostendunt Africani Patres, laudatis Apostoli verbis, quibus frustra Phereponus alium sensum affingit contra ipsius Apostoli mentem.

Denique ex eadem Epistola 2. ad Cor. IV. 7. citant Episcopi hunc locum: *Habemus thesaurum istum in vasis fictilibus, ut eminentia virtutis sit Dei, & non ex nobis.* Eodem loco usus est Hieronymus contra Pelagium Dial. 3. cap. 3. Thesaurum tamen istum esse dona Apostolica ait Phereponus, ideoque nihil pertinere ad Gratiam, de qua cum Pelagianis disputabatur. Sed inter ista dona Apostolica quis docuit Phereponum non computandas esse Virtutes omnes, earumque principem in primis, ardente Cœfitatatem Dei, & Proximi? Quid aliqua dona Apostolis a Deo concessa profuerint, si istam quoque Caritatem eisdem non donasset Deus? Idem Apostolus ad Corinthios in priore Epistola cap. XIII. 1. jam hæc scriperat: *Si linguis hominum loquar & Angelorum; & si habuero prophetiam, & noverim mysteria omnia, & omnem scientiam; & si habuero omnem fidem &c. Cœfitatem autem non habuero, nihil sum, nihil mibi prodest, &c.* In altera vero Epistola, qua nunc argumentum nobis differendi præbet, cap. V. 14. explicat Apostolus, quid se urgeret, impelleretque ad labores pro Corinthiis susceplos. *Caritas, inquit, Christi urget nos.* Unde autem Caritas ista in Apostolos venerat? Num ex eorum viribus, nōm per liberi Arbitrii conatus? Nequaquam; sed quidem a Deo, sed quidem per

per Spiritum Sanctum. Caritas enim ex Deo est, ut habetur 1. Jo. IV. 9. & Caritas Dei diffusa est in cordibus nostris per Spiritum Sanctum, qui datus est nobis, ut inquit Paulus ipse ad Rom. V. 5. a qua Caritate Dei non angustia, non fames, non perseguunt ulla poterat ipsum ceterosque Apostolos separare. Quapropter Apostolus, quod ipse tam fortis esset inter tot adversitatis atque pericula, & quod tantus fructus in populis prædicationis quidam hactenus lucem attulimus, probare id quod volebant Africani Patres? Judicium Lectorum appello.

C A P U T VI.

Orandi quidem Dei utilitas in hominibus, sed non necessitas, a Pelagio admissa. Aliæ Phereponi accusationes confurantur. Non omnia dona Evangelica Pelagius confessus est. Graia Dei, quum opponitur Legi in sacris Litteris, non semper Evangelium merum significat, ut Phereponus & Hammondus putant, sed etiam beneficia Dei per Evangelium collata, & præferrim Fidem, & Caritatem. Deum impossibilita non jubere, Augustini & Ecclesiæ Catholicæ sententia est. Pelagiiani inimici Gratiae Dei.

Pergunt dicere Carthaginenses Patres in sua ad Romanum Pontificem Synodica Epist. 175. alias 90. ex sacrilegii Pelagianorum disputationibus necessario sequi, ut nec orare debeamus, ne intremus in temptationem, quod Dominus & discipulos monuit, & posuit in Oratione, quam docuit; aut ne deficiat fides nostra, &c. Non nefario hoc sequi, Phereponus statim notat; nam particula illa Orationis Dominicæ, aut preces Christi pro Petro, non significant id, quod innuunt Patres, quasi hoc sibi vellent: O Deus, fac afflata interno, cui resistere nequeamus, ut temptationem vincamus. Ita Censor imperterritus patientia Lectorum abutitur. Sed Gratiam, ut his vocabulis utar, necessitantem atque irresistibilem, ubinam Africani Patres, Augustinus, & Catholici tradiderunt? ubinam exegerunt, ut Gratiam talem Pelagius confiteretur? Somnum hoc esse, complures Catholici jam ostenderunt; & tamen Phereponus id tamquam pro comperto, minimeque dubio passim sumit ac statuit. Ceterum nobis necessarium est ad superandas tentationes auxilium Gratiae Dei, etiam si huic auxilio resistere valeat liberum hominis Arbitrium. Catholici re ipsa hoc unum tradebant; Pelagius contra necessarium negabat adjutorium Dei, ne intremus in temptationem; qua ex opinione consequitur, nobis non esse opus Oratione ad evitandam peccata. Quid autem habet Phereponus, quo istud confessarium a sententia Pelagii tandem avertat? Ait, Pelagium non negasse, neque negare potuisse, quin constitutis in periculo consugiendum sit ad auxilium Dei, etiam extraordinarium; primo, quia non ita facile contingit, ut cadamus, insitato Dei auxilio adjuti, facilissime hac ratione a periculis evadimus; secundo, quia inter ipsas vires, quas Deus Christianis sufficietes largitur, nihil vetat, pro magnitudine periculorum, inusitata auxilia haberi. Itaque, concludit in haec verba, non potuit merito insulari Pelagius, quasi doctrina sua Orationis usum sustulisset. Ita Phereponus Pelagium facit non stultum, quando facere non potest Orthodoxum. Nimium quippe ille delirasset, si eum credens Deum, qui homini in periculis opem ferre possit, utile saltem non censueret orationibus exposcere illius præsidium. Sed non idcirco recte sentiebat Pelagius; nihilque habet nunc Phereponus, quo Africanos Patres jure arguat, sed solum quo suam præcedentem sententiam refellat. Pelagianorum facilegas dis-

Ee pura-

* Al. consequeretur.

putationes, ajebant Africani Episcopi, neceſſario conſequitur, ut nec orare debeat; hoc eſt, ut neceſſe homini non ſit orare. Non neceſſario hoc conſequitur, reponit Phereponus. Cur? Quia Orationis uſus ex Pelagii ſententia uilis eſt. At aliud eſt, uiles eſſe ad Deum preces, aliud eſſe neceſſarias. Utiles tantum, Pherepono teſte, Pelagius Orationes ajebat, non autem neceſſarias. Ergo jure dicunt Carthaginenses Patres, e Pelagii ſystemate conſequi, ut orare neceſſe non ſit: quod confeſtarium negabat modo Phereponus noſter.

Sed luculentius videamus, quæ vere fuerit Catholicorum hac de re cum Pelagianis diſputatio. Quum primum coepit Pelagius tantas Naturæ humanae, liberoque Arbitrio vires tribuere, ut homo ſine adjutorio Gratiae Dei agere bonum, & evitare peccatum, quandocumque velit, poſſit: illico objectum eſt illi, ita fieri, ut neceſſe amplius non ſit orare Deum; nam quæ neceſſitas ab alio poſcendi, quod in tua potestate jam ſit? Sanctus Hieronymus in Epiftola ad Ctesiphontem cap. 3. ita in Pelagium ejusque gregarios mature diſſerebat: Si non ultra Dei indigemus auxilio, ne ſi indiguerimus, liberum frangatur Arbitrium: ergo nequaque ultra orare debemus, nec illius clementiam precibus fletere, ut accipiamus quotidie, quod ſemel acceptum in noſtra eſt poſteſtate, &c. Tum inquit, ita philosophari & ſcribere unum ex ipliſ Pelagianis, niſi fit ipſe Pelagius. Idem confeſtarium ex ejusdem Hæretici doſtrina jure colligebam Carthaginenses Patres in laudata Synodica ad Innocentium I. & Milevitani in altera Synodica ad eundem Innocentium, & Innocentius ipſe in ſuis Litteris. Ut a ſe tantam culpam aliqua ratione removeret Pelagius, eo Catholicorum objurgationibus adductus tandem eſt, ut conſiteretur, ideo Gratiam Dei hominibus dari, ut quod per liberum facere jubentur Arbitrium, FACILIUS poſſint implere per gratiam. Ita ille in Libris de lib. Arbitrio. Ejus verba refert & explicat sanctus Augustinus in lib. de Hærel. cap. 88. inquiens: Dicendo utique, ut FACILIUS poſſint, voluit credi, etiamſi difficultius, tamen poſſe homines ſine Gratia divina facere iuſſa divina; & in Epiftola 186. olim 106. cap. 10. Utique quum dicit FACILIUS, quid vult intelligi, niſi & Gratia ſi deſit, poſſe per liberum Arbitrium vel facile, vel etiam difficile, que diuinitus jubentur impleri? Nihil aliud extundi e pertinaci Hæretico poſtuit, quem propterea varis in locis aruit Augustinus, & potiſſimum in Lib. de Gratia Christi cap. 29. dum ad ea verba reſ-

piciens ſcribit: Tolle FACILIUS, & non ſolum plenus, verum etiam ſanctus eſt ſenſus, ſi ita dicatur: Ut quod per liberum facere homines jubentur Arbitrium, poſſint implere per Gratiam. Africani autem Patres in Synodo habita Carthaginē anno Ch. 418. iſtud Pelagii dogma anathemate excipiebant: quod & a reliquo Catholicis, & ab Auguſtino in primis eſt factum. Quid ergo laborat heic Phereponus, niſi ut nos doceat rem jamdiu exploratam, videlicet Pelagium non neceſſe, quin utile ſit orare Deum, quo faciliter peccata caveantur? Nihil id ad rem attinebat. Si animus ipſi erat, ſuum & heic Pelagium defendere, oſtendendum fuīt, Africanos Patres leuſtra conqueri, quod Pelagius doſtrina ſua Orationis neceſſitatem fuſtillet, ſive quia revera Pelagius eam fatebatur, ſive quia hominibus nulla eſt proprie neceſſitas Orationis. At neutrum potuit aut poterit ille praefare; adverſantem enim ſibi reperiſſet atque reperiet cum totam Historiam Ecclesiasticam, tum apertissima diuinarum Litterarum, & legitime Traditionis monumenta, quibus palam fit, sine adjutorio Gratiae Dei yinci non poſſe tentationes, & neceſſum eſſe cuicunque noſtrum orare, ne ab ipliſ tentationibus vincamur.

Quæ ſequuntur apud Phereponum §. 5. pag. 515. nihil eſt quod refellamus; verſantur enim in ille ineluctabilis afflatus ſomnio, cui uni tam ſæpe, tam libenter ille ſuperadiebat. Nihil etiam reponendum arbitror eidem dicenti, ſe nomine Pelagii poſſe objicare Afris, ex eorum ſententia a Deo nihil potuisse peti (debuiffre alter ſcripſiſſet), quum reprobiſ quidem neceſſaria negare, electis vero omnia concedere, etiam non petenib⁹, ab eterno decreuit. Nam ignorare ipſe nequit, cum Auguſtinum, tum totam Catholicorum Eccleſiam, agnoviſſe ſemper auxilia ſufficiencia ad ſalutem omnibus a Deo praebeti; atque uti ad regnum ex gratia Dei miſericordia electi vocantur, ita etiam reprobiſ ex propria culpa ac voluntate damnari. Eadem brevitate transcurrimus, quod infra ha-bet §. 6. de Paedobaptismo, quem ait ex No-vo Testamento oſtendi nullo modo poſſe neceſſarium. Subdit autem nonniſi abſurde funda-menta Fidei ab Afris vocari potuiffe ea, de quibus altum eſt in Novo Testamento ſil-entium. Verum & infantibus neceſſarium eſſe Sacra-mentum regenerationis per aquam, ſupra nos demonſtravimus; & Patres Cartha-ginenses, quum ajunt, Pelagianos affirmare, neceſſarium non eſſe neque infantium Baptiſmum, neque Orationis uſum, quibus impiis dogmatibus funda-menta Christiane Fi-dei conan-tur evertere: ſatis produnt, ſe in-ter

IN RELIG. NEGOTIO. LIB. III. CAP. VI. 219

ter dogmata quidem Catholica referre Pædobaptismum; sed non inter fundamenta Fidei, qualia sunt, omnes in Adam peccasse, atque indigere Gratia Dei, & hominum Naturam esse corruptam, & ad bonum per se esse ineptam, & neminem sine Gratia Salvatoris ad regnum posse pervenire, atque alia ejusmodi, quæ negato Pædobaptismo, & Orationis necessitate sublata, consequenter evertuntur.

In notis ad Epistolam 176. Augustini olim 82. Milevitani Patres arguit Phereponus pag. 120. quod hæc de Pelagianis ad Innocentium I. Pontificem Maximum scribant: *Quum Dominus docuerit, ut dicamus: Dimitte nobis debita nostra, &c. Ipsi dicunt, posse hominem in hac vita, præceptis Dei cognitis, ad tantam perfectionem justitiae, sine adjutorio Gratia Salvatoris, per solum liberum voluntatis Arbitrium pervenire, ut ei non sit iam necessarium dicere: Dimitte, &c.* Ita vero ad hæc adnotat Phereponus: *Non dicabant, quemquam per totam vitam immunem prorsus peccatorum vixisse, excepto uno Christo. Unde sequebatur, neminem esse, ex eorum sententia, qui non deberet dicere: Dimitte, &c. Nam ad finem usque ut in peccatorum semel admissorum veniam petere omnes necesse habemus. Hec ergo est invidiosa criminatio. At nos dicimus, Pelagium, ieu potius Cælestium affirmasse, hominem per totam vitam prorsus sine peccato esse posse: id enim illius argumenta aperte conficiunt. Quod si hominem esse, aut fuisse re ipsa sine peccato præter Christum, affirmare ille non est ausus: ex primo tamen ejus effato jure colligebatur, hominom posse in hac vita pervenire ad tantam perfectionem justitiae, ut ei non sit iam necessarium dicere: Dimitte, &c. Quæ enim vera necessitas petendæ venia de peccatis homini illi, quem nullius culpa conscientia morderet? Sed utcumque sit de illorum sententia, atque de ejusdem sententiae consecutarii, nos Pherepono respondeamus, quod Augustinus respondebat Cælestio in lib. de perfectione justitiae Ratioc. 16. cap. 7. nempe: *Nullum cum eis de his verbis esse debere conflictum, quia non est ausus dicere hominem esse sine peccato, vel aliquem, vel seipsum, sed tantummodo esse posse: quod neque nos negamus. Quando autem possit, & per quem possit, hoc queritur, &c. Nam si per se ipsum potest homo esse sine peccato, ergo Christus gratis mortuus est. Non autem gratis Christus mortuus est; non igitur potest homo esse sine peccato, etiam si velit, nisi adjuvetur Gratia Dei per Jesum Christum Domum nostrum, &c.* Milevitani autem Patres eadem ratione Pelagium, sive Cælestium*

exscrabantur, quod dicet, *sine adjutorio Gratiae Salvatoris, per solum liberum Arbitrium posse hominem pervenire in hac vita ad perfectionem justitiae. Reliqua vide apud eundem Augustinum in laudato Libro de Perfectione justitiae.*

Invidiosam pariter criminacionem, si Pherepono credimus, continent hæc alia Patrum Milevitani verba: *Non ita intelligendum (ex sententia Pelagii) illud, Ne nos inferas in tentationem, tamquam divinum adjutorium poscere debeamus, ne in peccatum tentati decidamus; sed hoc (id est non decidere) in nostra esse possumus potestate. Inquit enim Phereponus, gratias cælestes non parum in tentatione juvare, ex ipsis Pelagi sententia. Addit etiam, ac sine iis in gravibus temptationibus homines succumberent: quod postrem quandonam Pelagius ad fatendum adiulctus fuerit, nescio qui ostendere possit illius hyperaspites Phereponus. Orationis, ac divini adjutorii utilitatem, uti vidimus, prædicavit quidem interdum Pelagius, at numquam ejus necessitatem, quippe viribus humanæ Naturæ nimium semper indulxit. Ergo jure ex ejus sententia inferebant Patres, necessarium non esse divinum poscere Adjutorium, ne in peccata cadamus. Duo autem illa e sacrâ litteris excerpta loca, quæ ad confirmandam necessitatem auxiliis & Gratia divina protulere Milevitani Concilii Patres, frustra a Pherepono sollicitari intelliget, quisquis & superiorum nostram responsionem legerit, & meminerit incluctabilem afflatum temere atque injuria ubique Augustino affingi a confidentissimo Centore isto.*

Non sunt quidem cursim prætereunda, quæ idem animadvertis ad Augustini Epistolam 177. olim 95. Inquit ibi Augustinus cum suis collegis, Pelagium in Diopolitano Concilio Gratiam Dei se agnoscere professum: *Quibus auditis verbis Catholicî Antistites nullam aliam Dei Gratiam intelligere potuerunt, nisi quam in Libris Dei legere, & populis Dei prædicare confueverunt; eam utique, de qua dicit Apostolus (Gal. II. 21.) non irritam facio Gratiam Dei. Nam si per Legem justitia, ergo Christus gratis mortuus est. Sine dubio Gratiam, qua justificamur ab iniuitate, & qua salvamur ab infirmitate, non qua creati sumus cum propria voluntate. Heic insurgit Phereponus, & ait, Pelagium non sola Creationis beneficia agnovisse, verum etiam Evangelica omnia; sed non Gratiam illam efficacem Augustinianam, ante eum incognitam, profertim in Oriente. Quid pro Gratia efficaci Augustiniana heic intelligat Phereponus, nemo non intelligit*

Ee 2 A

At sicut certum nobis est, hujusmodi Gratiam, cui reluctari humana voluntas non possit, & quæ non Augustiniana, sed Calviniana dicenda est, incognitam fuisse plurimis saeculis tum ante Pelagium, tum etiam postea: ita quoque certissimum est, numquam institisse Augustinum, ut Gratiam tam agnoscere Pelagius. Non autem minus fallitur, aliosque fallit Phereponus in hac absurdâ sententia sancto Augustino tribuenda, quam fallatur & fallat in altera opinione Pelagio adscribenda. Nullus controversia locus superfluisset inter Catholicos atque Pelagium sive Cœlestium, si omnia Evangelica dona is agnoscisset, eaque vere Dei dona, & non humanarum virium laborisque nostri fructum, confessus fuisset. Tot autem invisibilia ac interna beneficia, sive auxilia Dei, quibus ad bonum prævenitur, & adjuvatur, sine ulla tamen prævia necessitate & sine ulla coactione, nostra voluntas; & quibus virtutæ nostræ Naturæ infirmitas suppletur atque sanatur, per se & absque hujusmodi auxilio præstitura nihil boni ad salutem æternam pertinens, & quibus homo ad veram Fidem perducitur, & ad verum suorum criminum dolorem excitatur, atque a peccatis liberatur, & Caritate divina demum perfunditur; aliaque ejusmodi: utique sunt Dei dona per Christum Salvatorem homini comparata, hominique sive gratis collata, sive gratis, & non ex meritis nostris, conferenda, & peculiari vocabulo *Gratiæ Dei per Christum* apud sanctos Patres celeberrima. Sonnia ergo nobis narrat Phereponus, inquiens Pelagium agnoscisse *omnia dona Evangelica*; nihil enim magis exploratum est in Historia Ecclesiastica, quam quod ambitious humani Arbitrii inflator Pelagius alia ex his donis, beneficiis, & auxiliis non agnoverit, alia agnoverit quidem, sed minime necessaria duxerit, aut minime gratis a Deo concessa, sed ita viribus Naturæ nostræ atque Arbitrii nostri conatibus quæsita ac debita, ut jam dona & gratiae Dei desinerent esse.

At his dimissis, vocat nos Phereponus ad perpendicularum locum Apostoli nuper ab Augustino laudatum, hoc est, non irritam facio *Gratiæ Dei*, eumque nihil facere contra Pelagium sine ulla dubitatione pronuntiat. Audiamus illius rationes. Nam, inquit ille, *Gratiæ Dei* est ibi *Evangelium*, aut *Evangelica œconomia*; qua Deus justos censet, non eos qui peccato carent, sed qui *Evangelio parent*: quanvis anteacta eorum vita vitius inquinata fuerit, nec sine lapsibus variis reliquam etatem traducant. Tum ad-

dit, eo sensu semper sumi *Gratiæ*, quando opponitur Legi, qua ex Judæorum sententia summam postulabat perfectionem; ita ut *Gratiæ* opposita Legi & Operibus, idem sit ac misericordia opposita rigori, sive imperfecta observatio Mandatorum Dei opposita perfectæ sanctitati. Et ne quis male tempus terat in ultra inquirendo, an ita res habeat, hoc luce meridiana clarius esse non monet, nullumque recentiorum Interpretum occurrere, qui rem non viderit. Quis homini tanta cum securitate talia affirmanti fidem negare audeat? Et tamen patitor Phereponus nos dicere, nusquam minus quam heic sua verba impetrare posse fidem, nobisque contra esse manifestissimum, cum doctrinam *Evangelicam*, tum Apostolument, ejusmodi sua interpretatione mirum in modum corrumpti. Primo falsum est, Deum in *Evangelica œconomia* censere justos, qui in peccata labuntur, dum tamen *Evangelio* pareant. Secundo inepte & contra veritatem dicitur, obtemperare aliquem *Evangelio*, etiam dum vitiis se inquinat, suisque cupiditatibus pravis indulget. Furturem istum Calvinianæ doctrinæ Catholicij jamdudum exploserunt; & quisque per se intelligere potest, justitiam a peccato expelli, & neminem reputandum esse justum, hoc est, virtute præditum, & amicum Dei, dum Deum offendit, eique non paret, sive que inobedientia præteritculam dolore ac penitentia non eluit. Proinde falsum quoque est, eo sensu, quem Phereponus offerit, semper sumi *Gratiæ*, quando in Scriptis Apostolicis Legi opposita nobis occurrit.

Ut hoc tamen perspicue appareat, animadvertendum est, contendere paucos quosdam ex recentioribus Novi Testamenti Interpretibus Heterodoxis, & Hammondum in primis, caput Phereponi in multis carum, revera nomine *Gratiæ* *Evangelium* significari, quum *Gratiæ* seu *X̄ριστος* in sacris Litteris Legi opponitur. Quod tamen Hammondus sepe factum ait, Phereponus pro sua liberalitate semper factum pronuntiat. Ex iis autem bene multis locis, quæ ad hanc suam opinionem confirmandam corrudit undique Hammondus ipse, nonnulla sunt, quæ mirum videatur, quomodo conveniant choro. Exemplo sint duo illa defumta ex Cap. XX. 24. & 32. Act. Apost. inquit Paulus, se testificari *Evangelium Gratiæ Dei*; tum ait, se Ephesios commendare Deo, & verbo *Gratiæ ipsius*, &c. Εὐαγγελίῳ Χριστῷ, & λόγῳ τῷ Χριστῷ, nihil aliud sunt Hammondo, quam predicatione *Evangelii*. Non is quidem sum, qui ne-

negare velim, quin Gratia nomine Evangelium dici interdum possit designatum, quando Legi opponitur; sed quidem ajo, constare prius inter nos debere, quid sit vocabulo Evangelii tunc intelligentum, & præsertim in loco Apostoli ad Gal. II. 21. quem Augustinus olim citabat, & nunc Augustino eripere Phereponus nititur. Nominis ergo Evangelii intelligere possumus auctoritatem prædicationem gestorum, doctrinæ, ceterorumque donorum, quæ Christus in mundum intulit & infert, aut ipsam rem prædicatam, hoc est, ipsa gesta, doctrinam, & dona Christi. Quamquam prædicatio Evangelicæ Fidei, donum sit & Gratia a Deo veniens; manifestum tamen puto, Evangelium non appellari Gratiam sub ea significatione, quando opponitur Legi in Apostolicis Litteris. Nam prædicatio necessaria quidem est, ut homines audiant atque amplectantur Fidem Christi; ipsa tamen homines meliores felicioresque quam sub Judaica Legge essent, per se non facit, quum hoc facere spectet ad ipsam rem prædicatam, hoc est ad doctrinam vera fide perceptam, & ad gratias & dona Dei in amplectentes Evangelium prædicatum diffusa. Dicimus ergo, Evangelium, seu rem prædicatam in Evangelio, Gratiam potuisse appellari, vel respiciendo ad ipsas Christi res gestas, & ad ejus præcepta, consilia & exempla (divina quippe misericordia factum est, ut hæc audierint, & audiant homines), vel considerando beneficia interna, & dona invisibilia ab ipso Christo procurata hominibus in Lege nova Evangelium fideliter recipientibus, eique obtemperantibus, per Christum a Deo collata. Sed nudas Christi res gestas, ejusque doctrinam atque exempla, non intelligunt Apostoli, quando novi Testamenti Gratiam Legi antiquæ opponunt, etenim Littera sola homines justificare non potest, nisi accedant interna illa dona ac beneficia, quæ audiētibus, recipientibus & observantibus Legem Evangelicam confert Deus, & quæ revera justificationem in nos important.

Hoc ergo postremo titulo proprie ab Apostolis atque Evangelistis Gratia nomen Evangelio tribuitur, & jure opponitur Legi. Edocebat Lex, quid agendum foret Iudeis, ut Deo placent, virtutesque a virtutis distinguerebat; proptereaque fuit & ipsa donum Dei misericordis. Verum quandoquidem ipsa aliqui bona, sancta & utilis non vivificabat, hoc est, per se vim justificandi non habebat, neque virtutem internam Iudeis præstabat consequenda justitiae & servandæ Legis, & Deo vere placendi, ut Apostolus toties nos docuit: ideo causa erat, ut cognosceretur

peccatum, vigorem autem non ministrabat, ut peccatum evitaretur; neque satis erat homini ad consequendam æternam gloriam, nisi Christus ad mundum sua morte & gratia salvandum venisset. Christus autem venit, donec invisia & præstantissima, Fidem præsertim, & Caritatem, homini comparans, & vires internas Naturæ vitiata, infirmoque hominis Arbitrio suppeditans, aliaque beneficia ad bonum operandum præbens, quæ a Lege sola expectari non poterant; eaque bona in eos effundens, qui sibi credunt suæque Legi parent, nunc facit ut justi evadamus, Deoque vere placeamus, cælumque nobis aperit. En igitur caussam proximam, cur Evangelium proprie Gratia appelletur in comparatione Judaicæ Legis. Hinc Jo. I. 16. dicit: *De plenitudine ejus* (videlicet Christi, quem supra plenum gratia & veritatis nuncupatur) *nos omnes accepimus*, & gratiam pro gratia, quia lex per Moysen data est; gratia, & veritas per Jesum Christum facta est. In verbis autem Apostoli ad Gal. II. 21. commemoratis ab Augustino id aperte innuitur. Non irritam (inquit Paulus) facio gratiam Dei sive non abjicio, ut vulgata Versio habet.) Si enim per legem Justitia, ergo gratis Christus mortuus est. A Lege Mosis, atque ab operibus, & cæremoniis legis, non expectandam esse justitiam, atque justificationem, clamat Apostolus, sed quidem a Fide Christi, quæ per dilectionem operatur; alioquin si aliunde, quam per Christum, ejusque dona, obtineri possit justitia: quid necesse erat Christum mori? Nisi Fidem in Mediatorem venturum vel ipsi Iudei habuissent, salutem ex Lege sola atque ex operibus numquam retulissent. Scientes (jam supra Apostolus dixerat) quod non justificatur homo ex operibus legis, nisi per fidem Jesu Christi, & nos in Christo Jesu credimus, ut justificemur ex fide Christi, & non ex operibus legis &c. Igitur Apostolus dum Evangelium Gratiae Dei, sive prædicacionem Divinæ & Evangelicæ Gratiae memorat, nihil aliud nomine Gratiae Dei designat, quam ea dona ac beneficia, quæ ex auditu & receptione Evangelii in homines fluunt, aut fluere possunt per Christum, & quæ Mosaicæ Lex per se conferre nequivat. Dona hæc & beneficia inspiratione potissimum constant Spiritus sancti, qui Fidem donat & Caritatem diffundit in cordibus nostris, & Justitiam & morum sanctitatem, ceterasque virtutes in nos defert, omniaque bona in nobis & nobiscum operatur. Proinde Apostolus Cap. seq. v. 2. Galatas ita interrogat: *Ex operibus Legis spiritum accepisti, an ex auditu fidei?* Et infra: *Qui ergo tribuit vobis Spiritum, & operatur*

ratur virtutes in vobis: ex operibus legis, an ex auditu fidei? De hac autem Gratia Evangelica, qua non a nobis, sed ex Deo est, qua, ut ait Augustinus, justificamur ab impietate, & qua salvamur ab infirmitate, disputabitur cum Pelagio affirmante illam a viribus nostris esse, easque esse humani Arbitrii vires, ut in nobis Fidem & Caritatem, Deo has virtutes gratis non tribuente, excitatere possimus. Quamobrem nullo jure Phereponus dicit, Gratiam sensu Augustiniano heic minime sumi, ut nec usquam alibi in Scriptura. Nam si Calviniano sensu, quem ipse pro suo more Augustinianum appellat, Gratiam intelligit: id quidem certum sit ex nostra quoque sententia; sed falsissimum est, si ad veram sancti Augustini mentem respicimus, ut ex pluribus divinarum Litterarum exemplis constat, & praeferim ex eo ad Rom. III. 24. Justificati gratis per Gratiam ipsius per redemtionem, que est in Christo Iesu; & ex altero 2. Cor. XII. 8. Sufficit tibi Gratia mea. Videat insuper Phereponus, quam opportuno loco pronuntiarit, Africanos Episcopos & negligenter legisse, & oscitantes laudasse Scripturam, & quam solida ratione heic elevet eorum auctoritatem atque doctrinam. Tandem videat, quibus tabulis fretus affirmare ipse possit, Gratiam oppositam Legi in sacris Litteris idem esse, ac misericordiam oppositam rigor, & imperfectam observationem mandatorum Dei perfectae sanctitati. Quasi Deus in veteri Testamento rigidus iudex nullius Judaei misereretur, qui in peccata caderet; misericors autem in novo non exigat a Christianis perfectam mandatorum observationem; & quasi perfecta sanctitas atque justitia obtineri per Legem solam potuerit, imperfecta autem in Evangelio neminem a salute excludat. Hæc dogmata manifeste pugnant in Scripturam sacram: quod ostendere nobis facilimum foret, nisi ad alia rapere tur oratio. Temperare tamen mihi non possum, quin memorem illa Salvatoris verba ad Discipulos suos Matth. V. 22. Nisi abundaverit justitia vestra, plus quam Scribarum & Phariseorum, non intrabitis in regnum celorum. Tu reliqua ibi Christi verba perpende.

In Lib. de Haeres. ad Haeresim 88. de Pelagianis haec habet Augustinus: *Dei Gratiae, qua prædestinati sumus in adoptionem filiorum per Jesum Christum in ipsum, & qua erimus de potestate tenebrarum &c. in tantum inimici sunt, ut sine hac posse hominem credunt facere divina mandata &c.* Ubi Phereponus hæc retulit pag. 595. religiosum ardorem præferens, anathema continuo dicit omnibus, qui divina Gratia igimici sunt;

immo ut putat, Pelagium, si revivisceret, in eadem sententia, atque execratione secum fore consenlurum judicat. Verum (deinde subdit) accusatore dicit Augustinus inimicos Gratiae Dei eos, qui internum afflatum, ad singulos necessarium actus, eumque inclutabilem, & ad finem usque vite solis electi dandum, hoc est, Gratiam Augustini, non Dei repudiabant; nam Gratiam hunc afflatum, aut Gratiam Dei vocari in Scriptura numquam demonstravit. Tum addit, Deum (utpote justum) impossibilia non imperare, neque sumere poenas de iis, qui non fecerunt impossibilia. Quod si præter nudum imperium, auxilium aliud divinum necessarium sit (hoc autem si Pherepono creditus, non negabat Pelagius), id nemini eorum, quibus aliquid imperat, subtrahit Deum. Tandem ita Censor eloquitur. Sed omnia heic sunt, ut alibi apud Augustinum, ad invidiam faciendam composita. Liceat & nobis heic dicere, omnia hæc Phereponi verba, ut alibi saepe, hominis esse aut calumniantis, aut sibi ignota culpantis. Ita Augustinus scribebat in Lib. de Gratia & libero Arbitrio Cap. 16. Magnum aliquid Pelagi se scire putant, quando dicunt: Non jubet Deus, quod sciret non posse ab homine fieri. Quis hoc nesciat? Sed ideo jubet aliqua, que non possumus, ut neverimus quid ab illo petere debeamus. Ipsa est enim Fides, que orando impetrat, quod Lex imperat. Juvat etiam repetere alium celebrem Augustini ejusdem locum in Lib. de Natura & Gratia Cap. 43. Non igitur Deus impossibilia jubet, sed jubenda admonet & facere quod possit, & petere quod non possit. Ubi vides duo poni ab eximio viro: nempe Deum impossibilia non imperare, simulque Dei auxilium necessarium esse ad ea implenda, quæ ipse præcipit: e quibus tertium necessario consequitur, Deum videlicet sufficienti auxilio hominibus adesse, ut præcepta adimplere possint, eorumque tantum vitio fieri, nisi impleant. Quo vero opera bona virtutesque certo amplectamur, legemque velimus implere, & re ipsa impleamus, & quo æterna Dei de electorum suorum prædestinatione decreta certus subsequatur effectus: efficacioribus auxiliis utitur Deus, quæ singulis profecto non donari, neque ea obligatione teneri Deum, ut omnibus & singulis donet: tum experientia, tum sacræ Litteræ, & sancti Patres, & rationes innumeræ manifestum faciunt. Primo igitur loco quid est quod Phereponus monet, impossibilia a Deo non præcipi, quasi aliter Augustinus sentiret? Deinde quid dubitare videtur, num præter nudum imperium, necessarium sit aliud quod-

quodpiam a Deo auxilium, quo Lex impleatur? Istius auxiliū necessitatem divinæ Litteræ luculentissime statuunt. Tertio sentit Phereponus, non negasse Pelagium, quin sit necessarium istud auxilium. At Augustinus in eod. Lib. de Hæres. atque ad eamdem Hæresim Pelagianorum, atque alibi etiam, testis fide dignior quam Phereponus, scribit, numquam induci potuisse Pelagium, ut divinæ Gratiae necessitatem admitteret. Denique (sunt Augustini verba) *Pelagius a fratribus incipatus, quod nihil tribueret adjutorio Gratiae Dei ad ejus mandata facienda, correptioni eorum hactenus cessit, ut non eam libero Arbitrio præponevet, sed infideli calliditate supponevet, dicens, ad hoc eam dari hominibus, ut quæ facere per liberum jubentur Arbitrium, Facilius possint implere per Gratiam. Dicendo utique ut Facilius possint, voluit credi, etiam si difficultius, tamen posse homines sine Gratia divina facere iussa divina.*

Quæ si vera sunt (ut profecto sunt, neque negare Phereponus audeat), quis non intelligat, rectissime atque verissime Pelagianos appellatos ab Augustino fuisse inimicos divinæ Gratiae, & potissimum quum hac de ipso forum prima opinione pronuntiet, quando videlicet nihil aut parum tribuebant auxilio Gratiae Dei, sed omnia sinebant liberi Arbitrii viribus? Non semel autem monui, rursusque monere cogor, mire decipi Phereponum, dum ejus gratia, quam sanctus Augustinus tuebatur, notionem nobis obtrudit. Est quidem illa internus Dei afflatus in intellectum, & voluntatem hominis; sed ineluctabilis afflatus non est, cui nempe resisti non possit; neque solis electis reservatus est, quum reliquis etiam concedatur, qui ab amore creatarum terum ad amorem veri Dei, & Salvatoris nostri Iesu Christi revera convertuntur. Calviniana Gratia est, quam ubique describit nobis Phereponus, non Augustiniana. Heic ille dudum cœcutit; quum tamen ignorare homo tot controversiarum gnarus non possit, num a Calvino, an potius a Catholicis sit Augustinus. Et sane afflatum, qualis a Calvino describitur, Gratiam

Dei numquam in Scriptura vocari, nos quoque libenter concedimus. Verum in Scriptura clarissime tradi Augustinianam divinæ Gratiae notionem atque sententiam, tum aliquibus testimoniosis supra ostendimus, tum pluribus aliis evincere possemus. Eo etiam faciunt omnia, quæ sacrae Litteræ habent de auxiliis, de adjutorio, & ope, quam Deus homini confert, ut bonum operetur, & fine qua homo operari bonum, & venire ad Christum, & impleri Spiritu Sancto, & Caritate donari non potest. Intime quoque, atque efficaciter (non sine tamen cooperatione ac libertate Arbitrii nostri), in animos voluntatemque hominum auxilia ista influere, multis in locis tradit Apostolus, sed præcipue quum ait ad Philip. II. 13. *Deus est enim, qui operatur in vobis & velle, & perficere pro bona voluntate.* Et in 1. ad Cor. III. 7. *Neque qui plantat est aliquid, neque qui rigat, sed qui incrementum dat Deus.* Atque hoc internum Dei misericordis auxilium *Gratia* illa potissimum erat, de qua cum Pelagio disputabatur, quæque a sancto Augustino ita definitur Lib. 4. Cap. 5. contra duas Epistolas Pelag. *Inspiratio dilectionis, ut cognita sancto amore faciamus.* Ejus necessitatem non agnoscet Pelagius; Augustinus autem, & Ecclesia Catholica deprecabant. Si contendere Phereponus velit, Pelagio perperam Augustinum affinxisse hujusmodi sententiam: Pelagium faciet ille Catholicum. Sin ita Pelagium sensisse fateatur, solumque contendere velit, ejus opinionem immerito a Catholicis divextam fuisse: Augustinum non arguat tamquam Pelagianis dogmata ab eisdem repudiata declamatorio more imponentem, sed ipsa arguat ipsius Augustini dogmata. Quod postremum si Pherepono facere placeat, non expectet a nobis confutationem, sed sciat se jamdudum ab innumeris Ecclesiaz Catholicaz Theologis fuisse confutatum. Ceterum in sententia five ut ita dicam, in suppositione Augustini, rectissime semper & sine calunnia vocari potuit Pelagius *inimicus Gratiae Dei*, quippe qui illam humanæ voluntati necessariam ut fateretur induci numquam potuit.

C A P U T VII.

Voluntarium & Liberum Phereponus putat ab Augustino confusa. Quid sint Libertas essentialis, & Libertas accidentalis humani Arbitrii. Quid necessitas essentialis, quid accidentalis, quid antecedens, quid consequens. Arbitrium hominum semper liberum ab antecedenti necessitate, semper præditum essentiali libertate. In hac sententia semper fuit sanctus Augustinus, uti ex multis ejus locis ostenditur. Nulla in Deo antecedens necessitas, eique etiam tributa a quibusdam Libertas in amore sui, arque virtutis. Præscientia futurorum in Deo non tollit Arbitrium homini liberum. Deus prævidet, libere homines peccaturos. Idem in Deo sunt præteritum, præsens, ac futurum; quare ejus Præscientia non lœdit Arbitrii humani libertatem.

DE libero Arbitrio agentem Augustinum Phereponus non uno fugillat in loco; sed quanta cum æquitate, nostrum erit deinceps offendere. Illud vero tamquam ratum certumque statuit ubique Phereponus, aut Augustinum ignorasse, que inter liberum & voluntarium differentia intercedat, aut novisse quidem, sed affirmare non dubitasse, a Deo puniri quæcumque etiam mala ab hominibus, et si voluntarie, non libere tamen perpetrantur. In Lib. de vera Relig. Cap. 14. dixerat Augustinus: Usque adeo peccatum voluntarium est malum, ut nullo modo sit peccatum, si non sit voluntarium. Hæc ita excepit Phereponus p. 485. Nempe si voluntarium dicatur liberum, ita ut possit admitti peccatum, aut non, & quidem ab ipso peccante. Tum addit, omnes proslus mortales ita sensisse ante controversias Pelagianas; Nec aliter, ait, sensisset ipse Augustinus, si post mortem ejus nata demum fuissent. Itaque hoc frustra cum sententia, quam postea amplexus est, in concordiam redigere conatur, Retract. Lib. I. cap. 13. §. 5. quasi voluntarium dicatur tantum, quod insidet voluntati, quamvis liberum non sit. Istam questionem uberioris deinde agitat in Animadv. ad Lib. V. cap. 10. de Civ. Dei, inquiens pag. 579. Augustinus heic, ut & alibi, voluntarium, & liberum confundit, que in omnium hominum sermone distincta sunt; nam voluntate quidem adjentimur evidenti enuntiationi, sed non libere, & voluntate simul cupimus felicitatem, sed non libere; neque enim possumus nolle evidentibus assentiri, aut nolle esse felices. Infra vero hæc Augustini verba adfert, simulque per quasdam parentheses commentatur: Quocirca nullo modo cogimur (inquit Philosophus Poenus), aut retenta præ-

scientia Dei tollere voluntatis Arbitrium (cur non addit liberum?) aut retento voluntatis Arbitrio (addendum erat libero, hoc est, in utramque partem flexili) Deum, quod nefas est, negare præsum futurorum. Sed utrumque amplectimur, utrumque fideliter & veraciter confitemur; illud ut bene credamus, hoc ut bene vivamus. Male autem vivitur, si de Deo non bene creditur. Ita Augustinus, cuius sententiam his aliis verbis Phereponus onerat dicens: Postrema hæc libenter amplectimur; sed si aliquis repugnasset Augustino, negasset ab Augustino retineri liberum Arbitrium; quod nec ille diffidetur, quem extra controversie astum loquitur. Vide Enchiridion ad Laurentium Cap. XXX.

Illud primo nos heic protestamur, firmissimum esse semperque fuisse Catholicorum dogma, liberum in homine, vel post Adami lapsum, superesse Arbitrium, neque aut Peccata, aut divinam Gratiam essentiali ista qualitate hominem expoliari posse; Calvinum vero, Lutherum, eorumque similes execravimus, & Concilii Tridentini diris persecutimus, quod in actibus moralibus voluntarium quidem, sive spontaneum homini tribuant, sed liberum Arbitrium, sive electivam potestatem eripiant. Secundo addimus, si quid heic ḡrra Ecclesiæ Catholicæ sententiam exorbitasset Augustinus, controversia ardore abreptus, non eum declinantem ad extrema volumus sequi, sed regiam tenere Catholicæ matris viam. Tertio dicimus, ne ipsum quidem ab hac eadem via veritatis Augustinum deflexisse; & si qua occurrent in ejus Libris de hoc ipso arguento obscura, facili interpretatione, & ex aliis ejus locis explicari itidemque cum Catholicis dogmate componi posse, atque debere. Animadver- ter-

tendum igitur est ante omnia, Libertatem, atque Necessitatem humani Arbitrii, sive humanae voluntatis, diversimode accipi, pluribusque distingui modis. Nos ut brevitati consulamus, bifariam tantummodo ipsas distinguemus. Itaque alia est Libertas essentialis, alia accidentalis. Prior voluntatem reficit, uti electiva est, facitque ut homo ex institutione sua possit aut eligere, aut non eligere aliquid sibi propositum. Ideo vero essentialis homini dicitur, quia homo desideraret esse Animal Rationale, & in brutorum animalium naturam concederet, si eidem auferretur hujusmodi Libertas atque potestas, propter quam juste aut injuste operari dicuntur, & laude & vituperatione dignus reputatur. Altera Libertas accidentalis est, quæ voluntati humanæ adesse, aut ab eadem abesse potest, salva libertate illa, quam essentialis diximus esse rationali naturæ. In tot autem Liberrates hujus postremi generis Libertas dividitur, in quo ipsa actionum humanarum ampla respublica, iisque libertatibus privare se ipsem homo, atque ab aliis quoque externis causis privari potest. Rursus ad instar Libertatis alia est Necessitas essentialis, alia accidentalis. Illa hominem essentiali Libertate, sive naturali facultate eligendi, aut non eligendi, spoliatum, ita determinat ad unum, ut ei aliter eligere aut facere impossibile sit. Accidentalis vero accidentalis tantum aliqua libertate hominem spoliat in aliqua singulari actione facienda, aut non facienda. Porro Necessitas essentialis id proprium habet, ut ab externa causa atque impressione veniens, & præveniens omnem rationalis voluntatis nutum, ipsam potentiam ante determinet ad alicujus rei amorem aut odium, sive electionem aut fugam, quam ipsa potentia sese libere moveat ad eligendum aut fugiendum illud objectum; ideoque Necessitas antecedens dicitur. Talem Necessitatem invexere Fati affertores, & impia quidam Astrologi, & Manichæi, ut alios omittant. Necessitatis vero accidentalis proprium est, subsequi liberum voluntatis nutum, ideo consequens illa appellatur. Ad hæc animadvertisendum est, Spontanei & Voluntarii nomine, prout a Libero hæc nomina distinguuntur, id significari atque intelligi, quod voluntati placet & gratum est, quodcumque modo id fiat, hoc est, sive ipsi voluntati libere eligenti placeat, sive placeat eidem ante suam electionem determinata, ac necessario mota ad illud objectum amandum. Involuntarium, Vis, & Coactio opponuntur Spontaneo, & Voluntario. Quamobrem qui lubenter, & voluntarie, atque sponte agit, is liber a coactione dicitur;

& tamen istum eumdebet imaginari eodem tempore possumus non liberum a Necessitate essentiali. Ita animalia bruta eo quod, ut oculis nostris appetit, lubenter, & cum delectatione, aut si mavis dicere, non reluctantia, neque repugnantia, cibum, potum, & venenum identidem appetunt, & tamen necessitate id facere dicuntur, libera dici non possunt a Necessitate, etiam si libera sint a Coactione.

His positis, memoria recolendum, contendi solere a Calvino ejusque gregariis, hominem in actionibus moralibus necessaria quapiam impressione rapi, ac determinari ad unum ante omnem suæ Voluntatis ac Arbitrii motum ac nutum, adeo ut eligendi potestate ac libertate careat. Concupiscentia prava, ac homini innata, Præscientia Dei, Prædestination, Gratia, aut aliæ hujusmodi causæ, secundum ipsos, electivam homini Potentiam eripiunt, ipsumque adeo liberum Arbitrium. At quum fieri possit, ut ad ea, quæ homo non facere non potest, (Necessitate quippe antecedenti atque secreta raptus) moveatur quoque illius voluntas non coacte, sed spontaneæ, sive lubenter: hinc liberum hominis Arbitrium, si cosdem Hæreticos audiimus, situm est in hac una *Libertate a coactione*, non autem in *Libertate a necessitate*. Quantum a recta Ratione, a divinatum Scripturarum documentis, & a sanctorum Patrum sententia absit ac abhorreat hujusmodi commentum, non est hujus loci ostendere. Minime tantummodo juvat, nihil a Fati assertoribus, a Manichæis, aliisque id genus hominibus, quos tantopere Christiana exsecratur Ecclesia, differre istorum opinionem; homines vero hoc pacto in pecudum fortè demitti, nulliusque revera meriti aut demeriti, laudis que aut vituperationis capaces amplius esse dicendos. Augustinum vero in hac sententia sibi præcessisse, jactitant Hæreticorum recentium Scholæ, istorumque clamoribus nihil cunctatur adhibere fidem Pherenponus noster, ne carpendi Augustini tam bella sibi elabatur occasio. Sed aliter sensisse Augustinum, jam per alios patuit, & adhuc nostra, ut spero, oratione palam fiet.

Arbitrium ergo hominis liberum esse ab antecedenti Necessitate, hoc est præditum sua essentiali Libertate atque electiva potestate, ita ut nihil voluntatem ad suos actus, & ad eligendum ante determinet, atque ut ita dicam necessitet, quam ipsa voluntas libero motu sese ipsa ad unam partem eligendo inclinet: doctrinam semper fuisse sancti Augustini, ea persuadent, quæ ipse variis in locis in hanc ipsam rem peculiariter intentus scripta reliquit. Et in primis quod est ad

peccandum, negat ille omnem in voluntate antecedentem Necessitatem. In Lib. 3. de lib. Arb. cap. 18. ait: *Quaecumque ista causa est voluntatis, si non ei potest resisti, sine peccato ei ceditur; si autem potest, non ei cedatur, & non peccabitur.* Mox subdit: *Quis enim peccat in eo, quod nullo modo caveri potest?* Peccatur autem: caveri igitur potest. Si secreta Necessitate, atque determinatio ne prævia ad unum, homo aliquod opus pravum agit, utique nullo modo cavere illud potuit. Ergo sine culpa erit, quia nulla ex parte liberum ipsi fuit secus agere, neque ipse necessitatem sibi fecit, sed factam aliunde sensit. At certum est Augustino, homines revera peccare saepe ac saepius; ergo certissimum est Augustino, Libertatem ab antecedenti Necessitate superesse vel post Adami lapsum. Eadem fusius repetit sanctus Doctor in Lib. de duabus Animabus Cap. 12. Peccati reum teneri quemquam, quia non fecit, quod facebat non potuit, summa iniquitatis est & insanitas. Quonobrem ille animæ quidquid faciunt, si natura, non voluntate faciunt; id est, si libero & ad faciendum, & ad non faciendum, motu animi carent; si denique his abstinenti ab opere suo potestas nulla conceditur, peccatum eorum tenere non possumus, &c. Vide & eundem in Lib. de vera Relig. cap. 14. & in Lib. contra Adimantum cap. 27. & in Lib. 2. contra Faustum cap. 5. & in aliis locis Librorum de lib. Arb. Quod autem est ad bonum faciendum, ne tunc quidem Neces sitate ferti hominem, sed quidem fini libere agere, auctor est non uno in loco Augustinus. Celeberrima sunt, que ille habet in Lib. de Spiritu & Littera cap. 34. Misericordia ejus prævenit nos. Consentire autem voca tioni Dei, vel ab ea dissentire; propria voluntatis est. Iisdem fere verbis de Libertate ad malum perpetrandum pronuntiavit in Psalm. 91. inquiens: Non cessat Satanus suadere malum; sed nec Deus cessat admonere bonum. Satanus autem non cogit invitum. In tua potestate est consentire, aut non consentire. Alia omnia loca, quibus sanctus Augustinus, Ecclesia Catholica concors, humanæ voluntati facultatem, & non de nominis tantum, sed veram ac innatam potestatem tribuit rel uständi & resistendi divinæ Gratiae.

Sed quia loca superius aut descripta, aut indicata, quibus essentiale Arbitrii Libe rataem Augustinus deprædicat, omnia fere de prompta sunt e Libris contra Manichæos compo sitis; Phereponus autem contendere potest, Augustinum hostibus mutatis sententiam quoque mutasse: consulamus & Libros Augustini contra Pelagianos, ubi eadem repetit atque confirmat. In Lib. de Natura & Gratia

cap. 65. Pelagianis sancti Hieronymi au toritate abutentibus ita respondet: Item quod ait (Pelagius) a memorato dictum esse Pres bytero: Liberi Arbitrii nos condidit Deus, nec ad virtutem, nec ad vitia necessitate tra himur, alioquin ubi necessitas, nec corona est; quis non agnoscat? quis non toto corde suscipiat? Vide & Capp. 64. & 66. & 32. & 43. ejusdem Libri. Ad hæc in Lib. 2. Cap. 3. de Nuptiis & Concupisc. objicienti Pelagio, eos statim infamari, qui liberum affirment Arbitrium, respondet Augustinus. Non itaque, sicut te atque alios fallens loqueris, si quis liberum in hominibus Arbitrium dixerit, Celestianus, & Pelagianus vocatur: ista quippe Catholica Fides dicit, &c. Itidem in Lib. de Spiritu & Littera Cap. 33. Vult autem Deus, omnes homines salvos facere, & in agnitionem veritatis venire; non sic tamen, ut eis adimat liberum Arbitrium, quo vel bene, vel male utentes justissime judicentur. Vide & Cap. 34. ejusdem Libri, & Capp. 2. 3. & 19. Libri de Gratia & libero Arb. ubi fortiter prædicat humani Arbitrii Libertatem a Necessitate quacumque antecedenti.

Accedamus nunc ad Phereponum, & ab eo petamus, num sibi videatur essentiale homini Libertatem eripere: qui consentire, aut dissentire sive ad bonum sive ad malum in potestate semper relinquere humani Arbitrii? qui nos Necessitate non trahi fatetur? qui libero arbitrio bene aut male uti nos agnoscat; Fatum exsiccatur; liberumque ad faciendum, & non faciendum animis nostris motum facultatemque tribuit? At inquit Phereponus: Cur Augustinus Voluntarium dum taxat exigit, ut actio mala jure dicatur Peccatum? Non Voluntarie tantum, sed & Li berte fiant necesse est, que laudem aut vi tuperationem mereri debent. Verum Phereponus æquiorum se erga Augustinum longe præbuisset, si viam potius intelligendi, at que in bonum sensum explicandi Augustini, quam carpendi quællisset; Sanctus autem Doctor terminis, atque vocabulis, quæ nunc in Scholis obtinent, semper non est usus; & Voluntatis, ac Voluntarii nomine facultatem electivam interdum significavit. In Lib. de vera Relig. Cap. 14. quo respicit Phereponiana censura, inquit Augustinus, usque adeo peccatum Voluntarium esse malum, ut nullo modo sit Peccatum, si non sit Voluntarium. Heic nomine Voluntarii mali significat Augustinus malum, quod a voluntate uti causa vera procedit, & consequenter a libera cau sa atque electione oritur, omnemque antecedentem Necessitatem excludit. Indicat id aperte ipsem Augustinus infra sic scribens. Si non Voluntate male facimus, nemo objur

gandus est omnino, aut monendus: quibus
sublatis Christiana Lex, & disciplina omnis
Religionis auferatur necesse est. Voluntate er-
go peccatur. Et quoniam peccavi non dubium
est, ne hoc quidem dubitandum video, habere
animas liberum voluntatis Arbitrium. Tales
enim servos suos meliores esse Deus judicavit,
si ei servirent liberaliter. Quod nullo modo fieri
posset, si non Voluntate, sed Necessitate ser-
virent. Vides heic liberum Voluntatis Arbit-
rium, vides homines Deo, aut peccato ser-
vire liberaliter; ergo libera Voluntate, non
Necessitate. Immo ipsem Augustinus Neces-
sitatem hanc opportune nominans, eam ab
Arbitrio hominum proorsus excludit. Lib. au-
tem 1. c. 13. Retract. non destruit hujusmodi
sententiam, sed rursus confirmat. Peccata
quippe quæ ipse tantummodo Peccata appellat,
prositus a Voluntate electiva esse dicit; illa vero quæ Peccata simul sunt, & Pœna
peccati, atque ab homine perpetrantur sive
cupiditati relicto in pœnam præcedentium
criminum, quamquam non Voluntarie facta
videantur, sed quidem ex Necessitate, atta-
men & ipsa Augustinus Voluntaria esse agno-
scit, hoc est a libera Voluntatis electione
facta. *Quamvis, inquit, & illa quæ non
IMMERITO non Voluntaria peccata dicun-
tur, quia vel a nescientibus, vel a coactis per-
petrantur, non omni modo possunt sine Volun-
tate committi; quoniam & ille, qui peccat
ignorans, Voluntatis utique facit, quod quum
faciendum non sit, putat esse faciendum.* Et
ille, qui concupiscente adversus spiritum car-
ne, non ea quæ vult facit, concupiscit qui-
dem nolens: & in eo non facit quod vult.
Sed si vincitur, concupiscentie consentit vol-
lens, & in eo non facit nisi quod vult, liber
scilicet justitia, servusque peccati. Ubi pater,
sanctum Augustinum etiam in iis, qui con-
cupiscentia collecti ac rapta peccant, nullam
agnoscere præcedentem essentialem Neces-
titatem, sed quidem liberam voluntatis incli-
nationem; si enim nolent, non vincerentur,
neque peccarent. Et sane coactum pro
invito profrui, ac nullatenus voluntario,
neque sancti Patres, neque Hæretici accipe-
re conuerterunt, quum de ipsius voluntatis
actionibus agebatur; sed de externis tantum
actionibus accepera, in quibus nulla sive
numero possunt esse partes voluntatis. Tam
quippe repugnat, actionem sive motionem
voluntatis non esse voluntariam, quam actionem
intellexus non esse intellectualem, &
facultatis sentientis non esse sentivitatem. Ita-
que etiam si concupiscentia cogi ad pec-
candum videatur homo, attagen & tunc eli-
git, & tunc libere agit voluntas; ac proinde ex
allatis sancti Augustini verbis inferri numquam

poteſt, Voluntarium tantummodo id dici, quod
infidet voluntati, quamvis Liberum non sit.

Minus morosum seſe in Augustinum non
prodit Phereponus in notis ad Lib. V. Cap.
10. de Civit. Dei, inquiens, illic, ut & ali-
bi, Voluntarium atque Liberum ab Augustino
confundi, que in omnium hominum sermone
distincta sunt; nam voluntate quidem adſen-
timur evidenti enuntiationi, sed non libere;
& voluntate ſimul cupimus felicitatem, sed
non libere. Verum si majorem cum Patribus
& Schola Theologis familiaritatem habuif-
fer Phereponus, vel corum dicta sincere &
candide reminisci vellet, intelligeret, & in
hiſce Voluntatis actionibus, quas non Libe-
ras ipſe Phereponus appellat, multos preter
Augustinum agnovere Libertatem, hoc est
Libertatem ab antecedenti quacumque effe-
tiali, sive naturali Necessitate, determina-
tioni, aut imprefione. Hinc dixerunt, Deum
libere cognoscere, atque amare Iustitiam,
Veritatem & ſe ipsum, quamquam indiffe-
rentiam ad volendum contrarium ab ipso
excluderent; nimium quippe ſoliciti erant,
ne turpe Necessitatis, ac Servitudinis nomen
Deo tribueretur, neve cauſam quampiam
admitterent, cui ſubjiceretur Deus; qualem
Ethiici in Fato perperam excogitarant. Iti-
dem creatas mentes, quamquam pro ſua con-
ditione ex Dei nutu omnino pendentes, af-
firmarunt Patrium atque Theologorum non
nulli, vel tum Libertate frui, quum ſeipſas
amant, & felices esse cupiunt, tametsi non
amare ſe ipſas, & felices esse nolle non po-
ſint. Quod idcirco affirmatum ab ipſis est,
quia nullam præcedentem Necessitatem, ac
determinationem agnovere, qua ad ſe aman-
dum, ac beatitudinem volendum rapiantur
atque compellantur; in eorum enim ſen-
tia dilectio ſui, & gaudii quietisque volitio,
ſunt ipſa Voluntatis facultas, atque ipſi Vo-
luntati aliquid ita eſſentiale, ut ſine ipſo vo-
luntas nec agere, nec eſſe poſſit. Contra alii,
inter quos videtur eſſe sanctus Thomas, Li-
bertatem in memoratis actionibus tum Dei,
tum hominum non agnovere: quorum uti-
que loquendi ratio præferenda eſt, tamquam
magis confona ideis atque notionibus com-
muniſbus, quibus id tantum appellare Libe-
rum ſolemus, cui eſt indiferentia, hoc eſt,
potentia volendi, & non volendi aliquid.
Sed hujusmodi contentiones ſunt de nomi-
nibus potius quam de rebus. Videndum eſt,
an sanctus Augustinus in actionibus moralis-
ibus hominum viatorum nullam aliam Liber-
tatem ſtatut, quam quæ Creatori dicitur
in eſſe in amando cum ſe ipsum, tum virtu-
tes, aut quæ creatis mentibus in generali-
ter appetendo bono ab ipſo Augustino adſcri-
bitur;

Ff 2

bitur; immo an eamdem homini viatori ad actiones malas ac bonas, ad quas indiffer-
entiam Phereponus exigit, exigimus & nos,
Necessitatem tribuat, quam brutis tribui-
mus. At certum est, in codem Lib. V. Cap.
10. de Civ. Dei Augustinum tradere hujusmo-
di actiones in potestate esse humani Arbit-
rii, hominemque libere & sine essentiali,
præcedenti, sive naturali Necessitate ac de-
terminatione, ad eas ferri, ita ut hujusmo-
di volitiones voluntati non inessent, nisi
ipsa voluisset, aut vellet. Quod ut pateat,
atque ut Jansenianis quoque simul respondeat-
tur, hoc sancti Augustini loco abutentibus,
considerandum prius est, quis ibi sit Augu-
stino scopus.

Contra Ciceronem, & Stoicos, in quorum
Libris negabatur Deo Præscientia futurorum
contingentium, agit Augustinus. Verebantur
nempe Philosophi illi, ne si divina Præscien-
tia admitteretur, pessum iret tota humani
Arbitrii Libertas, & Fato injecto, posita-
que ineluctabili Necessitate agendi, nullum
supereffet laudis aut vituperationis argumen-
tum in hominibus. Eundem fere timorem
ac opinionem ab Orco rursum excitavit So-
cinus, eamdemque in illius asseclis servare
adhuc intueor, quibus jamdudum alii accen-
suere Phereponum nostrum. Contra Augusti-
nus Præscientiam futurorum sine magna im-
pietate, & sine sacrarum Litterarum con-
temtu, negari non posse Deo, ostendit; inde
vero non consequi ait, ut homini libera
eripiatur agendi & non agendi, volendi &
non volendi electiva potestas. Quamvis e-
nim necesse sit, ut quæ Deus præscivit ab
æterno, in tempore fiant, Deus tamen quum
simul præsciverit, Voluntates hominum Li-
bere, quodcumque volunt, præviso tempo-
re operaturas, sua illa Præscientia nihil de-
trahit essentiali hominis Libertati. Quum ve-
ro dicatur, nec injuria, necessum esse ut ea,
quæ præscivit Deus, fiant: respondet Augu-
stinus, Necessitate hujusmodi non adimi ho-
minibus Libertatem Arbitrii, quippe cum Li-
bertate aliiquid etiam Necessitatis genus con-
sistere potest, quod Augustinus ostendit qui-
busdam exemplis. Aliud nimurum Necessitas
est, que non est in nostra potestate, hoc est,
per quam, & propter quam aliiquid nece-
ssario fit, ita ut eligendi potestatem nobis
eripiat, qualis est Necessitas mortis. Ma-
nifestum autem inquit esse, non huic Ne-
cessitati humanas voluntates subdi. Aliud
est Necessitas, secundum quam necessarium
simpliciter est, ut aliiquid fiat, eamque mi-
nime Libertati officere sentit Augustinus.
Refert porro ad postremum hoc Necessitatis
genus, quum dicimus: *Necesse est, ut Deus*

semper vivat, ac præsciat futura: quum a
nulla antecedenti Necessitate eveniat, sed
quia Deus nullius Necessitatis servus libere
ipse vult, id propterea fiat, Deus autem
semper sua voluntate id sit volitus: hinc
Augustinus Liberum simul & Necessarium ap-
pellat. Aliud Necessitatis exemplum afferit
Augustinus, quum nempe dicimus: *Necesse*
est esse, ut quum volumus, libero velimus
Arbitrio. Quandoquidem enim nulla Neces-
saria, infuperabilis, ac secreta vis, nulla
causa antecedens ad unum impellit, rapit,
aut determinat voluntatem nostram, sed ipsa
voluntas nostra hoc unum eligit, quum pos-
set & alterum eligere, si vellet: propterea
liberum cognoscimus in nobis esse Arbitrium,
etiam necesse sit, ut quum volumus, libe-
ro velimus Arbitrio. Iстiusmodи Necessitas
non est causa nostrarum volitionum; sed
potius volitiones ipsæ, quæ aliter esse non
possunt, nisi liberae sint, causa sunt istius
Necessitatis. Quare uti impossibile est, ho-
minem esse, & carere essentiali facultate ac
libertate eligendi; ita impossibile est, ho-
minem aliter velle, quam libero velit Arbitrio.
Necesse ergo est homini Voluntate libera ve-
lle, vel nolle, quia naturalis & insita est
hujusmodi facultas; non est tamen volendi hoc
aut illud, sive nolendi ipsa actio necessaria.

Hinc Augustinus infert, Præscientia Dei
posita, Libertatem Arbitrii nequaquam peri-
re; siquidem Deus, dum determinate præscit
ac prævidet futura contingentia, simul præ-
scit, homines ad ea fere determinatos libe-
ra electione, & eos aliter præscire nequit,
nisi liberos in eligendo, hoc est nulla ante-
cedenti impulsione sive Necessitate præ-
ceptos. Non est autem consequens (dixerat ille
Cap. IX. ejusdem Lib. V. de Civ. Dei), ut si
Deo certus est omnium ordo causarum, ideo
nihil sit in nostra voluntatis Arbitrio. Et ipse
quippe nostræ Voluntates in causarum ordine
sunt, qui certus est Deo, ejusque præscientia
continetur, quoniam & humana voluntas
humariorum operum causæ sunt. At quia
Capit. sequent, ut vidimus, sanctus Augu-
stinus liberum agnoscit Deum, liberos etiam
agnoscit homines, quamquam & in illo, &
in istis quamdam Necessitatis speciem fatea-
tur, vide ne paritatem ac similitudinem hu-
jusmodi in omnibus cohædere credas; vide ne
eamdem ipissimam, quod est ad opera con-
tingentia, Libertatem & Necessitatem in ho-
minibus suspicere, ac in Deo est ad præscien-
da futura, ad vivendum, ad amandum se ip-
sum. Id a mente Augustini plane abhorret,
ac certissime abhorret. Quamquam Liber
appelletur Deus ad amandum exempli causa se
ipsum, quia nulla ei superior Necessitas do-
mina-

minatur, quia non cæco modo, non irrationabiliter, ut in bruis accidit, sed cum clarissima visione & consideratione sue naturæ ac essentiæ amat se ipsum, & vult ab hoc amore numquam desistere: attamen ea non est in hac parte divina Libertas, ut in differentiam complectatur, posisque, si velit, contraria amplecti. Necesse est enim Deum semper vivere, & cuncta præscire, ut inquit ibi Augustinus, cui addimus, necesse est & amare se ipsum, &c. Exemplo omnipotenti id percommode ab eodem Augustino explicatur: *Sicut nec potestas ejus minuitur, quem dicitur mori fallique non posse, sic enim hoc non potest, ut potius si posset, minoris est utique potestatis.* At hominum Libertas, ut ut similis proorsus divinæ sit, hoc est, indifferenta careat, in generaliter appetenda felicitate: in actionibus tamen contingentibus atque singularibus, Libertate fruatur indifferente, & minime ad unum determinata, semperque velle & non velle in ejus omnino potestate est. Quod nunc vult, poterat non velle; & velle poterat, quod nunc fugit; neque ab illa Necessitate quæ præcesserit liberam electionem unius potius quam alterius, rapta est ad unum ita eligendum ac volendum, ut alterum eligere ac velle non posset. Eadem pariter Libertas ac indifferenta in Deo est ad facienda extra se opera quædam, quæ facere pro sua voluntate potest.

Audi Augustinum hoc idem aperte de hominibus eodem Cap. ac Lib. testantem: *Sunt igitur nostre Voluntates; & ipsæ faciunt, quidquid volendo facimus, quod non fieri, si nollemus.* Nulla ergo antecedens Necessitas humanae voluntati jugum imponit, ipsamque secum rapit; sed ipse voluntas proprie, primitus, simpliciterque, humanarum actionum causa est (quamquam ad bonas necessaria sit, ut dicemus, Dei Gratia); adeoque libera est, ut potuerit pro sua innata facultate nolle facere quod fecit, ipsumque nolle facere futurum fuisse causa, ne illa actio esset. Similis ergo est Deus hominibus, ad imaginem suam creatis, quod tum ille, tum isti Libere ab Augustino dicuntur amare se ipsum ac felicitatem, quamvis contrarium amare ac velle non possint, & necessarium sit eorum essentiæ ita velle. In altero quoque genere Libertatis, quæ vere ac proprie Libertas est, similes sunt, quia neque Deus, neque homines determinati sunt ad volendum unum potius quam alterum in rebus quibusdam singularibus; atque in hoc ultimo non solum a coactione, sed a quocumque Necessitatis nomine liberi sunt. At nequaquam eodem pacto libes est Deus in generaliter amanda felicitate, virtute, & se ipso, ac est homo ad unum potius quam al-

terum contingens volendum. Nos homines, inquit Augustinus, si volumus, est; si nollemus, non est. Quis contra audeat dicere: *Sic Deus amat virtutem, ac se ipsum, ut si nollet, non amaret?* Hinc Augustinus beatam Necessitatem alibi appellat hoc ipsum in Deo non posse non amare se ipsum. Hæc autem Necessitas amandi sui ipsius itidem est in homine; at nulla homini Necessitas est ad volenda singularia, sive bona, sive mala, uti neque Deo ad volendum extra se hoc potius quam illud. Ea vero Necessitas, quæ ex Praescientia quodammodo provenit, sine libera electione nostra non fit, ideoque diversa est secundum Augustinum ab ea Necessitate, quæ in nostra potestate non est. Voluntatem quippe hominum, immo & volitiones quarumcumque singularium actionum, liberas, & ad nullam partem determinatas Deus etiam præscit. Quamobrem rectissime Augustinus interfert, nullo modo nos cogi, aut retenta Praescientia Dei, tollere voluntatis Arbitrium; aut retento voluntatis Arbitrio, Deum, quod nefas est, negare præscium futurorum. Exigebat supra Phereponus, ut Augustinus memoratum in his verbis Arbitrium, etiam Liberum dixisset, id est in utramque partem flexible, suspicionem ingerens, ne forte callide aut imperite eam vocem reticuerit Augustinus, ut nomen Arbitrii retineret, rem autem negaret. At quis facile non intelligat, Arbitrii nomine illic significari ipsum Arbitrium liberum, potestatem videlicet electivam homini essentiæ? Nonne supra Augustinus hanc vocem cum Arbitrio conjunxerat? Plane; inquit enim: *Sicut quum dicimus, necesse esse, ut quum volumus, Libero velimus Arbitrio, & verum prout dubio dicimus, & non ideo ipsum liberum Arbitrium Necessitati subjicimus, que admittit Libertatem.* Qui ergo subdole Augustinus omiserit infra Liberi vocem, ut liberum esse Arbitrium neget, quum ipse in superioribus palam edixerit, necesse esse, ut quum volumus, Libero velimus Arbitrio?

Sed inquit Phereponus, si Ciceronianus aliquis Philosophus reposuisset Augustino (Praescientiam futurorum Deo tribuente), negasset ab Augustino retineri Liberum Arbitrium. Id & ego iustipcor Augustino repositurum fuisse Ciceronianum aliquem; & hoc idem velle nunc reponere alienis verbis Phereponum ipsum mihi facile persuadeo. At respondere pro Augustino acutus quisque & sincerus homo posset, Ciceronianum istum (aut sub Ciceroniani persona loquentem Phereponum) nimium confidenter accusare negati liberi Arbitrii Augustinum, neque aliunde accusationem hanc oriri quam aut ab ingenio sophistico, aut a solemnī incogitania. Cujus gei argumen-

mento sint alia quædam verba eodem Capit. X. Lib. V. de Civ. Dei, quæ quum Phereponus aut legere noluerit, aut fatus duxerit omittere, quippe quod ibi Augustinus apertissime statuit essentialem humanæ Libertatis ac indifferentie notionem, adferam ego, ut ineptiam hominis censuram citius intelligas. Neque ideo, inquit Augustinus, peccat homo, quia Deus illum peccatum esse preservit; immo ideo non dubitatur ipsum peccare, quum peccat, quia ille cuius Præscientia nulli non potest, non fatum, non fortunam, non aliquid aliud, sed ipsum peccatum esse preservit; qui si nolit, utique non peccat; sed si peccare noluerit, etiam hoc ille preservit. In eamdem sententiam loquuntur Origenes apud Eusebium Lib. 6. de Præpar. Evang. Gaudentius Brixianus, Anselmus, & alii. Vis ergo sciare, quare homo peccat? quia ipse peccare vult, quum etiam non peccare possit, si vellet. Non ergo peccat, quia Deus peccatum hoc præscivit; sed contra Deus præscivit peccatum, quia libere in illud consensura est humani Arbitrii Libertas. Causa peccati humani Arbitrii Libertas est, sive voluntas, elec-tiva facultate abutens; Peccatum vero hominum causa est Præscientiaz divinæ; ideoque non a precedenti aliqua causa, sive Necessitate, homo ad peccandum adiungitur, aut determinatur ad unum, sed ipse sese libere determinat ad unum, quum & facultate naturali fruatur sese etiam ad alterum determinandi. Necessitas autem illa, qua dicimus, necessum esse malas hominum actiones accidere, si Deus illas præscivit, recte consequens, non antecedens appellatur in Scholis. Sed cœcutiat heic omnis oportet, qui cubito uno immensam Dei naturam dimetiri audet, neque eo cogitationis aciem perducit, ut aliquo modo concipiatur, Deum in tempore non esse, uti creata omnia sunt, sed in eo esse tempus; ideoque præteritum, futurumque tempus esse divino intellectui, quamquam diversa ratione, præsentia, ita nimis postiente divinæ omnipresentie ac aternitatis natura. Deus omnia prescit, & hoc eternitati ejus congruit, qui nihil futurum, quasi fiandum, nec aliquid præteritum quasi transiitum novit; sed omnia fienda, & transfacta immutabili intuitu presentia prospicit: verba sunt Honorii Augustodunensis in Lib. de Prædict. & lib. Arb. A nostra autem infirmitate erit imaginari in Deo præteritum ac futurum tempus, unde postea nebulae difficultatesque non leves occurrunt animis nihil nisi vulgaria & humana meditantibus. Atque ex his etiam confutanda erunt, quæ Phereponus adfert pag. 433. Animadv. ad Lib. 3. c. 3. de lib. Arb. ut infra dicemus.

Phereponus tamen animum non despondet, & Augustino docente, non frustra esse Leges, objurgationes, exhortationes &c. & premia, & pœnas, docet & ipse, frustra hæc esse, ubi homines a Coactione tantum, & non etiam a Necessitate, liberi sint. Quæ profecto & nos verissima fatemur, Autoresque Pherepono sumus, ut eadem in Gomaristas, Calvinianosque rigidiiores majori etiam vocete, ex quorum sententia revera consequitur, frustra promulgari leges, injustiasque esse pœnas ac premia. At quid hæc ad Augustinum tam a Calvini opinione heic distantem, quam Phereponus alibi a Religioni Catholica? Quid rursus ad Augustinum, quæ in sequenti animadversione habet Phereponus? De homine dixerat Augustinus, ut vidimus: qui si nolit, utique non peccat; si si peccare noluerit, etiam hoc ille preservit. At Phereponus: Certe si nolit homo, non peccat; sed oportet ut possit velle ac nolle, si si peccati capax; ostendendumque fuerat contra Ciceronem, Deum posse præscire id futurum, quod poterit nolle is, qui facturus est. Tum quasi de prostrati Augustini cavillatio-nibus triumphum ducens, fibique plaudens in hæc verba definit: Hinc liquere potest, quantum sit disserimen inter Rhetoricas argutiæ, & Philosophicas ratiocinationes. Boni Deus! neque veretur Phereponus, ut ne sibi inter glorio-sos milites amplissimus aliquis assignetur locus? Quæ pauca ille hoc adfert, Philosophicas ratiocinationes sunt: quæ multa Augustinus, Rhetoricae arguitæ.

Quisquis est litteraria palestra aliquantulum exercitatus, continuo intelligat, hæc nebulas, quas rationibus Augustini objicit in hoc loco Phereponus, non aliunde venire, quam ex ignoratione aut dissimulatione Theologicæ eruditio-nis. Cum Augustino contentiunt sancti Patres, nobilesque Theologi, & Philosophi vel ex ipsis Ethnici, nedum recentiorum sæculorum Scholis, Deum certe prænosceret futura contingentia. Id Catholicæ omnes immo & Acatholici ipsi, & Socinianos demas, in suis Scholis contra Phereponum ejusque magistros non solum quotidie ac passim docent, certissimumque esse confirmant; sed simul, contra Calvinum Arbitrii humani Libertatem nequaquam hinc laedi ostendunt. Nempe Calvinus ac Phereponus in extrema ruunt; Catholica vero Ecclesia medium tener, non divinam Præscientiam minus, quam humanam Libertatem in sacris Litteris, atque in Libris patrum & que deprædicatam deprædicens atque concilians. Cui ergo & nostris indignationem moveat non possit, audire Phereponum cum impeditrahemt Deo scientiam futurorum con-tin-

tingentium, tum Augustino adeo procaciter insultantem, tamquam triobolari declamatori, quod hanc scientiam in Deo, simulque liberum in homine Arbitrium prædicet? Et quibus quæsto tam solidis argumentis id facit Phereponus? Certo, inquit, si nolis homo non peccat; sed oportet ut possit velle ac nolle, ut sit peccati capax. Rem plane certam edidisset hic Scriptor; sed belle contigit, ut ante mille & trecentos annos hoc idem noverit Augustinus, pluribusque in locis ita sentire affirmaret. Nonnulla in hanc rem Augustini documenta jam produximus. Ostendendumque fuerat contra Ciceronem (pergit dicere Phereponus) Deum posse præscire id futurum, quod poterit nolle is, qui facturus est. At hoc idem est, quod sive nolit, sive non possit intelligere Phereponus noster, ostendere conatur, & satis ostendit Augustinus in eo ipso Libro de Civ. Dei, & in Lib. 3. Cap. 3. & 4. de lib. Arb. ostenduntque tot editis libris, & passim, in Catholicorum Scholis Theologi. Iterum ergo Augustinum legat hic Censor, legat & libros Dialecticorum, atque Theologorum; ediscetque non impediri per divinam Præscientiam, quominus homo, qui aliquid mali facturus prævidetur, possit etiam nolle facere aliter quam est facturus,

si velit; nam futura quæque contingentia ab æternitate præsentia sunt Deo, atque ab eo sciuntur non solum fieri, sed etiam Libere fiera nobis. Et sicuti qui currentem videt, minime aspectu suo currentem potius huc quam illuc facit: ita si humana licet componere divinis, Deus omnia tempora uno intuitu complectens, omnes hominum volitiones futuras videt sibi præsentes; neque ipse est, qui ad unum voluntates addicat, sed ipsæ voluntates sunt, quæ Liberae ad alterutrum, sponte sepe ad unam partem determinant, atque in eo statu videntur, ac sciuntur a Deo. Idem nempe est in oculis Dei, videre nunc nos agentes, ac prævidisse, uti nos dicere solemus, ante decem annorum millia agentes; & sicuti qui nunc nos agentes intuetur, non facit, ut sine Libertate agamus; ita Deus prævidens ante decem annorum millia nos asturos, sive nos nunc agentes, non fecit, nec facit, ut nos libere nunc non agamus, quum semper nos præviderit Libere asturos, sive ut melius dicam, videat nos libere agentes. Cum his vero haecenus dictis egregie coheret, hominem sine Dei Gratia ad bonum salutariter volendum determinare sepe non posse, ut infra demonstrabitur.

C A P U T VIII.

S. Augustinus quum deperditum in homine liberum Arbitrium ait, solum de Libertate accidentalē & consequente ad bonum faciendum loquitur, neque essentialē, seu antecedentem Necessitatem ad malum homini tribuit, sed accidentalem & consequentem. Quid sine hæc Necessitate ac Libertates, ostenditur. Afferuntur & explicantur varia Augustini loca. De Libertate tantum accidentalē ad bonum inter Catholicos & Pelagianos lis fuit. Potestas, non Libertas operandi boni in hominibus deperdita post peccatum Adami. Quæ similitudo intercedat inter hominem factum in bello servum, & hominem peccato addictum. Arbitrium tunc liberum ad Bonum, si liberetur a Deo. Correptio ac Oratio utiles ac necessariæ in sententia quoque Augustini.

Sed ne quid dissimulemus, intactum hæc etenus locum reliquimus, ubi Phereponus Augustinum tandem deprehendere sibi visus est apertum liberi Arbitrii hostem. In Enchiridio ad Laur. Cap. 30. sunt verba Augustini: Liberò Arbitrio male utens homo & se perdidit, & ipsum. Et rursus: Quum libero peccaretur Arbitrio, vultore pec-

cato, amissum est liberum Arbitrium. Ergo, (pag. 579. Phereponus inquit) quum Augustinus extra controversia æstum loquitur, non difficitur quin post Adæ peccatum prorsus perierit humani Arbitrii Libertas. Poterat & ille Augustinum referre ita loquentem in Lib. de Perfect. Iust. Cap. 4. Vilia vitio, in quod cecidit, voluntate, ca-
ruit

ruit Libertate Naturae. Et de Civ. Dei Lib. 14.
Cap. 2. Arbitrium voluntatis tunc est vere liberum, quum vitis peccatisque non servit.
Tale datam est a Deo, quod amissum proprio vito, nisi a quo dari potuit, reddi non potest. Vide & Lib. de Corrept. & Gratia Cap. 12. ut alia loca omittam: Sed quid inde? In his aliisque similibus locis non Libertatem homini essentialem, sed accidentalem deperiisse; non Necessitatem antecedentem, sed consequentem homini adhæsisse peccanti, Augustinus significat. Jam duplex hoc Libertatis, ac Necessitatis genus supra indicavimus; nunc opus est ediscere melius, quid sit Libertas accidentalis, quid Necessitas consequens. Urcumque anima nostra eligendi, hoc est volendi, ac non volendi innata potestate ita sit praedita, ut illa privari numquam possit, & ne cogi quidem ad unum volendum, si nolle perseveret; attamen ista Libertas essentialis, indiferens atque expedita ad utrumque, & ad amanda, aut non amanda innumera obiecta, ipsius idemtide voluntatis vito, aliqua ex parte, immo ex multis imminui in homine potest. Atque ut de moralibus tantum agatur, nunc homo se expeditum ac impulsum sentit ad volendum hoc bonum, ad volendam hanc aut illam virtutem, nunc impeditum atque impotentem. Rursum se expeditum & impulsum nunc sentit ad hanc aut illa prava opera volenda, nunc impotentem atque impeditum. Habitus, & affectiones, & cogitationes animi, sive pravae, sive bona, itemque affectiones corporis, & externæ complures causæ, ea sunt, quæ hujusmodi varias impressiones in hominem faciunt, ipsumque, ut ita dicam, rapiunt modo ad amanda, modo ad fugienda opera spiritus & carnis.

Homo autem aut justitiam amat, aut iniqutatem; atque agit aut ex amore honesto Dei, aut ex amore pravo mundi: quod quum dicimus, non negamus, quin sint medii quidam amores, neque laudis atque virtutis, neque vituperationis atque peccati argumenta. Porro quum amamus justitiam, servi sumus justitiae, eidemque servientes ac obedientes, expedite ac facile volumus, ac faccimus, quæ generali huic virtuti congrua sunt, difficile vero contraria cupimus, atque operamur. Contra quum iniquitatem diligimus, servi sumus iniquitatis; cique mancipati, quæ illa imperat, mira facilitate volumus atque præstamus; ad contraria vero inertes atque impotentes nos esse sentimus. Servi quippe faciunt, quæ domini præcipiunt. Promitudinem ergo, vividamque potentiam volendi & præstandi, quæcumque

congrua sunt affectui in homine regnanti, libertatem etenus appellamus, quatenus nihil illum impedit, quia sectetur & agat desideria domini sui; aut etiam Libertatem respectu, quo homo liber est & solitus a jugo ac imperio alterius oppositus effectus. Necesitatem vero ac Servitutem vicissim dicimus impotentiam parendi contrariis effectibus, aut determinationem ad actus convenientes dominantis affectui. Sed tam Libertas, quam Necesitas hujusmodi accidentales sunt atque adventitia. Ab ea Libertate essentiali, sine qua esse homo non potest, altera hæc Libertas differt, quia & homini adesse, & abesse ab homine potest. A Necesitate essentiali ac antecedente diversa itidem est altera hæc Necesitas; siquidem & advenire, & recedere potest, neque antecedit, sed consequitur liberam voluntatis electionem. Quamobrem accidere videmus, ut homo nativam essentialiique sui Arbitrii Libertatem habeat, & tamen liber & expeditus æque non sit ad duo contraria, sive opposita, sed necessitate quapiam accidentali compellatur ad unum volendum, & ad alterum fugiendum. Quo vero major est vis dominantis cupiditatis, & effectus sive recti, sive pravi, eo major etiam libertas, atque necessitas accidentalis; ita tamen ut, quicumque sint determinationes ad unum, & impedimenta ad alterum, sit semper in potestate hominis retinere aut dare assensum sive honestæ solicitationi piorum effectuum, sive turbidis impulsibus iniquæ cupiditatis; hoc enim proprium est essentialis illius Libertatis, qua ne Deus quidem spoliare hominem valet.

Quæ autem diximus, non tam Philosophia melioris consideratione, quam ipsarum Scripturarum testimonio confirmantur. En libertatem, en servitutem ac necessitatem, adventitias atque accidentales. Quum servi essetis peccati, liberi fuistis justitia. Rom. VI. 20. Et infra v. 22. Nunc vero liberati a peccato, servi autem facti Deo. Item Jo. VIII. 32. Veritas liberavit vos. Et v. 36. Si ergo vos filii liberaveritis, vere liberi eritis, &c. De potentia autem, aut impotenti, promitudine aut difficultate agendi vel non agendi, volendi vel non volendi, quam in homine gignit dominans effectus, hæc alia habet; A fructibus eorum cognoscetis eos &c. Omnis arbor bona fructus bonos facit; mala autem arbor malos fructus facit. Non potest arbor bona malos fructus facere. neque arbor mala bonos fructus facere. Matth. VII. 16, 17, 18. Item: Quomodo potestis bona loqui, quum sitis mali? Item: Quomodo vos potestis credere, qui gloriam ab invicem acci-

accipitis, & gloriam, quæ a solo Deo est, non queritis? Item 1. Jo. III. 9. Omnis qui natus est ex Deo, peccatum non facit, &c. Alia omitto documenta sacrarum Litterarum, ubi quid imperii in homine habeat iniquitas & Concupiscentia mala, & quid roboris alia ex parte Caritas, evidentissime constat.

Nunc ad Augustinum accedamus. Quum ille dicit, *perditum ac amissum fuisse liberum Arbitrium*, nihil aliud significare vult, nisi ad bonum faciendum, & ad volenda ac præstanda Caritatis officia, periisse in homine peccante primævam Libertatem conditionis humanae. Hoc est, hominem, postquam se peccato addixit, & regnantis concupiscentiæ jugum subiit, promittudine illa & facultate destitutum fuisse, qua primus homo pollebat ad amandum incommutabile bonum, divinamque legem implendam; & contra a dominante Cupiditate acriter ferri ad amorem mundi, & ad eligenda opera carnis. Nisi ergo divinus Reparator nos liberet ab hujusmodi vinculis, nisi gratia sua atque inspiratione Caritatis, tyrannidem peccati & concupiscentiæ pravæ, ab homine volente depellat: numquam liber & expeditus homo erit ad virtutem amandam, & ad peragenda opera justitiae, uti, & quatenus opus est ad eternam salutem consequendam; sed quidem expeditus erit, & liber ad obsequendum legi peccati, & ad prava opera complenda. Ex Necessitate autem ista accidentali, sive ex hoc Libertatis adventitiæ defectu, perire in homine essentialiæ naturalemque facultatem liberi Arbitrii, numquam Augustinus dixit. Immo eam subsistere semper fatetur. In Lib. de Gratia & libero Arbitrio Cap. 15. Semper, inquit, est in nobis voluntas libera. Ecce essentialiæ Arbitrii humani libertatem, quam sola tollit necessitas antecedens, ab Ethnici, & a Novatoribus excogitata, ab Augustino autem cum exhortatione negata. Tum pergit: Sed non semper est bona. Aut enim a justitia libera est, quando servit peccato, & tunc est mala; aut a peccato libera est, quando servit justitiae, & tunc est bona. Quibus postremis verbis designat Augustinus accidentales illas libertates, servitutes, necessitates, potentias, ac impotentias, quæ a pravis rectiæ affectibus veniunt, prout quisque affectus malus sive bonus ad malum bonumve hominem sibi servum inclinat ac rapit. Et profecto quum peccator ope divina, seu cœlesti gratia se privaverit, & Concupiscentiæ legibus ac imperio sese addixerit: impedire ipse non potest, quominus potentiam ad ulterius agendum bonum devinctam habeat, suaque voluntas ad solum malum eligendum ac perficiendum, si

non absoluta necessitate, certe magno impietu, exinde rapiatur. Fides autem nos docet, non posse homines post Adæ calamitatem suis viribus exsurgere ex peccato, aut implete falariter legem, aut vincere varios tentacionum incursum. Ergo homo peccati servus, & in se ipso considerarus, accidentaliter liber ad electionem boni & ad virtutis opera non est, indigerque Salvatoris Gratia, quæ ipsius voluntatem a servitute, atque ab accidentalí necessitate peccandi liberet, libramque & expeditam faciat ad amplectendum atque servandam virtutem.

Itaque amissum ac deperditum in homine liberum Arbitrium, nihil aliud est Augustino, quam ista *Libertas*, promittudo ac potentia ad bonum, quæ sita est in quodam laudabili, sed tamen accidentaliter statu humani Arbitrii, ipsiusque essentiam minime destruit. De hac autem una Libertate lis fuit inter Augustinum atque Pelagium, non autem de *essentiali libertate*. Asserebat Pelagius, non liberum minus esse Arbitrium filiorum Adami ad bonum faciendum, quam esset ipsius innocentis Adami; ideoque putabat, tales esse humanæ voluntatis vires, expeditamque adeo potentiam hominis ad opera Caritatis, ut sine adjutorio Dei perficere posset justitiam, vel ad eam tendendo proficere. Concedebat Augustinus, liberum adhuc esse hominis Arbitrium, quod est ad immunitatem a necessitate antecedenti; at minime in eo statu esse, in quo erat Adami innocentis Arbitrium. Nunc enim captivam esse debilem, infirmam, & peccati jugo attritam voluntatem, & malæ concupiscentiæ aculeis exagitam, ideoque adjutorio Dei indigere, atque inspiratione Caritatis. *Ad non peccandum*, inquit idem Augustinus una cum quatuor aliis Episcopis in Epistola olim XCV. nunc 177. ad Innocentium I. scripta. *ide est ad non male faciendum, quamvis esse non dubitetur Arbitrium voluntatis* (est ergo in potestate voluntatis negare consensum temptationi, atque non peccare); tamen ejus potestas non sufficit, nisi adjuvetur infirmitas. Audi & ipsum ita loquentem Lib. I. Oper. Imperf. Cap. 47. *Multa sunt, quæ agunt homines mala, a quibus eis liberum est abstinere: sed nulli tam liberum est, quam illi sunt, qui Deo suo, a quo erat conditus rectus, nullo prouersus vitio depravatus adstabat.* Alia sunt in eodem Lib. I. quibus apertissimum fit, sensisse Augustinum, superesse adhuc naturalem illam hominum facultatem electivam, quæ necessitatis ad unum determinantis est inimica; & esse peccata, quæ committuntur non necessitate, sed voluntate, & a quibus liberum est abstinere. Quod si peccandi Necessitatem in quibusdam

Gg ho-

hominibus ille agnoscit, non alia est Augustino Necessitas hujusmodi, quam consequens, & accidentalis, & a voluntate libera sentim indecta, consuetudine videlicet peccandi, affectionibusque pravis (libera electione ac volitione) in animum admissis.

Ut ergo regrediamur ad Cap. 30. Enchiridii Augustiniani, in quo magno molimine insurgit Phereponus pag. 560. suarum Arbitriadversionum, jam palam fecimus, quid sibi velit Augustinus, quem inquit: *Libero Arbitrio male utens homo, & se perdidit, & ipsum.* Et infra: *Quum libero peccaretur Arbitrio, victore peccato amissum est & liberum Arbitrium.* Servus peccati voluntarie peccando factus est homo; hinc ad bona facienda liber, expeditusque non est; ad mala autem viatrice cupiditate raptum se sentit. Ab hac servitute consequenti, quae cum naturali ac essentiali libertate voluntatis, ut vidimus, bene consistit, non liberat nisi gratia Dei. Egregie mentem Augustini explicat Fulgentius in Respons. ad primam Inquisit. Ferrandi, scribens: *Malos habere liberum Arbitrium, non liberatum: liberari vero per gratiam.* Ex quo enim primus homo libero Arbitrio venu datum est sub peccato, ideo mala caput esse libertas hominis, quia ipsi libero Arbitrio ablat a est bonitas voluntatis. Neque reticere possum præclarissima Richardi Victorini verba, ita scribentis Lib. de Erud. Inter. Cap. 30. Aliud est Arbitrii potestas, atque aliud est Arbitrii libertas. Aliud estenim magna posse, atque aliud est liberum esse. Et liber, & infirmus esse potes; sicut e contrario & sanus, & servus esse potes &c. Quam multi in definitio ne liberi Arbitrii erant, outa inter potestatem, & libertatem, distinguere ignorant, vel dissimulant! Vide tamen quid interfit, quum potestarem homo sepe amittat; libertatem vero numquam amittere possit. Item nemo ad omnia bona accipit potestatem, sed omnis homo ad omnia bona vel mala, accipit libertatem. Quod Victorino potestas dicitur, libertas Augustino dicitur in eo Enchiridii loco. Hanc potestatem, seu libertatem & expeditam promitudinem ad operandum bonum, Adamus sibi concessam perdidit peccato suo, sequitur ut ea quoque nos careremus. Neque vero ille, neque nos umquam amissimus insitam vim electivam a liberam voluntatis, uti neque potestatem, seu libertatem ad operandum malum. Immo & recuperare licet alteram potestatis partem, qua bonum vel & facere salutariter possumus, si libemur a servitute Concupiscentiae atque peccati per gratiam divini Servatoris. Hinc Pelagianos putantes, Augustinum dicere, sublatum fuisse liberum Arbitrium, quatenus

electiva & essentialis animæ potentia est si ve facultas, ipse his excipit verbis Lib. I. contra duas Epist. Pelagian. Cap. 2. *Quis nostrum dicat, quod primi hominis peccato periret liberum Arbitrium de humano genere?* Libertas quidem periit per peccatum, sed que in Paradiso fuit, habendi plenam cum immortalitate justitiam, propter quod natura humana divina indiget gratia &c. Nam liberum Arbitrium usque adeo in peccatore non periit, ut per illud peccent &c. Liberi ergo a justitia non sunt, nisi Arbitrio voluntatis (hoc est, ideo solum iniqui sunt homines, quia tales esse libere voluit eorum voluntas); liberi autem a peccato non sunt, nisi gratia Salvatoris. Vide & infra, ubi eodem vocabulo, quo Richardus supra, uitetur Augustinus, Pelagium ita argens: *Quid est, quod iste libero Arbitrio vult bene vivendi tribuere potestatem, quum haec potestas non detur nisi gratia Dei?* &c. Vide & nuper laudatam Epistolam 177. olim XCV. ubi libertatem quidem, sed non potestatem Arbitrii ad non peccandum agnoscunt Africani Patres. In Enchiridio autem Cap. 30. eamdem plane & unicam sententiam tradit vir sanctus sub aliis verbis.

Proinde superfuum puto singillatim confutare Animadversiones Phereponi in eumdem Enchiridii locum: quando aut supposito falso laborant ejus argumenta, dum censet, Augustinum revera, uti somniant Calviniani, essentialem Arbitrii libertatem sustulisse, gratiamque Dei talem depradicasse, cui resistere amplius hominum non possit Arbitrium; aut Pelagianis opinionibus undique scatens ille, servitutem e peccato contractam viribus humani Arbitrii; & sine gratuito ac interno Dei adjutorio, vinci posse arbitratur, & nullam agnoscit Gratiam Dei, quæ intime in voluntates hominum operetur; aliaque ejusmodi dogmata placida cum securitate venditat, quasi non jam millies confutata fuerint in Catholicorum scholis. Hoc unum prætermittere nolo, videlicet a Pherepono comparationem quamdam institui, opponique sententia Augustini, sed ita ut homo ille videatur & heic ignorasse germana Scripturarum dogmata & humanæ naturæ miseriam. Ut neme sit (sunt ejus verba, pag. 580.) in bello servus, nisi invitus, & quam primum libertatem recuperare potest, occasionem avide arripit: sic quoque hominem, qui se a peccato victimi animadvertis, ejusque servitutis in commoda sentit, si quis eum melius doceat, peccato libenter valedicere. Addit infra: *Vicit quidem peccatum, ejusque servi facti sunt homines, quia ei patere voluerunt; sed nihil*

vetat ut nolint ei obsequi , preter consuetudinem , que paulatim vinci potest : ut liquet ex eo , quod Deus omnes homines ad paenitentiam vocet . Vide quæso , quam belle adulteratur Pelagianus hic Censor miserae conditioni peccantium . Nemo sit , nisi invitus , servus peccati , occasionemque recuperandæ libertatis avide arripit , & peccato libenter valedicit , ubi quis cum melius doceat . Quis in hominum coetu diu versatus est , quis Ethnicorum sapientum vitam & dogmata intellexit , quis populos adhuc a Christo atque a Catholica Religione alienos novit , immo se ipsum novit , ceterosque æquales suos : & Pæreponum non rideat , aut doleat talia prouuntiantem ? Peccant homines , neque peccant inviti ; immo libere ac liberter in iniuitate voluntantur , & ab incredulitate atque a tenebris emergere nequaquam volunt , nequaquam solent , quamvis tanto exhortationum strepitu , tanta prædicatio ne sanctissimi Evangelii incitentur ad amplectendam Christi fidem , & ad ejurandam familiaritatem peccati . Nonne agnoscis mancipia peccati , & servos erroris , quos unum delectat Domini sui imperium , quos libera re nequit suis viribus nimis fractis misera & cæca voluntas ? Aut nolunt converti ad verum & bonum ; at si volunt , ineptissime volunt .

Illud certissimum , posse eos converti , dum vivunt ; nam libero Arbitrio quisque fruatur , & neminem ad peccatum rapit antecedens aliqua atque ineluctabilis necessitas . At æque certum est , eos numquam suæ naturæ sive arbitrii viribus re ipsa a peccato exsurgere , & veram fidem amplecti , & amore fontem omnis boni . Necessaria est illius gratia atque adjutorium , qui jam edidit . Sine me nihil potest facere . Et Nemo potest ad me venire , nisi Pater , qui misit me , traxerit eum , Jo. VI. Et , Non vos me elegistis , sed ego elegi vos , &c. Jo. XV. Deus autem , cuius vult miseretur ; & quem vult inducat . Et Non volentis , neque currentis , sed miserentis est Dei , Rom. IX. ut innumera alia tum sacrarum Litterarum , tum sanctorum Patrum loca prætermittam ; quorum una vox est , non industria ac vigore voluntaria nostra bonos & salvos homines fieri , sed gratuita misericordia & fortis adjutorio Dei , cui nos libere consentimus . Homini ergo peccatori , ut vincat peccati consuetudinem , & a peccato liberetur , non est sufficiens virtus & vis arbitrii voluntatisque propriæ ; sed ex divino auxilio sufficientia nostra procedit . Deus vero , et omnibus pro loco & tempore talibus auxiliis adsit , ut si quis recte sis velit uti , pos-

fit & peccata vitare , & ad salutem pervenire ; non omnibus tamen validissima illa impertitur auxilia , quibus non ineluctabiliter , sed certissime , salvantur quicunque salvantur . Quamobrem si haberi impius assessor humanæ naturæ non vult Pæreponus , agnoscat in sua comparatione necessariam opem divinæ gratiæ , aut a compatationibus abstineat , quæ rei propositæ minime respondent . Ille tamen pergit Lectoribus credulis imponere , hæc alia scribendo eadem pag. 580. Ex locutione tralaticia , qualis est servire peccato , non ita ratiocinandum , quasi ut captivus amisi libertatem corporis , quam recuperare nequit , dum vincitus est : sic qui servus est peccati , numquam ejus dominationem excutere potest . Neque enim hominem captivum , catenisque vincit , & carcere clausum hortatur quisquam , ut excussis catenis carcere exeat , & nisi faciat indignatur , quia omnes norunt , non esse hoc in ejus potestate . Utique dominationem peccati excutere homo potest , sed non solo conatu suo , neque suis viribus id faciet (viribus quippe ad bonum se exuit semel , libere & voluntarie peccando) , sed quidem id faciet viribus divinæ gratiæ , quam Deus sufficientem omnibus præbet . Externis ergo , internisque gratiæ suæ vocibus vel unumquemque peccatorem Deus , et si non momentis omnibus , nec influxu pari , idemidem a peccato revocat , hortaturque ad bonum , & auxiliatur , ut velit bonum . Quod quis pareat , divino muneri , non suis viribus aut merito homines tribuant ; quod alii resistant , eorum pertinaci voluntati in amanda iniuitate ac errore adscriendum est . Audi Apostolum ita scribentem 2. ad Tim. II. 25. 26. Cum modestia corripienterem , qui resistunt veritati , ne quando Deus det illis paenitentiam ad cognoscendam veritatem ; & resplicant a Diaboli laqueis , a quo captivi tenentur ad ipsius voluntatem . Plurimum autem ab homine captivo , catenisque vincito , & carcere incluso , quem ad exendum horteris , differt homo , catenis peccati illigatus , quem horteris ad virtutem ; nam ille quamquam exire de carcere velit , non potest , quippe corpus illius aliena voluntate adhuc detinetur , invitusque propterea servire servitatem , & carcerem non deferere cogitur . Habet velle , non habet posse . Peccatorem vero , quominus exeat ac liberetur , nihil aliud impedit (posita Gratia Dei) nisi sua ipsius voluntas . Ut morales istæ catena cadant , huic sufficit , ut velit ; sed miser neglecta voce , repulsoque auxilio Dei , perfite vult inter catenas peccati , quarum delectatione tenetur , & quas odisse necit . Jure ergo iudignari Deus captivo huic

potest, jure Ira Dei manet super ipsum, quod is volentem liberare contemnat, quod oblatum auxilium respuat, & ideo solum in peccato perseveret, quod peccatum amare pertinaciter velit, nolitque diligere bonum. Neque justitia deest ipsem Deus, si non omnibus momentis sollicitat, neque uniuicem gratiam illam impertitur efficacem, qua coriominis, intacta libertate Arbitrii, suavissime ad amorem boni certo convertit; nam homini, qui se libere ac sponte servum fecit, & in carcerem se conclusit, injuriam non facit legitimus Dominus, si non omnem experitur artem, ut e carcere ac servitute eripiat. Dic ergo, peccatores ad instar hominis illius esse, qui legitimo domino libere ac sponte posthabito, se alteri addicit, atque ab ejus latere, ab hujus zedibus ac horris divertere amplius nescit. Eum quidem prior Dominus misericordia tactus officii debiti saepe monet, saepe minis, ac precibus, & ope oblata ad redditum urget, ac manum praebet, saepe etiam & pericula & exitus ad fugam digito ostendit; & ut se placidissimum ac optimum dominum depraedit & confirmat, ita & alterum saevissimum ac fallacissimum tyrannum prodit. Verum homo infelix numquam de proposito dimoveri se patitur, & aut aures avertit, aut hortanti fidem non habet, aut etiam contemptum & contumelias iterumingerit; & quum recipere se possit ad priorem dominum, alterius tamen delectatione ac amore dulcissimae catenæ tantum tenetur, ut suum tyrannum nolit omnino deserere. Nonne homini ita agenti jure irascaris? Nunc pone, esse priori domino artes alias, quibus certissime, minimeque fallaci successu, & adhuc tamen sine violentia, perducere ad se rursus queat fugitivum servum; his autem artibus ipsum uti ad hunc potius, quam illum servum sibi recuperandum: nonne videt, & misericordiam ejus in hunc esse laudandam, & nihilominus de illius justitia conqueri alterum non posse, quod tam efficacibrachio, artibusque adeo certis, a carcere ac servitute ipsum prior dominus revocare nouerit? Ex his intellige (quantum tamen comparatio ferre potest) economiam, aequitatem, & clementiam Dei in distributione munorum, cœlestisque sua gratiæ, sine qua nihil ad bonum valer liberum Arbitrium, & qua cum omnia potest.

Atque his animadversis, liquebit etiam, quid Pherepono respondendum sit, in Librum de Corrept. & Gratia insurgenti pag. 618. Animadver. Frustra ibi contendit novus Pelagi Hyperaspites, liberum Arbitrium ab Augustino auferri, eo quod hic inquit Cap. 1. In bono liber esse nullus potest, nisi

fuerit liberatus, &c. Arbitrii libertatem, ut millies diximus, retinet Peccator; sed non retinet vires ad bonum volendum, atque faciendum. Pelagianus noster vellet in homine peccatore indifferentiam primi hominis, & easdem ad operandum bonum & malum vires. At nos expediti fortisque sumus ad iniquitatis opera; infirmi & dejecti ad opera justitiae: quam infirmitatem, catenam, atque servitutem maxime peccato servientes in semetipsis sentiunt. Potentiam ergo remotam, atque imperfetas vires habemus ad opera pietatis, non autem proximam atque perfectam; neque habituri sumus, nisi nos liberaverit Deus, sine quo nihil boni facere umquam polluimus. Quare Augustinus Lib. 1. Cap. 22. Retract. ajebat: *In potestate hominis est, mutare in melius voluntatem; sed ea potest nulla est, nisi detur a Deo, de quo dictum est: Dedit eis potestatem filios Dei fieri, &c.* Ac propterea in eodem Cap. 1. Lib. de Corrept. & Gratia idem Augustinus confitendum esse ait, nos liberum Arbitrium & ad malum & ad bonum faciendum habere, quia nulla nos præcedens necessitas ante electionem nostram rapere potest ad bonum aut ad malum. *In bono autem liber (hoc est, expeditus, robustus, & solitus) esse nullus potest, nisi fuerit liberatus ab eo, qui dixit: Si vos Filius liberavit, tunc vere liberi eritis.* Voluntas enim, ut in Epist. olim 89, nunc 157. Cap. 2. inquit idem Augustinus, tanto liberior, quanto sanior; & tanto sanior, quanto divine misericordie gratiaeque subiectior. Ceterum nescio quid sibi velit Phereponus adjiciens, quasi haec sit Augustini sententia, homines ante regenerationem nibil nisi mala facere, bona nulla posse; sed facere mala volentes, & bona omittente non lentes. Neque necessitate adacti, neque coacti homines ante Baptismum aut mala faciunt, aut bona omittunt; immo & bona quædam in genere morum facere tunc possunt cum generali adjutorio Dei, quamquam non ut oportet ea faciant, neque ad supernaturalem felicitatem conducere ea possint sine speciali gratia Dei.

Reliqua vero, quæ contra euangelum Librum de Corrept. & Gratia differit idem Phereponus, aut ex iis opinionibus procedunt, quarum falso Augustinum facit assertorem, aut ex impiis iis opinionibus, quas antea ipse Phereponus adoptavit, Arminium secutus, sive Socinum. Negat enim Deo scientiam futurorum contingentium, negat gratuitam atque infallibilem prædestinationem electorum. Præterea negat in homine necessitatem gratiae ad bonum, sed ejus utilita-

IN RELIG. NEGOTIO. LIB. III. CAP. VIII.

237

litatem tantum probat; negat originale peccatum; liberi autem Arbitrii vulnera infirmitatemque post Adamum non agnoscit pro merito. Ad hanc Augustino affingit non solum ineluctabilis atque necessitatis gratiae necessitatem, sed etiam sublati prorsus liberi Arbitrii enormem sententiam. Quid facias homini sine ulla frēnis per divina Scripturarum mysteria & documenta excurrenti? E quidem meum non est, nec erit in tam angusto campo ostendere, quantum a mente divinarum Litterarum aberret Phereponus in suis hisce opinionibus. Id jam p̄fūtere contra alios Phereponos innueri Scriptores. Quod si Catholicorum dogmata nituntur heic auctoritate divinæ Scripturæ, atque antiquissima Traditione: discendum illi fuerat, intellectum captivare in obsequium revelantis Dei, & argutiis temperare, & difficultates comprimere, quas humani ingenii aut temeritas, aut infirmitas excitare solent adversus exploratam Christi atque Apostolorum doctrinam, intellectu interdum difficilem. Accedit, quod in sententia quoque Augustini (si eam Catholicis oculis legas, & Catholicā interpretatione exponas) utilis est correptio, utiles ac necessariae ad Deum sunt preces: idque ex ipso Libro de Corrept. & Gratia patere potest. De nullius enim salute desperare umquam debemus, donec in ista vita fuerit; & quem libere nunc siant, quamcumque ad æternam salutem aut perditionem siant, neque aliter a Deo ista p̄ficiantur, quam libere facienda homini: hinc orationi, quam Deus misericors plerumque exaudit, & correptioni sua utilitas est, atque etiam necessitas. Quamquam vero correptionis & orationis fructum sanctus Augustinus sentiat esse tribendum Dei gratiæ, atamen non negat ille, quin hominibus Deus tantam gratiam suppedit idemidem, qua proxime possint, si velint, divina misericordia vires praestante, proficere ex correptione, & oratione ad Deum fusa. Totus ille est in ostendendo, nos de nostro gloriari non posse, sed gloriari in Domino debere. Beneficentiam Dei in omnes non negat ille. Catholica autem Ecclesia apertissime deprædicat, veram ac sufficienrem gratiam nulli a Deo negatam, ita ut ideo tantum in se beneficii divini fructum non experiantur, qui perduntur, nisi quia Deo vocanti atque auxilianti resistenterunt, atque resistunt, causamque in se habent, cur potentiori voce ac impulsu eos non exciteat ac liberet Deus, & cur de se tantum conqueri digne debeant, quod salutiferæ vocatio, & correptioni minime obtemperarent.

Ceterum illo argumento, quod anxios habet non rudes tantum homines, sed ipsos in-

terdum doctissimos & acutissimos viros, utitur etiam Phereponus in Augustinum, dum contendit pag. 618. ex istius sententia consequi, de futuris orandum non esse; Nam, inquit, *Dei decretu erga electos exsecutioni mandabuntur, sive ores, sive taceas. Erga reprobos nihil fieri orationibus tuis.* Ergo adeste facta Dei fleti sperare precando. Iterum dicitur, & Pherepono denuntiamus, hallucinari ipsum, quod æternam hominum aut prædestinationem aut reprobationem sibi fingat, ab Augustino & Catholicis omnibus ita sustineri, ut aut ad efformandum, aut ad comprehendendum divinum decretum nihil rei habeat humana voluntas. At dogma apud Augustinum est, sine libera hominis Voluntate, quæ peccatum ante eligat, ac prævideatur eligere, neminem a Deo reprobari. Rursus etsi sine nobis, & ex mera sua misericordia, non autem ex meritis nostris, nos prædestinaret Deus, attamen sine consensu nostræ Voluntatis, atque adeo ipsa repugnante, completri divinum illud decretum nequit. Voluntas ergo nostra, licet in tempore positæ, in œconomia ramen æterni consilii locum habent, sive mavis dicere, habuerunt. Et præsentia Deo jam ab æterno fuerunt, ac sunt, quæ Voluntas nostra idemidem facit, & factura est. Ergo non frustra orationes instituuntur in Ecclesia de futuris. Electorum Voluntas, dum in via est, potest velle malum, & quandoque etiam vult, quamquam in fine invincibiliter, & libera electione, bonum sit amplexura. Reproborum rursus Voluntas bonum velle semper possunt, dum in corpore versantur, & quandoque etiam eligunt, quamquam usque in finem culpa sua non sunt in bono perseveraturæ. Divina autem Scientia ab æterno prævidens, ac divina Voluntas ab æterno volens aut permittens, contingentiam ac libertatem in tempore non admittit animis ratione utentibus. Orationibus ergo, & correptionibus nostris fit, ut æternum Dei decretum, atque præscientia suum consequatur complementum, dum & electi ad bonum illud incitantur, quod eis per adjutorium suæ Gratia definavit Deus, & quod sine concursu libero voluntatis eorum perfici non potest; & reprobi nihil inde proficientes, habent quod suæ pertinacissimæ voluntati exprobrare possint, quæ contemnit correptionibus & adhortationibus, in nequitiam libere ferri voluit, & a nequitia exsurgere libere noluit.

Audi sanctum Thomam 2. 2. Quæst. 83.
Art. 2. Postquam dixit, ita inducendam esse Orationis utilitatem, ut neque rebus humanis divina Providentia subjectis Necessitatem imponamus, neque etiam divinam dispositionem muta-

mutabilem estimemus, hæc alia subdit: Considerandum est, quod ex divina Providentia non solum disponitur, qui effectus fiant, sed etiam ex quibus causis, & quo ordine proveniant. Inter alias autem causas sunt etiam quorundam causæ actus humani: unde oportet, homines agere aliqua, non ut per suos actus divinam dispositionem immutent, sed ut per actus suos impleant quosdam effectus secundum ordinem a Deo dispositum, &c. Quamquam vero neque Orationes, neque correptiones ex inscrutabili, sed justo Dei consilio, profuturae sint reprobis, ita ut cum perseverantia dono e vivis decedant; attamen Ecclesia Dei non desinit orare pro omnibus, & unumquemque ad Orationem solicitat, obtemperans Christi præceptis. Nequaquam enim noti sunt, quos Deus secundum propositum vocavit, & quos secundum justitiam damnados præscivit. Propterea inquit sanctus Augustinus in eodem Lib. de Corrept. & Gratiâ Cap. 15. Ad nos, qui nescimus, quisnam sit filius pacis, aut non sit, pertinet nullum exceptum facere, nullumque discernere; sed velte omnes salvos fieri, quibus prædicamus banc pacem. Idem vero Augustinus in eodem Libro agnoscit, Voluntatem nostram, dum incitatür per correptiones & adhortationes, libere posse recedere ab iniquitate, & iniquitatem fugere, & orandum ei esse Deum, ut facultatem viresque bene agendi in tempore conferat, atque illud impletat, quod ipse ab æterno jam statuit atque præscivit. Nostrum quippe operari in tempore, eti ab æterno, semperque, præfens Deo fuerit, attamen non desit esse (quod est ad nos) aliquid futurum, & libere a liberis hominibus faciendum. Neque Deus, nisi voluntatis nostræ consensus accederet, nos bene acturos prævidere potuit, quamquam nos Gratia sua

præcurrente, & nostra Voluntate libero affectu consentiente, bene simus acturi, & ipse facturus sit, ut nos liberi consentiamus Gratia suæ. Sed nos Deum metimus (ut hoc iterum commemorem) humanis ideis, & ejus æternitatem atque æternam præscientiam concipimus, tamquam cognitionem, qua per infinitos annos operationem nostram præcesserit, quum tamen in Dei presentia æterritas unum sit punctum omnia complectens, quæ nobis triplici subidea apparent, nunc præterita, nunc praesentia, & nunc futura. Vide Augustinum Lib. 2. Quæst. ad Simplicianum, ubi non præscientiam futurorum, sed scientiam in Deo ponit, quamquam respectu ad nos habitorum futurorum cognitione Præscientia in Deo soleat appellari. Quamobrem & bonum semper nobis agendum est, & improbitas evitanda, & fideliter Deo serviendum, & spes collocanda in immensa illius Misericordia ac Bonitate, neque nimis anxie investiganda est profunda illa Prædestinationis abyssus, qua Apostolo ipsi incomprehensibilis videbatur. Neque enim minus certum est, Prædestinationem nostram non e prævisi meritis nostris, sed ex misericordia Dei atque cooperatione nostra, & reprobationem contra e sola præcognita iniquitate nostra, ab ætero fuisse in mente Dei: quam certum est Voluntatem nostram in tempore positam nulla essentiali Necessitate prævia ferri in bonum, aut in malum; & contingenter operari, sive bonum, Deo adjuvante, sive malum Concupiscentia vincente; & nondum adulti rationis usum habeamus, non posse aut damnari sine libera electione mali, aut salvati sine libera electione boni, ad quam prævia & cooperans gratia Dei necessaria est.

C A P U T I X.

Sententia de descensu Christi ad Inferos ad Fidem spectans a Pherepono improbat. Quid heic certo credendum, quid sit dubium. Psalmi XV. locus a sancto Petro laudatus Catholicorum sententiam probat. Phereponus eum Psalmi locum absone interpretatus. Davidis verba ad unum Christum referenda. Vox Hebraica Scehol Inferos etiam, & loca animarum post corporis mortem significat. Talem ejus esse sensum in Psalmo laudato vox Graeca Hades a sancto Luca adhibita evincit. Alia argumenta in hanc rem. Sententia Hebreorum de Infernis animarum sedibus, & Scehol, eodem sensu ab Interpretate Syriaco usurpata.

AD alia nunc transeamus. Dicerat Augustinus in Epist. 164. alias 99. *Domini carne mortificatum venisse in Infernum*, idque evicerat verbis Psalmi XV. 10. & Petri in Actibus Apostolorum. *Quis ergo, tum subdit, nisi infidelis, negaverit fuisse apud Inferos Christum?* Ad haec Phereponus: *Vel hinc intelligere licet, quam periculosem sit, Scripturam velle interpretari, si necessariis subsidiis destituta sis: primum enim in ea invenitur, quod non est; deinde acceperit dominantur, qui ea melius intelligent.* Tandem Augustinum carpit, quod existimaret, Christi Animam in locum suppliciorum descendisse, dum corpus ejus in sepulcro jacet, simulque illos impietatis arguerit, qui aliter sentirent. Eadem repetit Phereponus ad Epistolam 187. olim 57. In notis vero ad Cap. V. §. 2. Lib. de Fide & Symbolo ait, a Symbolo Ecclesiae Africanae, ut & a Romano, aliisque absuisse caput de descensu ad Inferos, quod tamen postea temere coniunctum est. Non uni ergo Augustino infernos est hac de causa Phereponus, quod ille Inferos in Psalmo, & Actuum loco, memoratos accepit pro loco, in quo anima damnatorum hominum poenas luunt, sed reliquis sere Patribus irascitur & Scriptoribus Ecclesiasticis, immo universa Catholica Ecclesia, quae credit, & in Symbolo a tot scilicet profitetur descensum Christi ad Inferos. Ego quam brevissime potero Ecclesiam Catholicam potius, quam Augustinum, a confidenti censura Phereponi vindicare conabor.

Primo igitur statendum est, id tantummodo inter Catholicos constare ac ratum esse, videlicet Christum post mortem descendisse ad Inferos, & nomine Inferorum significata diversa quedam loca, quo omnes hominum vita funerum Animae e corpore so-

Iutæ olim deferebantur pro variis meritis. Suus erat locus justis, Christi adventum & resurrectionem expectantibus. Elysios Campos similem locum Ethnici appellabant. Suus improbis, qui & adhuc durat atque æternum durabit. Orcus, Tartarus, aliqua nomina ei tribuebant ab eisdem Ethnici. Ad priorem superioremque Infernum, in quo Patrum atque Justorum Animæ detinebantur, sententia communis est, Animam Christi se contulisse. Utrum etiam ad inferiorem Infernum, seu ad impiorum loca penetrarit, & ad reliqua Inferorum ergastula, quidve ibi egerit, non æque patet, & magna inter ipsos sanctos Patres, nedum inter Theologos recentiores, dissensio occurrit. Quod igitur ad Augustinum attinet, illa sententiam Ecclesie de Christi descensu ad Inferos sectatus fuit, certamque habuit, & a solis infidelibus negari posse ait. In reliquis de Christi descensu ad Inferos, negandum non est, quin diu fluctuarit mens Augustini. At non omnia, quæ ad hunc Symboli Articulum referuntur, ad ipsam Fidem spectant. Phereponus censere videtur, Inferos ab ipso accipi pro loco dumtaxat damnatorum. Verum agnovit etiam vir sanctus, inter Inferos sinum Abrahæ, quo piorum animæ ante Christum e corporeis nexibus expeditæ migrabant. Inquit enim Lib. XX. Cap. 15. de Civ. Dei. Non absurde credi videtur, antiquos etiam sanctos, qui venturi Christi tenuerunt fidem, locis quidem a tormentis impiorum remotissimis, sed apud Inferos fuisse, donec eos inde sanguis Christi, & ad ea loca descensus eiveret. In enarratione etiam in Psalmum 85. idem Augustinus duo Inferna statuit, quorum in uno quieverunt Animæ justorum, in altero torquentur Animæ impiorum.

Itaque ostendendum restat, revera Christum

stum ad aliquos Inferos descendisse, quod ab Ecclesia Catholica non minus, quam ab Augustino, tamquam certissimum affirmatur, a Pherepono autem tamquam falsum negatur. In Actibus Apostolorum Cap. II. v. 24. Petrus exponit Christi resurrectionem, et amque a Davide praedictam inquit iis Psalmi XV. verbis: *Quoniam non derelinques animam meam in Inferno, nec dabis sanctum tuum videre corruptionem.* His potissimum verbis innititur Ecclesiae fides, dum Christum ad Inferos descendisse, atque inde etiam surrexisse tradit. Phereponus vero aliter locum illius Psalmi interpretatur, & pro Inferno contendit Sepulchrum esse intelligendum: ita enim significat apud Hebraeos vocabulum θάνατον Scobol, quo usus est eo in loco David. Habet ille in hac sententia concordes, immo Magistros, nonnullos & Novatoribus, quorum eruditio jam eo pervenit, ut pleraque Christianae Ecclesiae dogmata, licet antiquissima Traditione Patrum iamdiu sacraata, arrodat, in dubium revocet, & levibus de caussis explodat. *Ante omnia,* inquit Phereponus, statuendum est, Petrum non quiescisse in loco Psalmi id quod minime est; ideoque ex loco Psaltæ intelligendus Petrus, eque ac Psaltes ex sermone Petri; nec ullus est inter eos dissensus, quamvis cum Augustino nullo modo sentiantur. Conditionem accipimus, quam exhibet Phereponus; nihil enim apud nos certius est, quam sanctum Petrum a Psalte dissentire non posuisse, ipsumque ab omni errore immunem fuisse in Psalmi loco interpretando. Sed uti certum est, nullum inter Davidem seu Psalten, & Petrum esse dissensum, ita quoque exploratum habemus, mentem Petri ac Davidis perspectissimam divinitus esse debuisse Actuum Scriptori Lucæ, adeo ut ne iste quidem falli in ea narratione potuerit. Videamus igitur, quid David, quid Petrus, quid Lucas habeant. Verba Psaltae in Hebraico Codice ita se habere scribit Phereponus. *Non relinques animam meam sepulchro* (לֹא תַּשְׁלִיכֵנִי) *nec patieris sanctum tuum videre corruptionem.* Nunc notionem hujus vocabuli Hebraici dissimulamus, audituri prius, quid haec omnia Pherepono docente significant. Liques, ait ille dictatoria voce, *hoc velle Psalten, sensu tralatio-* *ne, Deum non passum ut occideretur, nam* *relinquens sepulcro, aut pati videre corruptionem, est sinere vulneratum quempiam, aut* *male affectum mori.* Hæc tamen verba, sensu proprio, melius in Christum quadrant, quem Deus passus non est in sepulcro diu jacere, neque in eo corrupti.

Male Phereponum non habeat, si dicamus, non solum ipsum & Petro Apostolo

doctorem, & Judæis ipsis Petri auditoribus perspicaciorem velle videri: sed etiam velle nobis exhibere Petrum Lingua Hebraicæ non satis peritum, & Judæis imponentem, & ipsos Judæos tam suarum rerum ignaros, ut sibi paterentur illudi. Si enim ea verba secundum Davidis mentem significabant, non permisurum Deum, ut ipse David vulneratus, aut male affectus moreretur: quam concinne quælo ad Christum illa referebat Petrus? Christus mille plagiis & contumelias affectus necatus fuerat, & sepulcro datus, Num ergo persuadere auditoribus suis putisset Petrus, hæc de Christo necato diei, quæ Davidi a morte liberando, & nondum in sepulcrum illato competebant? Quando ipse Petrus instabat, Christum inquiens e mortuis surrexisse, idque a Psalte iis verbis prædictum: infideles ac pervicaces Judæi, quos tunc alloquebatur Petrus, continuo respondere poterant, si eis cor & scientia Phereponi fuisset: diversum plane aliumque esse eorum verborum sensum, & nihil facere cum resurrectione Christi. Liquebat enim Hebraicæ Linguae vel leviter peritis (si Phereponi credimus) non de mortuo aliquo suscitando, sed de vivo a morte servando loquutum fuisse sanctum Regem, idque proprie illum locum sonare, quamquam tralatitiae verbi conceptum. Quid ad hæc Petrus? Frustra se contorisset, arbitror; nihilque profuisset cum Pherepono dicere, ea verba melius in Christum, sensu proprio, quadrare, quem Deus passus non est in sepulcro diu jacere, neque in eo corrupti. Nam primo negare potuerint, hæc metaphorica esse; atque ita explicuissent eadem verba: *Quoniam non sines animam, meam descendere, venire* (quæ verba suppleri non imerito possunt) *in sepulcrum.* לֹא תַּשְׁלִיכֵנִי; non dabis sanctum tuum videre foveam. Quæ phrases proprio, non tralatatio sensu, etiam in Davidem non moriturum quadrarent. Tum subdere poterant, etiamsi hæc metaphorica essent, nihil tamen aliud sonare, quam quod Phereponus censet, nempe, non permisurum Deum, ut aliquis moreretur, & sepulcro traderetur: quæ nullo pacto convenienter in Salvatorem nostrum. Ac proinde Petrum arguissent atque irrisissent, quasi in sua rem divinis abuteretur Scripturis, & verbi neque fortuito, neque consulto congruentia in suam sententiam conquereret.

At absit ab Apostolo tanta ignominia, tanta sua Lingua inficta, quibus notis ipsum Phereponus incaute aspergit. Ea erant Davidis in illo Psalmo verba, quæ unicum germanum sensum haberent in ipsis etiam Davidis

vidis in illo psalmo verba, quæ unicum ger-
manum sensum haberent in ipsius etiam Davi-
dis mente, & hic sensus uni Christo seu Mel-
fia poterat ac debebat accommodari. Audia-
mus Apostolum ipsum de Jesu loquentem.
*Quem, inquit, Deus suscitavit, solutis dolo-
ribus Inferni, juxta quod impossibile erat, te-
nere illum ab eo.* David enim dicit in eum:
*Providebam &c. Quoniam non derelinques
&c. Tum offensus hac de uno Christo præ-
dicta fuisse, ita loqui pergit. Vix fratres, li-
ceat audenter dicere ad vos, de Patriarcha
David, quoniam defunctus est, & sepultus,
& sepulcrum ejus est apud nos usque in ho-
diernum diem. Propheta igitur quum esset
&c. Providens loquutus est de resurrectione
Christi, quia neque derelictus est in Inferno,
neque caro ejus vidit corruptionem, &c. Heic
meridiano sole clarissimus est, Petrum pro confes-
so atque explorato apud omnes Judæos sume-
re, ea Davidis verba unice significare, quem-
piam vere jam mortuum ad vitam postea re-
vocandum, ejusque carnem in sepulcro non
esse corrumpendam. Evidens erat, Davidem
e vita concessisse, ejusque cadaver in tumu-
lo ceterorum more fuisse in tabem resolutum,
cujuis rei testis adhuc erat superstes illius tu-
mulus. Quare non de se Propheta loquutus
fuerat, sed quidem de Messia, quem Apostoli
omnes aliquique fideles e mortuis resurrexisse
comptum habebant. Ac propterea quis
non videat, quam longe a Petri mente Phereponus
abeat, & quam temere verba Psal-
mi interpretetur?*

Sed optimos Auctores suæ in interpretanda
Scriptura consuetudinis Phereponus fortasse
laudabit. Theodorum videlicet Mopsueste-
num, quem in Collat. IV. Patres Concilii Con-
stantinopolitanæ II. idcirco etiam diris devo-
verunt, quod hunc eundem Psalmi locum,
aliaque de Christo prænuntiata argutis inter-
pretationibus alio referri posse doceret.* Hu-
gonem Grotium adferre etiam poterit, virum
aliisque eruditissimum (uti nihil de Socinianis
Scriptoribus dicam), cuius ea fuit sententia,
univerbis de Christo Prophetis duplum inef-
fabile sensum, quorum alter & primarius ad Hi-
storiam temporis quo Prophetæ vixerunt, al-
ter & secundarius ad Christum sit referendum.
Quæ opinio, quia nullo discrimine Prophetas
omnes complectitur Christo accommoda-
tas, quam absurdâ sit, & quam male se re-
gat, vel ex hoc loco liquere potest, ut plu-
ribus aliis parcam. Ita enim Davidis Pro-

phetiam in Christum e mortuis suscitatum
convenire Petrus ait, ut nullo pacto ad His-
toriam Regii Prophetæ referri posse pro re
evidenti statuat. Quis autem Petru cum Da-
vide consensus, ubi eisdem verbis unam rem
iste, alteram ille penitus diversam significa-
re volunt? Quis Judæorum tunc non potuit
frustrari rationem Apostoli, si eo tempore
aut obtinuisset, aut succurrisset interpretatio
Phereponi? Quis adduci ad Christum, cujus
resurrectionem a mortuis per adeo dubias,
incertas, facileque eludendas Prophetias Apo-
stolus Petrus probare conabatur? Et tamen
ex ipsis Judæis tria millia ad Christum eo
die conversa fuere: tantam yim habuere Pe-
tri argumenta ex ipsis Psalmorum verbis pe-
tita. Sed ultra non juvat urgere consecratio
& incomoda temeraria istius sententia; nos
enim vocat altera quæstionis nostræ pars.

Stat igitur, locum illum Psalmæ ad Chri-
stum mortuum esse referendum, cujus Anima
Deus derelicturus non erat in Inferno. At Phereponus una cum aliis Novato-
ribus pro in Inferno contendit vertendum
esse in Sepulcro: vox enim **חַדְשָׁה** Scehol,
perpetuo Lingua Hebraicæ usu, significat
Sepulcrum. Catholici contra retinendam heic
esse Inferni vocem persuasum habent, qua
heic non Sepulcrum, sed sedes & loca ho-
minum vita funitorum significantur; sive
isti in Abraham finu, hoc est in requie, fue-
rint, sive in gehenna, hoc est in poenis.
Vocabulum autem **חַדְשָׁה** Scehol non nega-
mus, quin pro Sepulcro seu loco humatorum
corporum, sœpe accipendum sit in sacris
Libris antiquæ Legis; sed per illud etiam
significari dicimus Inferna illa loca, & fe-
des quo mortuorum Animæ deferentur,
Christi adventum, & postremum saeculi ju-
dicium expectatur. Consentire in hanc rem
mihi videtur & ipse Phereponus, cui vox
ista significat non solum Sepulcrum, sed
etiam locum aliquem sub terre superficie,
aut certe statum ac conditionem mortuorum,
quæcumque sit; quamvis ipse statim addat,
numquam locum peculiarem malorum sup-
pliciis attributum per eam designari, qua-
de re nunc disputare nolumus. Certe Sce-
hol indefinita quædam vox est, & loca sub-
terranea designat, atque adeo mortuorum
statum atque ergastula. Quare non tam eru-
dite quam prudenter illos fecisse reor, qui
eam vocem Latine reddentes, potius quam
Sepulcrum, semper Inferos aut Infernum tran-

Hh stule-

* Solidè simul atque eruditè hoc argumentum pertrahavit P. Franciscus Baltus e Soc. Jesu in Operc. Gallice inscripto, *Defense des Propheties*, Parisis edito ann. 1737. ad confitandos in primis Grotium & Simonium, simplicem Socinianorum de Prophetis sistemam, incaute nimis amplexos. Locum autem Psalmi XV. a Muratori heic propugnatum, acriter Baltus defendit, Operis laudati Tomo I. Cap. V. & Tomo III. Cap. XXVI.

stulere, voces indefinitas; has enim postea explicare liberum erat aut pro corporum, aut pro animalium fede post discessum e vita, prout Scripturæ sensus, rerumque contextus, & alia argumenta ab Interpretate poscerent. Nam cui exempli gratia Gen. XXXVII. v. 35. ubi Jacob dicit: *Descendam ad filium meum lugens in Scebol*, hanc vocem vertas in *Sepulcrum*? Putabat Jacob filium suum mortuum, & a feris devoratum, Sepulcro caruisse. Non igitur ad illum sepultum se esse descensurum, suaque ossa cum filii ossibus se esse compositum sperabat, quum ossa illius nullo sepulcro condita arbitraretur. Inquit ergo Jacob: *Descendam ad filium meum lugens in Infernum*, ut post Græcam vulgata Versio habet, hoc est, eum in locum, quo hominum animi a corpore soluti abeunt, & quo non dubitabat pater, quin suus filius se praecessisset.

Nunc queramus, an *Scebol* in laudato Psalmo XV. vers. 10. accipi debeat pro Corporum Sepulcro, an pro Animalium post mortem ergastulo. Postremam significationem esse preferendam, totius Christianæ Antiquitatis consensus suadet & clamat. Justinus, Ireneus, Origenes, Clemens Alexandrinus, Eusebius, Athanasius, Basilius, Nyssenus, Nazianzenus, Epiphanius, Chrysostomus, Cyrillus Hierosolymitanus, & alii e Græcis innumerii. Tum Tertullianus, Hilarius, Ambrosius, Hieronymus, Rufinus, Augustinus, & alii inter Latinos quamplurimi: tum ipsa Concilia, & Symbola ab omnibus Catholicis immo Christianis omnibus recepta, Christi desecsum ad Inferna animalium domicilia cederunt, & per Sæcula XVI. prædicarunt, & ex hoc potissimum loco intellexerunt. Neganter vero talem sententiam, Hæreticis atque infidelibus omnium ore adjuncti fuerunt, tamque vetusta Patrum & Christianorum Traditio atque consensio, non id solum roboris habet, ut Catholicorum quemlibet suæ professionis conscientia ita sentire jam cogat, sed ipsos etiam Traditionis & vetustatis numeros contemtores, impudentiae ac temeritatis arguit, quod aliter audeant affirmare. Nam quum inter Novatores sincerissimi fateantur, significationem vocis *Scebol* ambiguam esse, & designari per illam, statum quoque & sedes spirituum humanorum post corporis mortem: certe nullam ipsi adserunt urgenter rationem, quare in Psalmo XV. vox illa significare non possit id, quod Ecclesia Catholica omnium temporum censuit. Rursus quum apud omnes aequos rerum aestimatores verisimile sit, antiquissimos Ecclesiæ Patres eam non suo marte procudisse opinionem, sed exposuisse, quam ab aliis Majoribus, atque adeo ab ipsis Apostolis, veluti per manus accepérant: quis

non videat, potiori jure antiquis illis testibus rem adeodiserte affirmantibus, quam novitiis hisce Criticis sine ratione valida negantibus, habendam esse fidem? Accedit, quod ex iis etiam vetustis Auctoriis tres saltem Hebraeum calluere Linguam, Origenes, Hieronymus & Epiphanius & cum sui aequalibus Rabbini versati, notionem vocis *Scebol* ignorasse cendi non sunt. In re autem a nostris temporibus adeo remota, quum de notione vocis agatur, quæ ab hominum uso & arbitrio pendet, exigit prudentia, ut veterioribus potius eruditis, quam recentioribus credamus.

Quod tamen omnem dubitationis causam auferre potest ac debet, est ipsa sancti Luca narratio in Act. Apostolorum Cap. 2. v. 27. Verba Psalmi Græce reddita sic ille exhibet; ὅπερ ἐκεῖνοι οἱ τότε Λυχνῖται εἶδον δύο εἰδῶν τὸ ποτό τους θεῖαν διαφέροντα. Quoniam non derelinques animam meam in Hades, neque dabis sanctum tuum videre corruptionem. Pro iis εἰδόσις, LXX. Interpretes, quorum versionem Lucas usurpasse videtur, habent εἰδόσις, in Hades. Quid autem sit εἰδόσις, quidque eo vocabulo apud Græcos omnes significaret, inter ejus Lingue peritos constare facile potest. Nativæ sua significatione Plutonem designabat: Homerus Iliad. O. Zeus νεὶς εἰδὼς τρίποτος δὲ Αἰδηνὸν ἐνέποστον ἀνέστων Jupiter, & ego, tertius autem Pluto Inferis imperans. Quandoquidem in Plutonis ditione subterranea quæque loca esse credebantur, hinc Hades Inferna ipsa loca appellata sunt, quo Ethnici mortuorum Animas illabi putabant, Judæis & Christianis in ea sententia concordes. Itaque εἰδόσις (quod in citato Cap. Act. legitur) nihil aliud est, quam in domo Hadis, seu Plutonis, subintelligendo δέμονος, seu ὄντος pro εἴδει δύο, ut ex aliis exemplis confirmari potest. Idem Homerus Odys. k. 1. γένεται εἰς Αἰδανὸν καὶ ἐπαγῆς Περσεφόνης, Venire in Plutonis domum, & tenebricosse Proserpinæ. Domus Plutonis, seu Inferni, pro Græcorum more non Sepulcrum, sed Inferos significat, hoc est geminas illas subterraneas ledes, quibus, ut diximus, Animæ e corporibus nexibus expeditæ claudebantur, quietis loca piis, poenarum vero impiis. Proinde constantis regula est, usitatissimam & communem olim ejus nominis Hades vim Inferos sonasse, qualem nos descripsimus, aliasque interpretationes aut paucis fuisse, aut nulli cognitas, sive usurpatas. Quibus constitutis, jam quae Christianos dicunt, ac in eo Psalmi loco vocem *Scebol* pro Sepulcro proterve accipiunt, nihil minus facere mihi videntur, quam Lucam, Scriptorem divino afflatu proculdubio ple-

plenum ignorantiae atque inconsiderantiae arguere, suamque Criticam eruditionem scientiam ac judicio Apostolorum praeponere. Aut enim perspecta Lucæ non fuit notio vocabuli *Scebol* & *Hades*: & tunc ex opinione Novatorum consequitur, heic eum suam eruditionem & scientiam, immo divinum Spiritum defecisse; siquidem, si istis credimus, *Scebol* *Sepulcrum* tantummodo significat; *Hades* vero, ut nos statuimus, pro *Inferis* perpetuo Lingua Græca uero accipitur. Sin autem Lucas novit, *Scebol* significare Sepulcrum, quomodo ab inconsiderantia nota liberari viri *Græcos* potest, qui quum facile per dictiōnem Græcam ἡρόες hoc est *Sepulchrum*, aut per alias Græcis usitatas voces, reddere possit Hebraicum *Scebol*, tamen usurpare voluit vocem ἀδην, quæ rem aliam a *Sepulcro* designat? Nonne hoc erat certissimum errandi fundamentum præbere Græcis Lectoribus, qui Hebraica ignorantes, vocem *Hades* pro suo more interpretaturi fuissent? Quod si Patres in ea interpretatione errarunt (ut Novatores affirmare audent:) nonne in Lucam resiliat culpa, qui aliis tam facile poterat debatque se explicare verbis, dum Græcos homines erudiendos suscepereat?

Verum, inquit Phereponus, *Græci Interpretes*, qui *LXX.* dicuntur, Gentilibus non una in re fesse attemperarent, & Lucas versioni Græcae adiutus, & scribens in gratiam Græcorum, adhibuit locutiones *LXX. Interpretum*. Quasi, si vera sunt, quæ de hac quæstione Phereponus habet, minus errarit sanctus Lucas, quam Græci Interpretes. Si istorum Versio in eo loco Psalmi *incommoda* erat (quo honesto vocabulo Phereponus infidelem ac inceptam significare, ut arbitror, voluit): quam fidem amplius ac venerationem nobebimus Lucæ, sine iudicio incommodam nobis ac falsam interpretationem obrudenti, & præbenti certam nobis ansam erroris? Talia *incommoda*, talia absurdâ atque conjectaria manifeste devorare coguntur Novatores, quoties nihil sibi religioni ducunt, aliter atque Ecclesia Catholica & sancti Patres, illum Psalmi & Actorum locum explicare. Quodnam vero nomen istos manet, qui tam male consulunt divorum Auctorum dignitati ac fidei, ut ingeniorum suorum libidini & eruditio, ambitione non minus quam incaute, satisfaciant? At a Christiano Interpretre tantum crimen absit. Nisi Lucam errantem velimus, nuperam hanc interpretationem abjecere, errorisque accusare necesse est. Dissentire inter se atque errare non possunt Psaltes, Petrus, & Lucas. *Scebol* significare *Inferos* potest, seu Animatum post corporis mortem subter-

raneas sedes. Manifeste pro *Inferis* idem vocabulum sanctus Lucas accipit. Ergo quin illuc *Inferi* tantum designentur, nullus Christianorum negare potest ac debet.

Et ista quidem ea sunt, ut vincant Christiani hominis animum. Quum tamen argumentum hoc, ut Logici ajant, sit a posteriori, vincere quidem Christianorum omnium animos debet, rem tamen nonnullis etiam Christianis persuadere fortasse non valet. Certe non continuo persuadebit incredulis atque Gentilibus. Quamobrem hos quoque appellamus, judicesque in medio statuimus; certum quippe est nobis, ipsos quoque in nostram sententiam, si æquos se præbeant, esse concessuros. In laudato Psalmo Catholicæ *Inferos*, Hæretici quidam *Sepulcrum* significari contendunt. Quid habent postremi, quo suam opinionem firment? Nihil profecto solidi; quamvis enim *Scebol* pro *Sepulcro* sæpe in sacris Literis accipiatur, negare tamen non audent, quin mortuorum etiam statum ac loca aliquando significet, & sæpe significare possit. Tum nullum adserunt verutum Scriptorem sue in hoc Psalmo interpretationis vindicem ac testem, qui *Sepulcrum* potius, quam *Inferna animorum a corpore solutorum loca*, heic moneat esse accipendum. Quid nos contra? Quum heic de Lingua jamdiu obsoletæ ac mortuæ vocabulis agatur, eorumque vim ac notionem veteres magis Hebraæ Lingua periti, quam recentiores, intellexisse credendi sint, siue potissimum, qui florente adhuc Hebræorum Republica vixerunt: nemo non vider, eam esse præferendam sententiam, que antiquissimis hisce testibus nitatur. At nos Catholicæ præter quosdam veteres Patres, Hebraæ Lingua dediros, antiquisque Rabbinis in eo studio usos, Lucam ipsum omnium veterrissimum damus, qui in hoc ipsomet laudati Psalmi loco *Inferos*, non autem *Sepulcrum*, vocabulum *Scebol* interpretatur, dum per vocem ἀδην illud reddit, quæ, sicuti vidi mus, *Inferos* constanter pro Græcorum more significabat. Numquid vero in Lucam erroris suspicio cadat? Ab omni verisimilitudine id prorsus abhorret. Non heic Græcam, uti appellatur, *LXX.* Versionem aut laudare aut tueri est animus. Lucam tuemur, non ipsam Versionem; nam quum illam in hoc loco suam fecerit Lucas; necessarium est, aut saltem verisimillimum, eam ibi recte exprefisse vim vocabuli Hebraici, mentemque Prophetæ; non enim aliter ejus ope sanctus Lucas usus fuisse. Apostoli quoque eamdem sæpe Versionem usurparunt; quod facientes, ineptum sit suspicari, eos nesciisse, an Græca Hebraicis vere consentirent. Hebrei erant,

Hh 2 ° suz-

suæque Linguae satir periti. Ubi a Codicibus Hebraicis Græca dissonabant, ignorare isti non poterant; (* quod si) non ignorabant, quis eos Versionem pravam adhuc obrusifile vel suspicetur? Innumeris tunc erant, qui fraudem hanc, uti Linguae utriusque periti, potuissent, & uti Christianorum acerbissimi hostes, voluissernt aperire. Aut numquid, ut se Græcis attemperarent, errores sibi notos, errorumque causas disseminare voluisse putandi sunt.

Idem de Luca dicendum atque sentiendum. Ut ut Litteris Hebraicis ille operam dederit, profecto numquam verisimile est, ipsum adeo in illis hospitem fuisse, ut infidam Versionem potuerit volueritque usurpare: Acta Apostolorum memoriam mandabat, idque Pauli ipsius, ut quidam tradunt, consilio ac jussu. Individuus ejusdem Apostoli comes diu fuit, versatusque est cum aliis Apostolis, ac viris utriusque Linguae gnaris; ab Apostolis, ac ab ipso Petro audire potuit verba in concione Hierosolymitana olim pronunciata. Qui fieri potuit, ut ille neminem umquam interrogarit, nemo illum monuerit de infida eo in loco Versione Græcorum? Nemo id credit, & de Libro, quem Lucas, & Apostoli, & Apostolici viri, ad certam Christianorum eruditionem relikti erant, & de Scriptore qui in exordio Evangelii sui profitetur, se nihil scribere, quod a principio diligenter assequitus non fuerit, sicut ei traxiderunt, qui ab initio ipsi videbunt, & ministri fuerunt sermonis. Accedit, quod Paulus resurrectionem Christi confirmatus, laudare & ipse solebat Psalmum XV. ut enim testis est idem Lucas Act. Apost. XIII. 34. ita Apostolus ait: *Quod autem (Deus) suscitavit eum (Christum) a mortuis, amplius jam non revesurum in corruptionem, ita dixit &c. Non dabis sanctum tuum videre corruptionem. David enim, &c. voluntate Dei dormivit, & appositus est ad patres suos, & vidit corruptionem. Quem vero Deus suscitavit a mortuis, non vidit corruptionem.* Heic Apostolus priorem partem versiculi prætermittit, in qua Hades, seu Scehol mentio habet. Attamen hinc liquere potest, tritum ore Apostolorum eum Psalmi versiculum fuisse ad evidenter ostendendam Christi resurrectionem e mortuis, & Paulum etiam eo loco secundum LXX. Versionem uti conuexisse, quum Hebreos Hellenistas alloquebatur, quales erant habitantes Antiochiae Pisidiæ, ad quos fuit memoratus a Luca Pauli sermo. Quare nihil verisimilius, quam quod Lucas illius loci sensum probe perspectum habuerit, atque intellexerit vim eorum verborum tum in Græcis tuum in Hebraicis Codici-

bus. Non video autem, quei cum recti iudicii legibus eorum opinio componi possit, qui Apostolos a perversa ac falsa Versione abstinerent consulo noluisse ajunt, ut sese Græcis ad eam assuetis attemperarent. Quasi non idem sit ac dicere, Apostolos consulo voluisse auditores suos in pristinis erroribus confirmare, aut novis imbuere. Postremo quidquid possit inconsultum adversariorum bellum adversus eruditionem ac judicium sancti Lucæ, nihil aliud sibi spondere potest, quam quod ille non satis Hebraeam Lingua calluerit, aut vim vocabuli *Scehol* assequutus non fuerit: quatenus omnia veri numquam videbuntur similia. At quando hoc etiam obtinerent, num obtinere etiam poterunt, Lucam ignorasse vim vocabuli *Hades*, eique Græca Lingua scientiam præripient? Id quidem non audient. Verum id satis est nobis, & satis futurum est cuicunque judici æquo. Nam quum Lucas Christi animam non relitam in Hade affirmet, quæ verba Græce peritis sonant, Christi Animam e corpore solutam ad Inferos migrasse, ibique diu non permanisse: semper restat, Lucam id credidisse ac tradidisse, quod nos credimus, & universa semper Ecclesia tradidit. Quod, inquam, Lucas ea de re didicerat ab Apostolis, Græca illius verba plane significant, quæ ipse procul dubio intelligebat; & quamquam non constaret, Scriptori huic sat cognita fuisse Hebraica Psaltes verba, id unum sequeretur, Lucam in eo Psalmi loco rem inutiliter quævisse ac invenisse, quæ illic non erat, sed quam tamen ipse aliunde certam hauserat, atque alte animo præceperat. Etenim nisi persuasum id ipsi antea fuisse, Græce peritus ab ea locutione sese abstinuisset, quæ descensum Animæ Christi ad Inferos Græcis Lectoribus aperte atque ex suo instituto persuadebat, semperque in posterum persuasit. Si ergo saltem constat, Lucam de Christi ad Inferos descensu non dubitasse: quid nos amplius ea de re dubitare pergimus? Hoc unum est, quod potissimum querimus, & scire volumus, & hinc ediscimus. Hæc summa litis nostræ: num Lucas noverit, crediderit atque tradidit, Animam Christi ad Infera loca migrasse. Id autem credit sacerdos Lucas. Diversa questio est, an Hebraicas voces Scriptorum probe intellexerit, & probe reddiderit. Quæ tamen moneo, non quod Lucam adversariis in hac altera questione relinquam, & hallucinatum putem, aut verear; sed ut quod maxime querendum sit, ipsi tandem intelligans, quo facilius a certis constituiris ad incerta explicanda progrediamur.

Sed ne cui l'crupulus adhuc & dubitatio fa-

-Al. figura,

persit, an revera per vocem Hades, Inferos designare Sanctus Lucas voluerit, age, tem in meliori lumine colloceremus. Queramus, quam potestatem notiosemque voci illi adhuc Lucas, & reliqui Iudei Graecæ loquentes, olim subjecerent, hoc est, quid eo nomine intelligerent. Nobilissimus Judæorum Historicus Josephus id manifeste nos docebit. Auctor ille est Lib. 18. Cap. 2. Antiquit. Judæorum inter Hebraeos a multis temporibus existitisse Sectas, Pharisaorum nempe, Sadduceorum, atque Essenorum. De Phariseis hæc habet: Αδερατον τε ισχυρον τοις λυχναις της αντοικιας της υπό χθονος διακοτες τε της μικραις οις επαντινης επινεις δοις εγ γη βιο. Animæ autem immortales esse credunt, & sub terris eorum pœnas ac pœmæ dari, prout virtutis vitiorumve studium illis in vita fuit. Tum addit, perpetui carceribus illic improbos constringi, pīis autem facilem esse ad vitam redditum. Pharisei potissima & doctissima Judæorum pars erant. Illis eorumque opinionibus populus adhærebat, adhæsit & olim Paulus, ita ut quidquid ad solemnēs precationes cultuque divinum attinebat, secundum horum interpretationem ac pœscriptum fieri soleret. Hanc etiam de immortalitate Animæ sententia tuebantur Esseni, solis Sadduceis contradicentibus, quorum & numerus exiguis, & auctoritas contenta. Sadducei, inquit ipse Lucas Act. Apost. XXIII. 8. dicunt non esse resur. Elionem, neque Angelum, neque Spiritum, hoc est mentes humanas a corpore expeditas amplius non vivere. Pharisei autem constentur ultraque. Quare dubitandum non videtur, quin communis Judæorum sententia foret, Animæ post corporis mortem in Inferno loca deserti, sive ad requiem, sive ad tormenta. Eo pertinent, quæ de ipsis Judæis habet Tacitus Lib. 5. Hist. Corpore condere, quam tremare & more Ægyptio. Eademque cura, & de Infernis persuasio. Status ergo animarum, eorumque fides, uti Josephus testabatur, erat υπό χθονος sub terra, atque adeo in abysso in Inferis. Clarius sese explicat idem Josephus alibi. De iisdem Sectis loquens Lib. 2. Cap. 12. de Bello Jud. postquam Phariseis laudata nuper placita tribuit, hæc de Sadduceis

subdit: Λυχνη τε την διακονιην της καθ' αδειαν ποιουσι της την αναρπετην. Animæ vero immortalitatem, & in Hade, seu Inferno, vel superbia vel pœmia negant. En quid Judeis Graecæ loquentibus esset adhuc. Non utique Sepulcrum, sed locus Animabus e corpore solitus destinatus, ut ibi vel pœnas vel pœmæ pro meritis reciperent. Eamdem prorsus Christianorum sententiam fuisse, omnia antiquitatis monumenta testantur. Paulus ipse in Act. Apostolorum Cap. XXIII. cum Phariseis hac de re se contentire clamabat. Situs erat hic locus υπό χθονος sub terra, mirabilis plane, & vero, quamquam incoenito divinæ potentiae artificio. Id quoque Christiani persuasum fuit, & aperte ab Apostolo innuit ad Philipp. II. 10. quum ait: Ue in nomine Jesu omne genitlectatur, celestium, terrestrium, & inferorum, ἐπανυιον, δὲ εἰπειν της καταχθονιον. Ubi vides ναυα χθονιον appellati, hoc est subterraneos, eam gentem, cujus Animæ in geminis Inferis, piorum nempe ac impiorum, claudebantur.

Ab antiquis mutuati recentiores cum Graeci tum Latini significationem istam, vocalibus qd Adu, atque Inferorum uti perrexerunt, ut ea quoque loca exprimerent, quibus piorum Animæ post mortem purgandæ detineri ex Orthodoxæ Ecclesiæ Traditione creduntur. Quare non satis recte Graecos Christianos Schismate a nobis sejunctos culpare visus est mihi Thomas Smithus in Epist. de Graecæ Ecclesiæ hodierno statu, ubi illos in errorem Origenicum de Animabus impiorum ex Inferno tandem liberandis propositos suspicatur, eo quod in Confessione dogmatica scribant: Βέβαιως οὐδεὶς τοις αὐτοῖς (ita illic scriptum lego) εἰδεῖ περιεπιφέντες (εποντες την δεσμῶν της αδειας, &c. Certo multi peccatores a vinculis Inferni liberantur, &c. videlicet, uti subdunt, propter viventium pīs opera & eleemosynas, & Ecclesiæ pro iis pīs orationes, & potissimum propter incursum Sacrificium, &c. Non est illic adhuc proprie gehenna, sive æternus damnatorum locus, sed quidem claustrum illud, quod nos Latini Purgatorium appellamus, Graeci vero Schismatici nomine quidem negant, at

cum

* Thomas Smithus Gracis hodiernis exprobrans errorem Origenicum de animabus impiorum ex Inferno tandem liberandis, ad mentem revocat Opus lecul dignum P. F. Joannis Vincentii Patuzzi, inscriptum De futuro impiorum Statu Libri tres, quod Verona proditi 1743. in 4. ubi nonnulla video a Smitho in laudata Epistola tacta. Siquis autem ad illius Operis lectionem accedat, ea periegat quæ Joannes Lamius in Nov. Litter. Florent. anni 1749. num. 2. col. 24. & num. 6. col. 91. & num. 10. col. 157. erudit obseruat. Verum quidem est, austorem Historie Litterariae Italicae in Lamium insurrexisse, ejus observationes infirmasse ratum. At hic suam sententiam propugnavit anno insequenti in iisdem Nov. Litter. num. 30. pag. 43. Moneo insuper ex Memorib. Trevoltiniis mens. April. 1742. & Maii art. LV. D. Sinsartum argumentum huic affine retractasse, edito Argentorati 1748. in 8. Opero, cui titulus; Defense du Dogme Catholique sur l'éternité des peines.

cum Patribus re affirmant. Quod si etiam pro gehenna accipere velis, nihil moramur; adhuc enim apud Græcos stare vides Catholicum Dogma de Animabus quibusdam levium peccatorum reis, & post mortem in aliquo tormentorum loco purgandis. Et certe de situ eorumdem locorum disputare adhuc nefas non est. Ceterum potuisset nobis etiam hanc injurere notam Smithus, quem in Latina quoque Liturgia, quando preces Deo offeruntur pro piis vita functis, dicatur: *Dominus Iesu Christe libera animas omnium fidelium defunctorum de poenis Inferni*, &c. Verum, ut diximus toties, Orientalibus vox Adn., Occidentalibus vocabulum Inferi modo piorum, modo impiorum ergastulum post mortem significabant, & adhuc significant.

In alterum autem ex his ergastulis demersum post mortem fuisse Divitem illum, cuius Historiam aut Parabolam resert Christus, ex ipso Luca discimus in Evang. Cap. XVI. 22. Mortuus est autem & dives, & sepultus est in Inferno. Elevans autem oculos suos, quem esset in tormentis, &c. Ex omnium consensu qui heic memoratur Infernus a sancto Luca, & vocabulo τάφος exprimitur, nihil aliud est, quam pœnarum locus, quo impiorum Animæ post discessum e vita truduntur. Quare hinc etiam aperte colligitur, quam notio nem in auditorum animo excitare soleret ea vox Hades, quidve per eam significare vellent Judæi Hellenistæ, & quam vim ipsi tribueret sanctus Lucas. Sed ne cui succurrat cavillationibus elevare, atque eludere istius loci robur, quasi Infernus heic pro Sepulcro, aut pro mera hominis sepultura accipi possit, necesse est animadvertere, hoc in loco non satis respondere Græcis exemplaribus verisiculis vulgariter Versionis, atque inde factum esse, ut heic minus aperta sit Evangelista mens. At in Græcis hæc ita se habent v. 22. Ταῦτα δέ τις ἐπέστη τῷ ἀπόστολῳ. Tum sequitur ver. 23. Καὶ εἰ τῷ ἀδελφῷ επέστη τὸς ὁφθαλμοῦ ἀντί, &c. Hoc est: Mortuus autem est & dives, & sepultus est. Et in Hade, seu Inferno, elevans oculos suos, &c. Græce omnia exemplaria in hanc lectionem consentiunt, tum Clemens Alexandrinus, Origenes, aliisque Græci Interpretes. Sic etiam nonnulli Manuscripti Codices Latinæ legunt, & Augustinus, aliisque olim legebant. Accedit, (& * post Græcum Textum) in primis audienda est Syriaca Versio, cuius verba placet afferre. Ita ergo Lucam exprimit Interpres ille, עתירא מ'ת

וְכָר מִשְׁנָק בְּשַׁיּוֹל. Idest: Diversus mortuus est, & sepultus est. Et quum crucifixetur in Inferno. Quanta veneratio digna sit hac novi Testamenti versio, Eruditis comprehendunt. Ejus antiquitatem ad Apostolicum usque avum referre quidam non dubitarunt. Quare Inferna impiorum ergastula proculdubio apud sanctum Lucam memorari vides, & per vocem Hades significari. Sed aliam insuper magni momenti rem nos edocet hic idem Syriaci Interpretis locus. Nam quod Lucæ est εἰ τῷ ἀδελφῷ επέστη, Interpreti est בְּשַׁיּוֹל בְּשִׁבְטֵי, hoc est, Hades redditur per Scebol. Illud autem exploratum est, Syriacam hanc Linguam, seu Syro-Chaldæam, Christi & Apostolorum ævo inter Judæos Hierosolymitanos finitimosque etiam populos vernacula fuisse. Eadem uti confuerunt Christus ipse, ac Apostoli, quem alloquebantur plebem. Hæc autem, si serio pensentur, maximo sunt argumento, & Christum in ea narratione Inferos, seu tormentorum loca per vocem Scebol expressisse, & sanctum Lucam pro Animorum sedibus subterraneis eamdem vocem acceptisse tum in laudato Psalmo XV. tum in Petri concione, sequutumque in ea interpretatione fuisse traditionem Judaici populi Syriace loquentis, sicuti in usu vocis Hades mentem apertam sequebatur Judæorum Graece loquentium, & Infernas animarum sedes eo vocabulo designantium.

Post quæ necesse est protervus sit Academorum discipulus, & par infidelibus, non autem Christianus, qui negare pergit, constitutum, creditumque a sancto Luca descenditum Animæ Christi ad Inferos. Itidemque est heic agnoscere consuetam Phereponi confidentiam, qui temere conjunctum Symbolo fuisse ait placitum istud. Talem sententiam nunc nos querimus, & evidenter expressam reperimus in verbis & mente illius Scriptoris, quem fidum Interpretem Christi atque Apostolorum Interpretem Spiritus Sanctus elegit. Tota Christianorum antiquitas eamdem illuc sententiam vidit, & Traditioni consonam statuit, & Gnosticorum, Arianorum, Eunomianorum, ac in primis Apollinaristarum erroribus opposuit. Eo etiam retulit Apostoli verba ad Ephes. IV. 9. ubi Christus dicitur descendisse εἰς κατωτερε, κατωτερα μέρη τῆς in inferiores partes terræ, unde & ascendit captivam dicens captivitatem: quibus verbis innuit Apostolus, Christum descendisse, non in superficiem terræ, ubi

* Al. & post Græcum. Respiciebat Auctor sic scribens, ad verba subsequentia, Syriaca Versio. Sed orientales: sed Græca nulla, quum Græcus Textus sit originalis.

ubi degunt mortales, non in sepulcrum paucis ultiis ab hac superficie remotum, sed in profunda terræ penetralia, unde Sanctorum Animas, quas alibi ~~zaxu~~^{zaxu} ~~Dorius~~^{Dorius} appellatas ab ipso Paulo vidimus, eduxit, & in cælum subinde intulit. Ad eamdem rem Ecclesia docet, pertinere posse alia sacrarum Litterarum loca, quæ viciissim dant accipiuntque lucem ex Actorum Cap. II. & apud Catholicos Polémicae Theologiae illustratores occurunt. At Phereponus, ejusdemque gregis alii, vires Criticæ suæ eruditioñis exercent atque exhausti in hujus Articuli πάρεργα quædam. De Doloribus inferni, quos impie Christo tribuit Calvinus, & de Inferorum loco, & de vocabulo οὐδὲ nephesh, seu anima, diu sed frustra disputatione. Augustinum dictatiorum editio proscindunt, quod Infernum in eodem Actorum loco memoratum pro impiorum ergaſtulo accipiat; alias etiam quæſtiones miscent, & fere ubique Patribus antiquis ignorantia dicam nullo negotio impingunt; atque, ut mirere magis, antiquissimas has opiniones a Pontificiis tandem invenias Lightfootus ait (quo iudicio videant alii) ut Purgatoria officina apud nos statueretur. Sed quantum luber illic sibi placeat hoc hominum genus. Nostrum non est hoc pelagus ingredi. Id satis est Catholicis, quod nullus Patrum Christum ad Inferos, hoc est, ad invisibilis post corporis mortem Animarum fides descendisse negarit, immo omnes fere cum Latini, tum Græci, cum veteres, tum recentiores affirmarint. Hanc nobis veritatem reique arcem eripere, ut vidimus, Novatores non possunt. Ceterum utram Inferorum partem Christus adierit, quidve illic egerit, atque alia hujusmodi πάρεργα, etiam

apud antiquos Patres disputationis argumen- ta fuerunt. De his inter eos minime conſtitit; adhuc non satis conſtat; sed omnium conſensus fuit, Animam Christi in Hadem, seu in Inferna penetraſſe. Quare quum Au- gustinus a Pherepono insimulatur, quod Inferos apud sanctum Lucam, atque in aliis Scripturæ locis memoratos, pro subterraneo impiorum domicilio accipere ſemper soleat, quum tamen vox Scbol id numquam ſigui- fit: primo respondere possemus, Syria- cum Interpretem, uti nuper animadvertis- mus, ea voce uti, Orcum, seu Tartara, uti loquitur sanctus Petrus, seu locum pœ- narum designatur. Secundo in Thalmudi- ciis Libris, & a Bar Nachmoni, atque ab Aben-Ezra, & in Libro Judaicarum Pre- cum, & ab aliis Rabbinis cum recentibus tum vetustissimis, Scbol non ſolum pro bo- norum post mortem mansione accipi, ſed etiam pro Gheana, seu Tartaro. Tertio Augustinum eam opinionem ita imbuſſe, ut contrariam tamen haudquaquam aspernare- tur. Immo, uti diximus, aliis in locis a priore ſententia ipse recessit. Tandem Au- gustini placitum nihil continere, quod Chri- ſti ad Inferos descendantis dignitati natu- ræ, atque instituto repugnet: a quo ſco- pulo ſibi non cavit olim Calvinus. Verum in iſto controverſiarum campo non juvat ultra evagari. Multa utrimque dici poſſent, ſed quum in obscuris verſemur, utrimque demum incerta foret victoria. Nos con- tenti ostendis, certam Ecclesiæ, & Patrum, & Traditionis victoriam eſſe, dum in Sym- bolo a sepulcrum Christi diſtinguant ejus ad Inferos descensum, ad alia properamus.

C A P U T X.

Non Apostolica Fide, sed Apostolica Sede legendum in quodam Augustini loco. Phereponi somnia varia heic nobis obtrusa. Alia Auctoritas veritatis, alia jurisdictionis. Quid commune cum ceteris Ecclesiis Catholicis, quid supra ceteras habeat Romana Ecclesia. Eo in loco Augustinus a Pherepono minime intellectus. Episcoporum continuata successio in Cathedra Romana inter Notas veræ Ecclesiæ computata ab Augustino aliisque vetustioribus sanctis Patribus. Tertullianus ejusdem sententiae fuit. Consensus O' judicium Christiani Populi suum quoque robur habet in controversis de Religione.

Catholicam Ecclesiam, solam nempe Religionis veræ custodem atque hærem, Augustinus multis commendat, & Manichæis persuadet in Lib. de utilitate credendi. Cap. XVII. hæc potissimum habet: *Quum igitur tantum auxilium Dei, tantum profectum, fructumque videamus, dubitabimus nos ejus Ecclesiæ condere gremio, que usque ad confessionem genesis humani, ab Apostolica Sede per successores (successiones legendum esse arbitror) Episcoporum, frustra Hæreticis circumlatrantibus, & partim plebis ipsius judicio, partim Conciliorum gravitate, partim etiam Miraculorum maiestate, damnatis, culmen Auctoritatis obtinuit? Per quam suspecta sunt Phereponi verba illa ab Apostolica Sede; nam sic solebat in Occidente Sedes Romana vocari; cuius Auctoritatem omnibus artibus amplificare conati sunt exscriptores Librorum Ecclesiasticorum Monachii. Ita scribit Phereponus pag. 597. Animadvers. Verum mirari subit, hominem acutum adeo levem infelicemque occasionem arripiisse, qua dum Augustinianos Codices emendandos suspicatur, Apostolica Sedis Auctoritatem ac præstantiam suis dictis impeteret. Censet enim, non ab Apostolica Sede, sed ab Apostolica Fide heic esse legendum. Hujus substituta vocis eam rationem ille reddit, quod primam Auctoritatem Ecclesiæ Christianæ traherent ab Apostolica Fide; parem enim cum Apostolis sententiam tuebantur. Tum Tertulliani locum e Præscriptionum Libro in hanc rem adfert, quasi revocari in dubium a Christianis tam aperta veritas possit, si epithetum illud *primam* a Pherepono usurpatum excipias, quod explicatione fortassis indigat. Sed Augustini verbis nulla prorsus adhibenda est emendatio; & inepta est, quan Phereponus proposuit; & ipse Tertullianus Augustini verba rectissime sese habere ostendit.*

Totus est Augustinus in eo Libro, ut & Gentilibus, & Hæreticis, & Manichæis potissimum, ostendat, Religionem Catholicam reliquis, si ita appellare licet, Religionibus esse præferendam. Ad hanc veritatem attingendam, brevem præscribit, & commodam, & certam methodum, quæ vel ipsis radioibus esse, ut ita dicam, possit ad manus. Nimur Notas quasdam, & Motiva, ut ajunt, credibilitatis enumerat, quæ uni Christianæ Religioni, Catholicæque Ecclesiæ conveniunt, ceteris non convenienti, & ab ipsis quoque imperitis dignosci facile possunt. Quibus ita propositis, vela contrahit, hominemque nondum ab Hæresi ad Catholicam Fidem conversum alloquitur supra laudatis verbis, ubi nonnullas repetit ex iis prærogativis ac Notis, quæ Catholicam Fidem Ecclesiæque supra Hæreticas evidenter commendant, quales sunt, *Confessio generis humani; Episcoporum Successio in Cathedra Petri, Miracula, & hujusmodi alia,* quæ faciunt, ut credendum sit Catholicorum Ecclesiæ, non autem Hæreticorum. *Apostolica Fides*, quam heic Phereponus excogitat, nihil ad rem fecisset. Nam quotus quisque Hæreticus est, qui Fidem Apostolicam sibi non arroget ac tribuat: Se nempe cum Apostolis sentire omnes cum recentiores, tum veteres Hæretici, & vel ipsi pestilentiores dicitant, & persuasum habent. Quia in re eti omnes ii toto cælo fallantur, ab ea tamen opinione vix removeri possunt, ita ut hæc sit omnium maxima inter nos atque Heterodoxos controversia, potius quam aliqua veræ Ecclesiæ prærogativa in omnium oculos incurrens. Quamobrem inepta est, & ab Augustini mente aliena, Phereponi correctione.

Verum, inquit Censor, si Augustinus de Ecclesia per omnes terras sparsa hæc intellexit, falsum est eam ab Apostolica Sede culmen

men Auctoritatis obtinuisse; omnes enim nō rūnt, Orientales Ecclesias priores tempore suis-
se, nec ullam auctoritatē ab illa Occiden-
tali trahere voluisse. Si quid Apostolica Sedes
habuit Auctoritatis, id promanavit ex com-
munione, quae ei fuit cum ceteris Ecclesiis Chri-
stianis, quae omnes simul omnem suam potesta-
tem Christo capitū debent. Tum addit, ne
Africanas quidem Ecclesias, tempore Cypria-
ni & ipsius Augustini, Auctoritatem suam
Romanæ debere voluisse, quamvis eam forte
matrem agnosceret, ut sat liquet ex
contentione cum Stephano, & ex altera de
transmarinis Appellationibus. Porro vel hinc
intelligere licet, quid livor & odium pos-
sint in Criticorum animis. Utique de Ec-
clesia Catholica hæc scribit Augustinus. In
Ecclesia autem Dei per omnes terras diffusa
considerari potest duplex Auctoritas; al-
tera Veritatis & Sanctitatis; altera Jurisdi-
ctionis & Regiminis. Per priorem compara-
tur Ecclesia Catholica cum tot Hæreticorum
& Gentilium-gregibus. Veritas enim, & san-
ctitas ita sunt in Religione & Ecclesia Catho-
lica, sive universalis, ut ipsa non solum cul-
men Auctoritatis merito sibi vindicet supra
ceteras Religiones atque Ecclesias non Ca-
tholicas, sed etiam una ipsa vera sit & sancta,
reliquæ falsitatis & impietatis sine of-
ficiæ. Per alteram Auctoritatem comparari
potest una singularis Ecclesia Catholicorum
cum altera Ecclesia itidem singulari Catholi-
corum. Jurisdictionis nomine atque Regiminis
intelligimus potestatem & jus explicandi Lit-
teras, dirimendi controversias sive Fidei, si-
ve Morum, conficiendi & ministrandi Sacra-
menta, constituendæ Disciplinæ, docenda
& regendæ plebis. Exploratum habemus,
postremam istam Auctoritatem ab Ecclesiæ capite
Christo, tamquam a fonte, per omnes
Catholicæ communionis Ecclesias fluere. Quod
esse verum non cessat, quamvis illam, non
immediate, sed mediate, hoc est per Aposto-
los, per Successores Petri, per alios Episco-
pos atque Ecclesias, emanare in posteros &
in alias Ecclesias dicamus. Et ejus quidem
portionem maximam immediate a Deo in E-
piscopos descendere, Catholici sere omnes fa-
tentur. Ceterum partim ex institutione divina,
& ex vi Ordinis Hierarchici, partim ex
Disciplinæ legibus, majorem habent Aucto-

ritatis portionem Episcopi, quam Presbyteri;
& majorem unus Episcopus aut una Ec-
clesia, quam alter Episcopus & altera Ec-
clesia. In Romanis autem Pontificibus, sicuti
legitimis Petri successoribus, maxima &
potissima residet Auctoritas, quæ tamen suis
finibus & Disciplinæ statutis se circumscribi
patitur, neque legitimæ reliquorum Episco-
porum Auctoritati officere vult; aut quid.
quam derrahere. Quare a Pontifice Roma-
no, cui non solum honoris, sed etiam potes-
tatis primas cum Christus, tum Catholicæ
omnes detulerunt, ceteræ Ecclesiæ in multis
pendent, ejusque Auctoritati in multis ce-
dendum & obsequendum noverunt atque fa-
tentur, ut apud Ecclesiæ Patres ac Theolo-
gos amplissime pater.

Phereponus noster, suspicatus Augustinum
de Auctoritate secundi generis loqui, in mer-
ridie cœutiens, neque Augustinum, neque
rem ipsam intellexit. Proinde pro suo inge-
nio item excitat aeream inter jura Apo-
stolæ Sedis, ceterarumque Ecclesiæ; istas-
que contendit Auctoritatem suam ab illa mi-
nime trahere. Quod etiam ut ostendat, ra-
tiones afferat atque exempla, quibus qui mo-
veatur, hebeti ingenio sit, & multa ignoret
oportet. Quem enim in finem Orientales,
& Africanas Ecclesias homo iste producit,
quæ tantum semper Apostolæ Sedi supra se
detulerunt, uti innumera antiquitatis exem-
pla fidem faciunt? Quantum eidem detulerit
gloriosus ipse Martyr Cyprianus, constat ex
illius Scriptis. Quod si in controversia de Ba-
ptismo morigerum fese non præbuit Stephano
Romano Pontifici *: id fecit, quod alii
fecere, ac faciunt, suarum opinionum nimis
amantes; sed quo jure, qua laude, rota
demum Catholicæ Ecclesia ostendit; ejus sen-
tentiam proscribens. Controversia de Appel-
lationibus ad Disciplinæ tribunal deferenda
est, hoc est, ad Leges quasdam Ecclesiasticas
sive Canones, quibus vel ipsi Romani
Pontifices obnoxii sunt. Utcumque autem
Africæ Episcopi justa aut injusta persequeren-
tur, plurimæ his de rebus fuere semper, &
semper esse possunt controversiae inter unam
& alteram Ecclesiam, adeo ut una inferior
Ecclesia causam obtinere potuerit, ac possit
contra superiorem Ecclesiam, & contra ipsam
Apostolorum Sedem. Porro hujusmodi

Ii vi.

* Dignæ sunt plane qua hoc loci recentantur, *Disputationes Criticae in duas celeberrimas Epistolas S.S. Firmiliani & Cypriani adversus Decretum S. Stephani Pape I. de non iterando Hæreticorum Baptismo*, editæ Venetiis an. 1733. In 4. quibus unam & alteram a Donatistis fuisse conflictam, demonstratum ivit *Raymundus Missorius*. De tota autem illa controversia, *Joannes Albertus Fabricius*, Bibl. med. & inf. Latin. tom. I. pag. 1253. consulere nos jubet Dissertationem dogmaticam de Baptismo Hæreticorum editam Parisiis 1724. 12. & vulgatam Gallice 1727. 12. Scio, equidem, ibidem prodisse apud Viduam Mazieres, sed ignoro quo anno, Dissertationem *De diffidio inter S. Stephanum & S. Cypriani super baptismate Hæreticorum*. Nam eadem cum laudata a Fabricio? Videat lector.

victoria nihil potest detrahere potiori *Auctoritatis*, quam Romana Sedes supra singulas Ecclesias habet. Juvat autem credere, a Pherepono non vigilante ea verba excidisse: *Si quid Apostolica Sedes habuit auctoritatis, id promanavit ex communione, quæ ei fuit cum ceteris Ecclesiis Christianis.* Nam quid istis inconsultius? Si ex hujusmodi communione promanare potuisset *Auctoritas*: quānam Ecclesia Catholicorum vel recens, vel pusilla, immo quis Catholicorum sibi tantum non tribuisset ac tribueret *Auctoritatis*, quantum Apostolica Sedi, Romanisque Pontificibus semper fuisse, esse, ac fore apud nos constat? Ubinam vero tum foret Hierarchicus ordo, & *Auctoritatis* diversitas, sive a Christo, sive ab Apostolis, sive ab Ecclesia ipsa, inter Episcopos & Ecclesias constituta? *Communio cum ceteris Ecclesiis Catholicis* nihil aliud præstat, quam ut Catholicus homo, & Ecclesia singularis Catholicis intra veram Ecclesiam sit, & vinculo Fidei & Caritatis cum reliquis membris uniatur. At illa nihil *Auctoritatis* confert. Aliunde manat Episcoporum & Ecclesiarum *Auctoritas*, nempe ab institutione Christi, ac Apostolorum, a sacrissimis Ordinibus, a Disciplina. Quidquid autem *Auctoritatis* Apostolica Sedes habet (amplissimam autem habet), ab eo potissimum descendit, qui supra Petrum fundavit Ecclesiam, & ipsi Petro ejusque Successoribus passendum gregem suum dedit, ipsisque primatum in Ecclesia universa concessit.

Sed Phereponus cum ventis pugnat, & nos cogit secum longe ab Augustini mente vagari. Nihil de hujusmodi quæstionibus eo in loco Augustinus habet; idque vel leviter attento Lectori patere continuo poterat. Nam cur Augustinus de *Auctoritate* secundi generis ea occasione loquatur, & iura Ecclesiarum singularium cum Apostolica Sedis juribus conferat? Quid hoc ad rem, qua de agebatur? Contra Hæreticos erat prærium, atque ostendendum fuit, supra quamlibet aliam Religionem & societatem prævalere, culmenque *Auctoritatis* obtinuisse Catholicam Religionem atque Ecclesiam, ita ut dubitare nemo amplius deberet, se istius Religionis & Ecclesiæ gremio condere, certisque renuntiare falsis & impiis Religionibus. Nihil heic fecisset illa quæstio, an Apostolica Sedi suam *Auctoritatem*, atque jurisdictionem cetera singulares Catholicorum Ecclesiæ deberent. Non Ecclesia Catholicorum inter se conferenda erant, sed universalis Catholicorum Ecclesia conferenda erat cum omnium Hæreticorum Ecclesiis. Quamobrem constare facile potest, Augustinum dicentem,

Ecclesiam "Catholicam culmen *Auctoritatis* obtinuisse, nihil aliud intellexisse, quam *Auctoritatem* primi generis, hoc est, *Auctoritatem Veritatis*, per quam proculdubio Religio Catholicæ atque Ecclesia quoslibet Hæreticos post se relinquunt, & falsi arguit. Talem *Auctoritatem* ex ase possidet quæcumque Catholicæ Ecclesia, neque ejus partem potiorem una sibi tribuit, quam altera. Non enim magis Orthodoxus est Romanus Pontifex, quam quilibet alias Episcopus, aut etiam quilibet alias homunculus, dum tamen & isti cum Ecclesia Catholicæ sentiant, & cum ipsa communionem servent. Neque propriæ *Auctoritatem* istam ab *Apostolica Sede* trahunt reliquæ Catholicorum Ecclesiæ, multoque minus ipsam Ecclesia universalis, in qua est ipse Romanus Pontifex; sed a Christo, sed a Revelatione divina, quæ certos nos facit, ab una Religione & Ecclesia Catholicæ Veritatem stare, errorem vero a ceteris societatibus, quæ sibi nomen Religionis usurpant.

Quid ergo Augustinus innuere voluit, quum dixit, Ecclesiam ab *Apostolica Sede* culmen *Auctoritatis* obtinuisse? Ad cognoscendam veram Christi Ecclesiam, de qua sœpe disputatum est, & adhuc disputatur adversus Hæreticos, ea semper Nota præter alias præstò fuit, ac erit, legitima videlicet in Ecclesiæ Catholicæ Episcoporum successio ab Apostolis ad ea usque tempora, quibus disputatur. At quandoquidem Romana Sedes ceteris attestat, suamque originem sine dubitatione dicit ab Apostolorum Principibus: hinc Episcoporum in Romana Sede successio potissimum consideratur, & pro veræ Ecclesiæ Nota accipi consuevit. Quei enim vera sit Christi Ecclesia, quæ nullos, aut non veros habet Pastores, & Episcopos? Illi autem certe falsi & illegitimi Pastores sunt, qui a nemine idoneo Pastore aut ordinationem, aut missionem, aut successionem trahunt; qui non intrarunt per ostium, neque ad Apostolos per legitimam genealogiam referre possunt potestatem, quam usurparunt. Contra nihil vel apud veteres evidentius erat, quam *Apostolica Sedis Antistites* ab Apostolis per legitimam successionem atque ordinationem descendere; quare in Romana Ecclesia manifeste aderat ea veræ Ecclesiæ Nota, quæ olim desiderabatur in omnibus Hæreticorum conventiculis; & adhuc desideratur in Hæreticis nostrorum temporum. Cum *Apostolica Sede* reliquæ Ecclesiæ Catholicæ tum doctrinæ tum Sacramentorum communionem servabant. Omnes autem simili conficiebant Ecclesiam Ca-

IN RELIG. NEGOTIO. LIB. III. CAP. X. 251

tholicam, sive universalem, veram Christi sponsam, cuius veras & evidentes notas ne Hæretici quidem poterant negare.

En igitur quod Augustinus ait: Dubitamus ne ejus Ecclesie atque ejus Religio-
pis nos condere gremio, in qua tantum au-
xilium Dei, tantum profectum, fructumque
videmus? quam totus terrarum orbis secun-
dum Christi promissa confitetur? quæ cum
Apostolica Sede semper consensit, atque con-
fentit, legitimamque Episcoporum successio-
nem in Cathedra Petri manifestissime osten-
dit, & quæ Hæreticis, partim plebis ipsius
judicio, partim Conciliorum gravitate, par-
tim etiam Miraculorum maiestate, damnatis,
culmen Autoritatis, hoc est Autoritatem
veritatis, supra ceteras hominum societates
obtinuit? Quod hec Augustinus habet, aliis
in locis habet, ut mirum sit Phereponum
tam supine hec egisse. In Lib. contra Epi-
scopatum fundamenti Cap. 4. ita ille scribit:
*In Ecclesie Catholicæ gremio me justissime
tenet ab ipsa Sede Petri Apostoli, cui pa-
scendas oves suas post resurrectionem Domini-
nus commendavit, usque ad presentem Epi-
scopatum successio Sacerdotum.* In Ep. 105.
nunc 53. contra Donatistas: *Si, inquit, or-
do Episcoporum sibi succedentium consideran-
dus est, quanto certius & vere salubriter ab
ipso Petro numeramus, cui totius Ecclesie fi-
guram gerenti Dominus ait: Super hanc pe-
tram edificabo Ecclesiam meam, & portæ in-
ferorum non vincent eam? Petro enim succe-
dit Linus, Lino Clemens, &c. Et in Psalmo
contra partem Donati: *Numerate, ait, Sa-
cerdotes vel ab ipsa Petri Sede, & in ordi-
ne illi Patrum quis cui succedit videte. Ipsi-
a est petra, quam non vincent superba infero-
rum portæ.* Augustino præverant in hoc ar-
gumenti genere non solum Optatus Milevi-
tanus, & Epiphanius Augustini æqualis, sed
veraftissimus etiam Irenæus, qui Hæreticis
frustra solicitatis, ut originem Ecclesiæ suarum,
successionemque Episcoporum ab Apo-
stolis ostenderent; Romanæ postea Eccle-
siæ Antifites numerant ab Apostolo Petro
ad sua usque tempora legitime alterum al-
teri succedentes.*

Sed quando placuit Pherepono Tertullia-
num hoc advocare, hic ipse antiquissimus
Scriptor Augustinum explicet. Inquit ille in
Lib. de Præscript. Cap. 32. Edant ergo Hæ-
retici origines Ecclesiæ suarum. Evolvant
ordinem Episcoporum suorum, ita per suc-
cessiones ab initio decurrentem, ut primus ille E-
piscopus aliquem ex Apostolis, vel Apostolicis
viris, qui tamen cum Apostolis perseveraver-
it, habuerit auctorem & anteceßorem. Hoc
enim modo Ecclesiæ Apostolicæ census suos de-

serunt: sicut Smyrneonam Ecclesiæ Polycar-
pum ab Johanne collocatum referat: sicut Ro-
manorum, Clementem a Petro ordinatum iti-
dem &c. Confingant tale aliquid Hæretici.
Videat igitur Lector, quam nulla necessita-
te, nullaque ratione Phereponus illum Au-
gustini locum per se clarissimum, & cum to-
ta antiquitate, immo cum aliis Augustini lo-
eis contentientem, sibi corrigendum sumse-
rit. Animadvertis etiam velim, Romanam
Ecclesiæ alibi, hoc est, in Epist. 104. nunc
191. & 105. num. 194. antonomastice appellari
Apostolicam Sedem. Ceterum modeitus
hic Censor non ita sibi fidet, ut hujusmodi
telum sibi a nullo eripiendum esse arbitre-
tur. Quare pugnam & arma mutat adversus
ipsam Apostolicam Sedem. *Quod si (demum
addit) Augustinus omnino scripsit Apostoli-
cam Sedem: voluit Manicheos Afros addu-
cere ad Ecclesiam Catholicam Africanam,*
que consentiebat cum Sede Romana. *Sed id*
argumentum levius; nam quis promiserat Ec-
clesis Apostolicis, numquam eas a Christi
doctrina aberraturas? Nemo. Si petatur, an
omnibus Ecclesiæ Apostolicis quisquam sin-
gillatim promisit immunitatem ab errori-
bus in doctrina Christi, nos quoque respon-
debimus: Nemo. Et hanc veritatem non ar-
bitror Augustinum expectasse, ut nostris tem-
poribus a Pherepono edoceretur. Sin autem
queratur, an eamdem immunitatem pollici-
tus quisquam fuerit Apostolicæ Sedi Roma-
næ: non est hujus loci illa questio. Adhuc
enim extra chorum saltat Phereponus, &
controversiae statum ignorat. Non, inquam,
ab Augustino tum queratur, an ex præci-
puo Christi munere Apostolica Romana Se-
des a Doctrina vera Fidei numquam aberra-
tura fuisse ac esset. Ostendebat ille, Catho-
licam Ecclesiam esse verum Christi ovile,
quod omnes in eam Notæ concurrent, per
quas vel ab imperita plebe dignosci potest
vera Christi Ecclesia. Ex his Notis ea con-
spicua fuit, quod Hæreticis legitima Episco-
porum successio ab Apostolis usque non es-
set; contra, esset Ecclesiæ Catholicæ, uti
constat ex exemplo Apostolicæ Sedis, quacum
reliquæ omnes Ecclesiæ Catholicæ sentiebant
atque communicabant, tamquam cum uni-
tatis centro; & Ecclesiæ omnium Prin-
cipe Ecclesia. Ecclesiæ itaque Catholicæ om-
nes (inter quas Apostolica Sedes præcipu-
s prærogativis eminebat), non hac solum No-
ta, sed aliis etiam vera Ecclesia Notis in-
structæ, eam Catholicam Ecclesiam confla-
bant, & aperte indicabant, in qua una est
veritas atque hereditas Christi, & contra
quam Inferorum portæ numquam pravale-
bunt. His Notis destituta Hæreticorum Ec-

clesiae, nonnisi officinæ mendacii appellandæ fuerunt.

Porro Phereponus, cuius plurimum interest suum Hæreticis impertiri patrocinium, tamquam levia argumenta contemnit Judicium plebis, Conciliorum gravitatem, & Miraculorum majestatem, quibus Augustinus ait damnatos fuisse Hæreticos. Concilia enim (ut ipse nos monet) & plebis consensus, *tam falsis favere possunt, quam veris.* Quod est ad consensum judiciumque Christiani populi, si cum gravibus quibusdam circumstantiis & qualitatibus conjugatur, firmissimum etiam potest esse veræ doctrinæ, germanæque Traditionis, indicium. Quum nempe quispiam in Ecclesia Dei nova & inaudita Dogmata venditare incipie, quæ ipsem populus contraea deprehendit sententias a Majoribus acceptis, & omnium confessione dudum sacratis. Tunc a Doctrina Christi & Apostolorum abhorrente nuper illa inventa, plurimum persuadet populum ipsorum consensus eadem execrantium, eorumque propolas una voce damnantium. Nisi enim populus Christianus aliqua nova superstitione imbutus demonstretur (quod vix generaliter accidere potest): illum per se antiquitatis, veterisque Traditionis tenacissimum, & novitati infensem esse, quotidiana experientia docet. Vix Paulus Samotatenus pestilentissimam suam Hæresim exeruit, quum Antiochenus populus in ipsum ejusque insaniam exarsit; neque enim sentire non poterat, quantum ab antiqua & communia Christi doctrina, sibi a primis annis tradita, abserset Samotateni fermentum. Quid autem est, quod in Arii quoque & Nestorii sententiam consentire nolebat Christianum vulgus, immo eamdem averfabatur atque damnabat, quamquam multos e suis Pastoribus in adversis castris militare videret, nisi quia menti omnium insidebat aliud ab Ariano ac Nestoriano Dogma, & alia omnino contraria Traditio? Cur concoquere initio Christiana plebs minime potuisset hominum illorum doctrinam, si eam a Pastoribus dudum antea accepisset atque imbibisset, tamquam Orthodoxæ Fidei

& veritati conformem? Certe Ariana labefacti Episcopi eorum dissimulare & fraudibus obtegere cogebantur, ne fidelium animos a se abalienarent, unde celebre illud Hilarii dictum, *sanciores fuisse aures plebis, quam corda Sacerdotum:* quæ verba etiam a Hieronymo repetuntur contra Joannem Hierosolymitanum. In his igitur casibus a judicio & consensu Christiani populi maximum pondus accedit Hæreticorum damnationi. Ad Concilia Catholicorum quod attinet, jam vidimus, quanta sit, si rite habeantur, eorum auctoritas adversus Hæreticos, quum potissimum generalia sunt, & universam Ecclesiam representant, quam stabilem æternum futuram, & numquam in vera doctrina erraturam apertissime pollicitus est Christus. Hæc Augustino memorantur; hæc veris favere possunt, non falsis. Sed Phereponus & Hæretici nullos in rebus Fidei Judices amant: nam quum eruditio nent tantum suam, & sacras Litteras in his rebus judices volunt, suum simul arbitrium fallaceaque intellectum judices volunt. Eruditio est ipsi sere Hæreticis, adeo inter se discordibus; est & Catholicis. Sacras Litteras in suam sententiam quisque interpretatur, hominumque infirmitate atque malitia, possunt huiusmodi judices tam veris favere, quam falsis. Proinde judices alii necessarii sunt Ecclesiæ Dei ad puritatem, veritatem atque unionem doctrinæ tuendam. Nisi alias Judices Christus dedisset, minus quam ipsi homines, hominum & rerum publicarum Legislatores, suæ Ecclesiæ cavisset: minus prospexit novi soederis, quam veteris regimini. Quod si temerarius & demens foret, qui ideo in humanis rebus civilibusque controversiis Judicem quemvis detrectaret, quod omnis humanus Judex tam veris favere posset, quam falsis: quanto gravius delinquit ille, qui acquiescere suo potius iudicio velit in æternæ salutis negotio, quam Catholicorum Concilii rite habitis, aliquisque legitimis Ecclesiæ Judicibus a Christo constitutis, quibus adfuturum esse Spiritum Veritatis ad finem usque mundi Christus ipse nos docuit?

C A P U T X I.

Miracula in Ecclesia Dei patrata, a Novatoribus & a Pherepono in dubium revocantur. Excessus prudenti Catholico fugiendi in iis credendis. Miracula quedam certissima fuere. Stratagemata & fucus inique appellantur a Pherepono, cuius Sophismata in hanc rem exploduntur. Augustinus mendacio infensissimus; & Phereponi calumnia contrarium insinuantis. Nulla imposturæ nota, & omnia veritatis signa confluunt in Miracula ab Ambroso & Augustino narrata. Ceci Mediolanensis sanati ad Reliquias sanctorum Gervasii & Protasii Historia expeditur ab aereis Phereponi objectionibus. Ambrosius in ea narratione fide dignissimus. Dæmones ab obsecris corporibus revera de- pulsi. Phereponus sacras Litteras per latus oppugnat.

Miraculorum quoque maiestate damna-
tos Hæreticos Augustinus ait. At
ista pariter pro nihilo Phereponus
ducit. En potentissimam rationem, cur ea
Criticus noster exsiblet. *Hec, inquit, illo
ævo stratagemata erant Ecclesiastica quibus
plebecule fucus siebat.* Ingeniosam profecto
methodum, qua se ab adversariis cito liti-
gator expediat. Quando rationes urgent,
nullusque alius exitus datur, facta ipsa,
quamquam luce clariora, negantur. Infici-
ri non audebat Phereponus, quin solidissi-
mum Veritatis rectaque Fidei argumentum
sint Miracula; non enim Deus pro errore
mirabilia operatur, utpote qui decipere nos
neque possit neque velit. Catholica Eccles-
ia Miraculis etiam (quod Hæreticis non con-
tingebat) suam Fidem tuebatur. Ergo ab
Hæreticorum patronis res ipsa neganda fuit.
Et ut quidem nihil dissimilem, non unusest
Phereponus, qui Ecclesiæ Catholice Miraculis
fidem detrahere conetur. Socios in eo
studio habet, quoquo a Catholicorum com-
munione discesserunt. Neque hunc unum locum
elegit ille, quo Miraculis, & Augustino
Miracula proferenti ac memoranti, li-
tem intenderet. Aliis in locis idem præstis-
tit Phereponus, neque ullam abire possum
est factam ab Augustino' Miraculorum men-
tionem, quam non irrideat aut carpat. Im-
mo vir, cetera imitari solitus Erasmus
suum, præterquam in sarcasmis Comicoque
genio, frenos tamen severitatis tum excutit,
quum ventum est ad Sermonem Augustini
322. quo Pauli cujusdam ejusque fororis
curatio narratur ad sancti Stephani Reliquias.
Ex hujusmodi naratione Comœdiam Ecclesi-
sticam confлавit lepidus Censor, camque in
suos Actus partitus est, tantumque sibi po-
stea propter ejus fabulæ inventionem pla-

cuit, ut suas in Augustinum Animadversio-
nes in Bibliotheca selecta ipse recensens,
vix a sibi plaudendo temperare potuerit.

Quæ sit prudentum Catholicorum senten-
tia de Miraculis, primo videamus. Fuerunt,
ac æternum erunt in vera Ecclesia Dei Mi-
racula vera, quæ Deus operatur per San-
tos suos. Si ista cum aliis veræ Religionis
atque Ecclesiæ Notis conjungantur, Ortho-
doxæ Fidei sunt fidissimi testes. At neque
fidelibus exigenda sunt, sive quærenda; non
enim amplius iis indiget vera Fides & Ec-
clesia, ut suam veritatem ostendat. Neque
supranaturali Fide ullum credere cogimur
ex iis Miraculis, quæ extra Canonicas Scri-
puras ab Historicis, sanctissimisque etiam
viris referuntur. In hoc autem negotio du-
plex animadverti post excessus: alter eorū,
qui nimis multa, alter eorum, qui
nimis pauca credunt. Judicio illi, temer-
itate isti peccant. Nam exploratum est, fuis-
se olim, & adhuc esse, immo eorum lobo-
lem diu duraturam, qui Miracula confinxer-
e, sive pravum, sive bonum in finem; a
liosque plures fuisse, qui sine ullo criterio
atque indiscriminatim tam veris quam fi-
dis mirabilibus adjunxere fidem, eaque ad
posteros bona fide transmiserunt. Tum cri-
mini, tum nimis credulitatí isti, se perpe-
tuò opposuere sancti Patres, Romani Pon-
tifices, Concilia sacra, & Ecclesia universa
Danielis exemplo. Veritas enim falsitate ad
sui tutelam non eget; & falsa facere pos-
sunt, ut apud suspiciosos homines auctoritatem
vera quoque deperdant. Numquid
Deus indiget vestro mendacio, ut pro illo lo-
quamini dolos? ajebat sanctus vir Job, XIII.
7. Sed & alter excessus est, ideo veris ne-
gare fidem, quia falsis deprehenduntur im-
mixta; & que cultum est nimis pauca,

im-

immo nulla credere certa. Si in alterutram partem peccandum est, pietas & prudentia poscit, ut potius periculo nos exponamus (* non facta) credendi, quam vera negandi. Interim iudicio Critico heic opus est, & expendenda sunt omnia, ut quantum fieri potest, Miracula germana a spuriis, certa ab incertis, vera a falsis distinguantur. Proinde heic quoque praeceptum Apostoli vallet 1. ad Thess. V. 21. *Omnia probate: quod bonum est, tenete. Ab omni specie mala abstinetis vos.*

Accedat nunc Phereponus, & dicat, suspecta sibi & confusa videri, quæcumqu: Miracula ex Catholicorum parte narrantur. In alterum sane excessum se ille præcipitem dabit, priore pejorem, qui & facile ad irreligionem auditores agat, & ab ipsis severioris Criticæ legibus improbetur. In primis enim quis adeo despit, ut omnem Religionem suspectam habeat, & ab hominibus excoxitatam putet, quod inter tot Religiones plerisque sint hominum commenta, immo præter unam omnes adulterinae sint atque corruptæ, & non facile sit multis veram a falsis discernere? Quis omnia antiquitatis monumenta, quis omnia facta, que in Historiis cum profanis tum Ecclesiasticis narrantur, pro mendaciis habeat, quod multa iis immixta sint dubia, confusa & falsa? Recta itaque Ratio nos docet, non ideo omnes Miraculorum narrationes explendas esse, quod quædam, immo complures inter ipsis suspicionem falsitatis ingerant. Deinde veræ Ecclesiæ cultoribus spem & facultatem etiam Miracula patrandi, quoties Dei gloria posceret, a Christo ipso relistarunt fuisse, testis est sanctus Marcus XVI. 17. *Signa autem eos, qui crediderint, hec sequentur: In nomine meo Daemonia ejicient, linguis loquentur novis, serpentes tollent, &c. ut alia Evangeliorum loca præteream. Hæc & alia mirabilia per servos suos, & per omne subinde ævum, re ipsa operatum fuisse Deum, docti, pii, oculati viri testantur. Quid igitur causæ esse potest, quare in dubium revocemus, immo irrideamus, sine ullo discrimine, quæcumque Miracula a Catholicis facta narrantur?* Stratagemata, inquit Phereponus, hec erant Ecclesiastica, quibus plebeculae fucus fiebat. In Notis vero ad Lib. 9. Cap. 7. Conf. Aug. ubi refertur Invenitio corporum sanctorum Protasii & Gervasii, ita loquitur: *Si hæc, aliequo bujusmodi inventiones sanctorum cadaverum, non fuissent conjunctæ cum ingenii lucro ac emolumento eorum, qui ea effoderunt; multi, qui*

*callidorum horum figmenta hæc credunt ad plebeculam in officio continendam, fidem eis non facile devrarent. Tum animadvertisit, ex hac inventione auctam existimationem auctoritatempque Ambrosii, & Arianos eorumque patronam Justinam Augustam his Miraculis fuisse represso. In Notis etiam ad Epistolam 78. sancti Augustini pag. 492. eadem recinit, ac ait: *Ne quid mentiar, quanta mihi facta est fides de Miraculis Christi & Apostolorum, que omnia veritatis indicia comitantur; tanta est de recentioribus diffidentia, quum præfertim superstitioni, & lucra, multo magis quam veræ virtuti propagandæ, ea servuisse videam.* Paria habet pag. 594. Animadv. ad Lib. 22. Cap. 8. de Civ. Dei.*

Potissima itaque ratio, cur Miracula ista Pherepono ejusque gregariis suspecta sint, & imposturis accenseantur, ea est, quod non sine ingenti lucro atque emolumento Auctorum fierent. Verum, si tanta vis huic argumento inest, quantam opinatur Phereponus, videat ille, quæ a suspicione falsi vindicare jam possit tot Miracula, quæ in Libris Canonicis, & veteris potissimum Testamenti habentur. Vix ullum ex iis dabit ille, quod in aliquam utilitatem cedere non potuerit sive Auctorum, sive Historicorum: quum si non aliud, existimatio atque auctoritas cresceret aut ea patrantibus, aut ex pro sua Religione narrantibus. Et quis infidelis, Phereponiano ingeno ejusque Critica armatus, bellum iis quoque Miraculis intendere, & aut imposturæ ac impiorum stratagematum arguere non possit eorum Autores, aut mendacij nimiae credulitatis eorum Scriptores? Quantum vult ille clamet, se in Christi, & Apostolorum Miraculis omnia veritatis indicia reperire: impedire non poterit, quin & in iis, & præcipue in narrationibus mirabilium antiquæ Legis, fraudem Ethnicus suspicetur, ubi legitimum suspicandæ fraudis argumentum præbeant emolumenti quæstati, existimationis, & gloriæ aucepundæ indicia sive suspicione. Equidem nolo vel uno exemplo iniquam incredulorum & perditorum hominum causam juvare; sed qui Phereponus non juvet suis incautis nimiumque audacibus argumentationibus, non video. Si ergo Phereponus Christianus est, a Christianorum Miraculis improbandis abstineat ea sola temeritatis plena ratione, quod ista in lucrum aliaque emolumenta Sacerdotum vergerent. Non patitur honestas & ratio, ut sine magna causa alienam famam atque conscientiam, tan-

* Al. *falsa*, absque particula negativa.

ti criminis, tantæque ignominia nota aut superstitione aspergamus. Quanto autem minus in Ambrosium & Augustinum (quos solos nominatim Phereponus heic insecat, & nos tueri solos volumus) temeraria ista suspicio cadere potest? Gravissimi ac sapientissimi viri erant. Certabat in iis cum pietate eruditio. Ignorare non poterant, quantum flagitium in oculis Dei foret, quantum Religioni periculum adduceret, imposturis operam dare, & mentiri, & fallere populos, quamquam pro vera doctrina confirmanda id fieret. Quæ veri similitudo, ipsos adhuc navasse fraudibus, & dedita opera gregem sibi a Deo creditum fictis alerent prodigiis in tanta luce veritatis?

Heic tamen nos interpellat Phereponus, & pag. 559. Animadv. significat nobis, mendaci tam inimicum non fuisse Augustinum, quam volebat videri. Quam thesum statuit ille, postquam magna confidentia in detriorem partem accepit quedam Augustini verba, laudantis in Enchiridio Cap. XXI. benevolentiam, non autem damnantis fallaciam eorum, qui pro salute hominis mentiuntur. Ad quæ Censor ita scribit: *Videtur Augustinus loqui de salute eterna, ad quam non nullis conciliandam multi tunc temporis mentiebantur, innumeris Miraculis confititi, eum, ut dicebant, dumtaxat in finem, ut infideles ad fidem adduceverentur. Eos non laudat Augustinus, sed facile iis ignorat: quod frequens, ut quidem videtur, malum esset inter Ecclesiasticos homines illius ævi.* At patiatur Phereponus, nos hæc appellare, modesto plane vocabulo, interpretationes hominis parum attente legentis, atque scribentis. Temporariam hominis salutem, non autem eternam heic intelligit Augustinus. Si hanc, ut Phereponus suspicatur, designare ille voluisset, non p̄d salute hominis, sed pro salute Hæretici, aut Hæreticorum, aut Infidelium dixisset, aut saltet non omisisset *salutem* appellare eternam. Aperte vero de mortali vita aliorum servanda se heic agere Augustinus innuit, quum utatur exemplo adulterii, quod peccatum esse non definit, quamquam aliqua, nisi ad hoc ei consentiatur, appareat amando moritura, ut ostendat, ne mendacium quidem licere, quamquam pro salute quorundam mentiaretur. Hæc autem concinunt cum iis, quæ de servanda hominis vita per mendacium habet vir sanctus in Lib. de Mendacio Cap. XIII. Deinde quis ex ipsis aliisve Augustini verbis, nisi reclamante ratione, argumentari possit, Augustinum tam inimicum non fuisse mendaci, quam volebat videri? Nemo se mendaciis Augustino magis infensum prodidit, nemo doctius

ipso, nemo acrius, nemo religiosius mendacia infectatus fuit, & peccata esse demonstravit, ut ejus Libri omnino testantur. Et quod spectat ad Mendacia, quæ ut Infideles ad Fidem adducerentur, tolerabilia visa fuisse Augustino Phereponus sibi persuadet: eadem ipsa Augustinus aperte exlecratus est, & fugienda suavit. In Lib. contra Mendacium Cap. I. *Quid est aliud, inquit, mentiamur, ut Hæreticos mendacos ad veritatem adducamus, nisi faciamus mala, ut veniant bona?* Tum toto Libro id unum fatigat, ut ostendat, nefas esse mentiri, quo consultatur æternæ hominum saluti. Immo omnium mendaciorum ea statuit esse gravissima, quæ pro Religione, & in Religione fiunt. *Viderint*, inquit Cap. 18. *affortores defensoresque Mendacii (tres illi cum Priscillianis erat)* quale genus vel qualia genera mentiendi eos justificare detectet. Saltē in Dei cultu concedant non esse mentiendum; saltē ubi Dei nomen, ubi Deus testis, ubi Dei sacramentum interponitur, ubi de divina Religione sermo promittitur, sive conseruitur: *nemo mentiatur, nemo laudet, nemo doceat, & precipiat, nemo justum dicat esse mendacium.* Eandem doctrinam in altero Operе de Mendacio non minus dilucide ac nervose tradit, Cap. X. ostendens, in rebus Fidei locum esse non debere mendacio; & præter cetera hæc habet: *A doctrina Religionis atque ab eis omnino enuntiationibus, que propter doctrinam Religionis enuntiantur, quum illis docetur & discitur, omnia penitus mendacia removenda sunt.* Nec ulla omnino causa inveniri posse credatur, cur in rebus talibus mentiendum sit, quando nec ideo in ea doctrina mentiendum est, ut ad eam ipsam quisque facilius perducatur. *Fracta enim vel leviter diminuta auctoritate veritatis, omnia dubia remanebant.*

Quam vellem, hæc potius tam clara tam aperta considerasset Phereponus, ut quæ vera fuisset Augustini sententia, sibi constaret, quam in dubiis illius verbis alienissimam ab Augustino doctrinam exquisisset. Infra vero Cap. XIV. recenset sanctus Doctor varia mendaciorum genera, omniumque gravissimum vocat, quod Religioni obest. Primum est ad evitandum capitale mendacium (sunt ejus verba) longeque fugiendum, quod fit in *Doctrina Religionis*, ad quod mendacium nulla conditione quisquam debet adduci. Et Cap. XXI. idem repetit inquiens. *Ad sempiternam salutem nullus ducentus est opitulante mendacio.* Non enim malis convertentium moibus ad bonus mores convertendus est. En pura, en germana Augustini dogmata. Ita discipulus sentiebat: quin idem senserit & Am-

bro-

256 DE INGENIORUM MODERATIONE

brosius illius Magister, non est dubitandum. Quare si velimus, tantos viros Miracula confinxisse, & quidem in lucrum ac utilitatem propriam, quo nihil turpius excogitari potest: necesse est, ipsos mortalium & Christianorum perditissimos, & hypocritas, & Religionis in speciem tantummodo cultores prius credere. Hæc enim unversa nomina in eos convenient, qui tantum pro Religione studium præ se ferentes, nihil postea pensi habebant, mendaciis & imposturis operam dare, idque in sui commodum ac utilitatem facere, & Religionem præsentissimo periculo exponere, & fallere populos ac Superstitionem adducere, & nulla deinde ad errores populi a se corrupti auferendos, fraudis ac pœnitentia suæ vestigia relinquere, & quidem pro crimine, quod ipsi certe non ignorabant capitale plebisque perniciosissimum, sibique a Deo sine publica pœnitentia minime condonandum. Verum quis ex meritis tantum suspicionibus fallacibusque conjecturis tam abominanda ac inusitata opinetur de viris, quos nulla non admirata est ætas, doctrina pariter ac solidissimis virtutibus, & sanctissimo potissimum Religionis zelo, conspicuos atque spectatissimos? Quænam Critica Leges iniquissimis hujusmodi opinionibus faveant, equidem non video. Immo totus Criticorum chorus clamet, incredibile plane esse, hoc hominum gravissimorum genus in ea vitia deflexisse, atque ad eas artes se contulisse, quibus hominum deterrimi impie sibi lucrum comparant & Religionem produnt. Numquid vero hisce dolis indigebat Ambrosius, ad plebeculam in officio continendam, ut Phereponus ait? Ab ore Ambrosii totus populus Mediolanensis pendebat, seque paratissimum ad dandum pro Fide Majorum servanda jugulum non semel ostenderat. Multoque minus ad auctoritatem atque existimationem suam, Fidemque Catholicam protegendarum atque augendam hæc figurae sibi concinnanda censuit Ambrosius, quum tanta existimatio atque auctoritas illi esset, ut ei propterea apud Imperatorem invidiam quotidie facere non cessarent Ariani. Deinde vir intrepidus, & invicta constantia celebris, & mori, quam fœdari, toties paratus, ut scilicet Ecclesiam florentissimam minis Hæreticorum eriperet, ad exsecrandum illud stratagemam numquam confugere sustinuerit.

Accedit, quod Miracula ab Ambrosio atque Augustino memorata nullas imposturæ notas secum adferunt; immo tot habent veritatis indicia, ut quando ea falsi postula-

re aut suspicari liceat, nihil certi jam perficit in humana divinaque Historia, nihil quod fraudem & mendacium redolere non possit. Divino monitu revelata sunt Ambrosio sacra corpora Gervasii ac Protasii. Jussit ille in media Basilica ante cancellos sanctorum Felicis atque Naboris eruderari terræ, formidantibus Clericis, ne spes Ambrosii frustraretur. Signa Martyribus convenientia apparuerunt; deinde ipsa Martyrum ossa, & sanguinis plurimum in ipso tumulo. Quum sacra pignora transferrentur, cæcus Civitatis Mediolanensi notissimus visum, debiles non pauci salutem ad contactum sanctarum vestium recuperarunt, pulsique Dæmones de multorum corporibus. Tota legatur Epistola Ambrosii 22. ad Marcellinam sororem Classe I. & ubi affectus absint, nihil a stragemate ac fraude remotius apparebit, contra quam Censori videatur. Ceterum non disimulabo, Arianos tum temporis adeo evidenti luce perculfos, eo statim confusisse, ut & Martyres & Miracula negarent. Facile valuit apud nostrorum temporum Novatores eorum calumnia, quum nempe statutum fuit sanctorum Reliquiis denuntiari bellum. Multo plus etiam valuit apud Phereponum, qui Arianos ipsos eorumque dogmata sibi cordi plurimum esse non semel prodidit. Sed juvat heic tantisper immorari, dum aliqua saltem ex parte palam fiat, quam sine ratione ac pudore nunc instaurare vetusta ejusmodi cantio.

Protasii & Gervasii Martyrum ut nominata, ita etiam sepulcræ incognita erant, in tantum ut supra ipsorum sepulcræ ambularent omnes, qui vellent ad cancellos sanctorum Naboris & Felicis pervenire. Utor verbis Paulini illius, qui Ambrosii Vitam memoriae prodidit, & oculatus omnium testis fuit. Illic ergo reperta sunt sacra corpora, ubi fraus praecedere nisi difficillime non potuit. Nam quis loci superficiem non novet, ac sæpe vestigiis (*non) terebat? quis dum eruderari terram cerneret, signa aliqua imposturæ non collegisset? Clero ac populo præsente peracta sunt omnia. Subsequuta deinde Miracula Ambrosius his refert verbis, concionem ad populum habens: Cognovisti, immo vidisti ipsi multos a Dæmoniis purgatos; pluvios etiam, ubi vestem sanctorum manibus contigerunt, iis quibus laborabant, debilitatibus absolutos: reparata vetusti temporis Miracula, quo se per adventum Domini Jesu gratia terris major infuderat; umbra quadam sanctorum corporum plerasque sanatos cernitis. Si quid sinceritatis

ac

* Addita nuper particula negativa.

ac bona fidei est, videat Phereponus, qui negare ista possit. Oculis suis Mediolanensis Populus videt tot agros & debiles pristinæ saluti divinitus restitutos. Fidentissime id palam Ambrosius repetit. Quis credit, hæc omnia commenta, fraudes ac illusiones suisse? Num adeo stupidi ac bardi tum fuere populi, ut sibi hæc obtrudi paterentur, & suos met oculos Miraculorum & curationum testes appellari audirent, quæ tamen ipsi nequam aspexissent? Num impudens adeo Episcopus, ut tanta securitate coram tot testibus appellatis rem invisam visam pronuntiaret? Ceteris autem curationibus præstítit, ac illius fructus, ut dicebam, ab homine Urbi amplissimæ notissimo depulsa cæcitas. Quum sacra Martyrum corpora (utar Augustini testis oculati verbis Lib. 9. Cap. 7. Conf.) propalata & effossa digno cum honore transverterunt ad Ambrosianam Basilicam, non solum quos immundi vexabant spiritus confessi eisdem Demonibus sanabantur, verum etiam quidam plures annos cecus civis, Civitatisque notissimus, quum populi tumultuanis letitiae causam quæsisset atque audisset, exilivit, eoque se ut duceret, suum ducem rogavit. Quo perductus, impetravit admitti, ut Judæo tangere pheretur. Quod ubi fecit, atque admovit oculis, confessim aperi sunt. Eadem repetit Aug. Lib. 22. Cap. 8. de Civ. Dei, illudque Miraculum ait ad multorum notitiam potuisse pervenire, quia & grandis est Civitas, & ibi erat tunc Imperator, & immenso populo teste res gesta est, concurrente ad corpora Martyrum Protasii & Gervasio. Vide & Lib. de Unit. Eccl. Cap. 17. At Ariani cæcum illuminatum negabant. Nempe homines in Catholicam Ecclesiam odio internecino execrati, homines pauci numero præ immani Catholicorum testium multititudine, homines plerique in Urbe Mediolanensi hospites, illuc ab Ariana Augusta perducti, qui cæcum hominem nequaquam, aut non satis perspectum habebant. Contra Catholici innumeri, Civivesque Mediolanenses, tot annos antea hominem probe agnoverant, viderant, aluerant cæcum, & luce ad Martyrum corpora repente donatum cognoscabant, videbant, affirmabant. Utri quæso parti fides adjungenda? Umquamne credibile sit, tantum Populum, per tot annos, eaque potissimum occasione suisse deceptum, ac tamdiu credidisse aut cæcum, qui non erat, aut ei restituta lumina, quæ clausa tenebrisque obsita adhuc erant? Si hæc devorare queunt Hæretici, nescio quid in posterum credibile non sit, immo nescio quid amplius credendum sit.

Porro audiamus, quam nervose ac sapien-

ter invidentiam Arianorum, & renovatam nunc calumniam Ambrosius ipse jam tum repulerit in laudata Epistola 22. Classe I. olim 54. Negant, inquit, cæcum illuminatum; sed ille non negat se sanatum. Ille dicit: Video, qui non videbam. Ille dicit: Cæcus esse destrivis & probat factio. Iste beneficium negant, qui factum negare non possunt. Notus homo est, publicis, quum valeret, mancipatus obsequiis, Severus nomine, lanus ministerio. Deposuerat officium, postquam inciaverat impedimentum. Vocat ad testimoniū homines, quorum ante sustentabatur obsequiis: eos indices sue visitationis arcessit, quos habebat testes & arbitros cæcitatibus. Sub hæc opportune Arianos Judæis comparat, pari impudentia calumniantibus atque negantibus evidētia Christi ac Apostolorum prodigia. Et profecto, postquam Phereponus ejusque sodales, Ambrosiani cæci Miraculum stratagemā nuncupare fas putant, quomodo & increduli non idem quoque dicere sibi licitum arbitrentur de cæco Evangelico? Interrogabant, inquit Ambrosius, Judei parentes, quomodo video filius uester? Quum ille diceret: Cæcus quum esset, modo video. Interrogate alios, si mibi non creditis. Interrogate extraneos, ne adstipulari mibi parentes putetis. Detestabilior istorum, quam Judeorum pertinacia. Illi quuns dubitarent, vel parentes interrogabant. Iste occulæ interrogant, palam negant, jam non operi increduli, sed auctori. Verum excusatione etiam minus digni sunt nuperi Hagiomachi, quam veteres Arii & Eunomiū sectatores. Iste enim recentiores post jam reprobata evidētia rei illorum calumnias, ex putidis adhuc suspicionibus testatissima ea prodigialudibriis & dolis accensere pergunt. Si locum fraus habuit in illa Inventione, in iis Martyribus, atque Miraculis: quei tam felix fraus esse potuit, ut detegi numquam potuerit, camque deprehendere numquam licuerit Ariani præsentibus? Sine multorum ope neque Inventio, neque Miracula configi potuerit. Sine totius Populi conspiratione cæcus simulari non poterat subita oculorum luce donatus. Ariani rerum potiebantur; præsentes erant. Imperatoris auctoritate in sua Hæresis patrocinium abutebatur præsens & ipsa Justinus Augusta. Quis commodior locus, quodnam opportunius tempus, quo impostaram ac figmenta Ambrosii detergerent Ariani; atque æterna ignominia Episcopum ejusque Ecclesiam operirent, suam vero Fidem ab eo periculo vindicatam glorioius extollerent? Poterant minis, tormentis, ac præmiis extorquere veritatis confessionem a Severo, totque aliis, quos ab Ambrosio pecunia corruptos distitabant. Necesse est veritas

Kk & evi-

& evidenter Miraculorum longe fortiores fuerint, quam Arianorum maligni conatus atque calumniæ. Neque porro segnes in inquisitione rei ac testium fuerunt Hæretici. *Isti occulte interrogant, palam negant,* inquit Ambrosius. Immo tanta fuit vis & lux veritatis, ut factum ipsum negare ne ipsos quidem Arianos potuisse, sanctus vir innuere videatur.

Quæ vero haec tenus dicta, (* vim quoque habere debent) pro tuenda veritate complurium aliorum prodigiorum, quæ sanctorum Martyrum & Confessorum ope variis temporibus peracta narrantur a gravissimis Episcopis, & oculatis atque incorruptis viris, & a prudentibus Historicis, quos neque ab ignorantia, neque a nimia credulitate neque a pravis affectibus ad ea confingenda, temere credenda fuisse pertractos appearat. Non enim hec agitur de universis Miraculis a censura vindicandis, quæ neque Ecclesia probavit, & quæ credere vel non credere nihil refert, & quorum non modicum partem ab hominibus nullius iudicii ac nominis, dubiæque ac sublestæ fidei, literis proditam Catholici ipsi aut abjiciunt, aut sibi tam facile credendam non putant. Miracula tantum defendimus testatae fidei, & ad sanioris Criticæ leges exacta. Ita nemo nisi petulans fidem illis prodigiis negabit, quæ sanctus Augustinus in Lib. 22. de Civit. Dei refert, quum ex iis plerique ab omni fraudis ac fabulæ suspicione longe absint. Alia contigit Miracula ad Sanctorum tumulos atque Reliquias, testantur Basilius, Gregorii duo, Nazianzenus & Nyssenus, Hilarius, Hieronymus, Chrysostomus, Isidorus Pelusiota, Basilius Seleucensis, Theodoreus, Maximus Taurinensis, Asterius Amasenus, Æneas Gazæus, ut in numeros aliis Episcopos & Patres præteream. Rei seriem non ab incertis rumoribus, sed aut oculis suis ipsimet, aut ab aliis fide dignissimis testibus acceperunt. Tales Ecclesiæ proceres mentitos hec omnes fuisse, & in imposturas consensisse, fidem omnem superat. Falsa ac temere credita posteris narrasse, incredibile pariter est. Certe ab his erroribus atque criminibus sua se auctoritate, doctrina, integritate vita, prudentia, ac zelo Religionis, facile ipsi defendant, & iniquissimas Hæreticorum suspiciones avertunt.

Sed mihi temperare non possum, quin insigne illud argumentum commemorem, quo sibi visus est Phereponus Historiam sanctorum Martyrum Protasi ac Gervasi enervare pos-

se. Ait enim, ita Ambrosius rem describere, ut narrationem suspectam reddat. Invenimus, inquit Ambrosius, mira magnitudinis viros duos, ut prisca etas fecebat. Quæ vero etas? Heroicæ, postquam homines decrevere coepérunt?

Nam genus hoc vivo jam decrescet Hæmero.

An etiam tribus saeculis, que a Christo nata ad Constantini tempora fluxerunt, grandioris erant statura homines, quam quarto aut quinto saeculo? An augustinus erat statura Martirum, quam aliorum, aut major fiebat post mortem? Nemo, ut opinor, credet. At nemo etiam, ut opinor, non miretur, Phereponum Critics peritum, & non vulgaris ingenii hominem, tam levia nobis propinasse. Sed quid non facit litigandi prurigo? Quando solida argumenta defunt, verba faltem ac sophismata dentur. Ante annos proprie millo, vates ille Homerus non cessavit miriora corpora mortalium, quam prisca, conqueri: sunt Plinii verba Lib. 7. Cap. 16. Nat. Hist. Id quoque Juvenalis a Pherepono laudatus, Solinus, Phlegon, sanctus Augustinus, aliqui Scriptores memoria tradidere. Virgiliius etiam Lib. 12. Æneid. de ingenti faxo, quod Turnus in Æneam intorsit, hæc habet:

Vix illud letri bis sex cervice subirent,
Qualia nunc hominum producit corpora telus.

Ea itaque opinio invaluerat, procerioris statura omnes fere homines fuisse Heroicis, quam subsequitis temporibus. Et fidem opinionis conciliabant corpora mira magnitudinis subinde humi reperta, de quibus legendi Plinius ipse, Virgilius in Georg. Pausanias, Plutarchus, Gellius, & alii, immo recentiores etiam Scriptores; nam & proxime præteritis saeculis eorum quedam deprehensa fuerunt. Aliqui, sed admodum rari, subinde visi, qui ad gigantam molem excrescent, iisque idcirco priscae etatis hominibus dicebantur similes. Ad eum ergo mortem respexit Ambrosius. Quum sacra Martyrum corpora recens effossa communem hominum staturam multum excedere vidisset, talia & ipse appellavit, qualia priscae etatis corpora fuisse serebantur. Quid ergo hec sibi velit Phereponus, nemo facile intelligat. An Homericæ opinioni sese opponere? Id per nos ipsi licet. Non idcirco minus

* Ali valere quoque debent.

IN RELIG. NEGOTIO. LIB. III. CAP. XI. 259

verum erit, inusitate magnitudinis fuisse corpora Gervafii ac Protasii. Istamne sacrorum Martyrum proceritatem in dubium revocare? At in numeri Mediolanenses praeter Ambrosium ejus rei testes fuerant, quibus per duos dies Martyrum ossa exposta scimus. Num dubitat, an primis tribus a Christo nato saeculis ejus proceritatis homines existere potuerint? Certe Phereponum de hac re dubitate quamplurimi Historici non sinunt, atque experientia ipsa; nam raros quidem, sed tamen aliquos, saeculo quovis, hujus statuta homines visuisse constat. Augustinus ipse Ambrosii equalis Lib. 15. Cap. 9. de Civit. Dei affirmit, se incredibilis magnitudinis ossa vidisse. Tum hæc addit: *Nostris temporibus rari quidem, sed numquam ferme defuerunt, qui modum aliorum plurimum excederent.* Numquid tandem suspicatur Phereponus, ab Ambrosio corporum illorum magnitudinem tamquam cælesti prodigium atque mysterium venditatum fuisse? Ille hereticus insulsus & ridens, qui Ambrosium adeo infamem atque delirum suspicari audeat. Quia Martyrum statura foret, & an illa major post mortem fieret, certe non ignorabat vir magnus, qui nempe Romæ & alibi innumeris conspexerat martyrum ossa. Neque ab ullo docendus erat, aliæ hominum statuta fuerit tribus primis Christianæ Epochæ saeculis, quam saeculo suo, quum priscæ dumtaxat ætati, videlicet temporibus ante Homerum transactis, proceritatem corporum, tamquam rem cunctis hominibus eo ævo communem, ipse tribuat. Nullum heic ergo mysterium, nullum cælesti Miraculum Ambrosius considerat; sed quia ratum esse novetur, saeculo suo homines reperire tantæ proceritatis, quanta in Martyrum illorum corporibus apparuerat, raram hanc istorum qualitatem tacendam non putat, illamque quasi obiter memorat. Solus cavillator alia in Ambrosii verbis somniare poterat; solus pessimus Logicus affirmare, Ambrosium ipsum narrationem suam suspectam reddidisse.

Graviora in speciem videntur, sed aque imbecilla sunt & confidentia plena revera, quæ posthac subdit Phereponus. Edæmoniacis ad sara *laava* confluentibus, nonnulli contra Arianos, eorumque hæresim clamarent. Id Herculeum Aristarcho fulcrum est, ut sub aliorum sententia dicat, non amplius esse dubitandum, quin Ambrosius rete illud per fraudem concinnarat. *Lege, inquit, cetera, ubi tori Diaboli, ope horum Martyrum, Arianos opportunissime damnant; nec amplius miraberis esse, qui stratagemam hoc Ambrosianum fuisse censeant, quo plebem sibi devincent, Justinamque & Arianos perterrefaceret,*

excogitatum. Gemina huic argumentationi sunt, quæ ipse alibi differit, ideo ementita appellans ad Martyrum tumulos peracta Miracula; quod ista Superstitioni propagandæ inservirent. Verum quidnam aliud hoc est, quam obvias quæstiones e præjudicatis opinionibus, quamquam falsis, confidentissime dirimere? quod quantum a ratione abhorreat, non ita pridem edidicisse Phereponum ipsum arbitror. Quum animo istius antea insederit, Superstitionem esse sacrarum Reliquiarum cultum (qua in opinione reliquos Novatores concordes habet), immo etiam crediderit, Arianos, quamvis tot Conciliis & rationibus profligatos, propius ad veritatem, quam Catholici, accessisse: non immrito se inde argumentari ita posse sibi persuasit: ergo Miracula ad Sanctorum Reliquias confici nequeunt; ergo divinitus extorqueri a Dæmonibus confessio non potuit adversus Arianos; ergo non nisi fraudulentis artibus Ambrosii, tota illa scena peracta est. Quid, si falsissimæ forent, ut eas esse nos recipia dicimus, præceptæ animo Phereponi opiniores? Nonne tota illius machina & vestigio ruit? & potissimum quum nulla verisimilitudo sit, ea Miracula conficta fuisse, aut potuisse configi? Nam, quod est *ad plebem sibi dævinciendam*, Arianisque timorem incutiendum, jam vidimus, Ambrosii auctoritatem, sapientiam, pietatem, atque constantiam tam periculosis ac impiis non indiguisse præsidii; ipsumque, etiam si indisset, non fuisse usurum ad Fidem tuendam, quam sanguine & veritate, non pravis artibus atque imposturis propugnandam esse sciebat.

Ergo nudam, ac inanem, nullisque solidis rationibus stipatam, immo temerariam quoque & impiam esse, suspicionem suam, Phereponus ipse, si Criticus bonus, si Christianus est, deprehendet. Quænam enim narrationes, quæ facta vultum veritatis amittere jam non possunt, si tantam vim habere debet hæc argumentandi ratio? Videlicet Auctori aut Historico id utilitati, atque existimationi est: ergo confictum id, falsumque est, aut certe in Auctore, sive in narrante fraudem suspicari licet. Si valere debent hujusmodi suspiciones, Ethnicorum nomine imposturae notam pariter objicere possit Phereponus Tertulliano, Origeni, Cypriano, Læcantio, & ceteris Christianæ Fidei defensoribus, qui confessione Dæmonum in Ethnicos ipsos tam sape utuntur. Quid autem Scriptores illos ab hujusmodi accusatione defendit, quod similiter in Ambrosii defensionem non congruat? Deinde nonne Christi ac Apostolorum prælia ad sanctissimæ doctrinæ

veritatem confirmandam , & Christi missio-
nem probandam adhibita fuere , ut habetur
Jo. V. 36. X. 38. & XIV. 12. Mirabiliter
igitur Christo , ejusque caussæ prodigia per
ipsum patrata inserviebant . Quid si incre-
dulus quispiam stratagemata & illa suspice-
tur , quibus Judaicam plebem sibi Christus
devinciret , ac Pharisæos sibi infenissimos
de auctoritatis solio dejiceret ? Id quidem
jam faciet incredulus , auctore ac præcepto-
re Pherepono ; sed iniquissime faciet . Multi-
to etiam magis instabit iste ; nam & in E-
vangelii Marci & Lucæ Dæmones mali se
ab Jesu tortos conqueruntur , ejusque cele-
stem potentiam fatentur , Filiumque Dei al-
tissimi appellant . Nolebant his habere fidem
pervicacissimi Judæi , quorum patrocinium
quis non videat a Pherepono incautissime tan-
dem suscepimus , & perfidiam excusatam ? Po-
terant enim & illi objicere adversus Christi
prodigia , quæ Phereponus contra Ambrosii
Historiam objecit . Sed tam illi temere ac
perperam egissent , quam iste . Hujusmodi
quippe suspicione quando gravioribus aliis
malæ fidei indicis destituuntur , & præcipue
quum ab aliis refelluntur gravissimis bonæ
fidei indicis , id unum præstare possunt , ut
in suspiciosis hominibus malignitatem , livo-
rem , & obfirmatum contra veritatem ani-
mum prodant .

Pherepono itaque nos non injuria criminis
vertimus , quod atque Ethnicis atque incre-
dulis ministret . Quod Religioni & Ecclesiæ
Christianæ eripiatur potentissimum illud argu-
mentum Veritatis e Christi , Apostolorum ,
aliorumque Sanctorum hominum prodigiosis
operibus petitum . Quod suspecta faciat tum
ad mortui Elisæ cadaver in veteri Fœdere
peractum insigne Miraculum , de quo in Lib.
IV. Regum mentio habetur , tum curationum
prodigia in novo Fœdere facta per Pauli fuda-
ria ac semicinctia ægris admota , dum eadem
mirabilia ad sacra quoque Martyrum ossa ,
testibus viris incorruptis facta , fieri ipse pos-
se negat , virutemque ejiciendi Dæmones
a Christo Sanctis suis in Evangelio promis-
sam , suspectam ipse faciat . Crimini etiam
vertimus , quod ex meris tantum ac falla-
cissimis suspicionibus denigrare ac lacerare
famam non erubescat viororum gravissimorum ,
& omnium fere sanctorum Patrum , quos
quum ille Impostores velit , nescio cui amplius
in posterum credendum sit , & nescient
increduli , quid amplius putandum sit de Re-
ligione & Ecclesia Christi . Propterea pru-
dentia , fama ac Religioni sua melius con-
suluisse Phereponus , si ab hisce abstinuerit ,
quæ quid ab eius Critica aliis in locis spe-
randum sit , sati ostendunt . Sed nos jam
alia expectant & vocant .

C A P U T XII.

Cultus Religiosus , Angelis ac beatis hominibus adhibitus , contra Phereponum defenditur . Superstitionis suspicio frustra heic a Pherepono injecta . Preces pro piis defunctis auctoritate Scripturæ sanctæ Traditionisque nituntur . Non aliter sentit sanctus Cyprianus , cui Tertullianus prævirit . Votum sacre Virginitatis præstantius , quam Nuptiæ . Phereponi objectiones repelluntur . Apostoli apertum suffragium pro Dogmate isto .

Non solis Sanctorum Miraculis , sed eo-
rum etiam cultui religioso bellum in-
dicit Batavus , sive Tigurinus Censor :
quodque mirandum magis est , id facit aucto-
re ipsum Augustino . Dixerat hic in Lib. de
vera Relig. Cap. 55. de Angelis loquens : Ho-
noramus eos caritate , non servitute ; nec eis
Templa construimus , nolunt enim se sic hono-
rari a nobis , &c. Phereponus ista expenden-
da relinquit iis , qui volunt Angelos cultu-
dines , hoc est servitutis , coli . Videant (in-
quit pag. 485.) quomodo se sentire & loqui
cum Augustino , dicere possint . At quantopere
cum Augustino consentiant Catholici in co-
lendis cum beatis Angelis , tum reliquis San-

ctis , ipse Phereponus nullo negotio didicis-
set , nisi ea tantum corrogaret , quæ suo sunt
consentanea ingenio . Agit heic Augustinus de
illa servitute , quæ supremum Numinis cultum
significat , atque a Græcis appellatur λατέρια .
Non autem negat , alterum illud servitutis
genus , cui διδεῖ nomen est , a mortalibus
exhiberi debere cæli proceribus , & certissimis
Dei amicis . Audi Augustinum Lib. 10. Cap. 1.
de Civ. Dei : Λατέρια , inquit , nostri , ubi-
cumque sanctorum Scripturarum positum est ,
interpretati sunt servitutem . Sed ea servit-
us , quæ debetur hominibus , secundum quam
principit Apostolus , servos dominis suis subdi-
tos esse debere : alio nomine Grece nuncupari
solet .

folet. Λατρεία vero, &c. aut sacrif. aut tam frequenter, ut pene semper, ea dicitur servitus, quæ pertinet ad colendum Deum, &c. Idem aliis verbis alibi scribit, sed potissimum Lib. 20. contra Faustum Cap. 21. ubi simul docet, colendos esse religioso cultu beatos Dei famulos. Illo cultu, inquit, qui Graece λατρεία dicitur, Latine uno verbo dici non potest, quum sit quedam proprie Divinitati debita servitus, nec colimus, nec colendum docemus, nisi unum Deum. De sanctis vero Martyribus ita loquitur: Colimus ergo Martyres eo cultu dilectionis & societatis; quo & in hac vita coluntur sancti homines Dei, &c. Erigere Tempa, offerre sacrificium, aliaque hujusmodi, uni reservata Deo, nefas est impendere in Angelorum Martyrumque cultum, sed aliam servitutis honorariae speciem, quam Duliam appellamus non prohibemur, sed jubemur praefare Sanctis quos tamen conservos Dei simul agnoscimus. Cui hoc nomen non arrideat, alio utatur, dummodo rem teneat.

Quod vero Phereponus subdit, nimirum jam Augustini ævo quedam cœpta esse fieri, quæ quamquam a prudentioribus damnata, paulatim intromissa fuere; inquit enim idem Augustinus in Lib. 1. de Morib. Eccl. Cathol. Cap. 34. Novi multos esse sepulcrorum, & plurarum adoratores: hæc, inquam, Phereponi monita, nescio quid prodeesse possint Novatorum scholæ. Nam quis certo affirmare possit, Augustinum ibi de sepulcris & picturis Christianorum loqui, & non potius de Paganorum? Quod si de Christianis talia inter suos agentibus scribit Augustinus: quid mirum? Supersticio locum habere potuit ac potest in Ecclesiæ Catholicæ ritibus, ac præcipue in Sanctorum atque Imaginum cultu, dum Fideles sint quidem, ut ipsius Augustini verbis utat, professores nominis Christiani, sed professionis sue vim nescientes, neque exhibentes. Ab his arcessendam non esse doctrinam Orthodoxæ Religionis, neque ex istorum exemplo expendendam esse præstantiam Catholicæ Ecclesiæ, rectissime ajebat Augustinus in eo Libro. Id & nos nunc repetimus. Quod faciendum & credendum præscribit Ecclesia nostra, hoc intuere, non vero quod in ista Ecclesia fit, aut creditur ab imperitis & impiis. In eo veritas & sanctitas; in hoc supersticio & falsitas. Et revera ipsem et Augustinus tum alibi, tum Lib. 8. Cap. ult. de Civ. Dei, Memorias, sive Sepulcra Martyrum, & eorum Reliquias honorandas esse docet; significatque apertissime, qualis opinio induenda sit Catholicis, quum quedam in honorem cultumque Martyrum sint. Ea autem

Augustini verba quum in oculos & ipsius Phereponi incurrerint, non sine aliqua animadversione dimittenda esse ipse judicavit. Inquit igitur pag. 581. At pompā qua ferebantur Reliquie, honor qui iis genuum flexione deferebatur, invocationes Sanctorum, &c. persuadebant Ethnici, Martyres coli, quasi quoddam genus inferiorum Deorum. Tum adit, neque Ethnicos multum a vero aberrasse; nam & Christians nonnullos offendebat hic idem cultus. Quamobrem censet, Augustinum heic Rhetorum more, dissimulatis his, quæ ab Ethnici objiciebantur, respondisse. Nonnullorum Christianorum nomine, quos male habebat Martyrum cultus, unum Vigilantium, & alterum Eunomium indicare voluisse, ac potuisse, Phereponus mihi videtur. At quota, quæso, Christianorum pars duhomines sunt; & quales, amabo, ut eorum suffragium universæ Christianorum Ecclesiæ opponi possit? Nil facilis, quam in quacunque Republica duos, immo etiam plures invenire, quibus fastidio sint patrii mores, suæque Religionis ritus. Atqui hujusmodi fastidiosos, & audacissimos homines statim compellere viri sanctitate atque eruditio clariſſimi, quibus certe ignotum non erat, quid esset Deo, quid beatis ejus famulis debitum, & quid foret Idolorum, Deorumque (* falorum) cultus.

Subit autem Censoris nostri confidentem eloquentiam demirari, quando is dissimulatam ait ab Augustino Ethnicorum hac in re accusationem, idque Rhetorum more. Nam quid aliud in eo Cap. ultimo Lib. 8. de Civ. Dei præstat Augustinus, quam ostendere, quantum interit inter cultum divinum hominibus mortuis ab Ethnica Superstitione delatum, & religiosum honorem delatum Martyribus a Religione Christiana? Primo differre ait honorum & rituum genus; nam & Sacrificia & Delubra mortuis offerebant Ethnici, a quo tamquam a peculiari Divinitatis signo abhorrebat Christiana Respublica. Deinde ostendit, ab animo illorum differre omnino in iis ritibus atque honoribus animum istorum. Ethnici tamquam Deos veros, & adoratione uni Deo debita, suos mortuos prosequabantur; Christiani contra numquam suos mortuos apostolosi donarunt, numquam Deos censuerunt; & quos honores habuere suis Martyribus, fuere quidem signa religiosæ venerationis, non autem divini cultus, & mentis ad Latriam propensæ. Animus autem atque intima persuasio ea est, quæ ritus & sermones honoris causa conceptos ad bonum aut malum trahit. Decernare vero,

qui

* Addita nuper vox falorum.

qui ritus superstitioni aut veræ pietati convenient, quive tolerandi sint & probandi, aut improbandi, sive non ferendi, ad Ecclesiam, & ad Apostolicam Sedem pertinet. Et hanc in rem volo Phereponus noster audiat, quid forte Theophilus quidam Alethinus (hominem puto perquam carum Pherepono ipsi) scripsiterit in notulis ad Tom. 3. Theolog. Dogm. Dionysii Petavii, Lib. 15. Cap. 2. de Incarn. Ut verba, inquit, valent usū, ita & gestus, qui modo sunt civiles, modo religiosi, pro temporibus & locis, possuntque Deo colendo & hominibus & que pro consuetudine adhiberi. At interna illa adoratio, qua id quod colimus, consideramus ut unicum ac summum Numen, propterea que reveremur ac precamur, ad unum illud Numen pertinet. Sed possunt esse: & sunt alii inferiores cultus, dignitati rei quae colitur, attemperati, absque idolatria ulla. Quod semper probe observandum. Vide & ibi Petavium.

Augustinus ergo in eo loco postquam dicit, honorari quidem Martyres eorumque Memorias, a Christi fidelibus Ethnicorum accusationem atque suspicionem omnem revertit, monens, neque Sacerdotibus, neque Templis, neque Sacrificiis (qua uni Deo tantummodo sunt debita) honorari sanctos Martyres; reliqua vero venerationis signa eisdem exhibita, ex obsequio religioso, non autem ex opinione Divinitatis descendere, immo in ipsius Dei gloriam concedere, quicunque honor Sanctis defertur. Quod quum dicit, occupat una response, quidquid umquam aut objecerant, aut objicere poterant Ethnici aduersus Martyrum cultum. Quocumque, ait, adhibentur religiosorum obsequia in Martyrum locis, ornamenta sunt Memoriarum, non sacra, vel sacrificia mortuorum, tamquam Deorum. Dixerat supra: Honoramus Memorias eorum tamquam sanctorum hominum Dei, &c. ut ea celebritate & Deo vero de illorum victoriis gratias agamus, & nos ad imitationem talium coronarum adhortemur, &c. Quapropter quid objicere Ethnici potuerant, aut poterant, ut apud Christianos polytheismum ostenderent, quod suo sermone & explicata mente Christianorum, Augustinus jam non contriverit? Et ne quis Martyres faltem quasi quoddam genus inferiorum Deorum coliparet, addidit ille: Non ipsi, sed Deus eorum nobis est Deus. Et infra. Nos itaque Martyres nostros nec divinis honoribus, nec humanis criminibus colimus, sicut colunt illi Deos suos, &c. Quod Augustinus olim pronuntiabat, nunc etiam Ecclesia Catholica profitetur, Idolatriæ a nostrorum temporum Hæreticis insimulata, &c. ab hujusmo-

di calumnia & a sincerrissimis inter ipsos Hæreticos jamdum liberata.

Ab Angelis aliisque beatis cali civibus aeternis Christianos, qui decesserunt in signo fidei, & dormiunt in somno pacis, transit Phereponus noster; atque ut illis religiosum honorem habendum negat, ita istis nihil professe Fidelium preces affirmat. In Lib. de Cura pro mortuis habenda auctor est S. Augustinus consuevit Christianos offerre Deo preces pro mortuis fidelibus, quod officium ipsi profuturum sperabant apud Deum. Phereponus heic insurgit, inquiens: Sed locum aliquem Scripturæ, aut revelationem certam hanc in rem profiri oportuit; qui enim norat Augustinus hoc velle Deum, ut preces Ecclesiæ profint post mortem nonnullis, quum altius sit ea de re silentium, &c. Non enim sat est ut possit hoc fieri; quam multa enim Dei non vult, que patiueret velle? Sed Augustinus laudaverat locum II. Machab. XII. 43. ubi legitimus oblatum pro mortuis sacrificium. Nihil refert: pergit enim Phereponus interrogare: Sed ubi Lex talia sacrificia jussit, aut ubi Deus se adinvenit ab hominibus facit propitium fore promisit? Percontor ego a Pherepono, utrum sibi computentur inter Canonicas Scripturas priores duo Machabæorum Libri, an non. Si postremum, videat ille, quei tot alios divinarum Scripturarum Libros demonstrare contra gentem incredulam possit celo prebatos. Tolle Ecclesiæ Auctoritatem atque Traditionem, ruat necesse est potissimum argumentum, quo nititur divina origo Litterarum sacrarum. Sin, ut videtur, Canonicus est Pherepono is Machabæorum Liber, quem universa olim Ecclesia Canonicum habuit; & Catholica nunc habet: quid est, quod illic non legit Phereponus haec verba: Sancta ergo (sicut Vulgata legit) & salubris est cogitatio pro defunctis exorare, ut a peccatis solvantur? Hinc novit Augustinus, & noscere Phereponus posuit, velle Deum, ut preces Ecclesiæ profint post mortem nonnullis; divino quippe oraculo probatur illa Judæ Machabæi actio atque opinio.

Præter Scripturæ sacræ documentum illud, cui quædam alia, et si non adeo perspicua, accenferi possunt, adhibet Augustinus auctoritatem Ecclesiæ universæ, quæ usum precum pro mortuis habet, & habendo utillem piumque, & ab Apostolis descendenter ostendit. Rursus ergo Phereponus in ista crumpit: At quis docuerat Augustinum, a temporibus Apostolorum nullas præpas opiniones, ac consuetudines sensim irreperere potuisse? Nullum Dei legitur hanc in rem promissum, eademque estratio hominum in Rempubli-

cam Ecclesiasticam ac in Civilen coeuntium; nec in hac magis quam in Alteram, male consuetudines sensim irreperere possunt. At quis docuit Phereponum, eamdem esse ac fuisse rationem Civilis atque Ecclesiasticae Republicæ in perversis consuetudinibus admittendig? Deinde hanc consuetudinem qua de agimus, esse perversam, nullumque hanc in rem legi promissum Dei? Nos jam vidimus, in Machabæorum Libris probari Deo preces & sacrificia pro mortuis. Quod si ne ullis quidem in Libris Canonice expressa legetur divina revelatio istius doctrinæ: attamen satis esset, Traditionem certam haberi de ista revelatione in Ecclesia Dei. At istud procul dubio revelatum fuisse, atque probatum ab Apostolis, hinc discimus, quod Augustini ævo universa pro defunctis Ecclesia supplicare consuevit, ut ait idem in eodem Libro. Heic autem locum habet regula celebri ejusdem sancti Augustini Lib. 4. Cap. 24. de Baptismo contra Donatistas: *Quod universa tener Ecclesia, nec Conciliis institutum, sed semper reverentum est, non nisi Auctoritate Apostolica traditum rectissime creditur.* Ab Ecclesiastica vero nimium quantum differt Civilis Respublica. Nihil ibi impensius commendatur, ac ingeritur auribus tum Episcoporum & Cleri totius, cum reliqua etiam plebis, quam nihil esse innovandum; & pravas opiniones perversasque consuetudines impediendas atque averruncandas; & imminere certum salutis periculum dissimilanti, silenti, & sinenti aliquid novi aut sentiri aut fieri, quod aperte aut tacite doctrinam Christi atque Apostolorum aliqua ex parte laedit. Tam religiose, tam solicite huic suo muneri hucusque Ecclesia Catholica respondit, ut via nova quæpiam falsa opinio, nova aliqua mala consuetudo emergerit, quam aut Concilia, aut Romani Pontifices, aut alii Episcopi, Patres, Scriptoresque pii atque eruditæ non represserint, non damnarint. Aliter se gerit Civilis Respublica.

Et ostendat, si potis est, Phereponus ipse originem consuetudinis istius; quamvis enim quod ait: *de origine precum pro mortuis vide Johann. Fellum ad Epist. 1. Cypriani, Lectoribus spem, aut metum ingerat hujuscem originis inveniendæ: Lectores tamen se deceptos sentient, ubi ejusdem Felli notas atque argumenta pensabunt; & cum ipsis sancti Cypriani verbis conferent.* De Victore quodam ait sanctus Episcopus: *Non est quod pro dormitione ejus apud vos fiat oblation, aut deprecatio aliqua nomine ejus in Ecclesia frequenteretur. Quid refert, quod Fellus ostendere contendat, pro Martyribus*

non oratum fuisse olim? Id certissimum est; at illic res minime erat de Martyre quopiam. Nullis vero tabulis Fellus prodit, pro ceteris fidelibus cum signo fidei vita defunctis preces ad Deum non fuisse praestata, neque speratum inde ipsorum refrigerium. Immo idem ille Cypriani locus evidenter ostendit, preces pro fidelibus mortuis tunc in more Ecclesiæ fuisse, quando intercedit, ne pro homine illo fiant. Deinde cedo magistrum Cypriani, Tertullianum videlicet, qui Ecclesiæ suorumque temporum hac in re consuetudinem nobis edisserat. Inquit is in Lib. de Monogamia c. 10. de Vidua: *Enimvero & pro anima ejus (matris) orat, & refrigerium interim apostulat ei, & in prima resurrectione consortum, & offers annuis diebus dormitionis ejus.* In Cap. seq. Orabit, inquit, pro maritis tuis novo & vetere. Quibus ex verbis intelligis, quid etiam senserit sanctus Cyprianus, quantumque ab ejus mente abhorreat Felli sententia, & rursus quam antiqua sit formula illa, qua etiamnum in sacro faciendo locum refrigerii lucis ac pacis Fidelibus Catholicis vita funeris a Deo precamur. Et quum Tertulliani ævo, hoc est, uno aut altero saeculo post mortem Apostolorum, ista passim in Ecclesia peragerentur, ut ex aliis etiam ejusdem Tertulliani locis confirmari potest; quumque in eam rem consentiant tum Concilia, tum Græci Latinique Patres; tandem intelligere cogimus, non aliunde quam ex Apostolica Traditione venisse hujusmodi consuetudinem. Quod si magnum & certum lucrum Ecclesiasticorum Phereponus (pro more suæ gentis) heic objicit nobis: rogandus ille primo est, ut ostendat, hujus opinionis ope jam tum ab Augustini, Cypriani ac Tertulliani ætate Clerici sibi quævisce dixitias. Tum animadverendum, aliud esse perveritatem aut bonitatem opinionis alicuius, aliud vero lucrum quod ex eadem opinione educi potest: nam homines improbi tam bona quam mala doctrina abuti possunt in sui commodum atque utilitatem. Necesse est igitur, ut ipsam opinionem Phereponus recta aggrediatur, Christianoque Dogmati contrarium ostendat: quod tamen denuntiamus, ipsi numquam possibile futurum, quando tam antiquis legitimisque fundamentis nostra sententia nititur, & ad aliud considerationis genus spectant, quæcumque aut laudandæ, aut vituperandæ consuetudines in usum istius opinionis investitæ hucusque fuerunt.

Ad hæc litem non Augustino tantum, sed universæ Catholicæ Ecclesiæ indicit Phereponus, quod aspici nos majori sit in pectio

tio ac laude studium sanctæ Virginitatis, quam honestæ Nuptiæ. Catholicam sententiam expresserat atque illustrarat Augustinus in Lib. de sancta Virginitate. Phereponus vero in Animadversionibus ad eundem Librum pag. 563. monet, Conjugium opus esse, quod sine magna virtute peragi ac sustineri non possit. Pericula enim multa imminent conjugatis, multæ tentationes incumbunt, ex quibus seje, ut Christianos decet, expedire semper non est facile. Tum enumeratis hisce periculis atque laboribus, subdit: *At qui cœlibem vitam agunt, nullius curam gerunt nisi sui, nec indigent tanta virtute ad se solos sustentandos, viam virtutis calcandam, que multo minoribus periculis cincta est.* Quibus ex verbis concludit, Cœlibatum non solum non esse rem, quæ per se magis Deo placeat, quam Matrimonium, sed etiam esse rem minoris quam Matrimonium virtutis. Augustino autem id semper infortunii accedit, ut quæ ipse profert, Rhetoricae tantum argutiæ sint; quæ vero Phereponus, solidissimæ omnino rationes. Quare Censor monendos Lectores tandem arbitratur his verbis. *Qui hec probe expenderit, non multum movebitur Rhetoricis argumentis, quæ in hoc Libro deinceps sequuntur.* Felicem hominem, cui exiguo verborum apparatu semper datur immensam disjicere aliorum loquacitatem.

Quum inter Virginitatem, Deo dicatam, & Christianas Nuptias comparatio instituitur, quæri potest, utrum facilius per illam, quam per istas, æterna salus obtineatur: deinde utrum Virginitas ipsa per se præstantior & gratiior Deo sit, quam Conjugium. Vide nunc, amabo, quo vergant Censoris nostri verba: ad ostendendum nempe, majora esse pericula atque incommoda Conjugii, quam cœlibis vitae, majoremque idcirco esse in illo statu, quam in isto, necessitatem virtutis. Quod quum facit, utique strictum dicit, quod Hieronymus, Tertullianus, Basilius, Nazianenus, Chrysostomus, aliique fulissime scriperunt, & passim experientia testatur, sed simul contra suam mentem extollit præstantiam Virginitatis, quæ eligatur intuitu Dei. Hinc enim constat, difficilis esse conjugatis, quam Virginibus sacris, iter ad cœlum, proptereaque præferendum esse conjugali cœlibem statum, utis faciliorem tuioremque viam ad salutem. Quod autem inquit Phereponus, majori virtute ad Conjugium opus esse, quam ad Virginitatem: (quando hoc etiam illi daremus) nihil minuit, immo valde auget sacræ Virginitatis splendorem. Necessitas majoris virtutis in conjugatione.

* Al. Secus. Vox substituta clarior.

tis, ut sæculi tentationes superent, cœlumque obtineant, infirmitatem prodit medii, videlicet Conjugi, quo utuntur ad tam eximium finem consequendum. Ex multis enim itineribus, per quæ ab infelici hoc exsilio ad beatissimam patriam concendi potest, illa minus laudanda, minusque eligenda fuit, quæ magis dubiam faciunt consequitionem finis, facileque longius a patria deviare valent. (* Aliter) inter hominum status præferendus ille foret, per quem difficilis ad Regnum Cœlorum devenitur, qualis est militia, mercatura, aliae instituta, negoti sæcularis plena, & mille periculis ac tentationibus obnoxia, majorique idcirco virtute indiga, ne salus æterna perdatur.

Audi nunc Phereponum in hæc verba loquentem: *Cœlibatum non esse rem, que per se magis placeat Deo, quam Matrimonium, sed cum esse demum illi gratiorem, in altero sit statu, qui preceptorum ejus est observantior.* Nempe non considerat homo, alioqui non hebes, eo ipso gratiorem Deo futurum, qui Virginitatem illi dicavit, non solum quod hunc uti aptiorem divinæ legi observanda elegerit statum, sed etiam quod bonum Animi potius, quam Corporis querat, & quod ea quæ sunt Sæculi, repudiet, carnisque voluptatem ideo contemnat, ut spiritu promptiore ea quæ sunt Dei meditetur ac faciat. Deinde præter illam difficultem atque laudabilem in Virginitate abstinentiam & voluptatibus venereis, considerandum est votum, animusque hominis ipsam Deo Virginitatem voventis. Heic sita virtus præstantior, heic major laus virginis. Excelso animo vilia, & periculosa, & belluina oblectamenta mundi rejicit: magnum hoc est. Majus est rejicere, ut Deo expeditius vacare possit. Confer igitur Nuptias, & sacram Virginitatem. Sunt illæ humanæ frigilitatis atque infirmitatis subsidium, laudabile & sanctum profecto, & Christi gratia in Matrimonii Sacramento consecratum. Votum autem Virginitatis non sine magna virtute est, immo est magna virtus. Illic delicias, sive oblectamenta querimus, illic desideria Cupiscentiæ implentur; heic vero fortiter superantur ipse carnis illecebrae, heic Pietatis simul ac Temperantia heroicæ vires exercentur; & castitas, mensque cum corpore Deo dicantur, ut eo pacto liberioribus penitus evolare homo possit ad Deum, vitamque imitari Angelorum.

Atque hæc sunt, quæ Apostolo non experientia solum, sed cœlesti etiam prudentia edocto in 1. Cor. VII. persuasere, ut Virginitas.

nitatis studium Nuptiis apertissime , neque uno in loco; præferret. *Qui sine uxore est,* (inter cetera ait) *solicitus est que Domini sunt quomodo placeat Deo.* *Qui autem cum uxore est, solicitus est quæ sunt mundi, quomodo placeat uxori;* & *divisus est.* Et mulier innupta , & virgo cogitat que Domini sunt, ut sit sancta corpore & spiritu , &c. Infra addit : Igitur & qui matrimonio jungit virginem suam, bens facit; & qui non jungit, melius facit. Quæ verba non ignoravit ipse Phereponus; sed eludere se posse speravit, inquiens , Apostolum professum se ita loqui propter instantem necessitatem , hoc est; propter tempora illa , quibus graves persecutions servabant. Nescio quas eo tempore persecutions Phereponus ostendere posset inter Corinthios, quum certe rem præsentem, non futuram indicare videatur. Apostolus per vocabulum ἐνεσθῶσαν . Deinde verba illa plerique tum Græci tum Latini Interpretes aliter exponenda censem , ut nempe loquatur illie Apostolus sive de sæculi molestiis & incommodeis, quæ conjugalem statum consequuntur , & carnis tribulationes infira appellantur , sive de angustia mortalis hujus vitæ , sive de aliis hujusmodi necessitatibus . Sed quid plura ? Virginitatis præferendæ rationem non ad ulla persecutions tunc ferentes, sed plane ad generaliorem caussam , qua cuique temporis conveniat, Paulus aper te refert: nempe quia necessitates conjugalis vita, impedimenta sunt, quominus expedite libereque Deo homines serviant & placeant.

Id constat e verbis nuper laudatis. Ipse itemdem Apostolus agnoscit in Virginibus sacris excellentem quandam sanctitatis speciem, quæ eorum statui, non autem conjugali , conuenit. Inquit enim: *& virgo cogitat, que Domini sunt, ut sit sancta corpore & spiritu.* Quibus verbis laudat, propriamque Virginum dicit non solum immaculatam puritatem carnis, sed etiam abstinentiam ab opere & voluptate carnali . Ceterum negare nemo potest, quin homo conjugali vita addictus Deo magis interdum placeat , majorique virtute abundare possit, quam alius quisquam sacræ Virginitatis cultor; uti neque negare quisquam audebit, quin temere nonnumquam, suisque viribus parum perpensis, homines Coelibatum Deo voveant. At quorsum hæc? Non est in culpa thesaurus , si ille expiletur , qui se ad custodiendum obtulerat . Quod si conjugato cuiquam major interdum probitas sit , quam virginis alicui: tribuenda est hujusmodi præstantia alii Virtutibus in illo homine conjunctis, quæ faciunt, ut in Conjugio sancte initio sancte vivatur , & salutare homini fiat ipsum Conjugium. Rursus aut vitia, aut ipsarum defectus virtutum in causa esse possunt , ne Virginitas Deo dicata meliores maioresque in homine fructus probitatis ferat . Verum paribus circumstantiis positis , procul dubio Virginitas sacra , quam Conjugium, aptior atque efficacior erit , ut quis Deo placeat , ipsaque proinde Virginitas ex ipsis Dei amore electa Deo placere plus debet, quam Nuptiæ.

C A P U T XIII.

Mendacium semper malum . Ejus patrocinium a Pherepono suscepimus positis quibusdam circumstantiis; sed sine ulla valida ratione . Joci nonnulli ex mendaciorum familia excludendi . Phereponi calumnia dictitantis , Patres tam rigide fuisse infensos mendacio , ut ipsi postea tutius menirentur .

IN Libris de Mendacio, & contra Mendacium, atque alibi etiam, pluribus ostendit Sanctus Augustinus , peccatum esse quolibet Mendacium , cui revera Mendacii nomen conveniat, quum nempe caussa atque intentione alterius fallendi enuntiatur fallsum . Phereponus autem aliqua Mendacia agnoscit, quæ culpa careant. In Animadvers. ad Cap. 5. Lib. de Mendacio, Ponenda sunt, inquit, tantum tria, quæ diximus. Primum est, nullum esse oportere animum nocendi mendacio ; alterum ejusmodi debere esse menda-

cium , quod nocere revera non possit; tertium denique, non esse aliam viam, qua imminens malum vitetur . Eadem repetit Phereponus in Animadvers. ad Cap. 18. Lib. contra Mendacium . Et in ista quidem sententia prævere Censori nostro cum ex Ethnicis Philosophis atque Scriptoribus nonnulli , tum nonnulli etiam e Christianis , ex iis præcipue , qui scientia politica præcepta litteris consignarunt . Inter hosce potissimum recensere juvat duo carissima Pherepono capita , Brasum videlicet, & Grotium, & nostris etiam

L1 . tem-

temporibus Samuelem Pufendorfium in Libris de Jure Naturae & Gentium. Quicunque autem ii sunt Mendaciorum patroni, ita sacularem quamdam resperisse utilitatem mihi videntur, ut naturam dignitatemque Veritatis tunc oblii fuerint. Illa scilicet sublimis, ac innata Deo Virtus, immo Deo ipsisim adeo congenita, ut Deus sit ipsa Veritas, delicata pulchritudine constat, omnemque abhorret atque exhorrescit oppositæ falsitatis speciem. Etenim quum simul verum & falsum consistere non possint, necesse est, ut qui falsum velit, quacumque tandem e caussa id velit, Veritatem eodem tempore, quantum in se est, perdat atque pessumdet. Nihil medium occurrit. Atque hinc fit, ut velle falsum in alterius hominis mente (quod profecto vult quicumque mentitur), idem fit ac velle Veritatis necem, proptereaque velle malum eligere.

Mendacium ergo intrinsecè malum est, sicuti & omne falsum est secundum se malum, & fugiendum, ut Aristoteles ait. Ejusmodi autem quum sit Mendacium, nullo colore dealbari, melioremque naturam induere numquam potest. Porro dupliji jure mendax homo injurium se præbet, Divino, ac Naturali. Divino; Deum quippe ipsum offendit, dum Veritatem ipsam, seu veracitatem mendaci lingua ludit. Naturali; jus quippe Naturæ exigit, ut nemo sponte alterum fallat, sive in errorem inducat, nemo falsum decipiendi alterius causa tradat, nemo sermonis humani mirabili instrumento ac præstantissima institutione abutatur ab labefactandam fidem in hominum commercio. Ac propterea Philosophorum nobilissimi, & plerique Sanctorum Patrum, quorum dux Augustinus, omnesque Catholicæ Scholæ Theologi, nullum esse easum statuerunt, in quo Mendacium, dum revera sit Mendacium, non sit etiam malum, & culpæ insimulandus mendax non sit, quamquam ea in mentiendo esse culpæ levitas interdum possit, ut ei veniam facilime sperare liceat. Huc faciunt divinarum Scripturarum documenta, nempe Proverb. XIII. 5. *Verbum mendax justus detegabitur.* Et Proverb. XXX. 8. *Vanitatem, & verba mendacia longe fac a me.* Et Colos. III. 9. *Nolite mentiri invicem.* Et Psal. V. 7. *Perdes omnes, qui loquuntur mendacium.* Et Ecclesiastici VII. 14. *Noli velle mentiri omne mendacium;* quod idem est ac edicere, ut nullum proferamus Mendacium. Mitto alia Scripturarum loca.

Videamus nunc, quibus rationibus ducaatur Phereponus in contrariam sententiam.

Sed ille nullas afferit. Hæc tantum addit ad ea, quæ supra regulimus: In bise fane circumstantiis licitum esse debet mentiri, si non illicitum sit joco mentiri, quod per Augustinum licet. Vide Cap. 2. Utique auctor est Augustinus Cap. 2. Lib. de Mendacio, ioca numquam putata fuisse Mendacia: habent enim, inquit is, evidenterissimam ex pronuntiatione, atque ipso jocantis affectu, significacionem animi nequaquam fallentis, et non vera enuntiantis. Sed nescio, qui hinc inferre potuerit Phereponus, licitum quoque esse mentiri, positis circumstantiis a se emeratis. Malitia Mendacio insita eam habet originem & caussam, quod animus mentientis vult verum corrumpere, dicere falsum, & alterum hominem fallere. In locis hic animus perversus atque inordinatus abesse potest, & plerumque revera abest, nam qui jocatur, sive ac saepius alterius decipiendi voluntate caret, idque pronuntiat falsum, quod probe scit ab audientibus sive legentibus esse detegendum, & accipiendo tamquam falsum, non tamquam verum. Quare neque veritatem jocator hujusmodi ludet, neque proximum fallit; id eoque e Mendaciorum numero, joca ita composita excluduntur, & culps notam effugiunt. Verum in casibus a Pherepono propolis manifestissimum est, & decipi alterum, & veritatem ladi, & falsum ita enuntiari, ut mentiens directe aut indirecte velit alterum fallere. Ex hoc ipso, quod aliquis scienter falsum loquitur, falsitatem intendit significare: ideo completivum in definitione Mendacii ponitur intentio fallendi; sed quasi materiale falsa vocis significatio. Ita sanctus Thomas in 3. d. 38. 9. 1. Art. 1. in corp. Mendacium igitur in iis casibus locum habet, atque adeo turpidæ illa que Mendacium consequitur, inde excludi non potest. Sed, inquires, mendaci tunc nullus est nocendi animus, & Mendacium ipsum obesse per se ipsum nequit, nullaque alia homini via restat evadendi periculi. Quis de ita mentiente queratur? Cui injuria tunc infertur? At non solum animadvertisendum est, per illum semper noceri, qui mentiatur; mendax enim, quantum fert ejus actio, errorem semper & falsum in alterius ingerit aut vult ingerere mentem: sed etiam statuendum est, internam e Mendacio turpititudinem ex eo non tolli, quod neque sit in mentiente nocendi voluntas, neque vis nocendi in ipso mendacio, dum falsum enuntietur aitmo alterius fallendi. Nam ut ut concedamus, mentientela in eo casu, alterius vita, honori, ac rebus nihil officere, attamen juri ipsius Veritatis adver-

sa-

satur, quam ille, quantum in se est, offendit atque conculcat, & facit ut in proximo pereat. Eodem pacto invisum Deo pergit esse Adulterium cum femina, quamvis ipsius vir in eam actionem consentiat, & quamvis non aliter vel ipsius vita pericolo te eidem actioni subducere nequeas. Idem dicas de aliis operibus ac dictis, ex sua natura atque intrinsece malis, quæ illa ratione minime excusantur, quod neque alteri noceant, neque alia sit imminentis periculi effugiendi via. Recte propterea Augustinus Quæst. 68. in Levitic. Mendacium, inquit, non possumus dicere tunc tantummodo esse, quando proximus laeditur; quum enim falso ab sciente dicitur, procul dubio Mendacium est, sive illo quisquam, sive nemo credatur.

Quod si reponas, jocos etiam dari, quibus falsiloquium subest, atque intentio alterius fallendi: ego isthæc peccati nomine accusabo, quia tum re ipsa Mendacia erunt, & veritati inimica. Ubi tum quæso est evidenter illa ex pronuntiatione, atque ipso jocantis affectu significatio animi nequaquam fallentis, et si non vera enuntiantis, quam Augustinus comprehendit in reliquis jocis, a se excusat? Et revera sentiunt complures, iisque præstantes Theologi, inter quos sanctus Thomas, joca etiam, quibus Mendaci nomen convenire possit, referenda esse in catalogum culparum, modo quidem gravium, sed sere semper levium. Ipsem Augustinus post verba a nobis nuper recitata hæc addit: quo genere (jocorum) utrum sit utendum perfectis animis, alia questio est, quam modo endandam non suscepimus. Quibus ex verbis intelligis, vel ipsa illa joca, quæ sancto Augustino Mendacia non putantur, ejus gamen esse naturæ, ut jure dubitetur, num homini ad perfectam vitam anhelanti convenire possint. Quanto magis idem dicas de jocis intentione fallendi, & veritatis adulteranda causa prolatis, quæ revera Mendaciis accensenda veniunt?

Sed novam scenam, novam peripetiam repente hoc inducit Phereponus noster. Qui nobis nuper Augustinum exhibuerat nimis rigidiusculum in execrando quocumque Mendacio, en eundem cursus deprehendit mendacem, & quidem basilice. Nec putes, inquit Censor, qui usque adeo ab utili & necessario Mendacio abhorreve se dicitabant, tam rigidos fuisse veri satellites, ut numquam emolumenti causa mentiventur. Contrarium persuadent tota facta Miracula ad venerationem plebis quibusdam Ecclesis & Basilicis conciliandam, torque Rhetoricae fictiones, &c. Neque heic fistit acutissima Phereponi acies.

Causam quoque perspexit, quare tantum odium adversus Mendacium Catholici Episcopi pre se ferrent. Si licet, addit, id quod suspicamus proloqui, non alia de causa multi in licita Mendacia, qualia descripti, tam acriter invehebantur, quam ut possa in rem suam fructuosius mentiventur. Simpliciores enim homines non suspicabantur ab iis sibi fucum fieri, qui tam infensos profabantur se mendacio. Si & nobis licet heic, non quod suspicamus, sed quod nobis certum videtur, proloqui: dum hæc Phereponus ait, non bonum, sed perversum se prodit Criticum, ut gravioribus parcum nominibus in ipsum jure convenientibus. Age enim edicat nobis suspiciois iste vir, num inter Protestantes quoque Adulterium, & reliqua libidinis experimenta, Avaritia, fraus, aliaque ejusmodi sceleris locum habeant, aut umquam habuerint. Non negabit, puto; immo inter aliquos ex ipsis eorum Sacerdotibus atque Theologis, si verax esse amer, fatebitur istam pestem & olim, & nunc vivere. Atqui non dubito, quin si quoque Theologi tum voce tum scriptis in ipsissima illa sceleris invehebantur. Quæ si ita sunt, quid quæso reponeret Phereponus homini Religionis nullius vinculis obligato (quales fortasse multos ipse novit sibi vicinos) dicenti, non alia de causa Protestantium Pastores atque Theologos ea flagitia detestari, quam ut alienis feminis tutius abutantur, & fraudibus rem suam utilius promoveant? Ridet, irasciturve Phereponus. Nihil enim magis in comperto est, quam hujusmodi virtus & simul ab iis cognosci ac prædicari Deo rectaque Rationi invisa, & nihilominus vel ab ipsis noscentibus atque prædicantibus, virtus humanæ naturæ interdum eligi atque amari.

Eadem & Phereponus, & quisquis alias, de Augustino reliquisque Catholicis necesse est dicat. Objiciat ille nobis, quæcumque vult, Miracula facta aliqua religiosorum hominum Mendacia. In criminum istorum Authoribus damnandis, si qui sunt, nos quoque concordes habebit. At quo argumento persuadere sibi aliisque poterit, cum in finem Mendacia quilibet, tum ab Augustino, tum ab aliis Catholicis affectato odio fuisse proscripta, ut ipsi liberius deinde atque utilius mentiri possent? Homines fuere. Quam aliam queris causam, cur mentiti nonnumquam ex iis quidam fuerint? Scilicet meliora videmus, melioraque aliis suademus, ac deteriora sæpe nos sequimur. Quamquam quid dico? Quum mitiora semper sentire de omnibus hominibus nos jubeat recta Ratio, & prohibeamur suspicionibus nulla ratione

innixis alienam gravare famam; quanto minus id nobis licet, quum de Augustino, Episcopis, Theologis, aliquis tum sanctitate morum, tum doctrinæ soliditate eminentibus viris, sermo occurrit? Neque tanta simplicitas ac inopia mentis in Augustino ejusque similibus erat, ut Mendacia detestari, simulque in Religione mentiri tutum putarent, quum unus quispiam emunctæ naris homo posset sacrilegam fraudem reprehendere, ejusque auctores exhibilando detegere. Præterea neque tanta in iis malitia atque iniuritatis copia excogitari potest, ut qui publice prædicarent, uti magnum scelus (sunt hæc Augustini verba)

& primum gressus detestabilis mendacii, mentiri in Religione & pro Religione, hac arte eadem sibi tutiorem utilioremque ad men- tiendum viam aperirent. Demum quænam ab Augustino, illiusque similibus conficta Miracula Phereponus rite demonstret? Immo nemo acrius, quam sanctus Augustinus (quod & fecere ceteri Sancti Patres, atque Concilia) execratus est pias hujusmodi & factiles fraude. Videat igitur Phereponus, dum talia de tantis viris suspicatur, dumque adeo temere tam horrenda illis criminis affingit, cur perversi accusatoris nota inurendus non sit. Certe maligni declama- toris nomen non effugiet.

C A P U T XIV.

Criticæ Artis abusus non unus, & Pherepono potissimum familiaris. Quæ de conversione sua ad Deum Augustinus narrat, Superstitionis ac fraudis inique insimulantur ab eodem Censore. Depulsa ab Augustino inanis gloria questæ accusatio, a Pherepono in ipsum concinnata propter Libros Confessionum. Ejusdem Augustini virtutes & sanctitas variis Phereponi calumniis & sophismatibus erepta. In Mallio Theodoro laudando an excesserit Augustinus. Sinceritas ejusdem vindicata ab objectionibus Phereponi. Non in controversia cum Sancto Hieronymo, non in cooptatione sua ad Episcopatum, non in declarando Heraclio Successore suo Augustinus peccavit.

Sed quando in hanc arenam ingressi sumus, dimittendus tam facile non est Phereponus, majorique cura exigendus est ad normam Criticæ Artis homo ille, qui inter Criticos & Criticæ Magistros non bonam quidem, sed magnam sibi jamdudum comparavit famam. Criticam hec latiori significacione capio, quam ab Eruditis nonnullis captiatur; hoc est, eristicam Artem illam, studiumque intelligo, quo alienos in literis, sive in doctrina, errores acute investigamus, & reprehensos censoria virga percutimus. Id licitum, id honestum, id Reipublicæ perquam utile, simulque necessarium est. Nam unde tot errores, ac fabulae, & dogmata stolidæ, nisi e Criticæ inopia? Unde recti judicii, meliorisque eruditionis restituto, nisi e Critica restituta? Sed quasdam hujusce Artis leges ac præcepta percurramus oportet. Ejus finis est, Veritatem sive Theologicam, sive Physicam, Historicam, &c. invenire, & salutem perfsequi, aliquis vitandum ostendere. Sed tam sollicite cauteque Veritatem investigan-

da atque prodenda est, ut Christianæ simul Caritatis, ut Modestiae, ut Justitiae maxima ratio habeatur. Quâmobrem a maledictis & conviciis perpetuo abstinentum; calumnias non segnias quam pestis fugienda; hominem gravem ars mimica, virulentæ irritiones, declamationesque minime decent; in errores vero potius, quam in errantes dimicandum; tibique, vel quum triumphas de errore deprehendo, exuenda omnis ambitio. Non ira aliorum vituperationi insistere, ut quæ in adversario laudem promerentur obliviscaris, multoque minus in illius probrum retorqueas. Tum dumtaxat acri ac subirato stylo aut venia, aut licentia erit, quum in perditos, impios, & effrontes, sive iniquitatis, sive impietatis sibi nota amatores, & in apertos calumniatores, hoc est, in conclamatos aut Religionis veræ, aut veritatis, aut virtutis hostes, pugnandum erit. Ceterum placide agere decet aduersus illos, quos non perversus animus, sed humani intellectus atque naturæ infirmitas,

a bo-

a bono & vero deviavit. Quo modulo si quando uterum, tum potissimum uti opus est, quum accusandos & corrigendos suscipis magnos, celebresque viros; & tum quoque lenitati adjungenda, reverentia erit, quum Christianæ Religionis Paribus, & Episcopis, non doctrinæ minus quam sanctitatis fama per omnium ora commendatis, dicens dies erit, veritatis causa id exigit nonnumquam. Ita veritati laboranti simul succurras, ut neque tuæ, neque aliorum dignitati quidquam detrahatur. Si securus fiat, non perversæ tantummodo indolis, & ambitus, & malevolentia, aliorumque vitiorum specimen dabis, sed ipsam plenumque Veritatem, ut ut solertissime queras, in itinere perdes.

Atque hæc quidem præcipue forsitan leges morum in Arte Critica, quas nunc, ut puto, nihil interest rationibus, aliis documentis confirmare atque tueri. Juvat potius experiri novis exemplis, num Phereponus sicut heic prodiderit Criticum, qualem postulat recta Ratio. Narrat Augustinus Lib. 8. Cap. 12. Confess. improvisa vocis *Tolle, legę, tolle, legę*, admonitione totum se fuisse conversum ad Deum. Primo Superstitionem Ethnicam, ex fortuitis vocibus omnia captantem, reperit heic Phereponus. Deinde subdit, si cui singulari providentia divina id factum videatur, oportere ut ostendat, opus fuisse ejusmodi Miraculo, quo Augustinus intelligere posset sibi legendam Scripturam sacram, ut ex ea resiceret, quid sibi agendum esset. Quod quum quotidie audiret a Catholicis, non videt Censor, cur confundendum sit ad miraculum. Tandem ait, Rhetorem nostrum omnia exaggerare, quibus persuadere poterat, non agi heic de homine vulgari, sed singulari vocatione diripiuit ad Ecclesiam affectio: quæ tamen ex aliis calamo rectius fluxissent. En ergo Augustinum superstitiosum, dum omnia caprat; enridendum, quod fortuitam vocem audiens, Miraculum putet, atque id aggreditur, quod tam cœbæ Catholicorum adhortationes obtinere ab ipso nondum quiverant; en denique Rhetorem, & callidum quidem, qui omnia exaggerat, ut se tamquam cœlestem hominem venditet.

Gratiæ Pherepono, qui non & impostorem, fictaque narrationis propolam nobis heic Augustinum exhibuerit. Sed postquam ne ipse quidem Censor ea usque progredi est ausus: oculos mentemque omnium appello, ut perspiciant, quibus oculis hunc Augustini locum Phereponus legerit. Improvisam illam vocem audit Augustinus, ignorat auctorem; & dum Concupiscentia, divineque Gratia

pugna in ejus corde acrijs astuaret, vocem ipsam interpretatur tamquam divinum oraculum, quod ad repetendam sacrarum Scripturarum lectionem incitetur. Paret inspirationi, perculsusque Apostoli verbis, sibi primum forte objectis, totum se Deo exinde dicat. Hæc narratio Augustini. Quid heic quæsto Rhetorici artificii? quænam exaggeratio? quænam calliditas? Lege verba Augustini. Historicam narrationem puram putam illic deprehendes; quam si veram putas, mirum est quei accusare possis Rhetorico aliquo colore sive figmento corruptam. Sed virtus vertendum est Augustino, quod talia narret, quum hæc rectius ex aliorum calamo fluxissent. Ipsum Augustinum nequaquam dedecuisse hujusmodi narrationem, ille idem fatetur, qui adverbio *rectius* est usus. Multoque magis id perspiciet Lector, nihil in ea narratione inveniens, quod laudem Augustini vel leviter insinuet. Non suas illuc virtutes, non sanctitatem, non Miracula evidenter commemorat ille; sed forsan tantum vocem, unde consummata est conversionis sua, dicit se acceptam retulisse singulati divina Gratia auxilio. Quis hominem arguat, quod misericordias Domini in æternum cantet? *Ignorare tua bona*, utar Erasmi verbis in Præf. ad ipsas Confessiones sancti Augustini, *stupiditatis est; non praedicare Domini benicitatem, ingratitudinis est; non expendere in utilitatem proximi, quod accep- peris, impietas est.* Visiones ac revelationes propheticæ, calo auctore, experti sunt clarissimi & sanctissimi viri; iudicemque etiam evulgarunt. Vide Ignatii Martyris Epist. ad Philadelph. & Dionysii Alexandrini Epistolas apud Euseb. & Cypriani loca multa a Dodwello collecta, & Ambrosii Epistolas, ut alios omittam testes, quos bene multis in hæc & similia haberem.

Inquit autem Phereponus, non videre se, cur confundendum heic sit ad Miraculum, quum prodigio nihil opus esset, ut intellegeret Augustinus sibi legendam esse sacram Scripturam, quando toties id a Catholicis audiverat. Neque videt acutissimus iste Censor, quam inter se differant, nosse utilitatem ac necessitatem cœlestis illius lectionis, & ad ipsam lectionem fæsi re ipsa convertere. Nemo nostrum ignorat, quam periculosa sit ac misera peccatoris servitus; & non exinde tamen ad sortem honestatemque justorum consurgimus. Illud facere ad intellectum, hoc ad voluntatem spectat. Tum vero ipsa quoque voluntas vincula disrupit ac abjicit, quum interna Dei Gratianos adjuvans Concupiscentiam vincit, tormentemque animum fortiter ad se rapit. Innumeris

meris autem modis aversos a se homines Deus ad virtutem vocat, atque perducit. Non fuerit Miraculum id, quod Augustino contingit: num propterea non licuit Augustino insuetam illam ac repentinam vocem singulari providentia Dei tribuere, quæ illum juberet consulere Codices sacros? Numquid nefas fuit interpretari tamquam peculiare Dei munus, in ea Apostoli verba statim incidisse, quæ morbum Augustini protinus ac tandem consecere? Immo & Christianæ pietatis est, & humilitatis, hæc ita interpretari, totumque hoc tribuere immensæ Numinis clementiæ. Atque ita saceret quicunque alius sana doctrina ac Religione vera imbutus, & a Phereponi schola alienus, eodem loco fuisset, quo Augustinus, dum sibi non absimilia contigissent.

At quod magis prodit, Phereponum unice illuc inhiare, ut quantum fieri potest, in Augustinum congerat probra, illud est, quod primo loco objicit, nempe opus hoc Augustini redolere Superstitionem Ethnicam, ex fortuitis vocibus omnia captantem. Utique in nullius animum umquam tam delicata religio intravit, ut Superstitionem atque Ethnicismum objiciendos heic putaret Augustino. Ideo Ethnicam aruspiciam, & omnia Gentilibus dudum usitata, neque satis adhuc e medio sublata, nos exscramur, quia e caussis omnino incongruis ediscere se posse homo putat futuros rerum eventus Deo soli perspectos, & curiositate perversa ac temeraria ad ominandum, auguriisque fidem habendam, se abripi sinit; & Superos ipsos hujus delirii sui autores sibi aliisve fingit. Quid simile in Augustini facto? Hinc tumultus Concupiscentiæ, illinc dulcissima Gratia vox incertum & anxiū faciunt. Ad inopinatam illam vocem suas aures percipientem assurgit Augustinus; eamdem pro cœli causa interpretatur; ad legendas Pauli Epistolas accurrens locum sibi opportunissimum ostendit; & fructus interpretationi responderet. Curiositatem nocentem heic mihi, si potes, inveni; aut caussam prorsus ab effectu absconam; aut in interpretante stoliditatem, immo propriam aliquam ominis faciem. Compertum habemus, Deum velle nos omnes salvos facere, ipsumque adeo quorundam salutem conversionem curare, ut eos non internis tantum externisque stimulis, sed patentibus prodigiis ad se rapiat. Vim quoque adhibuit Saulo spiranti minas & cœdem in Discipulos Domini. Alios etiam ad Episcopatum, ad Eremum, ad Monasteria, ad bonam denique frugem hujusmodi arte solicitavit, quorum exempla si congerere huc velimus, facile abutgecum Lepto-

rum patientia. Ipse Augustinus memorat hoc loco sancto Antonio Anachoretæ similia contingisse. Quapropter eti ne tam aperta quidem sit plerumque vox cœli in hisce circumstantiis, attamen pie sapienterque id perpetuo faciunt, qui ita omnes eventus interpretantur, ut sibi persuadeant, se per illos divinitus a peccato revocari, & ad justitiam amorem impelli. Tantum proinde abest, ut superstitione laborarit, quod Augustinus egit, ut contra commendandus sit, quod e voce, si ita etiam vis, omnino fortuita, occasionem arripuerit instituendæ vita Christianæ. Atque utinam Augustinum in pari casu imitarentur cœlo obsequenter, qui cumque eum imitantur contra cœlum peccantem.

Quid mibi est ergo cum hominibus, ut audent Confessiones meas, &c. Sunt verba Augustini Lib. 10. Cap. 3. Confess. Ansam hinc sumit Phereponus carpendi Augustini, quod Confessionum Libros scriperit: Sunt qui suscipiuntur (Censoris verba sunt) quum multa Augustino, ob priorem vitam, ab adversariis, quos non paucos habuit, objicerentur, eum Confessiones hæc scripsisse, quasi Apologiam quamdam obliquiorum, in qua fatetur, veluti apud Deum, quod negare non poterat, cetera vero pretermitteret, aut emolliret, & quacumque ad honorem suum facherent, quasi aliud agens exaggeraret. Quae suspiciones, quamvis forte iniquiores sum, ex iniustitate tamen non suntur ratione, qua Augustinus cum Deo garris, atque argutatur, Rhetoricoque fuso, quo picke sunt hæc Confessiones. Mirabar, si non & heic Rheticorum fucum Augustino Phereponus objiceret; intercalaris quippe hæc apud illum illum accusatio necesse est, sive opportuna, sive inopportuna, saepe recurrat. Sed quinam sunt isti, quos talia de Augustino suspicari Phereponus ait? Ego neminem alium novi præter Erasmus, qui in Praefat. ad Libros Retractat. & Confess. aliqua hujusmodi suspicionem semina iniecit, inquiens, Augustinum tam diligenter in Confessionum Libris vitam omnem suam depinxisse, ut iniquior aliquis suspicari possit, non prorsus absuisse humanum affectum περιστολη, ieu φιλανθρωπια cuiquam affinem. At Erasmus ipse, quamquam homo prurientis linguae, multus est in purgando Augustino ab ista accusatione, idque tam solide atque ex animo facit, ut laudatorem eximium, non vituperatorem Augustini se heic præstet. Quinam ergo sunt ii, quos non solum suspicari posse, ut Erasmus ajebat, sed vera nunc suspicari, Phereponus fatetur, latere simul atque apparere ambitionem Augustini in Confessionibus istis? Patiatur ergo

Phereponus, heic non aliorum; sed meas me quoque profere suspiciones. Si Phereponum excipias, nemo talia de Augustino est suspicatus, sive suspicatur. Rheticus iste color est, quo invidiam Augustino conflare se posse putavit Phereponus, simulque a se amo-
biti injustæ criminationis, malignique judicii invidiam. Nempe qui toties, atque ini-
quissime, Rheticam Augustini culpat, sub-
inde religioni sibi non ducit, ejus Artis co-
loribus abuti, ut sanctissimum & clarissimum
vixim infamia oneret.

Habemus ipsos Confessionum Libros. Huc volo sinceros judices. Ego vero nihil dubito, quin cordatus quisque sentiat ac fateatur, longe nimium abesse Augustinum eo in Opere ab inanis gloria siti, atque ab amore sui. Immo paucos mihi ostendas Libros, quibus in amorem Dei vehementius excitentur legentium animi atque affectus. Ad hac passim, & minime conquista modestia, & germana humilitas, & servens pietas Scriptoris eluent, ut pius quemque simul adficare soleant, & impios convertere ad Deum possint. Nulla autem minus æqua, immo magis perfidiosa suspicio est, quam quæ sibi singit, Augustinum conscribere ista voluisse, partim ut nonnullis, quæ sibi obiciebantur, enarratis, certa aut prætermitteret, aut emolliret, & partim ut quæcumque ad honorem suum facerent, quasi aliud agens, exageraret. Necesse est enim, qui ita suscipiantur, judicium totius antiquitatis de Augustini pietate damnet, & oculos omnium rideat, qui in ejus Libris Scriptorem sanctissimum, & pietate nulli secundum adhuc inveniunt. Deo, non hominibus, loquitur prius ille vir in Confessionibus; Deo, inquam, ut Erasmi verba describam, confitetur, cui men-
tiri nec pius est, nec tutum. Ergo Augustinus, si suspicionem Phereponianam auful-
tam, credidit, se Deum atque homines decipere posse Confessionibus illis. Horret animus talia cogitare de tanto viro, & de Libris iis, qui contrarium omnino sonant. Sed ipse quoque Phereponus iniquitatem suspicionis istius tandem agnoverit & confessus est; nam postquam temperare sibi non potuit, quin adderet esse multos (quinam quæsto?) qui φιλαυτίοις ingentem, religionis specie-
tatem, heic videre se putant; subdit tamen, hofce homines ex eorum numero esse, qui sunt prioniores ad male judicandum; & ni-
miam indulgentiam potius, quam nimiam severitatem, heic esse adhibendam. Quo verborum lenocinio, siveoque Rheticu quid' aliud vult Phereponus, quam uno eodemque tempore calumniari, & calumniatorem pa-
rum intentis oculis subducere.

Nunc autem repetendum est, iagenii malevolis, & affectu occæcatis nihil æque facile occurtere, quam omnia adversariorum dicta & facta in deteriorem partem accipere, & denigrare, & ridenda exhibere. Quantum id ablit a Christiana Caritate, a Justitia, atque a legibus germanæ Criticæ, nemo probus atque eruditus est, qui non e vestigio intelligat. An id Phereponus ignoret, non quaram; certe se heic ignarum hujus doctrinæ apertissime prodit. Et quod magis mirere, in hoc eodem loco Phereponus, Magistrum Evangelii agens, meminisse nos jubet, in Evangelio, ejusque auctore Christo, querendam esse vivendi normam, non in hominibus. Utique optimis suis præceptis pesime homo iste utitur, qui tot calumniosis suspicionibus, tantoque livore famam Augustini aggreditur, judiciumque ceterorum hominum despiciens, in eodem facinora & via aut prætermissa, aut emollita singit, & hanc ipsam, aliasque accusationes sub alieno nomine perquam subdole proponit. Neque accusationibus contentus, fannas derisionemque adjungit, inquiens, Augustinum in usitato modo garris cum Deo, atque argutari. Sed ab hujusmodi ingenii cavcant sibi Job, David, ceterique Prophetæ; non enim video quid impedire id genus homines amplius possit, quominus & iis divinis Scriptoribus cum Deo differentibus insultent, aut exemplo sint aliis, ut insultent, quando sibi jam licitum censem irridere Augustinum tam piis affectibus cum Deo colloquenter. Ego multa hic pro Augustino afferre possem; sed tantummodo rogabo Phereponum ipsum, ut Christiano pacatoque animo legat, quidquid idem Augustinus ad alios calumniatores obtrectatoresque suos respondit variis in locis, sed potissimum Enarr. 3. in Pl. 36. & Lib. 3. contra Epistolæ Periliani. Nisi enim tum incipiat & minus amare se metipsum, & magis revereri pietatem ac modestiam Augustini, aut unus ipse sapere dicendus erit, aut de illius ingenio erit prorsus desperandum.

Levissima tamen videantur hactenus memorata, si cum iis conferantur, que Criticus iste habet ad Cap. 38. Lib. 10. Confess. Miratur (pag. 476. Animadverf.) Augustino in mentem non venisse, fore ut Donatistæ, Manichei, aliqui ejus adversarii dicentes, eum non displicere sibi, qui tamdiu non tam apud Deum, quam apud homines, de se & suis loquatur; & dum gravia peccata, que negari non poterant, aut minutiora ambitione prosequitur, laudes suas interea minime omittit. Miratur etiam, eum veritum non esse, ne iides adversarii heic desiderarent

con-

confessiones eorum; que Baptismum ejus sequuta sunt, & que in ejus vita habentur. Tum laxatis habenis acris urget Augustini famam, inquiens, malignos homines facile dicere potuisse, non esse mirum, si Arti Rhetoricae inter pueros venditandae valedixerit, ut maiorem utilitatem, amplioresque honores in Ecclesiasticis muneribus sibi quereret, & ambitioni sua atque impotenti cupiditati inserviret. Fuisse etiam, cur a Deo veniam peteret, quod sacras Scripturas interpretari sit agressus, & tot volumina de iis scribere, quum necessariis subsidiis caret. Quod si paupertatem, aliasque virtutes Augustini quisquam memorasset, iidem dixissent, partim simulatas fuisse, partim falsas; ipsumque Augustinum iis artibus ad summam irrepsisse potentiam, quibus alii illustres utuntur. Et haec quidem maligni illi homines dixissent, aut dicere potuerint; nam quod est ad Phereponum, quamquam is accusationes hafce proponat, tetricissime coloribus pingat, atque amplissimo sermone prosecutatur, non iis tamen fidem habet. Ad me quidem quod attinet (postrema sunt Phereponi verba) ut non sum credulus ejusmodi criminationibus; sic non diffitor me defensiones Augustini hisce de rebus, libenter lecturum fuisse.

Modestiam hominis hujus erunt forte qui mirentur; ego Rhetorican potius, illiusque articia. Sed libentius quoque, quam Phereponus, legerem fateor, qui haec adeo ingeniosa oratio a maledicentiae, & quidem impudentis, culpa excusari atque defendi possit. Nisi nos cucurbitas ille velit, sciat nos probe intelligere, Phereponum eum esse, qui hec alienis verbis Augustinum acerbissime criminatur, atque etiam tacite significat, nihil magis sibi cordi esse, quam jure vel injuria, opportunis atque inopportuniis locis, & cum propriis etiam famae periculo divexare nomen ac libros sanctissimi hujus & incomparabilis viri. Verum quis hominem ferat tam iniquis armis infidantem Augustino? Si ex ejus sententia maligni tantum homines haec dicere potuerint, quo nomine ipsum compellabimus, qui has accusationes & revera struxit, & callide prononit atque inculcat?

Rem tamen ipsam levi brachio attingamus. Quæ hec Augustino opponuntur, objicere potuerint Manichæi, Donatistæ aliique ejus adversarii, si Pherepono credimus. Potuerint, puto; nam quid odium & ira comminisci, & eructare non possunt? Non tamen objecerunt, quamquam irati, quamquam in Augustini vitam, nedum famam furiose animati, quamquam aliis in ipsum

accusationibus usi. Cur tanta in iis temperantia, atque modestia? Non alia sa- ne de caussa, quam quod Haereticis iis in mentem venire non potuit, criminationibus ejusmodi speiem aliquam veri subesse. Et cur desiderarent ab Augustino confessionem eorum, que post ejus baptismum sequuta sunt, quando nihil audire poterant, quod in confitentis gloriam non concessisset? Novus campus carpendi Augustini Pherepono fese aperuisset, si ea quoque facta, quæ certe laude non caruissent, prosequitos fuisset Augustinus. Sed ab aliis fese dicat jam Phereponus. Multis crimibus objectis Augustinum Petilianus Donatista etiam invaserat. Ad eum palam haec inter cetera vir piissimus respondebat Lib. 3. Cap. 2. contra Lit. Petil. Jam quod sequitur, et si mihi non audeas coaptare ut dicam: Nihil enim mihi conscius sum: fidenter tamen in conspectu Dei ait, nihil eorum, quibus Petilianus tempus vite meæ, posteaquam in Christo baptizatus sum, crimatus est, mihi conscius sum, &c. Infra idem repetit Cap. 10. & in suæ innocentia testimonium fidenter appellat quocumque sua vita consciens habere poterat. De tempore, ait, vite meæ, quod est post Baptismum, vobis quicumque me nostis, superfluo loquor ex eis, quæ nota esse hominem vobis possum. Hi vero, qui me non noverint, non ita iniqui esse debent in me, ut magis de me credant Petilianum, quam vobis.

Quod est ad accusationem Augustini Scripturas sacras interpretantis, respondebimus infra; uno quippe ictu totum sanctorum Patrum chorun, & universa antiquitatis ingenia, Phereponus noster heic ferit. Quum vero ille, sive maligni nescio qui homines Phereponi ore loquentes, nil mirum esse dicunt, Augustinum valedixisse exiguis Rhetorice Scholæ emolumentis, ut in Ecclesia, hoc est in ampliore theatro, uberiorique cum fructu Artes ipsam exerceret, suæ ambitioni lora felicius laxaret: superfluum puto calumniae & maledicentia notas in ista accusatione conquirere, quipps id in omnium oculos incurtere mihi videtur. Diceres, mirabili ingenio Augustini expellendæ famis defuturam fuisse rationem, nisi ad Ecclesiastica munia sibi aditum aperuisset. Nemo est tam parum in Augustini vita versatus, qui nesciat, quam longe vir ille piissimus abiit a pravis hisce affectibus, & cur magisterii Mediolanensis onus abjecerit. Reputata autem Africa nihil ille antiquius habuit, quam seculares curas, atque omne honorum genus effugere. Suis facultatibus in pauperes distributis Monasticam vitam amplexus est, iezuiani, orationibus, bonisque ope-

operibus vacans, donec post exactum triennium in eo sanctissimo vita instituto, invitatus, & nihil tale cogitans ad gradum Presbyteri ab universo Populo raptus fuit. Episcopatus sarcinam relutans deinde suscepit; quo in munere quādiū vixit, eam sanctitatem morum, fugam divitiarum, continentiam, humilitatem, zelum, aliasque virtutes in se conjunxit, ut facile mirari debeas, difficile vero possis imitari.

Sed vide, qui se ab adeo evidenti luce Phereponus expediat. Ea, inquit, maligni homines dixissent, partim simulationem esse, partim satis esse divitem, qui haberet, quod aliis largiretur, &c. Malignos utique ac effrontes esse necesse est, qui talia blaterant, & quicumque alius non solum ista in Augustinum confingere non erubescit, sed etiam placido animo tantam veritatis injuriam proferre sustinet. Cedo tabulas, testes, argumenta, quibus accusationem hanc fulcias. Ciceronis verba sunt in Orat. pro M. Cœlio: *Altud est maledicere, aliud accusare. Accusatio crimen desiderat, rem ut definiat, hominem ut notet, arguento probet, teste confirmet.* Heic certe nihil habent, quo maligni criminationem confirment; immo innumerā sunt nobis, quæ accusatoribus os obstruant. Et illud in primis certum est, simulatorem virtutis, non eo pietatis, humilitatis, ac veritatis affectu scripturam fuisse, quæ ubique legimus in Augustini Libris, neque factum, quæ ab Augustino facta fuisse dubitat nemo. Sed, ut vetus verbum habet: *Nil probat calumniator, criminatur omnia.* Interest autem hominum omnium non ferreludibrium tale veritatis, & alienæ famæ; quotus enim quisque in posterum erit bonus, pius ac honestus, quem dejicere de loco, & execrationi quodrumcumque exponere non valeas, si hypocrismus ac simulationem Virtutis, quando aliud non occurrit, objicere & promtum sit, & non illaudabile? Attamen habet heic Augustinus, quo se consoletur, exemplum videlicet divini Salvatoris nostri, quem paribus calumniis excipiebant olim Pharisei. Quale vero exemplum habituri sint hujusmodi Censores, quo se defendant a crimine Sycophantiae videant ipsi. Ego non video.

Neque parum lepida est Phereponi exceptio contra Augustini paupertatem. Satis divitem fuisse, inquit, qui haberet, quod aliis largiretur, & inde tantum sibi sumeret, quantum vellet. Honestissimæ & Christianæ paupertatis idea caret, qui hæc scribit. Dives ille profecto dicendus est, Christi sectator, qui, ut Minutii verbis utar, non eget, qui non inbiat alieno, qui Deo dives est. Hic,

inquam, dives germanam in se paupertatem sovet; nam non opum defectus, sed animus pauperem facit. Homo videlicet nihil cupiens, necessariis tantum contentus, & parcus sibi, & in egenos effusus, & pro Christo nihil proprium possidens: ille vere est pauper. Et mirum est, qui Phereponus, ab aliis Novatoribus discedens, non solum non damnat mendicitatem Monasticam, sed eamdem quoque talem exigit, ut nihil habeat pauper Evangelicus, quod aliis pauperibus distribuat. Quasi non habuerit Christus, non habuerint Apostoli, quæ sibi ad victimum atque vestitum necessaria forent, & quæ egenis identidem dispensarent. Episcopum vero in primis hospitalem Paulus desiderat: quod fieri nequit, si nihil ei superfit in alios distribuendum. Illud etiam constat, Episcopos, non Dominos, non possessores esse honorum Ecclesiasticorum, sed ministros atque oeconomicos, eorumque Caritati potissimum commendatam esse pauperum curam. *Gloria Episcopi est, pauperum inopia providere,* inquit sanctus Hieronymus ad Nepotian. de Vita Cler. Quia ergo ratione Phereponus & paupertatis gloria Augustinum spoliat, eumque non patitur aliquid habere, quo hospitalem se præbeat, & aliorum indigentia succurrat? Minus autem excusandus ille mihi videtur, dum & legere potuerit, & falsi arguere non potuerit, quæ de Monastico Augustini instituto, vel post Episcopatum servato, scribit eruditissimus ille Monachus Benedictinus e Congregatione Sancti Mauri, cui debemus novissimam & accuratissimam Vitam Augustini. Liceat mihi pauca quædam describere, quæ ille ex variis documentis collecta habet. Lib. 3. Cap. 1. §. 8. *Quum Augustinus in Episcopii domo secum Clericos suos haberet, cum iisdem formam primorum Christianorum Hierosolymis degentium, quibus erant omnia communia, nihil proprium, quantum poterat, se etabatur. In illius societate nulli licebat suum aliquid dicere, sed omnia omnibus erant communia;* & quotquot in eam admittebantur, hanc sibi legem sciebant impositam, &c. Sic omnes Clerici cum eo pauperes erant, simul praestolantes misericordiam Dei ex redditibus possessionum Ecclesie; vel ex oblationibus fidelium, que singulis pro cuiusque indigentia distribuebantur. Lege reliqua, uti & Cap. seq. 3. & 4. tibique palam fiet, quantum alienus ab omni cupiditate Augustinus foret, & quam præter jus, quamque inopportune Phereponus virtutes illius suspectas heic facere velit.

Pergit Censor gnaviter querere, ubicumque potest, Augustini crimina, & ubi non invenit, liberaliter ipse somniet, ac facit.

In Animadves. ad Lib. 1. Cap. 11. de Ordine pag. 478. vellet ille nunc extaret Opusculum *Theodori de origine & natura mundi*. Cur natum sit Pherepono tale desiderium, divinente quoque eruditio. Omnia puto exco-gitabunt; sed germanam fortasse causam non attingent, quam tamen sincerissime nobis Censor exponit. Ex eo enim, inquit, intelligere liceret, an heic ei aduletur (quod sane suspicor) Augustinus, pro more seculi sui, quo, si tamen alias, immodeca laudes in usu vulgari fuere. Votum profecto dignum tali Critico, ut si non aliunde certi, nimiumque certi essemus de illius odio atque livore contra Augustinum, facile vel ex hoc vestigio intelligere possemus. Et quænam tandem sunt, quæ heic Pherepono suspicionem adulacionis ingessere? De Theodoro hæc scribit Augustinus: *Vix & ingenio, & eloquentia, & ipsis insignibus, misericordibusque fortune, & quid ante omnia est, mente praestansissimus Theodorus id agit, ut & nunc, & apud posteros, nullum genus hominum de litteris nostrorum temporum juve conqueratur.* Dic obsecro, quid heic feriat Lectorem vel delicatissimum? Etiam si incomparabili ingenio, studioque litterarum non excelluerit Theodorus ille, nihilominus ea est ipsi ab Augustino tributa laus, ut neque laudatorem pœnitere, neque laudato pudorem incutere deberet. Ad hæc non alius est hic Theodorus, quam Fl. Manlius Theodorus, qui a Claudio & Symmacho summis extollitur laudibus, & eloquentia potissimum ac eruditionis gloria commendatur. Memorat ipse Phereponus Dissertationem Rubenii de Vita istius Theodori, quo ex libello elucet, quantus vir, quantusque Philosophus ille fuerit. Sed præcipue legendus est ejusdem insignis Panegyricus inter Claudiiani Carmina. Atamen ne quid heic dissimilem, illustrem egomet auctorem Pherepono indicare volo, hujusmodi suspicioni faventem. Is Augustinus appellatur, Episcopus Hipponensis, cujus verba sunt Lib. 1. Cap. 2. Retra&. Difficit autem illuc (idest in Libro de Vita beata), quod Manlio Theodoro, ad quem Librum ipsum scripsi, quamvis docto & Christiano viro, plus tribui, quam deberem. Sed hinc volo Phereponus ipse discat, num pronus ad assentandum foret Augustinus, & an parum rigidus sei ipsius censor esset, quando ne hic quidem sibi ignoscit. Equi autem ac honesti Critici erat, ex hac potius retractatione capere consilium laudandi Augustini, quam ex elogio illo occasionem arripere virtuperandi. Quamquam quid dico? Ita me Deus amet, elogium illud retractandum Augustino non erat, quara tale sit, ut lividis gaptummodo hominibus assentatorum videri possit. Et re-vera ab Augustino improbatum minime fuit. Retractionum verba cadunt super Librum de Vita beata inscriptum ipsi Theodoro, non super elogium Theodori in Lib. 2. de Ordine insertum. Deinde nihil aliud emendare in animum induxit Augustinus, quam quædam in Præstatione ad eum Librum de Vita beata non satis graviter dicta, quæ cum delicate pietate non bene componi posse putabat: cujusmodi sunt: *Ad id, quod desidero (hoc est ad obtainendam vitam beatam) te unum intueor, teque aptissimum semper admiror, &c. Accipe, cujusmodi auxilium abi te certus exspectem.* Eadem repetit infra, inquietus, *Obosecro te per virtutem tuam, per humanitatem, per animarum inter se vinculum atque commercium, ut dexteram porregas.* Hoc autem est, ut me ames, & a me vicissim te amari credas, carunque habebis. Quod si impetravero, ad ipsam beatam vitam, cui te jam hævere presumo, parvo conatu facilime accedam. En quæ Augustino Librum illum emendaturo non amplius ferenda videbantur. Nam ad ingenium ac eruditionem Theodori quod attinet, nihil in eo Libro Augustinus habet, quod spongea indigeat, quum & in Retractionibus ipsum Theodorum doctum & Christianum virum appellare pergit. Eademque de causa in retractandis Libris de Ordine obelo nullo confixit Augustinus memoratum elogium Theodori, confixurus, si per illud veritatem læsam animadvertisset. Præstare tamen nolim, placitura hæc esse Pherepono, quando ne ipsi quidem Retractionum Libri ab eo gratiam iniere. Pag. 484. Animadv. ad Lib. 2. Cap. 29. de Genesi, Locos, inquit, Lib. 3. de Lib. Arb. inditos pretermisit Augustinus, dum alios, qui multo minus torqueri poterant, explicat. Quia in re an ars aliqua fuerit, judicent alii. Candorem quidem & modestiam præ se ferant Retractiones; sed debent ingenio fieri, retrahatis, quæcumque falsa putantur, non paucis quibusdam exigui momenti, relictis gravioribus, ne forte adversarii objicant se similia sentire. Sed Augustini animum noverat Deus. Tria contingere heic potuere. Primum est, falsa in Augustini Libris ea non esse, quæ nunc falsa Pherepono videntur. Proximum est, etiam si Veritati ea aduersentur, Augustinum tamen id nequaquam animadvertisse. Tertium denique, animadvertisse quidem, sed noluisse retractare, atque corrigere. Catholicorum sententia est, Augustinum in doctrina de libero Arbitrio nequaquam aberrasse; sed quando Censori nostro, non

non secus ac Pelagianis tum antiquis, tum recentibus, aliter ysum est, nos in iis in felicitatem ac tenebras ingenii misereamur, perversam voluntatem non facile accusemus. Errant nimis, sed se errore duci non putant. Catholicos contra in errore versari sibi persuadent Pelagiani; sed & ipsi nos contra votum nostrum cæcute intelligant. Nam & Justitia & Caritas poscent, ut in iis similibusque questionibus contra animi sententiam a Veritate deflexisse putetur, quisquis deflectit, nisi aliter credere nos jubeant contraria argumenta. Atque ita sane de Augustino credendum, si etiam fateantur, quibus Augustini doctrina quælibet nondum probatur. Nam quis in animum inducat, usque adeo desipuisse, & a rationis atque conscientia legibus descivisse Augustinum, ut sciens prudens erraverit, erroresque in Religione turpissimos ac pernicioſissimos agnoverit quidem, sed venditare perrexerit? Necesse plane foret, virum excogitare basilice impostorem, ac postrem iniquitatis rerum.

* (Attamen), si quid intelligimus, non alio collineant Phereponi tela, quam ut Augustinum nobis exhibeant hominum nequissimum. Callidissime nempe dubitare Censor nos vult, an ars aliqua in Augustinianis Retractionibus fuerit; ingenuitatem ibi desiderat: & Augustini animum ita in medio relinquit, ut suspicari possimus, num Veritatis amore, an consilio illudendi orbis, Retractationes scripsit, videlicet ut solis exigui momenti erroribus disjunctis, eam sinceritatis famam sibi pararet, quæ fidei postea apud praesentes ac posteros conciliaret gravissimis erroribus intactis, sibique probe perspicis. Evidem non dubito, quin atrocitatem suspicionis five calumniæ istius quisque intelligat, simulque miretur, quei Batavo, seu Helvetio homini tanta adversus Augustinum confidentia esse potuerit, ubi non de opinionibus, sed de interno Augustini animo res agitur. Quas enim Criticas leges heic pro se Phereponus laudet, contra clamoribus cunctis Justitiae, Caritatis & Honestatis legibus? Quia argumenta adhibere potest, ut crimen temeritatis atque improbaratis sese absolvat? Neque vero tam sibi, atque Dialetica oblitum ipsum reor, ut ideo Augustinum fraude hac usum fuisse argumetur, quia uti is potuit. Nullum crimen esset, cuius & ego reum facere Phereponum, & quemcumque alium deinceps non possem, si vim ullam habere deberet iniqua adeo at-

gumentandi ratio. Conscientia ergo sue Phereponus consulat, redeatque illuc, ut tantummodo dicat, errasse Augustinum. Errabit vel sic quidem talia affirmans accusator, mea & omnium Catholicorum sententia; sed infamiam saltem evadet, quæ nunc inurere dum vult Augustino, nescio qui delinare ipsa jam possit.

Auctor est Augustinus in Epist. 71. o. im 10. quæ est ad Hieronymum, Episcopum quemdam, quod utens Hieronymiana sacrorum Codicum interpretatione dictiōnem unam aliter exposuisset, quam antiquus mos haberet, ingentes excitasse turbas in populo, ita ut coactus denum fuerit velut mendositatem corrigeret, volens post magnum periculum non remanere sine plebe. Insurgit heic Phereponus, & inquit pag. 491. *Mala sane fuisse Afræ plebs, quæ tantilla de causa Episcopum suum deserere parata fuit; sed videretur esse, ut probe olficiet Hieronymus, fabella Punica, quæ hominem terrere voluit Hipponeñsis Episcopus.* Evidem in istam controversiam ægre me rapi sentio, quam non ita dirimere pro uno possum, ut alterum simul non arguam & culpem. Immo liceat mihi dicere, aliquid habeo, quod illic tam in Hieronymo, quam in Augustino desiderem, sive statum controversia spectem, sive modum. Attamen quod est ad narrationem Augustini de Episcopo illo in discrimen adducto ob interpretationem Hieronymi, nihil me solicitat, quod ipse Hieronymus ad Augustinum ea de re scribens, inquit: *Hujuscemodi in Epistola tua texis fabulam: Quidam frater noster Coepiscopus, &c.* Novimus Hieronymi viri aliqui sanctissimi stylum aculeatum, stylum irarum plenum, ac potissimum dum sibi pugnat. Quid mirum, si irato serventique viro excidit, hujuscemodi exceptione se suosque Libros, & utilem certe laborem tueri? Cordatus nemo propterea credat, Augustinum fabellæ atque imposturæ tam gravis in Hieronymi caput-auctorem. Quod vero tolerandum fuit in Hieronymo ægre ferente, optimum consilium suum pessime acceptum ab Augustino fuisse, id nescio qui nos tolerare nunc debeamus in Pherepono, quem Augustinus nusquam læsit, quicque non irritatus, acrius tamen quam ipse Hieronymus Augustinum accusat. Nimia nempe hominis hujus est confidentia, dum ex arbitrio atque imperio fabulatorum facit virum æque pius ac doctum, & quantum ejus mores & dogmata docent, a dolis atque imposturis alienissimum. Fac etiam fabella (** hæc fuerit):

Mm 2 at

* Al. Et tamen.

** Al. Fac etiam fabella, tantum: nuper additæ voces necessarie, hec fuerit.

at æqui honestique Censoris erat, Augustinum potius suspicari a falsorum timore deceptum, quam eundem venditare certissimum ipsius commenti artificem, quum præsertim alio sub cælo ea res contigisse dicatur. Sed ne fabulam quidem fuisse ubi nos contendamus, quis Phereponus contrarium ostendat? Vix etiam evincere possis, Augustinum illic agere de cucurbita atque hedera. Enimvero numquid mirum est, paratam fuisse plebem illam recedere ab Episcopo suo tantilla de caussa? Etsi levis error futurus ille fuisset, attamen quum videretur Episcopus idem sine causa divinas adulterare Scripturas: nimio zelo adversus ipsum accendi potuit religiosa populorum cura de veteri Traditione tuenda. Jam patet, quibus diris divini Scriptores absterruerint homines, ne vel unum verbum adderent, detraherent, aut immutarent in Codicibus sacris. Patet etiam, quantum opere Christianis antiquis cordi fuerit, Scripturæ sacræ exemplaria a corruptoribus tueri. Ad hæc Paulus Samosatenus Antiochenus populus, Nestorio, & Iconoclastis Constantinopolitanus, Arianis populi alii summo studio restitire, ita ut sanctus Hilarius ævo suo diceret, religiosores fuisse aures Populi, quam corda Sacerdotum. Ipse vero Hieronymus in Epistola 81. olim 18. inter Augustinianas acrem hanc accusationem delinire postea vifus est, ad Augustinum referens, & inquiens: Si legisti librum Explanacionum in Jonam, puto quod ridiculum cucurbitæ non recipias questionem. Si autem amicus, qui me primus gladio petuit, stylò repulsus est, sit humanitatis tuae atque justitiae accusantem reprehendere, non respondentem.

Pag. 522. Animadv. in Epist. 213. alias 110. Phereponus Augustinum sugillat, quod se Episcopum Hippoensem ordinari passus fuerit, vivente adhuc Valerio Civitatis illius Episcopo. Id Nicæno Canone octavo interdictum memorat; tum subdit: Non intelligo, quei usus ipse Ecclesiæ, ex quo constabat, unum in singulis urbibus Episcopum esse opportere, non monuerit Hippoensem, hoc illicium esse. Nam si collegam unum sibi adjungere licuit, quidni & plures? Quam magnam hoc aperuit fenestram adversariis Augustini, dicens, hominem sape in utilitatem suam errasse? Abstinuerunt ab hujusmodi calumnia adversarii Augustini, quos inter nunc primas dicit Phereponus, si diligentius perpendissent rem ipsam. Ignorabat Valerius, ignorabat Augustinus, Nicænum Canonem obstat. Cujus rei fidem facit in laudata Epistola Augustinus. Immo nihil contra Canones tunc agi censuerunt alii Africæ Episco-

pi, iisque omnium præstantissimi. Audi Posidium in Augustini Vita Cap. 8o.igit Vale-
rius secretis litteris apud (Aurelium) Prima-
tem Episcoporum Carthaginensem, allegans
imbecillitatem corporis sui, etatisque gravi-
tatem, & obsecrans, ut Hippoensi Ecclesie
ordinaretur Episcopus, quo sue Cathedra non
tam succederet, sed Confacerdos accederet Au-
gustinus. Quæ igitur beatus Valerius optavit,
& rogavit Iatagens, rescripto impetravit. Audi & alia Posidii verba: Post quam petitio-
nem ad visitandum adveniente ad Ecclesiam
Hippoensem tunc Primate Numidiæ Megalio
Calamensi Episcopo, Valerius Antistes Episco-
pis qui forte tunc aderant, & Clericis omni-
bus Hippoensibus, & universæ plebi inopi-
natam cunctis suam insinuat tunc voluntate;
omnibusque audientibus, gratulantibus,
atque id fieri perficie ingenti desiderio cla-
mantibus, Episcopatum suscipere, contra mo-
rem Ecclesie, suo vivente Episcopo, Presby-
ter Augustinus recusabat. Vides Augustinum,
quamquam ignoraret, Nicæno Canone hu-
jusmodi ordinationes prohiberi, probe tamen
recogitasse, ab ea ordinatione abhorrente con-
suetudinem Catholicæ Ecclesiæ, ipsiusque
adeo Augustinum obstituisse Episcopis, ne se
Episcopum sacrarent. Sed vicit plurim sententia. Immo exempla similium ordinatio-
num in medium allata sunt. Dumque illi
fieri soleve ab omnibus suaderetur (inquit
idem Posidius) atque id ignaro transmarinis,
& Africanis Ecclesiæ exemplis probaretur, com-
pulsus atque coactus succubuit, & Episcopatus
curam, & majoris loci ordinationem suscep-
pit. Augustinus ipse ad Paulinum Epist. 31.
alias 34. de sarcina Coepiscopatus sibi a Va-
lerio imposita scribens, hoc idem confirmat,
inquiens: Quod quidem, quia tanta ejus cari-
tate, tantoque populi studio Dominum id vel-
le credidi, nonnullis jam exemplis preceden-
tibus, quibus omnis mihi excusatio cludeba-
tur, vehementer timui excusare.

Quem ergo errorem apertis oculis admis-
sum, quam errandi voluntatem ad proprium
commodum in Augustino demonstres? Detrac-
tabat ipse honorificum munus; compulsus a
Valerio, ab aliis Episcopis, a Clero toto,
ab universa plebe, se passus est vinci, an-
nuente etiam Aurelio Carthaginensi, Afri-
cae Primate. Ex iis nemo suspicabatur, vio-
latum iri propterea Canones Nicænos; &
quamquam Ecclesiæ consuetudo fecus agen-
dum moneret, exemplorum tamen ingesta
copia rationem omnem cunctandi & recusandi
sustulit. Rem ego non probo; neque subin-
de probavit ipsem Augustinus, ubi intel-
lexit, Nicænam Synodum aliter sanxisse. Ve-
rum.

rum eæ tunc circumstantiæ in Augustini ordinationem confluxere, ut non solum excusatione dignum ille se præbeat, sed iniqua accusationis accusari mereatur, qui tacite nobis persuadere cupit, «Augustinum scienter atque lubenter tunc errasse, quod error ipse cederet in suam ipsius utilitatem. Quum vero inquit Phereponus: *Si collegam unum sibi adjungere licuit, quidni & plures?* non videt homo acutus, frustra id peti; nam qui collegam, sive coadjutorem sibi adsciebat, ea ratione movebatur, quod ipse aut senio aut morbis ad obeunda Ecclesiastica munia ineptus jam esset, & Collegam hunc sibi successorem deligebat, consentiente Clero, Populo, ipsisque Provincialibus Episcopis. Atqui unus Collega id implere valebat, quod Episcopus senescens implere amplius non poterat; atque unus Episcopo morienti successor erat dandus. Quamobrem & superfluum, & incommodum consilium fuisse plures adligere uno tempore coadjutores; nullaque necessitas, nulla potens ratio succurrisset, quæ aut suaderet, aut excusaret ut unius, ita & plurium cooptationem.

Alia tamen habet Phereponus, quæ in memorata Epist. 213. olim 110. sibi non arribent; quippe illuc Augustinus Heraclium sibi Successorem in Episcopatu designat iis verbis; *Presbyterum Heraclium mibi successorem volo. Canonem LXXVI. Apostolorum, & Synodi Antiochenæ sub Constantio habita decreta heic violata Phereponus clamat; stupetque, ignorasse Augustinum, illicitum hoc fuisse, quum præsertim consensum Coepiscoporum ille non exquisierit, quem tamen exigebat Synodus Nicana. Profecto interdixere Canones (& jure maximo interdicere), ne sacri Antistites sibi Successorem deligerent, atque constituerent. Sic occursum ambitioni, & propriæ utilitatis studio, quibus affectibus occæcati interdum Episco-*

pi indignos eligere, & Episcopis Provincialibus, Clero, ac Populo libertatem electionis præripere poterant. Sed hoc ad Disciplinam spectat, eamque eligendi Successoris libertatem eadem Ecclesia modo permettere, modo prohibere potest, propt̄ conducibilius videatur. Nam idem quoque periculum quandoque imminet, si Episcopi, Clerus, & Populus eligant, ac si unus Episcopus, & pius (* simul) Episcopus, gregi suo, dum vivit, melius consulere interdum potest, quam plures. Illud vero dubium esse non debet, quin Augustinus optimum Successorem Ecclesiae sue dederit, omni ambitionis atque utilitatis propriæ affectu sublatu. Immo id unice a se præstari palam testatus est Augustinus, ut ne per ambitiosos & contentiosos Ecclesia Hipponefis perturbaretur post mortem suam, ut alii in Ecclesiis acciderat. Cleri etiam, & Populi, duorumque Episcoporum suffragiores acta. Sed quod in primis huc facit, illud est, iis temporibus nequaquam obtinuisse in Africa prohibitionem illam de Successore sibi instituendo. Suppetunt illic exempla, immo & in nonnullis aliis Provincialis, quæ adferre non est hujus loci, quippe a Justello, Beveregio, Thomassino, aliisque congregata. Antiochenis autem Canonibus Africa se obligari fortasse non censuit; incertumque est, an iidem ipsi Canones Afris essent satis perspecti. Eadem dici possunt de Canone, ut ajunt, Apostolorum, cui etiam alia explicatio convenire potest. Quare nemo ex Africanis Patribus ea tempestate illicitum, prohibitum veputabat, sibi idoneos eligere Successores, dum Cleri & Populi consensus rogaretur atque obtineretur, & electus Episcopalem consecrationem post eligentis mortem exspectaret: quæ omnia Augustinus præstitit in eligendo sibi Successore Hæraclio, quem Eradium corrupti Codices appellant.

* Al. contra, loco simul.

C A P U T X V .

Nimis sui amor falso objectus a Pherepono Sancto Augustino , cuius conatus in Pelagium ejusque errores fluxerunt ab amore unius Catholicæ veritatis . Ficta mansuetudo in Hereticos perperam affecta Catholicis Episcopis . Comprimendæ Hæreses vix ortæ , neque erroribus concedendus nimia lenitate aditus . Convicia & contumelia variæ Phereponi in Sanctum Augustinum . Quam hæc hominem Christianum & Criticum dedeant . Quanto contemtu feratur ille in omnes sanctos Patres .

Circiter Annum Christi 394. Expositio nem Epistole ad Romanos elucubravit Augustinus nondum Episcopatu initiatus . Nonnulla ibi occurunt Semipelagianis postea natis faventia ; sed emendavit vir sanctus Lib. i. Cap. 23. Retract. confessus , se eo tempore nondum diligentius questruisse , nec adhuc invenisse , qualis sit electio Gratiae . Miratus Phereponus pag. 538. Animadv. qui Augustinus sponte , ac a nullo damnatus , dogmata eadem subinde fuerit exsecratus . Tum oculo in intima Augustini præcordia conjecto , si numquam tamen , ait , contra fauissimam Pelagianam , in iis sententiam mortuus esset . Immo vero fortasse numquam ita invetus in eas fuisset , nisi Pelagius aliquid in ejus scriptis cuspisset . Primam vero indignandi in Pelagium occasionem Augustino fuisse subdit , quod Pelagius Romæ dum esset , ferre non potuerit ea Augustini ad Deum verba : Da quod jubes , & jube quod vis , quæ in Confessio num Libris adhuc leguntur . Hinc prima origo mali , inquit Censor ; nam nihil magis irritabile est Scriptoribus , qui pro scriptis postea , tamquam pro avis & focis pugnant . Qui ne de nomine quidem Augustinum nosset , hæc tamen audiens non ignoraret , quam parum fidei debeatur accusationi hujusmodi , ad quam nempe confirmandam nulla ratio accedit . Quis Censori huic narravit , irritatum fuisse Augustinum , & ad sententiam mutandam odio adversantis Pelagii fuisse compulsum ? Nimium dictatorista dicuntur . Sed hujus criminatio iniqüitas longe melius se prodet , ubi recognites , quantum a cæco suarum opinionum amore abesset Augustinus . Nihil aliud sunt Retractionum Libri , quam illustre argumentum ardoris illius , quo Augustinus Veritati uni supra suos effectus obsequebatur . Deinde vix alium reperias , qui demissius Augustino se emendari pateretur , & mitius ha-

beret adversarios suos , quamquam interdum procacissimi , & palam rationi ac veritati injurios . Onerare possem librum , si necessitas posceret , exemplis ejusmodi & humilitatis , & modestiæ . Denique tam parum cum veritate congruit , Augustinum in iram & odium adversus Pelagium fuisse concitatum , quod hic verba quædam Confessio num moleste tulerit ; ut quum Pelagius lange post illa tempora humanissimis litteris ad Augustinum datis responzionem accepisset amicitiæ plenam , Augustinus deinde necesse habuerit se purgare , quasi Hæreticum hominem supra meritum commendasset .

Quod ergo Augustinum armavit in Pelagium , Apostolica doctrinæ , veræque Religionis cura fuit . Eadem & armavit in Manichæos , in Donatistas , in Arianos . A veteri autem Christianorum Traditione abhorruisse dogmata Pelagii atque Cœlestii , jamdudum ostenderunt eruditæ viri , ostendit Augustinus ipse , & ejus temporis Ecclesia : quod ne ipsum quidem Pelagium fugiebat , qui non aliter quam clanculum , & sub milie verborum ambagibus , ingentique cum simulatione suam hoc illuc novitatem disseminavit . Quid faceret Augustinus zelo Domus Dei supra quamplurimos ardens ? Africana , atque Orientales Ecclesiæ , Sanctus Hieronymus , Paulinus Ambrosii discipulus , aliquique classicum protinus cecinere in erumpentem Hæresim . In publicam rem tunc & ipse Augustinus operam suam conferendam esse putavit . Quamobrem en veras causas , cur Pelagium , sive ut melius dicam , Pelagii dogmata exagitare coepit Augustinus . Quas commentus est pro suo arbitrio Phereponus , si nos levitatis faltem arguamus , æquo jure proculdubio agemus . Quod si Augustinus procedente tempore renuntiavit sententiis nonnullis , iisque paucis : ex ipsius testimonio , & rei evidenter constat esse factum , quod attentius subin-

de investigaverit cum Scripturarum sacramentis, tum Ecclesiasticae Traditionis vocem. An vero crimen est meliora dicere, & melius sentire? Et numquid Augustinus pro suis sententiis tamquam pro aris & focis pugnare paratus fuit, qui sententias priores re ipsa deferere non dubitavit, statim ac Veritas explorata id ab ipso exegit?

Retractavit quoque vir sanctus quoddam aliud effatum suum in Expos. Cap. VII. 19. 20. ad Rom. uti Semipelagianum. Hinc Pherepono ansa præbetur traducendi Augustini tamquam *summopere temerarii* hominis, qui ea olim scriberet, quæ ut ipse deinde contendit, in Ecclesia minime tradebantur. Quod si tradebantur, non capit Phereponus p. 536. Animadv. quei damnari potuerint quasi novatores & exitiales Heretici, qui id docebant, quod ante ubique docebatur, & quod cum laude scripsisset Augustinus. Sed frustra invidiam Augustino creare, frustra Pelagianam novitatem tueri molitur Phereponus, parum heic se versatum exhibens in Ecclesiastici juris economia, immo & in eorum temporum Historia. Esse possunt dogmata quædam adhuc inter Scriptores dubia, atque ab Ecclesia nondum calculis posstremis definita. Hæreticum nomen alterutram partem tuentibus tunc tribuere non licet. Ubi Ecclesia sententiam tulit, tunc aliter sentire quam Ecclesia, nefas est. Ita fuit tempus, quo sententia de iterum baptizandis Hæreticis inter Hæreticas referenda forte non erat. Idem Semipelagianis Dogmatis accidit. Non idcirco læsisse Fidem disti sunt Vincentius Lirinensis, Hilarius Arelatensis, Cessianus, Faustus, Gennadius, Sinodius, aliqui aut Lirinenses, aut Massilienses, quod Semipelagianismum favorint. Tunc solum execranda cœpit esse eorum doctrina de initiis Fidei, quam Syndodus Arausicana exposuit, quid heic sentiret, sentiendumque mandaret Ecclesia verax. Plerisque autem & Patribus nonnulla excidisse videmus, quæ deinde sacris Concilii divina oracula promentibus minime probata fuere. Sed illi incaute, in culpa teque ita sensere, paratissimi consentire cum Ecclesia, si hæc in diversam abiisset

sententiam; & ideo illis opinionibus addicti fuerunt, quod nondum satis diligenter exquisierant, quid Apostolica de iis Traditione haberet.

Quod ergo ad Pelagianos errores attinet, eos sua novitas in oculos omnium iscurrentes execrabilis statim fecit. Tum protinus in eorum damnationem consensit Ecclesia, & Concilia non semel ab Afris Episcopis habita, Synodi Hierosolymis, Diöspoli, Romæ, Antiochiae, aliisque in Urbibus celebrata, prætereaque Romani Pontifices, aliique celeberrimi Patrum adversus Pelagianam doctrinam illico anathemata exseruere. Quid miratur ergo Phereponus, quod execrationi esse in Ecclesia Catholica Pelagius, ejusque sectatores continuo cœperint? Novam, insuetam, atque a Traditione abhorrentem doctrinam invehere tentabat id hominum genus; deinde Ecclesia germanam Fidem statuente, erroresque proscripti resisterem pertinaciter non dubitavit, mentemque in errore obfirmatam prodere. Heic Hæreses stat cardo; haec causæ justissimæ anathematum. At Semipelagiana dogmata, si qua Augustinus tradidit (nam vere Pelagiana ex ejus calamo certum est excidisse numquam) nondum Augustini avo, immo ne per integrum quidem sæculum ab illius morte, ea fuerunt, ut ipsorum patrocinio læderetur Fides. Eadem quoque doctrinæ adhæsere, piissimi viri, nullo sanctitatis dispendio; quippe Traditione ab ipsis nondum satis diligenter consulta fuerat, & controversiæ omnes de Gratia liberoque Arbitrio nondum satis fuerant portratæ, atque Ecclesiastica Concilia quid pro certo iis de rebus affirmandum foret, nondum constituerant. Proinde incautus, & si etiam velis negligens, sed sine culpa, non autem *summopere temerarius* dici potuit Augustinus, quod non mala fide olim docuerit, quæ postea re melius consulta correxit. Innumeræ occurruunt controversiæ adhuc ferventes, magnis piisque Autoribus utrimque stantibus. Quamdiu Ecclesia ambiguam rem in medio relinquat, quamecumque velis partem tueri licitum erit. Sic Augustinus Pelagianos Hæreticis primo non accensuit, ut patet ex ejus Serm. 294.* Deinde vero pertinaces in errore, & Con-

* Non ita pridem Cremona prodierunt, anno scilicet 1747. in 4. *Vindiciae Augustiniane ab imputatione Regni millenarii, Auctore Joanne Cadonici*. Totus nimur in eo ei doctus Auctor, ut probet non scripsisse S. Augustinum, sed ipsi perperam tributum, Sermonem CCLIX. Editionis novissime Parisiensis: similique suspectos reddere conatur Sermones XXXVIII. & XLII. Quum igitur utilem adeo, licet aliquoquin arduam, operam navarit illustris Auctor in vindicando tanto Doctore, illum publico nomine etiam atque etiam rogamus, ut diligenter inspiciat, num & Sermo CCXCIV. heic a Muratorio laudatus, Augustino abjudicari queat, quo nimur conitat Pelagianos Hæreticis non accenteri. His addo, ab eodem *Vindicularum* Auctore, cap. XVIII. pag. 294. 297. ex S. Augustini doctrina lucem affundi questioni, a nostro Muratorio, hujus Operis lib. I. cap. XIII. excitata, utrum scilicet *Angeli corporei*, an incorporei sint.

ciliis palam resistentes, Hæresis incusavit: quod Pherepono nec novum, nec injicatum videri debebat in Animadv. ad laudatum Sermonem pag. 550. Sed quoniam illuc nostra delapsa est oratio, alia videamus, quæ Phereponus carpit in eodem Sermone.

Multi jam suimus alibi in propugnando jure cum Ecclesiæ, tum Principum Catholicorum adversus homines Hæreticos, quos pœnis castigare, reluctantisque ad meliorem sententiam incitare fas esse diximus. Phereponus audiens Augustinum ibi de Pelagianis ita loquentem: *Sustineat eos mater piis visceribus sanandos, porter docendos, ne planat mortuos, &c. mellita hæc appellat, sed statim adjungit, debonestata fuisse sequentium temporum incredibili acerbitate; ut propemodum suspicari quis possit, mansuetudinem hanc data opera simulatam, ut major invidia misericordiæ hominibus conflaretur, nisi cederent, utque homines imperiti magis in illos postea exandescerent.* Ut ut modeſtus cautusque videri & heic velit Phereponus, suspicionem hanc teterimam non sibi tribuens, sed aliis affingens, camque illo suo propemodum temperans: non impetrabit ramen, quin ipsum tamquam atrocis calumniæ auctorem æquo jore heic postulemus. Satis ipse prodit, sibi accusationem hujusmodi probari, sibique in votis esse, ut in reliquorum mentibus radices agat. Attamen quantum a Caritate & Veritate longe abeat ista suspicio, facile intelligere potuisset ipse met Phereponus, si minori odio atque ligure suas aggressius fuisse scribere Animadversiones. Placide primo erga errantes ageare Ecclesia solet, & placide monet agendum. Tum si nihil miti adhortatione proficitur, ipsa Caritas suadet, ut aspera arripiantur, quo tandem revocentur devii in veritatis & salutis viam. Erga filios in via deflestantes non aliter se gerunt amantissimi patres; non aliter erga ægrotos sapientissimi Medici. Quis & parentibus, & Medicis simulatam mansuetudinem ea de causa adscribat, quod inutiles corum blandicias efficaciora deinde remedia subsequantur? Et Parentis & Medici loco Ecclesia est erga errantes in Fide. Præterea quis Augustinum, quis certam fecerat Ecclesiam, austerritate solum vincendos erumpentes errores, ut fingenda prius mansuetudo foret? Denique nulla fere emersit Hæresis, cui non obstiterint pari methodo Ecclesiastici Praesules, nihil aliud cupientes, quam rigore abstinere, dummodo sanarentur filii. Teme-

re, ne dicam stulte, in his omnibus suscipietur quispiam & animum crudelē, & fictam lenitatem.

At inquit Phereponis, ut ostendat non solum inanem nos esse hanc suspicionem, sed suum quoque (* ipsi se adjungere suffragium): *Has artes a Sacrorum Praesidibus saepè adhibitas nemo nescit, ejusque rei insignia exemplum videmus in damnatione Donatistarum.* Talem Criticum tanta confidentia non dedecet. Nemo nescit. Et qui busnam quæso eruditis hæc edisserit Phereponus? Europæis non puto; Indis fortasse. Quotus enim quisque est inter nos, qui aut audierit, aut legerit, non dicam saepè, sed semel tantum, simulatam a Catholicis Episcopis mansuetudinem erga Hæreticos, ut acerbati quam solam animo versabant, major deinde excusatio, & pervicacibus gravior invidia crearetur? Unde Donatistas tamquam insigne exemplum nobis memorat Censor, eos nempe, quos tot veracibus amicitia, patientia, & caritatis exemplis ad unitatem Ecclesiæ reducere conati sunt Catholici, ut suas ipsas Cathedras iis, etiam si e lite caderent, communes facere non dubitarint. Hæcne simulata lenitas? Nasquam fortassis, quam in Donatistarum Historia, evidentiora habeas Ecclesiastica mansuetudinis documenta. Severissimis profecto legibus postea adverbus illos actum est; sed postquam incredibilis pertinacia, & immanitas insolita ad schisma & ad errores accessere, nullumque aliud remedium supererat sananda furiosa gentis.

Profecto, pergit dicere Phereponus, cum ejusmodi initius minime consentiunt viginti minimum Synodorum intra paucos annos festinatae Pelagianorum dogmatum damnationes, ut Episcopis saepius ad damnandos Pelagianos adductis, nulla iniri posset amplius ratio audiendarum partium tam saepè damnatarum. Quum enim Synodi quempiam damnarunt, honoris esse sui putant, hominem videri juve damnatum, nec patiuntur decreta sua iterum expendi. Neque primus fuit, neque postremus erit Phereponus, qui Catholicorum Praesulum solicitudinem in damnandis & suffocandis, si fieri potest, nascientibus Hæretibus, moleste ferat, minimeque prober. Familiare hoc fuit recentiorum quoque temporum Novatoribus, immo reliquis fere ætatum omnium Hæreticis; idemque nascitur Hæretici conquerendo sanabunt. Commodissimum sane effugium, & præsidium errori, si liber ipsi aditus per-

me-

* Ali. ipsam tulisse suffragium. Non clarius.

IN RELIG. NEGOTIO. LIB. III. CAP. XV. 281

medios populos, per gentem ignaram diutius permittatur. Et certo hic quoque patronus Hæreticis quibuscumque deerat, quo auctore ipsorum deliriis sum solum frena offerrentur, quum longe lateque diffusa, plurimumque animis recepta, non amplius frenum pati cedidissent. Oculos aperiat tandem Phereponus, & Catholicorum personam parumper induat. Nullus dubito, quin & ipse tunc nobiscum sentiat, adversus nascentes Hæreses armandam & muniendam protinus esse plebem Christi. Hoc ipsum statuere veram Ecclesiam Doctrinam, hoc ipsum oppositam falsi damnare, ac damnatam prodere arma sunt, quæ Populo sano per vigilantes Pastores ministranda novimus. Principiis obstandum est, ne sero medicina paretur. Si contra Ecclesiastici Præfules agerent, si focus enascenti morbo sece opponerent, ministerium suum, salutemque gregis stolidissime proderent.

Inquit vero Phereponus: At qui putantur errores, fortasse non sint; neque præcipitanda sententia, quam revocare nequeas, & rationibus potius, quam edictis vincendi sunt contra sentientes. Quid porro aliud Phereponus dicat, quam quod singuli Novatores dicere hucusque potuerunt, & dicere poterunt deinceps? Ergo nullius erroribus, si audienda Phereponi consilia, præcludendum est iter damnatione opportuna, & res in medio relinquentæ, dum controversia maturè, hoc est post multos annos, expensa appareat, quo in loco sit veritas. Ita nimurum fiet, ut Hæreses commodissime serpent, & aut numquam aut frustra deinde anathemate percellantur. Ignorare nequit Phereponus ipse, quanta sit hominum in hisce casibus pertinacia, quantumque possit anticipata opinio. Per quam ratiōne solis rationibus profligantur Hæretici. Atque utinam istius infelicitatis innumera exempla non prostarent adhuc. Quamobrem contra errores pullulantes exferenda confessim (* incruenta Synodorum) arma, nihilque cunctandum. Quæ via quum expedita & utilis fit, præterea quoque fallere nos nequit. Nam in Catholica Ecclesia qui sint errores, facile apparere potest, si videlicet nova Doctrina ingeneratur, cui obstat antiqua Ecclesiarum Traditione. Id autem in Pelagianorum causula plane accidit; nam ut daremus, aliqua in ea controversia fuisse, quæ nondum satis liquerent (sunt enim & adhuc nonnulla, quæ ad Fidem pertinere inter Catholicos non creduntur, quamquam sanctus Augustinus eas sententias foverit): attamen quæ præcipua erant in Pelagianis dogmatis, a Traditione aperta & consensu Ecclesiarum abhorrente deprehensa illi-

co fuerunt; ita ut nulla pars Catholici orbis habitaverit in Pelagio statim, ejusque sectatoribus damnandis. Quæ omnia eo quoque faciunt, ut Phereponum ostendat male calculos ineuntem, dum ait, cum ejusmodi initii, idest cum priori mansuetudine, minime consensisse festinatam dogmatum Pelagianorum damnationem. Nimirum perniciosa ac damnabilem lenitatem exigit hic homo, ne ferens quidem opinionibus pervertit Hæreticorum theta nigrum sollicite praefigi, nulla interim in eorum personas castigatione exhibita. Iterum dico: nihil differenda est damnatio Errorum serpentum ut cancer. Hoc poscit Christiani gregis cura; hoc semper in more fuit vel apud ipsos Hæreticos, ubi in eorum sinuœ cœpit aliquis nova dogmata promulgare. Dendum vero palam factum est, Ecclesiam decipi hec non posse. Sat placidi fuere, sat officio suo sunt fundi Pastores, qui errantem Pelagium toties monuerunt, & auctoritate Scripturarum æque ac Traditionis compressum ad diverticula confugere coegerunt, & tamdiu sustinuerunt, ut errori valediceret, si velleret.

Ad alia transeamus. Parum Pherepono fuit, calumniosis suspicionibus Augustini famam impetrare; conviciis quoque ac dictariis in eum sape ac sœpius involvitur. Ipsum modo ait in declamando probabilita sequi, non explorata, solitum fuisse; eique Academicum ingenium sibi non satis constans tribuit; modo ejus rationes ita contemnit, ut inquit: Profecto non Sophista tantum, sed propemodum ineptus habetur, qui talia hodie scriberet. Alibi addit: Mirum est, quam Augustinus calluerit artem paucæ & perspicua dogmata Philosophica aut Theologica multis verbis & obscuris dicendi, atque impediendi. Ad hæc proletarium Interpretem appellat & Rhetorem Numidam, & Rhetorem Semiplatonicum, Criticæ plane imperitum; & irridendi causa, Oraculum Numidie & Philosophum Pœnum, & Aristotalem, quamquam alibi Carneadem Pœnum, & Carneadem nostrum potius vocandum assertet. Ridet Augustini Quæstiones in Evangelia, & ait: Unde intelligere licet*, finem Augustini in hisce Libris non fuisse inquisitio nem veri sensus, sed commentariorum allegoriarum, ad quas inviti Evangeliste torquerentur; quam censuram acutis hisce salibus concludit: O cerebri felices, qui in tam levibus argutis acquiescebant! En alteram alibi exclamationem non minus gravem: O Felices baines, qui tantam eruditio[n]is famam tam facile sibi pepererunt! Sed o stipes, qui talibus olim plaudebant, aut etiamnum serio favent!

Accipe & aliam: O vacuum studiosis Scripturæ

Nn

* Al. non cruenta.

re Africam? O stupidos, quibus haec admirationi erant, & qui tam verbosas disputationes, ut nihil discerent, legere sustinebant! Alio loco nos monet, argutandi immodicam & intempestivam cupiditatem, & Africanam ἀπερτοτοιχιαν obstatissimam, ne Augustinus judicio suo uteretur. Eadem alibi repetit his verbis: Si quid occurreret, quod speciosae declamatiunculae occasionem præberet, aut præbere videretur, id vero avide arripiebat, & Punicis eloquentie vela pandebat. Plus etiam veneni intus habet, quam in cortice appareat, id quod Censor idem alibi scribit. Dolendum est, inquit, Augustinum non quod verum esse accurato* examine competerat, sed quod expediebat dici, & πρωτεύεις apud imperitum vulgus poterat tractari, protulisse. A prioribus non abudit, quod animadvertisit idem Criticus alio in loco inquiens: Augustinus adfuetus Platoniciis argutis, plura SÆPE scribit, quam intelligit, consequentiasque passim admittit quasi bonas, quæ si negentur, statim corrunt omnes ejus ratiocinationes; neque enim ullo modo probari possunt. His, & aliis bene multis, quæ congerere non est opus, Augustinum Phereponus liberalissime vexat, atque hoc sale perficit.

Memini me ante paucos annos legere Librum, cui titulus est *Parbastiana*. Ejus Author pag. 250. de Eruditis Viris, eorumque vitiis scite agit, indicans cur id hominum genus in multorum odium incurrat, & despiciatissimum habeatur interdum. Gallicis ergo verbis optare se ille ait, ut non modestia minus quam eruditio gloriam in suis Libris querant; ne animose affirmaret, nisi quidquid evidenter probari posset; ut lenitate invicem ac indulgentia ceteros homines antecellant; ne aliis armis se tueantur, aut alios aggreditantur, quam rationibus, & sine felle, sine petulantia; ut tantum dentique elegantia & venustatis suis in moribus produnt, quantum in stylo præclarissimorum Scriptorum appetat, cui verisimile est respondisse etiam vita rationem. Quis eiusmodi viros non diligeret, immo non omnibus, que in manu sua forent, beneficiis cumularet? Hac ille non graviter minus quam vere. Cum hisce legibus atque consiliis, quæ non dubito quin probet ipse Phereponus, confer nunc Phereponianas exclamations, convicia, dictaria in Sanctum Augustinum effusa: Quod quum feceris, quam opinionem induas de homine tam impotenter ferociente in sanctissimum ac ingeniosissimum virum, omnium sæculorum ceterorumque hominum memoria commendatum? Addo: quodnam judicium habendum foret de Par-

rhasianorum Scriptore, si tanta asperitate, felle, ac supercilio in tam illustrem vi-
rum is, & nihil quidem ab ipso laetus, ea
scriberet, quæ nunq in eundem Phereponus
& scribit, & publica esse jubet? Quid si
idem unusque esset Parbastianorum Author
& Augustini conviciator Phereponus? Equi-
dem puto longiori sermone heic opus non
esse, ut appearat, quam pessimo exemplo
Phereponus haec fuerit auctor, quæ pre-
næ homini tanta maledicentia utenti apud
cordatos viros debita sint. Neque vero is
sum, qui velim præclarissimos Scriptores
nullius censura attingi; quive errores ma-
gnorum viorum, & sanctorum potissimum
Patrum, dissimulatos semper cupiam, aut
cæca veneratione exceptos. Non is profes-
to sum; Censoriam Artem probo; inge-
niorum libertatem qua decet moderatione
adhibitam laudo; adeoque me comparata
sentio erga Verum, Bonum, & Pul-
chrum, ut quidquid iis adversari mihi vi-
deatur, ne in Augustino quidem feram; &
porro si res posceret, ne dissimularem qui-
dem. At ipsi eruditorum Censuræ sunt
sua leges, est suus modus. Numquam in
Censura contumeliis aperiendæ fores; ra-
bies, acerbitas, ac turbulentæ animorum
perturbationes, & calumniæ potissimum,
eliminandæ; modestia, æquitas, caritas
quam fieri potest accuratissime, & perpe-
tuo ante oculos habendæ. Sed tum præ-
cipue urgent hæ leges, quum Censura ex-
ercenda est in viros illustres, pietate spe-
ciales, ingenio admirandos, plurimum
sæculorum consensu commendatos, & præ-
sertim si bona fide in errorem prolapsi de-
prehendantur. Si secus fiat, non eos qui-
dem risu dignos efficiemus, sed nos om-
nium execrationi exponemus. Quid enim
aliud promereatur tanta Censoris ambitio,
audacia, atque inverecundia? Cur autem ha-
ponas referre non debeat in Augustino tam
acriter infectando Phereponus, ego sane non
video.

Hic tamen familiaris est Phereponi stylus.
Immo ut Augustinus habeat, unde se consoletur, reliquos sanctos Patres eidem Phereponus adjungit, omnesque uno colore denigrat, una voce exhibilat. Pag. 491. Animadv. in Epist. 71. alias 10. Augustini inquit, eos vo-
luisse videri egregios Interpretes Scripturarum,
quas non intelligebant, quum ex sola versio-
ne sepe obscura & vitiosa penderent. In No-
tis ad Ep. 175. olim 90. pag. 519. Africanos
Patres declamatoribus infirmis accenset, eos-
que tamquam Criticæ prorsus imperitos irri-
det, quod etiam de Patribus Græcis scribit
pag. 599. quum constet (sunt ejus verba)

pro-

IN RELIG. NEGOTIO. LIB. III. CAP. XV. 283

propemodum omnes imperitos Critice sacre, & infelices Scriptura Interpretates fuisse: quidquid dicunt, qui nec eos, nec Scripturam sat studiose legerunt. Tum addit in Notis ad Epist. 117. de sanctis Patribus: Qui tam negligenter legebant Scripturam, & tam oscitant laudabant, eos nobis quasi egregiorum Interpretum exemplaria proponi quis ferat? Ad hæc illos passim arguit, quod anathematum potius terrore, minisque editorum, quam rationibus & scientia plebem regerent, instruerent, atque in officio continerent. Suspiciatur etiam pag. 590. in Notis ad Cap. 23. Lib. 18. de Civ. Dei, multos Patrum olfecisse quidem suppositionem Sybillinorum Carminum, sed quia rudiis plebecula tam levibus capiebatur rationibus, quam gravibus, eos arripuisse hoc argumentum, ut alia multa, quia conducebat causse, non quia verum ius videbatur. Deinde in Notis ad Cap. 43. Libri ejusdem, quod Augustinus, aliquique eorum temporum Episcopi non paterentur Hieronymianam Bibliorum interpretationem anteferri Versioni LXX. dolet is, tot ac tanta apud Veteres.

C A P U T XVI.

In sanctorum Patrum Libris distinguenda Scientia Dogmatum, Legumque Moralem ac Pietatis, a Parergis, hoc est, a rebus ad Artes profanas spectantibus. In his nihil interest, an interdum defecerint imperitique deprehendantur. At in illa præcipua Scientia eximii fure, ideoque veneratione ac laude digni. Allegoricae sacrarum Litterarum Interpretationes non vituperandæ apud sanctos Patres, & quando utiles illæ, aut inutiles sint. Phereponi artes, ut Augustinum deprimat. Lumen a Cælo rogandum, ut veritas capiatur, errores evitentur. Hebraica Linguae peritia an & ubi necessaria Theologiae cultoribus. Drusii & Grotii exempla Catholicæ Religionis veritatem confirmant.

Sed quando istam camarinam movere ag- gressi sumus, juvat etiam addere, quæ in Augustinum hac potissimum de causa Phereponus effudit. Pag. 479. mihi am confusione in Libris de Ordine invenit, oraque Lectorem, ut conetur ex iis, quæ Lib. 2. Cap. IV. habentur apud Augustinum, constare disputationem perspicuum, & via ac ratione dispositam; quod si præstet, erit illi magnus Apollo. In Animadv. ad Quæst. in Heptateuchum pag. 530. dicam eidem grandem impingit, quod sibi versiones Aquilæ, Symmachii & aliorumque satis notas, non comparavit; quod tot Quæstiones in sacram Scripturam proposuerit; tot etiam Libros

conscriperit, necessariis destitutus subsidiis. Credo, inquit, excitatum fuisse adulatio- bus, aut stulta admiratione Afrorum suorum, ut non desineret dictare, dum illa dictata sua tam avide excipi videbat. Sic homines putant se magnos ac eruditos, non quia sunt, sed quia ab aliis putantur, sumuntque inde audaciam, quæ persæpe male eis cedit. Eque acerba legas in notis ad Enchiridium pag. 559. & pag. 586. & alibi ad naufem usque. Hæc autem in unum compellere locum placuit, ut homini nulla moderatione scribenti, simulque censura illius petulantissimæ, uno responso obviam eamus, pacato tamen si fieri id poterit, animo; non
Nn 2. quod

quod nobis spes sit vertendi ad meliora Phe-
reponi, quem nimium aestimatione sui, alio-
rumque contemtu occupatum video, sed ut
habeant minus periti e nostris, quo vel
apud se, vel apud alios tueri valeant con-
tra hujusmodi cœcos impetus veritatem, &
Augustinum non minus, quam Ecclesiam Ca-
tholicam.

Multa sunt, quæ in Libris sancti Aug-
ustini ceterorumque Patrum exquiri possunt, Grammatica videlicet, Rhetorica, Didacti-
ca, Logica, Physica, Eruditio, Linguarum
peritia, Critica, Chronologia, & aliæ id
genus Disciplinae, quæ nunc excoluntur ma-
gna animi contentione a Litteratis homi-
nibus. In his omnibus non negamus, im-
mo sincerissime fatemur, reperi posse, &
revera ostendi multos nonnumquam Patrum
defectus, & si etiam velis, postremam quandoque imperitiam. Accurata Criticæ scien-
tia in plerisque desideratur; severam Elo-
quentiam in nonnullis fructu quæras; si
Origenem, Hieronymum & Epiphanius ex-
cipias, vix alium inter ipsos habebis He-
braicæ Linguae gnarum. Declamant inter-
dum; alibi parum recte ratiocinantur. Apo-
cryphis quandoque utuntur, aliaque peccant,
quæ temporibus istis, ac in tanto lumine
Scientiarum & Artium, in homine Philolo-
go aut non feras, aut faltem non laudes.
Sed præter has Artes ac Scientias alia est
Scientia in Libris sanctorum Patrum confide-
randa, nempe divinorum Dogmatum, Le-
gumque moralium cognitio, atque traditio,
per quam aut exponuntur, aut suadentur,
quæ Deus per Scripturas sacras, & voce Uni-
geniti sui credenda atque agenda mandavit
Ecclesia sua, suisque fidelibus. In hac au-
tem Scientia nos dicimus excelluisse atque
excellere illos, qui nomine sanctorum Pa-
trum, ab Ecclesia tamen, non a vulgo, do-
nati sunt. Intercedit quippe non exiguum
discrimen inter eosdem, quum vulgo sancti
Patres appellantur, quicumque Christiani
Scriptores doctrina, vel antiquitate conspi-
cui fuerunt, ut Tertullianus, Clemens Ale-
xandrinus, Origenes, Lactantius, Eusebius;
nos vero eos heic tantum intelligamus, quos
Ecclesia ipsa probavit, atque sinceros ac
eruditos, sua, seu potius Apostolicæ, &
Christianæ Doctrinæ testes, magistros, & ju-
dices esse declarat, quales sine controversia
sunt Athanasius, Basilius, Nazianzenus,
Nyssenus, Chryostomus, Cyrillus Alexan-
drinus, Cyprianus, Hilarius, Ambrosius,
Hieronymus, Augustinus, Leo, Gregorius,
alique similes sanctissimi æque & doctissimi
viri.

Monitos autem Lectores volg, tum in

Scripturis sacris, tum in Libris Patrum, di-
stingundam esse materiam præcipuam &
propriam, quæ ἐργον dicitur, ab aliis re-
bus, quæ illic habentur præter præcipuum
argumentum, & πάρεργα dicuntur. Proprium
eorum Librorum argumentum est cœlestis
illa Scientia, per quam constat hominibus
divina Revelatio, legesque omnes & consi-
lia tum credendi, tum operandi produntur,
Parerga sunt, quod est ad Scripturam fa-
cram & ad ipsos Patres, alia omnia, ex
quibus hæc hominum erga Deum officia mi-
nime pendent; cujusmodi sunt Scientia tem-
porum, locorum, numerorum, Astronomiæ,
Linguarum, Criticæ, Physicæ, alia.
rumque Artium. Nihil ergo aut parum re-
fert Christianæ rei, quod in Parergis in-
terdum, & sæpe etiam, deficiunt Patres,
dum in præcipuo negotio procedat certissi-
mo gressu illorum chorus. Dic ergo ipsos
Declamatores; id temere plerumque dices;
attamen sinam te dicere, nobis sanctos Pa-
tres non esse perfectioris Eloquentiæ Magi-
stros. Dic ignaros Criticæ, dic Physicæ im-
peritos, parum in Logicæ usu accuratos,
in Astronomiæ, Eruditioñis, & Geographiæ
scientia hospites, die plura ejusmodi. Non
morarum. Parerga sunt isthæc in Patrum
Libris, neque hinc accessit laus ipsis, ne-
que ob eam causam tanii æstimantur, &
commendantur in Ecclesia. Evangelica do-
ctrina fideliter ac religiose ab ipsis tradita,
per quam ducimur tum ad sanam Fidem,
tum ad perfectam morum disciplinam, ea
est, quam apud sanctos Patres plurimi fa-
cimus. Linguarum, aliarumque Artium stu-
dio excelluerunt utique duo proxime præ-
terita secula, ut collati cum recentioribus
Scriptoribus veteres Patres, infantes in
ea eruditione (si duos excipias) nonnum-
quam deprehendantur. Verum nemo supe-
ravit, pauci etiam æquare possunt beatos
illos viros in præcipue Eruditioñis Christia-
nae Scientia, hoc est, in divinorum Dogma-
tum & Legum peritia. Ad hanc enim aptio-
res ipsi fuere, & in eamdem incubuere dili-
gentius, tum quod propiores essent Apostoli,
& longius latiusque diffusam Traditionem
colligere ipsis tunc facile foret, tum
etiam quod iis animi virtutibus abundantem,
& cœlestibus donis illustrarentur, quæ ad
rectam Christianæ Doctrinæ conservationem
atque intelligentiam in primis exiguntur.
Perpicacia profecto ingenii, & Criticum ju-
dicium, & Linguarum cognitio, aliæque
Artes, non parum conducunt, & interdum
etiam necessaria sunt ad explicanda; ac in-
telligenda Scripturarum, divinæque Fidei
Parerga. At ad cœlestem illam Scientiam,

cir-

circa quam Scriptura sacra, sicut circa materiam propriam versatur,* & quam Christus Apostolis, & per Apostolos Ecclesiae sua tradidit, plus conductus, magisque necessaria est ingenii utique non vulgaris assidua meditatio, animus pravis cupiditatibus & opinionibus liber, sincerus Dei amor, pietas, humilitas, aliisque virtutes, quas sanctis Patribus non desuisse Historia nos docet.

Quod si in plerisque Patrum desiderata est Hebraicæ Linguæ peritia, quam nempe omnium maxime necessariam nonnulli clamitant ad intelligendos Codices sacros: Primo respondemus, Evangelicam Doctrinam Græce propositam fuisse ab Apostolis ac Discipulis Christi, adeoque Græcam Linguam fatis fuisse, ut divina dogmata, sacrataeque Christi ac Apostolorum Leges recte a Patribus perciperentur, ac traderentur.

Secundo, quod est ad vetus Testamentum, vulgata versio τῶν LXX. ab Apostolis ipsis usurpata, & Vulgata Latinorum, satis atque abunde exhibebant omnia Scripturarum loca, quæ alicuius momenti sunt sive ad imbuendos Fideles tota Scripturarum Doctrinam ac Historia, sive ad Judæos, Hæreticosque refellendos. Quæ illic indigere videntur ea Linguarum & Critices Scientia, quam tantopere quidam effrerunt, Parerga sunt, hoc est ad Ecclesiæ ædificationem minime necessaria. Et si qua supersunt ad Doctrinam spæstantia, neque satis perspicue in Græcum Latinumve sermonem conversa, hæc ipsa ex multis aliis locis, quæ in vulgaribus Versionibus aperta sunt, illustrata, obscuritatem omnem jam posuere, & saltem de fide versionis nulla in iis locis controversia fuit; aut si fuit, ad peritos Linguarum res defrebatur. Quamobrem constanter affirmare licet, nullum vel de Deo, divinisque legibus, & decretis, vel de Christo, ejusque adventu, operibus, ac documentis e sacra Scriptura dictum produci posse, ad quod intelligendum, explicandum, & propugnandum non pervenerint sancti Patres, & satis non sit, ac perpetuo satis non fuerit ad ejus intelligentiam, Græci aut Latini textus vulgati fides.

Tertio, experientia ipsa constat, Judæos, Ethnicos, atque Hæreticos validissime confutatos, & victos, & ad Fidem Christi conversos ea dumtaxat Methodo ac Scientia, quæ in Patrum Libris apparet, quæque nunc sorbet ingenii non tam Criticis, quam ambitionis. Ea quoque Methodo, ea Scientia usi sunt Apostoli ipsi; atque Apostolorum

discipuli. Nihil autem, quod sit momenti alicuius, proferri potest ex Hebraicæ Linguæ, Criticesque peritia, quo non sint usi Patres Græce Latineque solum eruditæ ad Christianæ Doctrinæ amplificationem, atque tutelam. Nam quæcumque a recentioribus tanto cum fastu & discutiuntur, & illustrantur in Scripturis, felicius profecto, quam præstitum olim fuerit, ea propemodum omnia nihil aliud quam Parerga Scripturarum sunt, nihilque magni momenti per illa adjungitur ad illustrationem Doctrinæ, ac Religionis Christianæ. Utilia sunt, laudanda sunt, non nego; at numquam ejus necessitatis, quam sibi nonnulli somniant. Eamque ob causam Apostoli numquam aut præcepto aut consilio commendarunt tamquam necessariam Christianis Hebraicæ Linguæ peritiam; & qui eos viventes auscultarunt, istius aut præcepti aut consilii numquam meminere. Immo fuere inter ipsos Christi discipulos, quos non novimus in eo idiomate excultos, quum & pateat ipsos Græca versione τῶν LXX. sere semper usos, & primos Episcopos ac Patres Ecclesiae in sola Græca Lingua fuisse versatos. Aliud ergo est, in veteri Testamento vim alicuius dictionis, Chronologiam, Genealogias, pondera, mensuras, Choreographiam, idiosismos, eruditorem Historicam, aliaque id genus difficultia explicare diligenter, ad quod Judaicæ Linguæ cognitio necessaria est, ibique sancti Patres aperte vincuntur a recentioribus; aliud vero est ad ædificationem Fidelium ex iisdem sacris Codicibus Dogmata Fidei ac Morum elicere, eaque secundum Christi mentem exponere; heic enim præcellere, aut saltem maximi faciendo esse Parrum Scientiam nos affirmamus, eamque solis vulgaris versionibus, & meditatione, & Traditionis collatione, aliisque ingenii ac animi virtutibus comparari potuisse.

Quarto, irascuntur quidem ac rident neoterici non pauci; sed immerito, quod Allegoriis nimium indulgent sancti Patres, diffiso litterali sensu, qui procul dubio & piæstis allegorico, & rem vere conficit in investigatione ac tutela veritatis contra inimicos Christiani aut Catholicæ nominis, (* & quem præ aliis sequutus est incomparabilis ingenii vir sanctus Johannes Chrysostomus.) Non est, quod heic nos ostendamus, mystice multa eis dicta in divinis Scripturis, sanamque eis, atque ab ipsis Apostolis exemplo comprobata methodum interpretandæ quoque atque exponendæ per Allegorias & Tro-

* Hæc omnia nuper addita.

& Tropologias sacrae Scripturæ. Id est actum agere. Ibi solum laude carere potest, aut etiam culpari, immodicus atque inopportunus mysticorum sensuum usus, & ad eos lepide violenterve contorquere sacras Historias. Quod quum contingit, is & ego sum, qui indignatione commoveor, & moleste ferro inutilem plane laborem illum. Et quamquam reliqua etiam Allegoriae, vel probe deductæ, neque in Libris, neque in Concionibus sacris me multum afficiant, eo tamen confidentiae numquam veniendum esse sentio, ut cum Pherepono pag. 477. Animadu. dicamus: *Allegorica figura qui probet, neminem eruditum nunc inventumiri puto.* Suus quippe & Allegoriarum est bonus usus apud populum; quem hujusmodi quoque argumentis ad officia pietatis, & ad reverentiam Mysteriorum impelli cernimus. Patres autem, ceterique veteres Episcopi, quibus familiare ac necessarium tunc erat plebi fax explicare divina eloquia, allegoricos quoque sensus interdum adhibendos esse arbitrati sunt, quod illos etiam ad utilitatem populorum facere inteligerent. Allegoriae autem sunt usi iis in locis, in quibus & Critica subtilitas, & litteralis sensus nihil per se ad informationem pietatis conferre videbantur, ut in Historicis rebus non raro accidit; idque eo maxime placuit, quod tria Criticorum locum dumtaxat habent inter eruditos, aut inter homines in Religione discordes. Apostolus vero non uno in loco agnovit, totam Scripturam ad institutionem ac Ædificationem nostram tendere. Rom. XV. 4. *Quæcumque enim scripta sunt, ad nostram doctrinam scripta sunt, ut per patientiam, & consolationem Scripturarum, spem habeamus.* Rursum 2. Tim. II. *Omnis Scriptura divinitus inspirata, utilis est ad docendum, ad arguendum, ad corripiendum, ad erudiendum in iustitia, ut perfectus sit homo Dei, ad omne opus bonum instruktus.* At multa in Scripturis habentur, quæ nisi mystice & allegorice exponas, ad eruditionem justitiae solo sensu litterali difficile inservire possint. Vide Augustinum in Libris de Doctr. Christi.

Quod ergo heic præ omnibus animadverendum censeo, illud est: hisce mysticis atque allegoriciis Interpretationibus tum solum induluisse Augustinum, & reliquos propter modum Patres, quum ad populum verba faciebant, aut suas elucubrationes in institutionem & Ædificationem plebis emittebant. Quod si res erat adversus Hæreticos, Ethnicos atque Judeos, tum maxima, immo unica cura iis de litterali sensu fuit, cuius vim atque necessitatem tunc omnes intelligebant.

Si Allegoriis tantum productis Dogmata statuere ac tueri se posse credidissent Patres, non immerito nunc aspere exciperentur a Censore Pherepono. At litteralis sensus arma tunc ministravit. Si quando allegoricus in ea dissidia irrepsit, ut ornamentum accessit, non autem ut argumentum veritatis; & tum solum accessit, quum aliunde confirmata valide ac evidenter fuerant Ecclesia Dogmata, aut quum litteralis sensus aliquid sonaret a dignitate Numinis, atque a constante Fidei Doctrina dissonum. Alium testem heic nolo, quam Augustinum ipsum in totis disputationibus suscepis contra Arianos, Donatistas, Manichæos, Pelagianos. Immo eundem audi in Epistola 48. nunc 93. ad Vincentium, Cap. 8. *Quis non impudentissime, ait, natatur aliquid in Allegoria positum pro se interpretari, nisi habeat & manifesti testimonia, quorum lumine illustretur obscura?* Ad hæc in Lib. de Gen. contra Manich. Lib. 2. Cap. 2. litteralem sensum, dum fieri potest, retinendum, & præferendum docet, in hæc verba scribens: *Sans quisquis voluerit omnia, quæ dicta sunt, secundum literam accipere, id est non aliter intelligere, quam littera sonat, & potuerit evitare blasphemias, & omnia congruentia Fidei Catholice praedicare; non solum ei non est invidendum, sed præcipius multumque laudabilis intellector habendus est.* Lega & reliqua. Sed luculentius, quæ sua mens heic fuerit, Augustinus prodit Lib. 17. Cap. 3. de Civ. Dei. *Mibi, ait, sicut multum videbatur errare, qui nullas res gestas in eo genero litterarum aliquid alia præter id, quod eomodo geste sunt, significare arbitrantur; ita multum audere, qui proflus ibi omnia significationibus allegoriciis involuta esse contendunt, &c.* Infra addit: *Hoc enim existimo, non tamcul culpans eos, qui potuerint illic at quacumque re gesta sensum intelligentie spiritualis exculpere, servata primitus dumtaxat Historia veritate.* Ceterum quæ ita dicuntur, ut rebus humanitus, seu divinitus gestis, sive gerendis, convenire non possint: *quis fidelis dubitet, non esse inaniter dicta?* Atque ita Augustinus sentiebat.

Quæ profecto unicuique persuadere jam debent, nimis excessisse Phereponum, dum propter Allegorias & Linguarum inopiam, toties ac tantopere cum fastu insultat Augustino. Eum vero potissimum audias, pag. 476. Animadu. perpendentem hæc Augustini verba Confess. Lib. 11. Cap. 2. *O Domine perfice me, & revela mihi, scilicet Scripturarum secreta atque obscura.* Orationem hanc quidem religiosam, & dignam Episcopo agnoscit Phereponus, sed cum ea coniungendum

dum fuisse ait studium Linguarum, quibus conscripta erat Scriptura, & comparanda cetera praesidia, quibus demum adhibitis, Scriptura inteligi posset. Sed quum ea Augustinus neglexerit, illa dumtaxat in Scriptura intellexit, que potuit homo Linguarum & Critice imperitus intelligere. In ceteris & postea, & Platonismum nobis pro Doctrina Apostolorum propinat, aut argutias inanem magna verborum pompa nobis obtrudit. Quam verborum acrimoniam ut aliquo pacto emolliat, subdit: Quæ non eo dico, quod eloquentiam, & acumen in rebus prefertim Metaphysicis, Augustino detrahant, aut quod meritas laudes minus libenter tribuant; sed quia video multos ejus auctoritate abutit, & eos pre illo contempnere, quibus nulla ratione conferri potest. En ergo bona tandem verba impetravimus a Censore, modesto in speciem, sed fortassis acerbitate nulli secundo. Quæ enim contemptus signa atque dictoria congeserit in Augustinum, specimina superioris adusta satis nos docent. Sed quota quæso est laus ista, qua Pherepono sibi de sua malevolentia timenti extorta esse, aut tandem excidisse videtur? Aliquid est, eloquentiam & acumen in Augustino agnoscere, postquam ejus eloquentiam & acumen roties irrisisti. Aliquid est, cum laudibus dignum fateri, quem ubicumque possis vituperandum tibi statuisti. Sed (uti nemo cordatus non fateatur) Censoris honesti atque germani erat, non minori cura atque sinceritate has ediscerere laudes, quæ vere Augustino convenient, quam maculas in ipso, ut sibi videatur, detegere, & grandi etiam ore incusare. Ita factum fuisse, ut non odio viri sanctissimi, sed amore veritatis videri multis posset contra eundem militare Phereponus. Saltem in ejus Censura aequitatem, ac modestiam tam saepe desiderare non cogemur. Omnium autem Eruditorum confessum heic appello, & peto, an non eæ sint virtutes

tum intellectuales, tum morales in Libris Augustini, ut Auctorem exhibeant omnium amore ac veneratione dignissimum? Erraverit quidem; nonnulla ignoraverit; gravis quoque viris ea calamitas familiaris deprehenditur. In aliis excusemus, quod nobis condonatum vellemus. Et quamquam nefas minime sit, immo potius sit commendandum, magnorum etiam vitiorum errores ac defectus diligenter investigare, & interdum etiam prodere in communem utilitatem; ferendi tamen si non sunt, qui nulla reverentia, * multoque superciliosus ac ira id præstant, & propter naves quosdam non excusatione indignos tam effuse debacchantur, ut quantum ad ipsos pertinet, reliqua ingentia merita, illustresque dotes denigrare ac penitus tollere velle videantur. Neque vero quod alii nimis laudibus extulerint Augustinum, ejusque auctoritate abutantur, tibi in oppositum excessum proruendum est, ut vitio tuo illos sui vitii commoneas. Utrumque peccatur. Sed Augustinum præ reliquis tot virtutes commendant, tot merita illustrant, ut qui in tantis laudandi caussis, ejus vituperationem unice persequi amet, jam malevolentia insignis, & iniquæ censuræ poenas evadere apud aequitatis amantes non possit.

Repete nunc laudes a Pherepono superioris tributas Hippomensi Episcopo; levissimas sane, ac nullas, dum Augustino eripias veræ Theologiaz scientiam, Scripturarum sacrarum intelligentiam, eidemque contra obijicias tamquam familiares aeras pugnas, & Platonicae doctrinæ abusum, quam nempe pro Evangelicis dogmatibus obrudebat credulæ plebi. Nam quid atrocius de Augustino proferre possis, quando eidem violata Religio Christiana notam inuris, & ignorantiam omnium deterrimam? Post tantum dedecus nihil sere laudandum supereft in Augustino. Proinde nemo non videat, meras hac esse

* Hac de re satis abunde superiorius egit Auctor noster Lib. II. Cap. IV. ubi statuit, *Errores quidem in sanctorum Patrum scriptis non dissimulando; sed modestè agendum, & excusando errantes.* Cujus sane canonis equitatem quis non agnoscat, approbet, feletur? Attamen doleendum maxime, nostrò & superiori sæculo nonnullos exstisit in sanctos Patres adeo inverecundos, ut eos proficiendos ac ludibrio habendos duxerint. Dalleum omitto, cuius virulentum Opus *De Uso Patrum* cordatiobus Protestantibus improbatum. Sed Danielis Whiby's audaciam ferre nequeo, qui licet Dallei Librum doctiores Ecclesiarum sue Anglicanae homines, Ufferius, Pearsonius, Fellus & in primis Scrivenerius, fuerint execrati; eius tamen doctrinam impianam instaurare contendit, edita Londini an. 1714. in 8. *Dissertatione de sacrarum Scripturarum interpretatione secundum Patrum commentarios*, in qua potissimum probare nititur, *santos Patres non esse idoneos sacra Scripturae interpretes.* Si autem Whibyus in sanctos Patres iniquior, eorum auctoritatem in Scripturarum interpretatione infirmare aggressus est; in eodem iniquissimum se prodidit Joannes Barbeyracius in Opere Gallice inscripto, *Traité de la Morale des Pères de l'Eglise*, edito Amstelodami an. 1728. in 4. quo nimurum ostendat, si Diis placet, Doctrinæ morum ignaros profus aedeoque ineptos Magistros fuisse vetustos Ecclesiæ Patres. Horum exemplum testatus Joannes Clericus, & ipse in suis Epistolis Criticis, sed præcipue in Epistola IV. patrocinium Dallei suscipiens, plurima in sanctos Patres dictoria & suo amarulento pectore evomuit. Horum quidem me miseret; sed eorum e nostris in primis, quibus placita illiusmodi hominum arrident.

esse calumnias, quam constet, Augustinum neque tam turpiter offendisse, neque caruisse scientia & præsidii necessariis ad rectam interpretationem Christianaæ Doctrinæ, sacrarumque Litterarum. In Parergis expoundens negare nolim, quic quandoque Augustinus frustra sudaverit ingenio suo, ea que protulerit, quæ Criticis atque Eruditis nostrorum temporum parum, neque injuria, arrideant. At in nationibus vera Virtutis, in explicatione Evangelicaæ Veritatis, atque in tradenda illa Scientia, quam præcipuum diximus esse divinarum Scripturarum materiam, in iisque locis exponendis, quibus ista nititur & confirmatur, aut contrarii errores damnantur: non falso minus, quam impudenter aberrasse dicitur Augustinus. Locum unum proferat Phereponus, quo apertum fiat, tradidisse Augustinum contraria Apostolicæ Fidei. Sed ille puto nihil aliud adferet, quam quæ ab Arianis, Socianis, Remonstrantibus, Calvinianis, aliisque ejus gregis hominibus perperam non tam in Augustino improbantur, quam in Ecclesia Catholica. At virum, non alia quam ista Augustino obijcentem, meminisse decebat, jam millies a Catholicis protritas suisse hujusmodi accusations; & quamvis se viatos non dent Hæreticis, non id nostro, sed Hæreticorum virio ac pertinacia fieri. Nostrum certe omnium ea de re judicium ita habet.

Atque hoc potissimum fuit, quod in laudatis supra Confessionum verbis exposcebat a Deo vir sanctus & humilis, ne a Fidei ac Morum Doctrina cælesti aberraret umquam, dum eam in sacris Litteris abditam scrutaretur. Nam ut ut in Parergis pertractandis te eruditio deficiat, atque hallucineris (quod maximis etiam viris, iisque ad miraculum Criticis, (* interdum) accidit, & porro accidet): neque Religio ipsa tum laeditur, neque perit hominis errantis Fides. Tum solum errare pessimum est, quum Fidei Morumque Doctrinam aliqua ex parte errando labefactas. Et quamquam nos quoque fateamur, validius atque efficacius per ea præsidia defendi, suaderi, confirmarique posse Religionem & Ecclesiam veram Christi; quamquam etiam non negemus, ad multa Scripturarum loca necessariam utilemque esse Linguæ Hebrææ peritiam; attamen addimus, non esse illam Catholicæ Interpreti aut homini Christiano absolute necessariam, positis fidis Versionibus, in ea parte, quæ spectat ad propriam factorum Codicum intentionem sive materiam. Denique animadver-

tendum, hanc ipsam aciem ingenit, & Criticam Artem, & reliqua præsidia, & præstantiorem methodum, neque ad Interpretationem faciendam numeris omnibus absolutam, neque ad germanam Christi Doctrinam intelligendam prodesse, nisi e Cælo virtus interpretandi, atque intelligendi descendat. Certe Hebraeorum Linguam callebat Regius Prophetæ, & tamen is in Psalmo 118. Deum rogat, ut ad rem tantam sibi sit presto. *Damibi intellectum, & scrutabor legem tuam.* Et ibidem: *Revela oculos meos, & considerabo mirabilia tua.* Et rursus: *Faciem tuam illuminata super servum tuum, & doce me iustificationes tuas.* Hinc sanctus Hieronymus in Epist. ad Paulinum: *Si tantus, inquit, Propheta tenebras ignorantie confiteretur: quan nos putas parvulos & pene lactentes inficie nocte circumdati?* Qua ex re intelligat quisque Theologus precandi Dei, atque animi a vitiis purgandi necessitatem, quo intellectus ad assequendam mentem ac voluntatem Dei, suam legem proponentis, expeditus aptusque fiat. Facilius vero contingit, ut humiles corde, licet semidocti, quam summe docti, sed ambitione turgentes, pravisque cupiditatibus addicti, penetrent in sacrarium cælestis revelationis. Audi Magistrum ipsum nostrum ita ad Phariseos Legisque peritos loquenter Luc. XI. 52. *Væ vobis Legisperitis, quia tulistis clavem scientie, ipsi non introfisi.*

Accedat demum experientia ipsa. Non plus olim in cognitione Christianæ Legis, tum ad Mores, tum ad Dogma spectantis, exceluere Patres, Criticæ & Linguarum gnari, quam reliqui Patres solis Versionibus & Traditione contenti. Catholicis vero nostræ ætatis non paucis, Phereponus, ut puto, Eruditionem, Criticam, Studiumque Orientium Linguarum non negabit. At isti, quod est ad Dogmata Fidei ac Morum, & in præcipuis Disciplina Ecclesiastica capitibus, consonant cum antiquis Patribus, neque eos errasse agnoscunt propter ignorantiam Linguæ, neque constituisse pro Christi & Apostolorum documentis somnia Platonis. Rursus qui tantum sibi de Critics Linguarumque peritia plaudunt, in gravissimos errores, teterrimasque Hæreses concessere, atque inde ad Catholicam veramque Fidem exsurgere nequeunt, & exsurgentum non putant. Quid quædam tam ambiciofa hæc scientia valet Grammaticæ famen potius, quam germanæ Theologie speciem referens? si ab Ecclesia Orthodoxa avertit, & in maximis erroribus tam pertinaciter quiescit? Et ne no-

* Al. *sepo.* Vox substituta lenior.

nobis Romano-Catholicis nos blandiri ac tribuere nimium dicant^{1.} sese, gregemque omnium Hæreticorum, qui nunc in Septentrionalibus regionibus tanto numero, tanta diversitate regnant, tandem contemplentur. Non inter se minus turgidi isti Critici atque Heterodoxi pugnant, quam cum Catholicis; & alter alterum Hæresis, & abdicata Evangelicæ Doctrinae incusat. Melius, inquit, quam in cruditi Patres, eruditio nostra divinas interpretatur Scripturas. Bene est; at cur dissident in præcipuis Evangelii dogmatis? Quei alter alterum non vincit? Cur non dicam gregales suos, sed ne ipfos quidem Catholicos, quanquam sinceros, & de puritate Fidei suaque salute sollicitos, quidquam e priori sententia dimovent? Discant ergo, quid possit Critica & peritia Linguarum, ad intelligendam veram Christi & Apostolorum Doctrinam; discant se potius Grammaticos egregios, quam Theologos Orthodoxos ea eruditione sœpe fieri; & tandem intelligent, se quidem in sacris Codicibus multa melius, quam Patres exponere posse in ea eruditione, quæ ad salutem non ducit; at in præcipua ac regia sacrorum Codicum materia, quæ ad veram Fidem sustenque dedit, plus potuisse ac posse Ingenium Catholicum, meditatione constanti excitatum, pietate ac humilitate Cælo carum, Traditione suffultum, & probatis ab Ecclesia Versionibus contentum, quam potuerit umquam, sive possit tota Criticorum justantia.

Accipe nunc, quid Phereponus ferat pag. 605. Animadv. ad Lib. 2. Cap. 3. de Bapt. contra Donatistas. Si omnes, inquit, omnino Africæ Episcopos congregasse ad judicium fervendum de sensu loci veteris, aut novi Testamenti, "quorum nullus Hebraice sciebat, & per pauci Grece norant: ingens illa imperitorum multitudine incepit erat ad recte judicandum, quam vir unus poritus utriusque Linguae; exempli causa, quam solus Hieronimus Stridonensis, quamvis tanta non fuerit ejus peritia, quanta vulgo putatur. Misera plane Christi Ecclesiam, cui exspectanda fuere duo proxime præterita sæcula, hoc

est fortunati illi dies, qui tot nobis dedere acutissimos Criticos in Heterodoxorum cœtu, ut recte ac sine erroris periculo interpretari posset caelestia Legis nostra volumina. Et si quidem Pherepono soldet ipsomet sanctus Hieronymus, quid de reliquis Patribus eidem imparibus dicendum erit? Equidem incertus hærc, num (* plus) in contemptum hominum ista sententia vergat, quam in contumeliam Dñi, qui & statim ab aëdificatione, & tamdiu, suam deseruit Ecclesiam, & ignorantiae omnium perniciosissimæ evertendam dedit, neque inculcavit umquam per Filium suum, aut per Apostolos, Hebraicæ Lingue necessitatem, omnipiumque Versionum infuffientiam ad salutem, & frustra nos hortatus fuit, ut Ecclesiam audiremus, eique Ecclesiæ immunitatem ab errore pollicitus est. At quis hæc absurdæ facile somniet, aut concoquat in Religione Christi? Satis fidæ Versiones in iis, quæ ad Christianum Dogma spectant, semper fure; sufficiens Eruditio (** semper fuit) in Ecclesia Dei; & quod in primis hoc facit, longe lateque diffusa Traditio non sinebat errare pios accuratosque Interpretes, quamvis in locis minime necessariis exponendis deficerent interdum nonnulli, & methodo nonnumquam minus commoda uterentur. Quod si ex ipsis Patribus aliquis in re quam gravi erravit, ejus errores minime adoptavit Ecclesia, sed correxit, Traditionem & consensem reliquorum fideliter sequuta.

Pergit deinde Phereponus: *Quis dubites etiam superiore seculo XVII. unum Hugonem Grotium, aut unum Joannem Drusum, ratione potuisse scripturam veteris & novi Testamenti interpretari, quam omnes Italie ac Hispanie Episcopos simul, capita conferentes?* Nolo ne vel tantillum quidem expendere, num haberet proxime præterito sæculo *** Italia atque Hispania, qui Hebraice & Græce docti possent divinas recte interpretari Scripturas. Satius erit aliquid afferre in exemplaria sacrorum Interpretum nobis a Pherepono proposita. Drusus inter Protestantes Hebraica certe ac Rabbinica

Oo Eru-

* Al. magis.

** Addita hæc, semper fuit.

*** Non adeo levi brachio locum hunc tractasset Auctor noster, si dum hæc scriberet, publici juris suffisset Pauli Colomæ Italia & Hispania Orientalis, sive Italorum & Hispanorum qui Lingua Hebream vel alias Orientales excollerunt, Vite; Opus non ita pridem a Joanne Christophero Wofio Hamburgi editum, an. scilicet 1730. in 4. Eo nimurum compertum fit, proxime præterito sæculo (quod hec nempe noluit inquirere Muratorius) plures egregios viros Italiani atque Hispaniani habuisse, Hebraice & Græce doctos. Quin & Richardus Simonius (*Réponse aux Sentimens de quelques Theologiens de Hollande Cap. I.* pag. 18. seq.) Joanni Clerico exprobavit, in Linguarum exoticarum cultura & studio Catholicos cum tempore tum industria Protestantibus anterferendos; hosque Catholicorum scribia expilasse, si quid boni aliquid ad sacram Scripturam illustrandam in medium attulere.

290 DE INGENIORUM MODERATIONE

Eruditione illustris, talem se præbuit, ut vel a Catholicis Scriptoribus tulerit eximias laudes. De illo Richardus Simonius in sua Historia Critica paucis ingentem Panegyricum exhibet. Animus autem mihi non est, totam ejus laudem inter Grammaticæ pomœria concludere, quum & propterea Divinus Grammaticus apud suos audierit. Tibi liceat hominem illum Theologis etiam addere. Sed memineris aliam, in Theologicis controversiis atque in interpretatione divinorum Codicum supra quamplurimos & suis moderatione atque modestia excelluisse. Immo & abstinuit a subscribenda Calvinianorum suorum confessione; & Græcorum Patrum, ac Hieronymi scripta in honore habuit; & aliis in multis Catholice sentire vi-sus est: quæ agendi ratio homini peperit odium suorum gregalium.

Quantus vir inter eosdem Protestantes fuerit Grotius, nihil attinet in praesentia commemorare; ejus enim Libri ac fama tanta celebritate feruntur, ut nostro plane non indigeant elogio. Eum Arminianis totum adhæsiisse, & multis erroribus ejus Libros scatere, nemo nescit: an & Socinianis in præcipuo illorum deliramento sese junxerit, non ita certum; multaque in idem argumentum Bossuetus Vir Clariss. scriptit. * Sunt qui istius criminis notam ab ipso abstergere co-nantur. Verum illud pro comperto est apud Eruditos, Grotium impense admodum inclinasse in Catholicorum partes: immo nisi mors immatura ejus consilia prævertisset, nomen suum Ecclesiæ Catholicæ daturus erat. Luculentum in hanc rem testem habemus Virum Clariss. Henricum Valestium in Oratione habita in funere incomparabilis viri Dionysii Petavii Soc. Jesu. Ita ille de eodem Petavio: *Quid non præstitit, ut clarissimum virum Hugonem Grotium ad Catholicorum communionem adduceret?* Era illud quidem minime a nobis alienus, ac pene noster; quippe qui doctrinam Tridentini Concilii in omnibus sese amplecti palam profiteverut. Id unum supererat, ut Ecclesie sacrarium ingressus communioni nostræ sociaretur; quod ille nescio quas ob causas, dum ad Catholicæ Fidei unitatem plurimos secum sperat adducere, consulto differebat &c. Cum Valestio consonat Petrus Jurius in Gallico Libro, cui titulus *Ingenium Antonii Arnaldi*. Postquam dixit, Isaacum Casaubonum, si quid

fuit, fuisse Papistum, addit, *Grotium* quoque se conjectisse in Papismum: expresse quippe is statuit in postremo Opere suo adversus Rivetum, *solan sacram Scripturam nequaquam sufficere, sed opus etiam esse Traditionem sequi; atque ut percipiatur ista Traditione, confugiendum esse ad consensum veterum Scriptorum; præcipue vero certam esse viam ipsius colligendæ ex universalis Concilio &c.* Illic etiam Episcopis ingentem tribuit auctoritatem in decernenda Fidei Doctrina, & præsertim Episcopo Romano, quem ad conservationem veritatis atque unitatis consulendum esse in dubiis rebus affirmat. Ad hanc testatur Jurius, obligasse Grotium fidem suam Bignonio, se post redditum e Suecia Catholicam in Ecclesiam palam ingressurum. Vide etiam peculiarem Commentationem Grotii de Antichristo, & Viam ad Pacem Ecclesiasticam, seu Annotationes ad consultationem Cazzandri, ubi quantum Romano-Catholicis assentiantur, palam fieri. Quæ res Jacobum Laurentium Calvinianæ gentis Ministrum jam olim incitavit, ut Librum emitteret, cui *Papissamus Grotii* titulum fecit. Sed Epistolas Grotianas omnium maxime heic perpendendas Lectori relinquimus, quum toties in iis edifferat Grotius, quæ sibi de Catholicæ Ecclesia foret amica opinio, & quanti a se estimarentur & colerentur probatissimi Ecclesie Patres.

Atque ista quidem de Drusio & Grotio, non ut ea quasi ignota narrem Protestantibus, sed ut alicui e nostris non satis rerum perito subveniam, atque in nostram omnium utilitatem pauca demum ista convertam. Si Drusius & Grotius, quos ut divini Verbi præstantissimos Interpretes nobis objicit Pherponus, tam bene de antiquis Patribus sensere, eosque sanæ doctrina testes amplissimos suspexere: ergo sancti Parres in eo, quod maximi resert, hoc est in Dogmatica Theologia, atque in interpretanda cælestium Librorum doctrina, ali ex opinione Drusii & Grotii fuerunt, quam nobis persuadere nunc velit Pherponus. Deinde si celebres illi duo Protestantes, quo magis Linguarum Orientalium peritia ac eruditione excelluerunt, eo magis in sententiam & communione Catholicæ Ecclesiæ inclinarunt: ex eorum exemplo conjicere quisque potest ac debet, quid sit Ecclesia nostra, & quam sana sint illius Dogmata, in quibus sita præcipue est

* Magni Bossueti Opusculum heic laudatum, inscribitur *Dissertation sur la Doctrine & la Critique de Grotius*; etiæ præfixum *Secunde Instructione*, quam illustris Auctor edidit in Versionem Novi Testamenti a Richardo Simonio adornatam. Hic autem Interpres agere ferens, Episcopum Meldensem Grotii novos notasse, ejus memoriam vindicare sibi viuis est, Dissertationem Bossuetianam perstrin-gens in sua *Bibliotheca Critica* & quam consule: *Biblioth. Critique Tom. III. Capp. XIII. XIV. XV. pag. 119. 176.*

IN RELIG. NEGOTIO. LIB. II. CAP. XVI. 291

est Religionis veræ substantia. Intelligas etiam, quam non contemperi Patres, licet minus in Critica & Linguis versati, quoties eos Ecclesia ista Traditionis testes adhibet, & in scientia Dogmatis in sacris Litteris descriptorum fideles agnoscit Interpretes, & sequitur. Eamque nostram methodum, atque sententiam de Patribus placere video multis etiam eruditissimis ex ipso Protestantium numero. Vide, quæ Scriptores nonnulli Anglicanæ Ecclesiæ adhærentes, de ipsis Patribus corumque auctoritate fateantur. Unus præcipue ex iis mihi nominandus est Thomas Milles, qui ante paucos annos in novissima Editione Operum Sancti Cyrilli Hierosolymitani contendit, sola Traditione

& auctoritate Patrum & convinci debere numeros Arianos, sectatoresque Socini. Quamobrem ex iisdem exemplis quæ in medium Phereponus protulit, intelligat tamdum ipse, si potis est, sive injuria Augustinum ceterosque Patres a se explodi nec posse, & maleficentiam potius quam justam censuram sapere, quæcumque tanta asperitate, & sine ulla exceptione, & sine ullo rerum deiectione, adversus eosdem inde conscripsit. (*Denique rideas turgidam quæcumdam jactantiam, qui quod Hebraicis Litteris operam dederint, Religionis Magistros jam se evasisse arbitrantur, ceterosque contemnunt. Nihil enim ex iis Litteris pendet veræ Religionis Christianæ scientia atque tutela.)

C A P U T X V I I .

An loquentibus de divinis rebus novas voces adhibere liceat, ac licuerit. Necesse compulsi Ecclesiæ Patres tot quæstiones pertractarunt, ut ab Hæreticorum technis ac erroribus Catholicam veritatem liberarent. Injusta criminatio Phereponi contra Augustinum, tribuentem Monnicæ matris suæ quædam in Libris de Ordine. Idem Libri a Pherepono nullo jure contemti. Ad Ordinem politicum spectat in Urbibus tolerare Meretrices, ne pejora mala subsequantur. A Fanatismo ac Enthusiasmo quam longe absuerit Augustinus. Quibusdam hominibus non necessarii Codices sacræ Scripturæ. Sapientie Liber cur Salomonis adscriptus, & nihilominus Canonicus reputatus. Augustinus de Gothis agens in vastatione Urbis nihil dissimulavit. Alia Phereponi tela in sanctum Augustinum repulsa.

Congerere nunc juvat nonnulla alia, quæ in Phereponi Animadversionibus sparsa occurunt. Pag. 477. ad Lib. 13. Cap. 11. Confess. auctor est, de Trinitate esse parvissime disputandum, uti de aliis hujusmodi Mysteriis; si enim de iis loquemur dumtaxat, quatenus nobis sunt revelata, atque loquutionibus Scriptura contenti, ignota Deo relinquemus, non tot effont contentiones &c. Paria habet pag. 516. ad Cap. 20. Libri de Agone Christiano, ubi Theologos culpat, quod post exortas Nestorii controversias audacter explicare velint, quod nesciunt de Incarnatione Verbi: sed fuisse hac de re mentem suam explicat pag. 600. Animadv. ad Lib. 1. cap. 4. & pag. 602. ad Lib. 7. cap. 4. de Trinitate, valde ambigue loquutus esse Veteres de Deo uno &

trino ait: id quod piaculo proximum putat. Tum laudat posteriorum sæculorum Ecclesiæ, quæ Veterum audaciam emendarunt. Nos ergo, deinde subdit, de unitate Dei, de que Patre, Filio & Spiritu Sancto ex Scriptura quoque loquamur, atque sentiamus, nec putemus id posse a nobis perspicue explicari, quod perspicue revelationum non est; aut melius exprimi verbis nostris, quod non assequimur, quam verbis Christi & Apostolorum, &c. Si veteribus ignoscimus, quod de Unitate specifica divinæ naturæ in Patre, & Filio & Spiritu Sancto docuerunt; ne immisericordes simus in eos, qui hac de re aliter quam nos nunc forte sentiunt, si modo Scripturam sacram normam fidei suæ habeant, preceptorum Evangelii sint observantes, redditumque e celo Domini nostri Jesu Christi vivos & mor-

OO 2 tuos

* Istæc notabilis additio secundis curis accepta.

tuos iudicaturi nobiscum prestolentur. Qui heic loquitur, Arminianus est, & pro se ac pro Arminianis perorat, cuius *Sectæ Libri & præcipue Confessio cap. 3.* & *Apologia cap. 3.* & Limburchius variis in locis, hoc idem docent; nempe in proponendo Trinitatis mysterio abstinentium esse a vocibus, quas humana auctoritas induxit. Gratissima utique Socinianis sententia. Immo Episcopus atque alii gregis illius, abstinentium quoque dixerunt a sententia & vocibus, quibus Deum unum in essentia, trinum in personis affirmamus; Fidem quippe Trinitatis (si iis credimus) necessariam ad salutem non censuerunt priora tria Epochæ Christianæ saecula. Iisdem numeris canentem nunc audimus Phereponum, & insultantem aliis in locis Augustino, tamquam de eodem immenso mysterio inepta narranti.

Equidem omnia, quæ in Libris de Trinitate edisseruit sanctus Augustinus, in me non reciperem ostendere talia esse, quæ unicuique placeant, quum & aliqua sint, quæ Augustinus ipsemet probasse non videtur. Sed siue clumbia sint illie argumenta, siue multiloquium, & ornamenta superflua pro dignitate ineffabilis argumenti (* ibi occurrant:) nihilominus illud certum esse debet nobis, quod est ad nucleus Dogmatis, nihil ea in re hallucinatum fuisse Augustinum, ejusque orationem a crimine audacie profus abesse: neque fecus judicandum de reliquis Patribus, qui Augustinum praesessere. Investigata sunt quidem in Theologiam, de Deo uno ac trino loquentem, vocabula nonnulla quæstionesque non paucæ, quorum nusquam expressa meminit divina Scriptura. Sed quod iis vocibus novis significatur, hisque de controversiis Ecclesia decrevit, veterem & Apostolicam nihilo fecius Doctrinam continet, quippe ex aliis evidenteribus Scripturæ placitis rite deductum, aut per Traditionem certissimam a Christo Ecclesia suæ revelatum. Fecerunt autem subinde pullulantes Hæreses, grande illud mysterium variis erroribus vexantes, ut ipsi quoque Patres coæsti vocabulis novis uti, scientiam divinarum rerum uberiori explicarent, & ab Hæreticorum erroribus atque cavillationibus, multiplicata quæstionum segete, fortius tuerentur. Augustinum ipsum audi Lib. 7. c. 4. de Trin. Faceamus loquendi necessitate parta haec vocabula, quum opus esset copiosa disputatione adversus insidias, vel errores Hæreticorum. Quum enim conaretur humana inopia loquendo proferre ad hominum sensus, quod in secretario mentis pro captiu tenet, de Domino Deo Creatore suo, sive per

pram fidem, sive per qualemcumque intelligentiam, timuit dicere tres assertias, ne intelligeretur in illa summa equalitate ullæ diversitas. Rursus non esse ritu quedam, non poterat dicere; quod Sabellius quia dixit, in Heresim lapsus est, &c.

Quod vero ambiguae hisce vocabulis loqui sint Veteres, etiamsi id concedere vellamus, non tantum admirationis aut accusacionis justa causa Pherepono foret. Linguarum diversitas obstabat interdum, ne Christiani unius Linguæ, voces alterius, causa novarum controversiarum in Theologiam illatas, expedite intelligerent. Tum varias notiones uni atque eidem voci subjiciebant nonnulli; rursusque unam rem diversis vocibus significabant alii. Sed Hæreticorum in primis arte accidit, ut ambiguae viderentur voices, dum suam illi doctrinam aut celare, aut dealbare niterentur, ne erroris accusatur. At collatis, & probe expensis & in Conciliis potissimum, Catholicorum Patrum sententiis, explorata quoque diligentius Hæreticorum mente: demum constabat, verbis tantum, non rebus, inter se discrepare Catholicos, & Dogmata per eos certissima tradidi, & falli Hæreticorum novitatem. Ait Phereponus, abiciendas loquitiones novas de Trinitate, & iis contentos nos esse debere, quæ in Scripturis sacris habentur. Catholici quoque hoc faciendum suadent, ne novam doctrinam sub vocibus novis in Ecclesiam inferamus. Basilius, Nazianzenus, Cyrillus, ac alii complures modum ac sobrietatem laudant, in loquendo de rebus divinis, jubentque nos temperare temerariis quæstionibus. Sed quum nos cogunt Hæretici per alia verba explicare mentem ac voces divinarum Litterarum, nihilque aliud quam vetus doctrina proponit, vel per legitima confessaria ex eisdem sacris Litteris derivata, vel per accuratam investigationem & Traditionem Patrum hausta: tunc licet, ac interdum etiam necesse est, nova verba a Scholis & Linguis mutuari. Filiis autem Ecclesiæ vera uti nefas est aliquid proferre, quod sacris Scripturis adversetur; ita crimen est ut negare, aut damnare, atque rejicere quidquid rite per Ecclesiam deducitur ex eisdem Scripturis, ac Traditione fidelis. Sabellius ita unitatem Dei deprædicat, ut Trinitatem excludat. Ecce necessitas novarum vocum, ut Apostolorum Doctrina melius innotescat, & novus error profigetur. Divinitatem Filii Arius negat; Sancti Spiritus Macedonius; in Christo duas naturas impie disjungit Nestorius, pessime confundit Eutyches: en quod Patres adgit ad loquitiones novas in Theologicis.

* Hæc clarius addita.

gicis usurpandas, quo quid credendum moneat Fides, clarus intelligatur in populo.

Et fallitur Phereponus, quem Dogmata hujusmodi non perspicue revelata ait; nam eti non semper apertissime verbo Dei scripto, certe revelato per Traditionem, ea omnia perspicue constant. Frustra quoque invidiam facere conatur Catholicis, quasi melius exprimi posse putemus nostris verbis, quod non asequimur, quam verbis Christi, & Apostolorum. Id enim necessitate sit, & ad eruditio nem indoctrantis, & ad confutacionem errorum; & in hunc finem Christus Ecclesiae fuit, ut Apostolus ait Ephes. IV. 2. Dedit quosdam quidem Apostolos, quosdam autem Prophetas, alios vero Evangelistas, alios autem Pastores, & Doctores. Quamobrem si divinæ essentiae unitas, & divinarum personarum trinitas innituntur, ut nos contendimus, certa auctoritate Scriptura ac Traditionis: quid est, quod veniam Phereponus, nescio an Arminianis, certe Socinianis, impetrare nunc velit, præcipua haec Dogmata aut negantibus, aut recipere recusantibus? Et quum in Ecclesia Dei talia negare, immo non afferere, inexpiable crimen Hæresis semper fuerit, uti jam doctissimi viri tum ex Catholicis, tum ex Protestantibus, & omnium novissime Georgius Bullus Anglus contra Episcopum ostenderunt: quei nunc licentiam credendi heic, quidquid sua tantummodo menti arridet, Augustini Censor depositit? Si qui ex Veteribus a Catholica sententia discrepasse videntur, iis sane indulgendum, vel quod minus acute, multumque perfunditorie, & sine dolo malo, de sublimibus mysteriis egerint; vel quod solo usu loquendi a reliquis Christianis disenserint, idemque vocibus diversis significarint; vel etiam quod iis temporibus scriferint, quibus nondum aut disputatio cum Hæreticis, aut saera Concilia falli nescia splendissimam facem veritatis prætulerant. At quam quæso indulgentiam debeamus Novatoribus quibusdam Ingenio suo Revelationem accommodantibus, & Ecclesiae auctoritatem, & Patrum omnium Traditionem, nunc unicus nota, & in Conciliis stabilitam, miro fastidio atque ambitione nostro hoc aeo despicientibus? Hoc hominum genus fugendum clamat Apostolus. Hanc superbiam, non cautionem damnandam esse, cum Ratio recta, tum disciplina Ecclesiae satis aperte nos docent.

Regrediamur nunc ad Augustini Libros de Ordine, in quibus quum vir sanctus ingenium Monnica parentis suæ commendasset, Phereponus pag. 478. Animadvy. accusationis noyaansam attripit, inquiens: Si haec in sermone

familiali matri dixisset Augustinus, vituperari Jane non posset, immo forte laudaretur pietatis causa: sed haec nescio quomodo scribere sustinuerit ad virum eruditum, atque edere. Legamus, quænam tandem sint immodica ista encomia in suam matrem ab Augustino gesta. Nobiscum (inquit Lib. 2. cap. 1. de Ord.) erat etiam mater nostra, cuius ingenium, atque in re divinas inflatum animum, cum antea convictu diurno & diligenti consideratione perspiceret, tum vero in quadam disputatione non parve rei &c. tanta mibi mens ejus apparuerat, ut nihil aptius vere Philosophie videbatur. Necesse est nimium delicatus sit, aut nimis adversus Augustinum animatus Censor iste, quando hac de causa vituperandum putat Augustinum, Lege tot Dialogos, tot Libros excellentium virorum; similia & longe majora ubique reperties, quæ aut veritas confirmat, aut certe amor honestissimus displicere auditoribus non finit. Quod si Pherepono judice vel foret laudandus Augustinus, ubi eadem suæ matris in familiari sermone dixisset: cur idem præstitisse in edito Libro flagitium fuit? Immof falsa ea laus reputanda est, gravius peccasset filius, quod matris suæ in faciem adulatus fuisset, falsamque persuasionem bona anxi ingessilier. Quamquam quis in ea laude sobrietatem desideret? Inquit Augustinus, se ingenium illud, eamque mentem, & eum in res divinas inflatum animum (quæ verba sibi reticenda Phereponus non sine causa duxit) ut nihil aptius vere Philosophie videbatur. Non exhibet ille nobis egregiam quampliam in Monnica (liceat ita mihi dicere) Philosophiam, sed ejus mentem ingenio ejusmodi instructam, & ardore in res divinas ita accessam commemorat, ut aptissima esset ad veram Philosophiam. Quæ laus piis etiam nonnullis feminis nostra hac ætate convenire potest, quamvis nullam umquam Philosophie dederint operam. Quanto autem magis in Monnicam cadere eadem laus potuit, cuius prudentiam, pieratem, & reliquas cordis & mentis virtutes sincere expositas habemus in Confessionum Libris?

Sed inquit Phereponus, se nescire quomodo haec scribere atque edere Augustinus sustinuerit, quum præterim Liber de Vita beata, ubi eximia illa Monnica responsa leguntur, edendus etiam esset: eum enim si quis legat, facile intelliget, filium pre amore matris ingenium invenisse in verbis bonis, quæ aliis non facile animadvertant. Niſi sit hoc abuti orio & litteris, quid aliud jam erit? Censem agere volumus: & quidquid occurrit, censoriam protinus virgam meretur. Scilicet non defunt umquam verba

jur-

jurgari, & iudicare sapientibus. Habetus Librum, seu Dialogum de Vita beata, ibi que sunt partes Monnicæ matri. Certe videtur ignorare Phereponus, qui Dialogos contexere soleant cruditi viri. Interlocutores pro libito inducunt, iisque siue ulla culpa tribuant atque affingunt orationem moribus ac ingenio illorum conformem. Quare ne ego quidem intelligo quei dicatur Augustinus *ingenium invenisse in verbis bonae anus*, quando haec eadem verba Augustino sunt tribuenda, & subtiliora melioraque Augustinus eidem sive matri potius adscribere. Deinde consule ipsum Librum de Vita beata, in telligesque an insulsa sive vulgaria adeo sint pauca illa quæ Monnicæ tribuuntur, ut ea contempnere Pherepono licuerit, immo his aliis coepit amonere censuram: *Quæ*, inquit, mulier nunc paulo liberalius educata, *talia & meliora etiam aliud agens non effundat?* At nos dicimus, si quæ mulier talia melioraque etiam aliud regens effunderet, qualia legimus in Libro de Vita beata; sique parvus ardore in res divinas ferretur, ac Monnicæ cerebatur, jure mentem quoque illius feminæ apitissimam veræ Philosophiae affirmare possemus. Ceterum non ita facile ignoscendum videtur Pherepono nostro Monnicæ ingenium, ejusque laudes confidentissimæ ridenti, quæ Censori nupero ex eius convictu diuturno, & diligentie consideratione constitisset, illam ingenii perspicacia caruisse, & bonam tantummodo anum fuisse dicendam. Non uno argumento deprehenderat Augustinus, quanta mens matri sua foret. Tanto ac tam pio viro quisquis fidem sine ulla ratione, & pro solo arbitrio suo neget, non video cur impudentia non sit arcessendus.

Porro eodem stomacho Libros de Ordine Phereponus legit. Nullam quippe ibi definitionem paulo accuratiorem reperit, sed tantum Descripciones Rhetoricas, re descripta sepe obscuroiores, aut certe aequæ ac eam obscuras: quod exemplo uno ostendere non inutile putat. Tum haec addit: *Si talia hodie conscribillarentur, & in publicam lucem protruderentur, profecto Eruditorum plausum non ferrent, uti nec innumeræ inanes argutiae, quibus hec Opuscula scatent. Sed illo aeo verba pluris multo fiebant, quam res ipse; quo virtus & nostrum faculum, plus quam optandum esset, etiamnum laborat. Bono animo volo sit Augustinus, quando Phereponus tot reos cum illo, ejusque atate conjugit. Sæculum nostrum iisdem laborat virtutis, & Sæculum Augustinianum; quum tamen eruditonis*

gloria, & methodi in Litterarum studiis eximiae fama commendetur, & Phereponum non unum luci dederit. Itaque tanto exemplo se consoletur Augustinus. Interim tamen nescio quam multis Lectoribus persuasurus sit Phereponus, Opuscula illa Augustini, quamquam primos illius foetus, verbis dumtaxat, & non rebus, abundare, & innumeris, iisque inanibus argutiis ita scatere, ut nullum Eruditorum plausum polliceri sibi debeant. Evidem non ea dicere auderem absoluta, aut summe commendanda Augustini Opera; sed quidem talia affirmare ausim, ut neque Augustinum quod elucubrarit, ac edi passus fuerit, neque nos si legerimus, ponitum umquam possit aut debet. Vel ipse Phereponus illa pluris astimasset, minusve contemisset, nisi tunc suisset oblitus, quæ licentia, quæ leges, qui finis sit Dialogorum Scriptori. Alioqui vel in Platonis Libris nimium habebit Phereponus, quod rideat, atque accuset. Ego vero Censori huic non succenso, quod exquisitam accuratamque argumentorum pertractionem in quibusque Libris desideret, sed quod ita ab unoquoque exigat optima, ut nihil ferat, omnia flocci faciat, quæ istum pulchritudinis apicem forte non attigerint. Lege Opuscula illa Augustini, & tu perpende, num inepta ipsa sint, an eorum Censor iniquus.

Quid sordidius, quid inanius, decoris ac turpitudinis plenius, meretricibus, lenonibus, ceterisque hoc genus pestibus dici potest? Aufer meretrices de rebus humanis, turbaveris omnia libidinibus. Verba sunt Augustini Lib. 2. c. 4. de Ordine. Optandum esset Augustino, ne talia umquam effudisset; adeo quippe absonta a ratione videntur Pherepono, ut pag. 479. exclamat: *Si talia hodie scriberemus, numquam sat graves penas dare possemus iis, qui ea in Veteribus mirantur. Et quidni? quum si Augustini judicium sequamur, recte faciant Legistatores & Principes, qui lupanaria esse patiuntur; nam prestat paucas domos pollui, quam omnes libidinibus turbari. Audiat porro Augustinus, & quando bene filere non didicit, discat jam a Pherepono nostro consona & vera loqui. Quantu, inquit ille, satius erat dicere, malas mulieres & libidinosos juvenes abuti libertate a Deo accepta, & alia, quæ ab Eruditis nunc dici solent! Dicat quæ Phereponus, num rara atque inaudita se narrare nobis putet, quum talia de meretricibus scribit. Evidem non puto; Nam cui Christiano discendum adhuc est, peccare malas mulieres, & libidinosos juvenes dum*

dum in vestram luxuriam se abripi sinunt? Præterea non libidini tantum, sed cuicunque alii peccato indulgens homo, abutitur libertate a Deo accepta. Addo, me nequaquam intelligere, quid ad rem præsentem faciat animadversio Phereponi. Augustinus querit, an ad Ordinem pertineat, permittere Meretrixes in Urbibus, & Phereponus reponit, se laudaturum fuisse dicentem, id seminarum genus abuti libertate a Deo accepta. Sed rem intimius perscrutetur. Arguere Augustinum videtur Phereponus, quasi meretriciam artem is probet; proprieaque forsitan subdit, peccare juvenes ac feminas huic libidini obsequentes. Verum Augustino nulla alia opinio fuit, quam sit Phereponi; quippe meretriciam artem sordidam, turpitudinis plenam supra ceteras appellat, & pestibus accenset, & hoc hominum genus per suos mores impurissimum vita agnoscit. Igitur Pherepono dumtaxat animus esse potuit fugilandi Augustini, quod dixerit, non male permitti in Civitatibus Meretrices, idque ad Ordinem pertinere. At Augustinum rectissime hoc pronuntiasti, nemo negaverit, nisi qui minora mala negat esse toleranda in Urbibus, quando alter evitari majora non possunt. Hoc autem axioma politicum quisque sapiens amplectitur, & omnium maxime amplecti Phereponus debuit, qui tantum abest ut virtus quadam hominum castigata a Principibus velit, ut vel impune errare in Religione unicuique permittendum censeat. Quod si meretrices ab Urbibus non eliminat secularis Magistratus, non idcirco earum artem licere apud Deum arbitratur. Christiana vero Lex, ejusque Doctores in illam tamquam pestem Deo plaga invisam quotidie perorant; ac proinde constare potest, Ordinis esse, ut mala ac virtus quadam ferantur, neque politice puniantur in hominum commercio, ne si omnia auferre velis, periculosius deinde a gravioribus malis ac virtutis Reipublicæ ordo turbetur. Quod & Medici faciunt in corpore male sano, ipsaque fecisse videatur Judæorum Respublica, & ceteræ Nationes, non libenter quidem, sed necessitate quadam coactæ.

Pauca in Librum de Immortalitate animæ habet Phereponus: ut ut tamen sint pauca, pauciora tamen sunt, quæ Augustinus ipse Lib. 1. cap. 5. Retract. scripta reliquit, & nos repetenda heic existimamus, quum satis sint ad obstruendum ostensiblem Censori, qui ingenuam Augustini confessionem ac sententiam de hoc Libro dissimulare voluit. Inquit ergo Augu-

stinus de Libro eodem: Sed nescio quomodo me invito exit in manus hominum, & inter mea Opuscula nominatur. Qui primo ratiocinationum contortione atque brevitate sic obscurus est, ut fatiget, quem legitur, etiam intentionem meam, vixque intelligatur a me ipso. Eiusdem Augustini verba sunt hæc itala in Prologo ad Libros de Doctrina Christiana: Hec tradere insitui valentibus, & valentibus discere, si Deus ac Dominus noster ea, quæ de hac re cogitanti solet suggerere, etiam scribenti mihi non deneget. Pherepono ista nequaquam probantur pag. 524. Animadv. Quanvis, inquit ille, bonas omnes cogitationes ad Deum, quasi ad honorum omnium primam causam, revere debeamus; non ita tamen loquendum, quasi Deus nos afflaret, & quidquid bonum esse credimus, veluti daret. Tum incommoda nonnulla recentset, quæ hinc nascerentur, & quæ mirari se ait, cur in mentem Augustino non venerint. Tandem in hæc verba definit: Profecto hodie nemo est inter Eruditos, qui velut sub nomine suo edi, quæ suggestiones divine ab Auctore putabantur. Quam vera sint postrema hæc verba, videant alii, quibus ignota non sit Calviniani Gregis, & Anabaptistarum, & Quakerorum, aliorumque id genus hominum Historia.

Quod nostrum est dicimus, bene heic habere doctrinam Phereponi, temporibusque istis usui esse posse, quando recentiora schismata peperere tot in Anglia, Germania, Belgio, aliisque Provinciis, Visionarios, ut vocant. Cavendum autem, ne stulti abutantur nomine ac verbis Augustini, neve revelationes atque inspirations tamquam cælitus delapsas nimium credulis obtrudentes, fallant, simulque fallantur. Ceterum si Pherepono animus est, Augustinus heic tacite Fanaticis, ut ajunt, seu Enthusiastis, accensere, eidemque faltem ex his verbis invidiam creare, nequeo quin desiderem in ejus consilio æquitatem. Nemo longius absuit, quam Augustinus, a revelationibus venditandis; nemo luculentius expressit, qualem sibi met ipsi fidem haberi vellet. Se quippe ille neverat non Prophetam, non Doctorem ab omni erroris periculo immunem. Non ille tantum sibi tribuebat, ut vellet sibi credi quæcumque diceret, quasi nihil non Cœlo Auctore loqueretur in interpretandis divinis Litteris. Sed qui sciret ab homine privato exspectandam non esse certissimam Doctrinæ Christianæ explicationem, & sitam esse immunitatem ab omni errore in unius tantummodo Ecclesiæ auctoritate: sua proinde

de accipi volebat, tamquam dogmata hominis, veritatem quidem querentis, sed non auctoritate cœlesti proponentis. Vulgatissima sunt, & tamen hæc referenda, quæ ille in Epist. 36. ad Fortunatum olim CXL. scribit. Neque enim ait, quorumlibet disputationes, quamvis patabolorum, & laudatorum hominum, vere Scripturas Canonicas, habere debemus. &c. Talis ego sum in scriptis aliorum; itales esse volo intellectores meorum. Et ad Sanctum Hieronymum ita scripscerat Epist. 82. alias 19. Solis Scripturarum Libris didici hunc deferre honorem, ut nullum auctorem eorum in Scribendo errasse aliquid, firmissime teneam. Alios autem ita lego, ut quantilibet sanctitate preponlicant, non ideo verum putem, quod ipsi ita senserunt & scripserunt. Reliqua Augustini hac de re documenta omitted. Quamobrem tollitur suspicio omnis, voluisse umquam Augustinum aliquid novi tradere, tamquam sibi cœlitus revelatum, dictisque suis hac arte comparare certissimam fidem.

Quæ ergo mens Augustino, quum ait, Deum ac Dominum nostrum sibi de preceptis tractandarum Scripturarum cogitanti, nonnulla suggerere consueuisse? Nihil aliud ille vult, nisi se Deo accepta referre, quemque bona, utilia, ac vera eam in rem sibi adinvenisse & excogitasse videbatur. Nempe a Deo venit quidquid boni in homine nascitur; & qualibet cogitatio bona ad Deum, hoc est, ad ejus proprium ac præcipuum Auctorem referenda est; non enim sumus sufficientes cogitare aliquid a nobis, quasi ex nobis, sed sufficientia nostra ex Deo est. Quæ sententia illustrata est ab integro sanctorum Patrum choro, sed ab Augustino potissimum innumeris in locis. In iisdem Libris de Doctrina Christiana auctor ipse est Oratoribus sacrif, ut preces ante concionem ad Deum fundant, & ab ipso depositant, quid & quomodo dicendum; nam ut est Sap. VII. 16. In manu illius, & nos, & sermones nostri, & omnis sapientia, & operum scientia & disciplina. Ad preces tamen adjungendum esse ait studium necessarium; & hoc enim Deus exigit a nobis: quæ etiam valere puto ad retundenda Phereponi dictoria pag. 548. Animadv. ad Serm. 244. Augustini, ubi sanctum virum non sine legentium stupore quodammodo ridet, quod auxilium divinum imploraverit, quum ad populum verba faceret. Nomine iraque divinæ suggestionis & revelationis sibi factæ quoties utitur Augustinus, aut populum erudiens, aut Libros conscribens, id tantum sibi vult, se di-

vino boni cujuscumque Auctori tribuere, atque acceptum referre, quidquid boni avari calamo aut ore prolatus est. Neque illi animus actitanda revelationis cujuspiam, cui fidem non habet certissimum placulum sit, multoque minus quidquam profert tamquam novum dogma sibi a Deo revelatione peculiari detectum. Immo his ipsis verbis (quæ de Prolog. ad Libros de Doctr. Christ. Phereponus summis) satis prodit Augustinus, se nihil tradere supra hominis privati jus, dum humilis æque ac modestus dubitat, num Deus scribenti sibi caecis sit suggesturus, an denegaturus, quæ volentibus & valentibus discere, utilia comprehendantur.

Eadem pag. 524. Animadv. configit Phereponus hæc alia Augustini verba: Homo itaque fide, spe & caritate subinxus, ea que inconcussæ retinens non indiget Scripturis, nisi ad alios instruendos. Itaque mulier per hec tria etiam in solitudine sine Codicibus vivunt. Ita Augustinus Lib. 1. cap. 39. de Doctrina Christiana, ad quæ Phereponus: Nemo, inquit, tam est peritus Scripturæ, quin indigeat Codicibus, quos consulat & legat subinde. Quod si quis Litteras nesciat, ibi potius debet vivere, ubi leguntur, quam in solitudine: si quis sciat, præterea est, & negligenter non ignorans, si Codices sibi non comparat. Tum Augustini sententiam egregio decreto percellit inquiens: Hoc merum enthusiasmus redolent. Phereponus laudo, quod Scripturæ sanctæ necessitatem atque utilitatem Christiano Populo commendet. Ne apud nos quidem ullus est, qui divinas Litteras veluti summum Dei munus non extollat, nemo est, qui earum lectionem atque meditationem non suadeat; & impietate non careret, quicumque ab eo studio Christianum Gregem avarteret, easque superfluae Reipublicæ Catholice arbitraretur. Quantum quoque in iis laudandis & suspiciendis sedulus fuit Augustinus, tantum quoque alienus fuit a minuenda earum utilitate. Id ostendere facile quidem, sed etiam supervacaneum foret in tanta rei evidencia. Hæc tamen generalis regula suas patitur exceptions; nam ad consequendam vitam æternam, & ad recte vivendum atque credendum, hominibus singulis necessaria non est divina Scriptura; interdum etiam non utilis, immo perniciosa esse potest, non ex se ipsa, sed ex ignorantia, aut perverbis hominum affectibus. Certe fuere tempora, quibus Codices sacri novæ Legis non erant, & aliquid nondum fuerat Litteris divinitus commendatum. Ita nempe se habet.

buere priores anni Christianæ Reipublicæ. Præterea diu caruere sacris Litteris Provinciæ quædam Christum amplexæ , quum in earum Linguam cohversa nondum fuissent Prophetatum & Apostolorum monumenta . Audiendus est in hanc rem sanctus Irenæus Lib. 3. cap. 4. Quid autem , inquit ille , si neque Apostoli quidem Scripturas reliquissent nobis , nonne oportebat sequi ordinem Traditionis , quam tradiderunt iis , quibus committebant Ecclesiæ ? Cui ordinationi assentient multe gentes Barbavorum eorum , qui in Christum credunt , sine charactere , vel atramento scriptam habentes per Spiritum in cordibus suis , & veterem Traditionem diligenter custodientes . Infra vero addit: Hanc fidem qui sine Litteris crediderunt , quantum ad sermonem nostrum barbavi sunt ; quantum autem ad sententiam , & consuetudinem , & conversationem propter Fidem , per quam sapientissimi sunt , placent Deo , conversantes in omni justitia , & castitate & sapientia .

Nolo heic innuere , quibus hominibus , & quomodo & quando necessaria non sit divina Scriptura , immo etiam eis possit , quibusdam conditionibus positis , perniciosa . Insistere tantummodo placet verbis sancti Irenæi . Etiam sine sacris Litteris placere Deo possunt homines , dum in omni justitia , & castitate , & sapientia versentur . Nam cur celeste hoc eruditiois patrimonium Ecclesia sua dedit Deus , nisi ut nos Veritatem revelatam edoceret , eamque mutationis ac depravationis periculo eriperet , simulque nos ad amorem sui & proximi , & justitiae incitaret ? Atqui certissimum est , vel sine lectione divinarum Scripturarum posse homines consequi id , quod per easdem tribuere Deus solet , nempe abundare Fide , Spe & Caritate , operibusque pietatis atque justitiae fideliter vacare ; id quotidie faciunt tot illiterati ac rudes . Bona institutio , pia meditatio , Pastorum vox , prædicatio atque Traditio non raro sunt homini divina gratia adjuto , ad placendum plus Deo , quam placeant Eрудiti nonnulli in sacrarum Litterarum studium perpetuo intenti . Ergo in his casibus non indigent homines Codicibus sacris , quos legant , multoque minus si legere nesciant . Jam aliunde habent , quod ex eorum Librorum lectione expectare alii possunt . Ergo iis tunc necessaria non est letio sacerorum Librorum . Quod si quis dicat : erit saltem utilis , immo necessaria quoddammodo ; nam Fides , & Spes & Caritas sine meditatione caelestium Codicum servari vix queunt : respondebimus , numquam negasse Augustinum , quin semper utilis esse

possit lectio divinorum librorum , sed tantum ejus necessitatem negasse in hominibus jam Fide , Spe & Caritate abundantibus . Deinde Augustinum loqui de iis , qui has virtutes inconcussæ retineant , ac fervent ; nam eo saltem tempore necessitas nulla est legendæ , aut audiendæ divinæ Scripturæ . Tandem quum certum sit , ut diximus , altera quam per lectionem Codicum sacrorum , Fidem , Spem & Caritatem obtineri posse , certum pariter esse debet , sine eadem lectione fervari ac retineri posse easdem virtutes .

Quibus ex rebus intelligas , perperam , ac intoleranda censura Enthusiasmum somniari in Augustini sententia , quasi auctor sit sanctus Doctor , nihil generaliter referre , habeatne Christianus Homo , an non habeat , legatne an non legat Scripturam sacram . Equivocatione rufus non carent Pheroponi verba , dum ait : Nemo tam est peritus Scripturæ , quin indiget Codicibus , quos consulat & legat subinde . Explicare debuit Censor , quem in finem quisque indiget Codicibus sacris : si ad alios erudiendos ; utique vera est Pheroponi sententia ; sed ipse ab Augustino prius didicit , ita scribente , ut vidimus : Non indiget Scripturis , nisi ad alios instruendos . Si ad eruditioinem sui , ut recte credit , ac recte operetur ; jam ostendimus id immittero a Censore affirmari , quum & Augustini tempore multi homines piissimi Fide , Spe & Caritate subnixi , etiam in solitudine sine Codicibus vivere , & nostris etiam temporibus multi vivant fide , pietate bonisque operibus conspicui , & tamen Litterarum prorsus ignari . In reliquo item Pheroponi verbis eadem æquivocatio latet . Qui necit Litteras , ibi potius debet vivere , ubi leguntur sacri Codices , quam in solitudine : id verum est , nisi jam interpretam in corde suo habeat , & solicite servet legem & doctrinam eorumdem Codicuum ; at eadem necessitas minime urget , ubi jam tenet , credit & re perficiat , quod sacri Codices tradunt , præcipiunt & suadent . Similiter protervæ & negligentiæ intoleranda damnandus continuo non est , qui Litterarum gnarus Codices sacros sibi minime comparat : fieri enim potest , ut hic jam ipsos legerit , & ex ipsis , aut aliunde dicicerit , aut discere perget , & foveat , & exerceat legem Dei in omni pietate atque justitia . Tabulae autem lapideæ , & Codices scripti eo dumtaxat tendunt , ut in cordibus hominum legem Veritatis & Caritatis inscribant : quod quum factum est , & ea lex inconcussæ retinetur , tum necessitas tollitur comparandi sibi Codices materiales , sine quibus nemo dubitare potest ,

Pp . quin

qui multi ad veram pietatem & salutem æternam pervenerunt, atque perveniant. Itaque necessaria quibusdam non est, quamquam generaliter loquendo numquam definat esse utilis ex natura sua, dignorum Librorum lectio.

Cap. 8. Lib. 2. de Doctr. Christ. scripsit Augustinus: Illi duo Libri, unus qui *Sapientia*, & alius, qui *Ecclesiasticus* inscribuntur, de quadam similitudine Salomonis esse dicuntur: nam Jesus Sirach eos scriptissime constantissime perhibetur. Tum Retract. Lib. 2. Cap. 4. sententiam hanc suam de Auctore Libri Sapientæ corrigit, atque didicisse postea, non esse illum Sirachidi tribuendum. Ad hæc Phereponus pag. 524. Animad. *Mirum esse*, ait, *Episcopum tanti nominis rem tantillam ignorasse aliquandiu, quam a Catechumenis disci oportuisset. Numquam studijs eum legerat Librum, quum hoc scribet: nam Auctor Libri se non ait Jesum esse filium Sirach, sed Regem Israëlis Cap. IX. 7.* 8. Quod quum ita sit, non capio, quei inter Propheticos Libros conscripsi Opusculum, cuius Auctor præ se fert se Regem fuisse, quum minime fuerit. Auctorem Libri Sapientie nemo certissime novit huc usque; & variae de ipso opiniones fuere apud Veteres, quamquam plerique in Salomonem conjectura ferrentur, & quidem gravissima. Quare mirum esse non debet, quod Jesum Sirachidem Augustinus quondam censuerit Libri Auctorem, aliorum famam sequutus. Neque piaculum fuit id aliquamdi ignorasse, cum ne nunc quidem ad Fidem spectet nosse, quis Auctor ille fuerit, & profecto incertus sit Auctor. Deinde verum quidem est, ejus Auctorem se dicere Regem, & conditorem etiam Templi, quæ certe non conveniunt Iesu filio Sirach. Attamen mirum potius esse debet, quod Phereponus non (* intellexerit,) quei simul credere Augustinus potuerit Jesum Libri Auctorem, & Librum ipsum inter Propheticos connumerandum. Hoc intellectu asséquiri non difficile fuisset homini eruditu, si aliud quam causas accusandi Augustini apud Augustinum quæsiisset.

Quicumque Salomoni abjudicant Canonicum hunc Librum, certe norunt, quid Cap. IX. 7. 8. legatur, & tamen alium a Salomone faciunt illius Auctorem; compertum videlicet habentes, nihil idcirco vacillare auctoritatem Propheticam Libri illius. Auctor enim, quicumque is fuit, creditus est sapientissimi Salomonis sensu, atque sententias collegisse in unum ex aliis Libris, quos eluebratos a Salomone scimus, atque de-

perditos, & ex iis Librum consarcinasse sub titulo *Sapientie Salomonis*. Librum quoque Ecclesiastici ex Ecclisia Scriptionibus Salomonis per Sirachidem fuisse excerptum, verisimile videtur Eruditis: idemque de Proverbiorum parte conjiciunt alii. Deinde Auctor Librum concinnare potuit sub nomine Salomonis, ejusque personam induere, ipsumque loquentem & docentem facere; quod familiare fuit antiquis Scriptoribus. Nempe Salomon omnium mortalium sapientissimus est habitus apud Hebreos. Id innuisse videtur Eusebius Cæsarænus Lib. 11. Cap. 7. Præpar. Evangel. ubi postquam Salomonis sapientiam laudavit, hæc subdit: Εὐτεῦδε ὄμηρος τῷ ὅτι παράπεπτον σοφίαν τοῦ αὐτοῦ πρόσωπον εἶναι δεῖ, εἰσὶν. Quæ ita vertere possumus Latine: *Hac ratione commotus & ille, qui omnium virtutum parentem Sapientiam sub eius nomine exposuit, inquit, &c. Tum alia citat Eusebius ex Cap. VII. 5. Libri Sapientie. Idem sensisse videntur Origenes in Johannem Tomo 20. & sanctus Thomas, aliisque tum veterum Patrum, tum recentiorum Eruditorum, quibus incertus ille Auctor creditur sub Salomonis persona loquutus. Quamobrem nulla esse Pherepono causa potuit mirandi, cur Augustinus Librum *Sapientie* Canonicum duceret, simulque ejus Auctorem olim suspicaretur filium Sirach. Non hæc pugnant invicem. Et ipse Augustinus in ea semper sententia fuit, Librum Salomoni non esse tribuendum, sed a quopiam fuisse conscriptum, qui Salomonem fuerit imitatus, quare & de quadam similitudine Salomonis esse dicebatur a multis.*

Mirari semel coepit Phereponus, tam facile necsit definire. Itaque pag. 524. mirari pergit, quei Lib. 2. c. 11. de Doctr. Christiana Augustinus commendet Hebraicæ Linguæ studium ad Scripturarum divinarum cognitionem, quum in Hieronymo improbarit consilium vertendi Hebraica Latine, & Septuagintaviralem veteris Instrumenti Interpretationem, divino Spiritu afflante factam credidit. Magis etiam miratur, cur Augustinus commendato Hebraicæ Linguæ studio, idem ipse neglexerit; immo cur nullus alius iis temporibus eidem Linguæ operam inter Christianos dederit. Sed ne heic quidem ulla suberat justa mirandi cauſa. Magni versionem τῶν LXX. faciebat Augustinus, ne dicam pluris etiam quam oportebat. Porro & minime necessariam, & periculi plenam operam arbitrabatur, novam Scripturæ Interpretationem ex Hebreis Codicibus deducere, & in Ecclesiastiam

* Al. ceperit.

siam inferre, & veterem antiquare ab Apostolis & a Patribus usum receptam. Erant & aliae rationes Augustino, quas certe nunc infirmas & inanem ipse etiam intelligeret, si in vivis esset, sed tunc fortes & gravissimas adeo arbitratur, ut intercesserit consilio suo, ne sanctus Hieronymus in proposito pergeret. Verum aliud est novam Scripturam sanctam Versionem inutilem ac periculosa suspicari; aliud Hebraicam Linguam studium cognitionemque improbare. Illud fecit Augustinus, hoc nusquam; immo & propter eruditonem ejusmodi summo in honore habuit Hieronymum, ejusque Versionem tandem deprehensam utilem, sua laude non fraudavit. Auctor item fuit aliis, uti ex eius Libris constat, ut eidem Linguam addiscendae operam darent, quum apprime utillem cognosceret ad sacrarum litterarum perfectam intelligentiam, atque tutelam. Non edidicit ipse, quia fero ejus utilitatem intellectus; non ediscebant alii, quia ingens Magistrorum inopia erat, & a solis Iudeis expectandum erat ejusmodi beneficium, quos tamen aut livor a Christianis alienabat, aut Christiani ipsi fugiebant, quum scandalum pusillis foret arctum cum iisdem habere commercium. Sed haec Phereponi oculos facile fugiunt, & is potius amat suspicari interpolationes in Augustini Libris: immo ad Academicum Ingenium Augustini, sibi non satis constans, referre hasce contrarias, ut ille sibi fingit, ejusdem sententias.

Quod habet idem Phereponus pag. 558. Animadv. ad Cap. 7. Libri de Fide & Oper. nos diu non morabitur. Ex Augustini sententia, *Quidquid homo veluti recte fecerit, nisi ad pietatem, que ad Deum est, refe-*

*ratur, rectum dici non oportet. Censem Phereponus monstrum esse ex contendendi, & paradoxum defendendi libidine natum, arbitrii vel ipsas Infidelium Virtutes esse peccata. Sed memissus debuit Censor iste, praeter Cardinalem Norisium V. C. quem & ipse laudat, complures Catholicos luculentissime ostendisse, quae heic fuerit mens Augustini, alia sane quam Calvinus & Jansenius putarunt. Opera ergo bona in ipsis Infidelibus agnoscit sanctus Doctor; agnoscit etiam videtur affectis medios inter Cupiditatem & Caritatem; sed ipsa illorum opera, naturaliter bona, recte docuit tribuenda esse Deo, qui & in a se aversis bonas voluntates operatur. Tu consule celeberrimos Theologos in hoc argumentum, quod etiam proxime præteritis annis pie versavit Lescius Crondermus * Lib. 2. Cap. 9. in Libro, cui titulus, *Elucidatio Augustiniana de divina Gratia Doctrine*.*

Quid est aliud quod malum dicitur, nisi privatio boni? Verba sunt Augustini Cap. XI. Enchiridii. Hanc sententiam quamplurimis aliis in locis ab Augustino propositam Phereponi pag. 559. & 584. Animadv. ineptam judicat, multis deridet, & triumphatoris in morem proculat atque proscriptit. Sed ne heic quidem placet detinere Lectorem eruditum, quando nemo nescit, quam anxie subtiliterque a Scholasticis Theologis, immo & ab ipsis Philosophis, agitata fucrit, & agitetur adhuc hujusmodi quæstio. Graci Latinique Patres fere omnes cum Augustino consentiunt. Nobilissimi autem ac innumeri Theologi, ipsique etiam Philosophi sentiunt, & ostendunt, formale malitia actus moralis, seu peccati, essentialiter in privatione debitis rectitudinis consistere. Est iti-

* Lescii Crondermi Opus hoc loci memoratum, Coloniae prodit an. 1705. in 4. typis Conradi de Einter, ut præfert inscriptio. Pseudonymo Auctori larvam detrahit nuperus Scriptor *Animadversionum in Historiam Theologicam Cl. V. Marchionis Scipionis Maffei*, Abbas D. *Celsus Migliavacca*; in acris scilicet Italica scripta *Defensione* earundem *Animadversionum*; ubi pag. 80. de Crondermo verba faciens, Lectorem ad *Mabillonium* remittit, qui in suo *Museo Italicu* ipsius perfornato Crondermo illustre testimonium reddiderit. Haec autem habet *Mabillonius* Operis laudati Tomo I. pag. 56. (*Typothæta oscitantia in Italicanam Defensionem irrepit numerus 38.*): *Apud Sanctum Petrum in Vinculis officii causa convenimus reverendissimum Abbatem Cerrium, Canonicum regularium Congregacionis Salvatoris Procuratorem generalem, qui nos prius invaserat. Vir est non mediocriter versatus in doctrina Patrum, maxime S. Augustini Et. Ex quibus ergo colligitur, sub Lescii Crondermi nomine Abbatem Cerrium latere. Mirum autem subiit, ipsum *Defensionis* laudatæ Auctorem pag. 79. num. 126. memoria indubitanter tradidisse, tum *Elucidatione* modo memoratam *Muratorio*, tum ad Opus illud *Prolegomena*, ab eodem Abbatem Cerrio fuisse conscripta; *Muratoriumque nostrum dum in vivis ageret*, inaniter seipsum venditasse tamquam *Prolegomenon* Auctorem; quæ tamen ad ipsum Abbas Cerri eo tantum consilio remitterit, quo emaculatione redaret & Latiniora, si ita loqui fas sit. Ut ut se res habeat, statim ac oculos in locum istiusmodi *Defensionis* conjecti, rei novitate perculsus litteras dedi ad Cl. V. nostri *Muratorio* nepotem, qui ejus Vitam diligenter adornandam suscepit, brevi in lucem emitendam; mihiisque perhumaniter is rescripsit, in seipsum recipere invincibiliter probaturum, verum *Prolegomenon* Auctorem, immortalē suum Patrum extitisse; mendacemque audacissimum proditurum, qui magno nomini illius celeberrimi Viri maximam invidiam creans, isthac effutire non erubuerit.*

istidem materiale, & positivum in peccato, quod etiam agnoscunt ipsi Theologi. Porro videat Phereponus, quibus nominibus sit dignus, dum tanto contemtu & quibusdam ratiunculis aggreditur, & nullo negotio conterere se posse putat, quemcumque validissima argumenta congeserunt tot egregii Theologi atque Philosophi, in primis vero Cartesiani, ut Malum & Peccatum statuant in aliqua privatione, sive negatione Ordinis ac Bonitatis. Contrarium tuerunt nonnulli, at certe non sine modestia, quam tamen frustra in Pherepono queras, controversiae difficultatem aut dissimulante, aut fortassis etiam minime intelligent.

Lib. 1. Cap. 1. de Civ. Dei hæc scribit Augustinus: *An non etiam illi Romani Christiani nomini infesti sunt, quibus propter Christum Barbari pepercerunt?* Testantur hoc Martyrum loca, & Basilicæ Apostolorum, que in illa vastatione Urbis ad se confugientes suos alienosque receperunt. Quin ita res habuerit, nemo dubitare potest; & tamen in his Augustini certissimis verbis habet Phereponus noster, quod carpat pag. 576. Animadver. Non erat, inquit, dissimulandum hoc esse Barbaros fuisse Christianos, quamvis Arii Sectam sequerentur. Sed laudandi fuisse Heretici, & rei admirabilitas minuenda: quod simplicior quidem Scriptor facere potuisset, sed non callidus Rhetor. Do libens, Gothos fuisse Christianos, quamquam id de Alarico quidem eorum duce constet, non autem de universa Gothorum Natione; nam & Rhadagaius alter eorum dux, Paganorum superstitioni addictus fuerat. Do, inquam, id libens; habemus enim non unum hujus rei testem; at cur hujus mentionem facere Augustinus debuit? Num ignorabant Ethnici Romani, Gothos Christianam Religionem fuisse professos? minime vero. Id vulgatissimum erat, prodideratque longe antea cognitus Romanis Alarius, qui & ipsam Urbem non semel obfederat, & pacis foedera cum Romanis inierat, iis etiam coactis, Imperatorem creare Attalum Arianæ Sectæ hominem, Gentilibus propterea atque Arianis ipse carus. Igitur nihil erat, cur notissimam rem dissimulare vellet Augustinus. Sed, inquit Phereponus, laudandi erant Heretici, & rei admirabilitas minuenda. Res erat Augustino cum Romanis, captæ direptæque Urbis calamitatem tribuentibus Religioni Christianæ; non erat cum Gothis. Pepercerant Barbari Christianis æque ac Ethnicis, qui ad Basilicas Apostolorum &

Martyrum confugerant. Ergo Christi causa effugerunt poëtas præsentis exitii Gentiles Romani, non evitaturi, nisi nomen & Religio Christi Barbavorum feritatem adeo evidenter mitigasset, atque cohibusset. Heic igitur insistit Augustinus, & ingrat animi Romanos Ethnicos arguit, qui tater nollent se mitissime habitos non alia de causa, quam quod sacra loca propter Christum Barbari reverenterentur. Quamquam vero Gothi Christiani essent, non desit tamen admiranda esse illorum mansuetudo erga Romanos. Moribus quippe barbari, immunitate feri, victoriæ ardore furentes, spem nullam reliquerant tantæ erga victos clementiæ, quum ne ipsi quidem Romani, nem dum cferatae gentes, victis parcere solearent ad Tempia inanum Deorum confugientibus.

Quod tamen animadvertis velim, Augustinus ipse hanc Barbarorum infuetam humanitatem, misericordiam & humilitatem, multis commémorat: quod quum facit, certe ipsos Hæreticos de laudando facinore laudat. Deinde Lib. V. Cap. 23. ejusdem Operis de Civitate Dei refert insignem Christianorum victoriæ de Rhadagaiso Gothorum Rege reportatam quinque ante captam ab Alarico Urbem annis. Auctor & ipse est, fuisse Rhadagaisum falsis Diis additum, quibus etiam immolare quotidie ferebatur. Quamobrem, inquit Augustinus: *Si ille tam impius, cum tantis & tam impioris copiis Romanus fuisse ingessus, cui pepercisset? quibus honorem locis Martyrum detulisset? in qua persona Deum timeret? cuius non sanguinem effusum, cuius pudicitiam vellet intactam?* Tum Romanos arguit, quod Deo non agant gratias, qui quum statuissent irruptione barbarica graviore dignos mores hominum castigare; viatum tamen voluit Rhadagaisum Dæmonum cultorem, ne ipsis Dæmonibus gloria, Romanis vero acerbissima clades contingere. Deinde quum ab his Barbaris (hoc est Alarico ejusque copiis) Roma caperetur, qui contra omnem consuetudinem bellorum ante gestorum ad loca sancta confugientes, Christianæ Religionis reverentia tuerentur, ipsisque Dæmonibus, atque impiorum Sacrificiorum ritibus, de quibus ille presumferat, sic ADVERSARENTUR PRO NOMINE CHRISTIANO, ut longe atrocius bellum cum iis, quam cum hominibus gerere viderentur, &c. Quæ verba tam aperta mihi videntur, ut non dubitem, quin Phereponus ipse intelligere demum possit, (* non) dissimulatam

ab

* Hæc particula negativa deest in precedentibus editioribus. Num excidit tunc Auctori? Certe necessaria.

ab Augustino Religionem Gothorum, quamquam alioqui notissimam, & commendatum eorum facinus ab ipso fuisse: cuius tamen rei laudem ad Christum Deum tamquam ad præcipuum auctorem referendam esse prudenter monet. Sed ego fortasse ineptus, quod omnia vestigia conjectari velim Censoris nostri, qui hec tam facile Augustinum nobis exhibit veluti Rhetorem callidum; Væ Libris atque Scriptoribus, si hujusmodi nebulas excitare licet adversus illos; nam quis in uno stans pede magnus statim Criticus evadere, quem lubet, non possit?

Ejusdem ponderis est alia Phereponi adnotatio in ea Augustini verba Lib. VII. Cap. 14. de Civ. Dei: *Si ergo Mercurius ipse sermo est, etiam ipsis (Ethniciis) confidentibus Deus non est.* Quæ sic Phereponus illustrat, dicens: *Miror non timuisse Augustinum, nem si jö obiecetur, quod passim habet de Verbo; nam similis obiecito potuit fieri, responsioque Augustini pariter eludi.* Facile profecto miratur Phereponus, ejusque admirationem atque annotationem quibusdam Gregalibus suis heic placitaram mihi persuadeo. Verum quisquis rem serio perpendat, & vestigio intellegat, hominem hunc nihil pensi habuisse interdum quid scriberet, dum contra Augustinum scriberet. Et sane ille ridens, qui miratur non timuisse Augustinum, ne heic in se ipsum sua tela converterentur. Ex Augustini sententia Mercurius dicebatur esse hominum Sermo. En eius verba. *Quod si Sermo ipse dicitur esse Mercurius, scit ea, que de illo interpretantur, ostendunt: Num ideo Mercurius, quasi medius currens dicitur appellatus, quod Sermo currat inter homines medius, &c.* Ideo & mercibus praesesse, quia inter vendentes & ementes Sermo fit medius, &c. Quis autem sanus, & non ludens, hominum Sermonem nonnumquam stultum, deceptoriū, & falsa narrantem, semper vero creaturæ filium, & subsistentia carentem, velit appellare, & credere Deum? At Catholici, quando Dei Filium appellant *Verbum*, cui etiam nonnulli *Sermonis* vocabulum accommodarunt, *Verbum* intelligunt divinum, *Verbum* Dei prolem, *Verbum* non extrius sonans & fugiens, sed interius manent, & ex divina essentia, & ab æterno producum, & cum ipso Patre, atque in ipso Patre subsistens; *Verbum* denique (ut loquar cum Auctore Libri de quinque Hæresib. quen olim Augustino tribuebant) quod melius *Greco* dicitur *λόγος* logos quippe *verbum* significat, atque rationem, ac propterea Dei Patis æterna ratio atque sapientia. Quare nihilerat, cur sibi, & sententia Catholicorum time-

ret Augustinus, dum ideo argumentatur, *Mercurium non esse Deum*, quod ipse dicitur esse *hominum Sermos*; nimia quippe intercedit differentia inter hominum Sermone, & Verbum Dei æternum, immutabile, increatum; quod idem est ac Ratio divina. Immo videoas plerosque Patrum, cum Græcorum, tum Latinorum, & Augustinum præcipue in Libris de Trinit. & in Johannis Evang. & alibi, fuisse usos exemplo Verbi humani atque creati, ad explicandam aliquam ex parte rationem divini & increati Verbi. Sed simul explicarunt quam immane duo ista Verba invicem distarent, probe nimirum intelligentes, solos Sophistas ea comparatione abuti posse contra divinam natum Verbi caelstis. Consule Petavium Tom. 2. Lib. 6. Cap. 2. Dogm. Theologic.

Plura alia superlunt in censoris Phereponi Animadversionibus, quibus sua debetur censura. Sed si persequi singula velimus, vix erit scribendi modus. Paucis ergo Orationi nostræ finem faciamus. Quod Augustinum, ubi opus erat, aut justa causa occurrebat, Phereponus sibi corrigendum suscepit, moleste non serimus; immo aliqua etiam ratione laudandum consentimus. Quod male toties correxerit, quod tam impotenti odio in ipsum exarferit, quod nullum denique non moverit lapidem, quo incomparabilis viri famam pro virtibus prosterneret, hoc dolemus, hoc in perniciem non modo sanctæ Religionis, sed & bonarum Artium, atque Litterarum tendere clamamus. Certe immodica veneracionis in transversum agat, aut livor nos urat, si contendere velimus, numquam Augustinum errasse, numquam meliora tradere potuisse, numquam scribere accuratius debuisse; Phereponum vero inquis semper censuris adversus ipsum fuisse præliatum. Magnorum virorum in Literis lapsus ac vitia non dissimulari, tum Veritati apprime gratum est, tum Religionis ac Reipublicæ interest, ne sub magnis nominibus major errori fastus, nocendique licentia obveniat. Verum & immensa Augustini virtutes sincerius erant exprimendæ, ejusque nævi tam fuscis coloribus, tantaque bile exaggerandi & amplificandi non erant, ut sanctissimum æque & doctissimum Episcopum, si licisset, nativo suo splendore Phereponus omnino expoliaret. Immo si quisquam dignus erat, qui placide haberetur, is Augustinus erat, quem summa pietas atque doctrina Ingenii omnium sæculorum, & Ecclesiæ veræ perpetuo commendavit. Phereponi tamen censuram inofficiosam, simul & ab aequitate alienam, quanto magis exsecratur,

Pp 3 mur,

mur, postquam ni mea me fallit opinio, tot iniquas accusationes audivimus, & tantam segem errorum deprehendimus in ipso Augustini Censore? Reliquia igitur est, ut homini illi meliorem ingenii & eruditionis non vulgaris usum a Deo pretemur. Lectores vero moneamus, ut si minus periti sunt, ab ejus Librorum lectione abstineant; sin

docti sunt, caute versentur cum Dictatore Critico. Interim vero stet ille tamquam exemplum quid possit in inquisitione Veritatis humana Ratio sibi relata sine salutibus frenis, de quibus, uti & de juribus Ingeniorum, hactenus Oratio nostra pro vi-ribus egit.

F I N I S.



INDEX CAPITUM,

Quæ in hoc Volumine continentur.

LIBER PRIMUS.

CAPUT. I. **V**eri & Boni præstantissima natura. Nullum Verum est, quod querere suapte natura non liceat, & discere non sit honestum. Quæ sententia ab objectionibus liberatur, & S. Augustini auctoritate firmatur. Veritatum duplex genus: alterum scientiam, alterum persuasione parit. Ordo quidam inter veritates. Quæ potissimum ad Religionem spectant, investigandæ. pag. 1

CAP. II. Ut Religio vera noscatur, an a dubitatione sit instituendum ire. Dubitandi necessitas, ut error evitetur; & pericula, ne veritas amittatur. Prudens dubitatio commendata, temeraria vero repudianda. 6

CAP. III. Non omnibus dubitandum de veritate sue Religionis. Ratio & Auctoritas in Religionis negotio, earumque pondus. Quæ querenda sint, ut constet, an vera sit aliqua Religio. Prudenter possum, immo debent de veritate sue Religionis dubitare. Ethnici, Judei, Muhammadani. Juste apud eos dubitandi cause. 8

CAP. IV. An Christiano Homini dubitandum de sue Religionis veritate. Äquum id videtur, sed gravibus periculis obnoxium. Dubitatio & hic licita, & quando, & quomodo, ne Fidei donum perdatur. Ratio & Auctoritas statuunt veritatem Christianæ Religionis. Cur Christianorum vulgus acquiescere prudenter posse in Religione sua, sitque ab onere dubitandi exemptum. In Ecclesia Catholica Pastoribus potissimum scientia Religionis expedita. 12

CAP. V. An ad ineundam Religionem veram Auctoritas precedere Rationem debeat. Manicheorum jactantia exploditur. Sancto Augustino sententia bac de re absurdâ a Pherepono affecta. Rationes extrinsecæ, seu motivæ credibilitatis adhibenda ante Fidem, nec exigenda. Rationes Dogmatum demonstrative. Usus Catholicae Ecclesiæ heic laudatus, a qua nemo sine ratione credere jubetur. Scire & Credere quantum differant. Miracula, extrinsecæ rationes. Alia Phereponi somnia putantis, Catholicos olim sine rationibus exegisse Fidem. 14

CAP. VI. Infirmitas humane mentis, atque ra-

tionis, & errandi in homine facilitas. Ejus cause, fuga discipline, socordia in inquisitione veri; corpus male compactum, & pesime affectum; penuria atque abusus subdiorum ad inveniendam veritatem; memorie exilitas: phantasie impotentia, & precipue dum affectus in animo regnant: voluntatis perversa indoles: mentis ipsius angustia: ignorantia, oblivio, & prava electio principiorum, quibus ad recte judicandum uii necesse est. 23

CAP. VII. Rationis humane imbecillitas experientia teste. Ad ipsius medicinam, ut Religio vera noscatur, necessaria est Humilitas, & exposcenda a Deo vives atque sapientia. Quid scientia, quid persuasio, sive credulitas prudens. Prima principia, quibus ratio & prudentia reguntur in inquisitione Religionis verae, qualis est unica Christi Religio, ratione & auctoritate in ipsius probationem confluentibus. 28

CAP. VIII. Quæ noscenda vera Christi Religio inter tot ejus sectas. Scriptura sacra primum veritatis promptuarium. Sed viribus nostris difficile intelligenda vera doctrina. Aliquem veritatis visibilem interpretem sue Religioni Deus dederit oportet. Ecclesia vera, verax, & ab errore immunis; atque hec una est Catholicorum Ecclesia. 31

CAP. IX. Ecclesia Catholicæ perperam negata ab Hæreticis immunitas ab errore. Protestantum Methodus in inquisitione veræ Doctrine quam temeraria, & quot Hæresum origo. Catholicorum Methodus quam laudanda. Non ingenio privati cujusque hominis dimittenda sacrarum Literarum interpretatio in dogmate. Vox Ecclesiæ veræ heic audienda, Deo id præcipiente. 35

CAP. X. Auctoritas Ecclesiæ Catholicæ in Fidei doctrina a Phereponi objectionibus vindicata: Ei non sine ratione credimus. Fallaci auctoritati Protestantes addicti, & incerta apud eos veritatis consecutio. Antiquitas doctrinae in Christi schola, & credentium multitudine robusta veritatis argumenta. Novitas & paucitas, erroris indicium extra Catholicam Ecclesiam. Phereponi in hanc rem animata veriones confutatae. 39

CAP. XI.

CAP. XI. Socinianorum pestifera Hæresis. Deo nos quedam edocent credendum, quamvis credenda superent capti humani intellectus. Ingenii temeritas quam hec impia. Loca Theologica, unde Veritas doctrina Christiane petenda. Traditionis auctoritas, ac necessitas in Ecclesia Dei. Quibus principiis nitatur. Laus Theologie Dogmaticæ, & Petavii V. Cl. quem Phereponus pluriſ ſa- cere debuit.

CAP. XII. Ingeniorum libertas, quam ab hominibus expedita. Doctrina ad Christianum pertinens triplex. Semper considerandum, revelata, an fecus, a Deo fuerit. Dogmati existentia, significatio, & rationes di- ſtinguenda. Quid in his liceat, aut non li- ceat hominum ingenii.

CAP. XIII. Pericula imminentia ſcribentibus de Auctoritate. Inſtiens zelus quid pariat, & quam laudanda ſe sit prudens moderatio. Ecclesia numquā fallax in Dogmatis ſanciendis, dupli conditione poſta Dogma- tum, que alia in meru contemplatione verſantur, alia actionem quoque exigunt, que poſſint, aut non poſſint, que etiam de- beant, aut non debeant ſtatiui. Quid de queſtione, utrum Angeli corporei, an incor- porei ſint, credendum, & an eam Concilia fuſtulerint. Inter Rationes Dogmatum que- dam ſemper ad Fidem ſpectant, ſed non omnes. Quid hec liceat ingenii.

CAP. XIV. Jus Ecclesiæ in Dogmatiſ ſtabiliendis a Phereponi objectionibus liberatum. Falſum eſt, ipſum a S. Auguſtino negari. Multitudi in Concilio Catholicorum que commoda pariat. Factioſ nomen inique adſcriptum legitimis Concilio Catholicis Ecclesiæ. Non crimen, ſed laus ac neceſſitas ibi eſt judicare ex anti- cipatis opinionibus, hoc eſt, ſecundum Tra- ditionem. Vindicatum a nonnullorum dicte- riis Concilium Tridentinum.

CAP. XV. Disciplina Ecclesiastica quid complectatur. Quei differat a Dogmate. Que in Disciplina mutare, aut non mutare, ſequi, aut non ſequi liceat. Conſonare in Dog- matibus omnino neceſſarium. Varietas in Di- ſciplina rebus modo laudanda, modo tol- eranda. Conſtantia Catholicorum in Hæreſi Iconoclaſtica dannanda commendatur, a Calviniano quodam inuile ſubſannata. Quid Ecclesia egerit, eique ſit agendum in diſſi- diu de Disciplina. Contra Phereponum oſten- ditur Auctoritas Ecclesiæ in precipiendis nonnullis ad Disciplinam ſpectantibus ſub paena peccati.

CAP. XVI. De Historia Religionis agitur. Ejus duplex genus, Historia Divina, & Historia Ecclesiastica. Illa divinam Fidem a Christianis exigit. Quid juris illuc ſit horum

ingenio. Ecclesiastice Historie documentis non debetur ſupranaturalis Fides. Ratio- nes iſtius ſententie. Ecclesia non immuniſ a periculo errandi in judicandis Personis, Autoribus Librorum decernendis, in Sancte- rum gestis narrandis, & in aliis id genus faciliſ.

CAP. XVII. Ut aliquod factum Fide ſupra- naturali credendum ſtatuarit, que condições requirantur. Revelationes quarumdam San- ctarum mulierum ad Fidem non ſpectant; neque Canonizatio Sanctorum. Traditione ne- ceſſaria, ut aliquod factum tamquam per- tinens ad Fidem decernatur. An immacu- latam Deiparae Conceptionem ſtatueré poſſit Ecclesia.

CAP. XVIII. Num immediate, an potius me- diate ad Fidem referendum ſit credere, hunc vel illum eſſe Romanum Pontificem. Etiamſi ponas, hoc & alia hujusmodi facta non eſſe credenda Fide ſupranaturali, hec tamen Fides debetur Decretis Conciliorum & Apostolice Sedis in materia Fidei & morum ab Ecclesiâ receptis. Evidentia na- turalis & moralis in his casib⁹ ſufficit, & nos credere ac obtemperare cogit. Quam te- merarium & paena dignum revocate in du- bium ejus generis effata.

CAP. XIX. In Judiciis Ecclesiasticis tria con- sideranda: nempe Doctrina, Persona seu in- tentio docentis, & Voces, seu phrasēs, qui- bus Doctrina exprimitur. In Doctrina da- mnanda ſive probanda, eſt ab errore im- munis Ecclesia; non autem in judiciis de Persona. An Judicia Ecclesiastica de Voci- bus & ſenſibus ſupranaturali Fidem po- ſtulent. Tum ſolum poſtulare videntur, quum ad Fidei doctrinam aut ſtatuentem aut de- fendantem neceſſarius eſt in Ecclesia Spiritu- ſancti afflatus, & quum de Traditione colligenda e Patribus, & de ſenſibus Canonum, & de Versionibus ſacra Scriptu- re agitur.

CAP. XX. Ecclesiastica Judicia de privatorum hominum Libris, verbiſ & ſenſibus, ad Fi- dem pertinere minime videntur. Et nihilominus Doctrina in iis aut probata, aut damnata, Fide ſupranaturali credenda. Ipsi illa judicia quandonam certa quoque credenda ſint, quamquam non affenſa di- vine Fidei. Quid hec Disciplina p̄cipiat. In Jansenii cauſa quid preſtandum.

CAP. XXI. In profanis Antibus, Scientiis, ac Historiis magna Ingeniorum libertas. Sed & hec ab Ecclesia tunc coercenda, quum per eas ſententias aliqua ex parte iudituit Fidei doctrina, aut ſacrosancte Literæ er- roris ſive mendacii ſuſpicione asperguntur. Sublatio hujusmodi periculo, liberum eſt in kis

I N D E X.

305

*bis sentire que velis. Régule nonnullae in
hanc rem. Sacrum Litterarum scopus.
Quandonam sit, aut non sit, evidens Scriptura
mens in rebus ad salutem minime
spectantibus.*

CAP. XXII. An Scripturis sanctis repugnet
Astronomorum sententia de Telluris motu
divino. Sacre Literæ physiis vulgi ac
figuris usæ, ut vexum quædam significare
rent. Exempla in eam rem. Quid totus
Orbis in Scripturis, extremitates Cælorum,
Solem incalceare, aliaque ad Cælos, Stel-
las ac Solem spectantia. Quando proprium
literalen sensum in Scripturis facies re-
nere cogatur, & quando sit locus aliis in-
terpretationibus.

101

CAP. XXIII. Traditio & Evidentia exiguntur, ut in his ad salutem minime spectan-
tibus documentis statuatur, -aliquid certo
esse credendum. Concilii Tridentini laudan-
dum de ratione interpretandi precepit.
Evidentia in his non raro desiderata. Quid
de Antipodum existentia olim creditum, &
quam prudenter ab ea questione dirimenda
abstinuerit Ecclesia. Scripturæ non deroguen-
da ad profanorum dogmatum tutelam. Pe-
travii & sancti Thomæ sententie de stylo
Mosis.

108

CAP. XXIV. Sancti Augustini consilia, cum de
interpretandis sacris Scripturis agitur in re-
bus Physicis, Astronomicis, & aliis id gen-
us. Quid Sanctus Thomas heic sentiat.
Quam Literis sacris nonnulli abutantur ad
suas privatæ Opiniones tuendas. Judicium
Ecclesiasticorum munus in hisce controver-
sia, & que Eruditio in ipsis exigatur.
Cartesi de natura Corporis doctrina in Fi-
dei dogmatibus adversetur.

114

L I B E R S E C U N D U S.

CAP. I. *A*mplius jus Ingenii in prodenda
ita ut Jusititia, Caritas, & Prudentia num-
quam ab isto iure ledantur. Heretici in
suæ Religionis doctrina annuntianda, quippe
de illius Veritate non satis certi, & sine
missione legitima Evangelium predicantes,
Jusititia defunt.

120

CAP. II. Caritas quando obstat, ne Veritas
evulgetur: ejus leges. An, & quando,
& quomodo evulgandi errores Procerum Ec-
clesiasticorum. An aliorum errores & vitia,
& quando id liceat, aut necesse sit. Abusus,
& excessus in hisce. An mordacitas
styli ferenda.

123

CAP. III. Calumnies numquam adhibendæ.
Convicūs temperandum. Non imputandi

eriores, nisi bene perspecti. Placide quan-
tum fieri potest pugnandum; & quando se-
cūs deceat. In confundendis erroribus ad
Religionem minime spectantibus que liber-
tas Ingenii, Caritati ac moderationi &
hinc suus esse debet locus. Quando vita
motu adversariis objicere licet.

126

CAP. IV. Erroris in sanctorum Patrum scriptis
non dissimilandi; sed modestè agendum,
& excusandi errantes. Prudentia in pro-
ferenda Veritate, & erroribus insectandis
habenda ratio. Quot modis in hanc virtu-
tem peccetur. Scandalis ac seditionibus non
aperiendus aditus.

130

CAP. V. Quando, & quibus de causis, da-
mnare & configere Libros, Pastoribus Ec-
clesie liceat, aut sit opus. Et heic a Cen-
soribus Ecclesiasticis in Justitiam peccari
potest, in Caritatem, & in Prudentiam.
Qui abusus & excessus in salutari ista au-
ctoritate exercenda fugiendi sint.

133

CAP. VI. Prudentiae consilia ad Ecclesiasticos
Censores. A Novitate vocum & senten-
tiarum timendum; sed non omnia nova,
aut noviter dicta damnanda. Quam ne-
cessarium Superstitionis faciem habere per-
spectam, ejusque excessus prodere. An lau-
dandum Votum sanguinis profundendi pro-
tuenda immaculata Beatæ Virginis Concep-
tione. Scrupuli, cavillationes, & asperitas
a sacris Censoribus absutura. Bona pro-
curanda, sed ita ut mala graviora non in-
de fluent. Sanctorum Patrum Libri non
mutillandi, quem per typos evulgantur. Ca-
rei bac de re accusatio repulsa. Quei, &
quando vita Ecclesiasticorum literis consi-
gnare deceat.

137

CAP. VII. An ad Religionem veram com-
pelere quemquam summis Magistribus
liceat. Id jus Ecclesie ac Regibus in He-
reticos. Pheveponi bac de causa in San-
ctum Augustinum ire, ac injusta censura.
Manifesta Religio aliqua evidenter credi-
bilis danda est, atque heic est Catholicæ.
Donatiste phreneticis comparati, neque in-
juria, a Sancto Augustino. Plerique ex iis
non fido animo Catholicam communionem
amplexi. Legum terror rationibus additus
laude ac utilitate non caret. Exemplum
Dei hanc in rem justæ ab Augustino adbi-
bitum.

144

CAP. VIII. Et Heretici Catholicam Eccle-
siam perseguuntur. Augustinus & Africani
Episcopi perperam insimulati impotentie at-
que ambitionis in Donatistas. Eorum Chri-
stiana Caritas, ut Schismati finis fieret.
Cur mortis Donatiste quidam damnati. An,
& quomodo piam Dei severitatem cum
Africorum Episcoporum severitate composuerit
Augu-

Augustinus. Non opnis persecutio mala. Reche id ab eodent Augustino demonstratum variis Literarum sacrarum documentis & exemplis.

CAP. IX. Quod Augustinus de Rogatistis, & de vexatione Hæreticorum, sententia mutata, scripsit, non immitem eum, neque Protheum arguit. Hippomensis Civitas credenda est non facta animo schisma ejusasse. Inter Catholicorum & Muhammadanorum persecutions quam magna differentia. Sententia Augustini de divina Gratia non excludit utilitatem pñnarum in Hæreticos pertinaces. Nullo jure culpatus a Pherepono Augustinus, culpans Donatistam afferentem, neminem cogendum esse ad bonum.

CAP. X. Non infamatur ab Augustino Ecclesia trium priorum Seculorum, neque eidem affingitur aliqua dissimulatio iniqua. Non omnis persecutio improbata a veteribus Christianis, sed ea tantum, que pro errore contra Veritatem exercebatur. Neque Ethnici criminari jure potuissent poenas moderatas in aversos a Religione vera statutas. Augustinus erga Manichæos mitis, sed non idcirco incusandus, quod salutares Hæreticorum vexationes deinde laudavit.

CAP. XI. Donatistæ multorum criminum rei, & puniendi quoque ex legibus politicis. Probata ab ipso Deo moderata Hæreticorum vexatio. Inepita declamatiuncula a Pherepono affecta veteribus Christianis, qui persecutionem Ethnicam ideo injustam vocabant, quia pro impietate erat. Maxima disparitas inter Ethnicos & Catholicos Imperatores, quod est ad vexationem subjecta gentis. Ad summas potestates pertinet coercere impios, & a vera Religione devios.

CAP. XII. Positio in Regibus jure vexandi impios, nulla Christianis, aut saliem Catholicis, imminere debent incommoda apud Ethnicos & Muhammadanos. Religio Christi manifeste vera, eamque tueri pertinet etiam ad Reges. Pœnæ utiles, ut Hæretici in Veritatem attentius oculos convertant. Quam sanctitatem in subjectis exigere debent civiles Leges. Diffensiones in Religione politico quoque regimini noxie. Latitanti locus explicatus. Ecclesie Catholice aperta Veritas, & porissimum in controversia cum Donatistis.

CAP. XIII. In Judeos, Ethnicos, & Muhammadanos minus aspere agendum Catholicis Regibus. Rigidius habere Hæreticos fas est: & in eos tamen spiritus lenitatis est retinendus. Hæretici meri, Hæretici seditionis. Postremi pœnæ gravibus digni, sed non finienda crimina. Hæreticos alienæ cœtioni subditos plectere non licet. Errantes alii per-

tinaces, alii dociles. Inter primos mitius habendi, qui cum lacte biberunt errorem, quam qui ultro errorem adsciverunt. Attamen heic audiende Cœfattatis voces, & misericordia futurus locus. Ita errantes non pertinaces clementius agendum. Quæ regulæ Judicibus Catholicis heic future.

CAP. XIV. Zelus ineruditus, & nimia licentia in Fidei & Discipline negotiis. Quos pessimus effectus ille pariat. Scientia & prudenter si a Zelo absint, quid sequi inde possit, Zelus ineruditus Novatorum. Quomodo regendus Zelus. Licentia opinandi in Religione nimis nocet. Ejus exempla in Phereponi Libris.

LIBER TERTIUS.

CAP. I. Quid de Peccato Originali sentiant Remonstrantes ac Sociniani. Nulla injusitia Deo tribuitur per Catholicorum sententiam de Originali Peccato. Quam potuerit Deus ab initio condere naturam hominis talem, qualis nunc nascitur, potuit etiam ex Adami peccato sinere mala in hominum genus effluere. Auctoritate sacrarum Literarum confirmatur dogma de originali Peccato. Apostoli locus ab interpretatione Phereponi vindicatus.

CAP. II. Infantes miseri causa unius Adami peccantis. Baptismus eis necessarius ex Traditione probatur. Antiquitas Sponsorum pro infantibus in Baptismo contra Phereponum ostenditur auctoritate Tertulliani, qui necessitatem Pedobaptismi agnovit: & in veteri Legi parvulis proselytis exhibitus Baptismus, & varia apud Judeos baptismatum genera. Sanctus Cyprianus Peccati originalis assertor perperam a Pherepono negatus.

CAP. III. Concupiscentia non bonum, sed malum homini. Quid Libidinis generale nomen interdum apud Augustinum sonet. Libido carnis, qualis nunc est, malum pœne, & non peccatum proprium est. Non venit ab institutione natura innocentis, sed peccati primi pœna fuit. Differt ab appetientia cibi & potus. Perniciose homini, ut is animal rationale est. Pudor nuditatis in statu naturæ innocentis locum non habuit, sed post Adami lapsum effluxit, & insitus nunc omnium naturæ. Fuisse & in terrestri Paradiſo voluptas carnis, sed non iniuncta aut infesta rationi. Nisi Adamus peccasset, neque libidini turbidae, neque aliis malis obnoxium foret genus humanum, Scriptura teste.

CAP. IV. Phereponus Pelagii patronus. Episcopi Catholicæ propter damnatum Pelagium perperam injustitiae accusati. Liberum arbitrium

trium regum a Pelagianis inflatum. De qua Gratia Dei disputavera^t inter Catholicos atque Pelagium. Post Augustinum non adoptata in Ecclesia Catholica Pelagiⁱ opiniones. Constatia quædam dura a Pelagianis & a Pherepono objecta, minime admissa in Augustiniana Sententia de Gratia & libero Arbitrio. Quam Gratiam negaret Pelagius. Africani Pater^s a Semipelagianismi nota liberati, & aequitas in eorum judicium contra Pelagium ac Cœlestium minime desiderata.

203

CAP. V. Que Gratia Dei negaretur a Pelagio, olim notissimum. Gratia Calviniana ac necessitans ubique a Pherepono perperam afficta Augustino & Patribus Carthaginensis. Apostoli loca varia ab iis Patribus recte adhibita contra impia Pelagiⁱ dogmata. Phereponi interpretationes variae, & accusations repelluntur. Evangelii nuda prædicatio, est quidem Gratia, sed non Gratia, de qua Sanctus Paulus & Patres Africani agebant.

211

CAP. VI. Orandi quidem Dei utilitas in hominibus, sed non necessitas, a Pelagio admissa. Alia Phereponi accusations confunduntur. Non omnia Dona Evangelica Pelagiⁱ confessus est. Gratia Dei, quem opponitur Legi in sacris Literis, non semper Evangelium merum significat, ut Phereponus & Hammondus putant, sed etiam beneficia Dei per Evangelium collata, & præseruit Fidem & Caritatem. Deum impossibilia non jubere, Augustini & Ecclesie Catholice sententia est. Pelagiani inimici Gratiae Dei.

217

CAP. VII. Voluntarium & Liberum Phereponus putat ab Augustini confusa. Quid sint Libertas essentialis, & Libertas accidentalis humani Arbitrii. Quid Necessitas essentialis, quid accidentalis, quid antecedens, quid consequens. Arbitrium hominum semper liberum ab antecedenti Necessitate, semper prædictum essentiali Libertate. In hac sententia semper fuit Sanctus Augustinus, uti ex multis ejus locis ostenditur. Nulla in Deo antecedens Necessitas, eique etiam tributa a quibusdam Libertas in amore sui atque virtutis. Præscientia futurorum in Deo non tollit Arbitrium homini liberum. Deus prævidet, libere homines peccatu^r. Idem in Deo sunt præteritum, præsens ac futurum; quare ejus Præscientia non ledit Arbitrii humani Libertatem.

224

CAP. VIII. Sanctus Augustinus quum deperditum in homine liberum Arbitrium ait, solum de Libertate accidentalⁱ & consequente ad bonum faciendum loquitur, neque essentiali seu antecedentem Necessita-

tem ad malum homini tribuit, sed accidentalem & consequentem. Quid sint haec Necessitates ac Libertates, ostenditur. Afferuntur & expli^cantur varia Augustini loca. De Libertate tantum accidentalⁱ ad bonum inter Catholicos & Pelagianos lis fuit. Potestas, non Libertas operandi boni in hominibus depe^rdita post peccatum Adami. Quia similitudo intercedat inter hominem factum in bello servum, & hominem peccato addictum. Arbitrium tunc liberum ad bonum, si liberetur a Deo. Correptio ac Oratione utiles ac necessariae in sententia quoque Augustini.

221

CAP. IX. Sententia de descensu Christi ad Inferos ad Fidem spectans a Pherepono improbata. Quid heic certo credendum, quid sit dubium. Psalmi xv. locus a Sancto Petro laudatus, Catholicon sententiam probat. Phereponus eum Psalmi locum absconde interpretatus. Davidis verba ad unum Christum referenda. Vox Hebraica Scehol Inferos etiam & loca Animarum post corporis mortem significat. Talem ejus esse sensum in Psalmo laudato vox Graeca Hades a Sancto Luca adhibita evincit. Alia argumenta in hanc rem. Sententia Hebreorum de Infernis animarum sedibus, & Scehol, eodem sensu ab Interpretore Syriaco usurpata.

239

CAP. X. Non Apostolica Fide, sed Apostolica Sede legendum in quodam Augustini loco. Phereponi somnia varia heic nobis obtrusa. Alia Auctoritas Veritatis, alia Jurisdictio- nis. Quid commune cum ceteris Ecclesiis Catholicis, quid supra ceteras habeat Romana Ecclesia. Eo in loco Augustinus a Pherepono minime intellectus. Episcoporum continuata successio in Cathedra Romana inter Notas vero Ecclesie computata ab Augustino aliasque veteris Patribus. Tertullianus ejusdem sententia fuit. Consensus & judicium Christiani Populi suum quoque robur habet in controversia de Religione.

248

CAP. XI. Miracula in Ecclesia Dei patrata, a Novatoribus & a Pherepono in dubium revocantur. Excessus prudenti Catolico fugiendi in iis credendis. Miracula quedam certissima fuere. Stratagemata & fucus in que appellantur a Pherepono, cuius Sophis- mata in hanc rem exploduntur. Augustinus mendacio infensissimus; & Phereponi calumnia contrarium insinuantis. Nulla im- postura nota, & omnia veritatis signa confluunt in miracula ab Ambroso narrata. Ceci Mediolanensis sanati ad Reliquias sanctorum Gervasi & Protasi Historia expeditur ab aereis Phereponi objectionibus. Am- brosius

brofus in ea narratione fide dignissimus. Demons ab obfis corporibus revera depulsi. Pherponus sacras Literas per latus oppugnat.

253

CAP. XII. Cultus religiosus Angelis ac beatis hominibus adhibitus, contra Pherponum defenditur. Superstitionis suspicio frustra hec a Pherpono injecta. Preces pro piis defunctis auctoritate Scripture sancte, Traditionisque nituntur. Non aliter sentit Sanctus Cyprianus, cui Tertullianus preuit. Votum sacre Virginitatis praestantis, quam Nuptie. Pherponi objectiones repelluntur. Apostoli apertum suffragium pro Dogmate isto.

260

CAP. XIII. Mendacium semper malum: ejus patrocinium a Pherpono suscepit, positis quibusdam circumstantiis; sed sine ulla valida ratione. Joci nonnulli e mendaciore familia excludendi. Pherponi calumnia diligentis, Patres tam rigide fuisse infensos mendacio, ut ipsi postea tutus mentirentur.

265

CAP. XIV. Critice Artis abusus non unus, & Pherpono potissimum familiaris. Quae de conversione sua ad Deum Augustinus narrat, superstitionis ac fraudis inique insimulantur ab eodem Cenfore. Depulsa ab Augustino inanis glorie quesita accusatio, a Pherpono in ipsum concinnata propter Libros Confessionum. Ejusdem Augustini Virtutes & Sanctitas variis Pherponi calumnias & sophismatis erexit. In Mallio Theodoro laudando an excesserit Augustinus. Sinceritas ejusdem vindicata ab objectionibus Pherponi. Non in controversia cum Sancto Hieronymo, non in cooptatione sua ad Episcopatum, non in declarando Heraclio successore suo, Augustinus peccavit.

268

CAP. XV. Nimius sui amor falso objectus a Pherpono Sancto Augustino, cuius conatus in Pelagium ejusque errores auxerunt ab amore unius Catholicæ Veritatis. Fictam an-

suetudo in clericos perpera afflictæ Catholicis Episcopis. Comprendendæ Hæreses vix orte, neque erroribus cœcedendus nimia lenitate aditus. Convicia & contumelie varie Pherponi in Sanctorum Augustinum. Quam hæc hominem Christianum & Criticum deceant. Quanto contemtu feratur ille in omnes Sanctos Patres.

278


CAP. XVI. In Sanctorum Patrum Libris distinguenda Scientia Dogmatum, Legumque moralium, ac pietatis, a Parergis, hoc est, a rebus ad Artes profanas spectantibus. In his nihil interest, an interdum defecerint, imperitiique deprebendantur. At in illa præcipua Scientia eximi fuere, ideoque veneratione ac laude digni. Allegorica sacrarum Literarum interpretationes non vituperanda apud sanctos Patres, & quando utiles illæ aut inutiles sint. Pherponi artes, ut Augustinum deprimat. Lumen a Cœlo rogandum, ut Veritas capiatur, errores evidentur. Hebraice Lingue peritia an & ubi necessaria Theologie cultoribus. Drusii & Grotii exempla Catholicæ Religionis veritatem confirmant.

283

CAP. XVII. An loquentibus de divinis rebus novas Voces adhibere liceat, ac licuerit. Necesse compulsi Ecclesiæ Patres tot questiones peccatarunt, ut ab Hæreticorum technis ac erroribus Catholicam Veritatem liberarent. Injusta criminatio Pherponi contra Augustinum tribuentem Monnicæ Matris quædam in Libris de Ordine. Idem Libri a Pherpono nullo jure contemni. Ad Ordinem politicum spectat in Urbibus tolerare meretrices, ne pejora mala subsequantur. A Fanatismo ac Enthusiasmo quam longe absuerit Augustinus. Quibusdam hominibus non necessarii Codices sacrae Scriptura. Sapientie Liber cur Salomonii adscriptus, & nihilominus Canonicus reputatus. Augustinus de Gotis agens in visitatione Urbis nihil dissimulavit. Alia Pherponi tela in Sanctorum Augustinum repulsa.

291

FINIS INDICIS CAPITUM.



Musick for
de Gen
moder

anc
line

17

5

197

22



ondo librario antico dei Gesuiti italiani
www.fondolibrarioantico.it